




~~448~~


XLIII. h.


7463.

Nicolas TRICAULT

622







cat 29 no 173

n° 93 Fila 08 - f. 6251

coll. complet (np)

M. Michael Biegenzer.



Cum Priuilegio Summi Pontificis, et Sac. Caesar. Maiest. ad decennium.

ad Biblioth. BB. Francisc. Hedings.

C 3772

CHRISTIANIS APUD JAPONENSES
TRIVMPHVS

TRIVMPTIS

THEM PERSECUTIONE EXORTA

ITEM PRESERVATION

ANNO M DC XI

XX-30 M. M. VINA SA 02V

AD. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340. 2341. 2342. 2343. 2344. 2345. 2346. 2347. 2348. 2349. 2350. 2351. 2352. 2353. 2354. 2355. 2356. 2357. 2358. 2359. 2360. 2361. 2362. 2363. 2364. 2365. 2366. 2367. 2368. 2369. 2370. 2371. 2372. 2373. 2374. 2375. 2376. 2377. 2378. 2379. 2380. 2381. 2382. 2383. 2384. 2385. 2386. 2387. 2388. 2389. 2390. 2391. 2392. 2393. 2394. 2395. 2396. 2397. 2398. 2399. 2400. 2401. 2402. 2403. 2404. 2405. 2406. 2407. 2408. 2409. 2410. 2411. 2412. 2413. 2414. 2415. 2416. 2417. 2418. 2419. 2420. 2421. 2422. 2423. 2424. 2425. 2426. 2427. 2428. 2429. 2430. 2431. 2432. 2433. 2434. 2435. 2436. 2437. 2438. 2439. 2440. 2441. 2442. 2443. 2444. 2445. 2446. 2447. 2448. 2449. 2450. 2451. 2452. 2453. 2454. 2455. 2456. 2457. 2458. 2459. 2460. 2461. 2462. 2463. 2464. 2465. 2466. 2467. 2468. 2469. 2470. 2471. 2472. 2473. 2474. 2475. 2476. 2477. 2478. 2479. 2480. 2481. 2482. 2483. 2484. 2485. 2486. 2487. 2488. 2489. 2490. 2491. 2492. 2493. 2494. 2495. 2496. 2497. 2498. 2499. 2500. 2501. 2502. 2503. 2504. 2505. 2506. 2507. 2508. 2509. 2510. 2511. 2512. 2513. 2514. 2515. 2516. 2517. 2518. 2519. 2520. 2521. 2522. 2523. 2524. 2525. 2526. 2527. 2528. 2529. 2530. 2531. 2532. 2533. 2534. 2535. 2536. 2537. 2538. 2539. 2540. 2541. 2542. 2543. 2544. 2545. 2546. 2547. 2548. 2549. 2550. 2551. 2552. 2553.

UNIVERSITY OF MARYLAND

ORDINANDVM ET MAXIMILIANVM

[illegible]

COM. PAL. R. HENRI M. T. 1750

PAID BY THE

ORIGINAL FILED IN 100-100000

51063363 44 4302 406 440

1870

1893

1890


12548

AVCTABIO ET CONIBVS

19

1874

1867-1868



W. B. Hall, D. D. 1840

SERENISSIMIS

VTRIVSQUE BAVARIÆ

DVCIBVS

GVILIELMO

Parenti

ET

MAXIMILIANO, FERDINANDO,

ALBERTO

FFF.

NICOLAVS TRIGAVTVS

Societatis IESV prosperitatem.



SERENISSIMI PRINCIPES,
incipitisanimi mei controuersiam
dirempturus, consilio vsus sum salu-
tari necne iudices vos arbitrosque
compello, singulorum singularia
in me Sinensemque Missionem, cuius mihi procu-
ratio demandata fuerat, merita suo iure grati ali-
quod animi monumentum à me intra dies paucos
Europam æternùm relicturo exigebant. non fui
soluendo, nec tamen bonis cedere placuit ingrata

† 2

fuga

DEDICATIO.

fuga mecum obliuionem exportando, consilium
sumpsi à necessitate, nolens eos ab inuicem separa-
re, quos beneficiorum similitudo coniunxerat, nec
sum veritus vt nominum multitudine ab omnibus
obruerem, dudum magnitudine à singulis oppressus;
neque enim me spes satisfaciendi ad soluendam in-
uitat, quod esset planè temerarium, neque ab ijs ex-
pectatur, quorum animi beneficiorumque magni-
tudo ab vno Deo rerum omnium largitore merce-
dem præstolatur. Quod igitur nunc ago, breui-
ter expediam, testatum enim volo Christiano orbi
vniuerso non tantum intra ætatis huius limites an-
gustos nimis tantæ largitati, sed toti quoad fieri po-
terit, posteritatis memoriæ, quàm pronis animis ad
Sinensem expeditionem Christianè promouen-
dam Serenissima Bauarorum Ducum familia ma-
gnitudinem suam inclinarit. non autem mihi vi-
deor superbè nimis de hoc opere meo sperare si po-
steritatis æternitatisque memoriam illi promiserò,
quæ enim sunt naturæ suæ firmitate sempiterna,
non indigent ad æternitatem artis nostræ condi-
mentis; neque enim sale silicem illines vt ætatem
ferat. Huius operis materia detracto eo, quem
ars eloquens circumuestire posset ornatu, innata
sua

DEDICATIO.

sua placebit nuditate, nihil igitur mihi arrogo, sed gratulor, quod materiae felicitas infelicitatem ingenij suppleat, ebúrque mihi sine colore nitidum, sine condimento æternum subministret, idque faciat, vt sine pudore possit nullo duce ad Magnatum colloquia Musæaque aspirare; nec ineptum videri debet expeditionis apud Sinas Christianæ Mœccenates Iaponensibus triumphis recreare, Iapones coloni sunt Sinarum, ac tametsi superiores armis videri velint, literarum tamen, religionisque principia non diffitentur se à Sinensi Continente in Insulas suas deriuasse, & si fortasse nondum satis aptum gratianimi monumentum appareat, pignus sit non munus, cuius fide Sinensia quæ deinde venerint, expectentur. A malo quippe debitore desperati stramen ac fœnum, vt in prouerbio est, accipiunt creditores, quod de fœtu intelligo, quæ lambentis parentis sui linguam tangit, non quæ seipso habet eam quam modò dixi dignitatem.

Sit hoc igitur Serenissime GVILHELME extremum abeuntis Trigautij (hoc enim tua patitur humanitas) vale, qui prout secum tuam cum muneribus pietatem exportat, ita tibi se totum deuouet, dedicatque & præsentem commentarium de-

DEDICATIO.

uotionis suæ testem, pignusque cum aliud non habeat, pro se relinquit, nec sperat ultra Serenitatem tuam nisi ubi est æterna Serenitas, intueri. Tu vero Serenissime MAXIMILIANE Parentis tui Atlantis Hercules in his lege, quàm non malè munificentiaæ tuæ opes operamq; collocaris, cuius ego munificentiaæ seriem texerem, nisi me prolixitas terret, tuâque modestia prohiberet. Sed hoc tamen tacere non possum, quod extrema mea in Germaniam excursionem ad superiora beneficia adiunxisti, cum enim officiosè præteritis gratias agerem, etiam futura detulisti, quasi nondum bene factis animi tui magnitudinem expleuisses, cui Deus Opt. Max. postquam speratum dederit incrementum, tum denique tua nobiscum Serenitas exultabit, tandemque aliquando constabit apud Sinas beneficii conscios Bauaricam familiam qua pietate Catholicam fidem in Germania conseruauit, eadem Christianam apud extremos Orientis populos propagasse. Fratri quoque similis fuisti, Serenissime FERDINANDE, neque te à communi familia tuæ piæque fidei propaganda conspiratione subduxisti, sed insigni quoque liberalitate aptissima ad eandem rem promouendam munera è Musæo tuo exemisti,

DEDICATIO.

sti, maxima cum pietate protestatus nihil esse tibi
ita charum quod non libens ad rem tantam pro-
mouendam prodigeres, tibi que subtraheres. Sed
neque tu, Serenissime ALBERTE, deesse voluisti,
quin communem voluntatem peculiari tua bene-
uolentia munificentia que complectereris, quibus
omnibus, cum nihil aliud sit, quod rependere pos-
sit nostra tenuitas, nisi duo quæ à nobis exegisti,
conabimur omnes id præstare, quod à nobis expe-
ctatur. Alterum ut frequentibus, quantum lo-
corum intervalla permiserint, rerum nostrarum
euenta, literis commendemus; alterum ut conti-
nuis apud Deum precibus, quod nostri est pecu-
liariter iustituti, Deum Opt. Max. exoremus, uti
Serenissimam familiam vestram sua manu tueatur,
quod ut faciat precor ac precabor, omniumque no-
mine labores nostros, quos Christianæ fidei causa
ingredimur, ad precum nostrarum tenuitatem iu-
uandam in auxilium euoco, vobisque, Serenissimi
Principes consacro dedicoque, Vlyssiponensi ex-
portu cum Socijs ad Sinas soluturus. Anno salu-
tis M DC XVIII. Mense April.

Candido Lectori S.



um autē biennium ē Sinensi regno in Europam redux
velut salutationis officium Christiana apud Sinas ex-
peditionis commentario peregissem, nunc alium tibi
commentarium de Christianis apud Iaponios trium-
phis valedicturus exhibeo: ac si priorem illum nauitas ex tua be-
uolentia commendauit, nihil dubito, alterum hunc planē in
omnibus admirabiliorem, renouata nostro saculo aurea nascentis
Ecclesia pietas non sine applausu euulgabit, prior enim ille expe-
ditionem ac spes potius futuras, quā frugem prateritam dedit.
hic tametsi videatur prateritos labores euertere, messis est tamen
ex multorum annorum labore collecta, Sanguis enim Martyrum
(ut est apud Tertullianum) est semen Christianorum. ad Chri-
stiana dein fidei apicem martyrio peruenisse, maturam procul
dubio segetem esse demonstrat.

Nuper edideram breuem de rebus Iaponensibus commen-
tarium, principio facto ab Anno M D C I X. toto triennio gesta
decurrentes nunc insequens quingennium exhibeo; atq; ita habes
à me si utrumq; legeris octennij totius res gestas nulla interrump-
tione sibi mutuo succedentes, quibus addam Deo fauente sequen-
tia ea celeritate quam temporum interualla permittunt.

Nobilissimam planē materiam affecutus voluissē ad eam
cohonestandam plus otij, plus laboris dare, sed continua per Eu-
ropam excursiones, & quotidiana negotia hunc & priorem par-
tum inconditiū effuderunt, possumq; tibi sanctē affirmare me
maluisse minis politē scribere, quā te res tantas ignorare, quā
si redolent lucernam, non ideo elaborata prodibunt, sed quia de-
tractis consueto sopori plerumq; suis horis dormitans saepe me-
cum hanc scriptionem lucerna concinnauit, sed non ideo fides illi
deerit, quia ex nostris annualibus decerpta omnia, duorum quoq;
Iaponia

Ad Lectorem.

Iaponia procuratorum, qui magnam partem omnium spectatores fuerunt, censuram prius subierunt, quam in tuas manus venirent. Cum enim Iaponiam nunquam attigerim, non nisi cura hac fidem exoluens, fidem à te ausus sum postulare, lege quaeso ac fructu, mirabiturq, ac dilatabitur cor tuum, cum videris quod nondum sit abbreviata manus Domini: & plerumq, paria leges ijs, quæ nobis antiquitas reliquit admiranda. Interim nos denuo maria sulcamus, ad stationem nostram redituri cum auxiliari Sociorum manu, qui ad Sineses Iaponensesq, expeditiones ac triumphos socijs annuentibus accurrunt, vel nova plantaturi, vel vetera exculturi, pro quorum labore minuendo fructuq, augendo Deum Opt. Max. comprecare. Vale ex portu Vlyssiponensi intra dies paucos Sinas meos repetiturus. Mense April. Die 5. Anno Salutis CIO IOC XVIII.



AVCTORITAS

R. P. PROVINCIALIS.

LIBROS quinque de Christianis apud Iapō-
nios triumphis P. NICOLAE TRIGAV-
TI Societ. nostræ, cum Auctario, à destinatis So-
ciet. nostræ Patribus lectos & approbatos, ego
CHRISTOPHORVS GRENZING Societ. IESV
per Superiorem Germaniam Præpositus Prouin-
cialis ex auctoritate R. P. N. G. MVTII VITEL-
LESII in lucem edi permitto, cui rei fidem manu
mea & signo Societatis appresso publicè facio.
Monachij XXI. Octobris MD. CC. XXII.

CHRISTOPHORVS GRENZING.

I N D E X

Capitum Totius Operis.

Liber Primus.

- Quæ Iaponensis Imperij facies sub hac tempora fuerit.
Cap. 1. pag. 1
- Quis Ecclesiæ Iaponensis status sub huius procellæ initia. Cap. 2. p. 3
- Duplici Crucis præfagio imminetia mala portenduntur.
Cap. 3. p. 7
- Remotiores totius mali causæ proponuntur. Cap. 4. p. 13
- Grauior propiorque huius tempestatis causa commemoratur.
Cap. 5. p. 16
- Exortæ contra Iaponensem ecclesiam tempestatis exordia.
Cap. 6. p. 21
- Primi è quatuordecim exilibus virtutes & constantia. Cap. 7. p. 24
- Duorum fratrum ex eodem numero ardor admirabilis. Cap. 8. p. 28
- In honorarias aulæ matronas inquiritur. Cap. 9. p. 31
- Arimensis exregulus in exilio capitis damnatur. Cap. 10. p. 36
- Arimensis dynasta neophytos persequi aggreditur. Cap. 11. p. 42
- Præclara coram triumviris nonnullorum confessio. Cap. 12. p. 45
- Neophytorum aliquot proscriptiones & constantia. Cap. 13. p. 48
- Arimensi ditione nostri expelluntur. Cap. 14. p. 52
- Post multa certamina Leo pro Christi fide fortis occumbit.
Cap. 15. p. 57
- Post sociorum discessum quid Arimæ contigerit. Cap. 16. p. 61
- Quo euentu per agrum Arimensem eadem procella sauiet.
Cap. 17. p. 65
- Ariensium neophytorum in fide constantia. Cap. 18. p. 70
- Michael ac Matthias in fidei causa fortes occumbunt. Cap. 19. p. 76
- Neophytorum in regno Figen pietas & constantia. Cap. 20. p. 80
- †† 2. Quid

I N D E X

Quid in cæteris eiusdem regni locis in fidei causa contigerit.	p. 84
Cap. 21.	
Pacatior aliquantorei Christianæ status in regno Chicujen.	p. 90
Cap. 22.	
Regna Chicungo, Bujen, Bungo, quid hoc rerum statu pepererint. Cap. 23.	p. 94
Neophytorum in regno Fingo pro Christi fide certamina.	p. 98
Cap. 24.	
Quid in partibus Cami hoc anno contigerit. Cap. 25.	p. 108
Bonauenturæ neophyto funes cadunt in præclaris. Cap. 26.	p. 112
Ozacæ Leo neophytus ab hero in fidei causa mactatur.	p. 116
Cap. 27.	

L I B E R S E C U N D U S.

Recrudescentis apud Arimenses mali causa. Cap. 1.	p. 119
Christiana apud Arimenses prælia seriò recrudescunt, Thomas & Matthias occumbunt. Cap. 2.	p. 122
Martha martyrum parens cum duobus neophytis in eadem Christi causa obtruncatur. Cap. 3.	p. 127
Arimensis Dynasta Franciscum & Matthæum fratres suos ex improviso mactari iubet. Cap. 4.	p. 131
Arimensis dynasta adhibito celebri sacrificulo frustra domesticos suos peruertere conatur. Cap. 5.	p. 136
Imperij hæres in sua regia Yendo cur sæuerit in Christianos.	p. 140
Cap. 6.	
Atrociter ibidem de Christianis inquitur. Cap. 7.	p. 143
E vinctis neophyti octo simul obtruncantur. Cap. 8.	p. 147
Postridie alij quatuordecim in eadem fidei causa plectuntur.	p. 150
Cap. 9.	
Christiana virago desertorem maritum Christo restituit.	p. 152
Cap. 10.	
Quatuor neophyti è priuata in publicam custodiam plectendi retruduntur. Cap. 11.	p. 156
Vltimi martyres quinque principis furorem plexis capitibus excipiunt. Cap. 12.	p. 158
	Ignis

C A P I T V M.

- Ignis supplicium ad terrendos Arimæ neophytos hortatore Sa-
phioye designatur. Cap. 13. p. 161
- Lapfi quatuor serid refipiscunt. Cap. 14. p. 165
- Octo Christi victimæ in fidei causa viuæ concremantur.
Cap. 15. p. 170
- In Arimensi agro Thomas in odium fidei ferro maçtatur.
Cap. 16. p. 176
- Quis reliqua Iaponia rei Christianæ status hoc anno fuerit.
Cap. 17. p. 178

L I B E R T E R T I V S.

- Quibus ex causis Imperator auctum furorem in Christianos reno-
uarit. Cap. 1. p. 183
- Miacum tristis nuncius & vnà primus procellæ turbo defertur.
Cap. 2. p. 187
- Miaci nostri nec non è reliquis Cami partibus remittuntur.
Cap. 3. p. 191
- Post nostrorum discessum quid Miaci contigerit. Cap. 4. p. 195
- Ozazæ non absimili à Christianis ardore certatur. Cap. 5. p. 200
- Fuximi & Sacaium suos quoque pugiles exhibet. Cap. 6. p. 204
- Quid circa neophytos, qui sibi constiterant sanxerit Imperator.
Cap. 7. p. 208
- Vt cæteri neophyti sese pro rescripto Imperatoris habuerint.
Cap. 8. p. 212
- Canazaua exulum turma Nangasaquim amandatur. Cap. 9. p. 217
- Quis Ecclesiæ status fuerit hoc tempore Firoximæ. Cap. 10. p. 222
- Bungensia prælia. Cap. 11. p. 226
- Apud Bungenses Michael & Linus viui, Maxentiæ truncum cada-
uer exurit. Cap. 12. p. 232
- Buiensis Ecclesiæ facies. Cap. 13. p. 236
- Facatæ in regno Chicujen Ioachimæ & Thomas post graua sup-
plicia obtruncantur. Cap. 14. p. 241
- Aquizuqui eodem in regno Matthias in ead. causa capite plecti-
tur. Cap. 15. p. 246

I N D E X

Nobilissimo martyrio Adam Aracaua in Insula Xiqui coronatur.	
Cap. 16.	p. 257
Quis Ariensium rerum status hoc anno fuerit. Cap. 17.	p. 259
De nostrorum domicilijs Nangasaquiensi Collegio attributis.	
Cap. 18.	p. 264
Nangasaquij ante exilium gesta. Cap. 19.	p. 268
Rei Christianæ administri Nangasaquio soluentes tota Iaponia exulare coguntur. Cap. 20.	p. 273.
Proscripti à Iaponia soluentes partim Philippinas Insulas, partim Amacau petunt. Cap. 21.	p. 278
Iustus Vcondonus intra dies quadraginta moritur. Cap. 22.	p. 282
Apud Moscouitas Nicolaus Iapon martyrij palmam inuenit.	
Cap. 23.	p. 288

LIBER QVARTVS.

Atrocissimæ contra neophytos Arimenses persecutionis initia.	
Cap. 1.	p. 293
Primus huius procellæ furor in portum Cuchinotzu defertur.	
Cap. 2.	p. 298
Arimæ in Christianos atrociter sæuiri cœptum. Cap. 3.	p. 301
Septendecim Arimæ neophyti martyrij palmam fortissimè consequuntur. Cap. 4.	p. 303
Alij tres ibidem superioribus adiunguntur. Cap. 5.	p. 312
Intermissam Cuchinotzu persecutionem Sasioye redintegrat.	
Cap. 6.	p. 318
De singulorum martyrum dictis ac factis. Cap. 7.	p. 327
In eadem materia pergitur. Cap. 8.	p. 335
Cæterorum facta dictaque concluduntur. Cap. 9.	p. 341
Alij quatuor ad martyrij lauream Nangasaquio accurrentes.	
Cap. 10.	p. 346
Alij quatuor supplicijs superstites longam mortem viuunt.	
Cap. 11.	p. 352
Quid Satzumana cohors ad ortum in Arimensi agro turbarit.	
Cap. 12.	p. 355
	Tertia

C A P I T V M.

Tertia cohors dum quatuor cruciaret, duobus vitam eripuit.

Cap. 13.

p. 359

Tempestas in Christianos exorta, ciuili bello se remittit.

Cap. 14.

p. 365

Quid reliqua Iaponia gestum fuerit. Cap. 15.

p. 369

Belli Ozacensis euentus. Cap. 16.

p. 372

Ozacæ altera obsidio, & mors Cubosamæ. Cap. 17.

p. 375

Caput 18.

p. 378

LIBER QVINTVS.

Proœmium.

p. 381

De Politico Iaponensis Imperij statu. Cap. 1.

p. 382

Ecclesiæ Iaponensis facies vniuersim. Cap. 2.

p. 389

De Societatis in Iaponia rebus vniuersè. Cap. 3.

p. 394

De Nangasackiensi Ecclesia. Cap. 4.

p. 397

In regno Figen Paulus Tarosque pro fide obtruncatur.

Cap. 5.

p. 399

Omuræ dynasta religiosos Europæos quatuor è singulis ordinibus singulos obtruncat. Cap. 6.

p. 403

Alij duo religiosi & cum ijs Leo alumnus noster in fidei causa ple-ctuntur. Cap. 7.

p. 413

Alij religiosi duo pluresque neophyti ibidem comprehenduntur, ex his duo occiduntur. Cap. 8.

p. 416

De Christianæ rei statu apud Arimenses. Cap. 9.

p. 419

In regno Fingo martyr vnus, cæteraque ibi gesta. Cap. 10.

p. 423

Quæ Christianæ rei facies in regnis Chicujen & Chicungo.

Cap. 11.

p. 428

Variorum certamina sed maximè Ludouici supplicia grauissima commemorantur. Cap. 12.

p. 433

In regno Chicungo Martinus Suguimoto Christi fidem sua morte colonestat. Cap. 13.

p. 441

De Bungenfibus ac Bugenfibus neophytis vt vnus martyrio.

Cap. 14.

p. 448

Alia nonnulla in iisdem regnis. Cap. 15.

p. 451

De

I N D E X C A P I T V L I

De Christi Ecclesia in regnis Chungocu. Cap. 16.	p. 455
Firoximæ Neophytus in crucem agitur. Cap. 17.	p. 460
Quid in Cami hoc rerum statu ageretur. Cap. 18.	p. 467
Illustre Martyrium Ioannis Neophyti in vrbe Fuximi. Cap. 19.	p. 471
Surungæ neophyti septem, graua supplicia tolerant. Cap. 20.	p. 475
Ex his Neophyti duo in tormentorum cruciatibus moriuntur. Cap. 21.	p. 480
Leprosi sex in Xegiri vico Surungæ contermino pro Christi fide obtruncantur. Cap. 22.	p. 486
Petrus & Simon Neophyti post leproforum mortem subneruan- tur. Cap. 23.	p. 498
De Simonis Neophyti martyrio in altera Regia, deque reliquis re- gnis Quanto. Cap. 24.	p. 492

A V C T A R I V M

Martyrium Iaponensium.	p. 326
------------------------	--------

I
D E
CHRISTIANIS
APVD IAPONIOS
TRIUMPHIS

Anno Domini cico idc xii.

LIBER PRIMVS.

QVÆ IAPONENSIS IMPE-
RII FACIES SVB HÆC
tempora fuerit.

C A P V T I.



PRESSAM dudum Iaponensis Im-
perij legitimam maiestatem cum tyranni armis
occuparint, Imperatorem eum appellabimus
qui Cæsarei iuris prouincias, quas Tenca vocant,
inuaserit. Hoc enim nomine ab Sinis accepto,
quam inde in Insulas (quæ à Solis principio Iapu-
en Sinis Iaponibus Gitpon vel Nitpon vocantur)

*Sinarum &
Iaponum
imperij ap-
pellatio.*

coloniam deduxere, imparem licet pari titulo nimis vtrique spe-
cioso cohonestarunt. Quod enim Sinis Thienhia, hoc Iaponijs Ten-
ca, quicquid sub cælo est, significat, iisdem characteribus expres-
sum dum scribitur, non eodem sono dum profertur.

Annos iam quatuordecim excluso Finde Taicosamæ filio, è
quatuor tutoribus vnus imperium ita obtinebat, vt rarò Iaponen-
sium Annalium exemplo in pace continua regionum illarum con-
sueti volubilitas sub Imperatore, qui Cubus vel Xogun voluit ap-
pellari, quadratam dici possit reperisse firmitatem: felix planè su-

*Quis & quo-
modo impe-
ratur, res.*

A

turus, nisi qui potuerat eam quæ sub cælo est Iaponensium Insularum monarchiam paci subijcere, impia in cælum, ipsum impietatis arma mouisset & magnas in barbaro Principe virtutes perfidiæ labefecisset. Verum bella illa in cælum velut sagittæ submissa in eius deinde caput, perturbata Imperij pace, reciderunt, prout huius tragædiæ principia cum extremis componentes aduertent.

Imperij sedes

Is igitur, quem neglectis ceteris eius nominibus Imperatorem appellabo iam ab annis aliquot Imperij sui sedem ab vrbe Miænsi in Surungæ regni metropolim Fuchu nomine, dierum ferè sex itinere transfulerat; ibique custodem ærarij sui arcem extruxerat non minus mole suâ visendam quam subita substructione mirabilem, quam credibilem facit ingens mortalium manus à Regulis ac dynastis non ad arma solùm, sed ad Imperatorias etiam moles Cæsareo iure submittenda.

In alio regno Musaxi vrbe regia Yendo vocant primogenitus à parente imperij hæres appellatus, & cum nepte Imperatoris Nabunangæ, quæ sorore est Taicosamæ vxoris & Findeffori Principis amita nobilissimis & ad retinendum Imperium aptissimis nuptijs illigatus regiam urbem sibi statuit Imperatoris filius & hæres, tri-duo toto à parente seiunctus in qua dynastarum omnium obsidibus imperium sibi stabilire conatur, & aliquam administrationis publicæ partem capeffens dum prope decrepiti parentis senectutem supplet annos iam natus omnino quadraginta, paulatim sese in eius locum magna illius voluntate, cui carus est, inducit, & morum similitudine sperat se nō parentis solum imperiū sed eandem quoque felicitatem affecuturum; nec minùs parem in Christianos atrocitatem Iaponensis in eo Ecclesia reformidat.

*Taicosama
filius impe-
rij cōpetitor.*

Verū Taicosamæ filius, hæreditatis paternæ iustus, vt sibi videtur cōpetitor, interim dū infidus tutor senescit, annis animisq; sub suæ parentis educatione adoleuit & arce sua tutus ac thesauro parentis terribilis multa molitur, nec impune credit extremum se tyranni diem præstolari. Qui nisi hunc filio suo metum viuens eripuerit, satis credibile est, quod pupillo rapuit eius filio periturum; nam plerique Iaponensium familiarum dynastæ vel Taicosamæ memoriam filio reseruantes vel tutoris perfidiam exosi, vel innata volubilitate

bilitate propensi creduntur facile ad Findeyori partes transaturi, tametsi, ut est astutus senex, uti noluit suæ tyrannidis initia pupilli sanguine fœdaturus Taicosamæ factionem acrius incitare, ita non creditur confirmata nunc tot annorum maiestate, hunc heredi suo, suæ stirpis hostem tanto periculo legaturus, & ut est rerum sine tumultu conficiendarum cupidus & peritus conatur bellicas illius vires exhausto ærario eneruare, nam anno, qui has in neophytos turbas proximè præcessit, euocatum tandem adduxit, ut egressus arce Miacum ad se veniret, ubi maximo apparatu excipiendum in magnos sumptus iuuenili fastu delusum studio coniecit, perfecitque, ut immortalitatem nominis sectatus fanum aggredereur Vrbi Miacensi suburbanum, in quo Daibut (grande simulacrum sonat) colendum exponeret, quod fanum à parente Taicosama olim incredibili sumptu extructum ignes absumpserant, quos filius (si famæ creditur) duorum triumue ut vocant millionum profusione putatur instauraturus. Cuius colossi monstriue ex ære inaurato magnitudo ita portentosa scribitur, ut ad illius pollicem constringendum palmus defuerit complectenti è nostris cuidam, à quo hoc ipsum accepi. Ut iam faciliè sit, ex eo pollice monstrum totum dimetiri.

Lusitanorum ex Amacaënsi Sinarum portu (ut propiora tangamus) ad hæc usque tempora commercium Imperatori gratum fecerat, quæstus ingens & Sinensium rerum importatio, quam per

Lusitanorum commercium cum Iaponijs.

suos ideo sperare non poterat, quod Iaponios natura vel exercitatione pugnaces, pacis æternæ cupidi Sinæ horreant, animisque magis quàm mari ab ijs disiungantur. Imperator igitur tametsi sanctissimæ legis nostræ odium intra stomachum iam diu coqueret, quam ab hoc ipso commercio magnam partem pendere non nesciebat; plus tamen in eo cupiditas quam religio poterat, nec Numinum suorum venerationem lucro, cui ferè omnia famulantur, præferbat. Cùm tamen ante annos aliquot orta Iaponios inter ac Lusitanos Amacaënsis Emporij ciues rixa non sine aliquot Iaponum cæde sedari potuisset, ea non satis fideliter ad Imperatorem in Iaponiam delata ira eius animum alienauit, ut Lusitanorum onerariam, quæ Amacao in Nangasaquiensem Iaponiæ portum de mo-

Hollandi Lusitanis commercium eripere conantur.

re appulerat, Arimensi Regulo diripiendam, quæ tamen inter prælium incendio absumpta est, commiserit, ipse verò à Batauis, qui tum primum eò fortè deuenerant, in alienam messem falcem, si possent, iniecturi, quæ à Lusitanis importabantur, postulauit; hi liberalius quàm possent Europæas merces ac Sinenses polliciti optato commercio potiri poterant, si quod liberaliter sponponderant, æquè fideliter exsoluissent. Verùm cum Iaponij à lacticiinijs abhorrentes eorum caseos neniàsque respuerent, ipsique ab Sinis nullo in portu admitterentur, nouo tamen negotiandi genere, piraticam in Sinas exercebant, dum ipsi ad insulas Philippinas sua deportarent, ut ea deinde mercimonia Iaponijs, quæ non emerant vili precio venditarent. Sed Philippinarum Insularum Gubernator erepta illis præda effecit, ut promissis exciderent & apud Iaponios, quæ apud ceteras gentes fide laborarent.

Lusitanis commercium restitutum.

Biennium totum Lusitanorum negotiatio stiterat, ne sponte redeuntibus commercium suum iniquis legibus restaurarent, quod sperabant æquissimis breui repetendum. Cùm enim Imperatorem à Batauis delusum facti poenituisse, missa ad Amacaenses à Societate nostra, legatione, quod omnes cupiebant facillè commercium impetràuit. Itaque nauigatio illa solitum cursum tenet: quem ne interromperet atrocissima in Neophytos indigenas procella, ab Europæis tamen illius vineæ cultoribus violentas continuit manus & cum suorum sanguinem funderet, externorum, qui suis auctores fuerant, proscriptione contentus fuit.

Hæreticorum in Iaponiam nauigatio neophytis periculosa.

Nec tamen reuocatis in antiqua commercia Lusitanis Baraui exclusi sunt, qui è Firandensi portu commercij sui statione bellium subinde apparatus ad suos in Malucas Insulas exportant potius quàm in Iaponiam promissas Imperatori merces important. Et quamuis errorum suorum venena neophytis adhuc propinare neglexerint, lucris suis acriter intenti, non omittunt tamen ubi possunt Euangelij cursum, qui Euangelici videri volunt, impedire, & impudentibus mendacijs illius propagatores in odium vocare, videri ut meritò possint malle Idololatriæ cultum, quàm Ecclesiæ Romanæ fidem propagari, nam ipsi de sua propaganda inter gentiles parum laborant. Verendum tamen est, si diutius ea nauigatio

tio tenuerit, fore vt neophytos suis fraudibus in errorem inducant, quod tamen antehac inter tot navigationes nusquam tentasse cognouimus. Nam tamen si omnia retro secula repetens hæresim nullam reperiesset quæ Christo gentem aliquam Apostolico instituto pepererit; in multis tamen iam Christiana luce perfusis suas ipsi tenebras obduxerunt.

QVIS ECCLESIAE IAPONENSIS STATUS

sub huius procella initia.

CAPUT II.

HÆc erat ferè Iaponensis imperij facies, si politicam illius administrationem spectaueris, fidei propagationi, quæ pacem amat, non inepta, ideo vix vlllo tempore post sexaginta retro annos, ex quo coli cœpit hoc nouale fertilius & culturæ fuerat accommodatius. Nam si eius amplitudinem spectes, vix erat vllus illarum Insularum angulus, quò non ipsa fides penetrasset, vbique neophyti numerabantur, nec satis certò numerus iniri poterat, posteaquam ita sese dispersisset. Regna integra iam eo propendebant, vt vnum Christum breui veneratura viderentur si diuturnior quies aspirasset, aut cultorum penuria paratam segetem nusquam fefellisset. Vnus Arimensis dynastæ ager multos iam annos habitatorem nullum nouerat idola venerantem. Omnis inde superstitio, omnis profana religio exulabat, solius religionis Christianæ vexilla Cruces assurgebant, nulli simulacro fanum, vni Deo templa consecrabantur. Oppidum Nangasaquense Arimæ simillimum videri poterat, vrbs Europæ Christianis insignita ornamentis. Vbique templa erigebantur, pietatis instituta, sacri cætus, Xenodochia, nosocomia, pauperum ægrorumque remedijs parabantur. Si sacri ieiuniorum dies recurrebant, multa ieiunatio, flagellatio, comploratio; si festiui dies incidebant, frequentia in templis quotannis seipsa frequentior, maior sacrorum rituum maiestas, apparatus, ornamenta. Orationi studebatur, etiam illi, quæ in horas quadraginta continuo cursu perdurat. Denique Iaponensis Ecclesia eam faciem induebat, vt non enasci primùm, sed iam in ætatis flore iuuenescere videretur.

*Arimensis
regni accola
omnes Christi-
ani.*

*Magni Ec-
clesiæ Iapo-
nensis pro-
gressus.*

*Iaponenses
ipsi Ecclesia
alios admi-
nistri fie-
bant.*

retur. Erat non infrequens Societatis nostræ gymnasium alum-
norum Iaponensium iam diu seminarium, è quo traduces plantæ in
Societatem nostram transferebantur, nonnulli etiam sacris Ordini-
bus initiabantur, & parochorum munera obire incipiebant; ij
omnes etiam ante religionis ingressum aut sacros ordines, Societa-
tis nostræ Sacerdotibus adiuncti Catechistarum officio fungebantur
eo fructu quem gentis solertia rebus suis ac nostris instructa
suoque sermone loquens promittebat. Neophytorum autem pri-
uatus erat in religionis exercitationibus ardor talis, vt Europæos
nostros æquare sæpe primitiuamque Ecclesiam iudicares. Hæc an-
nales nostri multis produnt, & quæ his commentarijs dicenda sunt
fortiùs etiam confirmabunt. Non enim potuit incredibile in re-
tinenda religione studium ab alio fonte quam ab ipsa religione ac-
curatè excolta proficisci. Numerus porro neophytorum etsi ali-
quando ad nonnulla centena millia excreuisse scribatur, hoc ta-
men ipso tempore quo furere cœpit Tyrannus non admodum tre-
centa adultorum millia creditur superasse, aliquot enim anni ob
peculiares in priuatis regnis procellas solito steriliores Christianum
gregem paulatim non parùm imminuebant.

*Societas Iesu
prima & diu
sola Ecclesia
Iaponensem
studiosè ex-
colit.*

Hanc vineam prima & diu sola excoluit annos iam ferè septua-
ginta nostra societas cuius alumnus S. Franciscus Xauerus lumen
illud Orientis primus ab orbe condito, quod constet, veri Numi-
nis cognitionem in eas Insulas induxit, cuius Socij exemplo inci-
tati semel inchoatum opus nunquam deseruerunt, & hoc ipso tem-
pore centum & viginti, pusillus grex ad frugum amplitudinem, hanc
vineam excolebant in triginta quinque Societatis nostræ domicilia
distributi, & magnam partem tota Iaponia sparsi, quo sese latius o-
peræ fructus laboresque diffunderent. Horum omnium continui
labores satis ex ipsa occupatione colliguntur, dum alij neophytos
fouent, alij Ethnicos sollicitant, omnes ad omnia collaborant.

*Ad eandem
alij religio-
rum Ordines
excolendam
aduenerunt.*

Ad hunc Societatis nostræ manipulum ante annos paucos ac-
cesserant ex alijs religionum Ordinum familijs auxiliares socij
nostri laboris æmuli, & coronæ candidati. Et hoc ipso tempore è
D. Augustini familia quatuor, è D. Dominici nouem, è D. Francisci
totidem cum laicis quinque numerabantur. Hi omnes in suas
quo-

quoque sedes distributi singuli pro viribus Spartam suam orna-
bant, sui que tenaces instituti non sermone magis quam exemplo
progressus faciebant. Quid his omnibus acciderit in communi Ec-
clesiæ illius procella narrabitur cum locus admonebit.

Huius Ecclesiæ Pastor è nostra Societate Lusitanus Ludoui-
cus à Gerqueira clauum tenebat, magna sapientiæ laude venerabi-
lis, nec gregi solùm suo charus sed ethnicis quoque dynastis acce-
ptus, à quibus vel literis vel internuncijs officiosè colebatur. Is ta-
met si sedem suam Nangasaquij in Lusitani commercij emporio
statuisset, excurrerebat tamen ad inspiciendum gregem suum quan-
tum tempora patiebantur aut necessitas exigebat. Tanti pastoris
vigilantia inter asperrima huius turbinis tempora gregi suo defuit.
Nam importunè sublatus è viuis, vt suo loco dicetur, sponsam su-
am in tantis locorum interuallis hodieque viduam dereliquit.

*Episcopus Ia-
ponensis hoc
tempore.*

Et quidem etsi à primis huius Ecclesiæ incunabulis nunquam
defuit, qui nascentem præfocare niteretur: nulla tamen alia tem-
pestas maior, nulla communior acrius latiusue omnes illius partes
vno tempore peruasit, quàm hæc ipsa, ad quam modò narrandam
accingimur, cuius atrocitate nolim ita percelli quemquam, vt arbi-
tretur ex ea tempestate illi Ecclesiæ naufragium imminere; non ali-
às vnquam sperari certiùs potuit magnos illius fore prouentus, qui
etiam alieno tempore pullulant, magnos affulgere breui splendo-
res, qui medijs in tenebris interlucent.

*Persecutio
hac in Chri-
stianos ma-
xima præ ve-
lignis omni-
bus fuit.*

DVPLICI CRVCIS PRÆSAGIO IMMINEN- tia mala portenduntur.

C A P V T III

Non rarò præteritis temporibus contigit, vt peculiari Dei be-
neficio rerum futurarum præfagia præirent, ne incauti præsen-
tib⁹ malis obruerentur, qui præmoniti futura præuidissent; id iam se-
cundo in Iaponia legimus euenisse, quoties à supremo illius Impera-
tore in Ecclesiâ procella defæuijt. Nā sub annū salutis nostræ nona-
gesimū ante quā Taicosama secūdo fureret, & Euāgelij præcones ite-
rū terris suis exterminari iussisset in Ariminensi agro, ab ill⁹ metro-
poli

*Crux alterius
persecutionis
1590. præ-
sagium.*

poli Arima leucis tribus ad pagum, cui nomen Obama, prodigiosa Crux intra truncum arboris apparuit Crucis imminentis in quam acti sunt aliquot & tyrannidis proximè venturæ prælagium. Ea multis clara miraculis hodieque asseruatur. Anno etiam qui hanc Ecclesiæ Iaponensis perturbationem proximè præcessit, aliæ duæ visæ sunt illius indices non obscuræ, quæ quoniam ad rem quam modò tractamus spectant, priore omissa, maximè quod illis non erit ab similis narratio, quomodo sese prodiderint edicamus.

Cori regio est, in Omuræ terris sita, longa leucam vnam, dimidiatam lata, pagos habet aliquot, è quibus vnum incolit colonus quidam Neophytus Fabianum vocant, is agrum habebat tritici feracem in pago Ixibaxiri, eo in agro arbor erat quædam, quam Iapones Caquinoqui, Lusitani ficulneam Iaponensem appellant, ex eo quod fructus habeat molles, qui etiam passi ad instar ficuum conseruantur; truncus tamen prædurus est, & multum à ficulnea nostra differt; biennium iam arbor infrugifera erat, eam Fabianus amputat, trunco ad domus columnam, ramis ad focum vsurus, truncus ad solem expositus annum integrum arescebat, tandem octauo Idus Decembris anno 1611. ascia truncum decolans ecce tibi aduertit in vno ex decussis fragmentis esse crucem atrii coloris expressam in trunco suapte natura candido. Eo conspecto filium accersit. Vide ait, Paule, sit ista crux necne. Crux est planè, ait, ac, prodigio similis. Attoniti ambo agere cæperunt quid ei facerent, filius parenti suggestit vt eam taciti asseruarent, non videri eo tempore commodum rem istam euulgare, futurum aliquando, vt eam securiùs proderent.

Hoc ipso tempore in ædes Fabiani aduenit Laurentius eius germanus, cuius etiam testimonio crux ea supra naturæ vires visa, eoque auctore quod indecens esse diceret, Crucem Fabianus honestiore loco asseruauit. Biduum crux ibi resedit priusquam euulgetur, sed tandem vxoris Pauli indicio proditur, postridie quippe Michaeli Neophyto Fabiani nurus secretò quidem sed tamen narrat crucem admirabilem in arboris fragmento repertam, ac simul eam exhibet. Et huic etiam visa est præter naturæ ordinem mirabiliter expressa, erat enim in intimo trunco omnibus suis partibus abso-

*Prodigium
euulgatur.*

abso-

absoluta, longa palmum vnum, brachijs vtrunque cum titulo Crucis superposito iusta symmetria distributis, crassities vbique sibi similis, ad quam effingendam ars humana nulla ratione poterat intimum truncum penetrare. Eam Michael ad pagi sui Neophytos deferendam petijt, sed non impetrauit. Abiens secretum muliebre Neophyto quem primum iuuenit, narrat, is tanta cupiditate visendæ Crucis exarsit, vt eam totam noctem insomnem propè traduxerit. Ergo cum primum illuxit in Fabiani domum aduolat, crucem vt vidit, stupuit, adorauit, & ad parentem suam agram ea lege deferendam impetrauit, vt mox restitueret. Hinc cum ea res vt fit, erupisset, ad Crucem visendam vniuersi Neophyti concurrere. Magnus fuit omnium stupor, magna veneratio, & quidem is, qui pagi princeps habebatur, tanta est admiratione defixus, vt affirmaret, tametsi aliud nihil in vniuersa lege Christiana reperiret, quod in ea veram esse salutem confirmaret, id tamen vnum videri sibi, esse ad persuadendum satis, maximè postquam neophyto ibidem quartana laboranti sanitatem restituit, aqua post huius ligni frustulum iniectum epota.

His auditis cœpit Fabianus quem repererat thesaurum preciosius æstimare, crucemque iam sibi suam reposcibat. Interim res ad vnum è nostris in Fudoïama sede quinque leucarum itinere commorantem defertur à neophytis asserentibus rem sacram apud Laicum hominem minus decenter asseruari. Aberat domo Sacerdos noster P. Alfonsus Lucena qui diu Omuræ rei præfuerat Christianæ, sed solus qui aderat frater noster accurrit, inuenitque iam Crucem Fabiano restitutam, & publicè vt ab omnibus coli posset, expositam. Voluit socius Crucem Sacerdoti nostro deferre, sed nullis precibus impetrauit, causabatur eam rem ita euulgatam, vt sine dubio ad dynastam breui esset peruentura; vereri se, si eam extra illius fines regulo inconsulto transmitteret, fore vt ab eo plecteretur, aliæque addebat multa, quæ sua homini pietas ad retinendam Crucem suam suggerebat. Ergo noster sine Cruce, sed non sine stupore, domum redijt. Triduum aliud crux ea tenuit in domo Fabiani tanto neophytorum concursu, vt pœne obrueretur, neque enim è Cori solùm & Omura, sed è conterminis quoque vicis

Ab vno è nostris videtur.

B

trium

trium quatuorue leucarum itinere concurrebant, omnium eadem erat admiratio, eadem in cruce colenda contentio, nec nulli Fabianum ipsum ad crucis ornatum Oriza, nummis, oleoque ad concinendam lucernam sponte donabant.

Dynaste soror Marina crucem accepit.

Concurſus iſte tenuit à Sabbatho in feriam tertiam, tum enim matutinis horis advenit à nobili matrona Marina Omurandoni dynaſtę ſorore, religioſaq; ſœmina & huius Eccleſiæ columna, nuncius ad Fabianum, vt eam Crucem extemplo ad ſe deferret; detulit eam Paulus, quod parens ætate prohiberetur. Non abeſt inde Omura leucam totam, tantus tamen fuit excitorum fama concurſus, quibus ex itinere ſatisfacere cogebatur, vt non niſi nocturnis horis aduenerit. Crucem nobilis matrona magno cultu excepit. & vna cum Neophytis qui plurimi adfuere venerata magnificè aſſeruauit. Ex Crucis veneratione truncus ipſe in precio haberi cœpit, maximè poſteaquam accepiſſent eo cōtrito dilutōq; plurimos tertianas aut quartanas excuſſiſſe. Vnde qui fruſtulū eius ſragmenti, in quo Crux erat, obtinere non potuerunt, ad ipſum truncum qui etiam tum humi jacebat refugerunt, quem ita conciderunt, vt exigua mora, qui adueniebant, ne truncū quidem inuenirent, qui ad radices conuerſi eas penitus extirparunt, vſq; adeo vt eò noſtri ſacerdotes duo cū exitinere diuertiffent optaſſentq; illius arboris fruſtulū, qui miſſus ad locū fuerat, ne radicum quidē fibras reperiri nunciari, tanta fuerat illorum neophytorum pietatis auditas. Nec mirum ita neophytos exarſiſſe, cum ipſi ethnici & inanum Deorum ſacrificuli, plus veritati quàm odio tribuentes, faterentur eam Crucem rem videri humana maiorem planeq; cœleſtem. Et ſubinde accidit res noua quæ admirationem auxit: nam cum viri primarij ædes à dæmone nocturnis ſpectris ita infeſtarentur, vt nullū in vlla re præſidium inueniret, eam crucem ſibi tradi exorauit. Noctem vnam Cruce poſitus eſt, nec vltra dæmones eas ædes infeſtarunt.

Creſcit crucis veneratione.

Longiūs deinde ſeſe Crucis fama ſenſim diffundebat, & iam in opidum Nangafaqui peruenerat, & quoniam ea crux pro miraculo vulgo habebatur & colebatur, ſuarum partium eſſe iudicauit Epiſcopus eam rem excutere ac rite ſtatueri an pro miraculo haberi poſſet & coli. Crux igitur ad eum delata eſt, aduenere teſtes ij, qui

qui nouerant, vnde prodijſſet, & quomodo ſeiſſam prodidijſſet. E reſtibus iuratis excuſſa res accuratè, deinde cum doctis ac pijs vi-
ris deliberatione habita ex præſcripto ſacroſancti Concilij Triden-
tini pronunciauit, eam crucem pro vero miraculo haberi colique
poſſe ac debere. Et quia vrbani quoque neophyti eius viſendæ
& colendæ deſiderio flagrabant, Antiftiti viſum eſt externo aliquo

*Episcopus
miraculum
examinat &
probat.*

apparatu prodigium cæleſte meritò proſequendum. Ergo ſolemni
ritu ſacris de Cruce vœtiuis operatum eſt, è ſuperiore loco ſermo
habitus frequenti cōcione, quo ſermone, quî prodijſſet, quibus ef-
fectis eam deinde Dominus admirabiliter cohoneſtaſſet cum fide
narrabatur; tû circa templi porticus ſupplicantiû pompa explicata,
qua in pompa Præpoſitus Prouincialis fragmentû illud admirabili
Cruce inſignitû, decentiq; ornatu compoſitû ſub conopœo geſta-
bat, ipſum conopœum vrbis primores deferebant, comitabatur E-
piſcopus & ſocij quotquot aderant omnes. Magna fuit concurren-
tium ad ſpectaculum multitudo, quibus vt ſatiſfieret totam eam
diem in ara geſtatoria ſpectanda Crux & colenda expoſita fuit.

Alia crux etiam Nangaſaqui reſerta in ſuburbanis noſtræ Socie-
tatis ædibus quas ab omnibus Sanctis appellant. Templum ibi pri-
mum eſt inter omnia, quæ in illo deinde opido plurima aſſurrexe-
runt, in illarum ædium interiore atrio Iaponenſis, vt ſuperior, ſicul-
nea viſebatur, è cuius trunco rami duo velut brachia protendeban-
tur. Iam biennium ramorum alter tres palmos craſſus nullos fru-
ctus dabat, & vitem proximam vmbra ſua infrugiſeram reddiderat,
ergo ramus ille ſuæ ac alienæ ſterilitatis reus amputatur, tres fere
menſes iacuit inglorius, donec ſexta quadam feria, altero die men-
ſis Martij anni 1612. famulus domeſticus lignis indigens ſecurim
arripuit & altero ictu tenue fragmentum exilit, digiti craſſitudine.
Findenti nec aduertenti famulo aderat ex alumnis vnus, qui eo in
trunco candido atram crucem conſpexit, ſed minus diſtinctam ad-
huc & expreſſam. Ergo inclamans famulum admonet, vt tanti-
ſper abſtineat, manum ictûmque ſuſpendat ipſe, ſi fragmentum arri-
pit in eoque crucem bipartitam videt, præcipua pars in craſſiore
trunco, altera in aduerſo fragmento videbatur, ſecuris enim Cru-
cem mediam in longum diffiderat.

*Alia crux
reperitur.*

*Qualis fu-
rit.*

Ad eius conspectum & alumni clamorem domestici omnes accurrunt, ac metu quodam sacroque horrore correpti vtrumque fragmentum in quo Cruces erant ad patrem deferunt rei ordinem enarrantes. Visa ea exultavit, & seriam sextam notans aduertit se quoque ipsa die Sacris de Domini passione votiuis litasse. Illius crucis hæc erat figura. In ipso trunco non planè interiore sed infra superficiem digiti latitudine visebatur. Et mirum videri poterat, vt eam Crucem tenuem & exilem, quanta fere est chartæ quater quinquiesue complicatæ crassities, securis inter findendum nihil læserit, sed eam ita diffiderit ac si compaginatæ tabulas dissoluisset, nulla neque in longum, neque in transversum laceratione. Eius longitudo erat quatuor fere digitorum transversorum brachia crucis & ipse titulus iustam habebant symmetriam, & omnium partium eadem erat crassities idem color, verum in titulo crucis nullus character videbatur.

*Quid porten-
derint.*

His omnibus rite perpensis nihil dubitavit noster esse prodigiò parem, idemque quotquot eam videre indicarunt. Idem quoque antistes re vt prius excussa pronunciauit, quoniam in hanc quoque eadem concurrebant quibus conficiebatur, eam Crucem naturæ artisque vires superare. Atque in hunc maximè modum duæ cruces admirabiliter hoc tempore prodierunt. prioreo in loco vbi annis superioribus ædes inuentæ Cruci sacra visebatur, altera in eade huius Ecclesiæ prima & antiquissima, vtraque in ficulnea eaque infrugifera vt maiorem pietatis fructum daret. Quid his prodigijs portenderetur, tum quidem ignorabatur, licet non dubijs indicijs timebatur, qui tamen hos de atroci huius Ecclesiæ calamitate commentarios legerit, nihil vt arbitror dubitabit, quin ista Crucis Christi demonstratio imminentem procellam & Christi Crucis imitationem præmonstrarit. Tum tamen orabant omnes vt in bonum monstra verterentur, quod vti esse solet Deo in bonum mala vertente, ita futurum confidimus, vt crux ipsa Martyrum sanguine irrigata ramos suos magno cum fructu extendat ac pro-
paget.

REMO.

REMOTIORES TOTIVS MALI

causa proponuntur.

CAPUT IV.

Non subita fuit huius ruinae vel inexpectata calamitas, cum enim iam ab ipso regnandi exordio propensissimus in simulacrorum cultum Imperator animum saepe suum prodidisset, minimè mirandum videri debet, si novis deinde conatibus aliquot *Ab initio Christiana fides aduersatur imperator.* impulsus in barathrum ruit, quo nemine impellente prius incubebat. Nam cum toto suo imperio, ac imperij tempore interdictum edicto publico esset nobilitati ne Christianis sacris nomen daret, facile apparebat eum vulgus reliquum non mitius tractaturum si se id consequi sperasset, hoc tamen assequi conabatur, ut vilis abiectaque religio passim haberetur, à qua nobilitas, permessa plebi, arceretur: quo suo edicto etsi nō id omne consequeretur quod maximè cupiebat, cum plus posset ipsa veritas ac salutis cura, quàm humanae apud multos rationes, id tamen efficiebat, ut impetu minore praeceps antea in Euangelium cursus laberetur.

Huius igitur mali causae plures nec eiusdem omnes rationis fuerunt, aliae remotiores Imperatoris animum sensim alienarunt, *Huius mali causa duplex.* aliae propiores ultimo impetu deturbarunt, illae ab regnandi libidine petita in suspensionem induxerunt, hae ab odio religionis conceptae prima saevientium tyrannorum tempora reuexerunt. Hoc loco prioris generis causas persequar, ac subinde posteriores, prout historiae series admonebit.

Tenera res est regnantium auctoritas, quae tangi se non sinit, sed tyrannorum suspicax est conditio, quae solis umbris territatur. Cum igitur occupata per nefas imperij maiestate, satis habeat intra viscera quod metuat Imperator, nihil mirum si externam potentiam multarum gentium domitricem sibi proximam reformidet. Non ignorabat Hispanos Reges deductis per tot maria classibus ortum & occasum victorijs suis tremefecisse, Indicos ubique portus *Prioris generis causa suspicio de Hispania.* ferè domitos in continentem etiam penetrasse, Molucas Insulas, Malacam arcem, Philippinas item Insulas occupatas, quae postremae Italaponiae imminet, ut nauigantium oculis videri ac manibus

prope tangi posse videantur, imperuia quippe prioribus seculis maria huic nostro ita patuerunt ac paruerunt, vt nationes olim inter se vix ipsa fama cognita, iam sibi mutuo contigua frequentis commercio dici possint.

*Nauarchus
Hispanus im-
prudens cau-
sa huius su-
spicionis.*

Has suspicionum vmbras quas Lusitanicus in oriente ipso splendor excitauit, ab Insulis Philippinis Hispani dum alia cogitant imprudentes condensarunt. Nondum extincta memoria erat oneraria cuiusdam quæ Taicosamæ præcessoris tempore ad Iaponiæ littora in regno Tosa perierat, cum è Philippinis in Hispaniam nouam cursum de more dirigens ad nauigare. Cum enim ad diripiendas naufragij reliquias iussu Imperatoris è primaria nobilitate quidam accurrisset, Yemondono dicebatur, inter colloquendum in hydrographicam Nauarchi tabulam incidit, in qua ostendi sibi petijt quos in Indijs portus quæ regna obtinerent. Attonitus imperij magnitudine, ecquibus ait artibus ab Europa ipsa tot potuistis regna occupare, quibus viribus potestis nunc tueri? Nauarchus de rebus suis magis quàm de futura suspicione sollicitus, vt raptori metum incuteret, respondit Hispanos cum vniuerso terrarum orbe nauigationibus suis penetrato commercia miscere, si commerciorum fides seruaretur, nihil moliri, si ius gentium violaretur, vltiores iniuriarum hæc omnia occupasse; hoc enim tum agebat Nauarchus vt bene haberetur. Ad hæc institit alter; in hunc igitur finem præmittitis legis vestræ propagatores, vt similitudine religionis illectos ad res vestras habeatis comparatos? planè, inquit Nauarchus, qui vt metum augeret, calumniam est commentus. Et quoniam Gentilium animi è suis ceteros metientes adduci non possunt, vt credant, reperiri hodie mortales ea in externos bonitate præditos, vt ad eorum salutem procurandam non dubitent nullo fructu tot labores, nulla spe tot pericula suscipere; procliue fuit alteri credere quod ipse, qui, vt verum esset, silere debuerat, sponte fatebatur. Quod malè audiuit, peius etiam vt fieri solet retulit, effecitque vt ab Imperatore tum, & à multis hodieque crederetur Christianæ fidei propagatores, Hispanicæ Monarchiæ prodromos aduenire. Licet enim Iapones ab insita animi superbia nationes exterarum despiciere potius quàm timere ostendant, visa tamen tanta Christiano-
rum

rum concordia & in suscepta religione constantia, vt pro eius defensione fortunas omnes vitamque suam facile contemnant, haud parùm metuunt, ne si maiori numero sint, vires animòsque coniungant, & Hispanorum auxilio aliquid contra regnum moliantur. Nec defunt in sectis suis huius rei innumera exempla eorum, qui sub specie falsa religionis suae monarchiae saepe quietem perturbant, idque passim ab Hispanis in India factitatum esse habent persuasum, idemque in Iaponiam meditari. Nec ea res vnquam huic Imperatori eripi ex animo ita potuit, vt non recentiore casu non ab simili denuo pullularit.

Ex Hispania noua venerat in Iaponiam Hispanus quidam oneraria vectus non maxima, is nauigandi studio portus aliquot vicinos bolide explorat, vt sciret ecquae statio tuta nauibus, quas ingentes venti eo saepe deferunt perituras, occurreret. Eares publicè bonaeque fide facta à Nauarcho & à Iaponijs absque suspitione conspecta permissa que est. Aderant tum in Regia Hollandi aliquot ex antiquiore naufragio iam Iaponensis linguae vtcunque periti & inter eos nauarchus eorum Anglus natione, qui iam aliquot annorum mora magnatibus notus erat. Hi omnes eo quod in Hispanos odio secum vehunt perciti, & in Catholicam religionem maleuolentia incitati & Hispanos & Euangelij pracones apud ipsum Imperatorem in inuidiam vocare potuerunt, docebant enim hanc explorandi portus alienos rationem pro hostili haberi apud Europaeos. Hispanos gentem esse vagam, imperij cupidam & alienorum regnorum domitricem, quasi verò temperantiores essent Hollandi qui legitimū regis sui jugum excutientes non iustis bellis sed piratica infestatione in gentes omnes nullo delectu grassantur. Addebant, Religiosos illos impostores mentitę pietatis fucò regna perturbare & Hispanis noua regna querentibus viam parare, prout iam alijs in locis abundè praestiterat. Quam ob rem affirmabant in Europa ipsa regnis pelli ab ijs principibus qui acutius eos explorantes artes huiusmodi deprehenderat. Ita se apud suos, ita alios factitasse. A deo haeretici suum in Religiosos viros odiū in extremos orbis fines deportant. Quibus apud Europaeos ea fides habetur, quae rebellibus & haereticis haberi debet. Ethnici, qui hęc nesciunt, in fraudē inducti plura etiam

Hollandi

Hollandi Religiosos apud Imperatorem calumniantur.

etiam quam dicebantur crediderunt. Et Imperator, qui hæc audierat, continere se non potuit, quin paullo ante huius persecutionis initium palam diceret. Si reges in Europa principesque suis illos regnis & prouincijs exterminant, quid est cur iniurius in illos videar, si eos eiecero aduenas qui à suis non feruntur. Quibus sermonibus incitatus Imperij hæres, voluit extemplo de Neophytis inquirere, eosque ab regia vna cum suis pastoribus ablegare, arbitratus se hac in re parenti obsecuturum; fecissetque, nisi ex Iaponiæ moderatoribus vnus natura pacatior eum à præueniendo in re tanti momenti parente deterruisset, ne parentem docere velle videretur, & pro gratia offensionem reportaret. Exinde igitur quoties de religione coram Imperatore sermo inciderat, non deerant æmuli qui flammis oleum adderent, & ipse non raro maleuolentiæ suæ indices parum beneuola verba laxabat.

Non parum etiam alienauit Imperatoris animum illa, quam initio attigi, Amacaensis Iaponum cum Lusitanis rixa in qua cum aliquot periissent, & in his Arimensi regulo quidam in paucis carus, qui rixæ superfuerant Lusitanorum causam exasperantes, suam eleuantes effecerunt vt ab Imperatore, Arimensi dynastæ vindicta demandaretur, qua præfecti mortem & onerariæ deprædationem exigebat, verum cum resistantibus acriter Lusitanis Iaponum strages opinione maior edita fuisset, & oneraria, quæ fortuitum incendium initio corripuerat, iniecto in extrema præfecti desperatione in puluerẽ tormentarium igne cum maiori oppugnantium clade tota dissilisset, vindicta ipsa prope maioris offensionis quam rixa causam dedit. Quæ cum omnia fierent à Christianis, facile deinde in legem ipsam inuidia facti apud hominem simulacris addictum vertebatur. Sed hæc omnes remotiorem malo causam attulerunt, nunc eam quæ initium proxima tumultui dedit commemoremus.

GRAVIOR PROPIORQUE HVIVS TEM-
pestatis causa commemoratur.

C A P V T V.

Proxima causa inchoanda persecutionis.

TAmetsi non defuerunt huius tyrannidis augendæ, producendæque temporis lapsu causæ vel prætextus, qui suo loco non omit-

omittentur, hæc tamen quæ nunc tractatur proximam materiam tyranno iam sensim ac dudum comparato tyrannidis obtulit inchoandæ. Ex duorum neophytorum culpâ ipsi religioni sanctissimæ inuidiam immeritò sanè comparante arripitur occasio. Tanti refert integritatem vitæ vnâ cum sanctissimis legibus copulare.

Ioannes Arimensis dynasta ille ipse qui olim Protasius vocabatur, etsi jam diu in Christi militiam adscriptus, & eius strenuus toto Arimensi agro propagator, non bene domitis tamen animi perturbationibus, cum paulatim vita licentior declinare cœpisset, post admissam Imperatoris proneptem in pellicē filij potius quàm coniugem, quippe qui prius Ecclesiasticis ritibus legitimo, quod per nefas reiecit coniugio esset illigatus, post onerariam non sine omnium offensione oppugnatam, cum jam sibi videretur his officijs Imperatorem sibi demeruisse, vt erat animo ad magna procliui, nec facile partis contentus in fortuna conquiesceret, nurûs fauore fretus ad altiora cœpit aspirare. Magnam regni proximi Figen portionem maiores ipsius ante possederant, eam sibi recuperandam suscepit.

Agebat in aula Neophytus quidam Paulus Daifachi nomine Conzuquedono (quo nemo erat Imperatori carior) multum familiaris & Ioanni iam dudum notus. Is aptus visus est, qui, quod optabat, heri fauore & largitionibus obtineret. Paulus erat astutus & cupidus, vt esse solet eiusmodi harpyiarum Reipub. genus, & occasionem non negligendam lætus arripuit, & promissis largus Arimensis reguli liberalitatem inuitauit. Multa igitur accipit, quæ distribuat, sibi vni omnia seruaturus. Protracta res est in annum & eo amplius cum interim Paulus nouis quotidie largitionibus, Ioannes sola spe lactaretur. Denique cum sola spes finire emunctos iam oculos siccaret, fingit Paulus ab Imperatore quæ promiserat impetrata, & vt efficacius falleret ipsius diplomatis exemplar, quod prototypo carebat, mittit ad Ioannem, diploma ipsum cui nescio quid sigillorum adhuc deerat, breui destinaturus. Quis non in fraudem induceretur? Ioannes euentu lætus omnia iam tuta credens nullam fraudem suspicabatur, donec ipsa mora, diuturnum Pauli silentium, largitionum nouarum postulatio suspicionem

*Ioannis Arimendone
mores.*

*Daifachi
Paulus Ioannem fallit.*

euocauit. Cum nihil certi per literas ageretur, ipse ad Paulum ipsum ire statuit, vel negocium praesentia sua confecturus, vel fraudem detecturus. Et quia fauorem in aula sibi praeter ceteris aulico conciliare oportet. Imperatoris proneptem vna cum filio secum, eorum quae texebantur nescius abducebat.

*Ioannes in
regiam
vadit.*

Michael enim filius regnandi cupiditate vitio paterno per se ipse laborans & pellicis suae hortationibus impulsus, de excludendo parente interim dum noua regna meditatur, secreta dudum cum pellice consilia miscuerat. Querebantur Iaponiae morem a parente suo damno negligi (solent enim cum iam inclinata aetas parentes filijs sua dominia tradere, ac se ipsos in exigua illorum parte contrahere) iam sibi annorum satis, parenti nimis ad imperandum, indignum esse proneptem imperatoris post nuptias priuatam degere. Ad haec timebat ne fortunas suas cum filijs quos ex secunda vxore iusta susceperat, partiretur, vnde parentem inter ac filium, pellice vbi poterat omnia turbante, iurgia grauiora nuper intercesserant, ac licet externis beneuolentiae signis, quod Iapones exacte possunt, simulas omnis tegetetur, in filio tamen iam alia machinante manebat alta mente repositum, quod parentis in animo iam amor extinxerat. Cum igitur in aulam euntem viderent, consiliorum suorum tempus aduenisse crediderunt.

*Michael pra-
mittitur in
regiam.*

Iam ventum erat in Fuximi dierum sex itinere a regia, ibi consilio inter se inito parenti suadent uti subsistat, praetiturum cum vxore filium qui negotij statum exploret ac moneat, ipsi enim rem suam absente parente tentare tutius arbitrabantur, ipse rem parum nitidam exponere multorum censurae non nisi coactus statuerat. Ita proditus parens filium dimittit, eique dat in mandatis uti Paulum vrgeat, eumque si tergiuersetur, minetur se ad Conzuquedonum delaturum vel proditae fidei, vel dilatae. Michael qui piscari statuerat in perturbato negotiorum parentis stagno, impigre facit omnia & plus etiam aliquanto quam iubebatur. Cum interim pellex apud imperatorem & in palatio multa de Arimensi dynasta quereretur, ab eo se parum coli, priuatam viuere, nihil sibi prodesse quod illius sit proneptis quem ille vereri debuerat.

Pau-

Paulus igitur perfrictè constans quæ hætenus scripserat intrepidè confirmat, sed cum adhuc moras neceret, ad herum rem Michael totam defert, quid à parente in mandatis habeat exponit, ille rei nouitate attonitus & fœditate offensus timens, ne & ipse in eare suspectus haberetur, rem totam defert ad Imperatorem, quo iubente Paulus in vincula conijcitur. Ioannes in regiam ad dicendam causam euocatur. Non defuit interim utrique tempus ad omnia ociosè miscenda, filius enim cum pellice & præcipuè Nangasaquensis Gubernator Sasoie totius tragediæ incentor multa in Ioannem siue vera siue falsa acriter criminantur. Nominatur huius causæ, quæ atrox visa est Iudex senatus regius, cuius sententia re discussa Paulus impostor, Ioannes alienorum malis artibus affectator declaratur, pœna utrique debita ad imperatorem reijcitur, qui toti Iaponiæ in Paulo statuens exemplum viuum lentis ignibus exurendum vna cum vxore addicit, Ioannem regno suo abdicat & proscribit. Vxor tamen Pauli interpellationibus vitam ea lege impetrat, vt mariti supplicio intersit, eoque spectaculo in marito inedia moriatur. Is igitur vili iumento insidens per celebriores vrbis regiæ vicos contumeliosè circumducitur, præeunte reum cubitalibus literis in tabula quæ gestabatur causa simul & pœna. Ergo Aprilis 21. qui dies incidit in sabbatum sanctum 1612. in publico reorum loco alligatur ad palum, & circumstructo ad tres fere passus igne torretur, quo in supplicio tum ille tum vxor præsentis semper animo, ita se gesserant, vt ille scelerum suorum pœnitens moreretur, illa maritum officij sui moribundum efficaciter admoneret.

Ioannes autem cum exilij sententiam ipso die quo Christi Domini mortem atrata lugebat Ecclesia, recepisset, ipso paschalis festiuitatis die relegatur vnà cum vxore, nec plures quam famulos ad omnia officia quinque supra triginta secum ducere permittitur. Ibat militum cohorte stipatus in exilij locum Yamura, regni Cai, quod est Surungano conterminum, à regia non plus triduo ad Aquilonem in pede montis Fugi altissimi & tota Iaponia poëtarum versibus cantatissimi. Ibat igitur

*Daisachi
exuritur. Io-
annes pro-
scribitur.*

*Ioannes in
exilium
pergit.*

humanas res alijs iam oculis intuens, & diuinorum in se iudiciorum in vitæ cursu retro lapso seriem admiratus agnoscebat se pœnas suis peccatis debitas tandem luere, pròque neglectis Christianæ pietatis officijs in eum ipsum diem exilij sui primordia incidisse, quem Christiani latissimum habent, vt illi Christiana læta festaque celebritas iusto Dei iudicio in luctum verteretur. Rogabat etiam, vt quoniam ipsius captiuitas exilijq; sententia in eum ipsum diem inciderat, quem ad peccati vincula dissoluenda, & inferni captiuitatem liberandam mortalesque ab exilio in patriam reuocandos elegerat, vt illius inquam meritis & virtute peccata prioris vitæ delerentur, vtque hoc illi exilium in pœnam cederet delictorum. Magna vis est aduersæ fortunæ ad mentis oculos aperiendos, si animo non impotenti excipiat. Sed Ioannem tantisper humanis rebus exutum, sibi relinquamus, donec breui morituum reuifamus.

Ioannis prouincias Imperator Michaeli filio ac pronepti tradidit ea lege vt ille Christi fidem abdicaret, & suos omnes cogeret pariter abdicare, quam ad rem illum Sasioie tradit Christianæ religionis hosti acerrimo & Nangasaquensis portus Gubernatori, vt i eum in omnibus sed maximè in extinguenda religione consultorem ac moderatorem agnosceret. Quibus omnibus assensit miser regnandi cupiditate magis quàm quod esset à Christi sacris alienus. Vnde defectorem Christiano posthac nomine non dignabor, cum abdicato Christo simulacrorum sectam, Iondoxu vocant, quam Imperator ipse profiteretur, suscepit. Is quas deinde turbas excitauit, & vt regnum hac ipsa qua conseruare nitebatur ratione perdidit, historiarum series enarrabit.

Multis iam antè annis Arimandono per suos suaserat Imperator, vt omnino sui causa christianæ religioni renunciaret, indignum esse dicens tanto natalium splendore seruili externæ legis ingo colum submittere: sed cum constantem se semper ille in tuenda Christi fide præberet, nihilque omni suo molimine actum videret. Imperator inuitus cessit aliquando, dicens, se illius causa Patribus religionique parcere quam vtique nullo modo approbaret. Hæc igitur leui occasione oblata erupit ex eius visceribus ira & furor in Christi.

Christi Domini legem, & qui longè maiora flagitia in suis posset
 fugillare, horum verò duorum Ioannis inquam & Pauli culpam in
 ipsam religionem retorquens in eam velut doli magistram & alie- *Ex hoc even-*
 norum affectatricem, est impotentissimè debacchatus; nec de- *tu Imperator*
 erant, qui vel eodem religionis odio, vel adulandi studio ignes igni- *occasionem*
 bus adderent, & quæ dicebat omnia comprobarent. Mirum enim *persecutionis*
 est quam apud Iaponios Christianorum vita offendat, si cum inte- *arripit.*
 gritate legis non conspirarit, cum Ethnicorum atrociora delicta
 vix aduertantur.

EXORTÆ CONTRA IAPONENSEM EC-
 clesiam tempestatis exordia.

CAP. VI.

EXulcerato in hunc maximè modum Imperatoris animo dæ-
 mon totius auctor tragædiæ sibi non defuit, sed nihil ultra cun-
 ctandum ratus, id quod per suos ministros disposuerat est ag-
 gressus. Et ne dubitaretur cuius maximè fraudibus ea faba cude-
 retur; subinde res accidit admirabilis. His enim ipsis temporibus
 energumenus quidam à neophyto interrogatus vnde & quorsum
 veniret, dæmon respondit, se ex Angliā venire vbi multos annos *Dæmonis re-*
 Catholicis torquendis præfuerat, eo consilio, vt Iapones doceat, *sponsus ex*
 quis in torquendis Christianis modus debeat observari. Ac tamen *energumeno.*
 si parum habeat auctoritatis auctor falsitatis, nonnunquam tamen
 vel inuitus obsequitur veritati. Quod ita nunc esse, tum multa,
 tum Angli nauarchi opera in hoc opus egregie collocata confirmat.

Hoc igitur doctore aggreditur suos ciues tyrannus nihil mi-
 nus in jis reperturus quam Anglicus furor semper experitur firmi-
 tatis, quæ hoc mirabilior est, quòd Iaponiæ tirones, Angliæ vetera-
 nos pugiles in religionis arenam exponat. Imperator itaque ab au-
 la sua initium sumens, vt exemplo suo ceteros dynastas in eundem
 furorem concitaret, inquiri iubet ecquis è familia sua contra edicta
 sua quibus hac secta nobilitati interdicebatur, Christi sacra susce- *Christiani*
 pisset, ecquis auderet suscepta profiteri. Delati sunt quatuor de- *14. Impera-*
 cim, quorum aliqui erant è prima nobilitate, tametsi plures omnino *toris aulici*
 numerarentur. Hos omnes interrogari iubet, qua fronte ausi es- *Christum in-*
 sent *trepide confi-*
sententur.

sent edictis suis repugnare. Omnium fuit vna, si rem spectes responsio in hanc fere sententiam. Vnum esse cœli ac rerum omnium moderatorem, cuius leges ac scita, qui terræ imperant, violare non possunt, sed neque illius legem vlla in re Cæsareis commodis obsequiōue aduersari, in quibus non tantum non erant hac lege suscepta defecturi, sed cum ea obligari se nouo vinculo vt Imperatori suo fidem arctius obseruarent; qua ex re si quid incurrissent pœnæ, nullâ refugere, ne ipsam quidem mortē ad animi vitā conseruandā.

*Omnes in-
bentur exu-
ti bonis ex-
ulare.*

Ea responsio sanè libera, & Christiano nomine digna non placuit Imperatorem, sed furem incitauit; ergo renunciari iubet omnes quidem legibus suis obnoxios mortis pœnam incurrisse, sed adductis in obsequio suo ad rationes laboribus vitam vnicam impetrasse, cetera perdidisse, nam proscriptione perpetua patriam, fortunāsque omnes, & spes futuras rapiebat. Ac ne fortè mitiorem alibi fortunam inuenirent, tota Iaponia grauibz pœnis interdicat, ne quis Satraparum aut ceterorum, quatuordecim familiares suos à se proscriptos exciperet, aut rebus ad uitam necessarijs sustineret. Ita tyranni dum maximè diuturna morte sæuiunt clementes etiam videri volunt.

*Exulum con-
stantia & a-
lacrimitas.*

Hanc sententiæ atrocitatem Christi pugiles ita tulerunt, vt vnam sibi vitam quam Christi causa exponerent superesse quererentur. Multa de singulis dicenda essent, si singula persequi esset animus. Verum vt hoc semel dicam, ne simillimarum rerum sæpius iterata narratio lectorem offendat, plurima omittuntur, ita tamen vt è singulis illustriora quæq; seligentes, fastidium cum desiderio commutemus. Et in hoc quidem facto duo proxima capita totidē nobis horū athletarum facinora proponunt, vt ex ijs reliqua colligamus.

Ibat igitur primus huius pugnæ manipulus vnà cum filiis & coniugibus, quò eos cæsus ferebat potius quàm consilium, ita lætus & alacer, ac si deesset nihil, timendum nihil superesset. Vt enim nihil iuuat vniuersa lucrari, animæ verò suæ facere detrimentum; ita qui ea seruata cetera perdidit, nihil se arbitretur amisisse.

Huius porro belli prima præludia Imperatoris affeclas affecuta mox vulgato malo in Christianum vulgus eruperunt. Nam vicorum præfecti (quales apud Iaponios esse solent) vt Imperatoris gratiam

tiam aucuparentur propria auctoritate, vti nemo incolendas ædes Christiano daret edixerunt. Vexari cœperunt inquilini, vti cederent, quas incolebant, ædibus, aut quod erant, esse desinerent, cum vtrumque à neophytis æque negaretur, testantibus, se fidem nulli, ædes Imperatori soli cessuros. Causa ad vrbis gubernatorem delatâ, cum neophyti sibi constarent, res metu alicuius perturbationis Imperatoris iniussu procuratæ, sedata est.

Neophytorum e plebe constantia.

Verum sedatus non est neophytorum ardor, qui cum huius certaminis primos insultus viderent, non temerè maiores ominati, acriter se ad futuros comparabant. Nunquam aliàs ita patuit, quam altas in animum radices egisset suscepta religio, nam Patris domicilium frequentari, Sacramentis animum vegetare, colloquijs mutuo se incitare, sacris orationibus interesse, ita fuit per eos dies perpetuum, vtijs in quos huius rei cura recumbebat, magna esset laboris ac solatij concertatio; nec vllus modus iniri potuit ad hunc impetum ideo nonnihil compescendum, ne Imperator se etiam putaret irritari, qui sibi nolebat repugnari. Nec is ardor intra vrbanos muros continebatur. Magnus erat è vicinis pagis in ædem sacram concursus, ne obeundi martyrij occasio, quæ in manibus erat, cui piam laboretur. Magnus est sanè diuinæ gratiæ impetus, si quem impulserit minimè renitentem. Sed hæc initia vix dum tepent, quæ deinde legentur ea sunt vt stuporem iniicere possint, Dei laudē provocare debeant, labores tot annorum in hac excolenda vinea probe collocatis haberi debere persuadeant.

Neophytorum seruos.

Hanc porro animorum incitationem non ipsi solum neophyti in seipsis mirabantur, sed ethnici quoq; suo calculo comprobantes affirmabant in Christiana lege nescio quid supra naturam repetiri, cuius vi quæ tantopere natura horret, alacriter tolerarentur ab illius cultoribus, aut expeterentur. Eò naturæ lumen, conspecto supra naturam gratiæ splendore, sese audacter ingerebat. Iuerat forte id temporis neophytus quidam nobilis Miacensis dynastam nescio quem visitaturus in regno Mino. Primis sermonibus ita hospitem. Satrapes compellauit. Semper ego quidem hucusque legis vestræ scita iuraque suspexi, sed post spectatum quatuordecim pugilum cum Imperatore certamen, multū mihi, ad antiquā existi-

Gentilium admiratio.

existimationis accreuit. Profectò si humano dumtaxat pede factum metiamur, habeo quod in ijs gloriæ decus inuideam, honoris equidè semen sparserunt, eius fructū sedato hoc turbine collecturi.

*Quadringen-
ti varijs in lo-
cis proscri-
buntur.*

Non in solo imperatore stetit primus hic perfidiæ contra fidem impetus, sed eius exemplo per moti ex prætoribus non pauci de familiaribus suis inquirentes non paucos vbique proscripserunt, æquè spoliatos fortunis suis & censu, quem stipendij loco ab ijs colligebant. Inter quos etsi nonnulli vrgentibus parum fortiter cessere, plerique tamen pari cum superioribus alacritate omnia Christi, cuius sacra susceperant, causâ profudere: numerus hoc primo insultu proscriptorum ad quadringentos in varijs locis scribitur excreuisse, triste vbique spectaculum cum tot repente à diuitijs ac delicijs in extremam inopiam angustiasque redigebantur; sed alacritas, quâ hæc omnia patiebantur magnam inspectantibus doloris partem detergebat, maximè quòd neophytorum ingeniosa comiseratio, tyrannorum sæuitiâ in miseris subleuandis superauit.

*Preces ad De-
um hoc tem-
pore instituta.*

Hos primos huius procellæ imbres illius Ecclesiæ pastores, & maximè societas nostra, cuius in eo regno præcæteris est maxima multitudo, ita excepit, vt videret non facillè humanis vijs restitui posse quod exarserat in cendium. Itaque ad diuina, quæ sola supererant, recurrerunt. Episcopi ac Præpositi auctoritate, multa in eam rem sacrificia, ieiunia, voluntariæ corporis afflictationes, horarum quadraginta continuæ preces, supplicantium pompæ, magna omnia religione peragebantur, vt placatus dominus Ecclesiæ suæ pacem restitueret, aut pugiles in fidei agone confirmaret. Quod alterum iam impetratum videmus, alterum impetrandum aliquando speramus: quod interim dum consequimur, constantia nos huius Ecclesiæ triumphisque inter quotidiana prælia partis recreemus ac solemur.

PRIMI E QUATVORDECIM EXVLIBVS

virtutes & constantia.

CAPVT VII.

Primus ex aulicorum Imperatoris numero, qui spes humanas exutus in melioris domini aulam fortuna meliore confugit, Didac-

Didacus Gonnoio vocabatur. Is annos natus quatuor supra viginti ab annis sex non amplius in Christiana militia meruerat, nobilis in primis, & qui clientelarum sibi deuinctos obsequio non paucos numerabat. quin etiam à nonnullis Imperatoris filius putabatur, ex quo Christi sacra suscepit ita vixisse scribitur ab ijs qui hominem pernouerant, vt ab interioris animi purissima integritate Angelus, externa corporis compositione Religiosus potius quàm aulicus videretur. Tanta erat virtutis opinione, vt qui deinceps meliora, ipsum se Didacum fore promitteret. Ipse ethnici vitam inter aulicos tumultus ac delicias talem sine prodigio transigi non posse affirmabant. Tantus erat in eo transmittendæ in alios quam ipse agnouerat veritatis ardor, vt cùm è famulis & clientibus tres duntaxat ante ipsum Christi sacra suscepissent, ipse intra breue tempus trecentos numerarit, & nouis quotidie artibus id agebat, vt nemo extra Christi gregem è suis periclitaretur. Quod magis mirum est in iuvene aulicis negotijs impedito. In pago è suis quodam, ædem sacram non minimam erexerat, ibidem thesaurum sub Deiparæ patrocinio coegerat, cuius hoc erat institutum ethnicos ad audiendas de doctrina Christiana quæ à nostris habebantur prælectiones inuitare, ipse quoque primus & in primis domesticum nobis occultum (propter imperatoris legem) in vrbe regia coliato in fundum sumptu procurauit, eiusque munificentia potissimum rei Christianæ Pater vnus cum alijs administris alebantur, vxorem, fratres ac sorores, vniuersamque familiam (si solam parentem exceperis) Christo adiunxerat. His virtutum exercitationibus occupatum procella præsens non imparatum excepit. Aberat tum fortè à regia triduo fere in regno Micaua; verùm primis rumoribus excitus ad spes futuras dimissis quæ tractabat omnibus aduolauit, & omissis quas habebat ædibus ad nos diuertit, in hæc lætus verba prorumpens, Iam tandem aliquando aduenit hora tot à me votis expetita, eamque noctem insomnem diuinis de martyrio colloquijs illustrauit, horis matutinis peccatis expiatus sacro pane se refecit, his armis tutior in arenam proditurus. Verum cum adhuc eo tempore res Arimensis dynastæ cum Daifachi penderent, auctoribus nostris ad sua redijt, parendi magis studio quàm propria voluntate discedens, habebat

*Didaci Gir-
tutos.*

*Accurrit ad
spem marty-
rij.*

bebat tamen ex neophytis aliquot, qui se quamprimum de omnibus admonerent.

Reuersus ad suos Didacus, Sodalitium cogit in æde sacra, quam nuper extruxerat, cereisque in ara dispositis, quos ritibus Ecclesiasticis nuper consecratos asseruabat, ipse ad omnes de re præsentiperorauit, eo ardore quem spirabat. Denique cum hæc Micauæ ageret, de eo quoque in aula tractabatur, nam cum absens in numero quatuordecim pugilum meritò primas obtinuisset, absens quoque simili cum cæteris proscriptionis pœna damnatus est; Ea denunciatio duos in eius animo motus excitauit admirabiles, alterum lætitiæ, pro eo quod Christi causa dimittebat, alterum mœroris pro eo quod illi vita remanebat; quæ vna de causa malè collocatos in imperatoris obsequio labores arbitrabatur, quorum intuitu vita illi pro beneficio concessa dicebatur, hos etiam animi sui motus coniugi, fratribus, sororibus, ipsi etiam ethnicæ parentirenunciauit, quæ in furorem versa contumelijs affectum delirare aiebat, quod non solum sibi ipse suam perniciem volens ac prudens procurasset, sed quod etiam de hoc ipso lætaretur. Noua Didaco ex contumelijs lætitiæ seges, sed & mœroris ex parentis cœcitate. Ergo extemplo fortunis cedens vna cum coniuge & bima filiola in proximum pagum extra fines suos gaudio subsultans emigravit. Ex eo pago literas scripsit ad varios è quibus binas exscribam totidem verbis absque fuco, vt constet ea quæ superius dicta sunt, aut in posterum de alijs dicentur, nihil à verborum lenocinijs, sed ab vna veritate habere quicquid habent ornamentum.

Epistola Didaci.

Ita igitur ad P. Hieronymum de Angelis scripsit, qui rem Surungæ Christianam procurabat. Pater mi, à quo sum in Baptismo Christo regeneratus, & à quo fidei luce illustratus, inueni certam ad salutem viam.

Non parum admiror diuinas in me miserationes, quod cum sim peccatorum maximus non dubitauerit me diuina maiestas hoc insigni beneficio afficere, vt in numerum quatuordecim pro sua sancta fide proscriptorum adsciscerer. O mi Pater, quantum est mihi istud beneficium, quod tandem aliquando liberum me vide-

am

am ab aulicis peccandi laqueis, in quos in aula me continua cum ethnicis nobilibus tractatio conijciebat! Nunc ego me felicem existimo, quod liber sim Deo meo. Prius Imperatori Iaponiæ & simul Imperatori cœli obsequi contendebam, nunc verò humanis obsequiis expeditus totum me ad diuina conuertam, hoc beneficium ego sanè pluris æstimo, quàm quicquid ab Imperatore poteram aliquando sperare. Vna res me angit, quod me mea peccata ab exponenda vita exturbauerunt, in eius causa, qui suam pro me in cruce dereliquit. Veram de illius bonitate spero fore, ut qui votum dedit, illud expleat, si hoc ad maiorem ipsius gloriam est futurum. Tertiæ Lunæ decimoquinto.

Didacus.

Ad nostros autem qui Miaci agebant alias scripsit in hæc verba. Ex Daifachi negotio factum est ut Imperator in domesticos suos Christianos inquiri iuberet, ego ex proscriptis vnus fui, sed indignus martyrio quod optabam, nihilominus lætum sum ob labores qui mihi nunc obuenerunt, hinc breui discedam, ut ex alia epistola, quam mitto, constabit. Ita mihi mea fors arridet, ut totus sim in gratijs Deo referendis, quod nihil mihi superfit, quod à mundo sperem. Hoc erat quod semper optaueram, & quod nunc pro insigni Dei beneficio reputo. Desunt mihi verba, quæ lætitiæ meam explicent. Gaudio cor meum exilit cum occurret, quod Orizæ sacci sexies mille, quos in annuo censu numerabam mihi hodie à domino meo cum regno cœlorum commutantur, Sit ille benedictus. Iam mihi mundus videtur esse puluis ac stercus.

*Alia cinsf-
dem.*

Cætera cum nos breui viderimus tertiæ Lunæ decimoquinto.

Didacus.

Scripsit etiam ad reliquos certaminis sui socios, nec non ad neophytos qui Surungæ degebant, hortatrices literas ut in fide persisterent, & omnes huius procellæ fluctus ut maximi futuri essent exciperent intrepidi, tum extremum vale suauissimis verbis, precibus eorum postulatis, dicebat.

Sed omitti non debet, quid illi cum fratre contigerit. Is natus minor annos natus viginti in fidei causa similem fortunarum

*Fortatur
fratrem ne se
subducatur la-
boribus.*

suarum facturam in lucro reposuerat, & quia id temporis nauigium è portu in Hispaniam nouam soluebat, eo nauigaturus sese comparabat, quod cum rescisset Didacus omnino illi auctor fuit ne id faceret, hoc est, inquit, venari laudes humanas ultra maria, pro ea iactura quam in religionis causa fecisti, hoc est auxilia humana ab aliquò lucello quærere. Satiùs erit in Iaponia forti animo penuriam, labores, extremam necessitatem, quæ nobis imminet, tolerare, hoc enim patrimonium Dominus electis suis legauit. Quibus consilijs animosus iuuenis fratrem imitatus acquieuit.

*DVORVM FRATRVM EX EODEM NVME-
ro ardor admirabilis.*

CAPVT VIII.

ADmirabilior mihi videtur duorum fratrum ardor, qui cum inter inquirendum neglecti fuissent, excludi ab eo numero nulla ratione voluerunt. Duo fratres Imperatoris aulici Christi fidem biennio ante complexi fuerant, eorum alter Ioachim annos natus supra viginti, alter Bartholomæus decimum septimum attigerat. Hi dum inquireretur, quod abessent neglecti sunt, quod cum adhuc nescirent, sed de Imperatoris in Christianos ira solum inaudissent extemplo accurrerunt, ut ibi victoriam præstolarentur, ubi prælij pondus futurum credebatur. Et quia putabant ab ædibus nostris inchoandum, ab ijs seiungi noluerunt, sed iterum sacramentis muniti dum primum sua nomina in proscribendorum serie neglecta deprehenderunt, ita perculsi sunt, ut continuis lachrymis madidi nullum admitterent solatium, nec cessere nostrorum consilijs vrgentium, ut ad sua negotia redirent, ad futuros victoriæ si ad prælium vocarentur. Verum assiduo gemitu & suspirijs hæc ipsa verba sæpius iterasse scribuntur: Eheu nostra nos scelera Surunga eduxerunt, & à serie Christi seruorum excluderunt, vnde vel Martyrij coronam vel certam proscriptionem eramus adepturi, quantum perdidimus! quantum lucrari poteramus. Et quoniam sub noctem exclusos se fuisse audierant, magnam eius partē reiecta omni quiete, suam sortem continuis lachrymis deplorarunt, ea dicentes, quæ non sine animi sensu audiebantur, à quo serio procedebant.

Die

Die in sequenti matutinis horis in palatium se conferunt, & præfectum cuius curæ suberant conueniunt, diuino quem spirabant igne succensi. Cum de Christianis aulicis inquireretur, in-
 quunt, ideò quod magno nostro infortunio abessemus neglecti fuimus, etiam atque etiam te rogamus præfecte, vt per te nostra nomina cum ceteris ad Imperatorem deferantur, quem nolumus nescire nos esse Christianos. Præfectus his sermonibus turbatus amicè illos rogat vt sileant quod maximi referret, se pro amicitia secreti fidem seruaturum. Habitis propensæ in se voluntati gratijs, vrgent ne sileat, sibi enim certum esse ad Imperatorem ipsum adire suam religionem vt aperirent, pro ea si res tulerit morituri; simul dicturos ideo se venire quod præfectus id ipsum rogatus renunciare recusat. Ea denunciatione magis, etiam perturbatur, quod iam cum alieno periculo proprium videt coniunctum. Et cum diu frustra illos ab eiusmodi cogitatione deterreret, ne sibi periculum ex silentio accerferet, rogatus eum adit, cui maximè hæc de Christianis inquisitio fuerat ab Imperatore demandata.

Nomina sua cum ceteris adscribi rogant.

Is audita re tota eodem momento iuniorem accersit, ratus in eo minus fore firmitatis, cuius deinde exemplo poterat alter à proposito deturbari. Vocatus igitur tum demum animum composuit, & aulam ingressus inuenit eum qui vocauerat nobilibus stipatum supra octoginta. Quis non adolescentis vice metuat, vnum id ætatis, inter tot, à fratre separatum, in vitæ mortisue negotio perturbatum iri? Sed cum steteritis ante reges & præfides nolite cogitare quomodo aut quid respondeatis, dabitur enim vobis in illa hora quod loquamini, non enim vos estis qui loquimini, sed spiritus patris vestri qui loquitur in vobis. Qui hoc non vidit implementum, quæ sequuntur attentè legat, vt vim gratiæ præsentis & fidei victricis aduertat.

*Vocatur in-
sor à iudice.*

Iudex igitur ita eum compellat. Christianus es tu? Bartholomæus elata voce & clara in magno ceterorum silentio, Sum, inquit, & semper ero diuina gratia aspirante. Ex quo tempore, ait Iudex. Iam fere biennium est, respondet, ex quo Christi domini nostri fidem suscepi, qui cælo terræque imperat, & est verus vnicusque seruator. Vide, inquit iudex, præcipi tibi ab Imperatore, vt legem

*Admirabilis
adolescentis
responsio.*

istam abdicēs, quod si feceris, vti faciendum tibi intelligis, ipse te fortunis & honoribus auctum cumulabit. Ego (inquit Bartholomæus supra ætatem responsa sua erigens) accuratè perspexi, extra legem Christi filij Dei salutem nullam reperiri, hanc legem profiteor, hanc in medio cordis mei conseruo, nec ego vinens ab ea discedam, quia æterna homini salus pluris esse debet, quam vita; neque me potest Imperator vlla re cohonestare, si ego me perfidiæ in Deum scelere scædauero. Quicunque sanctam Dei legem seruant honorabiles sunt, quia sunt filij veritatis, principum verò terræ decora & ornamenta non ea sunt vt contumeliam Deo exhibitam possint occultando cohonestare. Hæc dicebat adolescens ceteris silentio & stupore defixis, itaque cùm nemine interpellante non nihil substitisset, hæc addidit vocem intendens. Audiat cælum, audiat terra, audiant quotquot hic adstant quæ dicam, & sint mihi testes confessionis meæ. Malo hoc ipso momento viuus ardere, membratim concidi, aut quodlibet aliud vt horribile sit tormentum subire, quàm in minimo deficere à lege sancta Dei mei.

Hæc eo animi impetu dixit, vt nemo non stupuerit, & iudex præ ceteris, facile enim constitit hanc firmitatem non esse huius ætaturæ, sed aliquid intus aspirasse diuini. Ergo iudex nihil ultra Bartholomæum interpellans, Ioachimum fratrem accersit. Ingressus fratrem videt circumfusa nobilitate stipatum, in aula media iudici adstare, ac tametsi quid dixisset ignoraret penitus, ex ipsa tamen vultus alacritate animi latebras introspectit, & propius ad fratrem accedens futuro prælio se accingebat. Verum iudex mutato consilio, ne bis coram tot testibus vinceretur, omnes dimisit; ipse verò nec tentata vltius eorum firmitate, imo nec interpellato Ioachimo, rem ad Imperatorem retulit, cuius iussu ad ceteros duodecim adiuncti numerum quem dixi athletarum quatuordecim expleuerunt, & eadem proscriptione damnati hoc suo ardore omnibus admirabili absentiam suam compensarunt. Qua sententia ita recreati sunt, vt animis compositis lacrymæ, suspiria, gemitusque cessarint; nam à iudice triumphum reportantes, cùm ad nostros domum rediissent, in hæc verba

ba proruperunt, In æde sacra manibus in cælum elatis Domino gratulantes, Nunc domine, nunc serui tui sumus electi ac dilecti, tua sancta lex nos seruat, tua sancta lex nos honorat &c.

Non eadem fuit vnus è delatorum numero defectoris constantia, nam cum initia certaminis pari cum ceteris animo sustinisset, turpiter tandem à Christo defecit. Is Casioie vocabatur, Imperatori gratus in paucis, & arcis cuiusdam præfectus magna rei militaris apud omnes opinione. Is duobus ante hos tumultus mensibus vnà cum primogenito & aliquot famulis salutaribus aquis expiatus Christo nomen dederat, sed pari sententia damnatus propinquorum hortationibus & iacturæ sensu adductus est, vt à Christo recederet. Eares à propinquis ad gubernatores inquisitoresque delata, & ab ijs ad Imperatorem. Quid expectas? quod illi? gratiam Imperatoris, nouos honores, aut proscriptorum pro munere fortunas? alia omnia consecutus est, nam quod Imperator in alios non fecit, in hunc vnum debacchatur, abiecti animi virum & pusilli appellat, quem fortunarum sensus ab eo quod rectum semel iudicauerat elegeratque, auertisset. Ita miser honore simul ac fortunis excidens, nec sperata obtinuit, nec ante possessa retinuit. Cuius vt est excusabilis lapsus ab recenti legis tirocinio, ita miserranda conditio, cum hodie hominum oculos fugiat, qui poterat cum socijs de tyranno triumphare.

*Deficit vnus
à fide.*

Gratia Imperatoris & bonis nihilominus excidit.

IN HONORARIAS AVLÆ MATRONAS INQUIRITUR.

CAPUT IX.

Non satis fuit ab aulicis suis ac pueris honorarijs turpiter in fidei causa superari, nisi etiam à fragiliore sexu ac ætate turpius vinceretur. Proscriptis igitur vt scripsimus huius certaminis primipilus in honorarias aulæ suæ matronas inquiri iubet. Delatæ sunt statim tres nobiliores vel
san-

*Trium ma-
tronarum
constantia.*

sanguine vel officijs, in quas nisi resipiscerent seuerius iussit animaduerti. Iuliam, Luciam, & Claram. Ergo vt primo impetu metum conciperent, in cubiculum tres simul recluduntur, Eo primariæ tyranni pellices aliæque nobiles matronæ aliæ post alias conuenerunt & pro se quæque rationibus ab ira regia, ab ætatis flore, à diuitijs ac sperandis honoribus, à tormentorum metu petitis conantur fortissimas matronas de proposito deturbare. Sed illæ viragines ignea nequissimi tela clypeo fidei retuderunt ita fortiter, vt amissa spe defectionis tota res ad Imperatorem denuo deferri debuerit.

Ille quam debuerat in fragili sexu admirari constantiam, eò tulit impotentius, quo faciliori prælio vinci turpius videbatur. Nihilominus dissimulato cum duabus furore, vnam in Iuliam congerit vniuersum. Erat Iulia Coreana natione, belli sub Taicosama Coriani militaris præda, quæ ab Augustino illius belli duce domi à teneris annis liberalius habita propter eximia virtutis ac naturæ dona, extincto Augustino ad Daifusamam transierat non minus illi grata quam Augustino, vnde cum ipse Iaponiæ imperium occupasset, ab eo in præcipuis aulæ matronis fortuna sua fortunatior habebatur. Et quoniam apud Augustinum educata Christi fidem altè imbiberat, eam ad hæc vsque tempora vna cum Christianæ pietatis laude conseruauerat. Imperator igitur, Minus, inquit, molestè fero Luciam & Claram sibi constare, verum Iuliam captiuitatis suæ inmemorem ac beneficiorum quæ apud Iaponiæ Imperatorem ingrata repererat, iussis meis repugnare, ferenda non est contumacia. Socias itaque nunc quidem liberas suis locis restituant, sed Iuliam iterato aggrediantur iubet.

Nobiliiores igitur matronæ aliquot ad Iuliam adeunt, monent, nihil vltra cunctandum post formidabilem iram illius à quo tot beneficia inuita sua fortuna recepisset. Ad hæc ita Iulia respondit, nam in his hortatorum aries librabatur. Negare se non posse quin Imperatori plurimis maximisque beneficijs esset obnoxia, quibus conata fuisset ante hæc semper, & etiamnum cuperet omni obsequiorum genere respondere. Verum esse alium cæli terræque moderatorem à quo plura recepisset; nam præter ea, quæ sunt illi

cum

cum ceteris communia: Agnosco, inquit, in mea captiuitate diuinam manum cuius fauore factum est, vt Augustini beneficio de medio nationis prauæ educta verum Deum & vnicam ad salutem viam reperirem, quo scelere me astringerem, si clementis domini beneficia proijcerem, & quæ à mortali principe accepi diuinis ac immortalibus anteferrem? Urgebant nihilominus vt ore saltem Imperatori obsecundaret, cor suum Deo suo qui corda inspicit reseruaret, negauit se illi quicquam detracturam, à quo nihil non accepisset. Hoc responso in furias versæ hortatrices, Iuliam barbaram, seruam, ingratam, sine sanguine ignobilem, rusticam alijsque nominibus contumeliosè compellant. Sed Iulia contumelijs impatientiæ cumulum congestis silentio suo primam tenuit firmitatē.

Quæ venerant hortatrices eum furorem secum extulerunt, vt calumniatrices esse maluerint, quàm tantæ virtutis in suo sexu laudatrices. Constituunt enim apud Imperatorem illius integritatem in dubium vocare, deferentes clam extra palatij septa nonnumquam excessisse. De hac re secundum iura inquiri iubet Imperator, constituitque illam non alias egressam, quàm vt in ædem sacram non sine pudicitia suæ testibus rei diuinæ causa se conferret. Nota item eius probitas virtutum omnium exemplar ipsam omnium calculo calumnia liberabat. Vnde quod maximè voluerant mali artifices, vt alio quàm religionis prætextu infami morte damnaretur, nullo modo impetrarunt; nam integritatis fama non minus quam sanctitate religionis iā ex calumnia clarior hoc solo nomine quod Christum nollet abdicare, proscribitur.

Et quoniam in eius exilio multa sunt posteritatis memoriā non indigna, exultantem tantisper comitemur. Primum igitur, in Insulam Oximam relegatur, in eum finem Urbano Prætori tradita. Iacet Oxima ad meridiem regni Idzu, sed ad Orientem Surungæ littora respicit. Mirum quantum Iulia hac denunciatione sibi ac Deo gratularetur, exilium in præcipuis diuinæ munificentia beneficijs meritò reponens, ac tametsi fortunis planè omnibus, famulis ancillisque exuta (præter vnicam quam illi neophyti dederant, & vt eius obsequio vteretur ægrè impetrarant) nihilominus illa præclare secum actum dicebat quod opes suas id est sacram supellectilem

*Iulia sapient
responsum
constantia.*

*Iulia pudicitia in dubi-
um frustra
vocatur.*

*Insigne in Tu-
lia pro Chri-
sto patiendi
desiderium.*

secum efferre sineretur. Aberat portus Agiro dictus itinere terre-
stri leucas nostrates omnino quindecim. Eo cum custodibus in-
tra lecticam deportabatur, & quo animo ferret exilium insigni fa-
cto demonstravit, nam desiderio patiendi æstuans cum in lecticæ
sua commoditatem animum reflexisset, pudere cœpit, quod in exi-
lium lectica deportaretur. Extorta igitur à custodibus facultate
nudis pedibus in terram exilit, aulicis delicijs per vniuersam vitam
tenerè educata. Erat iter asperum & saxis obsitum, sed omnia vin-
cebat de Christi tormentis cogitatio. Christum dominum cum in
Caluariæ montem adreperet, non lectica gestatum, non calceatum,
& ad hæc omnia sua cruce onustum in montem euasisse, non sine
lapsu frequenti multoque sanguine totum iter designante; quod
cum illa ita faceret, vt iam nec vires sufficerent, vi à militibus in sel-
lam retrusa iter suum quo nollet modo prosequi cogitur, cum enim
vulgò crederetur eam ab ipso portu à tyranno reuocandam, nole-
bant videri minus comiter sibi creditam tractauisse.

*Littera Iulia
ad P. Visita-
torem Socie-
tatis.*

Verùm res aliter cecidit, nam parata eam in portu nauicula præ-
stolabatur, è quo breuissimis literis ita post nonnulla Societatis no-
stræ Visitatorem P. Francisco Passio vale fecit. Magna mecum
misericordia vsus est Dominus ex ea occasione, quæ nuper in aula
successit. Relegor in insulam Oximam. O quantum in me diui-
na prouidentia se ostendit inæstimabilem, quod cum nullo ante-
acto meo in eam obsequio quicquam meruerim, hoc me tam in-
signi beneficio afficit, quod ego plurimum æstimo, & me compara-
tam inuenio ad labores quoslibet ærumnâsque alacriter toleran-
das. Itaque mea causâ nullam curam R. V. subeat, præter eam quæ
in sacrificijs ac precibus mei memoriam excitabit, literis etiam suis
subinde me solari non omittat, non enim deerunt, in eam insulam
qui eas ferant. Vrgeor ad soluendum, ac ideo sum breuior. Ter-
tiæ Lunæ vigesimo sexto.

Aderant, cum solueret Iulia, neophyti quidam, quibus cum ten-
errimis lachrymis madida valediceret, ait, duo se in hoc exilio sen-
tire, quod Missæ sacrificio & peccatorum confessione fortasse in per-
petuum esset caritura, Et, quod spem omnem seipsam in martyrem
sacrificandi deponeret. Ad hoc secundum intulit neophytus audis-
se se

se se à quodam è Societate, quem nominabat, Ecclesiã non paucos martyres colere, qui siccam sine sanguine inter exilij labores mortem obierant. Ea re ita recreata est, vt in ipso portu literas ad nostrũ scripserit, quibus gratias agebat, quod sibi talem doctrinam opportunissimo tempore per eũ neophytum Deo ita volente ingessisset.

Ergo iam lætior soluit in insulam, quo cum peruenisset incolumis, intra dies triginta in vltiorem ac minorem Nyxima nomine denuo relegatur. Aberat à Surungæ littoribus prior leucas 20. posterior à priore leucas quinque. Hic tamen exilij locus ex aliarum mulierum, quę è Dairi palatio fuerant relegatę consortio commodior erat, nam cùm alias inter se notę essent sibi mutuo solatio simul esse poterant & auxilio. Sed non diuturna fuere solatia. Nam ad maiorem meriti segetem post dies quindecim in tristem scopulum cui nomen Cozuxima sex vltius leucas tertio deportatur, in quo præter labores ac merita nihil erat earum rerum sine quibus vita non ducitur, nisi quas septem octoũe piscatores tenuissimi arte sua in straminea sua mapalia inuehebant, nec vllũ illi ab Imperatore vitę subsidium suppeditabatur, qui id vnum agere videbatur, vt nouis quotidie laboribus exercitam in suam pertraheret voluntatē.

Verũ operę precium videre est quantum vnà cum laboribus fortissimę matronę virium animique accesserit, quod maximè colligere licebit ex literis ad P. Moresonium è nostra Societate Sacerdotem à quo baptismum susceperat, & Miaci rei præerat Christianę; dicebat enim se in eo scopulo sibi videri ditissimam, ac lautius aliquanto viuere, quàm cùm in palatio degeret, ita cœlestibus à sponso suo solatijs recreabatur postquã humana deessent. Nã etsi non parũ sentiebat priuari se Missę sacrificio sacramentorũq; vñ conari se tamen quę deerant quotidiana rerum cœlestium commentatione supplere, qua in commentatione sibi suum scopulum Caluarię montem esse fingeat, in quo, ad pedē Crucis Christi, sibi statuebat esse cū eo moriendum; à quo deinde petebat enixè sua sibi peccata cõdonari. His exactis fingeat sibi se missę sacrificio interesse, & ad singulas illius sacrificij partes aliquid de Christi tormentis animo tractabat maxima semper animi suauitate ac cœlestis solatij copia inundata. Et quoniam ibi vitã exigere cupit & cogitat, ab

*Ter Insula
mentatur com-
ly locus.*

eo petit sibi libros mitti, quires ab Apostolis ac Martyribus & virginibus gestas continent. Item petit ad suas commentationes distribuendas clepsydram, & ad sacrificij memoriam excitandā cereos duos ac tintinabulum. Rogat item vti sibi imago mittatur, in qua expressa cernatur aræ, ac sacerdotis sacro operantis effigies cuius aspectu efficacius sacrosancti mysterij memoriam possit renovare, quando eius præsentia iam frui prohiberetur. Ita quo remotius ab hominum consortio seiuncta, eo propior cælo videtur continuis cum sponso suo colloquijs detineri. Felices animas, dignasque quas tot periculis ac laboribus perveteriora, si fuerint, maria vestigemus.

ARIMENSIS EXREGVLVS IN EXILIO
capitis damnatur.

C A P V T X

*Quid in alia
ra regia gere-
retur.*

INhunc modum primus tyranni furor in Christi gregem Surungæ defæuijt, in altera porro regia yendo nomine, imperij hæres præter edicta prioribus acriora nihil aliud innouauit, nam cum antea solis nobilibus non etiam vulgo Christiana religione interdiceretur, nunc æquè ad omnes legum suarum acerbitem extendit, & si qua in re parenti sua tarditate defuerat, anno insequente qui fuit salutis nostræ 1613. tarditatem grauitate pœnarum & rerum multitudine compensauit, ea suo loco, seruato rerū ordine, persequemur. Nunc verò antequam in Arimensem agrum quo se proximis turbo intulit diuertamus, Arimensem exregulum Ioannem quem in exilio reliquimus, reuiscamus, eique morienti iusta persoluamus.

Degebat Ioannes vna cum Iusta coniuge in exilij sui loco, ita iam aliis à se ipso vt hanc illi ad salutem viam clemens Dominus aperuisse videretur. Nam tamen si vitæ antea actus cursus non rarò à recto vitæ Christianæ tramite deflexisset, tanta tamen erant eius in Ecclesiam Iaponensem merita superiorum annorum annalibus abundè cantata, vt hanc à Domino gratiam extorserit, æternas nimirum pœnas cum breuibus commutandi. Longum esset narrare quam vitæ rationem auctore semper Iusta teneret, quæ illum frequen-

quenti priorum auctorum lectione ad rerum diuinarum sed maximè dominicæ passionis commentationem tempori accommodatam inuitabat. Qui Ioannem nouerant Arimensem dynastam, non pauci ex eius animo satis impotente conijciebant illum tot malis superatum, sibi more Iaponensi violentas manus dissecto ventre illaturum, sed fefellit omnes subita commutatio, nam quæ multos solet sæpe calamitas tristitiæ nubibus obscurare, Ioanni mentis oculos apernit, ut videret, quàm vanæ sint mortalium spes, quàm vana per tot labores illarum venatio, quæ si non fallit insectantes, ut solet, sua tamen quam ostentat venustate deludit. Agnoscebat in hoc suo infortunio præsentem Dei manum criminum poenas à se velut vlcerum saniem medica crudelitare reperentem. A coniuge petijt secretorum conscia, uti quæ continuo tot annorum contubernio in se delicta aduerterat in commentarios redigeret, quos ipse postea sapius euoluens ad singula pœnitentiæ animum contentis actus quo sensu poterat iterabat, sæpe cum famulis ea detestabatur, & qua poterat compensatione sarciebat, frequens illi Arimensis Ecclesiæ cura, ne quod in hac rerum perturbatione caperet detrimentum. Vnum sæpe querebatur, nullam sibi per Imperatorem fidei profitendæ spem relictam, ut in Christi causa moriens proprio in sanguine peccata mergeret, & offensionem Ecclesiæ Iaponensi datam exemplo recentiore sarciret.

Et quoniam ad hæc omnia Iustam habebat hortatricem, quæ fuerit illa non erit abs re breuiter attingere. Illa nobilissima stirpe orta primis nuptijs parem inuenerat maritum, quem intra paucos annos lugens annorum viginti præmaturam viduitatem cum Ioanne Arimensi dynasta, agente magno illo Augustino, contrahens solata est. Nondum erat tum Christianis sacris imbuta, sed cum Arimam venisset, mariti auctoritatem & exemplum secuta anno post Christum natum 1599, à P. Alexandro Valignano, qui tum Visitatoris officio fungebatur, salutaribus aquis expiata ita deinceps Christianæ pietatis exemplo præluxit, ut nihil mirum sit eam tot annorum exercitationem ad hanc fortunam fortiter ferendam attulisse. Sed ad Ioannem redeamus.

Is tamen si hac viuendi ratione ærumnas suas falleret, nonnumquam

*Ioannis in
exilio viuendi
cum Iustam
coniugera-
tio.*

*Iusta Ioannis
coniunx qua-
sit.*

*Que causa
mortem illi
procurauit*

quam tamen iniuriarum ab ijs illatarum quibus nihil nocuerat memoria antiquos impotentis animi impetus suscitabat, ac tametsi eos intra rationis limites contineret, videbatur tamen sibi nihil proposito suo aduersari, si calumnias aliquas elueret, si nonnullorum animos datis literis mitigaret, si exilij sui fortunam, infortunio potius quam ullis in Imperatorem offensionibus arrogaret. Ergo subinde ad magnates aliquos modestas de rebus huiusmodi literas dabat. Sed quia pauci sunt qui cum aduersa fortuna conferuent nedum contrahant amicitias, nihil his literis prodesse sibi potuit, nocere quamplurimum, quod nihil intererat amicorum desperato succurrere, inimicorum referebat etiam desperatum opprimere. Nouerant illi Ioannem natura sagacem, nec facile quieturum, nouerant eloquentem, & nonnullis calumnijs oppressum denuo posse emergere. Ergo Michael ipse filius agente pellice Imperatoris pronepte, & Sasioie malorum omnium incentore & consiliorum Michaelis ex Imperatoris mandato, moderatore, filius inquam, pro nefas, parenti mortem machinari maluit, quam sui status amittendi, quem nuper impetrauerat, discrimen incurrere. Sed perdidit, ut videbimus, illius industria, qui tantorum scelerum author fuerat Sasioie. Cum igitur in itinere Arimam repetentes tantisper substitissent, in regiam remittunt, qui nouis criminationibus exulem obruant; nec difficile fuit inauditum & amicis destitutum, presentium ac potentium fauore opprimere. Ergo Imperatoris iam offensi voluntate, capitis damnatur.

Capitis sententia Ioanni renunciat.

Hanc ultimam Imperatoris voluntatem Ioanni renunciandam & exequendam senatus regius gubernatori illius oppidi in quo exulabat, & filio gubernatoris Miacensis demandauit. Ij stipati supra centum & quinquaginta militum satellitio, quinto Iunij anno 1612. cum illucesceret Ioannis aedes obsident, & Ioanni renunciari iubent, ut nisi sententiam in se capitis admittere velit, ventrem sibi de more laceret. Hanc subitam sed non plane inexpectatam denunciationem Ioannes tanta vultus serenitate animique magnitudine excepit, ut pacatissime responderit, non deesse animosas manus quas sibi violentas adferret, nisi Christiana lege quam a iuuentute professus in morte conseruabat, a tam immani scelere deterreretur, interim praescripturum se rationem, qua regia voluntas effectum sortiretur ita pacate, ut qui aduenerant militibus nullis armis esset opus.

Nam cum in simili casu solenne sit famulis per medios licitorum

enses ruere, vel heri mortē ultimos vel inter vlciscendum perituros, omnes ad se quamprimum vocat, rogātque vt ab omni iniuria sibi temperent, neq; se viuū aut mortuū vllō tempore vlciscantur, memores se Christiana religione mansuefactos à barbaris Iaponiæ legibus defecisse. Nec eorum promissis fidens, petijt etiam atq; etiā, vt in sui gratiam arma huius expeditionis ducibus tradenda exuerent, hoc vltimum fore, quod eos esset in hac vita rogaturus, postremum hoc ægrè, tandem tamen impetratum. Et quoniam aliam esse nouerat consuetudinem superiore ferociorem, vt aliquot è famulis, quos accepta beneficia hero arctius obligassent, discisso ventre vna cum ipso proprijs manibus interirent, quod mortuus impedire non potuisset, accepto à singulis ac iustæ coniugi, quæ huius auctor fuerat, tradito in scriptis Sacramento, fore neminem qui hoc lugendi genere fidem in herum suum barbarè testaretur, viuens impediuit. Ad hæc stupebant è hictoribus aliqui, cum inaudita Iaponiæ, Christianæ mansuetudinis facinora spectarent.

Quæ cum famulis egeris

His ita peractis ad expeditionis duces è suis vnum emittit, qui renunciet Christianos nonnulla quæ ad salutem animæ suæ spectant, hoc extremo vitæ suæ tempore procurare, petere sibi ad ea concedi non diuturni temporis interuallum. Libenter illi ac urbanè conceditur. Aceersit igitur amanuensē, & aliquot literas scribenti dictat ad nonnullos de hoc in quem deuenerat extremo vitæ statu, voluit tamen à solita scribendi formula quæ ventrem dissectum sonat abstinere & Christianum loquendi morem apertè substitui. Inter eas literas vnā ad filium dedit, modestas illas & Christiano parente dignas veniā ab eo ipso petens, à quo maximè fuerat offensus. Idē Sasioie per literas officiū exhibet, etsi non ignoraret sibi ab illis mortem procuratam. Ad propria deinde morientium auxilia se conuertit, Euangelicam sibi de seruatoris nostri tormentis narrationem prælegi non cursim iubet; tum breuem de poenitentis animi sincera contritione commentarium, cuius actus quam potuit tenerrimos, vt facilè mors imminens elicit, iterabat, & vt confessionis partem qua posset arte suppleret, genibus coram sacra imagine positus, grauissima quæ tū occurrebant memoriæ delicta elata voce coram omnibus famulis commemorabat, ad quos conuersus demissimè præteritarū in eos offensionū

*Ad morientem
se comparat.*

veni-

veniam postulavit, ea verborum lenitate ut nemini non lacrymas singultibus mixtas excusserit; tum quod abeuntes aut morituri apud Iapones solent, aut vini aut aquæ feruentis vasculum pulvere cuiusdam herbæ permixtum coniugi primum, ac famulis deinde singulis propinavit, eaque omnia ea vultus serenitate, & animi quiete faciebat, ut non iam moriturus, sed tantum abiturus videretur, quibus ita suorum corda mollebat ut nemo quicquam eloqui, nec nisi singultibus ac suspirijs animi sui potuerit sensa patefacere. Quin ethnicis ipsis aliquot, qui ingressi fuerant, spectatores, triste sed pium spectaculum, ex oculis lacrymas ab utroque motu excitas exprimebat.

Demum ad extremam huius tragædiæ catastrophæ venit; duas è storeis more Iaponensi compositas culcitras alteram alteri superponi iubet, in suprema illarum parte Christi pendentis piæ effigiem inter duos cereos accensos mediam statuit, tum in culcitrâ conscendens vestem ad amputandas ceruices sibi ipse componit. Et quia Iapones ignominiosum putant plecti se ab ijs qui eò in eum finem destinabantur, liberum illis est, à quo maximè velint, ictum præstolari, qui tum publicus iustitiæ minister habetur, maxime quod etsi multa in Ioannem accusatores confinxissent, propter nonnulla tamen non ut innocens plectebatur. Hac igitur ex causa vnum ex famulis qui sibi ceruices amputaret, designauit. Aderat huic spectaculo Iusta, quæ animo virili dolorem dissimulans ad eam maritum hortabatur, quæ tempus exigebat. Denique genibus flexis cum aliquo temporis spacio solamente se Domino commendasset, inclinato capite percussori signum præbens vnico ictu obtruncatur. Iusta caput extemplo arreptum tenerè osculata, truncoque corpori mox reddens sibi hætenus similis in interior cubiculum se recepit, vbi naturæ castoq; amoris fræna laxans, lacrymis viam aperuit, ac Domino infortunium hoc suum & exilium, quod ipsa insons patiebatur offerens, suam cum ipsius voluntate composuit, & iam sæculo nuncium remittens more patriæ crinem rasit, cuius exemplum quæ illam comitabantur imitæ, famulis, ut idem facerent, præiuerunt.

Ad extremum huius spectaculi actum ingressi fuerant duces duo,

duo, quorum intererat & ex militibus alij spectaturi. Horum omnium communis fuit admiratio, nec paucorum comploratio, tum à ducibus herum sepeliendi facultas data: quod factum est more per omnia Christiano comitantibus honoris causa expeditionis huius ducibus cum vniuerso satellitio, sub noctem instituta. Funebris pompa hoc habuit admirabile, quod quidam ex neophytis clarè distincteque cantantium Sacerdotum & alumnorum voces precesque pro vita functis Ecclesiastico more recitari solitas audiuisset referebant. Quod cum famulus ille qui herum obruncauerat clarè percepisset, ad Iustam accessit interrogans ecquid audiret, audiebam inquit dudum, sed rata me fortè solam audire, dissimulabam. Die tamen insequenti cum ad explorandum nonnulli accessissent nihil vltra audiuerunt.

Atque hunc maximè finem habuit Ioannes Arimensis Exregulus, in quo Deus Ecclesiæ Iaponensis exemplum statuit non impunè à neophytis Christianam seruata fide (quod ille semper fecit ac procurauit integerrimè) negligi pietatem, nec principum rationibus diuina iussa postponenda. Is enim bis graue toti Iaponiæ dederat offensionem, primam cum Imperatoris iussu Christianus Christianorum onerariam inanem pertæsus vindictam aperto Marte conatus est deprædari, alteram cum Ecclesiasticis ritibus illigatum coniugij filium nouis sacrilegisque nuptijs cum Imperatoris pronepte implicari permisit. Et factum est vt inde illi extrema tandem perniciēs obuenerit, ac post eum deinde, vt suo loco dicetur, filio prope extrema, vnde rerum suarum sperauerat incrementa. Elusit quidem Ioannem antiquæ possessionis, qua antè maiores positi erant, desiderium, quot vt facilius assequeretur, in prædictum libens consensit filij connubium. Licet enim illud nefarium esse intelligeret, alia tamen via id etiam se nolente futurum prouidebat, quo facto grauem sibi Imperatoris iram & filio simultates conflare timebat. Accedebat ad hæc, quod accepta, quam sperabat, prouincia, omnibusque gentilium superstitionibus ex ea euulsis, nouisque Deo templis erectis, contractam culpam abundè expiandam existimaret. Sed eum postea insperatus rerum fefellit euentus, serò lamentantem atque errorem suum fatentem, cum diceret

F Deum

Deum peccato ad vniuersæ Iaponiæ conuersionem non indigeret, neque felices habere exitus, quæ via non iusta procurarentur. Quòd si tamen eiusmodi aliquid ex animi sententia aliquando succederet, Dei esse, quicquid in eo boni inesset, ad mortales verò solum delicti sui malum pertinere. Itaque priusquam Surungam proficisceretur omnia ante actæ vitæ flagitia manantibus lachrymis expiauit.

Quod iam diu antè videtur illi diuinitus esse prædictum. Cum enim, ut ante dixi, sub annum 1550. prodigiosa crux Arimensi in agro apparuisset, paulo antè quàm proderetur viso nocturno est in hæc verba præmonitus: Quare in finibus tuis Crucem non humana manu factam, si bene vixeris illius ope te actua tuebor, si contra feceris ego te ac tua perdam; quod qui hæc legerit ad finem in Arimensi regno videbit impletum. Sperari tamen merito debet de morte ita piè Christianeque obita iacturam illam, ex peculiari Dei fauore, intra huius vitæ terminos constitisse.

*Quid Iusta,
quid eius fa-
mulis postea
factum.*

Iusta nondum mariti morte satis luisse visa est Imperatori, quæ non admiserat, nam in eo ipso exilio arctius custodiri iussa est nec ad domestica obsequia permitta nisi duas ancillas & tres famulos retinere, quam solitudinem ita tulit, ut filio, quem ex primis nuptijs susceperat spondenti, se libertatem impetraturum, respondisse dicatur, sibi certum esse totum triennium ad mariti tumulum preces fundere; quo exacto se illius ossa Nangasaquium vel etiam Macaum extra Iaponiam vna cum Patribus Societatis, si eo relegendur, elaturam. Eiusdem Imperatoris iussu famuli omnes traditi sunt Michaeli apostatæ, parricidæ & breui tyranno Arimensi; qui spectata heri sui morte mores ita composuerunt, ut qui liberius vixerant, se collegerint & firma de seruanda Christi fide, si ad eam abdicandam ab hero recentiore lacescantur, proposita conceperint.

ARIMENSIS DYNASTA NEOPHYTOS

persequi aggreditur.

CAPITULUM XL.

*Persecutio
turbini
cōparatur.*

Non ineptè hæc in Iaponensem Ecclesiam procella, turbini comparatur, qui ab vna cœli parte ingruens omnes quidem simul

mul territat, sed non omnes vnà obruit; ita vicissim illa ex alio in aliud regnum transuolans, pæne singulas Iaponiæ partes afficiens, tandem tamen occupauit vniuersas. Et quoniam secundus imber è regia in Arimensem agrum se transtulit, quam stragem ediderit, & quæ messis imbrem intrepida sustinuerit, ac primum quæ Arimæ, tum quæ in cæteris oppidis gesta sint, videamus.

Nouus itaq; Arimensis agri dynasta (quem ex nominis similitudine delusos audio nonnullos arbitrari, eum esse qui Pontifice Gregorio XIII. vnus è quatuor legationem è Iaponia primam ad sedem Apostolicâ detulit, hic enim biennio ante in lucē editus legatus esse non potuit) dynasta, in quam, interim dum in itinere parenti mortē molitus cum Sasioie moderatore suo subsistit, præmittit è sua nobilitate quatuor omnino sibi deuinctiores, qui magna stipati militum manu suo nomine regnum adirent possidendū; qui tamen ne quas absente regulo turbas mouerent, nihil circa neophytos aut religionē, quæ sola erat in eo regno Christiana, innouarunt, edicto tamē cauerunt, ne quis iniussu suo ac sinē chirographo Arimensis agri fines excederet. Itaq; ad mare portus clausi, terrâ militares excubiæ vias occuparunt, exeundi facultas indigenis non ægrè, nostris autem nulla permittebatur, vt pro ijs solis edictum vulgari appareret.

*Edictum ne
quæ regno
Arimensi
excederet.*

Totos dies quadraginta ea ratio suspensos omnes tenuit, cūque nihil boni ominarentur, meliora tamen continuis à Deo precibus expetebāt. Tandē pridie illius diei quo Spiritus Sanctus nascenti Ecclesiæ mirabiliter illapsus est, aduenit ciuium suorum perturbator qui consolator esse debuisset, Ximabaræ portus est Arimensis agri, quò primū appulerat, hic tantisper subsistit, dū principes cōuenirent in vnum aduersus Dominum & aduersus Christum eius. In hoc cœtu id potissimū cū impijs agebant: Dirumpantur vincula eorū & projiciamus à nobis iugum ipsorum. Quod vt facerent accomodatius, eligunt è cōfessorū numero tres fidei Christianæ desertores, qui quod fecerant, alijs persuaderent, & efficacius, quod illorū intererat culpā suam eleuare, & vtraq; manu verbo exemploque erroris sui socios euocare. Eos inter primarius erat inueteratus dierum maiorum senex, quondam in ea secta, Ienxus vocant, quæ animum negat immortalem Sacrificulus, qui tempori seruans ante annos 30.

*Consilium
institur contra
Christianos.*

Edicto Christianis sacris interdicitur.

fidem Christianam in aures, salutare aquas in caput, non ultra, admiserat; alij duo vel à vita licentior, vel ab honorum cupiditate in defectionis barathrum lapsi secum plures inuoluebant. Huic trium capitum Cerbero committitur uti latratu suo neophytos terrent atque sollicitent; & ut in malis mora nulla est, ex eo ipso portu edictum conscriptum. Vetari tota Iaponia Imperatoris auctoritate legem Christianam, cui consentiens dynasta iubet eam suis terris exterminari, qui repugnabit legibus, obnoxius poenas dabit. Fieri tamen liberam cuique sectam quæ magis è receptis tota Iaponia placuerit eligendi, agrum singulis ad restituenda cuique sua fana designandum. Hoc edictum locis omnibus toto Arimensi agro frigidè satis initio edicitur, & tamen hoc primo strepitu non defuerunt qui castra deseruerint, maximè in pagis, ethnicorum agro conterminis quo sese antea cõtationis aliquid è proximo vulgauerat.

Edictum tertium.

Biduo in his exacto Arimam è portu nouus dynasta contendit, & ne nesciretur, quo animo veniret, obuias aliquot Cruces iussit deturbari. Interim tres illi iudices triumuiratus sui sedem in senioris ædibus, qui ætate ceteros & impietate anteibat, delegerunt, è qua nouo edicto, quos accersere statuerant, & his expugnat ceteros terrere aggrediuntur. Edicunt igitur, eum qui superiori dynastæ voluntati parere cunctabitur, bonorum suorum, ut leuissima poena, sit proscriptio contumaciam luiturum; è qua proscriptio rei cum liberis & vxoribus, præter nuda corpora nihil essent elaturi, nec ab amicis quicquam speraturi, quos ab omni humanitatis genere atrocissimæ poenæ deterrebunt, nec externa subsidia intra fines retinendis circumspicienda, ut inedia palam in ipsis vicis perirent contumaces.

Contra huius edicti atrocitatem pugnatuuri neophyti se spiritualibus armis munierunt. Nam præter continuatas in sacris ædibus preces, præter ieiunia, flagellationes, ac ceteras corporis afflictationes, sodalitia ipsa continuis Patrum adhortationibus eum ardorem conceperunt, ut plerique scripto sacramento se adstrinxerint illud ipsum proprii sanguinis chirographo confirmantes se hunc ipsum sanguinem in fide Christiana tuenda fortiter exhausturos & huiusmodi chirographo subinde quingenti se, alias plures paucioresque obli-

obligabant. Hic Neophytorum ardor accreuit, cum cœpti sunt à Iudicibus nobiliores euocari, nam viginti aut triginta cum pridie monerentur vti se sisterent triumuiris, ipso diluculo Missæ sacrificio intererant, peccatisque expiati cœlesti epulo vires confirmabant in arenam prodituri. Quod si quis improuiso euocatus hoc præsidio caruisset, mox à prælio præmium in eodem conuiuium reperiēbat. Et quoniam Sacerdotes in æde Sacramentorum administratio continua detinebat, partita in alumnos ciuitate, vicatim confirmandis ciuibz vacabatur, quin illi ipsi pugiles, qui à prælio victores redibant, in huius laboris partem ideo vocabantur, vt quo ardebant igne ceteros inflammarent. Quin etiam delectæ sunt piæ matronæ quæ vicos obeuntes eodem cum suo sexu munere fungerentur: quæ ratio à Patribus semel introducta, sicubi in narratione deinceps omittetur, nihilominus introducta puta. Hæc enim sunt huiusmodi, vt non nisi cum fastidio sæpius ingerantur. Hinc in neophytis tantum exarsit Christiani ardoris incendium, vt alij alijs serio gratularentur, quod in hæc tempora deuenissent. Nec animus iste militares animos duntaxat à natura & exercitatione ad gratiam & huiusmodi constantiam comparatos inuasit, ne naturæ, quod erat gratiæ referretur, acceptum, sed nec pueros ætas, nec scēminas sexus, nec puellas vtrumque ab hoc impetu retardauit. E quibus frequentes cum ad expianda primū peccata genibus aduoluerentur, à Sacerdote pueriliter interrogati respondebant, se martyrium affectare. Quos grati docebat, prius Deo suo mori velle, quam mundo viuere occepissent.

Christianorum ardor.

PRÆCLARA CORAM TRIVMVRIS NON-
nullorum confessio.

CAPVT XII.

Nobilissimorum Athletarum coram triumuiris responsa & constantem in religione retinenda firmitatem non ingredior, exhausturus id omne quod ea de re scribi potuisset, sed nonnulla de multis electurus, ne in fastidium multitudinem, in desiderium negligentiam lectorem inducam, sed media incedens via conabor paucitate fastidium, electione desiderium temperare.

*Thoma con-
stantia.*

Inprimis euocatus, in paucis sibi constitit Thomas neophytus è Cami oriundus, cuius etsi nota esset in alia procella sub Canzuie regni Fingo dynasta anno post secularem secundo firmitas, denuo tamen est tentata constantia. Verum ille cum accersiretur ne domo quidem exeundum ratus, paucis verbis scripto conceptis triumuiros illos de sua spe deturbauit. Vt ut sit, scribebat, neque ego neque frater meus Matthias in Deum vllam perfidiam admittemus, in huius rei fidem chirographum propria manu firmauimus principi nostro exhibendum, cuius erit eo lecto de vita nostra fortunisque vt maximè voluerit disponere. Hoc factum excepit totius familiæ ad martyrium accurata comparatio, excidit tunc tamen sua spe, nam per ipsum tyrannum licuit illi peculiari gratia fidem suam publicè retinere, qui ne tali cliente priuaretur, maluit de religione aliquid quam de rerum suarum statu rescindere. Sed in annum sequentem dilata est palma, non sublata.

*Damianus
post multa
prelia rele-
gatur.*

Damianus alius neophytus omni triumuiorum arte & auctoritate tentatus, hoc vnum respondebat, Christianus sum & ero etiam cum vitæ dispendio. E iudicibus vnus, non nescius quam carus esset dynastæ propter parentis memoriam, qui in bello graui fortiter propatria dimicans perierat, in se suscepit illius negotium. Ergo priuatim aggressus eum, cum lacrymis rogabat, vt procliuem in se heri animum admitteret, tanto suo fructu, tanto illius solatio. Damianus autem sibi notum esse dynastæ animum, in cuius obsequio adhuc cessisset nemini, aut hac vna re excepta cessurus esset, quibus remunerandis vnicam Christianè viuendi libertatē sibi sufficere, Se quidem si duas vitas haberet alteram dynastæ obsequijs consecraturum, sed hanc vnam quā habet se Deo suo maioriq; Domino debere. Iudex dimissum sibi finit, Damianus ad maiora se parat ac si esset extemplo cum tota familia moriturus, & vt constaret, quā libens omnia dimitteret, vniuersam domū euerri, arma concinnari, supellectilem componi iubet, vt sua omnia dator hilaris eleganter exposita raptoribus exhiberet. Quē dimisit ille quidem omnia crudeli bonorum proscriptione cum solis vestibus, quas tum induerat vna cum vxore ac filiis quos habebat quinq; relegatus. Secessit ille eadem semper vultus hilaritate æquabilis, in vallem quandam, vbi scopu-

scopulum paulo commodiorem legens stramine mapale sibi suisque construxit, ibi cum suis in ediam ac temporis iniurias toleraturus. Et omnium tanta erat hilaritas, ut is, qui non habuit, ubi caput reclinaret, vna cum ijs commorari, minimè dubitetur.

Quid dicam de Ioanne viro nobili & coniuge Isabella regis Bungenfis olim Francisci priuigna? nam à triumuiris frustra accersiti, tandem proscribuntur nouo illo intra regnum proscriptionis modo, quo illis igni & aqua interdicebatur. Ergo cum solis vestibus eiectione domo nemora petebant, postea Nangasaquium ire permittuntur, clam tamen voluit illum regulus ab vno è suis præfectis detineri, ne talis viri auxilio destitueretur. Is eum intra stramineum mapale cum suis recipiens media sub urbem leuca occultauit, ibi distributis horis aliàs orabant, aliàs manuum labore vitam quaerebant. Puerulus annorum tredecim lignatum ibat in montem, vxor in proximo torrente pannos lauabat, ac denique in summis rerum omnium angustijs læti vivebant.

Nobilis familia exiliata.

Sed quæ Adriano domi acciderunt omittenda non videntur. Posteaquam enim aliquot iudicum impetus intrepidus elusisset, posthac intelligere cœpit agi de capite, in quo vna eū cura tenebat dubium an vxori & infantulæ Catharinæ defuturus esset animus ad tormenta; angebatur hoc metu; nec vxori aperiebat, illa verò de se quoque secuta eadem circa maritum cura laborabat, nec ultra dissimulans ita eum aggreditur Adrianum noua Natalia (quamuis Isabella diceretur) Consta tibi Adriane, viam salutis aggressus ne declines, esto fidelis Deo tuo, ille tibi; ne terreant tormenta, sua breuitate tolerabilia, oculos in altum erige, ubi Christus regnat & certantes coronat. De me quidem sic habeto, si defeceris in minimo, consortium meum despera, tristis viuam aut moriar, si tale quidpiam audiuerō. Non capiebat se præ gaudio Adrianus, sed denuo stringens vxori manum, nouum coniugium communis non vitæ sed mortis contraxerunt. Filiam ipsam parentum animus corripuit, ait enim mater: Catharina, pro Christo mactabimur, & tibi quid erit? vobiscū, ait illa, paradysum petā, & ferio velut cū parentib. moritura. puerilia crepundia inter æquales sponte distribuit, ne quid esset cuius amore à comuni morte pro Christo obeūda reti-

Insignis alterius familia constantia.

nere-

neretur. Sed hic ardor omnis tyranno conniunte intra vota sese continuit.

*Neophyti
præsentem
mortem con-
stantia.*

Longiora cum Thoma neophyto nobili certamina triumui-
rum caput senex ille sacrificulus ira clausit, cum iam ira fremere
nec se amplius contineret, Martyrium, inquit, affectas, ego te mar-
tyrem creabo, cedo mihi arma tua. Nec mora, lapones animos
ponens Christi miles se discinxit, & arma tradens ictui corpus para-
bat. Verum seni animus non fuit nisi ad minas: quasi verò plus pos-
sent, quàm præsentis supplicij terribile spectaculum.

Dum Arimensis nobilitas ad iudices illos vocaretur, non raro
contingebat absentes ac suis aut reguli negotijs extra urbem occu-
patos euocari, hi ne sibi deessent, alij redibant, alij quod verarentur,
ne quid offensionis ceteri neophyti caperent, solemnem se in hæc
verba sacramenti formula astringebant, quam formulam ad no-
stros, ut ceteris exhiberetur, destinabant. Nos infra scripti iura-
mus per Dominum nostrum Iesum Christum, ac per sanctissimam
eius parentem ac virginem Mariam, per omnes Angelorum ac Di-
uorum coetus in Christiana religione perseuerantiam, irruat in nos
hac de causa quicquid irruerit. Et iterum constanter promittimus,
nos huic nostro proposito nunquam, adspirante Dei gratia, defu-
turos.

NEOPHYTORVM ALIQVOT PRO-
scriptiones & constantia.

CAPVT XIII.

NVllus erit finis si singula constantis in retinenda religione neo-
phytorum animi facinora prosequamur. Quis tamen omit-
tat quæ sequuntur? Insignem neophyti cum filijs duobus
proscriptionem ac deinde alterius, huic synonymi mortem fortis-
simè in Christi causa obitam persecutus Arima discedam, vna cum
socijs antiqua sede sua pro eadem Christi causa relegatis. Vter-
que Leo vocabatur & erat; priori duo filij Michael ac Matthias pa-
renti pares: fortes creantur fortibus. Hi in circum à triumuiris e-
uocati facti sunt in arena spectaculum mundo Angelis & homini-
bus, nam antequam lacefferetur Leo rugijt in hunc modum, Nihil
est,

est, quod nobiscum tempus teratis, neque ego neque filij mei pro quibus spondeo fidem Christi quam profitemur abdicabimus, tametsi hac in causa fuerit moriendum. Quo dicto victores ex arena se, nullo salutato, proripuerunt, ac spectatores illos, aut potius prouocatores victos cum perturbatis animi sui motibus pudore rabieque confluentes inter se dimiserunt.

*Constans
Leonis re-
sponsum.*

Leonem in posterum non sunt in arenam ausi reuocare. Michael tamen catulorum alterum denuo tentarunt, Cerberum cum leonis catulo conferentes, præcipua pugna fuit cum seniore ceterorum capite, nam ille simulata lenitate de more se insinuans, hinc spes in dynasta reponendas, illinc pœnas à tyranno timendas proponebat. Simili latratu parabant alij duo sine morfu territare, quos præueniens Michael ait, frustra collatris omnes: mihi vincendum aut moriendum, quanquam prima erit in morte victoria. Senex ætatem allegat, quam seniorum auctoritati cedere, nedum iuuenili ardore repugnare oportebat, nominat eos qui eodem in puluere cedere non dubitarint. Sed frustra. Viderint alij, Michaeli certum est neminem audire qui alia quam Christi voce loqueretur. Mouit seni stomachum diuturna cum iuvene colluctatio, è quo stygio vomitu antiquum de animis mortalibus errorem ructans, quem Christianus olim in corde seposuerat, nunquam deposuerat, ait; Vnde certus es esse vitam alteram, cuius intuitu præsentem spernis? è cuius inde redeuntis ore pœnas aut præmia didicisti? Certius ait Michael hæc noui, quam ut cuiusquam narrantis fidem exigam, hæc fide didici eo reuelante, qui æquè fallere quàm falli repugnat, tu cum hac luce careas nō vides, & rationum momenta quibus euinci potes non capis, neque meum est, ea docere, quæ didici, retinere meum est, Christianus enim sum, Christianæ legis doctor non sum.

*Non absimili
lis filij con-
stantia.*

Non tulere diutius tenebræ lucem, nam è iudicibus duo qui iam cœcutiebant quidem sed nondum lucem omnem amiserant, nouo splendore perstricti vultum auerterunt, & manu opposita occultarunt, non ferentes suam ipsorum defectionem cum tanta firmitate componi; Senex verò qui nunquam oculos aperuerat veritati, ne præsentis quidem lucis splendores aduertebat, sed in rabiem versus, Michaellem latronem ac degenerem appellauit, latro-

*Quis Enquā
domini sui
causa cupiat
ad inferos de-
scendere?*

nem ideo, quod heri sui stipendijs antehac vixisset ad omnia quæ iuberet minime comparatus; degenerem, quod illius causa pœnas infernis in ignibus paratas pati nollet. Ad hæc ita Michael, Nobis hic agendum Christiane non militariter, liberè vttere contumelijs, quas spernit, qui mortem in votis habet. Et hoc dicto parentem imitatus in primo congressu luctantem, ab ita arena bis victor, ad vltiora prælia vires continua comparatione cum parente ac fratre instauraturus.

*Quam atrox
esset proscri-
ptio.*

Verùm vni Michaeli è tribus funes ceciderunt in præclaris, eum enim tyrannus à triumviris didicisset quam irritò conatu laborarent valde anceps fuit, quid ageret, ne nihil tamen fecisse contra quod Imperatori promiserat deferretur, aliquot selegit ex ijs qui acrius obstiterant, in quos ceteri propius intuentes, suis rebus alieno malo confulerent. Ergo in quinque familias atrocissimæ proscriptionis sententiam pronunciauit, de qua proscriptione cum sæpe sparsim aliquid tetigerimus, nunc aliquid ex professo dicamus, ne alias sæpe reperamus. In ea igitur nonnulla erant ipsa morte terribiliora. Primùm enim vniuersa familia id est paterfamilias, vxor, proles omnes detractis famulis omnibus proscribantur, tum præter vestes quibus tum inclusos esse contigerat, aliud planè nihil efferre permittebantur, deinde à reliquo hominum consortio oppidorum pagorumque commercio arcebantur, præterea fenerissimis pœnis interdicebatur ne quis vllò humanitatis genere illorum miseriam subleuaret. Denique ab externis auxilijs aliquid sperare ideo prohibebantur, quod Arimensis agri fines egredi per occupatos portus, & interceptas vigilijs vias non licebat. Ex his facile est colligere quanta incommoda nascerentur.

*Aliquot fa-
milie exu-
bant.*

Egreditur igitur Iunij 20. nobilium familiarum in Christi causa certantium manipulus capitum supra viginti, inter quos Michael Leonis filius cum vxore ac filiolijs duobus, & vt esset maior meriti seges è cælo placuit hunc exitum ex Ægypto continuis id temporis imbribus irrigare. Ibant in proxima nemora, & instar mysticorum illorum animalium vnusquisque coram facie sua ambulabat. vbi erat impetus spiritus illuc gradiebantur, nec reuertebantur cum ambularent, in solitudinibus errantes, in montibus & speluncis

lucis & in cauernis terra, circuibant egentes, angustiatī & afflicti, quibus dignus non erat mundus. Et Michael quidem cum alio cui nomen Mancius, postquam vxores ac filios clam apud neophytos deposuissent, ipsi ne se ipsos hac de Deo benemerendi occasione priuarent, in proximum nemus inscijs omnibus ab vrbe leucam vnam secesserunt, nec ea contenti penuria, quam secum locus afferebat, indicto sibi ipsis silentio biduum triduūmque præter agreste quoddam pomum nihil gustauerunt. Vires iam illos sensim deficiebant, cum egressi nemore ad cogendam stipem incidunt in hominem pluuiæ estramine lacerna more Iaponensi tectū, ad eum cum venissent Michael famulum, famulus herum agnoscit, qui clam Arima egressus, herum suum temerè per agros errans quærebat, inuentum lachrymis magis quàm verbis saluans Oriza cocta, quam secum ferebat, vtrumque refecit. Michael dimissum iubet silere ne à neophytis visitatoribus, qui eos vestigabant, reperti, solatium acciperent, aut solitaria vitæ studium interturbaretur.

Sed frustra, nam iuuentos neophyti tum hos tum ceteros pœnarum omnium contemptores omni Christianorum obsequiorū genere fouent ac recreant: nec illi solū qui Arimensē agrum incolunt, sed postquam huius proscriptionis fama finibus egressa contineri non potuit à vigilijs quin erumperet, irrupit mox è vicinis regionis ad eos visendos ac recreandos tanta hominū multitudo, vt sopito primo illo gratulantium & caritatis tumultu tutius visum fuerit nostro Sacerdoti qui eam vineæ partem è latebris quoque suis excolebat, in secretiorem omnes locum cogere, concurrentium frequentiam cohibere, vt vnum omnibus obsequium facilius esset, & in vnam partem concursus minus notaretur. In secretiorem itaque vallem secedentes mapalia singuli sua construxerunt, & Thebaidem illam in Iaponiam transferentes, suis velut cellulis distincti Anachoretarum veterum speciem exprimebant. Ter intra octauum quemque diem ieiunabant, tempus suum horis distributis orationi, rerum spiritualium inter se tractationi dabant. Necessaria porro ad vitam sustinendam officiorum onera inter se partiti viri nobiles, foeminae delicijs assuetæ, pueri ludicris exercitijs domi suæ dediti cœnobium quoddam erexisse

Qualis exulium vita.

videbantur. Michael cum vxore Mexia annorum non plus viginti Marthæ officium sibi in culina delegerat, nec adduci vnquam potuit vt in propinquorum ædibus quo eam initio receperant, latitaret. Ad eos subinde noster Sacerdos excurrerat, quibus Episcopus & Societatis nostræ Præpositus & sua & neophytorum auxilia clam sine tumultu, rebus iam melius constitutis submittebant. Quin ad eos etiam ex famulis aut ancillis aliqui ventitabant, nec eijs se sinebant ab herilibus obsequijs. Et fuit ex ijs Agnes nomine, quæ cum in grauem morbum incidisset redire ad suos noluit, sed hoc exilij loco sanctissimè moriens ad patriam emigravit.

LAPSI NONNVLLI RESIPISCUNT, ET
Arimenses agrum nostrum expelluntur.

CAPVT XIV.

INterim dum acriter impetus triumuirorum multi sustinent, non defuere quoque nonnulli, quos fortunarum, honorum, familiæ, vitæ denique amor à proposito deturbauit, ideo fortasse præter alia permittente Numinis consilio, vt qui stabant aduerterent, *quod non manus nostra excelsa facit hæc omnia, sed Dominus.* Ex ijs tamen plerique varijs temporibus ita in se redierunt, vt teporem suum nouo ardore sarcirent. Ex his meo instituto vnum alterumue seligam ceteros relinquens æquo rerum æstimatori.

Inter primos ab instituto cōtra neophytos Arimenses triumuiratu, quidam euocatus ita responderat, vt elusisse iudicum quæ sita, potius visus fuerit, quàm apertè defecisse. Huiusmodi responsio pro tacita defectione non sine offensione neophytorum habebatur, ac ne ad plures ea dissimulatio perueniret, si religioni sibi non ducerent, in religione titubare, seriò monetur à nostris, quàm sinistrè accepta fuerit eius tergiuersatio, quantum inde mali ad cæteros offensione perueniret, quantum posset ad plures imitatione peruenire. Nō distulit emendare neophytus, quod fortasse potuerat excusare. Ergo ad senem illum è triumuiris primum pergit, clarè aperit de religione quid sentiat, exponitque quod ante dixerat obscurius. Proditio est ista, exclamat senex, inopina firmitate perculsus.

Dubius in fides professione se corrigit.

sus. Neophytus (Leo vocabatur) non proditio, inquit, sed professio. Ego enim proditor non sum, sed Christianus. Hæc omnia iube dynastæ renunciari, nam in his mihi proposui mortem præmium factæ professionis. Et his dictis abiit è cōspectu, res suas omnes & maximè seipsum proximæ neci, vt arbitrabatur, aptaturus. Verùm aliter planè cecidit, nam senex delator à dynasta reprehensus quod eum sollicitasset, & quod minimè sperabat, liberam forti neophyto Christianè viuendi facultatem impetrauit, ideo quòd eius generis clientes publicè benemeritos conseruari oporteret.

Alius cùm varios insultus sustinuisset defecit tandem, quem vxor, Monica dicebatur, eo eiulatu excepit, ac si mortuum accepisset, effecitque quod olim illa Monica de filio ne tot lachrymarum maritus periret. Inspexit ergo seipsum & correxit: iustis tamen ex causis totos quinquaginta dies à ceterorum communione seiunctus, vt Ecclesiæ restitueretur nondum impetrabat, quod spacium vterque lachrymis communibus expiando crimini decurrebat. Incidit per eos dies, vt hunc ipsum dynasta ædium suarum custodem, quas Sarungæ habebat, ablegaret. Is occasionem sibi elabi passus *Lapsus se- ipsum corri-* non est, palinodiam cantandi. Nam per internuncios Arimensis *git.* prouinciæ optimates duos dynastæ renunciari iubet, se tamen si sciret, quid sceleris admitteret humanis tamen rationibus adductum nuper apud iudices illius imperio cessisse, sed facti pœnitentem, summis precibus postulare vt si Surungæ opera sua vti veller, faceret sibi publicam Christiano ritu viuendi potestatem, si non impetraret posse dynastam quem maximè veller Surungam ablegare. Ad hæc pacatius quam sperabatur dynasta respondit, se nuperri- mis edictis ac pœnis Christianam religionem persecutum, non posse sine leuitatis nota resilire, aut puerili ludo modò permittere, modò inhibere. Institit igitur per eosdem internuncios, vt quoniam non impetrabat, mors sibi vel proscriptio defectionis suæ pœna ne pœnitenti negaretur. Ad hæc dynasta, cùm admiratio furorem mitigasset, respondit sibi mortem exiliūm ue in manibus esse, sed ne animaduersio Imperatorem iam monitum, nobiles omnes à Christi fide recessisse, dubium redderet, aut exemplo lapsos ceteros erigeret, conuiuere se ac permittere, vt Christianus sit & habeatur,

ita tamen, vt ne minus necessaria suæ religionis ostentatione videatur petulantius insultare. Hoc responso inter nobiles euulgato nondum contentus ad triumuiros illos se confert & defectionis suæ leuitate damnata, in Christiana castra recipitur, cum prius sceleris sui culpam impositis publicè pœnis expiasset, & offensionem nouo animi ardore sustulisset, & ita reddita illi familiæ lætitia ipse ad iter Surunganum sese victor accingit.

Atque hucusque in oues Lupi, tandem etiam in pastores ipsos sæuierunt: aduertebant satis eorum præsentia multos confirmari, nec seriò res agi videbatur, donec ipsi ablegarentur. Ipso igitur D. Antonij Paduani, vel potius Lusitani die sacro non multis post edictum diebus (fortasse in eam diem sæuire desierat, vt ægre faceret nationi Lusitanæ, quæ vt alias in Oriente permultas, ita hanc expeditionem Christianam cum tanto fructu complexa est) eo inquam die cum nouus desertor cum pellice sua & Sasioie malorum omnium incentore conuiuaretur, duos è conuiuio viros nobiles ad Collegium misit (quàm aptè Herodem, cum sua Herodiade imitatus) quibus internuncijs hæc fere Patribus renunciari iubet, Imperatorem suum lege Christiana omnibus interdiceret, eam ob causam sibi omnino non licere Patres illius legis præcones ac ministros in prouincia sua retinere: abirent igitur quò maximè vellent, sua secum efferentes, præter ea quæ Iaponensi de more efferri non solent. Hæc consuetudo est, vt proscripti ædes suas storeis instratas ex more, portis ac fenestris, & cetera lignorum congerie instructas fisco relinquant.

*Patres nostri
discedere A-
rimensi agro
iubentur.*

Hoc mandatum extemplo Collegij Rector Matthæus Cores tum Præfuli ac Præposito Prouinciali Nangasaquium, tum reliquis Patribus in singulas paræcias tota ea regione distributis, mittit renunciatum. Quod ubi euulgatum est, dubitari potest vtros perculerit acerbius hic nuncius, neophytosne an pastores: illi quippe se deserui dolebant, eo maximè tempore, quo euocari, si aberant, debuissent; his durum videbatur, tot annis cultam vineam vno die vastari, in qua ne vnus reperiebatur pal-

palmes, qui non in Christo vite vera per Baptismum insertus esset. Ad eum ergo nuncium, qui perculsus omnes videbatur, frequentiores in ædem nostram concursus fieri cœpti, ijque ita excreuerunt, vt in tyranno, quod assolet, metum suspicionemque finistram excitarint. Ædes enim sacra ad pedem collis in quo arx eminet extructa omnia conspicienti, obijciebat. Ergo immis-
*Quantopere
neophytos ad
nostros hic
nuncius affe-
cerit.*

Et quoniam post mandatum dissimulante toparcha nostri dies aliquot substituerunt, per eos dies continuo labore diurnis ac nocturnis horis concurrentes neophyti salutariter expiati & Eucharistiæ Sacramento refecti dolorem suum, quem detergere planè non poterant, mitigabant, & futuro certamini parabantur. Et quod de Arimensi orbe dico, non minus de reliquis nostrorum sedibus dictum volo. Et sanè Arimensis Ecclesiæ virtus in hac procella superanda talis ab his principijs semper fuit, vt vniuersæ Iaponiæ exemplo esse possit, in retinenda fide nihilo minus, quam antea fuerat in amplectanda. Interim enim dum triumviri hoc ipso tempore omnes ad deficiendum prouocant, ipsi breuem pastorum suorum præsentiam in lucro reponentes in hunc fere modum se ad futura comparabant. Nec solum viri nobiles aut e militari ordine, quibus natura aut exercitatione fere plus est animi ad spernenda pericula, sed ipsi negociatores & agricolæ, ac reliquum vulgus primorum exemplum & auctoritatem præire potius quam sequi videbantur: è quibus permulti nouo more illustre subeundi martyrij sodalitium contrahebant, & adhibito iureiurando & gentis more chirographum educto sibi è digito sanguine confirmabant, alijsque modis necessitatem oppetendæ sibi pro Christo necis imponebant, ne quis fortasse tyrannorum aries conceptam animo excuteret firmitatem.

Accepto Nangasakuji tristi nuncio reque in deliberatioe vocata,
 tamen

*Arimensi ec-
clesia consuli-
tur.*

tametsi neophytis videretur vti patres omnes huic primo furori cederent clam postea redituri. Patribus tamen visum gregem à pastoribus simul non deferendum, aut potius prodendum. Rectori ergo mandatur omnino, tres aut minimum duos nominet, qui etiam cum vitæ periculo sese intra regni fines occultarent. Fecit ille quod iubebatur, duos intra urbem abdidit, alium extra urbem, cui mox alij duo adiuncti sunt, qui rem Christianâ, quàm prudentissimè possent procurarent. Ceteri magno vtrinque sensu ad mare deducti se Nangasaquium receperunt, vnde proximis consilijs, literis, excursionibus præsentis suæ auxilia supplerent. Eò cum postea ipse Arimensis regulus excurrisset, clam ad Ecclesiæ Iaponiensis præsulem & Societatis nostræ Præpositum Prouincialem salutatorem misit propinquum quendam suum, quo internuncio multa ad se purgandum causabatur; esse se animo quo semper fuerat Christiano, sed ne patria hæreditate excideret cogi se ad ea quæ faceret, & quamuis sciret quanto se scelere astringeret, sperare se tamen mutatis temporibus omnia cumulatè instauraturum. Sed ea fide qua in Deum laborabat, nihil mirum si apud homines laborauit, cum exitus aperuerit, vel eum finxisse quod diceret, vel paulatim in deteriora prolapsum sensim has quoque scintillas extinxisse.

*Nonnulla
prodigijs si-
milis con-
tingisse nar-
rantur.*

Multa post discessum nostrorum certis auctoribus portenta contigisse narrantur: sæpe ab excubitoribus, qui eo missi fuerunt, ac per multos dies auditi qui per domum inambularent, sæpe à neophytis auditum campanæ signum sub noctem pulsari solitum ad virginem salutandam, cum tamen non solum nemo adesset pulsaturus, sed æra quoque campana nostri secum extulissent. Quin etiam ex agro suburbano incolæ narrabant se pulsum ad sacrificia solitum sæpius inaudisse. Sed nihil æque nouum fuit, quàm nocturnis horis, nescio quo die, in paucis apud Arimenses olim celebri, ab excubitoribus visam esse supplicantium pompam, quam nostri planè vt solebant, vnà cum alumnis explicabant. In ædem quoque suburbanam Deiparæ sacram cum desertor quidam dynastæ voluntate habiturus concessisset, & postes ac valuas profanis simulacrorum sententijs fœdasset, nocturnis lapidationibus ita vexatum ferunt, vt de deferendis ædibus cogitaret.

POST

POST MVLTa CERTAMINA LEO PRO

Christi fide fortis occumbit.

CAPVT XV.

Leo ille de tribu Iuda qui moriens vicit, tulit vnum de leunculis suis & Leo factus est & docuit eum moriendo quoque prædam capere, cælum ipsum, & dum vincitur victoriam reportare. Certaminis huius narratores simus, & simus illius spectatores & admiratores. Leo hic alter à superiore in Arimensi agro natus est in oppido Chingiuā tribus Arima non plus leucis; hic à puero in Christi militiam adscriptus sub prioris procellæ tempus imperante Taicosama, cum nostri Bungo pulsī prope Chingiuam suum collegium transtulissent contracta cum ijs familiaritate tantum in rei Christianæ abdita penetrauit, vt vnus haberetur in Arimensi agro ex ijs, qui nedum concuti multo minus excuti posse crederentur; nec aliorum de se opinionem sefellit euentu. Nam primis huius procellæ diebus cum Ximabaræ nouus prætor de re Christiana euertenda consilia misceret, ipse animo forti procellam ipsam sua sponte lacessiuit. Affinem enim dynastæ adiit Mambu appellatum, qui Chingiuam regebat, ei exponit se posthac dynastæ quod parenti fecerat non alia famulaturum lege, quàm si sibi christianè viuendi publicam faceret facultatem, & interim dum responsum expectat, ab omni publici muneris parte se libenter continere.

Mutato igitur negotiorum genere, qui reguli sui obsequijs abstinebat, diuina, quod & antè fecerat, totus vnusque tractabat, neque sibi contentus viuere & continua comparatione pro Christo mori, suà etiam, vt erat apud suos primarius, auctoritate multa perficiebat, Christiano ardore omnia aggrediebatur, cursabat per domos, hortabatur ac prensabat omnes vti officij sui memores sibi Deoque constarent, vt concionator exinde videri malle, quam miles, non mutatis solùm vitæ studijs, sed armis quoque positis discinctus videretur. quam rem cum aliqui nouitatis notarent, aiebat, se pro Christo breui morituum armis nullis indigere. Oppido deinde ipso cum contineri noller, in proximos pagos excurrit, sparsitq; quo ardebat diuini amoris incendium. Id temporis post edicta

H

iam

iam euulgata in pago proximo moritur neophytus, qui rei Christianæ præfectus erat (vt operariorum paucitas in eam Ecclesiam morem induxit) edictorum metu Christianæ sepulturæ ritibus abstinebat, Leo monitum adducere non potuit vti officio suo fungeretur. Ergo ille ipse rem aggreditur, affirmans se vitam ipsam, quam vnam tyrannus auferre poterat, in hac ipsa causa positurum. Contulit quoque se ad visendos intra nemora proscriptos, vt inde ignes suos augeret, quo sua subsidia deferebat: quin etiam in proximum regnum excurrere parabat, vt alijs isthic relegatis omnium fortunarum profusione succurreret.

Bimestri toto hanc vitæ rationem tenuit, nec adduci vnquam potuit, vt aulicis obsequijs vicem suam daret, hoc solo nomine quod nondum libera sibi esset à dynasta palam Christiano ritu viuendi facultas data: imò verò quo tempore in aulicos à triumuiris illis inquirebatur, ipse quoties Arimam petebat palam precatorios globulos è collo gestabat, nec eos vllis amicorum precibus seposuit, ne quam abdicatæ fidei vel debilitatæ suæ firmitatis suspicionem daret. Nec tamen his omnibus prouocatus dynasta seuerius in eum animaduertebat, quem sibi conciliare maximè cupiebat: tamen cum tribus perfidiæ monstris, velut cum Proteo ter Leo noster videlicet cum transfugis fortissimus athleta decertauit. Primus è triumuiris vnus, Camon dicebatur, dissimulato furore officiosis sermonibus blandè venena sua instillabat, asserens videri sibi iustum, vt principi suo libens ac volens assentiretur. Verum Leo, defecisse te Camon à Christo nescis quantopere bonos omnes offenderit, quid erit vbi te auctorem esse alijs vt excidant à religione vulgabitur? Sanè meminisse te oportebat à quo fueris puer educatus, cum à Præpositi Prouincialis Gasparis Cœlij latere nunquam discedebas, cuius in te beneficia id efficere debuerant, vt ceteris titubantibus vnus tibi ipse constares. His erubuit Camon: mittamus isthæc, inquit, & vna cum hero si ita collibuerit inferna supplicia toleremus. Non ita, inquit Leo, heri quippe nostri in nos auctoritas angustis huius vitæ spacijs continetur, quibus euolutis alia sunt imperia, diuersæ clientelæ; nam & modò si quem è vita functis suis clientibus euocarit, surdo canet. atque
hic

hic hortator importunus silentio victoriam cedens victori se subduxit.

Alter qui eum altero sed non secundo impetu laceffuit, affinis ille dynasta Mimbu fuit, cuius opera liberam ab regulo Christianè viuendi potestatem petierat, is renunciauit posse si vellet locum & annuos à dynasta census his legibus retinere vt Christianus esset quidem sed ab externa religionis suæ demonstratione quoad fieri liceret abstinere. Gratijs propensæ vtriusque in se voluntati habitis respondit, se prius heros duos habuisse Arimenses dynastas Stephanum ac Ioannem fratres, & quoniam vterque viuens ac moriens Christianam semper fidem in magna temporum varietate publicè retinuerat, non esse sibi integrum ab eorum exemplis degenerem deficere, nec eorum auctoritate contempta nouo nunc per summam in Deum perfidiam cedere desertori; se tamen ei, si quam petijt, faciat facultatem, eam in omnibus extra religionem officijs quam in præcessores exhibuit propensam clientis demissionem, nec aliter exhibiturum. quo responso Mimbu obstupuit, nec ultra nunquam cessurum laceffuit.

Ad triarios iam ea res deuenisse credebatur, cum è triumuiris primipilus senex ille è sacrificulo impostor, ex impostore desertor Yamato ita Leonem est aggressus, initio quidem velut eblandiens propensam suam in eum imò etiam in ceteros neophytos voluntatem exaggerauit, à quo constabat cohibitum nuper dynastam, ne in neophytum Ariensem morte sæuaret: quæso te, interpellat Leo, vt me monericures, si quando in eum mortis sententia pronuntiata fuerit, vt hortaturus ad eum & gratulaturus possim accedere. Dissimulato etiam tum scommate ait iudex, quid tibi cum precatorijs illis globulis, ab de sodes, nec volens nolentes irrita: cum Christianus, ait Leo, esse desiero. quæ cum diceret, incurrit in oculos superstitiosa nescio cuius Idoli imago seu characteres in pariete: Quin tu hanc ipsam abdis aut mihi tradis exurendam, in quam numos aliquot inutiliter insumpseris, quod si facturus non es ethnicus, neque ego quod iubes Christianus. Tum indignatus senex, non euades inquit, in hac viuendi loquendique libertate, quod deinde nolès euenisse. Nihil minus me angit, ait

Illius constantia tentata.

Leo, cum id vnum sit, quod dudum cupio, & in horas præstolor. quæ cum dixisset abiit, satis certus extremum sibi post hæc præludia instare certamen, quod animi sui præsagium amicis Neophytis per eos dies cum valediceret Iaponensi de more poculum epotans apertè significauit.

Nec spes eum sua fefellit. Nam tyrannus à triumuiris incitatus, & maximè ab aulico imperatoris, quem rerum suarum testem ab Imperatore acceperat, persuasus, opus esse ad territandos ceteros, morte plecti alicuius libertatem, tametsi grauatè sibi eriperet insignem militem & antiquum clientem, mortis tamen in eum sententiam pronunciauit. Et vt res sine tumultu fieret, notæ virtutis animique hominem aggredi palam, aut reorum more comprehendi visum non est, nam ad interfectores ab iniuria tuendos his sæpe modis rei plectuntur, ne vel ipsi desperatè vitam tueantur, vel eorū propinqui insolitam mortem ignominiam suam rati velut propriam vlciscantur.

*Occiditur pro
Christo.*

Ergo quo die Assumptæ virginis octiduo celebrata solemnitas clauditur Leonino nostro cælum aperitur. Nam amici tres dynastæ familiares ac Leonis commilitones eum per dissimulationem ad dynastam euocant, qui cum arma cingeret, quæ ante discinxerat, protestatus est, se id facere, ne tyrannum offenderet, si præter morem inermis eum conueniret, ea se positurum cum de morte, ad quam euocari se sciebat, ageretur. Verum sicarij illi, dum in angustijs priorem ei locum cedunt, à tergo adorti primo inter humeros ictu inopinantem sed non imparatum propè diffindunt, qui ruens interim dum è latissimo vulnere copiosus sanguis ebullit, inuocans sanctissimum Iesu nomen arma proijcit illius memor quod ante fuerat protestatus; dum autem dextra manu signum crucis formare nititur expirauit, & intra triumphum suum sepultus vicit Leo de tribu Iuda, id est, Leo è consentientium turba triumphauit.

Ac ne dubitetur de causâ martyrij ab ipso tyranno testimonium repetatur, is enim post extinctum Leonem filio Augustino renunciari iubet, se ipsi annuos parentis census & officij dignitatem confirmare; quem duabus ex causis occidi iusserat, primum quod testatus esset, se postquam Christianis seruierat, nolle sibi seruire

(utpote

(utpote desertori, quod ipse reticebat) tum quod nimis videri vellet, nec solum esse Christianus. Quam causam quis dubiam esse posse cogitabit, nisi si quis in ipsa luce meridiana cæcutierit. Sed ad gloriosi martyris nobiles exuias, quas mortalis immortalitatis desiderio consecrauit, redeamus. Vbi auditum est Leonem occidisse, concursum est eo frequentius, quàm spectantis quodammodo ex arce proxima tyranni metus suadebat, ab his crines refecabantur, ab alijs vestium lacinia truncabantur, à nonnullis tellus imbuta sanguine recenti radebatur. Ad eum deinde terræ mandandum duo nobiles neophyti, quorum alter est ipsius tyranni patruus, accurrerunt, proximo cæmiterio tantum pignus commendaturi. Sed aliquot ex neophytis indignum rati sacrarium illud in profano iam loco, quem desertori attributa possessio scædauerat, asseruari, intempestæ noctis silentio Martyrem exhument, nihil veriti vitæ discrimen, si fortè deprehenderentur, & intra triduum Nangasaquium quàm occultissimè delatum Societati tradunt asseruandum. Illud sine pompa, ne malum aliquod neophytis inde crearetur, in omnium Diuorum ædem infertur, ut cuius animus in cælis Diuorum omnium consortio fruebatur, eiusdem corpus sepulchri iure in eorundem contubernium societatemque inferretur. Ea mors non solum non extinxit ardorem neophytorum, sed acrius inflammauit. Satis constat ex illis ipsis qui sibi defuerant, plures se in hoc firmitatis speculo inspexisse, damnatæque quam in se aduerterant perfidiæ scèdirate lacrimis suis animi maculas eluisse, ac Ecclesiæ redditos blandæ matris amplexus reperisse.

Honor martyri exhibitus.

POST SOCIORVM DISCESSVM QVID

Arima contigerit.

CAPVT XVI.

NEophyti Arimenses postrema quam à pastoribus suis acceperant refectione ex ouibus in leones mutati, ut ait Chrysostomus, ignem spirantes ab illa mensa recesserunt, & diabolo facti terribiles de illius ministris triumpharunt, non ij solum qui nullo accepto vulnere prælium adhuc integri sustinuerant, sed illi quo-

Neophytorum seruos.

H 3

que

que qui titubauerant, sibi constiterunt, qui lapsi fuerant, seipso erexerunt, eamque rem tum demum præ se tulerunt, cum nouo impetu labefactari potius quam confirmari posse videbantur. Cum enim cuperent plerique quod negauerant recantare insignem illis publicæ professionis occasionem noua procella subministravit.

Nescio quis simulacrorum sacrificulus cum arbitraretur fortasse sociorum absentia pudorem defectionis è multorum frontibus detersum, autor dynastæ fuit ut per speciem exigendi à clientibus sacramenti certam diem diceret quo die in arce ipsa iuberentur omnes Idolorum volumen apud eam gentem sacrum, capiti venerabundi imponere, qui renueret non religionis solum specie reus, sed perduellionis etiam haberetur. Id ubi edictum fuit & indictum, mirum quanta hilaritate Arimenses neophyti spes quisque suas fundendi pro Christo sanguinis innouarint. Lapsi verò plerique non negligendam restituendi lapsus tempestatem minimè neglexerunt, arbitrati nihil solemnius accidere ad fidem faciendam, nihil proclius ad perfidiæ suæ pœnam plectendam posse contingere. Itaque solemni inter se coniuratione conspirant, se cœtu in medio simul omnes conclamaturos malle sibi ceruices amputari, quàm huius voluminis impia sarcina onerari; quod eum ritum violatæ fidei signum à neophytis exigi satis constaret.

Huius coniurationis sanctè contractæ fama toparcham ipsum permouit ne auderet quod imperauerat exigere, quod videret non solum spem suam eludi, quam auctore sacrificulo de neophytis è sua firmitate deturbandis conceperat; sed etiam intelligeret prope omnes quos tantis laboribus sibi utcumque adiunxerat vno momento à se defecturos. Ergo ne videretur rem subodoratus, indictam Sacramento infami diem distulit, non sustulit. Sed neophyti nullius ultra moræ patientes, denuo inter se conueniunt consilium in re dubia quæsituri; statuunt primam coniurationem nulla ratione ultra condictam diem prorogandam. Sed quoniam in publico ciuium cœtu quod constituerant fieri posse desperabant, ea ipsa die simul omnes ad primarium Arimensis agri moderatorem se conferrent, eoque teste quod ante fuerat constitutum exequerentur.

Nec mora ubi condicta dies aduenit simul omnes ad moderatorem

*Consilium de
publica fidei
professione
inuenit.*

torem regni se conferunt, ac primum præteritæ suæ defectionis palinodiam cantant, expressam religionis suæ professionem pronunciant, librum à gubernatore exigunt, pedes illi non caput oblaturi. Ceterum Arimensi dynastæ Sacramentum clientelæ Christiano ritu deferre se velle protestantur. Quæ omnia morte, vel si luberet proscriptione, paratos se confirmare potestati rogauerunt v- *Exequuntur.* ti nomina sua remque ex ordine dynastæ nunciaret, quo præsentis optauerant hæc ipsa pronunciare si res ita permisisset. Ad hæc cum primarius ille regni moderator, quique interfuerant obstupuissent, non iudicauit eam rem posse celari, sed ad dynastam ingressus Thomam quendam, cuius maximè ardor eruperat, præ cæteris detulit, effecitque vt in eum mortis sententiam pronunciaret, quam tamen vt i reuocaret allatis multis rationibus ceteri moderatores euicerunt, & lentam in tristi exilio mortem impetrarunt; quam Thomas ita excepit, vt solatium amissæ coronæ agnosceret, & mitigatam pœnam, pro incremento laborum acceptaret. Alius etiam ex eadem causa, Gaspar dicebatur, omnium gubernatorum machinis impetitus æque blandientes repulit, vt contempnit minitantes. Quin cum iisdem artibus per se ipse dynasta Gasparem aggredereetur, promissis reiectis vnam mortem aut saltem exilium pro beneficio petijt, & postremum à desperante victoriam tyranno impetrauit.

Horum exemplum secutos deinceps plures cum quotidianis protestationibus gubernatores fatigarent, ad toparcham detulerunt, neminem prope esse qui non resilierit à lapsu, neminem qui adduci possit vt labatur. Quo audito ita excanduit, vt iuuenili impetu pronunciarit in eos mortis sententiam qui ad defectionem suam reuocandam regni moderatoribus se stitissent, quos ipso momento iubebat plecti, nullo alioqui iuris aut iustitiæ ordine obseruato. Verum cum hac ex causa magna in senatu orta esset altercatio contendentium, hoc esse oleum in ignem iniicere, ita omnes vitæ prodigi credebantur, vt plerisque mactatis aut fugatis terra in solitudinem redigenda videretur; euicit tandem solitudinis metus, & constantia pertinaciam superante in mitiorem partem coacta tyrannis inclinauit. E toto numero sex nobiliores armis contumeliosè exuendos & in exilium ceterorum more cum omnium bonorum

pro-

*Sex familia
proscribun-
tur.*

proscriptione ac tota familia relegandos. Hoc ubi erupit, donec vota pendebant inter omnes certabatur; quæ cum persecutor nominatione diremisset, gratulabantur omnes ijs quibus *funes ceciderant in præclaris*; plerique etiam exclusos ubi se sua spe viderunt, si dicere licet, inuiderunt. Nec ipsa gratulatio aut inuidia sex Athletarum illorum familijs sese continebat; nam si quis illis propinquus sanguine aut amicitia deuinctus erat, ad eum pars magna gratulationis redundabat, nec erat qui non ad eos pertinere velut laboris particeps affectabat.

Ex ijs vnus fuit quem amicus ethnicus eripere huic fortunæ conabatur, sed cum nihil suadendo profecisset, chirographum quàm proximè potuit imitatus, velut amici nomine ad iudices detulit, quo ille Christi fidem eiurabat. Sensit hoc neophytus, & extemplo quatuor alijs neophytis, quos in testes euocauerat, comitatus confert se ad iudices, & multis de iniuria questus, allatum ab amico chirographum, non Christi fidem eiurat, testatus eum sibi amicum esse non posse qui se malis artibus à Christi cruce auertere conaretur, se Christianum semper fuisse, nunc esse, & in posterum semper fore Deo semper iuuante, quicquid illi hac ex causa contigisset. Ergo cum cæteris in exilium mittitur, vnica veste qua tegetur è tota supellectile, quam ipse pessimam elegit, amictus. Sed in hac re illustre fuit vxoris illius factum. Nam cum ad eiurandum chirographum maritus perrexisset, intellexit quàm euidentis vitæ discrimen incurreret, cuius magna pars ad eam laponenſi ex more veniebat. Ergo festiuus induitur vestibus, vt hilaritatem qua in Christi causa necem operiebatur, ipso cultu præ se ferret. Sed cum relegatus domum redijt maritus, extemplo festiuâ exuitur vestem ac maritum imitata tritam lacernam eligit, ne meliora sibi reseruasse, peiora Christi causa reliquisse minore merito videretur. Ita non est abbreviata manus domini, cuius instinctu nuper sine Numine populi tantis in eius cultu certant obsequiorum artibus, facilè vt videas, vnum eundemque spiritum hortum suum orbis totius cancellis conclusum suauissimè adspirare, & per omnes

illius angulos plantasque dif-
fundi.

QVO EVENTV PER AGRVM ARIMENSEM eadem procella sauiet.

CAPVT XVII.

Imber qui ab imperij sede erumpens Arimensem ditionem Iaponiamque vniuersam tandem percurrit, non oppidorum mœnibus duntaxat se tenebat, sed in ignobiliore quoque vicis irrumpebat ubique suæ calamitatis vestigia reliquit, quæ persequamur. In Arimensi agro multa contigerunt quorum quædam vniuersim omitti non possunt, singillatim ubique repeti non debent. Huius generis instituta ubique martyrij candidatorum sodalitia & proprii sanguinis sigillo chirographa rubricata, magni ad Sacramenta concursus, colloquia de martyrio prope continua, vestes ad Crucem subeundam comparatæ libri de martyrum tormentis manibus triti, flagellatio totius familiæ quæ copiosum sanguinem eliceret sæpius instituta, indicta per dies aliquot intra octauum quemque diem ieiunia & alia huiusmodi sexcenta, quæ ideo nusquam commemorantur, ne alicubi defuisse credantur: quæ peculiaria cuique fuerint in Societatis domicilia celeriter excurrentes percurramus.

Ximabara ideo prius commemoretur, quod primos huius imbris impetus sustinuerit; nam cum ibi à regia redux nouus dynasta exscendisset; ibi primum edicta conscripta, triumuii nominati, Cruces disturbatæ: sed neophyti repentino casu vinci non potuerunt, vulgo sibi constiterunt, cetera cum ceteris communia, hoc singulare. Non defuit vnus aliquis è neophytis ardentioribus, qui fabricari sibi crucem curauit ad eam formam qua Iapones subinde solent reos plectere, vt si forte in eam agi iuberetur, domi paratam carnifices inuenirent, nec in ea fabricanda sua vota differrent, vtq; illius conspectu ad eam optandam sese vehementius incitaret. Ex iisdem neophytis alius copiosus in primis, sed qui præ Christo omnia arbitrabatur detrimentum ad martyrij famam ac spem in vicinum regnum Fingo excurrit. Sed audito iam domi quod foris quærebat posse sperari, domum recurrit extemplo, arbitratus triumuiros opibus suis illectos sibi quam optabat pro fortunis fortunam obiecturos. Sed cum nihil contra eum moueretur, audissetq;

I

apud

Ingens martyrij desiderium.

apud Fingenses edictorum crudelitatem recruduisse; dimissa re familiari venatorij canis instar odorem prædæ persequitur, quam si nondum assecutus est, votorum tamen suorum præmio non carebit. Adolescens alius domestica certamina ita tulit, ut nec rationibus nec minis cesserit: quin potius ab impio parente biduum sine cibo ac potu vinctus manus pedesque ita fortiter, ut intumuerint, hilaritate sua parentem adduxit, ut de victoria desperaret, quam Deo gratulaturus ad nostrum sacerdotem, qui clam ibi rem Christianam procurabat, adducitur, & in constantiæ præmium cœlestibus ad ulteriora si ingruerint prælia sacramentis communitur. Sacerdotem illum cum Dynastæ ministri ad discedendum vrgerent, ædes sacra sacro apparatu in conspectu neophytorum exui cœpta lamentabilem illorum prouocauit eiulatum, quod in ceteris etiam Arimensis agri vicis scribitur contigisse; Cum verò discessurus portum peteret, tanta fuit complorantium multitudo ut angustijs viarum capi non posset, tamen si non ignorarent, intra duas leucas habere se alium sacerdotem cum socio, ipso ut max dicam dynasta permittente.

In agro Arimensi tempestatis huius vndas euasit vicus vnus, velut scopulus in quem naufragi adnatarent. Is fuit Canayama, cui præerat Georgius Yafengi nobilis neophytus in primis ex Ecclesiæ Iaponensis primitijs à P. Gaspare Villela olim salutaribus aquis expiatus. Is aliquot jam ruinas intrepido capite excipiens, non semel proscriptus, demum in Arimensem agrum Christiana fruge rota Iaponia feracissimum profugerat, è regno Fingo nuper eiectus, fortunarumque suarum quæ fuerant amplissima iactura locupletatus. Is venienti dynastæ Ximabaram occurrebat non tam officij causa, quam ut Christianè viuendi facultatem primus extorqueret, aut ceteris exemplo futurus primus plecteretur. Eum dynasta præuenit, cum enim è superioribus prælijs notam fortitudinem præ se ferret, maluit ultro deferre, quod frustra negare niteretur. Itaque per internuncium è suis propinquis, Mambu vocabatur, ei renunciari iubet, se quidem uti cum Imperatore conspiraret tota sua prouincia Christi sacris interdicturum; illum tamen vnum ex legem peculiari beneuolentia fore, posse sacram ædem

*Vicus vnus à
persecutione
liber.*

ædem suumque sacerdotem cum socijs ac cetera quæ ad religionem spectant omnia sibi sed occultè tamen retinere. Quæ res huic Ecclesiæ magno solatio fuit, ac maiori fuisset, si diuturnior extitisset. Interim tamen è vicinis locis turmatim in eo permulti rei sacræ causa conueniebant, nec vt maximè procuratum fuit, confluentium torrens potuit inhiberi, quin per deuia & aspera loca matronas habitum mentitas prænobiles, pueros ætatis tenerioris præ reliqua multitudine secum raperet, & obuia omnia impedimenta, minarum, edictorum, pœnarumque perfringeret.

In Vico Chingiua maior quam alibi strages fuit, eo eo quod ethnicorum vicina pestis semper ibi suæ luis aliquid exempli contagione vulgaret. Ibi quoque plerique tamen sibi constiterunt. Sed præluxit omnibus Martha dynastæ Arimensis vxor legitima, quam Fime noua pellex eo retruserat. Illa isthuc annum vnum repudij sui contumeliam Christiana animi æquabilitate tolerabat, & patienter cogitabat quæ Domini erant, coniugij iugo soluta. Verum quies illi non fuit diuturna. Pellex enim vxorijs suspicionibus inquieta, rerumque dubio euentu sollicita, non satis tutum coniugium sibi videbatur adepta, quam diu Martha ius suum soluta speraret. Itaque machinis omnibus vrget, vt nono coniugio priores nuptias ac iura desperet. Verùm Martha id sibi diuinis legibus humanisque interdici sciens adduci non potuit, vt sacra prodidisse vel humana neglexisse iura videretur: sed annos nata non plus vnum supra viginti ætate sua viuente marito viduitatis quodammodo continentiam impetrauit, cuius præmium proscripserat libens accepit, & stramineo mapali inter duos montes excepta nouis meritis cumulauit, ac nouis subinde exilijs vexata nunquam potuit à sententia dimoueri.

*Martha legitima regule
Exor à pellice
Sexatur.*

Cuchinoccu Arimensis agri totius, quem Tacacu vocant indigenæ primum nouale Christiani iugi sulcos admisit à Patre Cosmo Turriano, & ita feliciter, vt cum antiquitate loca cætera superarit, religionis ardore nulli inferior vnquam esse voluerit. Illius incolæ cum huius imbris minas diuante præuidissent, prius se compararunt, quàm impeterentur. Coacto quippe suorum cœtu statuunt, cum primùm dynasta exscendisset, è suis primores ad eum

*Insignis fer-
nor Christiano-
rum.*

legare, qui exponant, se primos Arimensis agri Christianæ legis professores, suam legem annuentibus dynastis omnibus semper saluam sanctamque retinuisse, Sacerdotem apud se cum ceteris rei Christianæ administris in qualibet varietate temporum conseruasse, petere ut hoc ipsum sibi eius fauore factum esset ac rectum, ut fide Numini seruata, proxima illius iura dynastæ ipsi facta rectaque conseruarent. Quod si per eum non liceret, certum sibi esse sciret, statum, fortunas, liberos, vxores, patriam, ipsam denique vitam ad vnum omnibus in hac ipsa causa prodigere. Hæc rite conscripta, quæ dynastæ ipsi traderentur, singuli subducente se nemine, propria manu consignarunt, & in archiuum suum dum tempus chirographum commune prodi postulare, immiserunt. Hæc bene concepta Christianorum deinde exercitationum, quas paulò antè commemorauimus, accurata comparatione, ad imminens partum efformabant. Vnde primos parturientium dolores in edictorum eiulatu ita tulerunt, ut de comparatis sperabatur. Si quis ante edicta tepidior ædem sacram rarius frequentabat, ab ea tum auelli non poterat; si quis precatorios globulos è Zona gestabat, eo tempore in collum inferebat, ne illos occultare videretur. Denique omnes commune chirographum denuo in æde sacra coram Sacerdote nostro innouarunt.

*Publica fidei
profectio.*

Sub hæc ipsa tempora fortè ex Arimensis toparchiæ moderatoribus vnus illac iter faciebat, à quo cum loci primores euocati multis vrgerentur, ut dynastæ auctoritatem & exemplum secuti à Christo deficerent, obtemperantibus præmia, renuentibus pœnas esse propositas, ita responderunt, ut professionis suæ sententiam scripto exegerit, ipsi verò cum chirographum commune protulissent, ab eo iubentur Arimam illud ad triumuiros illos perfidiæ hortatores deferre; quod se non illibenter facturos receperunt. Post moderatoris discessum ex heroico facinore admirabilis exarsit omnium ardor pro Christo, ut sperabant, moriendi. Nemo fuit qui non vestem sibi, vxori, liberis etiam tenerrimis ad crucem subeundam compararit. debita passim alter alteri in perpetuum condonauit, fortunas suas cum egenis multi communes esse voluerunt, instituta mutæ valedictionis gentis more sanctè castèque conuiuia;

deni-

denique omnium erat *cor unum & anima una*, tantâque ubi metus esse potuerat, exultatio, ut aliud potius quidlibet ex his quæ optari solent, quàm imminencia supplicia præstolari viderentur.

Nec id animi robur teneriori deerat ætati. Puerο cuidam cum nescio quis è prætoris satellitio occurrisset, cum precatoriam corollam è collo suspensam criminaretur, eam à puero exegit, magis terrendi causa, quàm quod id haberet in mandatis. Negavit puer Christianum Ethnico posse fide integra res sacras tradere. *Maëta* Puerorum bo teigitur, inquit ille; maëta, respondit puer, & in genua mox proferker. uoluit cervicem aptat iunctisque manibus ictum diu præstolari. Satelles autem admiratus collaudatum puerum suaviter complectitur illæsumque dimittit. Non absimilis huic fuit octennis virguncula, cuius cum parens disturbatam crucem publicè rapuisset, & in suam domum intulisset, professus coram impietatis ministris, exclamavit eum qui sibi prædam eripere cogitaret sciret sibi prius & coniugi debere vitam eripere, & filiolum intuens ait; huius vnus cura me angit, cui, me sublato, superstiti quid futurum sit ignoro. Ad hæc puella ita respondit, ne hac angaris cura, parens, effice, ut cum moriendum vobis erit, ipsa præmoriar, facile hoc erit à carnificibus impetrare, tum demum sine cura morieris. Nonnulli cum extra ictum sua pignora Arimensis agri finibus emittere cogitarent, infantium fletu deterrebantur, & fuit qui per fraudem abductus puerilibus armis reditum extorserit. Quis ista non stupeat exclametque, *Ex ore infantium & lactentium perfecisti laudem propter inimicos tuos.* Testimonium quippe domini fidele sapientiam præstat paruulis.

Hoc maximè rerum statu nostri ex Arimensi agro relegantur. hic vicus sacerdotem suum dimisit quidem, sed ut in posterum retineret, nam cum ad nauim deduxisset latebras illi post leucas aliquot præparavit, unde ad se reductum auxilio suo subsidioque conseruat quàm potest occultissimè. Quo ex tempore cum Arimam semel euocati primores excurrissent, non sunt tamen ausi triumviri notam veteranorum potius quam tironum tentare firmitatem: alia igitur omnia cum ijs conferentes dimiserunt, & omnium spem, sed Christi confessores exco- non merita, fefellerunt. Per eos dies cum è Fingo viginti & plu- res pte.

res proscripti ad eum portum delati aduenissent, concurrentes neophyti fortissimos in Christi causa pugiles à multitudine inter brachia elatos in suas ædes non sine visendo charitatis tumultu intruferunt de nouis hospitibus prope harpasti ludum exercentes, ac deinde conuiujs omnique humanitatis genere certatim exceperunt, nullusque finis erat, vel commendandæ constantiæ, vel fortunæ gratulandæ. Hæc omnia satis fuerunt, vt vetulam quandam bienio iam apud se commorantem, erroresque suos pertinacissimè retinentem virtutis admiratione adducerent, vt quos antea semper oculos veritati clauferat, in hoc fidei splendore aperiret, ne esset eo in vico qui Christum nollet profiteri, quem omnes obsistente inferno prædicabant.

ARIENSIVM NEOPHYTORVM IN
fide constantia.

C A P V T XVIII.

ARije vicus est Arimensis agri feracissimus, quam naturæ feracitatem gratiæ copia cohonestans longa collegij ac seminarij Societatis quæ ibi diu constiterunt cultura, colonorum spem in communi licet calamitate non fefellit, recenti maximè martyrum sanguine irrigatus. Excepit igitur edictorum fulgetra, minarum grandinem, iudiciorum imbres, eadem ac ceteri comparatione, sed feliciore fortuna. Quamdiu licuit illis pastorem suum retinere, illius vocem & pascua secuti cetera egerunt omnia quæ de singulis scribi potuissent. Arimâ se recepit ille Nangasaquium cū reliquis, verum deinde à superiore nominatus, vt stationem suam minimè dimitteret, latuit apud reguli Arimensis patrum in arcis pede dies septem, quibus exactis nocte concubia Iaponensis coloni rusticanam vestem & stramineos calceos indutus in *preparationem Euangelij pacis*, per deuia sibi ad suos inuenit viam. Latebat in mapali stramineo iuxta vicum extra itinerum commercia, vnde subinde ad suos excurrerat, nocturna fide tectus, expletisque boni pastoris officijs in suum se mapale referebat.

*Vnus è no-
Aris occulta-
tur.*

Hæc

Hæc ad conseruandum à pastoribus instituta ; sed neque ad perdendum ouile sua latronibus industria deerat. Arimenses triumuiro non dubij quàm graue sibi esset cum excultissimo vico de religione certamen, eò nobilem desertorem fraudibus instructum & promissis excitatum destinant, qui concepta fiducia quod Iordanis influat in os eius, ad eos venit iram magnam habens : sed illi restiterunt *fortes in fide*, nec præter aliquot moderatorum regni affeclas, aut tributorum publicanos quenquam in suas partes, licet adhibito omni conatu pertraxit.

*Mittitur
postata ad
neophytos sol-
licitandos.*

Ipsi Arienſis agri coloni fortiter sane de illo triumpharunt. Cum enim eos ad deferendum Christum laceſſeret, responderunt communi omnes consilio, se maturam segetem minimè secturos, nisi publicam sibi dynasta faceret Christiano ritu viuendi libertatem : quod si noller, pro segetibus ipsi ceruices, suas tyranno rescandas omnes dabant. Super eare diebus aliquot ita certatum, ut coloni tandem accepta Christianè viuendi facultate cùm primam messem feliciter demessuerant, se ad alteram deinde, quæ sui muneris erat accinxerint.

Nec soli coloni obstiterunt. E ceterorum numero paucos pro instituto seligam, æquè nihil, quàm omnia scribere refugiens. Arienſem vicum pro Principe moderabatur in rebus minoris momenti Iacobus neophytus insignis, apud quem ipse quoque princeps, si quando in vicum veniebat, diuersabatur. Eum in primis exturbandum sibi suscepit Arienſium perturbator : sed ipse tandem post varia certamina de spe sua deturbatus Arimenses triumuiros in subsidium euocauit, à quibus euocatus hoc vnum respondit, se nihil eorum in dynastæ obsequijs refugere, quæ religionem sartam tectamque sinunt, in ceteris nolle desequi, quod facturus non erat, speraretur. Decies luctatus scribitur Iacobus, nunquam claudicasse, quem ne tyrannus mactaret, obsequentis viri officia ex moderatorum regni consilio tenuerunt. Susanna quoque Iacobi vxor sæpius territa vel publica sui corporis nuditate quæ intentabatur, vel lupanaris fœditate cui mancipandam extincto marito minabantur, vel filij quem vnicum habebat orbita re, sibi constitit, & cogitare potuit si non dixit :

*Neophyti
ra cōstantia.*

dixit: *Angustia mihi sunt undique, si enim hoc egero mors mihi est, si autem non egero non effugiam manus vestras, sed melius est mihi sine opere incidere in manus vestras, quam peccare in conspectu domini.* Filius autem ipse licet puer sua firmitate ostendit, quòd fortes creentur fortibus, nec imbellem feroces progenerent aquila columbam. Patrum enim suum à quo ad defectionem vrgebatur, in multorum confessu cacodæmonis filium appellauit, & aliàs ab eodem incitatum, nefanda fari. Parens verò de filio sollicita ita respondit, sibi vnicum esse, nec alium habere, quem Deo suo offerret meliori utique domino, quàm dynastæ. Huius certaminis exitus Iacobum fortunis omnibus spoliavit: sed religione sua diues thesaurum sibi non deficientem in cælis referuauit.

Alium quendam Arimenses triumuiro ad se accersitum acriter sollicitarunt, ut quoniam dynastæ annuos census colligebat & ab eo agrum quendam familiæ sustinendæ possideret, illius voluntati obsequi ne cunctaretur: sed maluit agrum dimittere quam centuplum desperare. Illo igitur spoliatus ad sacerdotem nostrum se contulit, intra latebras suas hæc omnia certamina moderantem, ubi cum eo sua gaudia diuidens hoc vnum querebatur, quod tantillum in Christi causa, qui cetera omnia cupierat, dimisisset. Verum intra dies paucos agrum à dynasta ultro recepit, & religionis suæ publicè profitendæ facultatem victor impetrauit. Verum præ ceteris in hoc puluere Athletis fratres duo maximè vitæ integritate fideique retinendæ firmitate excellabant; quorum gloriosum in Christi causa exitum proximo capite narraturus, de utroque pauca præmittam, Michael senior, alter Matthias vocabatur.

Erat Michael Ariensibus à prima ætate Christianæ religionis speculum & exemplar absolutissimum. Continentiam ita coluebat, ut illius splendorem ne suspitionis quidem umbra obscurarit. In pietatis exercitationibus primus erat, imò solus; corporis afflictatione valetudinem ac vires ita attriuerat, ut æquè cum morbis corporis atque cum animi motibus certamen suscepisse videretur: colloquia illi de Deo rebusque sacratissimis continua quia gratissima; sacris mysterijs quot mensibus ut minimum reficiebatur; vulgo creditur nemini vnquam locutus asperius. Denique vitam vivebat quam

*Neophyti
mox marty-
ris vita san-
ctissima.*

quam exigere posses à religiosa vitæ professore accurato potius, quam ab eo qui medio in tumultu rerum mortalium curis tenebatur. Qui sibi talis erat, qualem in ceteros fuisse arbitraris? In Socios à quibus fidei virtutisque præcepta susceperat, ita beneuolus semper fuit, ut hoc illi gaudium esset vnicum, si qua in re Patribus sibi videretur obsecutus. Sanè cum ante annos aliquot ex oneraria Lusitanæ conflagratione res nostra familiaris in extremas angustias deuenisset, effecit ipse per se ac suos ciues ut Arienensis vicus domicilij nostri sumptum sustineret. Eo etiam hortatore ac moderatore sacra ædes labefactata primo splendori restituta, quam ad rem ipse cum operis in siluam ad cædenda ligna pergebat, nec solemnis ieiunij per eos dies rigori quicquam vel ægritudo vel labor indulsit, ab aquæ ipsius etiam potu religiosus ecclesiasticæ inediæ cultor abstinebat.

Eodem in vico alia ædes non procul ab ipsius ædibus assurrexit, eo maximè procurante. Effecit enim ut neophyti centum instituto inter se sodalizio, quod à centenario dicebatur, hanc ædem sibi sumerent erigendam penes cuius sodalitij præfecturam Misericordiæ procuratio, pro ædis nomine sumebatur, in eaque æde solis extructoribus intra centenarium comprehensis ius sepulturæ seruabatur. Et huius sodalitij & aliorum tredecim caput erat Michael; nam etsi suus cuique sodalizio præfectus suis temporibus de more legebatur, Michael tamen vnus velut perpetuus sacre reipublicæ dictator à suo munere nunquam amoueatur, idq; annis antequam occumberet omnino quindecim. Omnium necessitates ad eum referebantur, nihil denique sine Michaeli boni tractabatur, nedum perficiebatur. Quibus omnibus nihil non consequabatur eorum, quæ in illius Ecclesiæ bonum designabat, & alia multa, quæ non procurabat, ut nimirum ab omnibus velut communis patriæ pater coleretur.

Post eiectum ex hoc ouili pastorem ipse omnia quæ pro statu suo poterat officia supplebat, è latebris suis erumpens subinde sacerdos noster apud eum sacris operabatur, & sacramenta ministrabat, cetera quæ ab eiecto fieri palam non poterant, palam ipse perficiebat, sacris aquis infantes eluebat, mortuos Christiano ritu me-

Pastoris officia supplet.

dia die sepeliebatur, etiam in publico cœmiterio, licet iam ex dynastæ auctoritate ad profanos vsus verteretur: nec erat qui veller, multo minus qui posset Michaelis auctoritati obistere. Eiecto sacerdote nostro quo tempore Arimæ delituerat, omnium sodalitiarum præfectos ceterosq; administratos in vnum cogit, & admirabili oratione cohortatus omnes admonuit, aduenisse nunc diem illam multorū sæpe votis expetitam, in qua ne à Christo recederetur esset moriendum. Cum permotis jam animis perorasset, eo designatore constituitur, vti singuli sodales suæ curæ commendatos adirent, & in catalogum redigerent eorum nomina qui mori pro Christo coniurarent, vt aduenientibus à tyranno iudicibus eum porrigerent, & à periculosa singulorum sollicitatione sibi temperarent. Nec huius inuenti spes auctorem fefellit. Intra dies paucos mille quingenti nomina, quæ in Baptismo fluminis acceperant, baptismo sanguinis obtulerunt. Nec omitti debet piscatorum è vicino portu legatio. Mittunt ad Michaelē, qui seriò queratur se negligi, quod sua nomina nemo exegisset, mox ea querela recreatus Michael, mittit ad eos, qui nomina excipiat, quæ superiorem numerum centum supra quinquaginta signatis auxerunt.

*Frater illi si-
milimus.* Michaeli frater erat Matthias nomine natu iunior, sed senioris accuratus imitator, exemplo domestico, fratri enim conuiuebat, incitatus. Is magnam fundendi pro Christo sanguinis cupiditatem ita conceperat, vt sæpe diceret, O' terque quaterque beati, queis in hac causa contigit oppetere? Ideo in martyrij candidatorū vel purpuratorum potius serie, alter à fratre cui vni cedebat voluit inscribi. Quin cū admonitus esset ab amico, vt, si diutius viuere cuperet, à fratris ædibus tantisper sese subduceret, sibi constare mortem illi in eo contubernio imminere; ita respondit, Nisi fratri conuiuerem, hoc euentu illius conuictum affectarem: non est igitur tempus deferendi, quod nunc habes, si tempus erat optandi, si careres. Sane quo die sacerdos noster vico excessit, Michael ac Matthias, & aliquot alij futuræ constantiæ pignus à Patre sacrum viaticum in hac pia coniuratione morituri susceperant, ac sese communi domino velut ceterorum duces generose deuouerant.

MICHA-



MICHAEL ET MATTHIAS, THOMAS ET MATTHIAS OCCVMBVNT.
lib.1. c.19. lib.2. c.2.

MICHAEL AC MATTHIAS IN FIDEI

causa fortēs accumbunt.

CAPUT XIX.

IN hoc certamine, in quo Michael præliabatur cum dracone, uti victor euaserit, & quomodo fors quoque ceciderit super Matthiam videamus. Desertor ille triumphatus minister, Canzayemon dicebatur, cum diu Neophytos Arientes frustra tentasset, Arimam repetijt in vnum fremens Michaelē, quo viuo nihil sperandum circa defectionem affirmabat, & multis confirmabat: huic proximum nominabat Matthiam domestico fratris exemplo ita incitatum, ut nisi de his ad territandos ceteros supplicium sumeretur, Arientes dynastæ impune insultaturi viderentur. Hæc apud triumphuiros & maxime apud Yamato annosius illud Cerberi tricipitis caput, multis questus euicit, ut in vtrumque capitis sententia diceretur, hoc maximè nomine, quod in serie illorum, qui se Christo deuouerant, ipsi sua nomina primi inscripissent, effecissentque ut plerique dynastæ suo parere recusantes sua quoque nomina contulissent. Ergo fratres duos ex insidijs mactaturi tres omnino sicarij designantur: vnus Michaeli ægro nec repugnaturō sufficere visus est, duo Matthiam iubentur obtruncare.

Illa ipsa nocte quæ Diuo Iacobo diem sacrum præuenit, omnium inscius Sacerdos noster Pater Ioan. Fonsæca Arije venit. & in ædibus Michaelis ipso die ac sequenti sacris operatur, & fratres duos eodem die sub vesperam morituros cœlestibus roborat Sacramentis, tanto vtriusque solatio, ut, quod futurum erat, viderentur prælagire. Ipse verò Sacerdos noster sacris mysterijs auroram præueniens priusquam illucesceret in suas latebras se recepit.

Sicarij ergo cum Ariem ipso S. Annæ aduenissent, munera inter se diuiserunt. Qui Michaelē susceperat obtruncandum adhibito in consilium è Reguli publicanis vno, eo auctore statuit nihil esse quod eum ex insidijs inopinantem aggrediretur; gratius illi, & sine discrimine fore si moneretur; nec abnuit sicarius qui inuitus Michaelē mactabat. Ergo publicanus ille adhibito in socium sicario Michaelē demo euocat, & metiendi ex dynastæ vo-

lun-

*Michael ac
Matthias ca-
pitis da-
mnanur.*

*Martyrj or-
do.*

luntate cœmiterij specie secum abducit. Erat illud cœmiterium centenario sodalirio deputatum, ædibus Michaelis prope contiguum in quo ille crucem erexerat, quam precibus quotidianis ac sæpe nocturnis asylum sibi delegerat. Illi vero dominus eam crucem triumphi sui locum designarat.

Ingressi locum veluthortum Gethsemani, Michaellem mo-
nent, eum ex dynastæ voluntate extemplo ipso in loco obtruncan-
dum: quod ubi audiuit Michael, imperterritus vultu elatis in cœlum
manibus, Deo primum gratias egit, quod se votorum suorum com-
potem aliquando effecisset. Et ad monitores conuersus ait, Sanè
tot iam morbis debilitatus satis metuebam, vt illi me sicca morte
conficerent: gratias porro læti nuncij baiulis habeo, quod moni-
tum maluerint, quàm inopinantem aggredi. Tum ad locum Cru-
cis euerse toties iteratis precibus sacrum delatus, in genua prouol-
uitur, ictum præstolaturus, sed carnifex effecit, ne ingredientibus
nimis obuium iter sanguine sædaret, vt non nihil secederet, ergo
dexteram eligens electorum locum, denuo in genua ruit, & breui
oratione munitus, vestem aptat, ceruices molliter inclinat, & ocu-
los in solum dei jcit, & ovis mansuetissima iugulantis ictum patien-
tissimè præstolatur. Hic sicariuseducta sica protestatur se quoque
esse Christianum, sed heri sui mandatis non ausum repugnare, se
coactum hoc patrare, petere se primum ab eo veniam; & quia
Christi martyr cum Deo mox esset futurus, postulare vt huius sibi
delicti ab ipso quoque Deo veniam exoraret. Annuit Michael, &
excipiens ictum primo vulnere obtruncatur. Vix bene ruerat in
terram sacrum caput, cum sicarius abiecta sica in genua prouolu-
tus vtraque manu caput venerabundus excipit, & capiti suo super-
imponit: tum prostratus martyris pedes osculatur, & precatorios
sibi globulos decurtatosque crines pro spolio secum effert. Ita
Christi Martyr raro exemplo primum veneratorem habuit eum
quem habuerat mactatorem.

*Michael ob-
truncatur.*

Sed ad Matthiam conuertamur breui Michaellem reuifuri. Si-
carij duo qui Matthiam erant inuasuri, egresso ex ædibus Michaelis,
magna dissimulatione quidlibet aliud agentes Matthiam salutant,
& interim dum hospitibus herbæ illius quam sanctam vocant, fu-

num quod Iapones sæpe faciunt, propinandum parat, inopinantem à tergo inuadunt, & altè singuli sicam in humeros adigentes solo affligunt, sacratissima Iesu ac Mariæ nomina inuocantem, quo facto sicarij se non nihil è conspectu subducunt. Ad tumultum accurrere adolescentes duo, qui tum forte sacras vestes in interiore sacello, quibus eo die Sacerdos noster vsus fuerat, complicabant; illi Matthiam spirantem adhuc & in proprio sanguine natantem reperiunt, nec aliud illi repetebant, nisi, fortunate Matthia Christi martyr occumbis, hoc è sicarijs alter inaudijt, & regressus cum spirantem inuenisset obtruncat. atque ita fortunati fratres in morte ipsa non sunt separati, cum eos beata mors in æterna vita coniunxerit, quos eodem prope momento extinctos esse, proclive est vt credatur.

Prima nox martyribus fuit lucis æternæ diluculum, quæ vbi vulgavit inuitis tenebris suos toto vico splendores, tantos concursus euocauit, vt osculantium neophytorum, sacra sibi pignora rapientium, sanguine frontes crucis signo notantium, impetus nemo potuerit, ne dynastæ quidem satellites inhibere. Quo in genere tametsi multa commemorari iure possent, vnus admirabili ardore satis erit lectorem incitare. Annos natus septuaginta neophytus Ioachim martyrum fama excitus posuit suos pedes quasi ceruorum, & suæ senectutis oblitus iuuenili passu accurrit, Matthiam obtruncatum reperit, quem Michaellem esse credebat, aduoluitur illius pedibus, osculatur, amplectitur, lacrymis suis tepentem adhuc sanguinem diluit. Et ad sicarios etiam tum astantes conuersus supplex exclamabat: truncate, laniate, paribus in pari causa tormentis conficite, vnus sum ex ijs qui vnà cum Michaelle ac Matthia de fundendo religionis retinendæ causa sanguine coniuraui. Vbi verò intellexit Michaelis truncum cadauer in cœmiterio iacere, ad illud etiam accurrit, & eadem repetens hoc etiam addidit nouo sanè charitatis exemplo. nam intinctam sanguine martyris glebulam deglutiens intra viscera recepit, eoque iam enthea-

tus ficiarium, qui etiam aderat, adoritur, supplicat, vrget, aptae ceruicem, allegat nominis sui chirographum in eadem serie conscriptum; sed nihil impetrat, præter eam quæ talibus votis deesse non potest coronam, ab eo qui vota non secus quam facta remuneratur.

Martyrum victoriam non nemo ad eundem sacerdotem nostrum in tugurio suo nihil minus opinantem detulit, qui mox accurrit, detegi suas latebras posse negligens. Opportunus fuit illius aduentus ad neophytorum concursus auctoritate sua coercendos; eo itaque procurante, vterque in suum sarcophagum immissus in illo ipso cœmiterio, in quo Michael ceciderat, tantisper terræ mandatur, donec alta iam nocte submissi clam neophyti sacra pignora eximunt agro quem intra dies paucos excolendum esse constabat. ea deinde in proximum portum delata Nangasaquium mari vehuntur, vbi in omnium Diuorum æde Societatis asseruantur; quæ si non eo apparatu excepta sunt, quem eorum merita vel nostrorum vota postulabant, id studio factum est, ne honorem mortuis impensum Arimensis dynasta hortatore Sasioie Nangasquij præfecto in viuorum iniuria compensaret. Ea mors Arienfes omnes velut iniecto in flammæ oleo feruentius inflammavit, cum aduersarij animorum incendia sanguine, velut aqua restinguere cogitassent.

Verum coronidis loco prætermitti non debet insigne Lucie matris visum, quæ hæc duo lumina Ecclesiæ Iaponensi pepererat. nam cum illa paucis ante mensibus ex ea ægritudine decumberet ex qua occubuit, videre sibi visa est vigilans die media, nec vlla vi morbi delirans, elegantem puerulum gemmas duas admirabili splendore pretium suum ostentantes vtraque manu gestantem, cumque illa sibi accedere videretur, euauit. Altera die reuersus ramos duos flosculis pulcherrimis ornatos præferebat; sed iterum vbi propior videri cœpit, disparuit. Tertia denique die rosas duas purpureas gestabat, quas cum puero rapere niteretur, puer vnâ cum rosis oculos & gaudia iam proxima delusit. Hæc illa

Michaeli

*Martyrij
presagium.*

Michaeli moritura narravit, ille matri silentio indicto, vni è Societate nostra fratri suo reuelavit, à quo deinde, postquam euentus viso fidem fecerat, ea res cœpit euulgari, quæ virorum prudentium iudicio portento similis visa est, nec ad gloriam Martyrum reticenda, quos in horto concluso, nihil dubium, ferto sui sanguinis purpureo coronatos. Cum quibus prima hæc apud Arimenses procella defecit, desperante jam tyranno, quod in neophytis ardebat religionis incendium, edictorum aut pœnarum imbre posse restingui. Vixit tamen in eius animo suppositus ignis cineri dolofo, qui postea maiore impetu reuixit. Verum respirent nunc quidem tantisper Arimenses, donec huius procellæ vestigia secuti, reliquam per ceteros calamitatem persequamur.

NEOPHYTORVM IN REGNO FIGEN

pietas & constantia.

CAPVT XX.

*Nangasaquij
quo loco res
Christianæ*

IN regna finitima vnà cum hoc turbine delati Arimensi conterminum regnum Fyen inuenimus, in quo non pauci nostrorum sedes visuntur, in quibus maximè perfidiæ furor est bacchatus. Per singulos excurrentes quid fortiter egerint passiq; fuerint neophyti videamus. Nangasaquium intra huius regni fines emporium Iaponiæ totius nobilissimum non tam sustinuit huius fulminis telum, quam vicinas ruinas excepit. nam cum ex Arimensi agro nostri è vicinis regnis multi exulare iuberentur, plerique Nangasaquium vbi Christianæ religionis primaria sedes est & Iaponiæ, vt ita dicam, Roma, velut ad asylum accurrebant, & si suo exemplo neophytis firmitatem ostendebant, suorum tamen laborum partem vel commiseratione, vel subueniendi necessitate in ceteros refundebant, ac velut vicinarum ædium incendia inflammant nondum ardentes, & ruentium tectorum fragore concutunt, ita mihi Nangasaquio videtur in hoc religionis incendio euenisse, vt vicinorum vim ac ruinam experiretur, donec suo quoque tempore, vt postea videbitur, communis incendiij fortunâ conflagraret. Ex hac igitur velut specula flammæ mitigaturi religionis incensæ fauillas pietatis aquis temperemus, vbi restingui posse desperatur,

Pieta-

Pietatis exercitationes Nangasacqui placidè intra solitum alueum cucurrerunt: Sodalitia, nosocomia, concio frequens pro sacris ædibus, Sacramentorum vsurpatio, corporis afflictationes aliæque huius generis, nullo non anno cantata, hæc enim solita omittuntur, si quando insolentium facinorum narratio locum occupauit. Omitti tamen non potest quod eo ipso tempore quo tota Iaponia sæuitur in Christianos, è concurrentibus ad sua lucra complurimis (omnes enim ciues Christum profitentur) trecentos quinquaginta supra mille anno 1612. duntaxat salutaribus aquis ablutos. quid sperandum de vento prospero, quando in hoc alueo ita feliciter aduerso nauigatur?

Eos inter adscriptus est vnus, qui licet apud suos nostrum haberet sacerdotem, huc tamen accurrit ab eo imbuendus à quo prima Christianæ legis semina iam diu suscepisset. Aiebat enim se olim ab illo sacerdote ad quem veniebat monitum, cum apud suos degeret, ut imbui se sineret illa lege, quæ sola æternam homini salutem promittit ac præstat, cui cætera omnia quæ bona vocamus postponenda sunt, ei qui horum breuitatem expenderit. Hæc aiebat sibi verba nunquam excidisse, sed cum instar seminis diu latuissent, eo tandem erupisse, ut statuerit eam sementem ab eo qui plantauerat, baptismi aquis irrigandam. Tanti est nullam omittere faciendæ frugis occasionem, quæ si nihil alteri profuerit, ad nos reuertetur. Ergo Paulus in baptismo appellatus in patriam redit, quò cum persecutionis imber delatus exilia mortesque deplueret, primus aliquot mensium tiro intrepidè omnia sustinuit, parumque abfuit quin acceptam nuper innocentiae vestem proprio sanguine tingeret: sed vita proscripso data si laureolam mutauit, meritorum tamen cumulo mortis in exilio tarditas fortasse nil ademit. Eius exemplo è veteranis deinde multi tironis firmitatem imitati, ex eodem prælio victores euaserunt.

Excursiones in alia loca ex hac nostrorum statione factæ plurimum ad impendentem procellam fortiter sustinendam neophytis virium addiderunt. Visitatus est officiose Satzumanus dynasta eo in portu Cangoxima qui Sanctum Franciscum Xauerium in Iaponiam appulsum excepit, ex itinere confirmati multi magno

L

Visi.

*Conuersio
cuiusdam
notatu di-
gna.*

*Excursiones
ad varia lo-
ca.*

Visitatoris solatio, qui neophytos reperit solitos apud neophytum feruentiorem dominicis ac festis diebus in sacellum domesticum cogi, & ipso tempore quo Musæ sacrificium solenni ritu celebrari sacris in ædibus mos est, ipsi parata in ara cereos & odores incendunt, & oratione communi sacrificij maiestatem, quâ possunt adumbrant, Christianorumque cœtum sanctitatem imitantur. Quod eo magis æstimari par est, quod eo in regno profani cultus vigent, eorumque sacrificuli magna apud omnes opinione dominantur. Alia etiam excursionem in Insulas Goto nauigatum pari semper fructu, & maximè si vnquam opportunè; cum enim eo quoque procella irrupisset, Insulares illi fortiter sanè se gesserant.

*Nobilis ma-
trona cōstan-
tia & pietas.*

In Firandenſi quoque portu venti vtiliter aduerſi, dum noſtros ſubinde nauigantes tenent, cum neophytorum vtilitate conſpirant. In eos Prætor cæterorum exemplo ideo fortaffe non ſauijt, quod arbitraretur ſuis in terris Chriſtiani nominis etiam memoriam periſſe. Viuunt tamen antiquæ pietatis reliquiæ, & in pietate perfidiæque à Neophytis ac tyranno non impari ardore certatur. In Mexiam ſolam certatum eſt, quæ nurus fuit Firandenſis reguli; ſed mortuo marito huius dynaſtiæ hærede iam diu viduitatem Chriſtianis moribus cohoneſtat, eſtque illa Omurandoni dynaſtæ ſoror cuius annis prope ſingulis Iaponenſis Eccleſiæ annales meminerant. Illius non cum ſola perfidia ſed cum ipſa quoque natura certamen fuit in hunc modum. Cum enim illius filius dynaſtæ nepos in grauem morbum incidiſſet, cuius pertinacia medicæ artis quotquot adhibebantur præſidia eludebat, nec ab auo inducti ſacrificuli ritibus ſuis plus quàm medici imò minus etiam effeciſſent; nihil tamen fingere dubitarunt, pueri ægritudinem matris religioni attribuendam, à cuius defectu filij ſalus & vita penderet: hoc enim religionis odio dederunt, vt deſperatam pueri valetudinem à ſe remouerent. Ergo dynaſta eiufdem religionis odio, & nepotis amore potentiſſimis telis inſtigatus, Mexiam ſiue Manciam toties alias victus de nouo aggreditur, perfidiam honeſtiore titulo filij ſalute matrisque amore cohoneſtans. verum illa fortiter ſanè ita reſponderet: Meminiſſe poteras, ſocer, me olim cum filius tuus maritus

meus

meus moreretur non absimili in pugna non cessisse. Nunc ergo tametsi constaret filij mei vitam & salutem à mea defectione pendere, quod olim marito negavi, absit vt filio concedam. Nunc autem cum illius salus à Numinis nutu pendeat, subiecit sperare se si per auum matri liceret filium præsidij fouere Christianis, plus illi quàm profanis sacrificulorum ritibus profuturam. Grauatè quidem responsum tulit socer, sed amor nepotis effecit vt matri quod horrebat maximè permitteret. Exclutis igitur profanis ritibus sacros omnes quos potuit adhiberi procurauit: ipsa verò summis precibus Dominum precabatur, vt honori suo in huius euentus expectatione consuleret; quin filium ipsum clam monuit, infantem fuisse Christiano ritu expiatum, docuitque qua ratione sanctissima IESU ac Mariæ nomina tacitus imploraret. Fecit puer, cui necessitas affectum, affectus verba cum ex ore ita expulisset vt auus, qui nepotem Ethnicum credi volebat, inaudiret, vehementer ille excaudit. Verum cum paulo post desperatam nepotis salutem ad spem primum, ac deinde breui ad integram sanitatem vidisset reuocatam, ita mansuefactus est vt victrici Mexiæ, quæ sua gaudia domino magis quàm sibi gratulabatur, ultro sponderit se illi sacram ædem erecturum, in qua suo ritu familiæ incolumitatem potenti Deo suo pro arbitrio commendaret.

In vico Tone, sub vmbra Marinæ, quæ est Omurandoni dynastæ soror, sacerdos vnus è nostris degit solito labore ac fructu, quem promouet exemplo suo matrona nobilis: ac licet hunc tumultum non euaserit, excepit illa tamen fratris se ad defectionem sollicitantis nuncium ita obfirmatè ac seuerè, vt omiſſa spe victoriæ certamen dynasta in posterum detrectarit, sed innouato tamen edicto Christianæ legis veteres angustias arctius coarctarit, vetabat enim Christianam se palam profiteri, sacras imagines exponere, sacerdotem euocare aut apud se detinere, aliæque huiusmodi non pauca. Sed quoniam eum qui edictum euulgabat neophytum esse contigit, cursim & perfuntoriè quædam edixit, pleraque reticuit. Vnde res ea plus metus habuit quàm mali. Neophyti tamen se ad omnes impetus

*Quid apud
Omurenses.*

sæpe jam repetitis auxilijs compararunt, & calcar illis fuit ad colendam religiosiûs, non ad opprimendam pietatem.

*Neophyti
mors insignis.*

Ex ijs quidam cùm nescio quò monente, diem sibi extremum imminere fensisset, cùm aliàs multa in fidei causa pertulisset, ac insultus omnes victor elusisset, demum ad sacerdotem nostrum Omura venit, vbi degebat, vinusque ac valense ea fecit quæ à moribundis exiguntur, distributaque in egenos stipe, quam erat legaturus ad suos redijt, & intra decem dies ægritudine corripitur ac eripitur. Ne autem ad eum sepeliendum sacrificuli (quod vbi possunt solent) etiam non accersiti concurrerent, insigni stratagemate illos delusit. Moneri quippe curat neophytos eo in oppido complures, vt ad sclopeti strepitum accurrerent, signum illud se curaturum per suos dum expiraret. Expirat, signum datur, concurrunt neophyti, & priusquam de illius morte sacrificuli rescirent Christiano ritu sepelitur. Et morientis industria viuorum cupiditatem ita præuenit, vt ne mortuus quidem quicquam cum profanis ritibus sibi voluerit etiam per vim esse commune.

*QVID IN CETERIS EIVSDEM REGNI
locis in fidei causa contigerit.*

CAPUT XXI.

*Fundoyama-
gesta.*

FVndogama nostrorum sedes, ea pars regni Figen, quæ Omuræ terminis imminet, nec procul abest ab arce dynastæ, quem Terazaua Ximadono vocant. Hinc præter solitos domiciliorum nostrorum labores ac fructus, excurritur in finitimos agros Neophytorumque noualia. Ex arce Caratcu vocant, copiosiores fruges conuectæ, maximè vbi ab vrbe regia discurrentis procellæ fragor intonuisset. Nam vbi auditum est, quid Surungæ mouisset Imperator, placuit non imitari solùm sed etiam superare. Cùm enim ille quatuordecim duntaxat proscripisset, huius dynastæ furor in omnes æquabiliter fulminauit. Edictum enim, vt intra certum diem, qui Christum renueret eiurare, finibus cederet. Eminebat auctoritate ac diuitijs sed in primis pietate neophytus Leo, qui præterquam quod ceteris exemplo semper præiret, hoc maximè tem-
pore

pore præcurrere videbatur. In eius ædes, aut ædem potius (nam partem illarum optimam Deo dedicarat) ad fulminis fragorem auditis edictis concurrerunt, ibi omnes auctore Leone pro Christo coniurant, & in exilium abituri cum eius consilio & ope deducuntur; ipse autem tametsi non abnuente dynasta publicè Christum profitebatur, vix se continuit quin proscriptis se sponte comitem adderet; nec eum patriæ vel fortunarum amor tenuit, sed, ne athletas, ad certamen, si quod ingrueret, remanentes desereret, nèue se ipsum maioris victoriæ spe fraudaret.

Nec ij solùm quos edicta eiecerant, sibi constiterunt. Non defuit, qui sexcentos orizæ saccos annum censum sponte dimitteret, ne Christianarum exercitationum libertate priuaretur. Hoc è disciplina Iusti Vcondoni hauserat, dignus tali hero famulus, qui centuplum à communi domino promissi fœnoris reportaret. Alius tametsi à fide iam diu defecerat, nec iam pro Christiano haberetur; uxorem tamen vniuersamque familiam incredibili ardore contra vim omnem defectionisque procuratores ita defendit, vt eos à certamine, desperatione victoriæ, reuocarit. Verùm insignior fuit pueri Ludouici constantia, qui anno superiore Leone hortatore ac patrino aquas exceperat salutare, nihil attendens quod parens vterque ac propinqui omnes sectam Icoxus profiterentur, qua fœdiorem Iaponia nullam nouit. In hoc igitur tumultu vicina tota cum familia conspirans, puerum vnum frustra suscipit expugnandum: auctoritatem parentum neglectam in eo casu causabatur, quod inuitis ijs imò & inscijs à domestica religione defecisset: quibus cum ille diuinam obijceret auctoritatem, post euictas rationes minas elicuit, non in se solum, sed etiam in parentes ac propinquos; quasi verò qui sibi non timebat, alijs timere iuberetur. Ne tamen furente multitudine alienum periculum euocaret, dies septem ita latuit, vt clam à notis aleretur. Ex absentia creuit ethnicorum furor arbitrantium, à parentibus puerum suo furori subductum: quem cum ad pœnam frustra quæsitum exposcerent, remittente se sensim furore, parentes ipsi filij quem insequabantur, patrocinium suscipientes, vt vni puero, à quo nullum dijs patrijs periculum immineret parceretur ægre tandem impetrarunt. Ita Ludouicus è

Pueri constantia.

latebris suis exiliens, vnus multorum victoriam religione quam publicè exercet, ostendat. Huic puero non inferiores fuerunt, quæ vxori dynastæ intra arcem famulantur. Post multa enim certamina plus etiam euicerunt quàm sperabant, vti liceret certis diebus cætus neophytorum adire, quod laponenſis pudor huiusmodi fœminis etiam in alta pace vix permittit.

*Sacrificulo-
rum im-
positura.*

In eodem oppido Carateu quantum religio Christiana tot arietibus quassata sibi constitit, tantum profanus cultus in summa pace titubauit. Nam horrendi facinoris conuictus vnus obstinationis patrocini lapsus ruinamque suspendit. Sectarij eo in oppido Iodocus, qui Amidam elata voce inclamant, expeculiaris instituti ratione vigent vel maximè (Iccoxus enim eundem minus fortasse sardum arbitrati silentio suo modestius interpellant) eam sectam multitudo suam dynastam, hic parentem secutus profitetur, habetque fanum nobile, metropolitæ sedem nostro more appellares. Huius parœciæ mercator nescio quis, proprione an alieno delirio correptus incertum, correptus tamen affirmabat, se ad certam diem ab Amida in cælum euocari, id visum sacrificulo enunciat, cui filiolum in cœnobio educandum committit. Et quoniam huiusmodi commenta magnam stipem emungunt, à sacrificulis vt non procurentur, certè non facillè corriguntur. Et iam dicta dies aderat, qua volator delirus in cælum euolaturus dicebatur. Concurrerant ad spectandum innumeri; sed volator nescio quo negotio præpeditus post biduum se in omnium conspectu sublimem abiturum promisit, sed ipsum biduum sine ipso auolauit. Sacrificulus igitur hominem in cœnobium euocauit, hac aue aucupium armaturus, sed cum totum diem omnes elusisset, nocturnis horis nihilo leuior quàm diurnis non volabat, si non vt aquila, sed nec vt noctua. Longiorem moram sectæ suæ ludibrium non tulit sacrificulus. Ergo quàm potest occultissimè sibi fidos iuuenes euocat, & monitis quid fieret volatori tradit ad mare abducendum. Ibat ignarus volator, donec in aquas immersus exclamat se ascensum non descensum promississe: sed frustra: madefactis nouus Icarus plumis grauior demergitur, vt in Amida paradisum, qui volatu non potuerat, nauigio veheretur. aquis igitur præfocatum cadauer in fanum clam reuehitur. Illud sacrificulus

culus cum suis sub conopœo collocatum podere vestiunt, epomide caput humerósque exornant, manus precatorijs, quibus uti quoque solent, globulis onerant. Id monstrum pro foribus fani summo diluculo apparet. accurrunt impostores, miraculum inclamant, fingentes eum celerrimo volatu noctu ad Amidameuolasse. Ergo ijs auctoribus multa in eius cultum collata ad cœnobitarum loculos conuolarunt. Verùm ea fraus diu latere non potuit. ipsum toparcham ferunt grauiter id tulisse, sed, ne sectæ suæ, quam dimittere non placebat, ignominiam inureret, filuisse; exultantibus interim neophytis, sibi que gratulantibus, quod reiectis commentis veritatem sectati in cœlum viam æternamque ibi vitam inuenissent.

Isafay vicus nostrorum habet domicilium in quo egregiè pro Christo in hac rerum nouitate certatum est; quæ priusquam audiretur ab vrbe regia, suum cursum tenebat res Christiana, tametsi dynasta, vel potius illius parens qui omnia moderatur, Christianis sacris infensus Idolorum cultum promouet ac fulcit; cuius animum sua sponte inclinatum grauiter in nos excitauit sacrificulus quidam celebris, Sanga metropoli regni Figen oriundus. is enim cum è Quanto regno ad ortum (vbi magna literarum ac virtutis opinione summa omnia consecutus etiam Imperatoris Magister appellabatur) patriæ ac suorum reuifendorum desiderio Sangam venisset, exceptus est à dynasta prout excipi solent ij, qui in adyta principum gratiosi penetrarunt, magnis muneribus cohonestatus omnia remisit, protestatus nihil sibi gratius omniumque munerum instar fore, si externa Christianorum sacra patrijs tantopere aduersantia suo regno exterminaret, quam rem ab ipsa vrbe regia postquam rediisset literis acriter scriptis in memoriam reuocauit. Hinc factum est vt suapte natura propensus, hoc impulsu faciliè ad edicta Imperatoria, quæ paulò post aduenerunt animum applicarit.

*Sacrificulus
hortatu in
Christianos
inquitur.*

Ergo de proscribenda religione interdicensque illius sacris dynasta consilium habiturus Vconem vocat Isafay dominum clientem suum, è cuius sententia constitutum vt tantisper dum quid Christianorum sacris ac Sacerdotibus Miaci factum esset

esset audiretur, priori in statu cuncta relinquerentur: interim tamen quod fecerat Imperator in eos inquireretur, qui annuos census à dynasta possiderent, à quibus exigeretur, vtrout deficerent, aut plecterentur. Et quoniam Isafay plures esse constabat, Vcon ad suos reuertitur in Christianos affectas suos multa moliturus.

Insignis Thomæ nobilis neophyti constantia.

Primus in quem, ceteris iam in seriem relatis, huius procellæ impetus incurrit Thomas dicebatur Vcon à secretis. Euocato enim ad se imperat vt ex Imperatoris dynastæ ac sua voluntate exemplo Christum eiuret. Ille intrepidus abnuuit asseruitque se nec hoc faceret ad extrema omnia deuenturum. Pupugit Vconem de liberata famuli libertas; sed furorem continens dimittit, & post dies paucos, ex officio sumens innouandi certaminis occasionem, dynastæ illi diploma in Christianos exscribendum tradit non minus sibi constitit Thomas, negauitque se officio suo in Christianos vlla in re functurum. Vix se continuit Vcon repulsam iterum passus, quin irruentibus iracundiæ fluctibus obrutus à cæco furore in Thomæ perniciem abriperetur. Continuit se nihilominus etiam nunc & toparchiæ suæ moderatori dat in mandatis, vt seriò Thomam sibi sumat expugnandum. Fecit ille non semel, exhaustis tamen frustra persuadendi locis, postremum telum ab ipsa natura sane potens mutuatur. Habebat Thomas annosum & ethnicum parentem, cui quod viueret ex Thomæ stipendio pendebatur. triplex in eo naturæ, legis ac lucriratio pugnatura videbatur. Ergo eum monet, vt filio sibi que subueniat, illi vitæ discrimen, sibi fortunarum imminere. Verùm hic aries confirmando Thomæ non frangendo valuit. Parens enim tametsi ethnicus defectionis tamen in filio exhorruit sceditatem. Respondit igitur, filio satis atatis esse, vt ex hoc naufragio sine auxilio parentis possit enatare. Ipsum porro filium compellans, eum à firmitate præterita collaudauit ad futuram est cohortatus, iussitque nulla parentis habita ratione, in eo quod honestum esse senserat, sibi constare. Exinde Thomas inexpectata cohortatione parentis firmior ad vltiora se extendit, eorum quæ retro erant certaminum oblitus, arbitratus est enim primam heri repulsam ceterorum exemplo morte sibi luendam; sed ad extremum post varia certamina proscriptione, quæ solet

solet esse Iaponibus ipsa morte plerunque grauior, longiorem victoriam inchoauit.

Alter qui secundos impetus retudit Iohannes vocabatur. is ante menses non amplius duos elutus, breue tirocinium illustri victoria nobilitauit. Lacesitus enim ita respondit, se nec inscio, nec inuito dynasta Christi fidem amplexatum, ab ea nullis artibus posse dimoueri. diuturni certaminis hic fuit exitus. Iubetur fortunis cedere, domo recens extructa abire, commercio ciuium excludi. Magno animo magnam iacturam tulit, ac solus in auia loca secedens in stramineo mapali de tyranno, de rebus nuper suis, de seipso triumphat. Eandem victoriam multi consecuti dum læti mortem expectant exularunt. Sed ne rerum similitudo fastidium pariat, vno alteroque contenti, quos peculiaris euenti ratio celebriores reddit, è Figen excedemus.

Paulus à propinquis diu lacesitus vt dynastæ imperio diuinum posthaberet, muliebri certamen animo virili cum matre, vxore, filiabusque suscepit, quarum vt est amor tenerior, ita vehementius in animos insilit & acrius peruat. Lacrimis, eiulatu, omniq; muliebri artificio certatum, sed frustra, licet omnia serio velut alias breui perituro suaderentur. Mater vltimum certamen cum filio sanè efficax ingreditur. indicit sibi mortem inedia subeundam nisi filius matri, à qua vitam accepit, vitam resipiscendo restituat. Iam triduum sine cibo peregerat. Paulus tamen si, quod naturæ debebat, parentis miseretur, sibi tamen semper similis Deum rogabat, vt quo modo nosset vtrique malo mederetur. Non fefellit spes constantiam; Mater enim diuino procul dubio numine subitò immutata cum filio conspirat: ait, se olim vno prælio septem filios dynastæ obsequijs deuotos amisisse, & ingratham sibi videri, si hunc vnum supremo rerum omnium moderatori subtraheret. Moretur itaque pro suscepta lege constanter; se quoque in eandem transire velle, quam ex visa firmitate colligeret ea suis sectatoribus largiri quæ promittit. Hoc cœlesti solatio recreatus è domestico prælio ad nostrum sacerdotem victor accurrit, cum eo sua sibi Deoque beneficia gratulatur. Denique cum dynasta ex domesticorum certaminum fortuna publicorum euentum collegisset, certare de-

Alterius constantia mirabilis.

M

stitit;

stitit; sed atroci pœna damnatum domo fortunisque eiecit, ea lege vt publicè igni & aqua interdictus in ipsa vrbe inedia periret, vt omnibus vicis vagus longa morte ceteros à simili, vt aiebat contumacia deterreret. Is etsi multa pateretur, neophyti tamen occultis officijs contempto vitæ discrimine, extremæ illius necessitati subuenerunt.

Martyrj desiderium in puero sexenni.

Sed à viro digressi, Figensium Neophytorum victorias puerili facinore concludamus. Is cui sollicitandos neophytos Vcon commiserat, nepotem habebat sexennem Vincentium nomine an omine? Is cum per eos dies Auum adisset, cum puerulo vocatus dixit, Christianos omnes in crucem agi propediem oportebit, vide vt cum ceteris ad eam mortem te compares, Cui Vincentius: Parens vterque, inquit, sibi mihi que ac familiæ vniuersæ vestes ad eam mortem decenter subeundam compararunt; sed mora nobis molestæ est, cuperem iam horam aduenisse. Infert auus, viginti cruces è metropoli huc mittuntur, tum puer exultans; nihil mihi lætius dici potuit, spero vnâ quoque minorem mihi comparatam. tantæque lætitiæ signa edidit, vt stuporem ethnicis omnibus ingesserit, vim diuinam admiratis, quæ initia vitæ cum extremis coniungens, mortis desiderium ijs ingerit, qui vix dum bene vitam inchoarunt. Verùm è regno Figen ipso procellæ turbine delati in proximum Chicuien regnum aduolemus.

PACATIOR ALIQVANTO REI CHRISTIANA STATUS IN REGNO CHICUIEN.

CAPVT XXII

NOn rarò vna eadè que fulminantis Iouis mantus leuius alibi præteruolat, quæ alibi omnia desolauit. Ita huic regno contigit ideo quod fauore dynastæ, quem parens in Christiana professione moriens filio legauerat, Christi nouale tegetetur. nec tamen nihil passa est Chicuiensis Ecclesia, licet plura formidarit. Cùm igitur in hoc quoque regnum Imperatoris edictum, quo aulici quatuordecim proscripti exilio suo locum reperire vetarentur,

cur, penetrasset; nihil dubitavit toparcha, quin ea res suspensos nostros ac nepphytos teneret. Vt ergo animi sui beneuolentiam publica significatione testaretur, Patrem Gabrielem Matos sacerdotem nostrum in arce sua sollemni epulo excepit, nec obscure significauit, se nostram ædem Parentis sui sepulchrum ac nostros eius magistros intra sui regni fines, inuito etiam Imperatore, conseruaturum; ne tamen accusationi ansam dedisse videretur, in aulicos suos inquiri voluit in hunc modum. Edicit vt domestici omnes sui à Christo ad Deos patrios deficiant, ita Imperatori, ita sibi placere. aliquot ex honorarijs clientibus tamen si tirones veteranos superarunt, illi enim omni molimine oppugnati à præfectis suis non potuerunt expugnari; quos tamen ideo toparcha, qui rem hanc minus serio tractabat, impunè dimisit. E veteranis vero quatuordecim fortunarum amor à proposito suo exturbauit, extorto quidem consensu atque chirographo, non tamen sine offensione ceterorum. Toparcha verò cum arbitraretur plures occulta professione cum ceteris conspirare, ne cuius maleuolentia apud Imperatorem neglecti edicti deferretur, reliquorum nomina sibi tradi procurauit.

*Qualiter se
gesserit Chi-
cuiensis dy-
nastia.*

Misit igitur ad dictum Sacerdotem nostrum quatuor è tota nobilitate primores, quorum primus totius regni moderatorem agebat: per eos hæc renunciari iubet. In hac rerum nouitate multos ex aula sibi auctores esse vt multorum exemplo euertat ædem nostrosque dimittat, ac deinde tota ditione sua Christi sacris interdicit: se tamen parentis sui memoriæ sacram ædem conseruare, quam erexit ille sibi que ad sepulturam quietemque delegit; externorum etiam se misereri, quos ab extremis finibus orbis terrarum in Iaponiam venisse constabat, nulla spe lucræ permotos, quàm vt mortalibus Dei sui cultum euulgarent, quam legem parentis sui auctoritate confirmatam non erat obsequentis filij euertere: velle se igitur vt omnibus qui domesticis suis obsequijs minimè occupantur impune ac libere liceat legem illam retinere ac suscipere. Eos autem excipere se non tam sua quam Imperatoris voluntate, ne quid neglecta edictorum imperia sibi mali ab æmulis accerferent. Et quoniam ex ijs

quatuordecim sibi iam obsequerentur, nec dubitaret longè plures eodem studio teneri, velle se ab ipso sacerdote nostro nomina sibi tradi ceterorum, ne à pluribus quàm necesse sit edicti voluntas exigatur, hac ratione paucorum sollicitatione omnium quietem procurari.

*Periclitatur
rei Christiana
status.*

Ad hæc noster ita respondit: Non satis æstimari posse insignem dynastæ benevolentiam, sub cuius umbra decennium & amplius ea sedes tot aliorum regnorum procellas incolumis euassisset: nomina tamen à se tradi sine graui scelere legisque suæ proditione non posse, nec oportere eum qui per tot maria labores & pericula, legem suam euulgaturus aduenisset, sibi ipsi pugnantes eos prode ad defectionem sollicitandos, quos ad Christi fidem amplexandam prouocauit. Denique fieri posse, vt seriem texenti ex vniuerso numero aliquis imprudenter excidat, qui si deinde fuerit prehensus, minus fideliter egisse credi possit. Et cum non nihil cum dynastæ legatis certatum esset in hunc modum, aliud nihil retulerunt. Res erat periculi plena, cum dynastæ sibi nolint à quoquam repugnari. Ergo ubi renunciaissent, cum nouis mandatis ex templo domum remittuntur, Velle se neophytorum nomina sibi tradi, tamen si hoc lege nostra nefas esse constaret. Ipsi autem primores multa de suo addentes, ceterorum quietem, dynastæ facilitatem, quem constabat minimè sæuiturum, imminentem eius iram, antiqua beneficia, aliâque multa commemorabant: quibus cum modestè satisfactum esset, habitæque pro humanitate gratiæ; nihil tamen in priore responso habere se dixit innouandum. Quid expectas? creuerat ex repulsa discrimen, nihilominus ille in cuius manu sunt regum corda, illius animum emolliuit, remisit enim vnum è quatuor qui renunciaret sibi per pensis Patris rationibus abunde satisfactum, tranquillo animo deinceps antiquum retineret. Quo responso nostri hostes qui iam mustabant siluerunt, & neophyti gratijs Deo actis planè conquieuerunt.

Hoc ipso tempore cum dubio in statu res Christiana nutare videretur, ipsius dynastæ consobrinam vniuersa familia simulacris addicta, mater, fratres, maritus, socer & ceteri propinqui distributis inter se insultibus aggrediuntur: sed omnes retudit impetus, clypeo

clypeo fidei præmunita. Fratres repulsam passi dolis armantur, tres è prima nobilitate sollicitant, qui se à dynasta missos mentiantur, arbitratu non ausuram expresso dynastæ imperio repugnare. Verùm cum illa fraudem præsensisset, sua prudentia præuenit. Misit ad eos, qui venturi dicebantur, nuncium quo se quid cuderetur rescisse significat, valde sibi molestum fore, si secum fraudibus agatur, easque regni primores in se parum cordatè suscipiant. quo nuncio sopita res est, ipsaque nemine interpellante antiquam retinet pietatem.

Ex ijs porro qui defecerant, vnus cum maximè resipiscere voluisset, moriens sacramenti pœnitentiæ beneficium consequi non potuit tamen si sperandum sit, eum virtutis pœnitentiæ beneficio cum Deo in gratiam rediisse, cuius signa magna doloris significatione præ se tulit. Grauius plecti visus est, vici cuiusdam præfectus, qui nulla dynastæ auctoritate neophytos ad defectionem laceffendi negotium ex sola animi maleuolentia suscepit. Qui enim casum alijs procurabat, ipse ex equo ruens pede intra sublicem pedaneum, quem stapedem vocant, impedito raptatus interiit.

Amangui alia est eiusdem regni nostrorum sedes in cuius finibus cum præfecti propria auctoritate edixissent, vt neophyti omnes propositæ crucis pœna deficerent, omnes prope sibi constiterunt. Magna fuit ad mortem pro Christo subeundam, sed solita comparatio. Verum in solo malorum metu malum fuit, breui enim dynastæ edictis constitit cum solis ijs agi, qui domesticis illius obsequijs occupantur. Ibidem incidit res planè admirabilis. nam in incensæ neophyti cuiusdam domus fauilla reperta est sacra cerei agni effigies, ambusta theca & funiculo quo gestabatur ita integra, vt non solum non sit ab igne liquefacta, sed nec ipsum candorem amiserit. Prodigio etiam simile fuit, quod in exhumati pueri sepulchro repertum scribunt. Nam eius sarcophagum, in quo laponensi more corpora condi solent, floribus quibusdam purpuram colore æmulantibus coopertum ab exhumatoribus reperiri lego: quin ipsum cadauer intra sarcophagum ramus florum candidi coloris ita texerat, vt studio ad ornatum dispositus videretur. Ea res à neophytis pro miraculo habita, ipsique flores ab ijs ad memoriam venerationemque collecti.

REGNA CHICUNGO, BVIEN, BVNGO,
quid hoc rerum statu pepe-
rerint.

CAPUT XXIII.

*In regno Chi-
cungo neo-
phyti se se
gesserint.*

NEophyti qui Chicungo regnum incolunt in hoc rei Chri-
stianæ tumultu multa fecerunt, pauca præ ceteris pertule-
runt. Cum enim à Gubernatoribus edicto publico Chri-
stianis sacris proposita mortis pœna omnibus esset interdictum,
viri, fœminæ, pueri ac puellæ de prodigendis fortunis, patria, vita,
sanctè coniurarunt, inter quos plerique primorum domestici hoc
addiderunt, ut si ex eorum numero aliquis ea de causa publicè
plecteretur, communi se in medium prodeundi & publicè ean-
dem fidem protestandi eandemque mortem expetendi, sacramen-
to adstringerent. Nec defuere mercatores, qui solitas ad sua lu-
cra excursions, ne martyrij iacturam facerent, hoc tempore omi-
serunt. Alij cum ex Ethnico quodam optimatè inaudissent inter-
colloquendum, ideo regni moderatores ab ijs laceffendis abstinere,
quod arbitrarentur omnes iam à Christo defecisse; ad eos longe
positos se contulerunt hac vna ex causa, ut se in sua fide constan-
tes, nunquam defecisse aut defecturos esse profiterentur. E qui-
bus vnus fuit, qui cum ab ijs serio vrgeretur ut Imperatorijs edictis
cederet, ita respondit: nihil miror eos, qui certam in Christiana
religione salutem reperiri ignorant, hæc nobis suadere; quod non
facerent, si quæ nos affecuti sumus, assequi laborarent. Hinc
ad concertationem de Iaponicis sectis venit, in qua cum neo-
phytus ille victor silentio victos damnasset, ad iocum omnia reie-
cerunt, globulos illi ex sacrificulorum ritu precatorios per vim
ingerentes, quos ille seriò reiecit & iocum ioco rependens, assue-
rauit illos ne manu quidē gestari posse, quod nimium vrerent, allu-
dens ad æternum ignem, quo Idolorum cultus castigatur. Eum
deinde iniurijs affectum gubernatores à se reiecerunt, professi
cum ijs qui mortalia omnia mortemque ipsam spernunt, frustra
certari. Alij autem à gubernatoribus de sua religione interro-
gati, rogatiq; constantiæ suæ chirographum alacres obtulerunt
pro

pro eo spem martyrij reportantes. Alij cum hoc tempore simul Christo sua nomina in Baptismo dedissent; commilitonem transfugam ita exhorruerunt, vt nec alloqui aut salutare posthac voluerint: ille verò defectionis suæ ignominiam non ferens, restitutis quæ acceperat sacræ militiæ armis, rosario videlicet ac imaginibus, in morbum incidit primum, deinde sponte suscepto exilio conatus est perfidiæ suæ dedecus sepelire, eaque res valuisse dicitur ad multos qui nutabant in officio continendos. Sed tandem hoc quidem anno omnia conquieuerunt, nostrique domicilio sub Yanagaua velut statione Christi castra tutati sunt.

Buiensis regni turbæ cùm anno superiore communem Iaponensis Ecclesiæ tumultum eiectionis nostris præuenissent, hoc anno quietiores, nihil in Neophytos furoris pepererunt. Et licet à nostris visitari non potuerint, procuratum est tamen vt officia salutationis inter Episcopum ac dynastam per sacerdotem Episcopi ministrum in neophytorum vtilitatem cederent & nostrorum absentiam curamque supplerent.

Bungenia nonæque pacatè sidera colluxerunt, eò pars aliqua fragoris calamitatisque deuenit. Eo in regno tria sunt nostrorum domicilia. Tacatá, Nótcu, Xinga: in postremo toparcha nihil mouit, in alijs duobus Vsfúqui Prætor pristinam beneuolentiam Imperatoris metu vehementius quàm sperabatur immutauit. Nam cum edicta imperatoria in solam nobilitatem ac dynastarum familiares sæuissent, ipse prope sine exemplo promiscuum vulgus, ac ipsos quibus semper parcebatur, colonos diuexauit. In eam rem quatuordecim perfidiæ ministros ac impietatis incentores tota sua præfectura sparsos nominauit, ijs præconibus edixit vt omnes in quatuor maximè capita coniurarent. Primum quod ex proscriptis ab Imperatore quatuordecim Christi pugilibus neminem essent hospitio excepturi, aut vlla re adiuturi. Alterum vt Christum eiurarent, & è patrijs sectis quàm maximè vellent eligerent, eamque nominarent, vt & sacrificulum in cuius parœciam erant transaturi. Tertium vt omnia Christianæ religionis arma tradere cogerentur, imagines, rosaria, cereas icones agni lustralis, & alia huiusmodi. Quartum vt ab ædis nostræ ingressu posthac abstinerent.

*Edictum in
Christianos,*

Hæc

*Neophyto-
rum feruor.*

Hæc illi edixerunt. Neophyti porro sibi minimè defuerunt, nam in vnum conglobati ad impetum sustinendum vires animòs, que strinxerunt. Sacramentorum vsurpatio, solemnis pro fide retinenda obeundaque morte coniuratio, ac sæpius alibi repetitæ comparationes ita exarserant, vt huius procellæ ventus optari potuerit, quo multorum ardorem intratepiditatis fauillam sopitum excitaret. Nihil per eos dies agebatur, quam quæ cuique mortis metus vnà cum fidei amore colluctans suggerebat, multorum annorum peccata expiata exhaustæque sentinæ, dies noctesque domi mulieres, quas in proprio sanguine cruci affixi lauarent sibi, maritis, filiis ipsis vestes consuebant, nullus nisi de martyrio domi foris, que sermo, commercia, agricultura, solitæ mortalium occupationes ab immortalitatem sperantibus negligebantur.

*De nostris
eijciendis a-
gitur.*

Hæc omnia perfidiæ sollicitatores in rabiem desperationemque agebant, qui ne nihil obtinuisse dicerentur adhibitis ethnicis neophytorum propinquis chiographorum fidem perfidè mentiebantur: sed hoc ipsum vbi constitit in fraudis auctores redundauit, vulgo enim ad eos concurrebatur, ficta illorum manus repudiabatur, chiographum verum minimè postulantibus obtrudebatur, Quid agerent perfidiæ ministri? vocantur à toparcha gestorum rationem exacturo, quine culparentur aut negligentius peracti muneris aut nullius industriæ, inter se conspirant omnes, vt in nostros huius pertinaciæ culpam conijcerent. Multa criminabantur, nostris auctoribus omnia turbari, edicta publica contemni, ad eam rem cætus cogi, cohortationes haberi, sacramentum exigi, aliaque sexcenta. Nostrorum absentiam pudorem neophytis deficientibus detergendum, præsentiam non ferendam illis ignominiam videri.

*Eijciuntur
nostri ac de-
cendereno-
cantur.*

His toparcham facillè incenderunt impetraruntque vt extemplo nostri suis sedibus Tacata Notcuque pellerentur, & finibus eiecti Nangasaquum mitterentur, ædes suas sacras ac profanas more Iaponensi instratas fisco relinquerent, nullaque mora illis concessa extemplo mandatis suis parere cogerentur. Nec mora, nostri sedibus suis crudeliter eiecti statuerunt tamen oues suas nullo pacto deferere, sed neophytorum opera in rustica se colonorum mapalia noctu receperunt, tametsi qui Tacatæ residebat, Pater Petrus Paulus

us Sacerdos noster tum grauitè ægrotaret; quod vbi toparcha audiuit sedato iam primo furoris impetu mollior, conquisitum in suas ædes iubet reuocari, & valetudini curandæ quantum temporis satis esset otiosè concessit; & ad eum iuuandum socio qui è Notu pellebatur commorandi facultatem concessit. Itaque & tum hunc annum nostri suas ædes de more tenuerunt. Cum neophytis quoque moderatius actum quàm prima certamina portendebant. In causa duo exularunt, alij duo in vincula coniecti breui libertatem receperunt, vnus munere quod gerebat publicum priuatus est.

Admirabile videri potest, inter eos metus ad quingentos adultos potuisse Christo aggregari, inter quos prodigio similis est energumèni liberatio. Is in eum furorem agebatur, vt contineri vix posset, ipsis ædibus ignem non rarò admovebat, aliâque in heri perniciem multa moliebatur, à quo ad nostros adductus ita pacatè de Christi doctrina perorantem audiebat, vt notos in admirationem raperet. elutus denique planè liberatur.

Alius quoque intra Bungense regnum Toparcha Funay agri neophytos clientes suos exagitauit, idem feruor fuit, eadem comparatio. Nonnulli vincula experti mortem expectabant, alij multorum pugnas, molestias, fraudes, constanter pertulerunt, sed aliquot proscriptionis nostræ instituto seligamus. Ethnicus maritus vxorem ad magistratus detulit Christianam, ac scripto recepit effecturum se vt Christum abdicaret. Audiit hoc virago Christiana, magistratus adit, fidem proficitur suam, mariti perfidiam reprehendit. Eius impudentiam cum magistratus impotentius increparent, ita respondit; duo rosaria, vt videris, gesto (illo enim ornatu comparuerat) alterum è collo, alterum è manibus: neutrum se daturam professâ est, quin prius raptores illi collum aut ambas manus amputarent; quod si placeret exequi, nihil esse quod aliud tempus locumque deligerent. Quo responso victricem stupefacti magistratus dimiserunt.

Sexennis puella cum occupatam in vestibus ad crucem con-
suendis parentem suam obseruasset, rogauit vt sibi quoque vestem
concinna- *Varianeo-*
ret. Concinnauit, ait, tibi & fratri tuo minori. Responso *phytorum*
pralia.
Acta ad fratrem suum natu maiorem excurrit, Tibi vni vestis non
N para-

paratur, quæso si nobis in crucem actis superstes futuruses, etiam atque etiam caue, ne à Christo deficias. Quis non hæc gratiæ prodigia in sexu & ætate bis fragili admiretur?

*Insigne colo-
ni facinus.*

Certamen grauius fuit & victoria nobilior coloni cum hero suo. Is cum ex agro venisset ad obsequia, quæ debent certis temporibus, exsoluenda, interrogatus est clarè ac dilucidè an Christi fidem eiurasset, & ad sectas patrias se recepisset. Hoc ait nec feci, nec facturum sum, cetera in obsequium tuum omnia non detrecto. Excanduit herus, nec libertatem ferens Christianam, facies, inquit, nunc aut morieris; & ferrum educit; ille in genua ruens ictum expectat. Eiura inquit; Neophytus verò: non eiuro nec moriens. Herus auerso mucrone obruso ictu collum ferit. Et iterum; eiura, inquit, aut morere. non eiuro inquam. Ictum repetit innoxius, & id magno conatu ac furore cum ter iterasset, toties ille sibi constitit, nec visa morte expalluit. Ad clamorem accurrit vxor, & maritum furenti hero eripit, querentem, sibi martyrium potius quàm se martyrio defuisse. Quod vt continuo dolet, ita facinus egregium & præclaram Christianæ fidei professionem neophyti passim illi gratulantur.

NEOPHYTORVM IN REGNO FINGO PRO
Christi fide certamina.

CAPVT XXIV.

FIngensi regno adiacent Insulæ minores aliquot, in quibus Xiqui, & Conzura nostros habent sacerdotes singulos cum alijs rei Christianæ ministris in singula domicilia distributos. Parent ille Terramanæ toparchæ, à quo non exiguus in hac rerum nouitate metus fuit, nam cum beneuolos hæc tempora dynastas immutassent, quid à maleuolis beneuolentiæ poterat expectari? constabat eum quo tempore has Insulas ex Imperatoris munificentia sibi adiunxerat nostros eiecturum, nisi colonos suis pastoribus destitutos credidisset migraturos, & agrorum culturam dimissuros Insulisque solitudinem inuecturos; rebus autem iam aliquot annorum dominio confirmatis, videri poterat minus formidaturus. Et sanè
con-

constat eum, cum hoc ipso tempore è Caratcu arce sua primaria in Insulas nauigasset, hæc animi sui consilia exportasse, quæ cum inter nauigandum suis aperuisset, non defuere ex domesticis complures qui efficacissimis rationibus ab ipsius toparchæ commodis petitis hanc illi mentem expulerint.

Cùm igitur exscendisset animum suum minimè occultauit. *Periculo imminents res Christiana eximitur.* nam cum in Xiqui noster Sacerdos P. Garcesius ad eum officiosus visitator ex more aduenisset, hæc ipse illi significauit: Non ignorabis ea quæ Surungæ contigerunt; his adductus nullo modo mihi videbatur ædem publicè sacram in terris meis posse retineri. Verum ex aulicis meis non pauci multis rationibus à me ne id facerem euicerunt. Manere igitur licebit, & antiquum retinere; sed ita fiat moderatè ne inconsultare Christianæ tractatione ad omnia euerrenda compellamur: & maximè caute, ne quem ignotum excipientes è proscriptis Imperatoris aulicis contra eius edicta suscipiatis etiam imprudentes, vnde mihi ipsi, nec tantùm vobis ingens malum obueniret. Hoc inopinato nuncio recreati nostri, neophytique Deo sua beneficia gratulantes ita se intra prudentiæ limites continuerunt, vt tamen officij sui finibus clauderentur.

De quibus multa, si omnia dici possent. Vnius à simulachris ad Christi sacra conuersio aliquid habere videtur non omittendum. Ethnicus potens qui toparchæ censibus præerat, vir ferox & impotens fœminam Christi sacris initiatam neophyto marito rapuerat, & aliquot annos ea vt pellice abutebatur. Illa tamen si remissior fuerat ad pudicitia conjugalis iura retinenda, fidei tamen suæ tenax ferocem animum ad Christi suaue iugum sensim mansuefaciebat. *Mors obita Christianæ.* Superuenit ad eum edomandum ægritudo, cuius desperatione in spem salutis adductus nostrum euocat, instruitur, remissaque pellice baptizatur, nec ita multò post cum ad extrema venisset suauissimè cum Christo colloquens, ac vitæ finem postulans, ne malitia mutaret intellèctum, inter mortuis semper vocibus sanctissima Iesu ac Mariæ nomina pronuncians, vitam inchoasse sperari potest, quando mori cœpit.

Ad eius funebrem pompam Christiano apparatu instituendam, cùm iam omnia comparata essent, & multi mortales ad quatuor

& amplius millia concurrissent, cum iam alumni nostri cantum inchoassent, ecce tibi sacrificuli aliquot, ut corui ad cadauer prædæ odore aduocati, tumultum circumfistunt, & consuetas deprecationes obmurmurant, alumni nostri numero concentuque superiores obtusa murmura silentij damnant, & spectaturi remanent qui aduenierant cantaturi. Expleta funebri comprecatione, ab vno è nostris alumnis de altera vita ita peroratum, ut ethnicorum somniorum vanitatem & nostrorum scitorum veritatem omnibus probaret, non sine sacrificulorum qui semper adfuerant rubore, & audientium fructu & applausu. Sed grauiora intra Fingensis regni viscera neophytorum certamina contemplemur.

*Fingensium
rerum status.*

Diuisum inter se Fingense regnum tenebant Canzuie & Augustinus ille Ecclesiæ Iaponensis magnus defensor. Dynastiam hic suam magna ex parte Christiana fide collustrarat. Sed eo extincto pristina tenebræ sub Canzuie tyranno non ita occuparunt, quin multis in locis velut terra Gessen Ægyptiam noctem euaserit, quin potius illorum locorum non tirones sed veterani milites ab annis amplius quindecim Christianis prælijs exercitati hac rerum nouitate nihil territi ceteris fortitudinis exemplo præluxerunt. Nam tametsi tyrannus aliquot martyrum coronator vel inuitus, in æquali morte perierit, & filium reliquerit prouinciæ sed nondum per ætatem conditionis hæredem; illius tamen moderatores muneris sui esse duxerunt, id facere quod mortuus fecisset parens, aut si per ætatem liceret filius facturus crederetur. Ergo nouis edictis Christianam legem insectati in ijs etiam exequendis noua immanitate, sed citra sanguinem semper & atrocius ideò fortasse sequebantur. Longum esset omnia commemorare quæ in libro vitæ conscripta afferuantur; sed tamen singula loca percurrentes è singulis aliquid apud more delibemus.

Cumamoto regni caput, & primaria dynastæ sedes est, ab ea quoque inchoemus. In ea vivebat Romanus, vir nobilis, in quem prima huius certaminis pila diriguntur, dies supra quadraginta Romanus prælio victor, hoc vno responso omnia eludebat: Viuens ac moriens ero Christianus. Quo tempore filium Petrum aggressi hoc responsum acceperunt: nihil æque me angebat cum exagitari paren-

parentem videbam, quàm ne fortè tot machinis cederet, quod ne fieret continuis precibus à Deo postulabam: non est igitur quod speretis id à me impetrandum quod in alio exhorrebam. Natu denique minorem acerrimo præter multa telo inuadunt, Parentis fratrisque dignitatem ac censum illi offerunt, si sapientior illis videri voluerit. æque sibi omnes inter tot tamque diuturnas concertationes constituerunt; quarum finis fuit solita proscriptio, quæ cum cætera omnia rapuisset vnicam illis vestem reliquit frigidum solatium nuditatis, cum qua vna sub Christo paupere diuites Nangasaquium deuenerunt. Nec hi soli, sed non ita multò post in simili certamine non inferiorem victoriam nobiles aliquot alij & negotiatores consequuntur.

Vnius familiaris constantia & proscriptio.

Sed admirabilis mihi videtur fuisse Pauli quoque nobilis neophyti ex ordine militari constantia, qui responsum suorum seueritate martyrij palmam extorquere velle videbatur. Hunc ad defectionem sollicitandum regni moderatores duci suo sub cuius vexillo militabat viro ethnico commendarunt. Is pro auctoritate iubet vt Christum eiuret, quod ita iuberet Imperator, Iubeat, inquit, Paulus, Fingensis dynasta, iubeat Imperator non sum imperatafacturus. Si facere nolis, inquit dux maleuolè beneuolus, Ego pro te chirographum scribam, & moderatoribus dabo. Non patitur, ait Paulus Christi sincera lex istas fraudes: si feceris, ego tale chirographum apud ipsos Gubernatores eiurabo. Stomachatus præfectus in minas ruit; verum ac si filicem filice concuteres in milite diuinus ignis exarsit. Non si me in auios saltus eiecero, non si lento igne viuentem torrueris, non si lignea serra medium diffideris, non si in frusta discerpseris, non si quo alio pænæ genere excruciaris, aliud impetrabis. Cùm hæc totidem verbis edixisset; addidit animo magis ac magis efferuescente: vtinam iniecta in collum recte per omnia laponiæ regna raptarer inclamante præcone, ideò raptari quod Imperatori Christum eiurare mandanti non obedirem. Obstupuit ethnicus satis dubius an enthei furores illi parum sanæ mentis deliria essent; sed quem in ceteris sapere videbat, in hoc vno quis credat delirare? iudicauit aliquid esse in eâ lege plusquam humanum, cuius intuitu mortales se supra naturæ conditionem eueherent.

Admirabilis alterius constantia.

Adhibiti sunt ad eundem expugnandum commilitones; certatum est à gubernatoribus spe ac promissis, quæ nobiles animos, quos acuiunt minæ, non raro solent obtundere. Urgebatur ut annuam defectionem admitteret suo postea victurus arbitratus: æquè omnia reiecit, & vnum præ reliquis quæ offerebantur postulabat, vti secum breuitate certaminis labori parceretur, sibi moram morte grauiorem. Sed quod maximè cupiebat impetrare vel potius extorquere non potuit, vita illi ad pœnam conseruata; nouo enim proscriptionis genere in nudam omni apparatu domum relegatur, ibique adhibitis custodibus ad dies nouendecim asseruatur, fame vt arbitrabantur lentissimo, & quod inde fit atrocissimo mortis genere periturus. Verùm misratio amicorum custodes aut fefellit, aut corripit. Clam relictus superstes erat imò vegetus, quare hoc quoque martyrij genere desperato eijcitur. Nec absimili certaminum euentu Michael nobilis adolescens vicit, cuius vxor Agatha mariti consilijs tentata vt ad suos se reciperet, maritum deferere noluit, tametsi nuditatem illi publicam neophytis viris ac mulieribus intentatam obijceret. Dicebat enim se ex quo Christo animum & corpus holocausti sacrificio deuouisset, se illius causa nullam pœnam, ignominiam nullam detrectare, quæ in ipsius gloriam cedere posse crederetur. Eadem deniq; bonorum proscriptione exuti intra proprias eedes recluduntur, custodiuntur, ac deinde exterminantur.

Nobile alterius familia certamen.

Quo tempore hæc aliæque in vrbe Cumamoto miscebantur, in alia arce cui Vto nomen est, quæ Augustini sedes fuerat, Neophyti quoque urgebantur, nec ijs ferendis lassabantur, quibus nos aut scribendis aut legendis fatigamur. Bartholomæus ex ordine militari nobilis, sub cuius cura toparchæ census numerabantur, iussus Imperatori parere respondit se legem illam cuiuscuius foret antiquare: qui hæc Gubernatorum nomine renunciabat indignatus ait; atqui scias iam magistratibus certum esse Christianos contumaces intra culeum sine veste consutos toto regno arundinibus vapulatu-ros: atqui plura sunt ait Bartholomæus, quæ ego Christi causa mihi propono toleranda. Apage, inquit ille, deliras, in filio tuo Dario plus humanitatis inueniam. Atqui, Darius inquit, si parens vterque me præfente defecerit, ego mihi Deo iuuantem constabo; nec est quod

quod ultra suadendo fatigeris, nobis aut Christianè viuendum aut Christianè moriendum. Non ita multò post Darius annos iam natus tres supra viginti, cum cohortis suæ ducem viseret, in multorum præsentia denuo laceffit in hunc modum. Ex commilitonibus nescio quis Christianis prælectionibus imbutus in sua cæcitate remanserat; is gloriari solebat rerum nostrarum peritia, vnde petitis argumentis ita concludebat: Christiani martyrium appetunt, certam ut credunt ad salutem viam: iidem fatentur à religione transfugas posse in gratiam recipi: quin igitur ut prius ex religionis tuæ præscripto appetis, ita posterius tuis commodis nobis gratificaturus arripis? Procul adhuc abes à regno Dei, ait Darius, prius ut licitum appeto; posterius ut illicitum execror, quod ego nec vestra causa, nec ullius alterius sum admissurus.

Cum Patris filijque desperata defectio videretur, ad vxorem Bartholomæi, Darij matrem commilitonum coniuges amandantur: ab ijs armis muliebribus impigrè certatum, sed & impigrè repugnatum. Ad conuitia venit, serpentium illi cor esse quod mariti filijque perniciæ lætetur: dignam esse in quam ignominia omnis à magistratibus intentata laxetur. Et vna; extincto, inquit, marito ac filio mulioni traderis seruitura: at illa: non horreo seruitutem, illius moram queror. Vtinam in hac ipsa arce in omnium conspectu seruirem, lignari palam ad obsequia culinæ nil puderet. Denique post varia prælia, domestica proscriptione conclusi viginti dies toros, sed ne adhibitis quidē custodibus inclusa cū illis principio fames ita teneri potuit, quin illatis ad eam excludendam necessarijs quotidie pelleretur. Eiecti tandem toto regno aliò se cum sua victoria receperunt.

Nullus erit finis si huius generis omnia persequar, nam non in solos militaris ordinis optimates certatum, quibus educatio fortasse plus animi, exercitatio minus terroris adferebat; negotiatores, quibus vtile plus quàm honestū placet, coloni quibus natura paruis affueta vix ad res magnas aspirat, fœminæ quarum anima mollior, pueri ac puellæ quarum sensus tenerior, senes quos ætas vegeta defecerat, iuuenes quos amor vitæ à morte deterret, omnis ætas, sexus, conditio, gratiæ diuinæ fauore naturæ vitia superabant. In ijs

Hiero.

*Non absimili
li alterius
familia pugna.*

Hieronymus quidam negotiator, cum à Iudice iuberetur Christum eiurare, nec faceret, iussus est hanc suam voluntatem scripto tradere, quod ipso momento fecit in hanc sententiam: Tamen si alijs in omnibus gubernatoribus regni obtemperare, in deserendo tamen Christo, in cuius vnus lege salutem suam mortales consequuntur, nec possum nec debeo, quod ita me sentire propriæ manus auctoritate confirmo. Proximum huic illi cum propinquis certamen fuit nocturnum ac diurnum, omnibus in eum artibus sed maxime minis certabatur. Ad quas vnum erat in hæc verba responsum: Dæmonarum incrementa lætitiæ mihi cumulum facient ampliorem. Minas conuicia exceperunt, feram vocant, barbarum inclamant, emotæ mentis arguunt. Ipse vero tanquam surdus non audiens, & sicut mutus non aperiens os suum. Coniugem tamen minæ, conuiciâque terrebant ac pungebant: quod cum inuictus Christi pugil aduertisset: quid agis vxor, inquit, non aduertis has à Dæmone animi perturbationes immitti? nunc est probanda si locum virtus habet. His dictis eosdem quos spirabat ignes concepit, & mortis cupida non potuit in posterum à sententia dimoueri. Hieronymus quoque filios auctoribus amicis periculo subducere subterfugit asserens, se rapinam in holocausto suæ familiæ cum ipso Deo detestari. Tandem tamen martyrij coronam quam sperabant cum bonorum proscriptione atq; exilio commutarunt. Eandem fortunam post eadem prælia alij quoque multi sunt consecuti.

In alio quoque vico, Comaxiri nomen est, cum alijs multis, sed maximè cum Neophytorum principe in fidei causa decertatum. Is à Dynasta censu annuo ideo cohonestabatur, quod maris patrij peritus probè nauarchi officio in ipsa dynastæ celoce fungeretur, cum in regiam urbem ad Cami littora nauigabat; quod iter, quia inter Insulas nauigatur, qui norunt accuratè, à dynastis illorum lictorum dominis æstimantur. Is erat Neophytorum velut parens, cuius domus, asylum, ædes sacra nostrorum cum gregem suum interuiferent refugium. Sollemne illi erat aberrantes in sectarum lapponensium pelago ethnicos ad capeffenda duce fide velut stella salutis littora prouocare. Hæc omnia quo acrius incendebant sollicitatores ad defectionem vel persuadendam vel exorandam, eo

Præclara nauarchi Christiani prælia.

vehe-

vehementiora illi praelia prępararunt, quę non est facile commemorare, quanquam difficilius fuit tolerare. Denique hoc fuit illius pręclarum sanę responsum: Ex eo tempore quo primum auctore Canzuye in Christi legem edictis pęnisque sæuitum est, vitam in ea causā ponere in votis fuit, quā ex causā nunquam publicam fidei meę professionem omisi, quin ipso dynasta teste, solitas orationes diuersis precandi globulis quotidianum pensum inter nauigandum exsoluebam: Absit vt iam alius videar à me ipso: Cum libuerit, me familiamque vniuersam in crucem agite, nihil est quod aliud à me speretur. Quę cum dixisset arbitratus optatam palmam emeritę nauigationis minimè sibi in hac procella defuturam, ad enatandum per sanguinis sui fluctus in cęlestem portum se cum familia sedulus accingebat. Et ne quem amicorum eiulantium, ac velut in funere pręficarum voces inconditę familię tenerioris animum emollirent; omnem complorantium turbam ædibus excludens ipse sua constantia vultusque serenitate ceteros confirmabat. Sed neque rum nauarchas optatum vitę naufragium fecit vt in portum enataret: sed longiorem procellam ingrediens honorum proscriptione, onus eiiciens per varios exilij errores in hoc diutiùs vitę pelago fluctuauit.

Insigni multis nominibus in alio vico cui nomen Ongaua Petri neophyti certamine Fingenſium facinora concludamus. Is fortunarum copia cum veris virtutum opibus certans neophytis ad omnia pręlucebat. Ad eum missi de Christo eiurando nuncij hoc ad regni moderatores responsum retulerunt: Tametsi ad opes meas triginta Iaponię regna addideritis, & auri massam Vngen altissimo apud Iapones monti parem tradideritis; non sum Christi fidem vel tantillum deserturus. Post hæc non defuere, qui iudices mentito si vellet, chirographo volentes fallerent. Ego verò, inquit, non solùm totam Iaponiam, sed vniuersum orbem si opus fuerit ad eiurandum tale chirographum oberrabo. Aduenientes porro nobiles duos ex oppido Yacuxiro ad eum acrius laceſſendum hoc admirabili responso ac pæne Apostolico animi vigore à se reiecit. Tametsi Sacerdotes omnes è Societate Iesu magistri nostri, imò & totius orbis Christiani à fide deficerent; eam tamen Deo aspirante non.

*Responſa
neophyti no-
bilis inter
certandum
admirabilis.*

tenon sum deserturus. Mirandum quidem in neophyto. quidenim aliud dicebat Apostolus cum diceret, *Quis nos separabit à charitate Christi, &c.* Certus sum enim quod neque Angeli, nec ceteri separare nos poterunt à charitate quæ est in Christo Iesu. Et quid aliud cum suadebat, ut nec Angelus, nec sibi ipsi aliud suadenti si fieri posset acquiescerent. Iam domi suæ adhibitis custodibus servabatur cum hæc diceret, entheosque spiritus ex animi feruentis incendio exhalaret. Inde ad iudices literas scripsit supplices, ut custodum labori parcerent, (pernoctabant enim ad ianuam vicini) nihil esse quod aliud à se impetrari posse sperarent. Ignatio martyri similis videbatur, nisi quod ille feras, hic tyrannos laceſſebat. Et tamen quod optabat, impetrare non potuit. Vnà cum familia relegatus longam mortem vivebat, non amissurus præmium illius quo carebat inuitus. Ita Fingenses hæctenus, qui sua nos constantia dictisque diutius opinione, non tamen sine voluptate tenuerunt.

*QVID IN PARTIBVS CAMI HOC ANNO
contigerit.*

C A P V T XXV.

C Ami regiones, vel alio nomine Goquinai, vocant quinque regna, quorum caput est Miacum, Dairi, cuius est legitima in vniuersam Iaponiam potestas, regia. In eo sunt nostrorum sedes aliquot, Miacensi domicilio attributæ, quas ideo eadem tractatione persequemur. In alijs quidem regnis sumpta ex Imperatoris exemplo sæuendi occasione, sæuijt vnusquisque prout animo affectus erat, vel à cupiditate placendi, vel ab odij vehementia. Cum autem Miacum, ut imperij, sic & superstitionum antiqua sedes sit, eumque velut lernam suam omnium scelerum colluione redundantem, hæc hydra gentilitatis ad incolendum delegerit, exploratum omnibus videbatur, primam post Surungam persecutionis procellam ei imminere. Nullum ergo dæmon per se suosque administratos non mouit lapidem, ut Miacensem Ecclesiam exturbaret. Ea enim destructa totius imperij templa simul ruitura præuidebat. Interea Patres

Patres omnesque neophyti ad excipiendum hunc impetum, ad mortem & exilium assiduis orationibus sacrificijs, corporisque afflictationibus se comparant, & inter alia, quadraginta horarum supplicationem ante imaginem S. P. Ignatii instituunt, Deum cum lachrymis impensius rogant, uti per illius patrocinium & S. Francisci Xaverij labores in illis regionibus Ecclesiæ adiungendis susceptos, tyranni furorem iramque mitiget. Mirares rebus iam omnino desperatis, ultimo orationis die renunciatur; decretum esse ab Imperatore, uti Miacer Christiana intacta suum teneret cursum. Perpulit enim Dominus ita Curadonum gubernatorem Miacensem ethnicum, & qui olim Boncius seu idolorum sacerdos fuerat, sed mitem, prudentem, nostrisque in paucis beneuolum. Hic sponte sua Imperatorem adit, cui in primis gratus erat, suadetque ne religionis vnus causa rei publicæ pacem vellet perturbare, cum præsertim tam varijs imo contrarijs inter se placitis sectisue tota Iaponia discissa sit: nec iustum videri ob vnus aut alterius crimen religionem damnare, sic enim nulla stabit, cum illa viam doceat, deuare autem humanæ sit fragilitatis. Hoc vnum, ait, expertus noui, Miacer neminem Christianis quietiorem, magisque legibus obsequentem reperiri. Mouit Dominus adamantinum tyranni pectus, iubetque uti vnum tantum Societatis templum quod Regio diplomate iam pridem in Ximoquio seu in inferiori ciuitatis parte situm, omniumque Cami residentiarum caput erat, integrum intactumque remaneat: simulque declarat Christianam religionem solis nobilibus, aulicisque interdici, non vulgo. Respirare visæ sunt hoc læto nuncio omnes Cami Ecclesiæ; licet enim rediens è curia gubernator alia duo minora templa, Societatis vnum, in superiore ciuitate situm, dissolui, alterum Patrum D. Francisci in ciuitatem Fuximensi transferri iusserit; missus tamen à gubernatore præco, qui hanc vnam Ecclesiam nostram nouo indulto stabiliri nunciabat, omnibusque ad illam liberum permitti adiutum, dolorem minuit, firmavit animos, inimicos compressit. Et hoc indulto dynastæ suarum quisque prouinciarum ecclesias intactas reliquerunt. Et quoniam decrunt ferè quæ spectentur in arena & puluere certamina, nonnulla pacis ornamenta seligamus.

*Sacerdulus
ad Christum
conuertitur.*

Sodalitium, cui alienæ miseriæ miseratio nomen dedit, præ cæteris viget. Lepra infecti ad ducentos nostrorum induitria sensim ad fidem conuersi, consilio & eleemosynis iuuantur, eoque magis mouet hoc pietatis Christianæ officium, quo gentilis Iaponum circa hanc ægritudinem horror insigniorem victoriam facit. Currebat igitur solito cursu Euangelij riuus tamen potius quàm torrens, nec nulli ad Christi gregem addebantur, inter quos insignis fuit sacrificuli cuiusdam à simulacris ad Christi sacra conuersio. Is cum in vicino regno Oari, & in ipsa metropoli Nangoya dignitate inter suos emineret, literis verò ac sectarum suarum peritia paucis concederet; nescio qua rerum diuinarum cupiditate incensus Magistrum à quo hæc audiret exquirebat; nec alius repertus est aptior quam cæcus quidam ingenio melior quàm re familiari, sed Christianæ legis non malè peritus. Nec superciliosus mystes abnuuit cum paupere cæco certamen, in quo salutariter victus deposito supercilio manus dedit apertisq; oculis suam cæcitatem damnans, cum ordinarius minister deesset, à nullo alio voluit aquis salutaribus elui, quàm ab eo cuius opera fuerat illustratus, iam in Christi ludo edoctus, quia absconduntur hæc à sapientibus & prudentibus, & reuelantur paruulis.

*Fuximi domus nostra
periclitatur.*

Fuximi sedes nostra discrimen adiit ne nobis eriperetur, euasit tamen nobisque remansit, quod eius facies extrema retrusâ in interiorem aream æde sacra, similis cæteris ædibus profanis nullam cœnobij formam haberet ac nomine affinis cuiusdam Iusti Vcondoni possideretur. Neophyti quoque ipsi aliquod certamen victores adierunt. In his senex Gasparis Vilelæ olim neophytus Petrus nomine à dynasta Imperatoris fratre aliquoties impetrus ita restitit, vt etiam suam dynastæ probauerit firmitatem; quam noui census incremento remuneratus noluit eius fide carere, qui datam Deo etiam mortis metu proderet recusauit.

*Idem Sacai
contigit.*

Quæ Sacai nostrorum sedes est idem cum superiore periculum non absimili fortuna euasit. ad cuius conseruationem neophyti octiduum totum distributis inter se horis domino supplicarunt. publicè nihil in Ecclesiam tentatum, priuata nonnulli certamina fortiter subiere. Filium Christianum ethnicus parens ad defectionem

fectionem sollicitans diuinum de filiorum in parentes obseruantia legis nostræ præceptum obtrudebat; cui filius cum de colendo Deo primum maximûmque mandatum retulisset, iubetur à parente bonis cedere scriptoque publico id testari. Quid opus est scripto, ait filius: ecce tibi clauēs cum quibus omnia tuo arbitratu dimitto. Mouit parentem filij constantia, clauibusque restitutis etiam Christianè viuendi filio ac nurui facta potestate cum filio redijt in gratiam.

Apud Iapones est inter cæcos quoddam Reipublicæ vel potius academici genus, in qua per varios honorum gradus ad quandam peruenitur, qui doctoratum nostrum referre videtur, quem ipsi Quenguio vocant. His omnibus præest vnus cui ceteri parent. Princeps igitur cæcorum cum inaudisset Sacai cæcum quandam repudiatis simulacris patrijs ad externa Christianorum sacra transisse, literas ad eum scribi iussit, quibus literis eam rem acriter in eo reprehendebat, iubebatque vt ad patrios Deos eiurata barbarie redire; sin id facere recusaret, sciret se dignitate stipendiisque dignitati debito esse priuandum; quam ad rem statuendam biduum illi non amplius permittebat. quo exacto Cæci doctores qui Sacai degunt cæcum euocant, & à Christo deficere recusantem dignitate spoliant, & que albo suo expungunt. Ita bis cæci quem ductorem sibi sumere debuerant, doctorem esse noluerunt. Id academici generis ex eo apud Iapones ortum habuit, quod cum Imperatoris olim filius quidam cæcus esset aditusque illi esset ad cæteras dignitates interclusus; inuento nouo dignitas illi noua quæsitæ est: & vt esset in quo cæcorum industria exerceretur gradusque differrent, scripta eleganti stylo de antiquorum prælijs volumina memoriæ mandant, & pulsata lyra canunt, in cuius rei peritia cæcorum gradus distinguuntur. Habent sua insignia, stipendia, immunitates, potestatem; etiam in reliquos cæcos. supremo ius est vinculorum vitæque ac necis pro criminum grauitate.

Cæci Neophyti constantia,

Cæcorum academia,

Firoximæ Dynasta rei Christianæ annos iam aliquot egregiè fauet, ac nostrorum domicilium suo prope sumptu sustinet. is nihil planè mouit: sed edixit solùm, vt à proscriptis excipiendis Christiani sibi temperarent; ac publicam quietem priuato humanitatis

officio præponerent. Ex hac sede in vicina regna nostri ad rei Christianæ auxilia vtiliter excurrerunt. In regno Suuò cui præest Mori dynasta, neophytus falsi criminis delatus, cum aliter non posset innocentiam probare, cogitur more Iaponensi ferrum candens manu tractare, quod bis fecit illæsus, prius inuocato Deo innocentiae suæ teste, quam ut hac ratione probaret non sua voluntate sed aliena facere cogebatur. Idem circumstantes neophyti Deum rogabant. Ethnici verò præsens Dei numen in Christianorum causa sua sunt admiratione venerati.

Neophyti innocentia mirè comprobata.

Ferrum candens illæsis manibus tractatur.

Iusti constantiam tentare non audent hostes.

Regnorum Borealiū Canga' primarium est; in eius metropoli Canazaua nostrorum sedes in Umbra Iusti Vcondoni conseruatur, cuius euertendæ cupiditatem dynasta ex Surungæ rumoribus ostendit, sed ostendit tantum. Cum enim ad Iustum optimates ex aulicis suis duos destinasset, monituros ex æde sacra sibi periculum imminere, rogaturusque ut à Christi fide in hac rerum nouitate deficeret, ab altero ex internuncijs deterritus est, tum desperatione victoriæ, quam Iustus toties in maioribus prælijs reportasset; tum quia nihil aliud edixerat Imperator, quàm ne à se proscripti vllibi exciperentur. Posse Iustum proscribi aut mactari, si hoc è regni sui rationibus esse iudicaret; non posse superari. Quibus permotus hoc quidem anno sibi temperauit. Sed multa nobis de Iusto dicenda supererunt, qui nobilem vitam nobilissimæ mortis honore in fidei causa exul terminauit.

Pro baptisimi.

Ex ijs qui recens Christo nomina dedere quidam, dum infanti filio suo consulit, sibi quoque salutem accersiuit. E Iaponensium sectarum somnijs arbitrantur quidam infantes in ea ætate vita functos in conuehendis saxis in quodam loco, cui nomen Sainocauara, occupari: vnde deliri solent subinde ad fluminum ripas lapillos coaceruare, ut infantium laborem tantillum imminuant. Hic moribundum infantem ethnicus parens baptismo voluit expiari, quod audisset eos, qui sic eluti morerentur in cælum euolare. Quo facto cum subito puer in vitæ spem redisset; admiratus parens cum vniuersa familia solitis de Christiana doctrina prælectionibus instrui voluit, quibus ita captus est, ut damnatis erroribus in auditam inclinaret veritatem; nec ita multo post infans recrudescente malo mori-

moritur, quæ res parentes ab agnita veritate nihil auocauit, sed in proposito constantes, filio morienti salutem sibi viuentibus spem salutis suscepta Christi religione procurarunt.

Surungæ (nam præter Imperatoris iras huius tempestatis fulgur, cetera in hunc locum suum reseruauit) domus nostra nobis erepta est, quod Daifachi, quem sua crimina perdiderant, esse diceretur. Euangelij cursus ante exortam procellam Surungæ torrens videri poterat, cum sesquimensis illo, qui eam proximè præcessit quadraginta supra ducentos adulti se Christo adiunxissent. E quibus Ethnicus quidam arcis vnus præfectus, dum contra nocturna spectra remedium quærit, in Christiana religione reperit. Is auditas olim de Christiana lege prælectiones vitæ licentioris cupiditate præfocarat, & cum in ædes nocturnis spectris & lapidationibus infestas incidisset, Sacrificulos qui sacrilegis ritibus eos niterentur expellere semper reiecit, quos tamen eius vxor, quæ maximè torquebatur cum sine fructu admisisset, ipse quod in demones illi non poterant, in sacrificulos potuit. Cum enim lapidationes solito acrius in tecta inuolarent, ipse quoque in profanos exorcistas inuolans fustibus expulit impostores. Et eorum quæ domi nostræ audierat aliquando memor ad eam recurrit, audita repetijt, & cum filiis ac famulitio excepit, domus ipsa expiatis incolis visa est etiam expulsis spectris expiari. Idem ethnicam mulierem abortum eiicere cum summo vitæ discrimine laborantem, iniecta in collum sacra cerei agni effigie, ipso momento eiecto infelice partu feliciter liberauit.

Ex eodem numero eorum qui Christi gregem auxerunt omitti non potest mulier (in Baptismo Catharinam vocarunt) quæ in scio marito Christum agnouerat. Is vbi hoc audisset, excanduit, primoque furoris impetu amens coniugem ad eiurandum Christum vrget impotenter. Verum illam constanter renuentem in capillitium iniecto fune ad proximam trabem ligat, exutâq; vestibus multis vulneribus & proprio fœdat sanguine, hoc vnū in clamante marito, vt quæ susceperat sacra abdicet. Verum illa viraginis in modum fortiter respondebat, Christianam se viuere, Christianam se mori, tametsi se in minutissima frustra dissecaret. quo responso in furorem versus domo abiit eamque totum cum diem ligatam sine cibo tenuit,

ratus

*Vis baptis-
ma
cōtra spectra
nocturna,*

*Christiana
coniugis cum
marito prae-
sum,*

ratus eam pœnam sua mora id impetraturam, quod atrocitate subita non potuerat. Redit ad vesperum: æque sibi constat Catharina. Soluitur ergo, & in secretiorem domus angulum retrusa, omnique colloquio interdicta, multa sustinuit pari semper constantia, nec vnquam adduci potuit, vt sacram suppellectilem quam de more baptizata receperat furenti marito traderet. Tandem vicit constantia pertinaciam, mollior tempore redditus maritus cum vxore sibi viuere permissa in gratiam redijt, quod facit illa strenue post domesticam illam quidem, sed insignem ex atroci prælio victoriam.

*BONAVENTURÆ NEOPHYTO FVNES
cadunt in præclaris.*

C A P V T XXVI.

AD hunc locum spectare videtur Bonauenturæ gloriosum pro fide certamen, ideo maximè quod Christianæ vitæ tirocinium Miaci ingressus & victoriæ laudem remittere censendus est, vbi pugnare didicerat, id quo euentu acciderit scire non erit iniucundum, in quo electionis diuinæ vis in multis elucet. Miaco euntibus in alteram huius temporis regiam Yendo appellatam, in qua sedes est eius qui hereditatis iure imperium sibi Iaponense promittit, occurrit regnum Mino; in quo toparcha degebat, cuius filius adoptionis iure nobili coniugio illigatus vxorem duxerat propinquam Dynastæ regni Oari, qui tertius est Imperatoris filius. Is nescio qua ex causa, sed vocante Deo Miacum venerat, vbi morbo corporis animi salutem quam quærebat inuenit: nam cum incidisset in Religiosum è D. Francisci familia artis medicæ non ignarum, ab eo corpori medicinam animo vitam accepit. Solebat enim hac arte adhibito socio catechista corpus animumque curare.

Salutaribus igitur aquis elutus cum famulis aliquot Franciscus est appellatus, familiæ totius moderator bene ominatum Bonauenturæ nomen accepit; quam diu Miaci substitit aliquot mensium moram vterque altè admissa in animum Christianæ legis veritate in pietatis officijs exercitatione lucrificit. Redit in patriam, vxore mariti auctoritatem cum filijs secuta familia prope tota Christi sa-

cris

*Conuersio
Francisci qui
fuit herus
Bonauentura.
Franciscanus
medicus
corporis &
animi.*

cris imbuta animi salutem quam depulso morbo acceperat, in plures euulgar. Et quoniam è domestico palatio in vicinum fanum transitus erat, ne quidquam esset sacris profanisque commune ianua parieti continua incrustatur. Sesquiannum ferè tenuit ea viuendi ratio, cum Franciscus recrudescente malo pristino, morbo corripitur, in quo nihil hæsitans sibi constitit de vnica æternæ salutis in columitate sollicitus. Moriens parentem licet adhuc ethnicum rogat vti per eum Bonauenturæ liceat funus suum eo ritu in quo moriebatur procurare, aliâque addidit extremæ suæ voluntatis mandata, omnia ex legis Christianæ præscripto. Moritur ergo Franciscus; ritu Christiano terræ commendatur. Et quoniam Bonauentura heri sui parentisque curator fuerat appellatus, Miacum illi necessario repetendum fuit, tum vt filias duas ex illegitimo toro ante baptismum ab Francisco susceptas elocaret, tum vt indicta pro mortuo sacrificia curaret.

*Moritur
Franciscus.*

*Bonauentura
Miacum
redit.*

Interim dum Miaci sedulus curat omnia, Imperatorij furoris ab Surunga fragor intonuit, isque tota Iaponia sparsus ethnicum parentem incitauit, vt nurum suam ad patrios ritus eiuratis peregrinis reuocaret. Tenerior erat in fide quam vt æratem, sexum, præsentemque metum superaret. Dedit manus, permisitque vt ad proximum fanum ianua pateret, pro qua coloni sui fano illi propensiores deprecari fuerant. Interim redit Bonauentura, immutatus ipse omnia mutata miratur, nec dissimulato doloris sensu, multa apud heram queritur, mariti præproperam obliuionem inculcat, violatam ipsi Deo fidem exaggerat. Vidua quod Bonauenturæ opera indigeret, multa causatur, famulo blanditur, & quam conceperat iram intra stomachum vultu facilitatem mentita seponit. Non sefellit Bonauenturam fucata humanitas, multo minùs emolliuit. Zelo enim fortasse intempestiuo correptus in fanum inuolat, simulacrum pedibus calcaturque comminuit, nec ea re contentus aram ipsam fanumque disturbat, & ad colonos conuersus mali auctores multa minatur. Illi malè sibi metuentes, Bonauentura quippe omnia moderabatur, in eo euertendo salutem suam sitam esse nihil dubitarunt.

Illius Zelus.

Itaque ad heram recurrentes numinum suorum contumeliam

P

ac

*Bonauentura
compre-
henditur.*

ac Bonauenturæ minas amplificant, addunt manifestas Deorum i-
ras in mariti morte desertionem expiasse: quid eos facturos putet,
post iniurias grauiiores, qui non tulerint leuiiores. Eos cum famu-
lus in familiæ perniciem prouocet, quid ab eo fidei sperandum, qui
perfidiam profitetur, dictitareque audet si hera demortui mariti
mandata violet, me ipsum eiusque filios occidam vxorisque perfidi-
æ nuncium moriens feram. Credula res est mulier ac suspicax,
maximè semel offensa, ergo in posterum animi impotens odium sur-
is rationibus prætulit famulum perditura. Socerum igitur appel-
lat, narrat, quam asperè ab eo famule excepta sit, propterea quod
cum patrijs numinibus in gratiam ipso auctore redierit, quam im-
potenter colonos suos exceperit. Hæc aliaque huiusmodi minus
afficiebant socerum quam nurum, satis certum quo animo famu-
lus in herili obsequio peccasset. ne tamen illa neglectam se quere-
retur, accersitum Bonauenturam domi recludi & compedibus im-
pediri iubet, & vt heriles molliret iras tempori indulgebat, qui Bo-
nauenturam saluum cupiebat. Quindecim & amplius dies in
vinculis detentus ita vivebat, vt moriendum sibi nihil dubi-
taret. Ergo ex obuio ligno crucem paruulam ipse sibi fabricat
vinculorum suorum solatium & optandæ mortis irritamen-
tum.

*Bonauentura
constantia.*

Diutius vivebat Bonauentura quam optaret hera, quæ nihilo
mitior ab ipso tempore furoris capiebat incrementa, quare mittit,
qui cum socero expostulet denunciétque se ad Imperatorios mini-
stros rem delaturam, nisi foci sententia puniretur. Socer igitur
Bonauenturam euocat, narrat heræ offensionem, addit se ad eam
placandam illam ipsam in vinculis moram destinasse, nihilque ad
eius sedandos animos opportunius sibi videri quàm si eiurata
Christi fide in omnibus fideliter pariturum iureiurando affirma-
ret. Ad hæc Bonauentura, Satis, inquit, anxius hucusque fui cur
detinerer, ac tametsi nullius rei mihi conscius quam eius quæ
circa mutatam religionem euersumque fanum offensionis inter-
cessit, verebar tamen, ne quo alio prætextu gratia excidissẽm.
Nunc autem vt video de sola religione agitur, si eam desero vita
mihi gratiæque restituitur, sin autem mors intentatur. Lætus igitur

tur hac meæ causæ declaratione profiteor me religionem meam nec vitæ nec herili gratiæ concessurum, cui mille vitas conseruandæ præpono.

In hac sententia firmus omnia reiecit, socróque volenti famulum nurui conseruare spem omnem exemit. Ergo capitis in eum sententiam pronunciat. Educebatur ad supplicij locum læ- *Damnatur.*
 tus Bonauentura manibus post tergum reuinctis, & pedibus vt prius impeditis, quam diu intra urbem iter fuit gestari se permisit, sed euicit deinde vt pedes incedere sineretur, quod faciebat tanto animi sensu, vt corporis sensum excluderet; pedes enim intra compedes celeritate impetuque laceri multum sanguinem mittebant, donec aduertentes ministri per vim eum in sellam suam reiecerunt. Venitur ad supplicij locum, in quo primum carnifices rogat, vt à corporis laceratione Iaponibus non insolita ad virium & sicarum ostentationem amputatis ceruicibus abstinerent, cupere se Christiano ritu sepulchrum impetrare, quod ille fratri suo natu minori, qui fortè aderat, designauit. Petijt deinde arundinem terræ infigi, *Plectitur.*
 ad quam ligneam suam crucem collo eductam suspendi voluit. Petijt & explicari sibi Christi in cruce pendentis papyraceam effigiem quam è domesticæ supellectilis neglecto iam thesauro adferri sibi rogauerat, quàm quia manibus non poterat, ori admotam sapius osculatus, dentibus ex inferiori parte arripiens ceruicem vnâ cum oculis inclinans ictum excepit, & Iesum inclamans vnâ caput imaginemque dimisit, quam sanguine suo imbuens testari voluit nouo ingeniosæ pietatis genere, se illi sanguinem reddere qui seruandis mortalibus suum prius in Cruce profudit. Ita Bonauentura magno salutis compendio hero fidem Deoque seruauit. Nec adduci potuit vt ante sacra religionis arma, quam caput vitâque dimitteret, eo in loco tum sepultus est, nec ita multò post Fuximi deportatur.

OZACÆ LEO NEOPHYTVS AB HERO
in fidei causa mactatur.

CAPVT XXVII

Leonis mihi nomen in huius anni certaminibus vt est fortitudinis ita victoriæ omen viderur fuisse, hic alter est cognominis alteri Leoni cui studio postremum locum pro huius anni libri-que coronide referuau. Ozacæ nostrorum sedes innixa fauori Findeyori & Taicosamæ diplomati stetit incolumis. Edicti tamen de non excipiendis exulibus atrocitas & Imperatoris exemplum priuatorum nobilium parum bene affectos rebus nostris stomachos commouit & variarum perturbationum humores excitauit. ab ijs in famulos ac domesticos de religione seuerè inquisitum, acriter certatum, constanter repugnatum. Vnus inter multos athletas pugil martyrij palmam secum detulit, dum eiectus ab interfectore spiritus purior è proprii sanguinis lauacro in cælum euolauit.

Leonis Vita. Is ante decennium Christo adiunctus Leo est Christiano nomine appellatus, Iaponensi Cayemon dicebatur, è regno Figen oriundus scribitur. Quo tempore Christum nosse cœpit, Facatæ Christiano hero famulabatur: quo dimisso, inter ethnicos diu vagatus & tandem Ozacæ constitit, in Ethnici quoque nobilis Imanda-fanxiro dicebatur, administranda familia distentus, is enim totam illi domum, fidem illius expertus, ultro tradiderat. Diuturno quidem cum ethnicis contubernio Christianus in eo virtutum viror siluescebat; sed integræ tamen fidei radices pietati pristinae suum reddiderunt ornamentum. Cum enim domesticæ occupationes colligendo animo tempus subtraherent, per sollennis ieiunij dies curandi corporis prætextu ex heri facultate animum curaturus in ædes Neophyti cuiusdam ædi sacræ nostrisque vicinas studio concessit. Vbi continua cum nostris tractatione antiquum animi ardorem recipiens præteritæ vitæ maculas à memoria repetens salutaris confessione eluit accuratè. diceres illum futurorum præscium imminens certamen præsentire.

His animorum subsidijs per otium recreatus ad herum redit, certus posthac ipsum Christum non solo corde, sed ore si res ferret pro-

profireri. nec defuit per eos dies occasio, eo permittente, qui Leonem sibi segregatum ad prælia futura disponebat. Indictum enim ab hero nescio cuius simulacri venerationi ieiunium cum neglexisset, in Christianæ religionis suspensionem facile venit, nec latuit domesticos quo se subduxisset, quam frequens ædem sacram ac nostros adisset. Ea ad heri matrem delata, grauitè eam, quod idola *Initia praliorum.* coleret impensius, pupugerunt. Ergo Leonem vrget, vt totius familiæ sacra recipiat, nec vnus externos ritus domum inuehat. Leo qui iam se ad hunc insultum comparauerat ita respondit, se quod affecutus esset profana numina, nomina esse duntaxat, à quibus nihil boni sperare, mali nihil timere oporteret, ijs renunciasse, Christi que fidem è qua vna huius vel æternæ vitæ bona salusque penderent amplexatum; hæc porro duo sibi æquè certò ita constare vt ad ea tuenda vitam exponere nihil dubitaret. quo audito ethnica mulier respondit, eam sibi religionem bene firmam videri quæ suos ita confirmaret, cupere se de ea non nihil inaudire. Herus autem cum verbis acrius vrgeret nec quicquam efficeret, opera in auxilium vocauit, eum enim asperius alloquebatur, tractabat indignius: sed cum æquè opera vt verba irritò conatu cecidissent, cum famulo redijt in gratiam, eiusque opera vt prius omnia dissimulans utebatur. Contigit Leonem per eos ipsos dies ægritudine corripì, quam ægritudinem manifestam Deorum iram interpretati dimissa cum eo prælia instaurarunt. Vrgebant vt idolo cuidam, cuius iuxta urbem Miacensem cultus frequentatur, votiuæ pro salute dona conciperet. Ille verò tantum crimen detestatus, etiam cum infirmabatur potens erat.

Paulò post recuperata valetudine cum iam conquieturus videretur, Ecce tibi noui ab Surunga rumores prælium instaurarunt. Vrget herus vt Imperatoris nec tantum suæ voluntati acquiescat; respondet Leo se ipsi Imperatori idem quod hero, responsurum si per se ipse præsens vrgeret. Tenuit ista concertatio dies aliquot cum per se & per alios à se submissos herus vrgeret; è quibus vni respondit frustra secum teri tempus, se vnum à Christo nunquam defecturum tametsi quotquot erant Ozacæ Christiani à Christo defecissent. Hæc omnia ille Neophyto narrauit apud quem fuerat nuper

*Leonis mar-
tyrium.*

nuper in vicinia nostra diuersatus, monuitque videri sibi rem ad extrema deducendam. Vnde procuraret scire quid sibi in posterum ageretur. inde ad nostros diuertens totam noctem in spiritualibus colloquijs absumens sese ad agonem proximum comparabat, ea ediscens quæ ad eam horam opportuna viderentur. Tum primo diluculo amicis neophytis aliquot valefaciens in heri domum sui certaminis arenam se recepit, vbi iam ab Imperatoris metu ac inanum Deorum propensione facta ferocior heri parens filium ad Leonis mortem, si defectio impetrari non posset, incitabat. Postridie igitur quam aduenisset eum in aulam euocat, ibi qua potest vehementia præcipit, vt Christum eiuret, seque Dijs patrijs restituat. negat Leo se facturum, tametsi exilium aut præsentem mortem viderit. Et hoc igitur tibi planè ac deliberatè æternumque fixum & constitutum? fixum, inquit, & æternum constitutum. eoque dicto in genua proruit. Herus furorem ultra non tenens educto ferro propria manu præstolantem mactat. Est enim apud Iapones herile ius in famulos vitæ ac necis, nullo etiam iuris ordine obseruato.

Ita fortissimus martyr septimo Iunij anno salutis 1612. ætatis suæ quinto supra tricesimum purpuratam effuso sanguine animam ei stitit qui, suo nos exemplo ac morte ad eadem prælia prouocauit.

Libri Primi Finis.

DE

CHRISTIANIS APVD IAPONIOS TRIUMPHIS

Anno Domini cio idc xiii.

LIBER SECVNDVS.

RECRVDESCENTIS APVD
Arimenses mali caussa.

C A P V T I



On semel in hac temporum varietate apud Ari-
menes sese remisit aut intendit furor, mirum vt
alicui videri possit, vnde sub eodem principe in
eadem causa tot rerum vices variarint. Id, quia
non parum ad historiae seriem spectat, paulo alti-
us repetendum. Sasioie e fabro vilis terrae filius

*Persecutio-
num causa.*

ad maxima quæque assurrexerat sororis ope, quæ parem fortunam
ad intimam cum Imperatore familiaritatem, cui iam senescenti se-
dulo famulabatur, euexerat. Is annos iam plures Nangasaquien-
Emporio præerat, in cuius portum Lusitanorum ab Sinis, & Hispa-
norum e Philippinis commercia deferuntur, & ingenio plusquam
fabrili multa miscere solitus onerariæ Lusitanæ nuper perniciem
procurauit, Christianos etiam malis artibus potius quam aperta vi
acriter insequabatur, non odio solum falsitatis in veritatem quod
esse solet acerrimum, sed etiam quod ea re cupiditatem suam re-
gnandique libidinem tegetet atq; egregie promoueret. Nam cum
Nanga-

Nangasaquienſi emporio Arimenſis ager immineat, illi quoque occupando ſibi que adiungendo totus imminebat. Illius igitur artibus Ioannes Arimenſis Regulus (quem aſtutum quoque ſuásque fraudes ſentientem malè metuebat) in exilio vt vidimus periit, Michaelis filij opera, à pellice quoque ſua in fraudem inducti.

Eius prouinciam cum Michael iniſſet, effecit vt ab Imperatore adoleſcentis dirigendi ſpecie, ſed perdendi cupiditate moderator nominaretur, ſine cuius conſilio nihil moueret aut gereret. Et vt intricatiſſimo negotio miſerum adoleſcentem impediret; effecit vt Imperatoris exemplo Chriſti fidem è ſuis terris (quod erat in ea multitudine confirmatáque religione perdifficile) exterminare conaretur: in quo alterum è duobus vitare non poterat, aut nimia crudelitatis, aut remiſſionis notam, quorum alterutrum ſatis erat ad eum loco mouendum, patrioque regno exuendum, velut per ætatem ineptiorem ad ſuam dynaſtiam excluſis ritibus barbaris, patrijs dijs reſtituendâ; quo factò Arimenſis agri gubernatio facilè viciniore & cum Chriſtianis Nangasaqui agendi perito videbatur demandanda. Quod adhibita in auxilium Fime reguli pellice donec perfecit, nunquam conquieuit. Ea enim pellex à Chriſtianis ritibus vt maximè abhorrebat, ita facilè in hanc terrarum mutationem conſpirabat, cum noneo quo maritus hæreditatis patriæ educationisque vinculo teneretur. Ita miſer in fraudem actus, dum exturbari timeret, ipſa prouinciæ conſeruandæ ſollicitudine præpoſtera exturbatur.

Hinc fiebat, vt quoties ille vel religionis memoria, quam inuitus depoſuerat, vel clientum amore, quos nolens vexabat, vel quietis cupiditate non nihil de furore in Chriſtianos concepto remittebat; nouis moderatoris ſui artibus, vel per ſeipſum, vel per ipſam pellicem incitatus, ne mollius ſe geſſiſſe deferretur, nouos ſignes concipiebat; non aliter ac ſi viridi ligno focum inſtruas, qui non ardet diutius quam ardere cogitur ſolibus incitatus. Quam durum eſt prauis animi motibus obſecundare! quam ſtultum eſt humanis rationibus quæ diuinis aduerſantur ſua conſilia deſignare! quam difficile eſt in lubrico vitiorum præcipitio lapſum retinere!

Cum

Cum igitur post commemorata prima illa praeliorum in fidei causa praeludia Neophytorum constantia furorem fregisse videtur, opus fuit nouis artibus ad eum innouandum. Non defuit ver- *Safoie incen-*
 sipelli occasio. Solent Iaponiæ reguli, quoties annua spacia rede- *tor malorū.*
 unt (quorum initia pro Sinarum more à Luna quæ vernum præcedit æquinoctium solent numerare) in urbem regiam non vacuis Imperatorem manibus salutaturi se conferre. Cum Regulo itaque colloquens Safoie (quod in ea vicinia sæpe vel animi causa faciebat) ingessit, imminere tempus Imperatoris reuifendi, vereri se ne quærenti de Christianorum exterminio non satis aptè respondere possit: constabit enim quàm obstinatè restiterint, quàm acriter institeris non constabit: malè metuo ne mollior habearis, aut non satis cordatè Dijs patrijs restitutus videaris. Non abs re fore iudico si hoc ipsum tempus insigni aliquo facinore celebre feceris, non solum terrendis rebellibus atrox aliquod supplicium exercens, sed Imperatori conciliando æmuloꝝque tuorum obtreccationibus ocludendis accommodum. Non est ausus adolescens improbis-
 simi hominis consilijs, quibus se ipsum perditum iuit, repugnare. Ergo fama volat viuos aliquos igni tradendos easque victimas retinendæ suæ dignitati consecrandas. ita regnandi libido, vel non regnandi metus innoxio sanguine tueri se posse arbitratur.

Erupit facile huius consilij rumor, cuius finis eò solum tendebat, vt territi Neophyti magno numero deficerent, eaque defectio Imperatoris gratiam venaretur. Arimenses tametsi à breui quiete nihil minus quàm huius supplicij atrocitatem expectabant, non solum non inopinata denunciatione obriguerunt; sed velut reffectis non nihil viribus vegetiores in aciem redierunt, tantoque numero Arimam concurrerunt, vt ad ludicrum aliquod lætitiæ publicæ spectaculum euocati viderentur. Non referam mutuas inter se gratu- *Martyrij de-*
 lationes, renouata Sodalitiorum Sacramenta, spes martyrij collo- *siderium.*
 quiorum igne succensas. Hoc sit satis eos conuentus tales fuisse, vt permotus aut territus dynasta ipse moderatorem suum per literas monuerit, nihil abesse Arimam à tumultu in tanta concurrentium multitudine comparato, quem sola fama exciuit; vereri se ne omnia pessum eant, si supplicio ipso multitudo iam permota grauius
 Q irritetur.

irritetur. Ad has literas quibus ipsemet Sasioie terrebatur ne tumultus auctor apud Imperatorem malè audiret, quem demerendum sibi susceperat, respondit videri sibi nunc quidem conueniendum, temporique seruiendum: ita paulatim qui conue-
nerant spe martyrij desperata dilapsi neophyti se ad sua receperunt.

CHRISTIANA APVD ARIMENSES PRÆ-
lia seriore crudeſcunt.

Thomas & Matthias occumbunt.

CAPVT II

Non diuturna fuit Arimenſibus quies ab eo ipſo qui prælia ſuſpenderat hac occaſione interturbata. Nam cùm iturus in Urbem regiam Sasioie prius Arimam veniſſet ab ipſo dynaſta miſſa celoce propria inuitatus, inter nauigandum quæſijt cauſas quibus intermiſſa prælia reuocaret. Remiges quadraginta celocem agebant Chriſtiani omnes, qui etiam religionis ſuæ arma præcatorios globulos & ſacram agni cerei effigiem è collo geſtabant, nihil dubij quid agerent in eius conſpectu, quem non neſciebant Arimenſis in ſe tragædiæ inuentorem. Eam rem ſui contemptum interpretatus, cùm ferret impotentiùs, in hæc verba prorupit, vul-
tu ad ſeueritatem ac minas comparato: Itane verò hæc barbaræ religionis arma in mei ludibrium & contumeliam oſtentatis? abijcite extemplò in mare vniuerſa, iſtâsque ſordes illius aquis eluite; ita iubeo, ita dynaſta herus veſter, ita Imperator. Ad hæc vnus ceterorum nomine ita reſpondit ſanè ſapientiùs ac fortiùs, quam à remigibus poſſet expectari, Quæ geſtamus, in Dei honorem, non in cuiusquam ludibrium aut contumeliam oſtentamus: & quoniam quotquot hîc remigamus Chriſtiano nomine gloriamur, hæc noſtræ religionis inſignia vnà cum ipſa religione retinemus: Qui detrudere parauerit, ceruices prius nobis putet detrahendas, quod non refugimus, ſed optamus. Hîc ſeſe tenuit Sasioie, nec temere putauit intra celocis anguſtias quadraginta remiges irritandos: maluſſet tacuiſſe ſi verba reuocari poſſent; ſed quia

*Remigum
pietas.*

non

non potuit, furorem secum vehens in Arimensem portum exportauit.

Hinc orta est incitandi denuo dynastæ occasio. Cum enim querelas suas apud Fime pellicem de remigibus deposuisset, communi consilio & conatu dynastam aggressi, facile induxerunt ut ad intermissa de plectendis neophytis consilia se referret: quia tamen discessus instabat, nec atrociore supplicio in absentia sæuire tutum iudicaret; ne nihil egisse videretur, interim dum rediens grauiora meditatur, tria quæ mox à discessu suo exequenda voluit suis demandauit. Ac primo parentis sui patrum Ioannem senem venerandum & Ecclesiæ illius columnam loco suo mouit. Iussit enim eum Arimensi oppido secedere, ac ruri viuere censu, quem habebat annuum, dimidiatam partem detracto; noluit enim ut in eo haberent Arimenses neophyti quem inspicerent, noluit ipse habere quem vereretur, aut æmulis dare quod obtrecent. nec ausus est tamen planè impius videri in patrum, vel ingratus obsequiorum æstimator quæ suos maiores ab eo accepisse constabat. Non absimili deinde fortuna uti voluit Georgium illum Yafengi, cuius meritis & gratia vnica nostrorum sedes ex Arimensi ditione tota communem cæterarum fortunam euaserat; nec enim ea euerfa contentus, ipsum quoque Georgium Arimensium finium proscriptione damnauit: Obsequijs tamen tanti viri dedit, ut quicquid in bonis mobile possidebat secum efferret; quem scribunt mœrorem præ se tulisse, quod mitiore sententia damnatus infra sua vota in Christi causa pateretur.

*Christiani
duo nobilissi-
mi Arima,
ejciuntur.*

Tertium atrocius fuit seueritatis exemplum quod Imperatoris gratiæ & vanæ formidini dedit admodum inuitus. Thomam enim ex prima nobilitate magni nominis ducem ac filiolos duos, fratremq; Matthiam & vtriusque parentem Martham capitis damnauit. Sed hæc omnia demum cum in regiam tenderet exequenda mandauit. Nam cum triduo quatrduoq; terra iter faciens Nangasaquiensi Præfecto Sasioie nauiganti in portu cui nomen Ximono Xequi occurrisset, ibique à suis literas accepisset neophytorum ardorem quotidie magis accendi; placuit auctore

Sæpio quæ prius utrique rata fuerant extemplo exequi. quasi vero Christianus ardor sanguine sopiri posset, cui caritatis æstus olei non aquæ naturam impertiuit. Horum gloriosam mortem in qua sunt quæ spectentur, nunc aggredior spectandam exhibere.

Hic ille est Thomas à Cami oriundus, quem anno superiore post heroicam Christi professionem à dynasta legimus publica fidei suæ libertate donatum, quam gratiam dabat ille multis in rempub. meritis sub parente suo Ioanne sæpe bello paceque emerito, quæ omnia ingrata crudelitas ex animo desertoris expunxit, & quidem non deerant qui Regulum non rectis oculis Thomam eiusque familiam aspicere putarent, eo quod in parentem suum Ioannem demortuum nimis carus & officiosus fuisset. Sed ipsemet in primo conflictu fidei cum Thoma habito anno præcedenti hanc eius mortis causæ dubitationem soluit dicens, Non defuere adhuc viuentem patre meo aliquot contra te querelarum causæ, sed omnia lætus ignosco dummodo in hac vna Religionis saltem ad horam morem geras. quod mihi gratissimum crede maioribusque te beneficijs onerabo. Restitit ei vehementer ut vidimus ad huiusmodi prælia iam sæpius exercitatus veteranus pugil bis in fidei causa proscriptus & quam desperauerat inter prælia lauream, ibi reperit, quo eum prioribus prælijs strenue perfunctum Christiana pax Arimensis agri euocarat.

Thomas constantia.

Huic ultimo certamini causam dedit Thomas congressu cum dynasta nuperrimo. Cum enim suis rebus minus tutum arbitraretur vnum è primarijs ducibus publicè Christi sacra colere, ne vel Imperatoris iras, vel aliorum quorum paria videri merita poterant, inuidiam hac immunitate incitaret; Thomam per se ipse rogat, ut tempori cedat, & heri sui exemplo auctoritatique lubens obsequatur. Ad hæc Thomas ita respondit, Quàm graue sit militi à vexillo ducis sui deficere, ex me ipso didici cum transfugas ducis officio perfunctus semper exhorui. Ego sub crucis vexillo ducem Christum sequor, in eius militiam ritu sacro sacramento adscriptus: ab eo transfugere grauius puto, quam vitam ipsam quæque infra vitam solent æstimari, prodigere. Hoc animo meo iam diu sedet ac sedebit: velimque ut tandem hoc ita de me sciatur, ut nulla spes muta-

mutationis ultra me sollicitet ac laceffat. Hoc à me postremum habe, nec aliud ultra spera. quæ cum dixisset salutato dynasta cessit.

Satis hoc vnum Iaponensibus regulis ad certissimam mortem euocandam. Sed tamen ea erat viri virtus non Christiana minus quàm militaris, vt ad eum grauius plectendum reguli animus non nisi pellicis, incentorisque sui machinis potuerit permoueri. Thomas interim satis conscius vel Iaponensis impotentia, vel artium Sasioie ac meretricij furoris, ad omnia se ipsum comparabat, & cautè obseruabat, non vt subterfugeret sua gaudia, sed ne illis inopinatè caperetur. Ergo continuis orationibus, ieiunijs ac voluntarijs corporis afflictationibus ad maiora præludebat, seipsum sapius expiatus cœlesti pane confirmabat, quoties ad eum è nostris sacerdos vnus Arimam clam rem Christianam procuraturus ventitabat. Non facile dixeris, quæ per eos dies illius colloquia fuerint, non satis se capiebat, quod desperatam toties martyrij palmam, è qua sapius excidisset, iam proximam teneret potius quam ominaretur.

Abierat iam regulus, nec obscuris auctoribus consilia erumpabant. Pridie illius diei quam tot votis euocabat, sub noctem amicus ad eum adit, monet quid in se, quid in suos machinari dynastæ affeclas spargatur, seipsum nocturnis tenebris in tutum recipiat, si noluerit suis saltem consulat, pietati tribuetur periculo proles eripuisse, seipsum exposuisse animi magnitudini. Thomas domi suæ filios duos, filiulam vnā, vxorem, fratrem Matthiam & vtriusque parentem Martham numerabat. Erras inquis Thomas, toto cœlo à quo nos abducis erras, nusquam me ac meos tutiores quam sub ictu sicæ Iaponensis molliter accliuēs puto: vtinam ego omnium truncas ceruices palpitare ad pedes meos viderem prius, quam meas inclinarem. abiit amicus secum gratias boni nunciij baiulus, & stuporem tantæ virtutis admirator efferens. Thomas verò totam eam noctem se, suos, suaque disponens ad crastina prælia pernoctabat; nec eum sua spes, nec spem fefellit euentus.

Nondum Imperator quemquam sola religionis causa, morte, sed exilio aut bonorum proscriptione mulctarat; vnde ipsi quoque dynastæ minis aliisque pœnis suos territabant, & si quos occi-

di iubebant, id occultè aut dolo fieri curabant, ne aut de nimio rigore corripì, aut tumultus in populo excitari contingeret. quod & Thomæ accidit, ut videbimus.

Postridie enim sub horam nonam ante meridiem ab vno è moderatoribus Arimensis oppidi euocatur, causante nescio quid ædificij, ad cuius designationem opus illius præsentia esse simulabat. Sensit Thomas se ad urbem illam quæ *construitur in cælis visus ex lapidibus* euocari. Lætatus igitur in his quæ illi dicta erant, ipse sibi dicere videbatur, *In domum domini ibimus*, iam diu enim *stantes erant pedes nostri in atrijs tuis Hierusalem*, hæc enim est illa *Hierusalem, quæ edificatur ut ciuitas Dei*. inde suorum gaudiorum parte domesticos impertitus, omnibus illi, illo omnibus fausta comprecantibus, post mutuos amplexus extremumque vale dimittitur.

Thoma mors.

Gubernator Thomam mentita vultus hilaritate (quam Iapones egregie fingunt) excipit perurbanè, & postquam de fictis ædificijs perfunctoriè tractasset, domestico prandio (cuius tempus est apud Iapones illud ipsum) excipiendum detinet. Et interim dum famuli triclinium parant, iussit afferri sibi sicam suam, quam glorioso militi Thomæ omnia subodorato laudandam, aut verius probandam ostentaret. Accepit eam Thomas, & militari manu sæpius quatiens admirabatur, & ex animo gloriæ suæ instrumentum colaudabat. Quid tibi videtur, inquit, Thoma, subridens gubernator, probè fungetur officio suo sica mea, nec ictum fallens molliter amputabit? Planè, inquit Thomas, hospitem potissimum illius ictum cupidè præstolantem, quæ cum diceret sica sicario restituebat: qui nihil moratus, primo ictu altè in eius corpus adacto victorem interimit, ipse verò ferale suum conuiuium innoxio sanguine polluens carnificis munus functus, Martyri meliores epulas, sibi famam æternam præparauit. Sed ad Matthiam veniamus.

*Matthias
mors.*

Vix bene domo abierat Thomas, cum ab alio governatore Matthias accersitur: qui iam nihil dubius quò vocaretur super vtrumque sortem cecidisse gaudebat. geminata oscula & amplexus, faustæ quoque vtrinque comprecationes, pugnante natura cum gratia, sua tristitia latantem suoque metu confirmatum dimiserunt.

runt. Excipitur à moderatore pari vultu Matthias, & sciscitans quid esset in quo illi obsecutus aduenisset; non mihi, audit, sed hero nostro dynastæ obsecutus in hoc aduenisti, eductæque sic dum manus in cælum erigeret obtruncatur. Ita fratres duo *quomodo in vita sua dilexerunt se ita in morte non sunt separati.* Eodem tempore, pari mortis genere, in vna causa vitam posuerunt, sibi que mutuo ad æternitatis valuas occurrentes sua gaudia, quæ sine carent, inchoarunt.

*MARTHA MARTYRVM PARENS CVM
duob. nepotulis in ead. causa obtruncatur.*

CAPVT III.

Properabam vt Marthæ totique familiæ laureatus boni nuncijs baiulus accurrerem; sed ecce à gubernatoribus missi satellites præuenerunt: Hi Martham ita compellarunt: Duo filij tui pertinaciæ suæ pœnas dynastæ iussu morte sua exsoluerunt; Tibi cum nepotulis duobus Iacobo Iustoque eadem ex causa extemplo moriendum; Iustam coniugem ac filiulam dynastæ clementia finit intactas. In re subita licet non improvisa subiti motus variè varios inuaserunt; sed omnes lætitiæ vis & copia superauit. Martha sibi gratulabatur Martyres peperisse, filij se martyre parente iactabant, & breui eorum consortium sibi auia nepotulique promittebant. Vna Iusta, quod negligi se sentiret, mœrori reiecta lætitiæ fræna laxabat. Nescio quid prius spectem: num Martham nepotulis aniliter gratulantem, aut potius blandientem, in eo ipso in quo cæteri læuebant, an puerulos simplices colludentes, an Iustam eiulantem non tam mariti morte quam separatione? Sed quoniam hæc omnia mentis oculis spectata vehementius infiliunt, & muta scriptione segnius irritant animos, cogitationi laxemus habenas potius quàm scriptioni, & ab ea rei totius æstimationem verius exigamus.

Cum itaque diu tota familia cum suis affectibus esset colluctata, sedato iam tantisper nouitatis tumultu, ad huius tragicocomædiæ catastrophæ concludendam, applausumq; à spectatoribus

Deo

Deo Angelis & hominibus extorquendum sese strenuè compararunt. Martha nepotulos instruxit, seipsam comparauit, nurumque solata est. In his tribus nonnihil immorati supplicium sistamus; mos enim est in extremis omnibus etiam quæque minutissima adnotare.

Martha nepotulos ad martyrium disponit.

Accersitis igitur nepotulis exponit parentis ac patrui mortem mortisque causam, quibus in sacrificij complementum ipsa filiorum, ipsi Parentis comites futuri plecti iubentur. Exultate filioli, Deoque ipsi, vobis, ac mihi sortem vestram gratulamini. filiorum gloria in æmulanda parentum similitudine terminatur. Præcessit ille, nos sequimur, quid est quod nos in hac mortalitate detineat? Ad hæc filioli omnis more impatientes hoc vnum scire vrgebant, quando id futurum, & quàm certò nunciaret: Ea ubi audierunt auiæ pueriliter blandientes, matri suauiter gratulantes, domesticis cæteris arridentes, nihil omittebant eorum quibus exuberare solent animorum sensus. nutricibus suis munuscula diuidebant, suasque reculas inter æquales partiebantur. Tum Martha positis vel ætatis vel viduitatis vestibis iucunditatis suæ candido induitur apparatu, eoque ipso innocentiae teste puerilis puritas insignitur: sibi-que ipsi gratulata, post gratias Deo impensè pro beneficijs redditas, Iustam nurum suam, cuius orbitas communia gaudia respuebat, solari aggreditur: docet, omnia è Numinis nutu pendere; cuius sapientiae cedere, amoris fidere, voluntati parere mortales oporteret, solari se posse, suum sibi manere meritum cum in tot pignorum gloriosa morte toties moritur, quot ictibus illi feriuntur. Iusta silentio suo, lacrymisque ac singultibus vehementius quàm verbis respondebat. Sed cum denique filiolos vltimo stringeret amplexu, in hæc verba scribitur erupisse: ite filij, fortes occumbite, nullus metus irreat, carnifici ceruices præbete, aptate vestem, ictum pro-uocate, neque vos à parentis fortitudine tenerior ætas excusat. Illi verò sicca parenti figentes oscula nisi quantum maternis lachrymis irrigabantur, his vltimis verbis pænè suam parentem affectuum variorum tumultu oppresserunt: Imus ad parentem nostrum, & si præcedimus, sequere, ibi te præstolamur.

Nurum solatur.

Hæc cum agerentur, nullumque finem Iusta faceret in suis pignoribus quamdiu liceret retinendis, vrgent satellites, volentemq;

Mar-

Martham ac puerulos gestientes, in sellam gestatoriam iniiciunt, & duplicato incessu ad supplicij locum breui deferuntur. Accurrerat ad hoc spectaculum Arima, totaque se neophytorum effuderat ecclesia, vel ardorem nouum conceptura vel piarum precum subsidio simul cum suis membris pugnatura. Exiliunt pueri saltu leuiore, tum Martha succedit: Ecce tibi duplex Isaac non de victima, sed de litante sollicitus, circumspiciunt intrepidi carnificem suum agnoscere cupientes, cum ecce in circumfusa multitudine se suo splendore sica prodidit, ad eam accurrunt, & eo ipso alter alterum attentius intuiti corde magis quam ore loquebantur. Tum ingenua ruentes spectatores suos horrore complebant alienoque periculo tremebant, cum nec ipsi timerent suo. Iacobus, ut erat edoctus à parente & ania Iusto fratre biennio iunior annos natus non amplius nolem, fratrem praeuenit, aptataque veste ceruicem exporrigens sanctissima Iesu ac Mariae nomina cum tertio repeteret, nondum ea bene inuocatione prolata, obtruncatur. Truncum caput, horribile spectaculum fratri accidit ad genua, in quo Iustus æquè sibi constitit ac si nihil præsentis morte moueretur: quam animi magnitudinem qui putet naturæ viribus in hac ætate maximè attribui, ego illum infra naturam sapere arbitrabor. Iustus igitur eodem vultu, eodem ritu se comparans agnus alter immolatur, dum fratris exemplo inter primam sanctissimorum nominum inuocationem vox interclusa deficiebat.

Speatabat hæc hilari vultu siccisque oculis, & plusquam anili animo Martha, quæ iam nepotulorum cura libera, sibi vni attendebat. Primum sacras reliquiarum thecas collo duas exemit, alteram filiae suæ Nangasaquium, alteram Francisco Arimensis dynastæ Ioannis filio, & huius fratri, de quo mox multa, transmisit, eò quod nutricia infantulo curam exhibuerat, velut eum ad proximum quod illi quoque funus imminebat inuitans, tum alia quædam inter neophytos diuidens, vnius horæ spacium ad eam orationem, quæ sola mente decurritur, impetrauit. Quos illi motus eo temporis momento ingesserit, nouit ille qui dedit. Ea expleta cælum intuens Deum ad quem properabat inclinata veneratur. ei genibus nixæ, vesteque composita ceruicem fortiter præbenti vni-

R

coficæ

*Puerorum
Arimensis
mors.*

*Martha glo-
riosa mors.*

co sicā ictu caput excutitur, quod dum rueret bis resiliens exultauit.

*Illorū quinq;
atq;* Sic eadem die mater cum filijs ac nepotulis gloriosè de tyranno triumphantes, quot annorum morte æternitatem compararint, adscribam. Martha annos agebat, vnum supra sexaginta, Thomas vnum supra 40. Matthias octo supra viginti, Iustus vndecim, Iacobus nouem numerabat; qui omnes, licet inæquali curriculo, eandem tamen metam attigerunt.

ARIMENSIS DYNASTA FRANCISCVM

& Matthæum fratres suos ex improviso mactari iubet.

CAPVT IV.

*Duo Sasioie
consilia.* CVM in urbem regiam Arimensis dynasta vna cum pellice & umbra sua maloque genio Sasioie deuenisset, expletis visitationis officijs proxima fuerunt ea quæ ad exterminandam suā prouincia Christi fidem obsequens Imperatori perfecerat, aut perfecisse se iactabat; quæ cum æque mentientis Sasioie calculo, ad quem nihilo minus spectabat ea res, constitissent, Ea sibi omnia vehementer arridere demonstrauit Imperator. Qua demonstratione latus iuuenis, cum se ad sua recepit, hortatorem habuit ad audenda grauiora euni, à quo paulatim in extremam perniciem rerum suarum imprudens trahebatur. Si hæc, inquit Sasioie, quæ iam inchoasti, tantum heri nostri animum rapuerunt; quid erit si bene cœpta ad exitum persequaris? quid non potes sperare, posteaquam nihil ultra timueris? Et quidem duo mihi nunc occurrunt, quibus res tuas stabilire possis atque promouere, mitius alterum, alterum asperius, omnibus quippe remedijs contra grauiora mala pugnatur. Non nescis clientum tuorum animos longa sacerdotum externorum cultura tantum in patrijs ritibus filuescere, quantum in barbaris luxuriabant. Nihil aptius puto, quàm si eictis nuper impostoribus sacrificulum aliquem nostratem elegeris, cuius eloquentia, vitæ sanctimonia, nominisque celebritas externorum sacerdotum memoriam obliteret, ac desiderium restringat. Simul illi nominat insignem sacrificulum Banzui dictum.

*Primum, Et
sacrificulum
insignem no-
stris sufficiat.*

etum, cuius nominis splendor ceterorum in vrbe regia splendorem ferebat illæsus. Placuit adolescenti consilium rato se hac ratione sine crudelitatis nota, sine clientum suorum iactura, sine motuum periculo, quæ ad ditionis suæ conseruationem exigebantur posse impetrare. Hic sacrificulus quid effecerit apud Arimenses proxima narratione subiiciemus, vbi quid absente dynasta perfectum fuerit seruato temporum ordine exhauserimus.

Alterum igitur seipsum conseruandi atque promouendi consilium malus consultor ita suggessit: Non attendis deinde vt in perniciem tuam fratres tui duo sensim adulescant. eorum ad barbara sacra propensionem adultis vix euellēs, quos teneros abducere nondum toto conatu potuisti, maximè quod altera hæredum iura, inter publicos tumultus assurgunt; procliue est Arimenses tot à te hæctenus malis irritatos tot in posterum irritandos in tuam perniciem conspirare, quamdiu coniurationi suæ caput è tuo sanguine repperint, in quo etiam religionis suæ propensionem non ignorant. Sed fratres sunt? vix dimidij, cum alius eos vterus effuderit, plus à matre quàm à patre fratres accipiunt si germani non fuerint. huius rei atrocitatem lenit necessitas sibi prima, patria consuetudo qua filij parentis quem sublatum oportuit fortuna inuoluuntur, ne vlturi parentem, iustum habeant ad iniusta prætextum, lenit regnandi libido magnis innata, cui omnia iura etiam naturæ per omnia retro secula & nationes tot Monarcharum exemplo cesserunt.

Hæc aliæque mali genij consilia, quæ filium in parentem nuper armauerant, non ægre adduxerunt, vt nihilo mitior in fratres insurgeret. Ergo ex ipsa vrbe regia mittit ad suos quàm occultissimè, vt vtrumque nullo tumultu quàm secretissimè, priusquam rediret, iugularent. Quid intactum finit in malum semel inclinata defectio! quid enim ab eo sperari potest, qui fidem fregerit immortalibus, in mortales fidei aut humanitatis? Sed antequam crudele parricidium spectaturi Arimam redeamus, ex itinere qui fuerint hi duo parricidæ ac desertoris fratres subiiciam.

Ioannes Arimensis olim dynasta, qui alio nomine prius Protasius dicebatur, ex priore coniuge Lucia filias tres & Michaelē

Alterum & fratres suos è medio tollat.

Ioannis Arimensis dynasta proles recensita.

hunc ipsum desertorem suscepit. Ex alio deinde coniugio cum Iusta legitime contracto proles quatuor habuit, masculos duos Franciscum ac Matthæum appellatos, & foeminas duas. Priores tres nuptui elocatae sunt viuo etiamnum parente. Michael sublato parenti successit: Franciscus ac Matthæus hi sunt de quorum capite nunc agitur: Sorores horum duæ adhuc infantulae postea Miacum ad parentem Iustam remissae sunt educandæ. Miacum enim Iusta, tandem extincto marito, exilio soluta serecepit, cuius in aduersa fortuna iam probatam in coniugis morte virtutem in hoc quoque filiorum casu Christianè mirabimur.

*Martyrij de-
siderium.*

Franciscus igitur & Matthæus extincto parente apud fratrem Michaellem Arimæ educabantur. Octauum annum agebat Franciscus Ioannis è Iusta primogenitus, vterque in hac temporum varietate sed maximè Franciscus, educationem suæ parentis ac nutricis Martha non pueriliter retinebat. Id maximè præ se tulit Franciscus, quando cum Fime fratris sui pellice, quo tempore primum Arimam venit, supra ætatem decertauit. Cum enim illa puerulis blandiens, fortè in re non ludicra luderet, & ab eo exigeret, vt Christo renunciaret, Non faciam, inquit puer, iam serius è ludibundo. Nisi feceris, ait Fime, Imperatoris iussu mactaberis. Utinam, ait Francisculus; nihil est quod minus metuam, aut æquè cupiam, quo responso eam ab his sermonibus in posterum deterruit, ac ceteros obstupescit. nec inferior fuit alius cum fratre quoque ludibundo congressus. Cum enim iussisset eum à fide deficere, nihil impetrauit. Sed neque sacram cerei agni thecam vt deponeret extorsit, ex quo enim in Neophytos seruari ceptum est, nunquam sine illa coram fratre comparuit: sed maximè cum postridie illius congressus fratrem adiret, obtineri ab eo non potuit, vt eo careret, ne fortè vllam desertæ religionis suspensionem incurreret, aliàs etiam cum in multorum congressu ex Arimensibus illis triumuiris vnus pueri patruus, Camon dicebatur, multa ineptè effutiret; puer ita loquentem interpellauit: Patruè, qualis est dæmon? illius faciem spectare cuperem. Interrogationem puerilem astantium risus excepit. Camon enim vitæ licentioris infamia Dæmon inter Arimenses appellabatur, è quo puerilis iocus salem deprompserat. Et quidem in æ-

tatis

tatis illius tenebris tot maturioris iudicii scintillæ interlucebant, ut vel iam à fratre timeri inciperet, cum nondum ipse timere didicisset.

Arimenses igitur ministri cum ab hero suo atrocia mandata suscepissent; nulla interposita mora (solent enim in pœnis quàm in beneficijs exequendis ministri plerunque esse promptiores) spargunt se. Mi cum illos ad iustam parentem amandare, sed clam eos intra cubiculum recludunt, vnico famulo, Ignatius vocabatur, ad obsequia necessario illis relicto, quos non pauci ne fortè elaberentur, dispositis excubijs asseruabant. Quadraginta dies totos in eum modum asseruantur, ut hac mora contingeret illos vnà cum sui memoria sepeliri. Admirabilis per eos dies à pueris viuendi ratio tenebatur (tanti refert ad omnes fortunæ casus à teneris vnguiculis didicisse quod exerceas!) siue enim Christianæ religionis odio, siue vano suspicionum metu, siue vtroque captiui detinerentur, id assequi videbantur quod imminabat, ea sibi breui quæ supererat vitæ spacio comparanda, quæ vel mortem minus formidabilem reddunt præuisam, vel minus periculosam reddunt improuisam. Oratio coram sacris imaginibus quotidiana, ieiunia, (quis in hac ætate credat?) prope quotidiana; nec erat in Ignatij potestate volentes inhibere, qui cum non ignoraret ea, quæ intra paucos dies circa puerorum necem designabantur, ita sibi commissos moderabatur, ne mors præuisa terreret aut improuisa falleret. Eo igitur acrius pijs exercitationibus certabatur, quò propius immatura mors accurrebat.

Et quidem ea ipsa nocte, quæ inopinantes erat oppressura, cū fortè neuter esset ieiunaturus, & iam hora ad cœnam inuitaret; ait Franciscus Ignatio: hodierna quidem dies nulli ex consuetis, ieiunijs illigatur, neque fames cœnam respuit; in cœnato tamen mihi dormiendum, hodiernum crimen aliquod expiatur: illud erat, quod inter colludendum è custodibus nescio quem sibi offendisse videretur. Et vix adduci potuit, ut fratri cœnato comes affideret, tantillum salua ieiunantium religione sumpturus; quæ res in eâ ætate, tempore, & causa religiosissimam ostendebat in puero mentem. Nec in hoc stetit prælagientis extrema omnia quodammodo.

*Fratres clam
in cubiculo
ingulandi re-
cluduntur.*

Francisci sagacitas. Postquam enim Matthæus obdormisset, ipse magnam cum Ignatio noctis partem terens ea prope fecit omnia quæ ad moriendum præmonitus facere potuisset: petijt recitari sibi ab Ignatio nescio quam precandi formulam, quam ut præsentem facilius memoriæ commendaret in papyraceo stabello, gentis more descripsit; tum quinquies eam positis genibus decurrens, toties cum Angelo Virginem salutabat, quoties eam precandi formulam repetebat. Inter quæ cum longiorem traheret moram, admonetur ab Ignatio nocturnas iam dudum horas somnum suadere. Cui Franciscus alia omnia in hanc sententiam magno animi sensu respondit: Occurrunt mihi nunc Ignati Christi Seruatoris nostri tormenta, quorum atrocitas lachrymas elicit: quantum mortalibus Deus dedit, cum in eorum salutem mori non detrectauit: eorum me miseret, qui eam rem ignorant. Collachrymari cœpit Ignatius, tum pietatis sensu permotus, tum quod carnificinæ crudelis hora inopinantibus agniculis immineret.

Inde cum iam dormitum esset concessurus, sacris Indulgentijs Virginis Conceptæ iconculæ attributis ineuntis aut potius exeuntis ætatulæ crimina expiabat; quæ cum Ignatius aduerteret auctor puero fuit, ut ex hac ipsa nocte sumens initium consuetudinem sibi faceret, velut qualibet nocte moriturus exitum suum Deiparæ peculiari colloquio compellatæ commendandi, quod ille fecit illico verbis in hanc sententiam religiosè conceptis: Domina mea, Sancta Maria, rogô te supplex per vnigeniti filij tui pro nobis passi tormenta, ut si me hac nocte mori contigerit mei memineris, ego enim in manus tuas, Domina & Mater, animum meum corpusque commendo.

Tricies deinde sanctissima Iesu ac Mariæ nomina religiosè pronunciauit, nec auelli se sinens tertio denique repetiuit; ac tandem vrgenti famulo cedens oculos morti clausurus aqua lustrali ab Ignatio conspersus in cubile concessit. Non tenebat inter hæc lachrymas fidelis seruus, sed & prudens pietatis potius quàm commiserationis prætextu celabat: abscedens porro ad orationem non ad quietem secessit, donec sicarij suo, quod ille impedire non poterat, parricidio se fœdassent.

Nocte

Nocte itaque media cum adhuc Ignatius in oratione pernoctans rei exitum præstolaretur; iussu Arimensium moderatorum ficiarius thalamum ingreditur, & suspenso pede dormientes aggressus, Matthæo primum cor ictu prætentato transfigit, & mox Franciscum, fauces ipsas ferro petens, iugulat. Vtroque nihil sentiente confecta res est, ita ut regressus Ignatius utrumque, quo in situ reliquerat, in suo sanguine volutatos inuenerit, pallido vultu non iam mortis imaginem, sed ipsam mortem protestante. Atque ita duplex victima cecidit, quam etsi non constat in religionis causa periisse, constat tamen ita prætextum utrumque conseruandi status ac religionis euertendæ id temporis fuisse permixtum, vix ut alter ab altero separari potuisse videretur. Ut ut sit, agni duo sua innocentia inuoluti iugulum præbuerunt, magnūque sui desiderium Christianis omnibus reliquerunt, cum iam intelligerent sibi nihil in Arimensium Dynastarum sanguine ad rei Christianæ restitutionem spei superesse; qua cum vna cum his victimis humanis rationibus æstimata sepeliretur, hoc vnum supererat, ut à diuina manu nihil desperarent, postquam inter mortales nihil erat quod sperarent.

*Parricidium
ferale.*

Crudelis porro parricidij tristem nuncium mœstus dedit Iustæ parenti, quam Miacum secessisse diximus, è Societate nostra Sacerdos P. Petrus Moreion, cui animam suam de more commiserat. Quid illam inter hæc egisse arbitramur? quid de illa fide sensisse, cuius prope vnus causa videbat se marito viduam, filijs orbam, terris suis eiectam, ad pœnam viuere, cui non liceret ad solatium mori? videbat ex aduerso parentem suam, fratres ac filium Ethnicos apud Dairi legitimum Iaponiæ Principem auctoritate & gratia in paucis valere, penes quem Idololatriæ ius summum; se verò ex quo peregrina sacra suscepisset partis omnibus excidisse. Nihil tamen simile viraginis Christianæ animum, diuina iam diu gratia confirmatum permouebant: sine vlla perturbati animi demonstratione quasi subridens, ita respondisse fertur: Duo me in huius casus acerbitate solantur, & ut auctori omnium Deo gratias agam beneficij ream permouent ac hortantur: Primum enim ex quo Michaellem priuignum meum, ab infantia

*Matri Iustæ
nunciatur.*

Chri-

Christianis elutum ritibus, & Christianè per omnia educatum, non turpiter solùm fidem eiurasse, sed eam quoque immaniter persequi, eoque regnandi libidine deuenire vt eiecto parenti, suisq; fratribus mortem bis parricida per summum nefas attulerit, grauiorâque in posterum videatur admissurus; magna me nunc sollicitudine liberam video, ne fortè filij mei fratris potius exemplum quàm filij educationem sequerentur, de quibus in hoc innocentiae statu sublatis id spondere mihi posse videor quod optare debuissim. Deinde verò cum ad exorandam Ioanni marito quondam meo salutem æternam Deo Opt. Max. meam filiorumque vitam libens deuouerim ad expianda quæ contraxerat crimina, & quibus in se diuinam iram prouocarat; Id, inquam, omne cùm seriò Deo deuouerim, quo tempore tristi spectaculo vnà cum illo magis morerer quod mori vetarer, videor iam mihi aliquod æternæ salutis illius pignus accipere, ab eo qui repetere videtur oblata, quod non faceret nisi hoc meum sacrificium in conspectu suo propitius admisisset. Ita se iusta solabatur, & naturâ superior, de omnibus victrix cum diuina gratia triumphabat: Michael autem iam de fratrum interitu certior factus, vna cum suo sacrificulo ad extinguendas Christianæ fidei scintillas properabat. Sed quam in omnibus speratis spe sua exciderit videamus.

ARIMENSIS DYNASTA ADHIBITO CELE-
bri sacrificulo frustra domesticos suos peruer-
tere conatur.

CAPUT V.

Rediturus ad suos Arimensis dynasta fumis aulicis iam diu cœcutiens, ne qua in re moderatoris sui consilia rejiceret, celebrem illum sacrificulum, Banzui appellabatur, de quo paulò superius, comitem adduxit ea spe vt concussos iam (quod arbitrabatur) de firmitate sua neophytos eloquentiæ vi excuteret, & patria sacra in patriam reuocaret. Is vbi aduenit, dici vix potest quo applausu fuerit exceptus à pellice maximè Fime, quod in eo rerum suarum statum stabiluisse Arimensem dynastam prædicaret. Neophyti

*Sacrificulus
à Fime Mi-
chaelis pellice
maximè
excipitur.*

phyti tamen vt ad eum excipiendum obuij procederent adduci nunquam potuerunt; & si qui ad eum visitandum acceſſerunt rogatu dynaſtæ ne illum in re non mala offenderent, id ita fecerunt, vt iniecto in collum precatorio ſerto fidem ſuam hac externa demonſtratione profiterentur, ne cui offenſionem neophyto darent. Et vt primis initijs ipſum ſacrificulum demereretur, voluit vt ad condictum diem in arcem veniret, precatorios globulos Ethnico ritu diſpoſitos, & inuocando Amidæ decurrendo deſtinatos inter aulicos & aulicas diſpertiturus, vt hoc aulicorum exemplo reliquum vulgus facilius ad audiendum ſacrificulum induceretur, nihil enim dubitabant, quin initio placiturus ad extremum perſuaderet.

Venit igitur ſacrificulus Banzui, compoſitoque ad pietatem ſupercilio pauca præſatus mentitæ religionis arma depromit. Aderat Fime profanæ roſariorum diſtributioni auctoritatem conciliatura, cuius imperio aulicæ virgines ac matronæ iubentur oblata de ſacrificuli manu munera acceptare. Quid hîc egiffe putamus ſincera fidei ſectatrices? Nihil heræ imperio territæ, minus ſacrificuli ſupercilium veritæ, intrepidè omnia reſpuerunt; per vim iniecta in manus ſuperſtitionis inſtrumenta, volente manu in terram labebantur, nec reperta eſt vel vna, quæ in fidei ſuæ contumeliam profanam perfidiæ ſupellectilem admiſerit. Sacrificulus interim, qui ſibi alia omnia promiſerat, cum pudore & ira colluctatus, colores alternis permutabat; nunc liebat iracundiâ, paulò poſt rubore ſuffuſus pudorem præferebat, & heram intuitus contracto vultu de ancillis querebatur. Iterato igitur imperio diſtributio vehementius vrgetur, eodem ſemper euentu, niſi quod ex ijs vna, cui nomen Maxima, vim vltra non ferens, nec ſacrificuli iam liberius inuehentiſ impotentiam, collectum globulorum ſertum ſolo erigens in ſacrificuli faciem audacter impexit, herile nihil in ea reuerita cuius auctoritate à diuinis imperijs auocaretur.

Fime in furorem verſa, furiam diceres, viſa ſibi eſt ſacrificuli, ſuam, deorûmque iniuriam vltura, ſi repudiantibus profanam ſuperſtitionis ſupellectilem, ſacram eriperet. iubet igitur vt omnes ſua ſibi precatoria ſerta detrahant, & in terram abijciant. Cum nemmo pareret, ex aſſectis vni imperat, vt ſingulis ea detrahat. is erat

S

fortè

Rofaria Amidæ profana inter aulicas diſtribuit.

Aulicæ omnia reſpuunt.

Maxima roſarium in ſacrificuli faciem impingit.

Iuſſe ſacra roſaria diſmittere non parent.

fortè Christianus, itaque respondit: non sum rosariorum venator, non licet mihi Christiano sacra profanè, nec aulico minùs vrbane aulicas contrectare. Non ferebat vltra suorum audaciam indignata pellex; dissimulato tamen tantisper furore sacrificulum globulis suis æquè onustum ita dimittit, vt iniuria castigata molliora omnia in posterum futura promitteret.

*Maxima
Sincta mem-
brorum & sus,
cibus potusq;
per septem die-
bus interdici-
tur.*

Dimisso sacrificulo furor in stomachum retrusus, diffusa bile totam viperam occupauit, quem in vnam Maximam colligens iniuriarum virus euomens, nihil indictum reliquit, in quo muliebris eloquentia in rabiem versa solet eminere. Sed verbis facta nihilo mitiora subiecit, iubet retrudi viraginem, ibique vinculis ita constringi, vt nullus propè illi membrorum vsus liber superesset; ad carcerem & vincula in ediam addit, cibo illi potùque eo vsque interdicens, donec aut sententiam de retinenda religione mutaret, aut in pertinaciæ pœnam lento mortis genere contabescens interiret, interim tamen ad eam laceffendam ethnica matronæ subinde submittebantur, quæ vna cum vinculorum inedia quæ acerbitate conspirantes constantissimæ viraginis animum è sententia deturbarent. Septem dies totos Maxima cum suis vinculis, cum inedia, cum instigatricibus suis decertabat, ea semper animi firmitate quæ Maximam decebat: nec toto eo tempore adduci Fime potuit, vt non nihil de feueritate remitteret. Sed neque Maxima quicquam de confidentia in Deum sua minuebat, continuis ab eo precibus vires exorabat, & in orationem effusa Christi columnam animò magis quam vinculis stringebat, petebatq; vt ea sibi suppliciorum esset initium, quæ Christum imitata in eius confessione pateretur.

Septimo tandem die vinculis soluitur, sed eodem semper rigore dies alios quinque cibo potùq; interdicta in ediam sustinebat, licet enim tantillum cibi, quo ne vix quidem vita sustineri posset, furtim ei socia aliquoties ministrarint, integris tamen viribus, colorèque viuido exijt ac si perpetuis epulis saginata vixisset, eaque res ab ipsis Ethnicis notata prodigio similis visa est. Et sanè fateatur ipsa Maxima se cum semel acrius siti premeretur, aquæ pluuiæ concha quam fortè repererat, repleta, sitim ita temperasse, vt tametsi fel sibi potasse videretur, sitim tamen omnino exclusit. Sed

admi-

admirabilius est quod ipsa subiiciebat, sibi aliquando nocturnis *Divinitus*
 horis adfuisse matronas ipso vultu habitūque venerandas, vi- *reficitur.*
 giline an sopitæ dubium, à quibus edulio nescio quo ita reficere-
 tur ut & sapor ad suavitatem, corpori ad vires conseruandas addi
 nihil posse videretur. Vnde nihil mirum videri debet, si ea con-
 solatione vegetior extiterit. Huius certaminis hic fuit exitus.
 Maxima palatio exclusa in vnus è gubernatoribus domo vilibus
 obsequijs addicta delicias aulicas cum dura seruitute commutat;
 quod illa ut perpetuum esset, abraſo capillitio gentis more sibi *Seruituti ad-*
 caducas huius vitæ spes amputauit, satis sibi gratulata, quod amif- *dicitur.*
 sam semel cogente fortuna libertatem (erat enim natione Co-
 rea) recuperatam deinde cum fœnore, volens ac lubens Deo suo
 consecraret.

Nihilo melius cessit sacrificulo sub vmbra dynastæ globulo. *Idem sacri-*
 rum distributio; quid enim melius sperare potuit secundo cum vi- *culus rosaria*
 ris certamine, qui primo prælio fragiliorem sexum victorem erat *Siris obtin-*
 expertus? Itaque cum dynasta sacrificulo blanditurus inter hono- *dit.*
 rarios pueros & asseclas ferta diuidi imperasset, ab vno ex ijs hoc re- *Exploditur.*
 sponſum tulit, non constans minus quàm cordatum: Meminisse
 poteras, here, nos vna tecum infantes iisdem aquis salutariter ex-
 piatos in eadem sacra coniurasse; oportebat te quæ nobiscum acce-
 pisti religionis armaretinere, non autem ijs repudiatis auctoritate
 tua nos cogere, ut sacra profanis per summum scelus commute-
 mus. In cuius responſi sententiam cum cæteri venissent omnes, de-
 speratione victoriæ dimissa concertatio; ipseque sacrificulus iter
 suum damnans ad eam qua alibi pollebat auctoritatem suspirans
 aspirabat: Maximè cum è superiore loco perorare voluisset, vbi ex-
 ceptus est tot neophytorum sibilis & cachinnis, ut explosus descen-
 derit, qui sibi sperauerat applaudendum; quin etiam cum per vi-
 cos itaret, diſterijs & puerorum ludibrio exceptus domi se conti-
 nere cogebatur. Et mirabile videri potest sacrificulo fabros ethnico-
 cos extra Arimensem agrum necessario conquisitos cum aram sibi
 ad sacrilega sacrificia, & exedram ad perorandū parare voluisset: re-
 pertus est enim inter Arimenses nemo qui operā suam illi elocaret.

Dynasta in commodius tempus iram referuans, hunc quidem

sibi volens nolens temperauit, ac tandem vidit quàm parùm in sacrificulo esset sibi præsidij ad ea quæ auctore Sasioie destinaret, quem nouis artibus non ita multò post in Arimenses neophytos eodem semper prauis consilij fructu sæuiturum insequamur.

*IMPERII HAERES IN SVA REGIA YENDO
do cur sæuerit in Christianos.*

CAPVT VI.

Videri possunt Imperator ac filius annuas sæuendi vices alternis permutasse, anno quippe superiori sæuendi principium dedit ille, hic ne intermissione procella miresceret, tyrannidem leui satis ex causa, non leuiter inistaurauit. Et sanè satis quies fuissent omnia intra huius anni curriculum, nisi apud hos Imperij hæres & Sasioie apud Arimenses denuo quietem interturbassent. Quanquam apud Arimenses ipsos atrox octo vt videbimus victimarum incendium & quæ deinde secuta sunt, ab hoc ipso Principis Imperij exemplo euulgata recruduerunt, nec habuisset ex quo suas artes metusque Sasioie fabricaret, nisi ab regia nouæ turbæ supeditassent.

In vrbe Yendo Patres è D. Francisci familia anno superiore (amissa inter dirigendos ad vrbis ornatum vicos, æde quam habebant illic sacra) dum nouam parant, proscripti, magno suo dolore quod excolebant nouale, deferere coguntur. Ex eorum tamen numero ceteris discedentibus P. Ludouicus Sotelus, ille qui postea cum legato dynastæ cuiusdam Iaponij in Europam venit in hac vrbe remansit, vt Neophytis in tanta destitutione alicui esset solatio: qui cum templum nullum esset, aut sacellum in quod rei diuinæ causa Neophyti conuenire possent (erant enim superioris anni edito in ea ipsa vrbe promulgato ædes omnes sacræ dirutæ) de ædicula aliqua loco minus periculoso erigenda cogitare cœpit. In agro suburbano leproforum ædes aliquot seiunctæ, non tamen in Noloscomij formam redactæ visebantur: loco Asacusa nomen est. Iuxta hunc intra breue tempus collecta Neophytorum stipe ædicula auctore P. Sotelo erecta est, quæ paulò post magnorum malorum occasio-

casio-

caſionem dedit. Ferunt inter extruendum orta lite puerili inter Ethnicum Chriſtianumque adoleſcentem, indicio parentis Ethnici, qui ſe læſum querebatur, rem quæ diu latere non poterat, erupiſſe. Et vt fit crescente fama vulgatum eſt inter militaris ordinis viros, ex ijs venit ad Toparchas, per eos ad principē penetrauit. Vulgatum eſt, inquam, Chriſtianos edictorum ſuorum violatores pro dirutis ædibus aliam in agro ſuburbano extruxiſſe, capacem, altam, elegantem, ad quam multorum concurſus, etiam nobilium ſuſpectam reddebat audaciam. Excanduit princeps, & in hæc verba prorupit: Itâne verò apud Chriſtianos edicta noſtra intra annum obſoleſcunt? quis legem illam ferat, quæ Principum legibus, cum quibus ipſa illorum religio perſtat intacta, volens aduerſatur? Quærit deinde ecquis in vrbe ſacerdos delituerit, eius operis ſine dubio procurator. Nominatur ille, atqui, ait ille, ædem moliri ſine multorum auxilijs præ paupertate non potuit, de re ſola deſque auctori-
bus ſerio inquiratur.

Principis indignatio.

Ad eam rem è ſupremo ſenatu Senator vnus Iulij 21. Thomam inter Neophytos veteranum, & Gregorium quo dicti Patres ad Catechiſmum vtebantur, euocat: quærit ſint necne Chriſtiani, ex quo tempore, & vbi, eam legem ſuſcepſſent. Respondent eſſe ſe Chriſtianos, & ſuſceptæ fidei tempus norant, eamque ipſam urbem pro loco deſignant. quo audito nihil vltra locutus, arcetè vtrumque vinciri, & in carcerem retrudi iubet. Poſtridie accerſiti de æde Aſacufa extructa interrogantur, qualis ſit, quorum ſtipe aſurrexerit, & ſimilia. Illi quod erat fatentur, ædiculam eſſe paruo ſumptu, opere tumultuario Chriſtianorum liberalitate conſtructam. Quærit ecquos nouerint Chriſtianos: paucos, aiunt, qui ſunt è noſtro ſodalitio, quorum nomina iuſſi tradere, non ſatis prudenter annuerunt, rati fortæſſe eiſdem eſſe culpæ cum de fide à legitimo iudice quaſitum fuerit, de alijs vt de ſeipſo reticere, traditis nominibus in vincula remittuntur. Exinde in Chriſtianos inquiri ſeriò cœptum, quod cum generoſi Chriſti pugiles duo inaudiffent, nihil dubitarunt, ad ipſum Senatorem pergere, ſeipſos prodere, & eorum qui ſecum ſodalitij communione erant coniuncti nomina etiam non rogati tradere. Leo & Vincentius dicebantur, heroica quidem ſed

*Thomas & Gregorius ſi-
des cauſa
comprehenduntur.*

non satis cauta libertate Christum pro se alijsque professi. Ex eo tempore nobiliores quique ex nominatis domi suæ adhibitis custodibus & vicorum præfectis commendati recluduntur. Priores tamen duo cum socijs prius euocatis in publico carcere asseruantur.

Optabat pater ille huius mali principia Senatore illo qui inquirebat probè rem vniuersam edocto præfocare. Ergo ad eum pergit: sed reiectus est, nil sibi iuris in alienigenas esse dicens, ita tamen, vt quæreret ecquem haberet indigenam suarum rerum conscium, à quo de omnibus posset edoceri. Aderat Patri Laurentius neophytus, qui sua sponte quod petebatur professus, à Senatore detinetur. Cum interim pararet, ædiculæ suæ culpam eleuare, interpellatur. Ædiculam vidi, ait, quid sit scio, quod superest trade mihi librum in quem Christianorum omnium nomina referuntur, ne de ijs vltra inquiratur; negauit Pater apud se asseruari, quod nouus esset in ea vrbe nec domicilium nisi transiens statuisset; inquiram igitur: eumque remittit, & mox Ioachimum natione Coream apud quem diuersabatur euocari mandat; ex eo quærit cum aduenisset cuius facultate sacerdotem illum externum contra Principis edicta hospitio excepisset, nominat Ioachimus Sandodonũ, erat is principis moderator & eidem à Secretis illi in paucis gratus, imo & parens Conzuquedono, quo Imperator gratiosorem habet nulum. Vade, inquit, & illum domi tuæ reclusum asserua, dum aliud iubeatur. Inde Senator ad ipsum Sandodonum adit, refert quid Ioachimus sibi exposuerit, nec Sandodonus negat: externum illum monachum ait, ægrum vt domi suæ exciperet curaretque permisi. Atqui instat Senator, Corea hac nixus facultate è domo sua sacram Christianis ædem conflauit, in ea continui cœtus contra principis edicta coguntur, eiusque rei apud principem inuidiam sustines, cum quid agatur ignores. Sycophanta est, ait, Corea ille, quem virum probum arbitrabar; quod fecit luat, nolo quemquam fauore meo contra principis voluntatem abuti. Ioachimus ipse domi suæ cum hospite suo eadem excubitorum & vici præfectorum fide reclusus asseruatur.

*Ioachimus
Corea cum
hospite suo
domi suæ
clausus asser-
uatur.*

ATRO.

ATROCITER IBIDEM DE CHRISTIA-
nis inquiritur.

CAP. VII.

EX traditis sibi nominibus facilè intellexit Senatorius ille in-
quisitor plures in vrbe Christianos reperiri; quod vt apertius
constaret, edici tota vrbe iubet vt omnes vicorum præfecti o-
mnium Christianorum nomina vicatim ad se descripta illico ad-
ferant, in qua descriptione sanè multa contigerunt Christiani ar-
doris argumenta, omnes quippe inscribi gestiebant: quæ cum no-
mina Senator accepisset, denuo edicit, vt domi suæ singuli reclu-
dantur & à vicinis dispositis dies noctesq; vigilijs asseruentur. ipsi
quoque leprosi (erant enim omnes Christi sacris initiati) intra sua
mapalia reclusi multa pertulerunt. Ea res aliquot dierum experi-
mento ita onerosa visa est vicorum præfectis, vt simul omnes suo-
rum nomine ad Senatorem venerint ea de re questuri leuaménque
postulaturi. Tum senator, agite & qua potestis industria effcite
vt eiurato Christo suo ad patrios Deos redeant; quod si fecerit-
is, & labore leuabimini, & vicinorum vestrorum vitæ consuletis,
qua in re nulli labori parcite nec precibus aut minis solum, sed
ipsa quoque tormentorum acerbitate certate: si quis perierit, ego
vos liberos immunésque præstabo.

Interim dum hæc agebantur, inscripti neophyti non frustra sua
nomina descripta coniectantes, inusitados in Ioachimi domum Sa-
cramentorum causâ fecere concursus, quæ res magis magisque
magistratuum animos abalienabat. Vicorum autem præfecti ac-
cepta furendi facultate ad suos redierunt, quæ senator permisisset,
retulerunt. Hoc nuncio laxatis frenis infernus in Christi gre-
gem exercitus irruere videbatur. Longum esset referre quid à sin-
gulis tentatum, quid intentatum fuerit, preces, minæ, fraudes nuf-
quam defuere, apud multos sæuitia pietas appellabatur, dum
ne morerentur torquebantur, morsque minus pœnæ quam mo-
ra mortis habet; alij priuata odia publici boni prætextu vindica-
bant; à multis per vim extorta, vel per fraudem efficta subscriptio.
Denique Ecclesia illa propè tot carnifices experta est, quor vrbs
ipsa

*Christiani
à vicorum
Præfectis de-
scribuntur.*

*Descripti
rè ad defe-
ctionem sol-
licitantur.*

ipsa ciues numerabat. Multi ergo malis cedentes de animi sui constantia, saltem signis externis expressa remiserunt, magnaque fuit ciuium concussio. Sed neglectis ijs quæ aliena sunt à Christiana firmitate, heroica paucorum facinora de multis feligamus.

Apollinaris sese primus ingerit, casumque suum gestit insigni aliquo facinore refarcire. Is auditis tres totos menses Catechisticis orationibus multa sciscitatus, multa dubitans oculos tandem aperuerat veritati apud Patres è Diui Francisci familia qui eam vineam excolebant, anno porro superiore exorians ab Surunga non satis intrepidum ferijt ruina. Cessit igitur vanis terroribus nondum satis robusta fides, defectionemque suam proprio chirographo volens nolensue firmavit. Vna cum fide mentis suæ tranquillitate excidens in perpetuo mœrore versabatur, neophytorum conspectum vitabat, & qui seipsum inspiciens exhorruerat, sibi horribilis omnibus videbatur futurus. audiit interim dum malo medicinam quærir adesse ex eadem familia sacerdotem, cui se sistens quærir an sit vllus pœnitentiæ post lapsum locus, se nihil vt acerbum sit refugere vt sanetur. Ergo in spem reductus iubetur ad eos redire quibus defectionis suæ testem manum scripto tradiderat, apud eos palinodiam recantare, chirographum repetere, si negauerint contrarium dare: quo facto rediret, quæ iniungi vltra placeret subiturus. Pergit Apollinaris ad vicinos apud quos asseruari mali sui sententiam sciebat, facit imperata liberalius etiam quàm iubebatur, tum in Ioachimi domum redit, qua neophyti tum pro sacra utebantur, iniunctaque corporis coram omnibus flagellatione perfunctus ad expiandum crimen Ecclesiasticis sacramentis restituitur. Non ita multò post de Christianis, quod iam agimus, inquiritur. ergo vicini instant vt posterius chirographum diffingat, priusque quod de eiurato Christo seruabant ratum habeat. multæ machinæ adhibita sunt, vt denuo excuteretur; sed impetrari non potuit; ergo multa priuatim perpeffus, publico senatoris tribunali vinctus sistitur. Is vbi totius rei seriem ex vicinis audiuit ipsius Apollinaris confessione confirmatam, excanduit, & denuo multis machinis non expugnandus oppugnatur. Vna vox eius erat: Hanc vnā vitam Deo meo consecraui, ne illius gratia denuo exturbarer. Ergo in publi-

publicam custodiam arctissimè vinctus amandatur, insolenti fatellum sauitia mirè diuexatus: Carceris præfecto commendatus in arctissimum ac foetidissimum ergastulum compingitur, in quo ita se gessit vt virtutis suæ splendore omnium oculos in se rapuerit. Non diuturnum fuit illi cum vinculis suis laboribusque certamen, intra dies paucos inedia, carceris pœdore ac situ interijt, & æternam quietem non longo labore comparauit. Ad eum nunciam Ioannes Mimbo, de quo mox, & Laurentius ille quem iam Senator ille dimiserat, in carcerem accurrunt. humandum corpus expectunt sed fustibus eiectioni nihil impetrarunt. Cadaver vxori ethnicae traditum, à sacrificulo in agro proximo extra fanum concrematur more patrio. Verum neophyti omnium seduli obseruatores frustra flammis eripiunt, sibi que pro sacris asseruant. Quis enim dubiter hunc ipsum non minus quàm ceteros, qui ceruices ferro præbuerunt, pari martyrij laude redimitum?

*In carcere
Sarrè diuexatus moritur.*

Verum ad ipsum Ioannem promissionis iam factæ rei veniamus, & nunc quidem qua ex causa comprehensus fuerit, rerum series postulat. mors enim ipsius extremos huius ruinæ casus excepit. Ioannes igitur à prima iuuentute salutis illius ad quam duce natura immortalitatis studio aspiramus, diu per omnes Iaponiæ sectas vagus, nusquam quiescebat, ne apud academicos quidem suos, quibus diu non mediocrem operam dederat. Incidit denique Miaci in D. Francisci Patres, apud quos Catechista cæco doctore, Tobias dicebatur, fidei lumen accepit, & deinde nostris rebus instructus aliquot iam annos catechistam agebat, ipse eo vtilius quod Iaponensium sectarum peritus earum commenta ex proprijs refutabat. In hac ipsa miserabili neophytorum carnificina, quæ vicatim in singulorum ædibus exercebatur, Christiano ardore correptus, facultatem petijt à Patre cui conuiuebat, vt sibi liceret per domos cursare afflictis solatium aliquod præbituro. interrogatus quem sibi periculosa alex sinem præfigeret, ita respondit; nollem quemquam à fide deficere, vellem aliquid in eorum consortio tolerare. impetrata facultate sese ad opus suum accingit, iniectione in collum precatorio sermo, è quo ad pectus crux non maxima pendebat, ire pergit, adiuncto sibi comite & adiutore Laurentio. Quid vterque fecit,

*Ioannes
Mimbo, &
Neophytos
periclitantes
inuas.*

cerit, quid passus sit in hac dierum aliquot exercitatione, ille nouit, qui nostra omnia compensaturus intuetur.

Die quadam cum exorata ab excubitoribus ingrediendi facultate neophytum nescio quem miserum in modum compedibus manicisque constrictum reperissent retortis in tergum brachijs circuloque ferreo in fauces iniecto miserabilem, quo in tormento iam dies aliquot animose perstiterat, ne à fide desisteret; cum, inquam, illum ad vltiora mortem quæ ipsam si res daret tolerandam confirmarent; nonnulli ex eodem vico accurrerunt, indignamque rem inclamantes excitato tumultu colloquium abruperunt, volebant quidem vinctum vtrumque iudici sistere nisi intempestiuæ noctis tempus auertisset. reducunt tamen in Ioachimi domum, multa de illis coram Patre ac Ioachimo expostulantes, sed id maxime non ferendum videri esse homines ita proiectæ audaciæ qui audeant hominem in tormentis positum vt Principi suo pareat, palam ab illa ipsa re auocare. Cui Ioachimus ita respondit: dominorum multi sunt gradus, ego eum veneror præ cæteris, qui in supremo maiestatis ordine residens ceteros infinito post se relinquit intervallo. Si his proxima officia principi meo defero, quid est cur ordinem violasse reprehendor? nec plura; abeunt ipsi, furorem suum in auroram differentes. Sed non distulit Ioannes eam quæ in hoc rerum statu exigebatur animi comparisonem. Totam eam propè noctem duxit insomnem, & iam sub auroram peccatis expiatus & epulo sacro refectus peccatorum indulgentiam amplissima illa concessione consequitur, quæ in ædis sacræ quam Portiunculam vocant, consecratione apud Franciscani ordinis Patres concessa perhibetur; in illum enim diem hæc quæ mox dixi contigisse narrantur. Vix bene illuxerat cum accepta à iudicibus auctoritate redeunt hesterni tumultus auctores, & domi suæ vinculis constrictum intra cubiculum recludunt, ipsis suis vinculis exultantem, in quibus eum relinquamus, nunc orantem, nunc de fide nostra cum ethnicis disputantem, donec eum è priuata custodia in publicam, & inde ad victoriæ suæ arenam eduçamus.

*Ad martyri-
um se compa-
rat.*

*Domi suæ
clauditur &
vinculis a-
stringitur.*

E VINCTIS NEOPHYTI OCTO

simul obtruncantur.

CAPUT VIII.

IN priuatis vt dixi ædium suarum custodijs multi tenebantur, & quibus in publicas eduçti octo capitisque damnati. Inter eos iure primas obtinet Sasanda Michael, qui primarius sodalitijs præfectus ædiculæ extruendæ non tam interfuerat, quam prope præfuerat, is parum cautè cum alijs sociorum nomina scripto prodiderat, & domi suæ tenebatur, sed tamen vici præfectorum rogatu alio migrarat, apud toparcham nescio quem vinculis vigilijsque asseruatus. Prius ex ijs ædibus quam educeretur, iubetur nominum seriem suo chirographo sigillòque munire & inscribere illam esse seriem illorum qui stipe collata ædiculam erexerant, quod faciebat ratus id se non posse salua fidei suæ integritate reticere, cùm à iudice legitimè quæreretur. Ea nominum series ad principem ipsum delata, negotium dies aliquot, nescitur qua ex causa, suspendit. Consuli placuit Imperatorem à quò mitior sententia sperabatur; inde tamen rescriptum venit, præcipuum quemque nisi Christum eiuraret obtruncandum.

Decimo itaq; septimo Kalend. Septembris, in feriam sextam forte tum inciderat, Ioachimus & Laurentius è suis ædibus ad iudicem euocati ex itinere à militari turma quæ illis occurrit eodem pertrahuntur, vbi alij quoq; sex iam aduenientes præstolabantur, Thomas videlicet, Leo, Vincentius, Lucas, Ioannes, Antonius. Varij fuere sibi occurrentium sensus affectusq; diuersi, sed omnes absorpsit gaudij magnitudo, quod sibi viderent in vna Christi causa omnibus extemplo moriendum. Huic omnium lætitiæ communiq; gratulationi coronidè addidit Michaelis aduentus, eduçtus enim ipse quoque priuata sua custodia vt erat primarius sodalitijs præfectus, iam cum suo duce inuicta Christi cohors prælia domini præliatura sibi ordine suo videbatur. Sed omitti non potest, quid Michaeli cū educeretur acciderit, satis simile laudato illi facinorianoq; quo Leuita Laurentius Xistum Pontificem suum flebiliter prosecutus se negligi querebatur.

Habebat Michael adolescentem famulum in Christiana pietate

*Cum alij
octo ad iudicem pertrahuntur.*

herilis exempli æmulatorem. Is in Toparchæ domo in quam Michael è proprijs ædibus emigrarat hero victo fideliter seruebat. Sed placuit hero vexando solatium illi & qualequale obsequium eripere. Romanus igitur (hoc nomine dicebatur) Michaeli subducitur, & in alia domus parte vinculis oneratur. Fortè contigit Michaellem dum ad custodiam publicam moriturus educeretur, conspici, & quid ageretur conijciens ita exclamauit, Quo progredieris, here, sine famulo? nunquid degenerem me probasti? si antehac laboris partem tecum sustinui, quidni tecum admittor ad coronam? si mea me à corona peccata præpediunt, quidni mors in pœnam inferatur? Cui Michael, Quod petis fili, extra herilis potestatis terminos iacet, ab eo pete, qui solus est gratiæ gloriæque distributor; si cordatè hoc optas, ardentèrque petineris, planè vt sperari potest, impetrabis; atque ita Michael à fidei seruo separatur.

Extincto postea hero. Romanus ab vno è iudicibus euocatus ita compellatur, Herus tuus pertinaciæ pœnas luit, te legibus debita seruitus inuoluit, cupis mihi famulari? cupio verò ait Romanus, dum id mihi liceat iisdem legibus quibus Michaeli seruebam: Christiana me libertate dona, in ceteris vt vt voles non inuitam seruitutem: atqui, infert ille, non vides hoc fieri nullo modo posse, cum Christiano nulli tota vrbe Yendo vita, nedum libertas Christiana permittitur. Per te igitur moriar sodes, ait Romanus, certum enim mihi est non minus quàm hero si viuere non licet mori Christianè. Sile, inquit ille, ne te dictorum deinde pœniteat, fatius est tibi à Christo quàm à vita deficere. Qui nescit, ait Romanus, in hac morte mortales in vitam renasci immortalem, quid mirum est, si ita iudicet, quibus dictis iterum ad sua vincula remissus.

Verum à Romano, qui nos digressionem non intempestiuam detinuit, ad publicam custodiam redeamus. Nouem in arenam prodierunt, coronæ pellucet octo, quis ex toto numero excludetur? Laurentij parens ad iudices appellauit, is vt erat ethnicus spondit se filium ad defectionem pertracturum si mora illi aliqua concedatur. non grauatè impetrat, quod ipsi iudices exoptabant. Itaque magno sensu doloris Laurentius frustra fidem suam protestatus à socijs auellitur, & in ergastulum retrusus noua prælia cum victoriam

etoriam tenere se credebat, præstolatur, cuius in fide tuenda, patiendique studio firmitatem suo loco postea non negligemus.

Octo igitur qui supererant in strigosos equos inieci per celebriores urbis vicos ignominiose raptabantur, hastili ad equorum iubas alligato præfixa quædam vexilla papyracea supra martyrum capita fluitabant. Id apud eam gentem signum est extremi supplicij cum rei eo pertrahuntur. Supplicij locus fuit ille ipse qui reorum ceterorum urbem inter vicumque Acacusa, ubi leprosi sua mapalia ad ediculam habent, loco nomen est Tocicoy, ad eum locum ingens spectatorum præcurrit multitudo Martyrum per vicos circumrapratione accersita. In media spectantium corona ingentem fustibus abacta multitudo aream apparitores aperiunt. In ea quoque media præaltam sudem ad exponendam inscriptionem causæ defigunt: Cuius hæc erat ad verbum expressa sententia. Viri isti quia principis mandatum violarunt, & quia Patrum legi se addixerunt, & quia sodalitorum & cœtuum præfecturam admiserunt hac pœna plectuntur. Primo die, Lunæ septimæ. Incidit in 16. diem Augusti.

Octo ad supplicium rapiantur.

Gaudete & exultate gloriosi Christi martyres, quia nemo vestrum patitur, ut homicida, aut fur, aut maledicus, aut alienorum appetitor; si autem ut Christianus non erubescat, glorificet autem Deum in isto nomine. Ita sentiebant inuicti athletæ in extremo iam agone constituti, nam lecta inscriptione inuicem sibi gratulati, non nihil ab inuicem seiuncti genibus prouoluuntur, & singuli prout affectus præsens suggererat in varia spiritus impetu distracti, concordem orationis discordiam præcinebant. Tandem ubi carnificum indulgentia animo suo non nihil indulserunt, inclinato capite sicam euocantes obtruncantur, & in mari rubro circumfusi cruoris, viam sine impedimento, & iter mirabile sunt ad terram viventium consecuti. In trunca deinde corpora Iaponensis barbaries sicarum suarum ostentatrix membra eim desequit, & sacras exuias horribili carnificina confudit. Capita ad epigraphen exposita septem totos dies excubitorum fide seruabantur. Sed eam neophytorum sacra cupiditas, aut fefellit aut corripit; sensim enim subducta omnia, & artuum frustra collecta clam non procul ab ædificula

Capite truncantur,

cula humo commissa tubam, cuius sono cuncta suis locis restituta coalescent in partem gloriæ venturæ præstolantur.

POSTRIDIE ALII QUATVORDECIM IN
eadem fidei causâ plectuntur.

CAPVT IX.

TEnaces iræ principum non faciliè placantur, vbi semel ferrum induerint, primo sanguine sitim accendere videntur potius quam restinguere. Die igitur insequenti decimo sexto Calendas Septembres quatuordecim hesternis octo additi atrocitatem & prope numerum duplicarunt. Tertio ab vrbe lapide viuebat in vico, cui nomen Vxingome, Toparcha quidam, Bungenfis illius Francisci dynastæ pronepos, ac hæres, sed degener auitæq; pietatis oblitus: ex quo enim Taicosamæ Constantinum Francisci filium regno exturbarat, in hunc se vicum prope priuati recepere, quia eū attinebant. Is igitur quem dixi pronepos Principis gratiam aucupaturus haberi voluit Christiani nominis insectator. In eo igitur vico acriter inquirens effecit, vt nonnulli deficerent, alij secederent, omnes vexarentur. Ex ijs qui furenti se subduxit Marcus fuit ex eius familia, cuius opinio, si ea quæ fidem spectant attenderis, ea fuit apud omnes vt meritum parentis nomen fortiretur: ea enim omnia quæ neophytorum salutē spectabant ita procurabat, vt eos omnes in Christo genuisse videretur, tametsi ex ijs non pauci apud Bungenfes olim à puero in Christi militiam adscripti Marcum ætate, nemo tamen virtute superaret.

Illius absentiam cum herus ipse sentiret, viri probitate inductus ei renunciauit, gratum sibi fore si se ad obsequia solita reciperet, intacta licet Christianè viuendi libertate. Redijt Marcus eoque libenter quod in erigendis lapsis confirmandisque nutantibus insignem industriæ suæ campum videret aperiri. Nec labor industriæ defuit, nec vtrumque fefellit euentus. Intra breue tempus alia fuit illius vici facies, alius ardor, & pristina religionis integritas restituta. Vnde cum ille quoque in ædiculam pro sua pietate contulisset, in serie quæ iudici tradita fuerat Marcus in primis legebatur, vnde facile coniecit ex ea re sibi ac suis periculum imminere breuique fore vt urbani

rumul-

tumultus vicina quoq; inuoluerent. Ne igitur imparati improuiso fragore consternarentur, quos è priore metu vixdū bene collegerat, suā, si fortè contingeret, duplicato labore praeueniebat orbitatem:

Nec intempestiua fuit cura vico, nam ecce tibi inexpectatus ab iudice nuncius vinciri Marcum aliósq; tredecim nominatos iubet. Interim de vinētis clam seriósq; inquiritur. inde constitit anno superiore plerósq; defecisse vel nutasse, sed eosdem hortatore Marco sibi restitutos. Quare arctiore custodia Marcus in primis, tum ceteri recluduntur, ita vt neque spectare neque spectari, minus cum aliis neophytis colloquia miscere sinerentur. Ea solitudo spacium dedit omnibus ea commentandi quæ animos inflammarent, & oratione continua Deo se in odorem suauiter offerendi.

Tandem post exhibitos hesternæ victoriæ triumphos ad hodiernas coronas Christi pugiles euocantur. è vico in urbem pertracti ad supplicium extemplo hesternæ pompæ ordine per nobiliores regiæ vicos circumducti raptantur. Magna fuit plebeculæ petulantia: probris, contumelijs, scommatisque omnia personabant. Longum esset quid singuli dixerint, quid fecerint commemorare; ac tamen iucundum est, nolim tamen in his, cum aliò vocamur, immorari.

Venitur igitur in hesternam arenam, cuius adhuc exhalans cruor animos pugilum incitare videbatur. Ex equis abiecti funibus immaniter hinc inde raptantur, donec impetratam fustibus aream in arctum se compingens corona laxauit, quam hesterna frequentior fama conuocarat. Erigitur hastili præfixa mortis causa, ad quam legendam nemo auidius quam ipsi qui damnabantur oculos conuerterunt. Ea cubitalibus expressa literis spectantium oculis ita loquebatur: Hi quatuordecim viri cum in anni superioris disquisitione contra Christianos chirographo dato Christi fidem eiurarint, eo quòd postea ad eadem sacra redierint hac pœna plectuntur, altero die lunæ septimæ, hoc est 17. die Augusti. Mirum quantum Christi Martyres hac lectione exultarint, certi iam de corona, postea quàm de causa constaret. Nam tametsi ex ijs plerique nunquam à Christo defecerant, patebat nihilominus ideo se plecti quod ad Christum rediissent. Et nihil vltra morati, vna omnes in genua lapsi, & Iesum ac Mariam inuocantes obtruncantur, vnaque

Cum alijs
13. Vincit
asseruatur.

Pertrahuntur
ad supplicium.

14. Capite
plectuntur.

vnâque omnes mortalitatis exuijs exuti ad immortalitatem sublimes abierunt: quorum corpora membratim concisa diu Iaponenses ficas exercuerunt: capita clauis affixa tabulam ipsam in qua inscriptio legebatur in auersa parte adornarunt. Ea quoque detecta sensim artusque collecti tandem omnia communem sepulchram inuenerunt, ipsâque membrorum omnium permixtione in vnâ se omnes fidem expirantes conspirasse profitentur.

*Neophyti per
vicorum præ-
fectos iterum
tentati.*

In diem insequentem quotidiano semper incremento tres alij supra viginti ad eandem carnificinam vocabantur, nisi iudicum alter priorem monuisset videri sibi lentius aliquanto in tanta ciuium cæde pergendum, multitudinem tantam cui sæpe licet impune peccare, non posse totam sine immanitate ad pœnam vocari, tentari posse denuo per vicorum præfectos num aliqui recenti metu consternati deficiant, delictorum enim pœnæ solis reis in pœnam, ceteris in medicinam infliguntur. Placuit collegæ consilium. Vocati vicorum præfecti, ad repetendas cum neophytis preces, minas, tormenta que serio incitantur; sed nihil æque illis commendatur, quam vt ab ijs verum falsumne nihil attineret defectionis chi-rographum extorqueant, vt ita principis furor pia in ciues fraude mitefceret. quo artificio multi arrepta per vim manu, minus sæpe, quàm decuerat, fortiter aduersati subscripserunt, aut mentito chi-rographo liberi dissimularunt.

CHRISTIANA VIRAGO DESERTOREM
maritum Christo restituit.

C A P V T X.

TOParcha non ignobilis Yamaxiro dono dicebatur, in regia vivebat. is in Christi sacra ita propensus erat, vt nisi fortunis suis plus æquo consuleret, ea complexurus facile videretur. Ex herili propensione famuli eo prope deuenerant, vt eo etiam hortatore Christum profiterentur, quos hætenus in fide constantes ne laceffierat quidem vt Christum abdicarent. Ex eius famulis non pauci collata in ædiculam stipe ita opus promouerant, vt inter inquirendum eorum nomina negligi non posse viderentur. Ergo

Michael

Michael (ille quem primo certamine martyrij palmam paulò antè diximus consecutum) nomina rogatus ab illorum hero exquirat in hac re, quid suis fieri velit. Visum est illi neque prodendos omnes, nec quod sperari non poterat omnes occidendos: illius iussu alea ius seligendi datur: illa selectissimos quinque nominavit, quorum nomina iudici tradita ad herum transmissa sunt cum mandatis ut illos domi suæ tutò asseruaret. Faciebat herus quod iubebatur initio perfuntoriè morem suum retinens propensamque in Christianos voluntatem. Erupit ea res nescio quo indice ad iudicem, à quo serio monetur, ut famulos suos ad defectionem omnino sollicitet, nisi fortunas suas gratiamque Principis exponere discrimini velit, cui certum est minimè arrisurum, si scierit eum famulis, contra quod superiore anno edixerat, uti Christianis.

Perculit ea res herum sua quàm suos avidius retinentem. ergo in transuersum actus alia omnia molitur, & quam remissus antea fuerat ac propensus æque nunc in aduersum contendit ac nititur. Precibus, minis, vi, fraudibus omnes exturbat, aut exturbare se gloriatur: extorto enim aut efficto chirographo mittit qui iudici significet, nullum sibi domi suæ superesse christianum: & quia nouerat fraudem suam diulatare non posse, ut eos sibi conciliaret, quorum chirographum effingi curauerat, ne si fortè fraudem sentirent, eam iudici, quod Christiani plerique faciebant, aperirent, unde sibi maius periculum crearetur, statuit honoratis ijs, qui reuera Christum abdicarant, eos prouocare quos etiam tum sibi constare constabat. Simonem igitur inter eos primarium domestico epulo excipit, ut herili facilitate prouocati facilius ceteri darent manus.

Simonis vxor Maria Firoximæ in regno Aqui educata, insigni mulier pietate defectionem mariti ita exhorruerat, ut si correptum à malo genio maritum, aut ipsum malum genium conspexisset. Verum vxor marito saluti fuit, heroico sanè & plusquam muliebri facinore Magdalenam imitata, nisi quod Magdalena suam, illa salutem procurabat alienam, in qua eo segnior est virtus quò alios quàm se ipsos remissius saluos cupit. Assidebat hero Simon igitur, & vix seipsum insolenti beneuolentia captº capiebat, nec satis attēdebat, quod venenū in auro biberet voluptatis manu propinatum.

*Vamaxiro-
dono topar-
cha suos ad
fidem defe-
rendam soli-
ciat.*

Maria Simonem maritum desertorem Christa restituit.

Irruit interim ex improviso Maria *importuna conuiuio sed opportuna beneficio*: non eam remorata est peculiaris sexui verecundia, non auctoritatis suæ ratio, non mariti vel heri quam vereri poterat indignatio: saluus sit Simon meus, cetera periclitentur. Propior igitur marito facta interruptam singultibus vocem in hæc verba prorupit: eheu me miseram quæ martyris coniunx potui appellari, video me nunc malo genio illigatam! ita breuia æternis permutasti, hæccine reddis domino, aut plus ab hero tuo, quàm à tuo conditore beneficiorum accepisti? an fortasse vindicem Dei manum æternosque cruciatus illius ope subterfugies? Ita mulier Simoni, quàm Adamo Eua saniora consilia ingerebat, ad cuius vocem, quæ illi fuit, quod Gallus Petro excusso sopore seipsum inspiciens erubuit, exclamans, Quid me vis facere? toparcha chiographum meum impetrauit. nihil te moretur, ait illa, chiographum, plus fecit ille qui thus adoleuerat Pontificiæ imixtorum dignitatis. is neque veniam sed neque martyrium desperauit, aliâque multa subiungens effecit, vt ab heri latere præ stupore obmutescentis exiliret, & ad eum conuersus supplex sibi chiographum suum restitui postularet. Negabat ille pertinaciter. Simon verò resumptis animis sic herum compellauit: Scire te velim here, Christianos cum eò denenerint, quò me deuenisse admiraris mortem sibi proponere, quæ contempta nihil est quod non audeant. Sic igitur habeto me ad iudices iturum professurumque quibus artibus à me chiographum extorseris, quod ego recentiore irritabo: hoc à me mea religio postulat, è quo mihi soli, non tibi, velim periculum creari.

Herus ad hæc satis intelligens quod rerum suarum discrimen adiret, si suæ fraudes ad magistratus erupissent. Eiecta igitur quam modò suspexerat viragine, & in fidei facinoribus heroïna, Simonem solum sibi denuo suscepit expugnandum. Maria cum eijceretur exclamauit: toparcha vide quid egeris; ea dies quæ totius orbis actiones ad iustitiæ trutinam reuocabit, necessitatē tibi de hac ipsa re satisfacturo imponit; vices inter nos eo tempore permutabimus; in peius tibi, in melius mihi cadent. Eiecta vxore nihilo sibi minus Simon constitit, & post multa chiographum suum tandem impetrauit, ac momento in omnium conspectu lacerauit. Et ne quo spi-

ritus

ritus impetu ad iudices delatus data iudicibus verba & fictam familie defectionem aperiret, domi ab hero in vincula compingitur, qui si martyrium in hac procella non est consecutus, sperare tamen potest arrepta se post naufragium metanœæ tabulâ posse in portum enatare.

Hoc ipso Simonis exemplo prouocati ex eiusdem toparchæ famulis duo cum de sua defectione falsum ad iudices chirographum delatum esse inaudissent, ad herum adierunt, Gregorius alter, Paulus alter dicebatur. Constat nobis, here, te nos tua fraude in fraudem coniecisse, defectionis nostræ chirographum iudices habent, cum nos neque defectionem neque chirographum solo somnio destinauerimus; nostri muneris est chirographum damnare, fidem nostram profiteri, quod ut sine tuo damno fiat, vide quid consilij ceperis, nobis certum est maiora damna propria, tuis & maioribus anteferre. Indoluit herus, & iam noluiſſet famulos suos ad Christi sacra prouocasse, prouocatos noluiſſet sefellisse, cum videret se vtraque ex causa in necessitatis angustias irrepsisse. Sed ut mederetur iam factis, vtrumque multis rationibus eo pertrahere conatur, ut ratum habeant, quod inscientibus illis fieri necessitas imperasset. Hoc maximè vrgebat, legis vestræ præscripto herilem obedientiam contineri, neque legem Christianam rationi vbique consentaneam, alienis damnis ruinâque gaudere. Verum illi cum in sententia immoti persisterent, asserentes hæc omnia infra Deum intelligi, cuius cultus ac veneratio prima esse debet & vnica, si quando non potest cum alijs salua consistere, in domestica quoque custodia compedibus impediuntur, ne quo fortasse ad iudices indicio illius artes penetrarent; Et ut si quod immineret malum in alios deriuatum à se præueniens auerteret. Iudicibus renunciat è famulis suis, qui Christi sacra eiurarant, duos à chirographi sententia resiliisse, & simul Gregorium Paulumque nominauit. De Simone minus laborans quod eius chirographum propriæ manus testimonium esse constaret, in alios fraus ipsa seipsam, si excuteretur, erat proditura. Iudices herum admonent ut duos illos dum euocarentur asseruaret.

Duo alij falsum defectionis chirographum euerant.

QUATVOR NEOPHYTI E PRIVATA IN
publicam custodiam plectendi retruduntur.

CAPVT XL

*Laurentij
aduersus pa-
rentem con-
stantia.*

ASseruabatur in publica custodia Laurentius, quem parens eius præsenti coronæ promissæ defectionis sponsione subduxerat. Stabat igitur ad filium frequens fidem suam liberaturus, sed filio si potuisset erepturus. Laurentius ne quam offensionem frequenti cum Ethnico parente congressu daret, sed maximè, ut se importuna sollicitatione liberaret, secreta cum parente colloquia, sublata in hanc sententiam voce vulgavit. Certum sit omnibus me Dei gratia confirmatum frangi non posse, ac tametsi chirographum viderit quispiam, nemo meum esse arbitretur, omne illud quale quale fuerit eiuro, atque ita parens tum quidem cum sua desperatione discessit, Laurentius porro alia certamina nobis deinde suppeditaturus in ergastulo suo asseruatur.

In Ioachimi nuper martyris domo Ioannes & Gregorius vna cum prædicto Patre vinculis domesticis tenebantur, quamquam Pater domi quidem sed sine vinculis tenebatur. Currebant iam dies aliquot, cum vici præfectus excubitorum tædio prouocatus, ad iudices venit, excubiarum molestias queritur, petitque totius vici nomine liberari. Quidni efficitis, ait iudex, ut Christum abdicent extemplo vos molestia, illi vinculis liberandi. Facilius ait præfectus, vicus totus eorum continuis hortationibus ad Christi sacra transibit, quam obfirmati resiliunt. Tentate ait denuo, si renuerint, edicite moriendum illis, ex principis voluntate, cuius tamen tanta est humanitas ut vitam illis offerat quoties resipuerint, tametsi iam iam sub ictu carnificis obruncandi; quod si hanc quoque gratiam indigni reſecerint, Gregorij ac Ioannis manu firmatum chirographum exigite, quod Principi legendum exhibeatur.

*Ioannis ad
Ethnicos ora-
tio.*

Redit præfectus & vicum euocat, ut extremo ariete Martyrum constantia communibus nervis luxata quassetur, quicquid habet in mandatis explicat, omnes Principis gratiam humanitatemque collaudant. Ergo Ioannes suo socijque nomine ita respondit: si me primum dicentem patienter audieritis, ego aptè respondebo.

Annuen-

Annuentibus de Iaponensium sectarum vanitate, de Christianæ religionis veritate multa ingessit, addidit deinde quibus pœnis mala, quibus præmijs bona æternitati tradita compensentur. His ita propositis ego vos iudices appello. Credite vos hæc ipsa quæ confirmavi pro certis habere, non aliter quam nos certa, explorata, indubitata esse profitemur: velletis æterna breuib; certa dubijs, magna paruis posthabere: an potius æternitatem vitæ, has miseras felicitati mortis sacræ compendio præferretis. Quid tunc facturi essetis, si nobiscum eadem crederetis, edicite, eosque idem facturos æstimate, si tamen semota omni animorum perturbatione iudicatis. Hanc orationem excepit concio non eodem animi sensu, aliqui cum Ioanne sentiebant, alij se doceri fremebant, vnus ex tota comprobantium multitudine hac oratione permotus baptismum deinde petijt & impetrauit.

Urget igitur præfectus, vt quicquid secum ipsi statuerint, hoc ipsum scripto profiteri ne grauentur. Tum Ioannes fidei suæ professionem in hæc ipsa verba concepit. Deus vnum ac supremum numen, qui cœlum terram ac cætera condidit, omnia gubernat, & omnibus prospicit, siue in hac vita siue in æterna, vt mortales omnes feruaret ex virgine voluit nasci, & peccatis nostris satisfactorius in crucem agi voluit. Ab huius numinis cultu & amore neque nunc recedimus, neque vnquam recedemus, tamen si hac ex causa quantumlibet horribili ac immani nos morte plectatis. In cuius rei fidem hoc scriptum manu propria obsignauimus. Ioannes & Gregorius die 13. Luna septima. Incidit ea dies in Augusti diem octauam supra vicesimam D. Augustino Ecclesiæ Doctori sacram.

Id scriptum ad iudices delatum omnes stupore defixit, & exclamans vnus ait, hoc verè est Christianum, cui mori potius expedit quam viuere, eaque ipsa die lecto in publico seniorum vrbs, quem tum haberi forte contigit, conuentu decretum vt in custodiam publicam retruderentur, quod vbi domi ab ijs auditum est, compedibus suis non ad fugam sese per vim expediunt, & ad Patrem accurrunt, sobriè se refecerunt, & valedictionis poculum gentis more sibi mutuo propinarunt. Tum ceteris officijs, quæ in hoc rerū statu amor cuiq; suus suggerit exhibitis à se mutuo auelluntur.

*Ioannes &
Gregorius si-
dem scripto
profitemur;*

*In publicam
custodiam re-
truduntur.*

Ioannes toto itinere concionabundus obuiam multitudinem hortabatur vt cæcitate damnata oculos aperirent veritati.

*In carcere
quid passi,
quid egerint.*

Abducti ergo cum in custodiam aduenissent, quæsti sunt præfecti longiorem moram; quam vbi rescierunt longiore sermone tractam, imperant præfecti vinctis ceteris vt Deorum contemptores malè plectant. Ingredientibus festa precatória crucisque rapiuntur, & pugnis excepti à vinculorum socijs saluantur, quin etiam vtrumq; in sublime tollentes, subitoque laxantes solo sæpius affligebant, aliâque multa addebant, quæ fex illa rei publicæ laxatis frænis audebat, & ad quietem deinde capiendam in fœtidissimum locum, in quem tota carceris sentina confluebat, retruserunt. Hoc solatio fuit, quod Laurentium inuictum planè pugilem ibi repererint, continua sex dierum siti prope arescentem eâ damnatû quod nulum de Christi lege perorandi finem faceret. Cuius orationum nonnullus fructus fuit. In ipso carcere Christo vnum adscripsit, qui breui tirocinio stipendia emeritus, intra paucos dies, postquam eum Ioannes baptismo expiauit, martyrij palmam est affecutus. Inchoatam à Laurentio de diuinis rebus loquendi consuetudinem, aucto iam numero, nunquam intermittebant, nec inhiberi potuit præfecti carceris licentia, qua iubebantur vincti dicentem ita interturbare, vt orator obmutescere cogeretur: allatæ quippe rationes, & Christiana lenitas eam sensim venerationem inuexerunt, vt eâ petulans alioqui hominum colluies dissimulare non potuerit. Ea res delata ad iudices eos impulit, vt differri iam illorum necem non posse iudicarent. Ergo vt eiusdè supplicij comites darent, duos illos, quos herus postquam resipuerant denuo desipuisse detulerat, Gregorium & Paulum in eandem publicorum vinculorum societatem euocarunt, quod in sextum Septembris scribitur incidisse.

*VLTIMI MARTYRES QVINQVE PRINCIPIS
furorem plexis capitibus excipiunt.*

C A P V T XII.

Tenebantur ergo publicis iam vinculis quinq; Laurentius, Ioannes, Gregorij duo, & Paulus. Pridie quam ad supplicium vocarentur, Ioannis ac socij chirographum ipsi Principi legendû exhi-

exhibetur. Hoc Ioanni fuerat in votis cum paulo explicatius fidei suæ capita exscriberet, ne Princeps rerum diuinarum ignorationē, vt aiebat ipse, causaretur. Eo lecto iterum iterūque illius iussu repetito, ita pronunciauit: Mori per vim volentes, moriantur. Instant pro Laurentio, quem parens vnicum sibi filium seruari postulabat. Si resipuerit ille liberetur.

Die insequenti, qui fuit natæ Virginis peruigilium & in Sabbathum incidērat, iudices in carcerem mandato principis armati conueniunt, supra nominatos euocant omnes, vnūq; Laurentium in hæc verba compellant: Renunciatum est Principi te illius iussu sacra peregrina reiecisse ac tandem sapuisse, qua ex causa vitam ille tibi permittit, verum hoc ipsum an ita sit ex tuo ipsius ore lubentes audiemus. Quibus Laurentius in hæc ipsa verba generose sane respondit, Quod Principi renunciatum est, ne cogitatione quidem sola, nedum verbo ex me profectum est, & hoc in posterum omnibus certum esse volo, tametsi Principi nostro Christiani omnes in deferenda fide parerent, tametsi omnes ab eo crudelissimè necarentur, vnus ego superstes Dei gratia confirmatus nunquam à Christo dimouebor, & quam diu lingua libero sermoni seruiet, non desistam omnes ad eandem Christi fidem cohortari, & quantum in me erit efficiam, vt vniuersa Iaponia repudiatis simulacris suum agnoscat conditorem, vnicūq; seruatorem. Quæ cum Christiana libertate ita pronunciaffet, vt palmam quæ iam semel è manibus exciderat, extorquere velle videretur, in ergastulum tamen suum reclusus est, in quo diuturnum pœdorem aliaq; multa iam patitur: vt tamen viuat sui memor instituti. satisque constat reos nonnullos cum ad supplicia pertrahuntur Christum inuocare, quod Laurentij cohortationibus nihil dubium est impetrari.

Laurentio ita dimisso iudices inter vinctos edicunt, vt si quis eā religionem profiteatur, Christianorum continuis cohortationibus inductus in fraudem, prodiret in medium. Cum ecce tibi silentibus ceteris ille Laurentij præda, nuper à Ioanne baptizatus, exilijs magistro suo palmā erepturus, Ego inquit sum Christianus, & huic legi parata supplicia nō reformido. quæ cū diceret extēplo vincitur, & cū quatuor alijs ad lēticiæ cumulū Laurentio substitutus eadē capitis pœna damnatur. Cui⁹ quia nomē ignoram⁹, antiquitatis exemplo in casu

*Laurentij in
fide constan-
tia.*

*In quinque
Christianos
mortis sen-
tentia.*

casu non ab simili Adactum appellemus. Pronunciatur deinde sententia in hunc sensum fidelissimè descripta: Viri isti quinque quia legem Patrum (ethnici sæpe ita Christi legem appellant) profitentur, & quia ut illam abdicent adduci non possunt capite plectuntur die 23. Luna septima. qui est septima Septembris. Ea deinde sententia de more cubitalibus expressa literis præferebatur, & in loco supplicij, prout prius narratum est, infixa sude legenda exponebatur.

Quinque capite plectuntur.

Antequam è custodia educerentur, Ioannes ad socios aptam habuit cohortationem, è qua tot lætitiæ signis alacres è vinculis eruperunt, ac si iam è corporis ergastulo educti coronam ipsam acciperent. In strigosos quoque ut socij equos impositi in oculis clarissimæ ciuitatis raptabantur; quam diu per vicos iter fuit Ioannes more suo perorabat, ceteri Deum exorabant. Verum extra muros sibi vacaturus obmutuit. Sed Paulus orationem suscipiens ardore suo incendens concionem suam silentio approbantem continuat. Inter quæ venit in stadium intra quod breui curriculo meta conspecta cursores prouocabat. Non longa fuit mora, quibus mors erat in votis. Genibus nixi cum prius oculos in cælum simul omnes aliquamdiu defixissent, modesta paulò post ceruicem inflexione, ficas euocarunt, quarum beneficio trunca corpora felices animas in cælum præmiserunt. Eorum deinde fœda laceratio neophytorum pietate coaluit, ut potuit, donec è suo quemque tumulto in alteram vitam dies extrema reuocabit.

Subiungitur ad ignominiam infamis latro.

Eodem supplicio plexus est post gloriosos Christi martyres infamis latro, quem consulto comitem addiderant, ad ignominiam augendam crimenque pertinaciæ latrocinio comparandum. Sed cæci non aduertebant quanta gloria magistri sui æmulatores afficerent, quem constat inter latrones medium idem cum illis crucis supplicium non exhoruisse. Omnium capita dies multos præfixa spectabantur.

Pater exilio damnatur.

Sed neque Pater ipse nobis est omittendus, tenebatur ille adhibitis custodibus, ut diximus, in Ioachimi domo, & mortem in horas accurata comparatione præstolabatur. Sed cum de eo apud Principem sermo incidisset, isque illum pari supplicio inuolueret, è Sc-

et Senatoribus nescio quis, indignum putauit, ut ira Principis in terra vermiculum (ita per contemptum appellabat) aduenamque saui-
 uiret, satis videri si tota Iaponia eiectus aërem patrium tanta labe
 purgaret. Postmodum igitur in exilium mittitur.

Et quoniam de Patre hoc agimus, cui martyrij palma è mani-
 bus lapsa est, propè cum teneretur, nihil dubito, quin multis qui
 hæc aliæque legerint mirum videbitur, unde nascatur, quod Iapo-
 nijs in suos ita sauiantibus, externis fere parcatur, & cuiuspiam in
 mentem venire possit Europæos nostros sacerdotes plus æquo cau-
 tos subterfugere ac periculis sese subducere, quod esset gregem su-
 um prodere & teneris in fide tironibus offensionem dare. Hunc
 ergo scrupulum quorundam animis puto eximendum. Primum
 id suauis Dei providentiæ referendum puto, ne in ea locorum di-
 stantia tantopere necessarius operariorum numerus imminuatur,
 quem in finem suum hanc gentem ita disponit ut ab externis sese
 abstineat mactandis, hoc solo contenta si suis eos terminis exter-
 minet; aiunt enim, sacerdotes illi officio suo funguntur, cuius cau-
 sa à suis superioribus missi huc navigarunt, quod in illis culpâ ca-
 ret; hoc in nostris crimen est, quod externa patrijs anteponan-
 tur. Putant etiam non in urbanum, sed etiam in humanum in externos,
 quos prius exceperis, deinde sauire. Sed nihil æque violentas illo-
 rum manus ab externis continuit, quam ea quæ ex proprijs com-
 modis ratio petitur, quæ fere solet apud omnes nationes plus ha-
 bere momenti, quam iustitiæ pondus aut species honestatis. Indi-
 gent Iaponenses rerum Sinenſium copia, sed nulla re magis ut bys-
 so, commercium cum Sinis omne Iaponum metus & horror inter-
 dixit. Sinæ Lusitanos solos ex omnibus populis ad commercium
 admiserunt, ita Deo permittente ut esset ex hoc commercio ianua
 qua sese Euangelij lux inferret. arbitrantur igitur Iapones se, si fue-
 rint in externos immaniores, Lusitanorum commercio carituros,
 cuius amittendi metus ab Imperatore licet inuito aliquam extor-
 quet lenitatem.

Et tamen non ita se subducunt periculis mortemque subter-
 fugiunt, quin hoc ipso tempore, quo tyrannicus furor exarsit, ex
 centum ac decem & septem, quos nostra Societas numerabat, tri-

*Car Iapones
 in suos, non
 in sacerdotes
 Europæos sa-
 uiunt.*

*Triginta è
Societate in
Iaponia oc-
culsi ma-
nent.*

ginta sese occultarint, & totâ Iaponiâ vagire Christianâ hodiè quæ clâ procurent. Et quod de nostra Societate idè de ceteris religioforû familijs intelligo, quæ pro ea quam illic habebant operariorû paucitate, aliquos etiam intra tormentorum ictum, nō sine discrimine reliquerunt; ac si proscripti, vt postea narrabitur, pleriq; cesserunt, hoc exemplo maiorum faciunt, Christòque hortatore, non tam vt vitæ consulant, cuius toties prodigi per tot æquorum pericula satis intelligunt vilitatem, sed ne sua contumacia Principum iras augeant, quin potius mitigent, dum eorum se præ se ferunt decreta venerari. Nam etsi proscripti abeunt, hoc faciunt annis deinde sequentibus etiam redituri, & ad speciem debiliorem quemque senioresque dimitunt, iuniores ac robustiores retinent ad diei pondus ætiusque sustinendum. Et sane hoc ipso maiorem laudem mereri mihi videntur neophyti Iaponenses, qui sine magistrorum suorum exemplo tam atrocia subeunt in Christiano agone certamina, quorum fortasse aliquando participes eos faciet, qui ea quæsituri orbem enauigant, ille ille qui temporum vel momenta, quæ nostrum non est nosse, in sua posuit potestate.

IGNIS SUPPLICIVM AD TERRENDOS

Arimæ Neophytos hortatore Sasioie designatur.

CAPVT XIII.

NVnc ex Yendo redeamus Arimam, atque ibi exhauriamus omnia quæ intra huius anni curriculum contigere.

Sacrificuli contumelia, quæ pellicem incenderat effecit, vt non diuturna esset quies; nam intra menses aliquot, noua in neophytos hortatrice Fime, sed in uentore Sasioie, faba cuditur, qui cum non raro negotiorum causa regiam urbem repeteret, sub mensem Octobrem Arimensi dynastæ scripsit in hanc sententiâ: Nuper rimis se literis accepisse ab Regia, ipsum ab æmulis recens delatum, quod remissiùs peregrina sacra persecutus ea in suis finibus foueret, nec satis cordatè ad patrios Deos rediisse videretur: ex ea re mutato Imperatoris animo agi cceptum, vt alio amandaretur, vbi nihil in Christianos esset negotij, quod eum ineptum ad exterminandos fi-

*Arimensis
dynasta, no-
nis artibus
ab Sasioie
implicatur.*

nibus

nibus suis barbaros ritus vel ob animi remissionem, vel in proprios clientes indulgentiam iudicarent. videri sibi res eius in extremo discrimine nutare, satisque scire se ab Imperatore cum in regiam venisset excutiendum, ut quis Arimensium rerum status sit intelligatur, facile videri periculosum sibi esse à vero tantillum deflectere, cupere se ut quamprimum apud se statuatur quid hoc rerum statu iudicet expedire; se pro amicitia & aulicorum negotiorum tractatione noluisse, quin cum periculi sui admoneret. His literis adolescentis animus quotidianis fraudibus magis magisque consternatus expauit, metumque suum cum pellice sua Imperatoris pronepte, à qua fauorem sperare sibi posse videbatur, communicans, grauius semper ac grauius ludebatur. Illa enim cautè dissimulans quam in hac fraude doli mali partem haberet, cum ex composito inter ipsam & Sasioie tota res ageretur, rei nouitate velut attonita in hunc fere modum succlamauit: Ecce quod sæpe non vana vates præsenſi ac prædixi; atque utinam te ipsum solum perderes, neque me tecum communi ruina inuolueres. Sane cum me tibi auus meus Imperator despondit, omnia mihi fortunata optare, multa dare sibi videbatur, exilium inueni, ludibria patior, barbaros ritus exhorreo. Age age tandem virum te præbe, nec ultra remissionis animi notam tibi obijci feras. non audisti, ut superioribus mensibus in regia sua Imperij hæres leui satis ex causa sæuierit, prout ipse Sasioie in sua laturæ epistola? quid adhuc fecisti, quod Christianos terreret? nihilne tibi præter ferrum furor iustus in manus dabit? excurre si me audis Nangasaquium, præfectum audi, amicum nostrum & aulicis in negotijs propè educatum; quod eo auctore feceris, illius erit Imperatori probare, quem si ex animo fautorem habueris, næ tu æmulo- rum omnium obtrectiones eludes? ita Fime Christi gregem malis artibus muliebriter infecuta.

A Fime pellice contra neophytos inflammatur.

Quid hic ageret Arimensis dynasta, amore & metu gemino telo impetitus, accurrit ad genium malum, cui sua omnia sicut ouem lupo commiserat. Sasioie cū adolescente suas artes explicans, nunc illius vicem dolet, nunc obtrectatores; quos ipse comentus fuerat, incusat, nunc periculi magnitudinem exaggerat, ut eo facilius ad ea quæ intenderat imprudens pertrahatur, odio nempe in Christianos

*Crudelia Sa-
fate consilia.*

plusquam capitali ad suas rationes abuti. Tandem post varia consilia inter utrumque ita conuenitur. Redeat Arimam dynasta, optimatum suorum selectissimas familias expugnato capite sibi adiungat, artibus omnibus, machinisque in suam sententiam pertrahat, tametsi ad speciem simulatè, si non impetrat, viui omnes cum tota familia lento igne torreantur. Atrocitas supplicij, siquid unquam, eos è sententia sua deturbabit: sin, ceteros terreat, aut denique si nihil aliud, remissionis eum nota liberabit, obrectatoresque ipsos silentio suo damnatos ad rerum suarum incrementa adhibebit. Nihil aptius visum est, ac tametsi agere sibi clientes eos eriperet, iudicauit tamen in paucorum iactura totius prouinciae suae salutem reponendam.

*Optimates
Arimenses o-
cto ad defe-
ctionem solli-
citantur.*

Extemplo igitur Arimam repetens suis magistratibus mandat, ut euocatos ad se quos nominabat optimates octo, omni opera ad defectionem laceessant. Dictum factum, precibus, premijs, minis, ita certatum ac si defectio illorum Arimensis Reipublicae esset incolumitas; sed fortissimos eatenus Christi pugiles non incrementa fortunarum, non heriles preces incendio licet armatae mentis suae firmitate deturbarunt; itaque rem per alios desperatam dynasta ipse in se suscepit. Singulis ad se accersitis primum praefecti Nangasaquiensis ad se literas ostendit, aperit quo in discrimine Christianorum pertinaciae Arimensis tota versetur, se iam per tot aetates auita hereditate pelli, clientes suos in externi principis dominium venire, idque solum ea ex causa, quod peregrina sacra patrijs immoderato religionis studio praeferrantur; scire se quid sit esse Christianum, non esse cur tantopere à simulata non longi temporis defectione abhorreant, cum in ipsa religionis sanctitate breui malo (si malum vocari potest id quo publica quies procuratur) certissimam habeant medicinam. Petrum ipsum Christi vicarium grauioris delicti veniam inuenisse. Se alia nulla de causa temporis cedere, melioribus annis postea cuncta instauraturum, petere se etiam atque etiam, ne se, ne suos, ne herum suum, ne patriam vniuersam perditum eant, sed in hac vnare sibi hoc tempore in posterum non immemori obsequantur. Quae cum diceret lachrymis verbainterruptens, tantum potuit, ut ex octo Christi athletic

quia;

quinq; defecerint, & initiante sacrificulo patrijs dijs redditi, Christum fictè quidem sed turpiter tamen eiurarint; reliqui tres etsi sociorum lapsum extremo doloris sensu profecuti, ex eo tamen apostoli consilio, Qui stat videat ne cadat, facti firmiores seipsos ita confirmarunt, ut æquè delusi adolescentis lachrymas ut antè preces, præmia minasque repulerint.

*Quinque sibi
Ere Christum
eiurant.
Tres sibi cor-
stant.*

Tyrannus prælio victor, supra spem & prope supra vota, non solum victoriæ lætitiā non aliqua humanitate cohonestavit, sed insolentior factus, tametsi designato numero quinque deiecerat, voluit tamen octonarium numerum illum, si Ambrosio credimus, mysticum reservare, in quo, spei nostræ perfectio, summæque virtutum exhiberi perhibetur: nam tametsi atrox incendij sententia decem complexa est, octo tamen duntaxat arserunt. Adrianus cum Ioanna coniuge, Leo cum Martha vxore ac prolibus Iacobo atque Magdalena, Leo alter cum filio Paulo, nam illius vxor Monica cum filia propinquorum favore eodem incendio damnata pœnam euaferunt. Pronunciata igitur in prædictos atrocis supplicij sententia, omnes in priuatas ciuis Arimensis ædes adhibitis custodibus recluduntur. Quo ex numero cum se Monica sentiret excludi, nihil est quod ipsa per se, per maritum, per sodalitiū præfectos reliquit intactum; diceret illam pro vita seruanda, non pro impetranda morte sollicitam, sed nihil impetrauit. Dynastæ patruus Monica collactaneus vitam impetrarat. Inuita igitur & reclamans à Martyrum consortio separatur, & in alijs ædibus arctius custoditur mortem quæsitura, quam damnati solent supplicium detrectantes. Incensa tamen vota quis contineat? ekubetur delusis custodibus, ut ad ceteros adiuncta veram in vinculis haberet libertatem. Extracta tamen per vim cogitur viuere quæ optabat mori. Quis non in hac ætate nostra nascentis Ecclesiæ primos illos ignes aduertit, à quibus nec ardore nec frequentia Iaponia se patitur superari!

*Tres illi cum
Sxoribus &
liberis ad
ignem dam-
nantur.*

*Vxor & na em-
clusa quidā
bet tentat &
adiungatur.*

LAPSI QVATVOR SERIO RESI-

piscunt.

CAP. XIV.

VBi Nangasaquij primis rumoribus increbuit octo familiarum capita florem optimatum ad defectionem aut ad incendium

X 3

rapi,

rapi, qui Socijs præerat prætereum, qui rem Christianã clam Arimæ procurabat, alium misit sacerdotem, qui grauitè periclitantes neophytos ad inusitata certamina diuinis auxilijs consilijsque confirmaret. Is vbi aduenit lapsos illos quinque deploraturus potius quam confirmaturus sibi venisse videbatur, opportunus tamen reliquis aduenit interim dum lapsi quatuor serio resipiscunt id vt acciderit, vt spectatum satis fuit ad illius Ecclesiæ mœrorem detergendum, ita narratum satis erit vt plures etiam in nobis affectus excitet admiratione defixis, cum viderimus ea nostra ætate contingere, quæ si olim accidisse legebamus, ipsam antiquitatis venerationem in fidei auxilium vocabamus.

*Conueniunt
ad martyriũ
ex agro Ari-
mensi ad Si-
ginti millia.*

*Arima pu-
blica inter
neophytos la-
tuit signa.*

Vbi de pronunciata sententia constitit, ipsique damnati recludi iussi sunt, per dispositos nuncios Sodalitiorum præfecti neophytos omnes de futuro Arimæ spectaculo intra dies paucos monuerunt. mirabile videri potest quod subiiciam. Ex Arimensi agro toto omnis gradus, ætas, sexus tanto numero concurret, vt ad viginti millia excreuerit multitudo; à quibus omnibus contra receptum Iaponiæ morem, nihil armorum, ne fida quidem aut pugio gestabatur, ne repugnare militariter sed Christianè pugnaturi venisse ad patiendum viderentur. Precatorios globulos è collo conspicuos fidei suæ testes ostentabant. Hi omnes non concurrere solum, sed tanta festinatione accurrere, vt nemo de comætu conferendo cogitarit, vel obliuione corporis in diuina rapti, vel quod morituri sibi omnes viderentur, curamque superfluum ducerent vitæ quam exposituri veniebant sustinendæ. Arimensium tamen neophytorum per sodalitiorum præfectos distributa sollicitudo illorum suppleuit incurantiam. Lætum spectaculum Deo, Angelis & hominibus, in latissimo campo sub arcem in oculis tyranni triduum totum neophyti, præter Arimenses, ad viginti millia martyrij candidati, aut potius iam in animo purpurati, ad martyrium spectandum, & si res ferret expectandum aduolarant. Tota vrbe, campoque toto publicæ lætitiæ signa, qualia vix vnquam in altæ pacis celebritatibus, edebantur. Interdiu Arimenses Neophyti suos hospites modestis epulis excipiebant; nocturnæ tenebræ, dispositis concinnè lucernulis, excitatis ignibus pellebantur, diceres il-

los sibi quemque suam pyram ad instar martyrum excitare, tyrannumque prouocare, vt quo omnes ardebant incendio concremaret: Quæ omnia cum impotentius ferret dynasta, edici iussit nisi secederent, se omnes immisissis sclopetarijs confecturum; sed illi tum demum exultare: nec inuentus est vel vnus è tanto numero, quem sclopetorum metus eiecerit, quin potius in globum acti, ne glans vlla temere periret, substiterant. Inter quæ tantus sacrificuli fuit metus, vt in arcem se recepërit, sede eius discipulus parum tutum in arce refugium ratus Nangasaquium aufugit, in clamatôque Sasioe apud Arimenses omnia turbari, magistrum suum mactari euulgabat. Initio turbatus præfectus verebatur, ne facti, si minus è sententia succederet, apud Imperatorem inuidiam sustineret, sed breui confistit concurrentium neophytorum ardorem ex ipso martyrum incendio concipi, quo ipsi omnes ardere mallent, quam destinatas victimas aris eripere.

Hæc tam insolens neophytorum exultatio, concursus, applaususq; postquam Ethnicos ipsos stupore defixerant, in lapsos ipsos (quod vnum ad comunis gratulationis cumulum deerat) exundauit. Ex ijs quatuor se ipsos inspexerunt, inspectosq; horruerunt, ex horrore pudor, lachrymæ cæteraq; pœnitentis animi signa eruperunt. Constabat lapsis ipsis ad eorum solatium atq; remedium Nangasaquio nostris accurrisse. Diu conquiriti cum in tanta multitudine nō facile reperirentur, non comparebant. Nec illi vltra pœnitudinem differentes, in medios neophytorum cuneos irrumpunt, crimen suum incusant, offensionem deprecantur, lacrymantur, omnium genibus aduoluuntur, Sacerdotem inclamant, auxiliūmq; deprecant. Inde ad magistratus excurrunt, palinodiam recantant, suarum fortunarum iuri cedunt, suppelletilis seriem scripto tradunt, petunt vt cum ceteris recludantur, eandem fortunam in pari causa subituri. Obmutescabant stupore defixi magistratus, dicebant in sua potestate non esse, de illorum fortunis ac vita statuere. Nihil agunt illi recusando, nam ad socios delati, crimen suum fatentur, & suum in vinculis locum deprecant, vrgent custodes, vim inferunt, & tamen aliud nihil extorquent, quam vt in vicinis ædibus tenerentur, donec de illis quid statuerit dynasta pronunciet. Ex hoc ipso carcere literas ad sacrificulum destinant, quibus literis eiurationem suam

*Lapsi quatuor seriores
suspiciunt.*

*Martyrio nō
impetrato
sponte exul-
tant.*

suam eiurantes, defectionemque damnantes, se Christianos esse ac
semper fore protestantur, ac rogant ut apud dynastam, ne parato
supplicio excludantur, agat. Inter quæ non facile explices quan-
tum omnes exultarint, sed maximè tres illi ad rogam damnati, qui
sociorum lapsum plus quam incendium suum exhorruerant, iam
læti mortem præstolabantur, postquam eos, qui perierant, viderunt
ad vitam reuocatos. Quis neget in cælis inter cælites gaudium su-
per vno peccatore poenitentiam agente, cum inter mortales ipsos
vniuersam hanc multitudinem gestientem gratulantemque nos
ipsi tanto locorum interuallo disiuncti, sed in eodem parentis Ec-
clesiæ sinu gratulemur? Et ipsi quidem voluntario carcere detenti
spe sua sed non præmio exciderunt. Nam venit à dynasta nunci-
us minus quidem ille laureatus quod vitam nunciaret, iubet eos sece-
dere sibi que restitui, de illorum vita nihil nunc quidem statuere,
paratos fore si euocentur. Acriter pupugit alia sperantes insperata
humanitas, sed parendum fuit, quamquam non sine lacrymis, suo-
rumque criminum detestatione, in quorum poenam lauream quam
reiecerant, priuabantur. Verum sponte susceptam quatenus licet
Christianè mortem exuta sibi ciuilitate vita interdixerunt. Resecta
quippe publicè cæsarie, census quos à dynasta colligebant,
reiecerunt, fortunâsque suas exuti voluntario exilio
seipsum suosque multarunt.



DOCTO CHRISTI VICTIMÆ VIVÆ CONCREMANTVR.

Y

OCTO CHRISTI VICTIMÆ IN FIDEI
causa viua concremantur.

CAPUT XV.

FAuere linguis, sacrificia non prius audita, non prius visa lapo-
nijs, Ecclesiæ toti aggredior enarrare. Insolens neophytorum
ex vniuersa Arimensi terra concursus initio suspensum tenuit
cum suis dynastam. nam tamen discincti omnes inermesque ve-
nissent, tanta tamen multitudo obujs saxis armata damnatos sup-
plicio facile rapuisset, & populariter accensum vulgus in publica
omnia nullo negotio inuolasset. Ergo de ijs intra priuatas ædes
concremandis agi cœptum. nec latuit ea res multitudinem, cuius
repentino concursu cinguntur ædes illæ, ne quo modo sacris mar-
tyrum exuijs priuarentur; priuatum quippe supplicium eò diri-
gi, non ad tumultum vitandum, de quo ne somniabant quidem, co-
gitarunt. Hic ministris accreuit metus, quem Sodalitiorum præ-
fecti magistratibus supplices facti sedauerunt. Rogant enim o-
mnium nomine, ne huius spectaculi nouitate, cuius causa concur-
rerant, priuarentur; liceat sibi suos ad supplicium Christiano ritu
comitari, iuuare, sepelire; spondere se omnium nomine pacata
omnia futura, nec dynastæ mandatum ab ijs interturbandum,
qui eodem damnari gestirent. Et si quidem vim pararent,
in sua esse manu, potuisse arma accingere, & primo impetu reos
rapere, nec vilius imperio potuisse multitudinem contine-
ri, si quidem furere voluisset. Sed hæc à Christianis legibus alie-
na de ijs credi non posse, qui mori malint, quam legum suarum san-
ctitatem violare.

Hac Præfectorum oratione sedati magistratus auctores dyna-
stæ fuerunt, vt palam exequeretur, quod mandarat; id ad Imperato-
ri satisfaciendum aptius, si non ad deterrendos Christianos accom-
modatus. Ergo intra primum ab oppido lapidem in latissima pla-
nicie lignea domus, aut templum potius ad exurendas victimas
extruitur columnis octo incumbens, cuius tectum stramine, arun-
dine, lignisque ad concipiendum ignem accommodatis insternitur.
Circum ædem ipsam crassiora repagula arcendæ multitudini altè
desi-

*Præfecti so-
dalitiorum
metum tu-
multus ma-
gistratibus
eximunt.*

*Locus suppli-
cij appara-
tur.*

defiguntur, spacium quod est à repagulis ad columnas, ignium pabulo completur, vt inde sensim adrepens ignis ad columnas alligatos lento igne torreret, donec in tectum euadens flammis omnia simul inuolueret; hæc extra urbem spectantibus, gestientibusque neophytis parabantur.

Intra urbem monentur victimæ, aram parari, sacrificium instrui, holocausti horam aduenisse, (inciderat in feriam secundam Octobris die septimo anni 1613.) Ad eam vocem exultant fortissimi, pugiles & in genua prouoluti vno omnes ore Deo sibiq; proximâ sortem gratulantur Non defuit illis in hoc agone nostrorum sacerdotum auxilium, quorum opera, cum peccata expiaissent, seque sacro ad hoc iter viatico, paulò antè quàm in vltimam custodiam traderentur, confirmassent, admirabiliter exarserunt. Nec minus Patres nostri eos in vltimo agone comitari gestiebant. Visum tamen est ipsismet Christianis, nullo modo expedire, vt nuper eiectione in publico ceterorum comitatu nostri palam comparerent, ne similis subsidio, si res ferret, eiectionis iterum & arctius custoditis nostris, alij priuarentur. Sodalitiorum ergo præfectis, quorum omniū princeps Gaspar vocabatur, tota res à nostris designata commendatur.

Vix putem aliud vllum per omnia retro secula gratius in re præsentis spectaculum legi, & vix aliàs vnquam victtricem Ecclesiam in simili fidei certamine speciosius triumphasse. nam tametsi fremerent Ethnici, tyrannusque rumperetur; multitudinis tamen circumfusæ metus vim omnem cohibebat. Euocata igitur ad spectaculum multitudo à præfectis in sua sodalitia diuiditur. Seni incedebant, incensos cereos, vel ferta precatória manu gestabant, supra viginti Christianorum millia latissimam, ac lætissimam supplicantium pompam explicabant, præibant plerique, ceteri sequebantur; in medium agmen egregiæ victimæ, inter duos sodalitorum præfectos incedebant, Viri candidam sodalitij super induci, reuinctis post terga manibus gradiebantur. Vnº iacobus annorum vndecim ligari nõ potuit, vt maximè voluerit, negatibus ministris se pro puero funes attulisse. Mulieres mundum omnem ad diem solemnitatis & lætitiæ cõtulerant, ligatæ quoq; procedebat. Si quis perturbato pompæ ordine forte propius accessisset, gratulabundus acclamabat, si quid

*Martyres futuri à sacerdotibus nostris ad agonem arman-
tur.*

*Supra Vigin-
ti Christiano-
rum millia
supplicanti-
um ritu Mar-
tyres ad sup-
plicij locum
comitantur.*

*Jacobus puer
alterius hu-
meris effertur.*

de vestibus poterat, sibi rapiebat. Sed mox futuri martyres honorem deprecari preces omnium postulabant, tanto se nomine indignos inclamantes: Iacobus maximè qui cum à nescio quo martyr fuisset appellatus ita respondit, Expecta fodes præproperè festinus, video coronam, nondum teneo. Eneophytis nescio quis Iacobum cum in humeros tollere pararet ita respondit, Permite me peditem certare, ducem nostrum sequimur, ille non equo, non sella montem conscendit, sed cruce sua onustus; satis tibi sit quod cruce careo, labori nunc indulgendum, æternitas nobis longam ac securam quietem parat. Nemo est, cui non ea vox lacrymas ciuerit, nec tamen Iacobus baiulum suum exorauit. Vi abreptum in humeros inijcit, & Christophorus alter videri voluit, dum ad supplicij locum veniretur.

*Christiani li-
taniis de-
cantant.*

Ibat igitur alacris & ad lætitiæ cumulum non muta multitudo velut castrorum acies ordinata. Itinere toto Deiparam Diuosque omnes ex ordine, sollemni Christianorum ritu & carmine inuocantes, alternisque inuicem sibi grato concentu respondentes, ad diuos singulos, ut pro eis orarent, exorabant. Inter quæ venit ad torrentem (quis impedit quin Cedron appelletur) ultra quem ædes ad sacrificium, vel ara potius iam in conspectu posita visebatur, quem nauigio transmittentes dicere poterant cum Psalmista, Transibimus per aquam & ignem ut educamur in refrigerium. Ceteri vado viam quærentes transuadarunt.

Iacobus puer in eo itinere cum nonnullos lachrymantes aduertisset, exclamauit, Lachrymas tenere, lachrymas tenete, alacres incedite, prout me videtis exultantem. Quæ cum diceret vehementius, plorantes incitabat vel commiseratione vel gaudio, cui sunt etiam suæ lachrymæ, incitados.

*Singuli colu-
mnas ample-
xati alligan-
tur.*

Venitur interea eodem semper ordine & pompa ad sacrificij locum, cuius apparatus quamlibet victimam solo aspectu terruisset. Sed nihil eo perturbati ubi columnas inspexerunt, singuli suam amplexati, si non iisdem verbis, non absimili tamen animi sensu quo suam Crucem Andreas, salutarunt. Interim circumfusæ multitudinis gratulationes, applausus, acclamationes bene ominatis verbis sacrificium prosequiebantur. Et dum singuli promptis ani-
mis

mis hilarique vultu vincula induunt ad palos alligati, Leonum alter (Cayemon vernaculo nomine dicebatur) in tectum euadens in dicto silentio rugijt in hæc verba, quæ velut sacra temerarem, si hoc tempore, hoc habitu, hoc impetu dicta inferioris eloquentiæ fuco inducta producerem. Hinc scitote, fratres mei qualis sit fides Iesu Christi Crucifixi, quam Arimenses Christiani profiteamur, cum eius causa tanta animi promptitudine moriamur: Morimur enim pro Dei gloria, & quia nusquam extra Iesu Christi Domini nostri fidem salutem esse profiteamur, nihil dubitamus quin corpora nostra in die iudicii nunquam postea moritura in meliorem vitam reuocentur, quo tempore damnabuntur, qui sanctam eius legem persequuntur. quod patimur breue est, quod illi patientur, æternum. Aberrant à recto salutis tramite, qui sanctam Dei legem respuunt, in qua omnis veritas continetur. Fortunati sibi videantur, qui nos cum pari moriendi desiderio comitantur, ex hoc enim desiderio mors æque felix illos manet. Valedicturus hoc vnum vos obtestor, vt legem Dei sanctam conseruetis, eam à cordibus vestris nunquam separetis, illam defendite semper, nihil vitam, nihil fortunas æstimantes. Eite nobis testes coram Deo & hominibus, quod illius vnus causa morimur. Hæc dicentem & plura, secundus suæ conuersionis applausus, lachrymæ, acclamationes interpellarunt, & cum intelligi iam ultra non posset, ad columnam suam reuersus, sua gaudia gloriamque prælibans tenerrimè amplexatur, & ad eam alligatus circularis sacrificij peripheriam octauus impleuit.

Tum Gaspar supremum sodalitiæ Arimensium caput, vt erat à nostris instructus, sacram Christi Seruatoris cum ad columnam alligatus flagellabatur effigiem explicans hastili erexit, in hæc verba exclamans, Ecce quem aptius quam alias vnquam hoc habitu ad columnas alligati refertis. Ille ille, cuius causa mortem expectatis, viuit & regnat in cælo; Ille vos certantes intuetur, fidem in se vestram coronaturus. Durate, & vosmet rebus seruate futuris, ille vos ad gloriæ ianuam, cuius est omnis gloria præstolatur. Quæ vbi dixisset simul ex omni parte incendium excitatur, cuius vim sanctissimæ victimæ dum ad se pertingeret votis suis præuenientes prouocabant, seque maioribus intus flammis inflammabant; quorum

Leonis ad multitudinem oratio.

Incendium excitatur.

rum vota circumstans fidelium multitudo suis prosecuta in genua prouoluitur, plerique symbolum Apostolorum fidei nostræ summarium pro fide certantibus præcinebant, alij orationem dominicam pronuntiabant, alij virginis ab Angelo salutatæ carmine opem implorabant, alij cum propius iam vrgeret incendium pectora tundentes, magnis vocibus lamentabili eiulatu permixtis Dei misericordiam sæpius iteratis vocibus inclamabant. Spectate mecum qui hæc legitis, & quod verbis deest, cogitatione supplete. Spectabat cælum vniuersum, spectabat innumera multitudo, victimæ nostræ suos ignes intrepidi, socios gratulabundi, neophytos reliquos modesti spectabant. Quid habuit à multis seculis Ecclesia illustrius? In extremo orbe gens nuper sine Numine, fidei suæ tirocinium his ipsis ignibus illustrauit.

*Leo Suqueyem
mon Iesum
ac Mariam
mirabiliter
inclamans
expirat.*

Sed interim dum spectamus ignis, qui iam diu sua propinquitate lentè torrebat, victimas nostras incendit. Leo ille noster orator, ex quo vincula induit, oculos cælo fixerat, vt eos nullo momento auocarit. Videre videbatur eos, à quibus inde spectabatur & expectabatur ad coronam. Leo alter (Suqueyemon vernaculè) tanto impetu flammis vrgentibus spiritum explofit, vt inclamans sacra Iesu ac Mariæ nomina, rugisse potius quam locutus videatur, Christo ipsi morienti hac ipsa vocis contentione simillimus; satis constat eam vocem supra naturæ sed maximè deficientis vires fuisse, ex eo quod inuito flammarum crepitantium fragore, inuito circumclamantis multitudinis murmure, nemo fuerit ethnicus aut Christianus, quem non ea vox distinctè perculerit, & vltra spectatorum coronam sese procul intulerit. Magdalena verò nostra virgo, non ætate solum sed & voto annis aliquot ante concepto, illustre facinus & ad posteritatis memoriam rarum inter medios ignes spectandum dedit: nam cum ignis sparteos funes adhuc spiranti soluisset, non refugit horrente natura, sed iam naturæ, sexus, ætatisque victrix ardentes prunas vtraque manu corripiens capiti suo venerabunda pro sermo imposuit, & deinde pacatissimè succumbens cum se prius ipsa coronasset occubuit.

*Magdalena
se ipsam prunis
coronat.*

Quid Iacobus Magdalenz frater? inter maiores victimas agnusepirans, cum iisdem ignibus sua vincula dirupisset, per medias

dias prunas flammâsque matrem quæ sitam amplexatus, cum ab ea hæc verba audisset, Fili mi cælum intueri, fili mi; Iesum ac Mariam ter inuocans & in parentis sinum corpusculum reclinans suauissimè obdormiuit. Et ita tandem omnes exeuntem animam igne leuiore, vltra eius sphæram, in cælorum supremum inferentes, ex ipso incendio meliore sui parte auolarunt. Quis nunc neget aurea illa nascentis Ecclesiæ tempora, in hæc nostra tempora refluxisse, cum nihilo inferiora videamus ijs, quæ stupentes legebamur.

Sed nondum rerum admirabilium finis. Cum enim spectatores neophyti aduertissent, hostias illas in odorem suauitatis exspirasse, vltra se non continuerunt, quin, repugnantibus frustra ministris, in medios ignes inuolarent, sacras exuias flammis erepturi. Et, licet ambullis vestibus, corporibûsque, ignium vestigia secum retulerint, nullum propè doloris sensum fuisse referebant, cum intrepidè prunas, & stillantia cadauera extraherent: quod an ardentibus animis, corporâque negligentibus referri, an cœlesti prodigio debeat, iudicet qui legerit. mihi certè vtrumque prodigio simillimum videtur; nec minus admiror animorum ardore incendia minus sentiri, quàm ignibus ipsis vrendi vim minui, cedente natura. Sacra igitur pignora pro se quisque rapientes, tandem in id omnes conuenerunt, vt Nangasadium in Societatis nostræ domicilia deponenda, deferrentur. Etiam ipsi post aliquot dies Conzurani, quos subducto Magdalensæ corpore rapinam in holocausto fecisse pœnituit, sacrum virginis cadaver ad cætera retulerunt. Cæterorum quæ incendio superfuerant nihil à tanta multitudine neglectum, ligna, columnæ, prunæ, cinis ipse collectus in hodiernam diem omnia neophytis sacra, vel monumentum victoriæ, vel virtutis incitamentum asseruantur. Denique composito iam non nihil sedatòque tumultu, per otium omnia ad sacrorum canonum normam, Episcopo inquirente, discussa in publicas tabulas relata ad posteritatis fidem asseruantur. E quibus hæc ipsa prout narrata

sunt, inde ad nos transmissa descripsi, ad eius gloriam, qui

cum suis martyribus pugnat; vincit

ac triumphat.

*Neophyti in
medios ignes
inuolant.*

*Sacra corpora
Nangasadi
quæ de
feruntur*

CAPUT XVI.

POterat hac immanitate contentus dynasta tantisper à cede quiescere, nisi furijs actus in dies nouis, nihil inausum relinquere statuisset, nihil intentatum, ut se vnde propediem ruiturus erat, ibi stabiliret. Virum quippe innocentissimæ vitæ maleuolorum calumnijs oppressum impulit ad ruinam, si ruina dici potest eius, qui ruit, ut resurgat. Erat nuper Arima proscriptorum in causa fidei refugium asylumque tutissimum, in quod se referebant, qui alibi Christianè viuere prohibebantur. Id fecerat Thomas, Iaponensi nomine Cauacami appellatus, quo enim tempore ante annos nouem octo uel in Fingensi regno Canzuye tyrannus neophytos exercebat, Thomas Arimam venerat Christianæ libertatis amore inuitatus; quod ut faceret exactius una cum rescissa cæsarie curas sibi reliquas amputauit; qua viuendi ratione per annos aliquot ita se nostris sacerdotibus probauit, ut aptum iudicarent, cui vices suas in excolenda illius vineæ parte demandarent. Solent enim nostri sacerdotum penuriam hac arte sarcire, & locorum, quæ vni commissa sunt inter se distantiam hac rei Christianæ præfectorum nominatione supplere.

Thomas Cauacami in pago Vrique neophytis præerat.

In pago igitur Vrique Arimensis agri ædi sacræ præerat, illius ornatum nitoremque serio procurabat, neophytis exemplo præibat, ac sermone prouocabat ad ea omnia quæ Christianorum officiorum sanctitate continentur. Id ut semper fecerat accuratè, post exortæ tamen procellæ turbines studium laboremque geminabat, quibus officijs id consequebatur, ut plerique sibi constarent, & si qui ruerant, damnato lapsu fortiores assurgerent. quam rem cum ij, quibus exterminandæ fidei causa incumberebat ultra non ferrent, dynastam monuerunt, vnum Thomam apud Vriquenses instar omnium esse, illius auctoritatem ceteros vereri, nec eo viuo posse à neophytis quicquam è dynastæ voluntate extorqueri, eo sublato ceteros facillè defecturos, totamque illius Ecclesiæ molem subducta illa, cui innitebatur columna, facillè ruituram. De-

struere

struere omnia paranti facillè fuit annuere, quod gratum erat postulari.

Per suos itaque moderatores ficarijs duobus mandat vt Thomam fidei Christianæ propugnatorem extemplo conficiant. Feria sexta ominato ad coronam die, matutinis horis ficarij domum ingressi, Thomam inclamant. Dormiebat etiam tum ille, quod pridie longo sermone apud neophytorum cœtum, de rebus, quæ homini sunt extrema, in altam noctem perorasset, eo animi impetu & eloquentia, vt extrema sibi omnia præfagire coniectares.

Inclamantium voce somnum expulit, cuius ictu primo dextera manus, quæ naturæ imperio, scuti munere functa erat, excutitur. Nec plura; iam quid ageretur assecutus, coram Christi è cruce pendentis effigie in genua prouolutus cancellatis in crucem brachijs vulnera excipit, Deo gratiam illam qua poterat voce gratulatus. Eum à tergo ficarij certatim inuadunt, multisque vulneribus lacrum egressi dimittunt. Sed cum spirantem adhuc ex orantis voce deprehendissent, altis denuo vulneribus luçantem animam eluctantur. Et vt regni moderatoribus fidem facerent cædis perpetrata, exanimi alteram aurem amputant, eamque corporis partem, qua fides ex auditu in animum penetrarat, illi eripiunt, cui iam beata eorum, quæ audiendo crediderat, visio fidem sustulerat, & in melius commutarat.

Notā à Sicarijs conficitur.

Erupit inter neophytos extemplo tristis, an latus, nuncius: accurrunt omnes, sacrum corpus colligunt, venerantur, ac viri vitam sortemque in morte collaudant, collecto sanguine, ac distributis inter se vestibus, quam de viri morte opinionem haberent, prodiderunt. de quo nunquam dubitatum est nec dubitari potuit, in Christi causa vitam posuisse. Sacræ mortalitatis exuuiæ à neophytis Nangasaquium delatæ in Societatis æde, cui à Diuis nomen est, in ceterorum martyrum consortio iacent, quorum, nihil est dubium, eum in æterna beatitudine, societate gaudere. In cuius certamine ac triumpho Arimenses interim reliquamus, dum se ad maiora parant, & quæ alibi sparsa sunt fidei certamina, vel virtutis exempla colligamus.

Sacrum corpus Nangasaquium deferitur.

Et quidem Arimensibus Omurenfis Neophyti facinus egregium

*Omurensis
neophyti Ga-
ria certami-
na.*

gium vicinitatis iure coniungamus. Illum sacrificuli ethnicis alijs permixti rogant, vrgent vt à Christo deficiat, frustra omnia tentantur, æquè frustra intentantur, à minis ad manus venit, verberibus, fame, siti omnique sauiendi genere certatur, ex omnibus machinis vna victoriæ desperatio reportatur. Sed ab ipsa desperatione desperata consilia mutuati, intra stramineum mapale arsurum includunt. ipsa siccitas flammis vocabat, momentoque conflagraturus videbatur: vrgent vt Christum eiuret, sin, ignem ostendant, intra cuius pabulum tenebatur: quibus illa ex ara sua hostia, vt rebatur, ita respondit: vt vt vultis ita sit, nulla me res à Christi fide in qua vna est salus, auocabit; hoc ipsum quo me deterretis, ambio, supra vitam. Nec mora. sacrificulorum furor ad neophyti constantis petram collisus ignem dedit, ardet mapale, sed ardet quoque ardendi desiderio neophytus, constat sibi, nihil mouetur suo periculo, cum incendiarij ipsi mouerentur alieno. Cum enim hæc omnia eo vergerent, vt à fide, non à vita deficeret, ignem sistunt, & è medijs flammis iam iam arsurum eripiant, hoc vno repugnantem quod præsens è manibus corona laberetur. Sed ille qui bonorum nostrorum non indiget, operum præmia non tam facto quàm voluntate metitur; interim tamen festinati supplicij acerbiteratē proscriptus exilij tarditate compensauit.

*E medijs
flammis ere-
ptus in exili-
um mittitur.*

QVIS RELIQUA IAPONIA REI

*Christiane status hoc anno
fuerit.*

CAPUT XVII.

Cum in hoc volumine id mihi scribendum maximè proposuerim, in quo Iaponensis Ecclesia fortissimè in fidei causa decertans triumpharit; quidquid alibi gestum est, vbi mitius oppugnata mitius repugnauit, id solum sicut omitti planè non debet, ita debet calamo currente perstringi, quod hoc vno capite faciam breuiter velut è specula Iaponiam lustrans, & loca Christianorum cultu celebria calamo velut digito indice singula demonstrans, postquam obtutu in vno prius exhibuerim vniuersa. Ecclesia quippela-
ponen-

ponensis (si Arimensem agrum, regiámq; Yendo exceperis, de quibus supra fusè) alibi concussa est, alibi trepidauit, alibi proxima mala prospexit, alibi deniq; pristinam pacem cursumq; retinuit. Er in hac quidem rerum varietate satis mirum est, & ad detergendum, mœrorem efficax videri potest, quater mille trecentos & octo supra quinquaginta hoc ipso anno Ecclesiæ nauem ingressos, adultos omnes in portum salutis aspirasse; hinc vt colligi possit, quanto numero nauim hanc sint conscensuri mari tranquillo, cum tot præsentem non exhorruerint procellam. Verùm breuitatis nostræ memores per singula salcitemus.

*Baptizati
anno 620
4358. adul-
ti.*

Nangasaquij vicinisque in domicilijs solita omnia, nihil insolens, nisi quod hoc etiam anno crux alia par ferè superioribus in pago Varacami reperta sit, quã Crucis hostibus heris suis famuli Christiani, qui repererant tradere nolentes, exilium, crucis inuentę conseruatęq; præmium, susceperunt. In oppidis Xiqui & Conzura nihil dum hoc anno circa nostrorum sedes immutatum. Conzura hoc præclarum; Ethnicam mulierem in lethali ægitudine suscipiendæ fidei nostræ cupiditas incessit; vocantur nostri, instruitur, baptizatur, nec ita multò post ad extremam luctam vi morbi deuenit; aderat luctanti neophytus cordatę pietatis vir, qui orandi causa in secretiorem thalamum se recipiens à Domino postulauit, vt sacri fontis vim in animos vires suas exerentem signo aliquo externo demonstraret, vti testibus etiã ethnicis fidei suæ authoritati cõsuleret. mira res. vix benè redierat ad ægram cordatus orator, cum se quod postulauerat exorasse cognouit; eo quippe tempore, quo mulier animam exhalauit, vniversam domum splendor illustrauit, qui sensim se in sublime recipiens credit⁹ est splendentē recenti nitore morientis animã in cœlũ deportare; quã rem ipsi neophyto sed spectatorib⁹ ethnicis multo magis admirationi & stupori fuisse referebat.

*Baptismo
miraculo
comprobata.*

Non absimile prodigium Facatę fuit in regno Chicugen: nam cùm dynasta inde nostros eiecisset, & ex alio suo oppido Amangui satis illibens, & Imperatoris metu adactus, templumq; amplũ illud & percomodum solo æquari iussisset; insolito quoq; splendore cœlestique calculo res est improbata: nam continuas septendecim noctes fulgor admirabilis illustrauit, primum quã in parte principum

*Fulgor admi-
rabilis per
17. noctes.*

valuarum peristylum sacrum Iesu nomen affabrè sculptum exhibebat. Aduersa ex parte planè ex æquo oppositi tres ignes alij cernebantur, quorum qui medius erat, reliquos duos claritate superabat. latitudo ignium pedalis erat, sex cubitis in sublime confurgens: ad quod spectaculum toto illo tempore multi conuenerunt, & è nostris frater vnus, alijque domestici plures oculati testes prodigium spectauerunt, quod æquata solo per eos dies æde sacra nunquam alias deinde comparuit. Sed & aliud in eadem æde diruenda portentum fuit. Fabri petulantius inter diruendum Christi sacra & Ecclesiæ ministros prosequentes, subitâ trium columnarum ruina, qua parte minus illam minabantur, oppressi tres, ipso momento perierunt, è cæteris saucios triginta sex ex illo numero breui mortuiros cæteri extulerunt: territiq; omnes à blasphemis deinde scematis, diæterijsque sibi temperarunt. Dynasta ipse ausus non est è lignaria ædis itruere in vsus suos quicquam conuertere, sed vniuersam scaphis impositam Nangasaquium ad nostros voluit deportari.

Ethnici blasphemii tres oppressi de repente, 30. ad mortē saucij.

In Regno Chicungo, Xanagauæ domicilium nostrum eadem tempestas inuoluit, quam dynasta quoque, quàm diu potuit suo fauore suspendit, ac tandem vbi se suaque, ni faceret in discrimen videbatur adducturus, multis se apud nostros excusans eos perofficiosè dimisit; ædem tamen sacram ac priuatas, adhibitis, qui eas curarent, certis hominibus, intactas esse mandauit, nec adduci potuit etiam ab vxore rogatus, vt eas sacrificulo nescio cui traderet, quod diceret, se breui nostros, cum primùm liceret, ad se reuocaturum; & apud similes dynastas nostri maiore libertate suas excursions ad visendos subindeneophytos exercent.

Dynastarum quorundam fauores Christiana Et antè procedit.

Apud Bungenfes tria nostrorum domicilia steterunt illa quidem, etiam hoc anno; sed postulante regulo, exercitiorum publica libertas non nihilest imminuta, quod Euangelij cursum stitit quidem, sed non planè siccauit.

Firoximæ dynastæ fauore Christiana res solitum cursum tenuit, nihil imminutâ inter tot procellas libertate; nam tamen si non defuerint obrectatores, qui omnia euerfa voluissent, illis tamen surdas aures præbuit, & vt beneuolentiam augeret, submissa Orizæ magna vi, cæteroque sumptu, magnam partem domesticæ tenuitatis

tis laxavit angustias. Publica igitur neophytis defuere pro fide cer-
ramina, priuatim quidam fortiter decertarunt. Christiana virgo nu-
bilis ethnico marito per fraudem datur, qui se fingeat esse Christi-
anum, in cuius ædes cum aduenisset, detecta fraus est: Ethnici ritus
acriter suadentur, frustra. domi recluditur, incassum; nemo ad eam
solaturus admittitur, ipsa sibi suffecit tanta etiam moderatione, vt
nullum irati animi signum in ea posset deprehendi. Tandem cum
ærumnis colluctata morbum contrahit, lentæque febricula sensim
contabescit, & res iam ad extrema deuenerat; cum miseria mortis
imminentis miserationi tandem locum dedit. Sacerdos noster eius
rogatu admittitur, expiatur, moritur Christianè, tantumque sui de-
siderium virtutis admiratio reliquit, vt Christianum mortuæ fu-
nus curauerint: vestes ac cæteram eius suppellectilem velut sacram
tangere veriti religioni sibi duxerunt, nisi eam ad nos remisissent.
ac deinde octiduo post veritati diutius oppugnatae modò cognitæ
manus dantes maritus ac frater in Christi castra transierunt.

*Christiana
virginis
ethnico per
fraudem ma-
rita patientia.*

Alia mulier infantis ethnici nutrix adduci nunquam potuit, vt
à fide deficeret; in arce degebat solita: matronarum solitudine de-
tenta, neque illi cum villo neophyto facultas erat colloquendi, ergo
cum dies abirent ac menses, ipsa sextæ feriæ sabbathique ordine, la-
bente memoria, excidit, tantæque fuit in ea Christianorum rituum
observatio, vt carnum sibi edulia perpetuò interdixit, ne si ali-
quando vesceretur Ecclesiastici præcepti vim etiam ignara viola-
ret, eaque res duodecim totos annos tenuit, donec illi tempus sa-
cramenta suscipiendi commoditatem dedit.

*Abstinentia
à carnibus
singularis ob-
seruantia.*

Excursione quadam ex hoc Firoximæ domicilio sacerdos no-
ster incidit in rem nullo modo prætermittendâ. E regno Chicuien
neophytus quidam pulsus duodecim iam annos totos exulabat, is
in regnum Nagato veniens viculum quendam familiarum septua-
ginta reperit, in eoque sedem sibi delegit, eo consilio vt incolas ad
Christi fidem adduceret. Res illi successit ex voto, nam conciona-
toris partes agens, ad Christum adiunctos, sacerdotis penuriam
supplens omnes ritè baptizauit, ethnicosque inde ritus ita proscri-
psit, vt nullo alio nisi Christiano nomine, Iaponensibus exclusis, vo-
carentur. Fortè non procul inde sacerdotem nostrum transire fa-

*Neophytus
exul & cum
integrum cō-
uertit, bap-
tizauit, Chri-
stianè instru-
xit.*

ma vulgavit, qui ab ijs euocatus, cùm in vicum ex itinere deflexisset, dubium an lætitia magis quàm admiratione correptus fuerit, ita ritè baptizatos, ita Christianè instructos, ita obseruantes inuenit. Vt igitur cætera suppleret, Missæ sacrificio nondum ab ijs viso neophytos recreauit, pœnitentiæ sacramento tum primum expiauit, ceteraque addidit omnia, quæ deesse videbantur. Erexerant illi honesto in loco crucem ad quam oraturi conuenire, litanias decurrere, statis se diebus flagellare, defunctorum corpora inferre consueuerant.

Quid hoc anno Miaci.

Apud Miacenses pacata hoc anno omnia solito cursu pergebant; hoc peculiare, quod nunc primum in Dairi regia Christianæ fidei rudimenta ipsius mater, vxor, matertera inaudierint, itaque probauerint, vt in æde sacra nostra curiosius omnia contemplata, spem fecerint illius suscipiendæ, nisi annui census amore quemè prophanis cœnobijs, quibus præsunt aliquæ, alijsque impedimentis tenerentur. Ibidem Iusta Ioannis Arimensis quondam vxor Miaci viuit ab exilio reuocata, suam retinet pietatem, nec adduci potuit à consanguineis Dairi familiaribus vt Christum eiuraret. Iulia in deserta sua Insula, eadem semper animi fortitudine tolerat exilium, seque diuinis gaudijs orationi apprimè dedita solatur. Fuximi, Sacai, Ozacæ, quæta omnia. E neophytis Fuximi vnus vir nobilis suo sumptu alit quatuordecim illos aulicos ab Imperatore proscriptos, neque ab ea re fortunarum aut capitis discrimine deterretur. Atque hîc Anni huius res gestas claudimus ad maiora paulatim properantes.

Libri Secundi Finis.

CHRISTIANIS APVD IAPONIOS TRIVMPHIS

Anno Domini cio ioc xiv.

LIBER TERTIVS.

*QVIBVS EX CAVSIS IMPE-
rator auctum furorem in Christianos
renouarit.*

C A P V T I



Vi tragædias scribunt, eas in suos actus & scenas ita partiuntur, vt à leuioribus malis ad atrociora continuo velut incremento delati catastrophæ eò perducant, quò altius fortuna sæuiens vix possit intumescere. Hanc ego tragico comœdiâ scribens, nihil habeo quod de continuo laborem incremento, res enim ipsa hunc ordinem secuta i-

ra succrescit, vt quæ præcesserunt præludia dici possint futurorum; verum in fine deficiens pro catastrophæ coronidem nobis applausumque suppeditabit.

Antehac Arimæ ferè aut in regia vtraque sæuitum, regna cetera fragorem potius quàm calamitatem sensisse dici possunt. Et quidem Miaci, Ozacæ, ceterisque in locis, quæ Cami nomine includuntur; apud Bungenfes, Fingenfes, Fijenses, & alibi, vel antiquo li-
ber-

bertatis torrente Christiana res voluebat, vel conuiuentibus dynastis Euangelij cursus non nihil sistebatur potius quàm arescebat. Nam tametsi plerisque in locis fulgetra quosdam priuatim perstrangebant, & vbique non vani timores angebant, in solo tamen metu fere mala sistebant, neque ita mordebat Cerberus, vt latrabat. At nunc & deinceps ex omni simul plaga ingruente procella, Iaponense cœlum obuoluetur, & vnico impetu tempestas præsens occupabit vniuersa (quæ hoc libro describemus prope ad finem, qui cœlum rursus ab ætheris nubibus aperiet) Nunquam alias æquè sauitum, nunquam aliàs æquè se procella diffudit.

Anni superioris ab Imperatore quies sopitæ tempestatis benignum sidus ostentabat, donec ab Yendo alterâ regiâ secundus ab Imperatore furor in Arimensem agrum delatus, prout retulimus, vtrobique sæuisset. Atque vtinam seipsa contenta lues nihil vltra suos limites mali contagione vulgasset, tolerabile fuisset, quod cum tanta Dei gloria coniunctum optari potuisset videbatur. Verùm ex hoc iterato furore accidit, quod in morbis, qui maiore periculo recrudescunt. Non ferebat annos iam sexaginta quinque, ex quo Societatis nostræ opera nouale hoc eruderatur, humana salutis hostis implacabilis, tot sibi quotidie prædas eripi, & Iaponiam sensim in cœlum emigrare, quæ nuper nullum aliud iter noverat, quàm quod eo doctore ac ductore in Orcum didicisset, & diuinorum iudiciorum venerabilis homini potius, quàm scrutabilis profunditas huius Ecclesiæ tentandæ tempus designarat. Hinc omnis causa peti ac pendere debet; nam cæteræ sunt primæ huius causæ, quæ cum illa conspirant, adiutrices. hoc solum inter vtrasq; discrimen inuenio, quod etsi secundæ causæ peccent committendo, prima nihil peccat permittendo, cuius sapientia fit, vt mala nostra ipsius bonitate in meliora translata quodammodo corrigantur. Nihil tamen minus, quibus causis permota mortalium malitia eo vsque sæuierit, ad historicum pertinet expendere; non ideo tantum, quod ex ijs rerum series texti debet, sed vt etiam constet, quanta innocentia morumque integritas hæc ipsa certamina cohonestarit: cum multum referat ad malorum quæ patimur solatium, cum sola pœna sine culpa conflictari,

Causa remotiores.

Dæmonis inuidia.

Dei permisso.

Primum

Primum itaque proponamus nobis Imperatorem simulacris
 additissimum hoc ipso à Christi sacris abhorrentem, quæ non ut
 cætera Iaponensium sectæ, secum reliquarum sacra patiuntur, nec
 ita se tueantur, ut tamen alia non evertant. Sed arca Domini ab eo-
 dem Maiestatis ac diuinitatis throno Dagon excludit, & Christi re-
 ligio sectatoribus suis ita salutem promittit, ut ab ea cæteros inter-
 cludat. Proponamus nobis eundem non vno religionis titulo Chri-
 stianis aduersantem, sed qualem initio proposuimus, suspicacem
 in ea parte, quæ regum pupilla dici potest, quæ sola refugit quodlibet
 aliarum rerum etiam in solo contactu consortium: ea est impe-
 randi libido, quæ id omne metuit, unde vel ex umbra territatur. Pro-
 ponamus denique hunc ipsum ita seipso comparatum, ijs quotidiana-
 no conuictu congressuque vallatum, à quibus ipsi Principum nu-
 tus adorantur, qui cum ipsi quoque eadem scabie laborarent, quid
 mirum si quoties pruriebat, se mutuo perfricarent, malumque ipsum
 augerent renouando. Nunc quid hac ratione nutantem proximè
 impulerit ad ruinam expendamus.

*Imperatoris
 in Christianis
 odium.*

*Eiusdem sus-
 piciones.*

Post aulicorum suorum proscriptionem nihil amplius moue-
 rat Imperator, neque de re Christiana nisi fortè apud Arimenses in-
 centore Sasioie admodum laborabat, cum ecce tibi rumores in fi-
 lij regia excitati sopitum intra cineres incendium prodiderunt. Ne-
 gligi à Christianis Imperatorum edicta, plus apud eos posse barba-
 rorum mystarum auctoritatem, quam suprema Iaponensis rei pub-
 licæ imperia, in media vrbe palam ipsi principi repugnatum, nihil
 cum clementia, nihil minis, nihil tormentis, ipsaque morte impe-
 trasse. Neque hanc pertinaciæ notam paucis vnus vrbs ciuibus
 irrogatam posse in fauorem eleuari, cum non ita multò post apud
 Arimenses grauiora contigerint, vbi nihil dynasta precibus infimis,
 nihil puerilibus ad indignitatem lachrymis à suis impetrauit; ne ut
 ad vnum duntaxat diem conuiuerent, & principi suo res suas
 tuerentur; in ea pertinacia lentos ignes cum gaudio non à mili-
 taribus solum animis, sed à debiliore sexu, ab ætate teneriore ita to-
 lerari, ut à cæteris optantur quæ sibi quisque conducibilia arbitra-
 tur. Incidit tertium intra idem tempus Christianorum scelus, quod
 sectæ suæ reum scelerum suorum legibus pœnas dantem nullo re-

*Traducun-
 tur apud Im-
 peratorem
 Christiani,
 et qui edicta
 contemnunt.
 Ut pertinaces.*

Ut impij.

ligionis prætextu adorarint. E quibus quis non videt eam legem, quæ Principum est contemptrix, quæ pertinaciter mori decorum arbitratur, quæ reorum infamiam numinum cultu cohonestat, ex ipsa orci face sentinæque in orbis perniciem exhalasse. Et ut sapienter, velut sibi videbatur, & ex legis Christianæ adytis dicta confirmet, ineptè blasphemus Saffioie frater Christianos, ait, Deū colere, qui infami reorum supplicio inter latrones medius expiravit; hinc fieri ut ipsi ad Magistri similitudinem aspirantes, putent se non posse fato nobiliore interire.

*Ut Imperio
Iaponia pe-
riculosa.*

A lege damnata venit ad eas rationes quibus Imperia stabiliunt, qui videri malunt quàm esse sapientes. Quis ferat eam gentem cuius industria tanta est, ut prope balbutiens ciuibz nostris persuadeat patriæ religionis numina esse nomina, eos qui ea per tot ante secula semper coluerint, amentes vixisse, arduos interisse; cuius auctoritati cedunt multa ex ijs damnanti, quæ veneranda tot sæculorum usu antiquitas comprobavit, vilius esse propria quàm aliena manu mori, non esse iustum quicquid armis occupatur, coniugia coarctat, multaque alia persuadet, à quibus natura abhorremus. Sed quàm pertinaciter magistrorum suorum dicta retinent palpamus. Quid non ijs auctoribus perficietur, à quibus ciues nostri hunc in modum fascinantur? nihil est quod non timere possis ab eo cui persuasum est semel scelestos venerari, principes contemnere, mortem exoptare. Hæc aliaque multa coram Imperatore de Christianis disputata, id ab eo impetrarunt, ut eam legem impiam, periculosamque pronunciaret.

*Ut qui reos
adorent.*

Triplex igitur accusatio, aut vna potius tribus euentis confirmata, inauditam legem nostram non iniquè minus quàm ineptè damnauit, quibus ut satisfaciam superfluum puto apud eos, qui aliis oculis obiecta intuentur. Solum superest, ut vnde orta fuerit offensio quæ de adorato reo ferebatur subijciam. Nouembri mense anni superis neophytus quidam Nangasaquiensis ciuis Miaciactus est in crucem & alij quinque ethnici cum eo plexi sunt capite, eo quod argentum contra leges sine Principis consueto sigillo distraxisset. Eum aliquot Christiani ad supplicium comitantur eo consilio, ut adsint morienti, sicut & Bonziji suos ethnicos comitari sunt.

sunt. Et fortè cum iam Cruci alligatus lancea de more cor trans-
uerberatur, neophyti qui aderant in genua prouoluti exeuntem a-
nimam fusis ad Deum precibus Christianè comitantur; quam rem
ex astantibus ethnicis nonnulli satis imperitè venerationem cul-
tùmque interpretati iocosè sparserunt coli reos ex Christianæ legis
instituto. Ex quo araneæ aulicæ, & præcipue Sasioye, vt suam apud
Arimenses crudelitatem excusaret, venenum fuxerunt, ac Impera-
tori telis suis irretito propinarunt; vnde si apes fuissent, caritatis in-
ter Christianos mutuz mellisuum fuxissent fauum.

Ab alienatis in hunc fere modum Sasioye industria omnium
animis infenso Imperatori superuenit ipsemet opportunus, is enim
commercijs regijs in Emporio Nangasaquienfi præpositus, dimis-
sis aut exceptis quæ suis temporibus appellunt vndiquaque nau-
gijs in regiam recurrebat, inuenit Imperatorem venationibus oc-
cupatum, & à serijs feriantem. Incidit cum eo de Arimensibus ser-
mo, quem, ne sibi deesset, non Christianos minus extinguere, quàm
dynastam exturbare cupienti, ita texuit ad Imperatoris ingenium
appositè, vt quicquid in Christianos iam diu coquebat, impetrarit.
Conclusa sunt igitur in Christiani nominis extremam perniciem,
quæ subijciam. Religiosi omnes Europæi & indigenæ sacerdotes
& Ecclesiæ ministri tota Iaponia expellantur: ijs eiectis templa o-
mnia diruantur; Christiani omnes exscriptis vbique nominibus se-
riò modisque omnibus ad deficiendum à Christo laceffantur: qui
renuerint tormentis atrocissimus vrgeantur, pertinacès morian-
tur, eorum corpora Christianorum cultui subducantur. Hæc anno
superiore per Decembrem exeunte constituta breui ad Christianos
cruperunt.

*Imperator
ab Sasioye in-
cenditur.*

*Noua contra
Christianos
decreta.*

MIACVM TRISTIS NVNCIVS ET VNA

primus procella turbo defertur.

CAPVT II.

Sasioie quippe primarius malorum incentor, vt facti huius inui-
diam à se amoueret (quasi verò illius fraudes quemquam la-
terent) nunciū expediuit, qui Collegij nostri Rectorem de tota

re admoneret. Literarum breuitas me admonet, ne illarum exemplar omittatur. Curforem hunc expedio nulla alia ex causa, quàm vt te moneam, quòd Imperator cùm inaudisset Christianos reum illum, qui argentum informe distraxerat, & Miaci in crucem agebatur, veneratos, dixerit eam legem, quæ persuadet coli reos legum publicarum violatores, & latrocinij conuictos, eosque, qui à suis Principibus maclantur aut concremantur, legem esse à malis genijs inuentam, quæ ab illius ministris non sine immani scelere euulgatur. Eam rem ex animo doleo, dolorisque mei testem hunc nuncium expedio. Hæc Sasioie. Idem paulo explicatius etiam constitit alijs literis eodem tempore ad neophytum transmissis, ab vno è familiaribus Imperatoris, à quo dudum neophytus ille alteri amicus ad eiurandam Christi legem sollicitabatur.

Christiani Miaci & vbique tota Iaponia Christi Domini Nara-lem magna celebritate peregerant, cùm biduò post Miacum tristis nuncius aduenit, è quo, tametsi sæpe timendo minus iam timere didicerant, sapientiores magna imminere mala coniectarunt. Collegij nostri Rector ad Sasioie mittit è fratribus nostris indigenis vnum virum prudentem, qui de Miacensi reo explicet, offensionisq; causam diluat. Interim quia parùm in eo præsidij sperabat, in ceteris nullum; antequam vltèrius scuiretur, aliquot è nostris temporè occultauit, ne cum nomina omnium exciperentur, tardius esset re desperata consilium, quod fuisse in primis salutare comprobauit euentus. Frater noster à Sasioie non reiectus solum, sed & increpitus, quod alieno tempore in regiam aduenisset, desperata iam esse omnia, extra Iaponiam excepto nemine pellendos omnes, nullum superesse deprecationi locum, aditum nullum ad rem restituendam posse aperiri. Et verè sanè, quod ipse qui clauem gestabat, aditus omnes occlusisset.

*Miaci descri-
buntur Chri-
stiani.*

Prius Miacum, quàm tonantis Iouis fragor audiretur, fulgur præcesserat, rerùmque futurarum metu consternarat. Nam Miacensis Gubernator die 27. Decembris anno superiore exeunte tota vrbe edixerat Christianos nominatim & sectarum Iaponensium sectatores separatim pro sua quemq; secta describi. Sed quoniam in solos Christianos faba cudebatur, quod vitandi tumultus causa

cœptum

cœptum fuerat, conquerentibus ceteris, momento conquieuit, & deinceps soli Christiani in tabulas referebantur. Ex insolenti factum coniectura veritatem venatur, adueniunt literæ Sasioie, ac paulo post aliorum, quæ rei veritatem, quæ inquirebatur, prodebant. Ea descriptio ex Yendo regia desumpta nouo inuento furori materiam præparabat, ne esset qui se malorum atrocitati subduceret, postquam aliorum pœnæ timere docuissent.

In hac descriptione certamen fuit Christianos inter ac descriptores edicti ministros, sed aliud quàm sperabatur; hi paucos exscribere laborabant, ex illis nemo se patiebatur excludi. Et quidem ubi familiarum capita suffecissent, filij, vxor, filiæ, famuli, ancillæ sua nomina obtrudebant; quin pro ijs quoque sollicitæ matres, qui sui curam per ætatem gerere prohibebantur, lactentes infantesque adhuc mutos ipsæ matres prodebant, ne esset è tota familia, qui se Christianæ fidei subduceret. Ipsi quoque id temporis catechumeni, quos nondum Ecclesia Christo pariens in fidei lucem eduxerat, pro Christianis exscribi se contendebant. Satis constat per eos dies ad sexaginta Catechumenos properato partu iustum tempus præuenisse, præcocemque in baptismo vitam impetrasse, ne mori pro Christo non possent, qui Christo viuere nondum inchoassent. Prima igitur descriptione, tametsi multi sua nomina in tabulas referri non impetrarant, supra quatuor millia numerus excreuit. Quam multitudinem non ferens gubernator (tametsi ab ea, quam Imperatori quadraginta millium dixerant, procul abesset) ne forte illi vitio verteretur, aut ne Christiani quibus illibens aduersabatur, acrius vexarentur, eam descriptionem iussit repeti, & quam paucissimos referri: nec tamen impetrari potuit, quin mille septingenti censerentur: tanta erat omnium concertatio, vt etiam qui se nulla sua culpa expunctos inaudierant, neque reclamarant, id sibi deinde religioni duxerint, vt infra narrabitur.

Ista porro nominum exscriptio multa secum neophytis adferebat incommoda. Primum enim cum illorum plerique in conductis ædibus habitarent, veriti qui eas elocauerant, ne religionis odium in ipsorum aliquam perniciem resliliret, acriter laborabant, vt vel à Christo abirent, vel ab suis ædibus. Nec pauci fuere ita im-

Certatim omnes describi solunt.

Etiā Catechumeni.

Quam incommoda Christianis hac descriptio.

mites vt asperissima hyeme cum omnia gelu rigerent ac niuibus opplerentur, inquilinos suos eijcerent; quos sæpe contigit, cum diuersorij omnibus excluderentur vnà cum familia tota in medio vico sub loue frigido pernoctare, donec ab alijs neophytis excipi, aut in alias ædes emigrare licuerit. In quo sanè officij genere alijs alijs fidelem operam præstiterunt, & sæpe angustias suas caritatis spacijs dilatarunt. Neque cum solis ædium dominis certamen fuit. Eo ipso tempore Ethnici complures vel propinquitatis iure, vel amicitia vinculo Neophytis illigati cum eorum periculum, suum putarent, acerrimè illos expugnandos sibi susceperunt. Sed illi qui iam atrociora prælia spe, victoriàsque nobiliores voto deuorabant, hæc facillè præludia reiecerunt. Triginta totos dies ea descriptio tenuit, quod spacium sibi neophyti seriaz comparationi seponentes, ea sibi virium conquirendarum auxilia compararunt, quæ deinde in futura certamina exererent; quas comparationes iam sæpe cantatas nolim vbi præclariora me vocant recantare; & vt non nihil præludam, interim dum Christiani publico magistratuum certamine laceffiti pugnant, vnum alterumue priuatorum præliorum specimen prælibabo. Adolescens annos natus omnino sedecim trimestre tirocinium veterani militis constantia cohonestauit. Vnus in ethnica familia Christum nouerat, & spem pinguis conobij patruo sacrificulo cesserat, quæ adolescentem præstolabatur. Eam rem parens ethnicus tulit impotenter, & primo furore se patrem oblitus filium suspensum atrocissimè flagellat, inde domo eijcit, exhæreat, nihil horum Christi causa reculantem. Interim domi nostræ degebat donec à parente reuocatus sibi Deoque victor pro arbitrato viuere permittitur. Alius à nobilissima matrona Taicosamæ olim Imperatoris vxore sollicitatus illius gratiam ac fortunas omnes ne Christum amitteret, libens amisit, resectoque crine ne quid super flueret, omnia abdicauit. Illius vxor maritum secuta tantis gaudijs incedebat, vt in ædem nostram pedes leucam prope gradiens accurreret, hac vnade causa, vt Deo de collato beneficio gratularetur. Puerulus quidam tentatus à matre ita respondit: Nutas in fide mater? ego martyr esse volo, neque Christum abdicabo vel si quidquid est rerum vbique mihi efferatur, quibus ver-

bis

*Christianorum cum
Ethnicis a-
micis certamina.*

*Adulter ad-
lescentis cum
Parente
ethnico cer-
tamina.*

Adulter,

bis contentam parentem cura liberauit. Sed nullus finis erit, si hæc minutiora persequar, ad maiora properemus.

MIACO NOSTRI NEC NON E RE-

liquis Cami partibus emittuntur.

CAPUT III.

IN hac neophytorum descriptione nostrorum quoque nomina *Nostri describuntur sed non omnes.* excepta sunt, eo consilio ne quis exilio se subducens procelloso tempore illius Ecclesie nauem è latebris suis moderaretur, naufragioque subtraheret. Sed non est consilium aduersus Dominum, cuius instinctu prælagus rector, vt iam dixi, præuenerat. Vix vnquã alias Miacensis nostrorum domus æque floruerat. Octo sacerdotes è nostris, fratres septem, alumni ad viginti eam incolebant, insolens in ea operariorum paucitate multitudo. Ex ijs sacerdotes tres; fratres totidem alumni sex exscripti, cæteri iam in suas latebras distributi exscriptioni publicæ, quæ satis obiter fiebat, subducti sunt diuino planè inuento, non enim nisi in hac multitudine id fieri poterat, alibi nostrorum paucitas piam fraudem excluderat. Hi deinde per vrbes proximas distributi nocturnis concursationibus omnia lustrabant, nec alicubi deerant, qui nusquam subsistebant. Volebant quidem omnes pio inter se certamine intra periculi aleam relinqui. Sed Principi dari oportuit aliquid ne totum exigeret.

Ex ijs quæ de Christianis sancita nuper fuerant, seruatofensim *In proscripti- one seruamus ordo.* ordine singula seruabantur. Exscriptis iam Christianis pastores à grege separari oportebat, vt facilius in eum lupi sæuissent. Et quidem tamen tota Iaponia proscribendos esse constaret, initio tamen Nangasaquium dimitti iubebantur, vt ex eo deinde portu simul omnes solita soluendi tempestate ad suos renaugarent. Vnde fit vt rei ordinem secuti, sensim omnes comitemur, & exhaustis quæ alibi gesta fuerint omnibus Nangasaquium accurramus exules reuifuri, & è Iaponia soluentes dimissuri atque solaturi. Nunc autem quoniam quotquot in Cami regione, id est Miaci, Ozacæ, Furimi, Sacay versabantur in vnam exulum prope iustam classem conuenerunt, eos à se inuicem non iudicauimus separandos.

Quæ

Iubentur nostri intra septiduum Miaco excedere.

Quæ de nostrorum exilio Decembri mense exeunte decreta fuerant, non ante Februarium insequentem cœpta sunt fieri, In cuius diem quartum ac decimum incidit ab urbano prætore sententiæ legitima denunciatio. Iubentur nostri omnes intra septiduum Miaco excedere, quotquot exscripti nuper ad eam proscriptionem legebantur, Nangasaquiū nauigent, ibique vrbani præfectis, ac totius prouinciæ præposito suo tradantur, donec sibi traditorum ratio exigatur. Interim sua secum efferant, ædes fisco relinquant lapponensi de more instratas, ad efferendam supellectilem nauigia ex publico designentur. Ea denunciatio quàm acerba nostris ceciderit, quàm luctuosa neophytis, cogitari malim, quàm explicari. Videbant illi se sua sede, quā annos supra sexaginta tenuerant ab eius auctore S. Xauerio, exturbari, quam in tanta temporum varietate toties desperatam conseruarant. Videbant hi se sacra æde solatio suo, sacrisque ritibus in posterum carituros. Iterum videbant illi se gregem lupis dispergendum dimittere; hi pastores suos importunissimo tempore sibi subtrahi deplorabant. Ingens igitur per eos dies in ædem concursus fuit, diurna simul nocturnaque Sacramentorum expiatio, pia collocutio, ceteraque huiusmodi, quæ in pari casu eadem vbique contigerunt.

Christianis Saledicunt.

In his auolant dies constituti, & primus supra vicesimum tristis illuxerat, cum ad Sacrificium magno numero conuenerunt, in quo fluentibus per ora lacrymis, compressisque singultibus dolorem testati, secum taciti expendebant, se hoc postremum sacrificium publico ritu spectare, pro quo singuli se in sacrificium substituebant corpus corpori, & sanguinem sanguini reddituros. Expleto per otium Sacrificio, ad exuendam suis ornamentis ædem, & sacro apparatu aram deuenitur; nuda templi facies attonitos omnes ingenti horrore consternauit, post quem orta omnium comploratio lamentabili omnia complebat eiulatu. Eum nostri, tametsi solatio indigerent, dissimulato dolore, temperarunt, appositæque oratione, ad malorum tolerantiam, ad meliorum spem prouocarunt. Inde domum dimissi quod comitari vetarentur, vix à socijs auelli poterunt, ipsique se ad imminens discessum accinxerunt.

Collegij Rector Pater Gabriel Matos priusquam abiret
ad

ad urbanum prætorem pergit, à quo benignè exceptus extremum auditur; ait optasse, se modis que omnibus procurasse, ne Imperator de nostra innocentia dimitteret inauditos. Id per eos qui aditus omnes occluserant, obtineri nunquam potuisse; quam ob rem se conceptis verbis pauca in eam sententiam scripsisse, ne veritati defuisse videretur; petere se pro continua in se, ac suos humanitate, ut scripti exemplum acciperet, & si quando res ferret, Imperatori legendum daret. Sperare se innocentiae locum aliquem & veritati fore. Prætor amicissimè respondit, & omnia liberalissimè detulit, quæ in eius essent potestate. Sed vana fuerunt omnia, non quod ipse in Christianos animo esset alieniore, quos imèrito vexari dolebat, ac dolere se præseferbat, sed quod aliena pericula pauci propulsent suo, rarique sint, qui apud Principes infensos innocentiae patrociniū veritatisque suscipiant.

Rektor scriptam prætori defensionem offert.

Sed urgentibus discessum ministris proscriptos nostros in portum abducamus. Miacum interluit fluuius non maximus, quem aquæ suæ subinde fere defererent, nisi ars in naturæ auxilium euocata eas intra angustiorem alueum contraxisset, & nauigijs seruire coëgisset. Ad eum fluuium, quoties elauione alueum egreditur, transmittendum, pontes duo ligneo, sed visendo tamen opere, in suos arcus curuantur, ad quos celebriores vrbs vici feruntur. Ad eos pontes rei solent concurrenti multitudini ad exemplum sua supplicia ostentare; in celeberrimo ex ea regione vrbs littore Prætor nostros soluere iubet, ut nostrorum exilium tota vrbe constaret. Et quoniam in exportanda suppellectile locus innotuerat, in eum locum ingens conuenerat multitudo, sed ethnicorum ferè, quòd illo ipso tempore Christianos intra suas ædes adhibiti custodes detinerent. Et tantæ multitudinis non vnus erat sensus; sed plerique tamen nostrorum vicem miserati prædicabant, qua vitæ innocentia tot annos externi homines in ea vrbe vixissent; nec vllus fuit ex astante hominum corona, qui fortunæ insultaret; amici autem multi dolorem præ se ferentes, vel muto silentio, vultuque tristiore, vel efficacibus verbis eum testabantur. Neophytorum autem, qui non pauci ædibus eruperant, tanta fuit comploratio ut soluere Paulus Mileto videretur. In nauigia tandem cum custodibus

Nostri Miacum soluunt.

dibus impositi secundo alueo labi cœperunt. In utroque ponte spectatores erant innumeri, è quibus aliqui exigua petulantis plebeculæ signa cum edere cœpissent à militibus cohibiti conticuerunt, quorum militum cum suo duce tanta fuit toto itinere in nostris humanitas, ut non in exilium rei deportari, sed cum amicis animi gratia nauigare viderentur. Id habebant à Gubernatore in mandatis, & quidem hoc nominatim, ut frequentibus conuiuijs à duce inuitati dolorem suum fallerent, & iniuriæ sensum mitigarent.

*Fuximi &
Ozaca exu-
lum classis
excreuit.*

Abest Fuximi sexies mille passuum itinere, eo ubi peruenerunt patres è D. Francisci familia cum aliquot Christianis æquè proscriptis in nauigio præstolantes inuenerunt. Illic quoque Miacensis cohortis præfecto traditi vna cum nostris nauigare cœperunt Ozacam versus, quæ septem leucas abest, quo priusquam illucesceret appulerunt, è quo portu in mare egredi Nangasaquium versus exiles oportebat, ibique ad fluminis ostium exulum classis excreuit. Nam præter sacerdotes nostros duos, adiutorem vnum, Catechistas tres Ozacæ descriptos è Franciscano ordine tres cum suis alumnis accesserunt. His adiuncti sunt, ex aquilonaribus regnis Sacerdos vnus è nostris cum suis catechistis qui iam præcesserat inde proscriptus, ut suo loco videbimus. Antequàm nostri Ozaca soluerent Miacensis collegij rector Urbano prætori apologiæ quàm scripserat alterum volumen dedit, cuius fructus in sola vrbaniitate constitit, propensaque hominis in Christianam religionem voluntate, quæ postremo cum quodam sacerdote nostro congressu non parum visa est accreuisse. Dicebat igitur valedicenti, duo se in Europæis sacerdotibus admirari, alterum quod tot pericula sponte suscepto per tot maria exilio contemnerent, alterum quod cum tanta vitæ innocentia tot mala tolerarēt. Cui noster ita respondit, se hæc ipsa pericula, quæ adirent, hæc ipsa mala, quæ tolerarēt per tot maria quærere, quod apud suos ea non inuenirent: Ex quo, aiebat, Iaponiâ attigimus, viri caput impositum credimus, quod leuiter cōtorra vite facile detrahitur à ceruicibus. Habere se tamen aliud quod sentiret, vnâ scilicet filiorum quos Christo pepererant orbitatem, ac si è nostris aliqui, quod facimus, latebras quarimus, non metu, sed eorum commodis prouocamur.

*Ozaca Præ-
tor duo in no-
stris admira-
tur.*

vocāmur. Obstupuit ille affirmans, eam rem sibi tantam videri, ut, aiebat, cupiditas mihi tantæ legis discutiendæ ingeratur, quod facturus sum, ubi sese remiserit hæc procella.

Soluit tandem Ozaca iusta proscriptorum classis nauigijs se-
ptem exportata, præter alia quibus duces militesque vehebantur.
Et postquam dies octodecim pari semper ducum beneuolentia nau-
igassent Nangasaquium tenuerunt, ibique singuli magistratibus *Exules Nan-*
urbanis, suisque superioribus traditi excenderunt. Duces autem *gasaquium*
accepta totius rei fide publica Miacum redierunt. Nostri quatuor *perueniunt.*
domicilijs excepti & in vicinas sedes distributi cum alijs, qui ex va-
rijs deinde partibus aduenerunt, rei finem præstolabantur. Nos
ad eos deinde suo tempore redituri, nunc ad Miacensium neophy-
torum pro fide certamina redeamus.

POST NOSTRORVM DISCESSVM QVID
Miaci contigerit.

C A P V T IV.

EXscriptos Miaci neophytos intra suas ædes excubitorum fides
asseruabat donec ab regia iuberet Imperator quidquid conspe-
ctis nominibus furor suggessisset. Ferunt eum conspecta mul-
titudine, quæ ad tantam nihilominus sese contraxerat paucitatem
satis impotenter excanduisse, & Miacensem prætorem acriter sugil-
lasse, quod eius incuria, eorum qui sua imperia spernerent (ita Chri-
stianos describebat) tantopere turba succreuisset. Noluit igitur
illi plectendorum, aut potius sollicitandorum neophytorum ne-
gotium committere, ne segniter ab eo transigeretur, cuius immo-
dica lenitate malum paulatim irrepserat. Habebat in aula filij prin-
cipis moderatorem (Sangamidono dicebatur) ducem in paucis
strenuum, cui si hoc negotium committeret duo sibi consecutu-
rus videbatur, nam & suspectum sibi magnatem honesto prætextu
à filio amouebat, absentē arce sua nullo tumultu priuaturus, quod
habebat in votis, & Christianos tanti nominis duce in sui perni-
ciem misso perterritos, sine vi ac sine sanguine, sibi dijsque patri-
js restitutus credebatur. Ergo cum selecta trecentorum *Imperator*
Sangamedo
num cu tre-
centis militi-
bus Miacum
mittit.

militum equitum ac peditum dimidiata manu, ducem, vt Christianos insequatur, amandat, non Miacum solum, sed & in reliquam Cami regionem. Et quia sperauit rem posse sine suppliciorum atrocitate confici, nullam ei proscribendi mactandue facit facultatem; sed hoc postremum quod omnes initio ignorabant, euentus declarauit.

*Sangamidonus
ades sacras diruit.*

*Christianos
omnes comburendos edicit.*

*Christiani
columnas ad
quas exurantur
pro foribus statuunt.*

Sangamidonus igitur imperatoriae fraudis ignarus ita veniebat, vt sibi de hoc munere gratularetur, & gratiam ex hac neophytorum persecutione venaretur. Miacum 26. die Februarij formidabilis ingreditur; & ne iniectum pauorem otiosa intermissione remitteret, die insequenti ædem nostram sacram, aliâque sacella duo, quæ hucusque steterant, magno tumultu diruit, & egestam inde lignorum congeriem ad fluminis ripam sub urbem mittit, eoque ipso die edicit Christianos omnes, quotquot Christum suum eiurare, & in patrios ritus coniurare renuissent, hac ipsa ædis suæ congerie ignibus correpta simul absumendos, & ne qua mora esset, pertinaces sibi ad supplicium columnam dedolarent. Nullus fuit vrbe tota, qui Sangamidonum nosset, cui non hæc agi seriò viderentur: & tamen neophyti non solum non hoc primo metu consternati titubarunt, sed rem sanè posteritatis memoria dignam aggressi tyranno vnam rei conficiendæ desperationem reliquerunt; neque enim solum sibi multi columnam suam illico compararunt; sed ne dubitari posset, quis exuri potius vellet, quam Christum eiurare, aliqui suas columnas pro foribus statuerunt & sæuienti tyranno conspiciendas obiecerunt. Generosa est diuina virtus si cuius animum semel occuparit. Ecce tibi non superliminaria paschalis agni sanguine conspicua, vt angelo percutiente sine vulnere transiliantur, sed ad proprij corporis sacrificium columnæ iam incendia prouocantes, ne sine vulnere à tyranno negligantur. Iucundum planè spectaculum, cum tot columnæ prostarent eorum, qui Christum professi ad nobilissimum funus aspirabant. In eaque re tanto à neophytis ardore certatum est, vt non defuerit, cui etsi paupertas columnam negauerat, sibi vestimenta detraheret. Fœminam ferunt Zonæ suæ precio columnam comparasse. Sed omnium vota Sangamidonus elusit, cum sine suis victimis ingloria ligna intra dies

dies paucos publico damnauit incendio, in quorum conspectu conceptum dolorem sibi neophyti deterfissent, si vna cum ædis suæ fauilla liberas in cœlum animas emittere licuisset.

Ex præclaro Christianorum facinore tyrannus alia nulla re minus quàm mortis, cui se deuouerant omnes, metu deterrendos intellexit. Prætoris igitur vrbanus, qui suorum ciuium sensa pernouerat, consilio vsus impofterum aliam debellandæ religionis inuit rationem. Vicorum præfectis mandatur, vt singulos, adhibitis propinquis amicis, precibus minisque eo lacefferent, vsque dum nomina sua publicæ descriptioni detrahi permetterent; quod si renuerent, nihilominus expungerentur, sparso rumore, quod expungi se permisissent. Huius fraudis scopus erat auctoribus, vt Imperatori nominum falsa obliteratione satisfieret, quem vera descriptione offensum fuisse constiterat. Irruunt igitur omnes eodem tempore in Christianorum ædes imperata facturi. Et primo è sacra suppellectile, quam apud eos inuenerant, harpastum exercentes omnia diripuerunt; tum ad suas artes conuersi, quid non fecerint facilius erit expendere, quàm quid fecerint explicare. Decem totos dies ea concertatio tenuit hoc euentu, quem triplicem esse si dixerò, nihil prætermittam. Primi precibus minisque cedentes Christum quidem apertè non eiurarunt, sed vt è libro vitæ nomina expungerentur, parum generose consenserunt: Alteri non hoc quidem permisserunt, sed per vim ab alijs factum parum cordatè dissimularunt. De his erit suus alibi dicendi locus. Nunc eos solos canimus, qui neque expungi voluerunt, neque dissimularunt, sed, cum fieret, fortiter reclararunt, & fraudem omnem, qualis qualis esset illa, exhorruerunt, & iudicum iras suppliciaque animosè prouocarunt.

Vicus erat in vrbe Miacensi, quem Christianorum appellabant, ideo quod eo in vico præter vnum ethnicum ceteri Christum profiterentur, quod nobilissimo quondam viro arcis vnus præfecto debebatur, exemploque superstitis coniugis Mariæ conseruabatur. Eum sibi vicum fidei hostes acrius exagitandum, deque sua firmitate deiiciendum frustra susceperunt. Primum duas familias, quarum capita Christianorum duces esse non ignorabant, extra vicum eiecerunt, vt ijs sublati minus ceteri repugnarent. Sed illi nihilo

Vicorum præfecti Christianos sollicitant.

Christianorum tria genera.

Miaci sicut Christianorum dictus.

*Christianorum
uxores
ac filij in sac-
cis stramine-
is colligan-
tur.*

fecius artes omnes minasque constanter eludentes, tertio chirographum suæ constantiæ rogati tertio tradiderunt, tandemque in verborum auxilium ministri operam euocarunt. Nam tertio Martij Prætoris vrbani famulus è primarijs, heri sui, & Sangamidoni nomine in vicum venit, ædibusque suis Christianos omnes educit, arreptasque illorum vxores ac filios intra stramineos saccos Orizæ vel tritici receptacula, singulos imponunt, funibusque fortissimè colligatos omni membrorum motu destituunt: viginti septem primo furore constricti, & in vnum omnes cumulum alij super alios iniecti. sed paulò post cum appareret aliquos superimposito pondere præfocandos, singuli iuxta se mutuo dispositi longum ordinem explicarunt: totum eum diem noctemque detenti spiritus ardore frigus acerrimum niuesque depluentes sub dio temperarunt. Non defuere qui tormento huic vna cum ignominia coniuncto in oratione defixi preces adderent; sed nemo repertus est qui cederet. reperti sunt etiam pueri aliquot qui supplicium illud precibus importunis ad parentum suarum similitudinem flebiliter impetrarint.

*Viri in eosdẽ
compingun-
tur.*

Die insequenti redeunt iudices & à fœminis puerisque victi ausi sunt cum viris certamen suscipere, spem aliquam ab ipsa desperatione mutuati. Exclamant igitur maritos qui suarum coniugum iniuriam non sentiant virorum appellatione indignos videri, nec indecorum esse, vt in fœminarum locum semiuari vocarentur. Ergo dissolutis alijs ipsimet intra saccos eosdem arctissimè vincti compinguntur, vrgentur deinde vt Christum abdicent, sin fecerint fore vt tota vrbe in eo habitu palis impositi baiulorum humeris deferantur. Sed cum æquè omnia reiicerent, ethnicorum cuneus ex composito euocatus accurrit, qui fictis precibus facile exorant vt soluti vinculis sibi tradantur spondentibus se defectionem à Christo procuraturos. Nec valuit ad eam rem impediendam quod fortiter ipsi neophyti reclararint, cum tota res ex composito ageretur. Traditi ergo ethnicis ne verbo quidem ad deficiendũ à Christo sunt lacessiti: & tamen à ministris clam libello expuncti numerum iminuerunt, sparso rumore quod à fide defecissent. Alibi quoque simili saccorum ignominia supplicioque certatum, de quibus multa dicenda superessent, si nihil esset omittendum. Sed omitti

*Soluntur
es è libello
expungun-
tur eorum
nomina.*

non

non potest Benedictus, quem domi suæ velut frumentum Christi compactum spiritus ardor continere non potuit, precibus, clamoribusque ut in publicum educeretur obtinuit: sed cum illi ad tegendam iniuriâ vultus intra saccum reclusus ab amicis fuisset, tantum effecit, qua poterat membrorum contorsione ut caput erumperet, seq; transeuntibus pröderet cognoscendum, idè quod honori sibi, non dedecori duceret in Christi causa ludibria tolerare.

Quid dicam autem de fœminis alijs atque virginibus in quas maximè tyranni sese furor exeruit? Illæ duce Iulia matrona grauissima voto castitatis ritè concepto (neque enim apud Iapones hoc tempore Christi consilia ignorabantur) communem vitam in pietatis exercitationibus sanctissimè traducebant. Iulia porrò postquam præmaturam viduitatem ethnicorum cœnobiorum austeritatis annis quatuordecim consecrarat, iam ante annos prope viginti Christum agnouerat, primâque Christianæ vitæ tirocinia sacrificulorum odio, quod simulacra quædam Vulcano tradidisset, futuris præludens consecrarat, ac deinde cœtum hunc Christianæ perfectionis æmulatione coëgerat. Eas quod nescio quid sacri habere viderentur, ethnici atrociter aggressi, splendorem virtutis non hebetarunt, sed acnerunt. Ergo cum iuniores huius tempestatis initio nebulonum libidini subduxissent, seniores extrapudicitia aleam positæ ad martyrij coronam adspirabant.

Ad eas expugnandas quinque dierum mora laborem lussit: exponebatur ijs optatam mori cupientibus mortem defore, sed nudas petulantis plebeculæ ludibrio per vicos exponendas, ac postmodum singulas separatim ut auxilio solatioque mutuo priuarentur proscribendas, nisi sua expungi nomina non negarent. Illæ verò; si expunxeritis, inquit, vicitim excurrentes in clamabimus esse nos Christianas, fraudemque nobis ac Imperatori fieri propalabimus. Hac illæ constantia cum carnifices euocassent, ubi senserunt aduenisse, obuic occurrerunt, momentoque in saccos compactæ, omni que per vinculorum atrocitatem motu destitutæ, baiulorū humeris è sudibus suspensæ per celebriores vrbis vicos nō sine militū manu armorūq; strepitu gestabātur. Eductæ sunt in suburbanū agrum reorum supplicijs infamē, in eoq; temerè iacentes diē illum,

Virgines sacra duce Iulia.

Compinguntur & ipsæ in saccos.

illum, & insequentem totum, contumelias, vincula, frigus niuem, que hilarissimè tolerarunt. Inter spectatores aduenit sacrificulus, qui sexum ignorationis notans earum salutem in se suscipiebat, quem illæ risu iocisque à se remouerunt.

Vnius factum admirabile.

Omnium ardor Christianas se profitentium.

Sacci quid portenderint. Coniectoris pronunciatum.

Admirabilis fuit vnus ex illis pro Christo patiendi ardor, nam cum propinqui, vt vinculis saccoque suo eximeretur, impetrassent, cum in parentum domum sella gestatoria inuitam reducerent, vicatim proclamabat, Christiana sum, inuita abducor. Ea cum in parentum ædibus sibi relicta esset, clam se non ita multò post subdixit, & ad socias per decem amplius vicos recurrens, vnà cum sacco suo, quem nunquam dimiserat, vt iterum vinciretur, exorauit, quo facto nō se solū, sed socias, cum spectantium admiratione, recreauit. Die insequenti, sub noctem, iudices illas reuifunt, iubent vt vinculis saccisque suis eximantur. Sed illæ iam ex alijs fraudem doctæ senserunt id fieri vt de illarum defectione fama spargeretur; Ergo inclamant, Christianæ sumus, nec hinc abduci nos patiemur, nisi præeunte præcone Christianas esse nos vicatim publicetur. Nec instantibus negari potuit. In humeros relati denuo terræ promissionis botri, præconem adiuuabant succlamando, quoties ille voce languebat. In neophyti domo depositæ sacram suppellectilem receperunt, ibi donec de ijs statuerit Imperator conquiescant.

Et quoniam de Orizæ, triticique saccis ethnici tormentum confecerunt, videtur oraculo non carere, quod per eos dies ethnicus coniecto de hac ipsa re quæsitus pronunciauit, Orizæ triticiue sacci seminis copiam notant, ea re multiplicandos Christianos interpretor, quantumuis coarctentur; faxit Deus qui Caiphæ ore vaticinium pronunciauit, efficiatque vt hæc frumenti grana non sola maneant, sed fructum multum adferant.

OZACAE NON ABSIMILI A CHRISTIANIS ardore certatur.

CAPUT V.

Sangamidonus, cui Cami regiones commissæ fuerant, à peregrinis Christianorum sacris expurgandæ, quem tenuerat apud Miacen-

centes ordinem Ozacæ voluit obseruari. Committit igitur prætori vrbs (Ichino Camidono dicebatur). vti Christianorum nomina curet exscribi; & licet solos negotiatores artificesque mechanicos in tabulas referri mandaret Miacensi prætorè altutius, ne nobiles ac militaris ordinis viros contra edicta Christianos esse constaret; impetrari non potuit, quin aliqui ministros fallerent, & sua nomina traderent, ne huius coronæ tempestas illis absque fructu laberetur. Admirabilis fuit neophytorum ardor, nam ad eum nuncium multi quos negotia forte alibi detinebant, ea abruptantes redibant, vt profiterentur singuli in ciuitate sua, si quos alios negotia necessario prius auocarent, quàm in suum vicum descriptio perueniret, vltro præueniebant, datoque chi-rographo ac reditus sponsione discedebant. Exscripti non secus ac Miaci post discessum nostrorum, intra suas ædes asseruantur: immissi quoque in eos propinqui & amici, vt verum esset, Inimici hominis domestici eius, hostiliter se gesserunt. Dicerem pueros atrociter flagris caesos, dicerem alios in antea domorum angustissima redactos, aliquot dierum in ediam tolerasse, dicerem alia multa, nisi toties recurrerent, & grauioribus locum cederent non illibenter.

Vix bene nostri discesserant cum Ozacæ præfectus Sangamidonius iussu in ædem nostram sæuiens, eadem qua Miacensem fortuna damnauit: ligna in insulam, quam fluuius aperit, comportata publico incendio exarserunt. Sed non est hic ausus Ozacæ quod Miaci malè cesserat, dum neophytos iisdem ignibus conflagratos minabatur; ne nihil tamen auderet, edici iussit omnes qui Christum abdicare recusarent, die in sequenti mactandos. Vix credi potest quanta inter omnes exultatio, totus dies abiit in gratulationibus, & cœpere multi quæ habebant in pauperes erogare, vt elemosyna martyrij meritum cumulerent. Incidit inter duos neophytos lis in forensibus iudicijs inaudita. Sodalitij præfectus quidam lethali ægritudine correptus decumbebat, & prope occumbebat. In cuius vicem noster sacerdos antequam abiret alium subrogarat. Ad ægrum peruenit nescio quis de postridiana Christianorum carnificina rumor; & quoniam primi Sodalitiorum præfecti

Ozacæ describuntur Christiani.

Eorum ardor in profitendis nominibus.

Sangamidonius ædem sacram diruit.

Christianos omnes mactandos edicit.

Æger sanatus intendit pro subeundo martyrio.

petendi erant, sibi suffectum accersiri inbet, & coram aliquot neophytis æger sano litem intendit: cum adhuc viuam, inquit, oportet me in hoc fidei theatro præfecti personam sustinere: non fuit ea mens nostri Patris, vt me martyrio priuaret, & quoniam ægritudo me breui extinguet, alia nulla post hanc occasio se mihi offeret pro Christo moriendi, si hanc neglexero, tibi prout res sunt, alia deesse non potest, præterquam quod Ecclesiæ Ozacensi minus inconfodi ex mea morte, quàm ex tua, qui viuus & vales enascetur. hæc ille, aliaque ita seridè ac si de alicuius hæreditatis possessione adeunda litigaret. Alter autem auctoritatem nostri sacerdotis testabatur, eum iam ex præfectum excludi, quod sine præuio labore, præmia consequeretur, hoc illius voluntate fieri cuius in manibus sunt *fortes mee*. Sed dies altera litem diremit, dum vterque spe sua excidit, sed non merito, cuius præmium ita incensa cupiditas non amitteret.

*18 in saccos
compacti.*

Vbi dies multorum votis bene ominatus illuxit, in reorum locum trecenti supplicij horam præuenientes præstolabantur, nec fuere plures, quod ceteros propinqui amicique domibus suis clausos ire prohibuerant. Aduenere iudices satellitio suo stipati, quos conspecta, tanta multitudine satis pœnituit irritasse crabrones. E toto nihilominus numero octo supra quinquaginta, reiectis ceteris, viri ac mulieres nullo fere delectu temerè seiunguntur. ij ad vnum omnes in saccos compacti & arctissimè colligati, prout apud Miacenses eodem tempore fieri narrauimus, delatiq; ad publicam ignominiam secundum celeberrimos pontes exponuntur. Hos comitabantur ceteri vel palam suam fidem profitentes, vel neophytis currentibus calcar admouentes, quæ duo ne facerent nulli satellitum fustes impetrarunt, vbi erat atrocior verberatio eò concurrebant, verbera pro saccis in meriti compensationem accipere gestientes. In hoc Christiani frumenti aceruo, grana erant selectæ nobilitatis germina: sed nemo nobilior Ioanne Reguli Aua nepote, nemo illius coniuge Magdalena, æquè nobili, quam à cupiditate martyrij non imminens partus abortusque periculum deterruit.

*Nobiliores
duo.*

Totum eum diem in hoc tormento transegerunt. sub noctem vnà cum iudicibus ethnicorum cuneus in fraudem corruptus accurrit, rogat iudices vt soluantur, sibi que sollicitandi tradantur: quod

quod cum fieret, illis frustra reclamantibus, magnus omnium tumultus vocem exulit, defectionem inclamando. Dimissi ergo, præter quatuor & viginti, cæteri ad suas ædes redierunt, hi qui vinculis superfuerant, vt qui notiores ac nobiliores essent Christiani in custodias immissi sententiam ab regia mensem vnum præstolati multa patiebantur, sed magna tamen hilaritate sperabant à gratia, quod à natura formidassent. Ex vnius epistola operæ precium est audire vt Deum suum etiam inter tormenta spirarent. Ad Ozacensem nostrum Nangasaquium inter cætera vnus scribit in hæc verba, Decimo octauo lunæ currentis in publicam custodiam ego, coniunx ac tres filij compingimur, & nunc 23. dies labitur. Peto vt nostri sis memor in tuis sacrificijs, vti nobis ad finem vsque constemus, non excidere nobis quas à te audiuius, piæ meditationes, nos tamen peccatores spiritali quotidie communione reficimus, sacrificij salutaris nobis præsentiam proponentes, sanctè nobis apprecare, veniàmque à Deo nobis impetra eorum quæ mente, quæ verbo, quæ opere deliquimus. Memores diuinorum in nos beneficiorum, labores non timemus, neque vitam æstimamus, imò has ipsas vires animùmque quem in nostris pectoribus experimur Dei Beneficium esse intelligimus & laborē fructus ac præmia quos in educatione nostra Christiana subiisti, pro quibus ex animo gratias agimus. Audio socios reliquos egregiè sibi constare, quod mihi summæ est voluptati, dies noctesque illorum memini, finio postulans vt Deo nos commendes. Vale.

Inuiti soluitur nonnulli.

24. in custodias misse.

Vnius ad Patrem epistola.

Hæc Urbani Neophyti. Sed ipsi quoque suburbani certant ac vincunt. Illustre est in paucis quod subiungo. In vicino pago adolescens Christianus villico Fideyori Taicosamæ filij seruiebat; is vt erat ethnicus audito eo quod in vrbe gerebatur mille artes adhibet ad adolescentem à Christo auertendum: sed cum omnia frustra tentasset in furorem versus adolescentem nudum ad sudem alligat, & arundinum ardentium manipulis totum corpus lentè amburit, crudeliùs vitæ parcens in lento supplicio, quàm si breuiore luctantem animam expulisset. Diu tenuit ea supplicij ratio coronâ inuidens lenti sed atrocioris inde certaminis. Sed non defecit animus adolescentē etiā cū lentos inter ignes patientissimè torreretur.

Christianus adolescens lento igni non cedit.

Ereptus est tandem supplicio ne morte lætaretur, bonisque exutus insignem secum victoriam exportans exulauit. Excurramus nunc in reliquas Cami regionis vrbes, ad Miacenses, & Ozacenses exemplo redituri.

*FVXIMI ET SACAIVM SVOS QVOQVE
pugiles exhibet.*

CAPVT VI.

*Fuximi no-
strorum se-
des.*

FVximi Taicosamæ nuper Imperatoris sedes frequentior, arcem habet ex primis Iaponiæ, frænando Miacensi emporio ac reliquis Cami regionibus aptissimam, eam duces quatuor tuentur sex præfidiariorum millibus instructi. Ea in vrbe nostri annos iam ferè duodecim sedem statuerant, sed quoniâ regio diplomate nondum fuerat stabilita, retrusa in interiora æde sacra, priuatas ad plateam transeuntium oculis exposuerant, easque ciuis primarij nomine possidebant. Tenuit ea ratio annos omnino decem, donec ante biennium primo illo huius procellæ motu excussus noster sacerdos Miacum se recepit, & ne disturbarentur ædes neophytus ille, cuius nomine possidebantur, Marcum appellabant, in eas emigravit, sacerdoti nostro, qui Miaco ad festos dies pridie (abest enim miliaria omnino sex) recurrebat, interiora relinquens. Quod cum aliquot menses factitaret, remittente se primo illo furore, nō dubitauit antiquum tenere, ad quem neophyti de more conueniebant nemine obstrepente, donec recrudescente malo compulsus est cum socijs, vt iam diximus, exulare.

*Exscribun-
tur Christia-
ni.*

Nominum exscriptio & cum propinquis certamina nihilo minore constantia quam Ozacæ vel Miaci processerunt, & hoc peculiare quod per eos dies non infrequens concursus fuerit ad baptismum, ita gratia de natura triumphabat. Multa mihi dicenda essent omnia persequenti, verum iniurius mihi in fortissimos Christi pugiles videbor & iniquus posteritati, nisi pauca selegero. Habebat Oquidonus imperatoris germanus frater, qui arci præerat vna cum alijs quatuor præsidij ducibus militem verè Christianum Petrum nomine (de quo inc. 25. præcedentis libri egimus) cui quod

quod multum fideret, beneuolus videri voluit, in eo ad defectio-
nem lacessendo, quo carebat illibenter. Varia praelia nihil intentat-
um dimiserunt, donec ad extremum misit, qui hæc ei renunciaret.
Imperatoriam constitutum Patres ad vnum omnes proscribere,
templa diruere, Christianos omnes cogere, vt vel Christum vel
vitam abdicarent. quo ita posito, quid ultra præstolaretur aut spe-
raret extrema sibi denunciatione renunciaret. Miles ita Chri-
stianè respondit, Non suscepi Christi fidem vt Christianorum ce-
terorum societate gauderem; quod sine exemplo cœpisssem sine
exemplo conseruabo, templorum ruinas & sacerdotum exilia fe-
ram quidem grauatè, sed si ad eandem proscriptionis pœnam vo-
cer, Deum qui nusquam deest licebit in exilio quoque reperire,
cuius vnus causa Christum me profiteor venerari. De cetero ne-
mo mihi molestus sit, proscribi me oportet aut mactari. Nec mo-
ra, fortunis omnibus exutus iubetur cum duobus commilitonibus
exulare: Quorum certamen ac responsa ipsa rei similitudo, dum
reticet, enarrabit.

*Sollicitanti se
Duci Miles
Christiane
responder.*

Maiores machinis Marcus ille nostrarum ædium inquilinus
impetitur. n. m. cum vir esset, atque haberetur, in pauperes benefi-
cius, cum quibus opes suas libens partiebatur, auctoritatem ex vir-
tute, beneuolentiam ex beneficio, sibi apud omnes facillè compa-
rarat. Ne igitur tali ciue priuarentur ad eum retinendum omnes,
vt sibi videbantur, amicè sauebant. Alios vt rueret alia spes per-
mouebat, nam cum neophytorum facile primus haberetur, mul-
tum ad ceteros inuoluendos illius lapsus pertinebat. Sed conatus
omnes irriti ceciderunt. Ergo Nangasaquium tandem emittitur,
sed ille pro Christo patiendi cupiditate prouocatus, ab hac senten-
tia leniter appellauit. Aiebat Nangasaquij se amicis abundare, quos
domi suæ diuersari constabat, non esse aptum exilij locum, si ad
pœnam irrogatur. Sed quia Imperatoris metus non iudicum vo-
luntas reum emittebat, pœnam lenire potius quàm irrogare cona-
bantur. Nangasaquium igitur ire cogitur, qui optaturus putaba-
tur. Sed antequam solueret amici rem dilaturi iudices rogant Mar-
cum sibi tradi, sperare se effecturos vt resipisceret; & verò liben-
tissimè annuerunt. Sed Marcus post increpitos acriter amicos ad

*Marcus neo-
phytorum fa-
cile primus,*

iudices se contulit, affirmans operam ludi, se nullius amori hac in re cessurum. Ergo collacrymantibus ipsis iudicibus Nangasaquium dimittitur.

*Eiusdem cū
Exore exili-
um.*

*Iterata Exo-
ri certami-
na.*

Ibat Marci comes Marina coniunx, & adoptionis iure filiola cum famulis aliquot. Vbi Nangasaquium peruenisset, non diuturna fuit quies, qua ex causa non satis constat, nisi fortè ut nouo ariete viri constantia quateretur. Marina reuocatur, quæ res Marcum sanè pupugit Marinæ periculo trepidantem. Sed dimitti oportuit. Repetita igitur leucarum prope ducentas nauigatione Marina cum filiola patriam repetit nouum certamen initura. Illa igitur capillitium detonsa, quod Nangasaquio soluens fecerat, iudicibus sistitur, quibus multa lacescentibus ita respondit, Si me hac ex causa Nangasaquio reuocastis, nunquam defecturam maestate, aut æterna seruitute damnare. Qua mentis firmitate tandem euicit, ut quo vellet abire sineretur, & mox Nangasaquium repetens tertia nauigatione ter victrix & exul ad Maritum est reuersa.

*Neophyti de-
fectoris pali-
nodia.*

*Torturamentum
atrox.*

Ex his qui nomina sua è libro vitæ expungi parum generosè diximus permisisse, vnus Feizaimon Ioannes se deinde intuens vires animumque collegit, cum quo reuersus ad iudices ita palinodiam recantauit, Feci quod non debui Imperatori iniqua iubenti obediturum ostentans. Eius me rei ex animo pœnitet ac pudet, Christianus sum, isque viuam ac moriar, vestrum est de me statuere pro arbitratu. Ea res iudices ita permouit ut atrox illi tormentum, quo defectionis scelus magno meritorum cumulo expiaret, ex templo compararint. Nam è publicis vinculis, quo ex priuata custodia migrauerat, eductum celeberrimo vrbis vico, ad palum conuolutis toto corpore funibus atrociter colligarunt, & ut acius torquerent pectus illi arundinū fasciis alligatur. Quinq; dies totos ieiunus, sub dio pluuiū per eos dies cœlū tulit constantissimè, tametsi nemo ad solatium cum eo colloqui sineretur. Expleto iam spacio quod citra mortē ultra non videbatur posse prorogari, soluitur in publicū carcerem quamprimum detrudendus, quo in pædore totum annum agens, insequenti scribitur capite minor martyrij palmam consecutus uti suo loco videbimus.

Interca dum Sangamidonus Christianos toto Cami persequitur

tur Imperatori obsecutus, ad Miacensem prætorem literæ veniunt quibus perduellionis ac perfidiæ reus ab eodem Imperatore declaratur, arce fortunisque omnibus exutus, præter tennes quos in Omi regno census habebat, eo relegatur. Et obseruatum est non sine stupore, cum arce sua exutum, eo ipso die quo Christianorum ædes Miaci concremari iussit. Ita nihil misero profuit, Imperatoris gratiam Christianorum venatione persequi, cum pro gratia exilium omniumque bonorum iacturam reportarit.

Sacay sesqui mense tardius, quam alibi toto Cami describi cœpti sunt Christiani, ex eo quod gubernator ante nouum ab Imperatore rescriptum nihil mouerit. Sed tarditatem atrocitate compensauit, quam neophyti tales exceperunt, quales alibi sunt laudati, nec repetito; sed duo solum sine nota non sum ausus omittere. Gregorius imprimis exscriptus, quia fidem sibi euelli minimè patiebatur, domusque recluditur, quarto post die velut iam capitis damnato compedes iniiciuntur & domus ianua ferreis clauis occlusa obseratur; dies duodecim adhibitis custodibus, asseruatur, apud quos etiam clausa ianua, ex fenestra declamans ita permouit, ut ab ijs ipsis fortiter occumbendū prouocaretur. Non defuere ethnici, qui conpedibus pedes exuere voluerant, sed ne fama desertæ ab se fidei hac occasione spargeretur, adduci non potuit, ut annueret. Educitur tandem post diurnam comparatione compedibus impeditus, & manibus post terga reuinctis, aut exportatur potius supino super asserem corpore. Venitur ad locū supplicij, in quo rê seriò agi nihil dubitans Deo, sublata voce coram infinita, quæ ad spectaculū concurrerat multitudine, gratias reddit immortales, quod se tanto beneficio afficeret inmerentē. Tum sacra Iesu ac Marię nomina sæpius inuocans ceruicē præbet, intentatū sæpius frustra ictum præstolatus; hæc enim omnia terrendo, quod in mandatis aliud haberent nihil, nō iugulando pugili parabantur. Soluitur tandē satis inuitus, & in arreptam manum calamū immittentes inuitum chirographum per vim exprimebant. Verū ille laxata manu calamum dimittens præstolantes elusit; & tamē excitato tumultu succlamatur. Defecit à Christo. Sed Gregorius altius vocē tollens, inuito murmure clarè exaudiebatur cū diceret, Nō defeci, sed nec deficiā, & tamē soluitur libérq; dimittitur. Nec ita multò post insigne facinus ethnici quidā admirati, Grego-

*Sangamida-
nus Christia-
norum perse-
cutor fortu-
nis exutus re-
legatur.*

*Sacay descri-
buntur Chri-
stiani.*

*Gregorius
domi sua
clauditur.*

*Cum morie
luctatur.*

Vincit.

rium

*Victor ab
ethnici de-
pingitur.*

*Sponte exu-
lat.*

*Sexennis pu-
eruli con-
stantia.*

rium in throno victorem pingunt, abiectis ad eius pedes viris decem à quibus delatus credebatur ad iudices, Inscriptio addita erat, Christianus permansit. Ea pictura ad delatores delata, magnam Gregorio ceterisque neophytis velut insultantibus invidiam conciliauit, cui ut cederet, ne exasperatis ciuium animis grauius in Christianos sauiretur, Nangasaquij ad hanc diem sponte exulauit.

Nescio an admirabilius sit in puero quod sequitur, quàm quòd in viro præcessit. Id temporis nullus sermo, nisi de martyrio inter neophytos: quid enim potius? Ergo parentes puerum sexennem Thomam ut probarent adorti dixerunt, Breui nos pro Christo moriemur, tu superstes quid acturus es? martyr ero, ait puer, non superstes. tum parentes: martyrium difficilius est, quàm putes, aut enim actus in crucem lancea cor transuerberaberis, aut lento viuus igne torreberis; si ferri candentis particulam manu tractare nō potes, quī poteris maiora tolerare. Tacuit puerulus & forcipes in ignē iniiciens candentes arripuisset, nisi parentes qui eum obseruabant, impedissent. quod ille ferens molestè non potuit à lacrymis cohiberi, nisi postquam audiuit, se iam satis animi habere ad martyrium tolerandum, ad quod euocati eum essent secum abducturi. Hæc igitur ex multis Sacay contigerunt, in quibus enarrandis interim dum immoramur de neophytis in fide sua pertinacibus ut aiebant ab Imperatore responsum aduenit.

*QVID CIRCA NEOPHYTOS QVI SIBI
constiterant sanxerit Imperator.*

CAPVT VII.

Miaci & Ozacæ plures in domesticis vinculis suæ in seruata religionem firmitatis à tyranno pœnam, à supremo Imperatore præmium expectabant. Ineunte itaq; Aprili ex aula rescribitur non vna in omnes sententia. Triplicem supra neophytorū classem insinuauit, Infimam eorum qui ex Christianorum albo nomina sua expungi consenserant, mediam eorū, qui non consenserant quidem sed factum dissimulauerant minimè reclamantes, supremam eorum, qui nullam remissioris animi notam, nullam fraudis suspicionem admiserant. In hos duplex rescriptum fuit. Nam Iulia cum

cum reliquo suo sacratione gynæceo Nangasaquium amandatur, eandem cum patribus extra Iaponiam nauigaturis aleam sortitura; ceteri neophyti supremi ordinis in extremam Iaponiæ oram, vt mox dicam, relegantur. Infimæ ac mediæ classis, tametsi multum re ipsa inter se discreparent, nullum discrimen apud Imperatorem fuit, ideo quod æquæ omnes à Christo defecisse dicerentur. De his hoc rescriptum fuit, vt eligerent è sectis Iaponensibus in quâ transirent, æque sacrificulis magistrum cuius se disciplinæ traderent recudendos, eiusque rei tum à discipulo tum à magistro scriptam sponsonem exigerent magistratus. Cum itaque tres neophytorum ordines in duos sese contraxerint, eum sequar ordinem, de supremo prius, de infimo capite insequente, de vtrisque illustra fanè Christianæ constantiæ facinora tractaturus.

*Rescriptum
ex aula in
Christianos.*

*Aliud in do-
sectores.*

Indicitur ergo Miaci & Ozacæ, vt ad certam diem quæ fuit Aprilis 13. Miacenses septem supra quadraginta, Ozacenses quatuor & viginti pro foribus palatii, in quo Miacensis prætor degebat, se sisterent, ex eo loco simul omnes cum armata militum manu exilium suum ingressuri. Exilij locus Tzugaru dicebatur, extrema Iaponiæ in Boream plaga, sua prope solitudine cœli inclementiam solique sterilitatem incusans. Ergo ad condictam diem neophyti vnus supra septuaginta iustum agmen, omnes in ea veste quam sibi quisque lætissimam ad alacritatis indicium elegerant, pro foribus Prætoris constiterunt, ibique ab eodem traditi præfectis militum duobus qui dynastam tristis exilij dominum agnoscebant, maiori exulum voluntate dimittuntur, quàm præfectorum qui eos abducebant. Nam cum aduertissent, ex ijs plerosque nobilitate ac militari laude conspicuos haberi, refugere cœperunt eorū curam cū exigua militum manu suo periculo suscipere, nisi vinculis aut iniusto cauterio fugam desperaturi mitterentur. Subrisit prætor, aitque. Facile apparet, vos huius sectæ scita, & illorum, qui eam profitentur animos ignorare; quos ego fustibus ac vinculis nō continebo, quin exilio damnati discedant, vos illos fugâ metuitis vt quærant libertatem; libertas in eorum manibus est, vnico eam verbulo possent si vellent recipere, atq; vtinam in mea esset manu; tales animos à me non amandarem. Ite, pro illis ego spondeo, & fugæ damnū, si quod

*Sistuntur ad
palatiū 71.
in exilium
abitu.*

*Prætoris de
neophytorū
constantia
certitudo.*

Dd erit,

*Notus A-
dauctus lo-
cum absentis
occupat.*

*Educuntur
in exilium.*

*Exules Tzu-
ruga din de-
tenti.*

erit, meo periculo præstabo. Omnes igitur humanissimè salutatoresque ad iter necessarijs donatos, equites etiam illibens à se prætor amandauit. Fortè subdlexerant parentes ex proscriptorum numero puerum, & equus vnus cum ceteri conscendissent, sessorem expectabat. Eam rem præfecti nondum de fuga securi querebantur, querebantque quis è numero deesset; adolescens alius qui tum fortè aderat diuino repente ardore correptus exclamat: nemo inquam deest, adsum ceteris: & alacriter in equum sponte exulaturus insiliit, & pia sollicitos exulum præfectos fraude delusit: ac tametsi Petrum dici non nesciamus, huic etià Adaucti prænomen præfigatur. Ibant medio die per celebriores vicos in oculis clarissimæ ciuitatis, velut castrorum acies ordinata. Filix Miacenses venite, & videte Christi confessores cum coronis quibus coronauit eos dominus in die solennitatis & lætitiæ. Nec frustra euocantur ad hoc spectaculum: concurrerat prope seseque effuderat ciuitas vniuersa, cuius tametsi sensus fuit varius, in vna tamè omnes tanti facinoris admiratione conuenerunt. Neophyti magno numero totum illum diem abeuntes persecuti pompam augebant, suamque fidem profitebantur. Inter ea die triumpharum fuit ad ingentem lacum, quem à magnitudine lapones aquæ potabilis mare appellant. In eo nauigaturi neophyti postera lucem expectarunt. Cum neophytis Miacum redituris nocturna fuit collocutio, tanto animi sensu erumpens vt inde plerique animos quos postea præbuerunt credi possint resumpsisse. Operabant nostri cum proscriptis solatio futurum è numero suo, qui Miaci ex latebris rem Christianam procurabat, sacerdotem destinare. Sed alia nostrorum facies totiusque oris compositio nihil à mutata veste secreti habet. Ergo vnum ex alumni indigenis, quorum opera in huius Ecclesiæ gubernatione vtuntur, rogat qui cæteris præerat, vt voluntarium exilium pro Christo suscipiens, nostrorum vicem subire ne grauetur: quod ille, vt erat religiosus, aggressus est perlubenter; & vt erat rerum diuinarum bene peritus, perfecit sapienter.

Intra dies aliquot ad portum vnde in Boream suam erant soluturi deuenerunt, loco nomen est Tzuruga in regno Yechijen. Et quoniam nondum aduenerat solita nauigandi tempestas, multos dies in dimidiatum usque Maium ibidem substitit. Operæ pretium est cum

cum ijs tantisper immorari ac videre quibus exercitationibus exilij sui molestias fallerent, tametsi corpusculi labores augerent. Et quoniam per eos dies Miaco & Ozaca plurimi ad eos visendos accurrerunt, ne quid augere videar, narratricem neophyti visitatoris epistolam ad nostrum Sacerdotem. P. Baptistam qui Ozacæ porro præfuerat inferere à narratione nostra nō videtur alienū. Ita se habet.

Vicesimo ac secundo die, lunæ tertiæ (qui fuit Aprilis 30.) ad vi- *Quid ibi ego-
runt.* sendos exules nostros excurri, & eos in Tzurugano portu etiam tū præstolantes inueni; omnium quæ apud eos transiguntur fui admirator, & ita redij affectus, vt Ozacensibus nostris ea referens expleri non possim. Sanctè affirmo me quoties tantæ alacritatis in tot laboribus recurrit memoria, mirum in modum interiore mentis iubilo exultare, sed continuo pudere, quod ab ea virtute mihi videar tanto remotus interuallo. Ad vnum omnes viri ac mulieres crinem raserunt, (quod cuius gratia fiat sæpe iam monui) nullo non die ter ad orationē cōmunem vnus horæ conueniebant, reliquū tempus distributis inter se officijs ad cōmune laborum leuamē exigebant. Ludouicus ille noster ita vt nouimus tenerè semper educatus me sane permouit; annos tredecim non amplius natus nullius muneris abiectione terretur, vidi illum patinas eluentē ceteraq; vilia seruitiorū obsequia honorantem. Illis ip̄sis narratoribus audiui, eos, cum primū aduenissent simul omnes in horreū immissos, & instar pecorum numeratos illa ipsa nocte in nuda humo pnoctasse, sed summa omniū exultatione quod tum inciperent primos illos nascentis Ecclesiæ Confessores rerum asperiorum tolerantia imitari, nocte insequenti lautius habiti singuli singulas storeas acceperunt. Cibus erat illis Orizæ vulgarioris scutella cū leguminum iusculo, q̄ sola fames absumeret; bis quotidie reficiebantur, eamq; viuendi rationē tenuerunt, quam diu eo in portu substiterunt. Loci primores paulatim ex eorū viuendi ratione in admirationē versi benignius illos habere cœperunt, & officiosis subinde conuiujs ex ijs aliquos frequentare. Præ- *Ethnicorum
militem de
fide nostra
iudicium.* secti militū primoribus narrabant, se cū Miaco discederent, subuertos hāc multitudinē parua militū manu educere, sed mox sententiā mutasse; & nunc intelligere legē eā quæ volūtaria exilia suscipit verā esse, & in ea quæ à sui sequacib⁹ similia impetrat, salutē pcul dubio

inueniri; quam, si aliud fecissent, æterna falsitatis nota damnassent, seq; ipsos nisi tanto Imperatoris rigore ab ea suscipienda deterrentur, de illius veritate quæ docentur audituros. Hæc & alia tum milites tū loci primores, per eos dies inter se conferebant, permoti ea vitæ sanctimonia, quam Dei serui omnium oculis exhibebant. Hæc omnia vidi meis oculis, & alia quamplurima, quæ me omnia scribere posse despero. Hæc ille, Nostri autem exules 20. Maij ex eo portu soluentes prospera nauigatione exilij locum tenuerunt, vbi à dynasta perhumaniter excepti scribuntur etiam ad vitam sustinendam necessarijs subsidijs ex eius liberalitate instructi.

Iulia ac matrona in exilium amandantur.

Dimissis in hunc fere modum fortissimis Christi pugilibus, in Iuliam ac socias, & in alias nouem matronas, quæ separatim inter se quoque conuiuebant, exilij sententia executioni demandatur. Pari ergo cum superioribus alacritate, ordine, apparatu, dimittuntur, & prospera nauigatione Nangasacium appellunt, vbi ab omnibus excipiuntur prout earum virtus, labores, ac merita postulabant. Iis misericordiæ sodalitiū de necessario sumptu prouidit: & quidem eo in portu tantisper conquiescant, donec à nobis reuisantur.

VT CAETERI NEOPHYTI SESE PRO RESCRIPTO Imperatoris habuerint.

CAPVT VIII.

NON fuit eorum neophytorum, qui domi remanserant, melior conditio, quotquot enim nolentes aut volentes, conscij vel inscij ex primo Christianorum albo expuncti reperiebantur, in eos æquè omnes ex Imperatoris rescritto, lege agebatur, vt sectam ac magistrum scripto eligerent, & ab eodem in disciplinam admitterentur. Neophytorum non fuit vna in hoc negotio procedendi ratio; quidam absentia sua futuras molestias sefellere, alij tempori potius quàm æternitati seruientes, Imperatori verba dederunt, Deo cor suum, non satis cordatè referuarunt. Pleriq; cum negarent se laponensem sectam aut sacrificulum aliquem in magistrum electuros, à parentibus, propinquis, amicisq; quorum opera nomina per fraudem tabulis publicis subducta cōstabat, ab ea mente de-

Qui desertores credebantur quo modo se habuerint.

te de-

re deterrentur, veritis, ne detecta fraus in auctorum perniciem resili-
liret, & si nihil impetrabant, dolū dolo velut centonem consuentes,
facile à sacrificulis tenui largitione impetrarūt, vt falsum chirogra-
phū vel acciperent, vel ipsi darent. Et fortasse aliqui neophyti, frau-
dem pati, non facere religioni sibi ducendū non putarunt multi ta-
men initio se fraudē passos ignorarunt. Has omnes artes ac dolos nō
erat difficile magistratibus obtrudere, quod falli mallent quā refelli.

Hinc factum est vt duos fere menses Christianæ res satis quie-
tè fluerent, totāque iam furoris Imperatorij flamma sopita videretur.
Sed ignes suppositi cineri doloso breui reuixerunt, non à magistra-
tibus excitati, qui eos vel extinctos, vel sopitos esse negligebant, sed
nouo neophytorum ardore, qui diutius tegi dolis non potuit, aut
intra cordis latebras contineri. Cœpit incendium ab inferiore vrbis
regione (in duas quippe diuiditur) habentque sub vno gubernato-
re suos singulæ magistratus; ibi permulti erant, qui tamen si nullo
modo defecerant, offensionem tamen dedisse sibi religioni duce-
bant ideo, quod in re tanti momenti conuiuerent, & passim pro de-
fensoribus haberentur. Ergo ad eos magistratus se conferre cœpe-
runt, & apud eos testari se neq; hæcenus defecisse, neq; in posterū
à Christo defecturos. Illius regionis moderatores, quod scirent vr-
bani prætoris mentem id maximè spectare vt Imperatori satisfaceret
potius, quā Christianos vexaret, mitius recantatores recepere,
nobiliores enim amicè monebant, se nihil de ipsorum religione cu-
rare, sed monere vt sine tumultu id facerent, ac Imperatoris offen-
sione. Vulgus autem acriter increpitum famuli fustibus extrude-
bant, aut vincula se iniecturos minabantur aliāsque pœnas intenta-
bant. Nemo tamen inde discedebat qui non obtrusisset etiam in-
uitis fidei suæ scriptam professionem, vico etiam in quo commora-
bantur adiecto.

*Fraudem sibi
factam dete-
gunt & que-
runtur.*

Non eadem fuit in supremæ regionis moderatoribus lenitas,
vel quod prætoris mentem ignorarent, vel quod remissionis in se
notam suscipere nollent. Quotquot enim ad eos veniebant de fa-
cta sibi fraude queruli, aut suæ fidei professores, eos domi suæ de-
nuo adhibitis custodibus iubeant asseruari. Ethnici autem veriti
ne fraudis rei pœnas lucrent, perfidiæ neophytos incusabant, quod

in suos errores relaberentur, quos prius eiurarant: ita perfidia fidem ludebat, mutatisque nominibus ac mentito vultu alia pro alia sumebatur. Multa in hoc genere sanè præclara contigerunt. selectiora pauca meo persequar instituto, quo statui nec omnia percurrere, nec omnia exhaurire.

*Christi fidem
profitentur.*

*Matrona in
lupanar ab-
ducuntur.*

Ineunte Iulio neophyti duo (quorum alterius mater ac frater senior exilio superiore patriam amiserant ut fidem conseruarent) cum apud iudices fraudem aperuissent, sibi que factam iniuriam quererentur in domestica vincula retrusi præterita cum amicis prælia fortiter integrarunt, & tandem ad prætorem adducti pœnam sperabant. Prima die audiri non potuerunt, ergo domum reducti in diem insequentem differuntur, diuino fortasse cōsilio, ut tres numero sacro depugnarent. Ipsa enim nocte alius eadē professus, qui ceteris auctor erat gloriosi pro fide facinoris, rogabat die insequentem ad prætorem duci, quod & impetrauit. Ergo cū tres cum vniuersa familia tredecim omnino capitum in curiam venissent, traduntur excutiendi prætoris ministro primario, cui res Christianorum fuerant demandatæ, ab eo rogantur tertio ne antiqua vlcera refricent, sed in sua pace per ipsum prætorem permissa conquiescant, neque relicta iam peregrina sacra repetant. Atqui hoc est, inquit, quod aduenimus negaturi, Christi que fidem etiam proposita morte professuri. Eo responso minister excanduit; & mox iniecto in funem collo, & manibus post tergum ita reuinctis, ut extemplo intumuerint, Prætori sistuntur, durisque verbis increpiti iubentur aut Christum negare, aut ignominiosè per vrbis vicos eo habitu trahi, mulieres verò in lupanar abduci. Cum Christum nihilominus confiterentur, lenonibus tribus lupanarium præfectis, qui ad eam rem venerant, euocati, traduntur. Sed lenones eam modestiam reueriti restiterunt, profitentes sibi non licere sine suo periculo tales in fidem suam recipere, quas satis certum esset illatis sibi manibus aut fuga honori suo & integritati consulturas. Fallimini, ait prætor, hoc hominum genus in religionis causa fugere nescit, & sibi manus afferre nefas putat. Abducuntur igitur, quas deinde numero mox aucto gloriosi facinoris admiratione defixi reuifemus.

Viri per habitatiores vrbis vicos ad pontem alterum reorum
suppli-

supplicio destinatum pertrahuntur, præeunte præcone qui diceret: Hi quia Christianam fidem, quã reliquerant, denuo repetiuere, ple-
ctuntur. Sed, cum dixerint omne malum aduersum vos mentientes pro-
pter me gaudete & exultate: secum ipsi repetebant, totum eum diem
inspectante innumera multitudo substitit. Interim ex alto vi-
co alij duo pari de prætoris victoria potiti, præmium illius similem
pœnã impetrarunt, & ita pœne duplicato numero & gaudio quinq;
spectabantur. Ad eos confirmandos alumni tres à nostris, qui per
cuniculos Infidelitatis arcem expugnabant, dimissi, è quibus vnus
ad neophytos intra illum vicum, quem Christianum supra diximus
appellari, excurrit, monuitque vt distributas inter se horas quadra-
ginta solida oratione decurrerent, Deumque pro neophytorum
constantia exorarent. Sub noctem in custodiam publicam abdu-
cuntur, solutisque vinculis collum circulo ferreo cinctum funibus
astringitur, itaque totam noctem in nuda humo pernoctant.

*Viri ad reo-
rum locum
ignominiosè
trahuntur*

Primo diluculo neophytorum charitas carnificũ tormenta præ-
uenit. cum enim suspicarentur fore, vt repetita ignominia iterum
tentarentur, reficiendis corporibus obsonia cõtulerunt, quibus vix
bene confirmati, à tribus prætorianis ministris qui frequenti satel-
litio stipati aduenerant in vicum publicum educuntur, ibiq; denuo
sua vincula induti ad alium pontem æque reorum supplicio infamem
abducuntur, ibiq; totũ diem spectandũ ad ligneos pontis can-
cellos alligantur. Quod dum fieret vnus è ministris prætorianis ita
carnifices dicitur cohortatus. Gubernatori nõ satis probata est he-
sterna vestra remissio, qua factum est, vt rei nullius collum inserti
funes amputarint, Agite nunc & hodierna contentione hesternam
remissionem compensare; cuius vita periclitabitur, id erit meo pe-
riculo, ego vos indemnes impunèsq; præstabo. Facile sæuierunt ad
sc̃iendum inclinati, nam in pedum extremos ungues erecti nõ am-
plius insistebant, quã quantum ad sensum tormentorum incolumi
vita satis esse videretur. In quo tormento cum pœne incluso spiritu
præfocarentur, duo à sensibus abalienati ita defecerunt, vt neo-
phyti Iesum ac Mariam in morientium auxilium inuocarent. Et sa-
ne nisi astantium precibus carnifices inclinati aliquid laxassent, ad-
vnum omnes incluso spiritu periissent.

Interim dum nostri athletæ torquentur ac spectantur, alius neo-
phy-

*Alius inter
iumentorum
cadavera Si-
nus projec-
tur.*

phytus à vicinis ad prætorem defertur, quod ausus esset non secus ac ceteri Christi fidem denuo profiteri. Euocatur extemplo, sed eum tantus repente lumborum dolor inuaserat, ut quo animus volebat corpus ire renuerit. Ergo asseri, supino corpore, impositus deportatur, quem prætor tentata incassum constantia, iussit sub vrbem ad ripam fluminis ubi iumentorum cadavera computrescunt, exportari. Hic reliquum diem continuo imbri expositus mansit. Nocturnæ tenebræ neophytos hominem fœtori, dolori, pluuiæque cœlo subducentes adiuerunt. Sed illius vxor ac filia, quin ad publicum lupanar cum ceteris ducerentur, impediri nō potuit, ubi in reliquarum comitatu, didicerunt à marito Deum ubique præsentem, posse ubique reperiri.

*Tertio expo-
nuntur.*

Sub noctem denuo qui ad pontem spectabantur, in pædorem suum retracti nouo in labore nihilo quàm heri mitiore quieuerunt: iterumque insequente diluculo educti ad tertium pontem eundem in modum vinciuntur. Inter spectatores aduenere sacrificuli nonnulli, quos vincti nostri linguæ, cuius vnus libertate fruebantur, telis à se propulsarunt. Impositores illos appellabant, quorum fraudibus tot mortales æternum interirent. Non defuere etiam qui cōspuitos eos Christiano fastidio simulacrorum horrore testante excrarentur. Ad reliquam verò multitudinem placidè conuersi hæc in verba proruperunt. Aduertite nos qui hæc sponte patimur id facere inductos ea lege, quæ salutem mortalibus æternam promittit & confert, quæ nisi veritas nobis clarè constaret, planè dubia præmia certis pœnis emere detrectaremus. Nox tandem ut prius pœnam locumque mutatura superuenit, nec amplius in arenam reducti spectati sunt: sed in publico pædore annum integrum, ad Imperatoris mortem vsq; lenta morte cū multis quotidie malis conflictati moriuntur. Sed nihil de semel concepta firmitate dimitunt, & alacres diuinum de se nutum præstolantur.

*Matronæ in
lupanari
quid egerint.*

Sed quid matronæ nostræ in suo meretricio vico in aliquot lupanaria distributæ? decem fuisse constat: quarum hoc fuit primum, scisso capillitio nuncium rebus omnibus, quanto magis impuris voluptatibus remittere, tum oratione frequenti lupanar in ædem consecrare. Nec defuere aliquot quarum forma fortasse

libi.

libidinem incitasset, quæ non sine antiquitatis exemplo vultum sibi vel leui vulneratione effusoque sanguine fœdarent, ita ut horrorem potius quam libidinem incitarent. qua ex causa lenonum, qui lucra spectabant, vincula pistrinûmque tolerarunt. Constat deinde à neophytis precioeductas apud probum virum æquè Christianum asseruari, & magnam diei partem sacris exercitationibus absorbentes, diuinam de se voluntatem deque coniugibus hætenus prætolari. Hoc paucorum exemplo constantiæque, scribunt nostri plerosque neophytos qui aliquid humani patientes quoquo modo defecerant, resipuisse & fidem professos offensionem sustulisse.

CANAZAVA EXVLVM TVRMA NAN-
gasaquium amandatur.

CAPVT IX.

Imber subitus ex alto cadens in varios torrentes excurrit, donec in vnum concurrentes aquæ vno eodemque cursu in mare deferuntur. Non absimilis huic mihi videtur apud Iaponios hic Imperatorij furoris turbo è summo dignitatis vertice decidens, qui varias regiones percurrit & ingentem proscriptorum concursum Nangasaquiensi in portu cœpit. Hic torrentium concursus à suis originibus eductus à varijs partibus, sensim à nobis Nangasaquium adducetur, ut inde collecti fluctus extra Iaponicas insulas in mare deferantur. Et quoniam in æquor australe decurrunt, postquam imperij culmen Miacum suas aquas, ut vidimus, emisit, remotissimus ab Aquilone torrens ut Nangasaquium excurrat aduocetur.

Borealia regna Iaponij Fotiocu vocant, tribus dynasta Fyendono, Cangam Notum & Yechû moderatur. Canazauæ, in regno Canga Societas nostra sedem annos iam duodecim fixerat, in vmbra lusti Vcondoni, quem annales nostri notiolem fecere, quàm ut opus sit alio quam proprio nomine tantum virum compellare. Is aliquoties exul quocumque ferebatur Christianæ secum religionis coloniam deducere videbatur. Et quoniam dynasta rei Christianæ fauere credebatur, ex varijs eo regnis non pauci concurrerant, quos

Ec

ille

*Canazauæ
quis res Chri-
stianæ status
ante perfec-
tionem.*

ille annuo censu pro sua quemque dignitate cohonestabat: quibus fiebat ut non paucos haberet ordinis militaris apud se Christianos, quos alia regna in hos Iaponiæ fines eiecerant. In eo domicilio sacerdos è nostris vnus cum socio alijsque administris sumptu Iustrem Christianam eo promouerat, vti iam Canazaua paucis cederet Iaponensis Ecclesiæ noualibus, & propediem plura sponderet, nisi spem in hac procella fefellisset.

*Canazaua
Nostris pellun-
tur.*

Hic erat rerum status Canazauæ, cum ex improviso auditur, quid de Christianis ediceret imperator, eaq; fama ita tardè huc delata est, ut simul fere cum imperio & edicto veniret, tempusq; Iusto defuerit ad sacerdotem nostrum ne pelleretur occultandum; dimittit illi oportuit eo sensu luctuq; quem alibi tetigimus, nec ubiq; repetimus. Venit is Ozacam, & inde cum ceteris, qui è Cami pellantur Nangasacquium, ut supra vidimus, nauigauit.

*Nobilissimi
duo Iustus ac
Ioannes cum
familia pro-
scribuntur.*

Triduo post nec amplius quam nostri Canazaua discesserant, dynasta sanè illibens Imperatoris voluntatem Iusto, ac Ioanni nobilissimarum familiarum capitibus denunciat, ut vel Christum abdicent, vel Miacum ad vrbani prætorem ablegentur à quo sententiam de futuro suo statu expectent. Ad hanc denunciationem cum amici plures suas preces addidissent, firmissimis, ut sibi videbatur rationibus cõunitas, aliud nihil audierunt, quam vultu ad seueritatè composito hanc æquè seueram compositamq; sententiam: Apud eos qui iam diu norunt quid sit esse Christianum, nec serio nec ioco quæ dicitis obtruduntur. Ergo venerandi senes duo plusquam sexagenarij, bis exules nihil morati se ad iter cõpararunt. Iusto erant nepotes quinque in ea omnes ætate, ut adolescere domestica copia potius quam exilij laboribus & inopia deficere deberent, nam natu maximus annum sextum & decimū, minimus octauum nondū excefferat. Iusta coniunx marito simillima. Vtriusq; filia iam coniugio illigata cum primario gubernatoris horum trium regnorū filio, qui iam hæreditatem paternam aditurus quadraginta prope aureorum millia numerabat, & tamen parentem sequi maluit inopem, quam apud copiosum maritum remanere, qui volebat ipse quoq; dimissis omnibus eandem fortunā sequi, sicut vtriusq; suasu occultè quidē fidem susceperat, nisi Iustus socer generū impedisset, quem ad spem fami-

familiæ superesse voluit, cùm minimè pelleretur. Ioannes verò quondam regni Tambæ regulus è regno Fingo deinde Christi causa proscriptus huc venerat, & tamen si seniũ vrgeret aduersaq; valerudo, Christianæ tamen legis amor omnia superauit, propter eum qui dilexit nos. Parentem secutus est Thomas iã familiæ suæ caput, ab ipso quoq; Fyendono nominatim proscriptus.

Hi vna cum suis iustam cohortem Iusto duce conficiebant, quibus ad exilij longioris comparisonem hiberno maxime tempore cum Februario mense gelu ac niuibus maximè apud Boreales rigerent omnia, dies vnus cõceditur, qui prope totus abiit in vestibus ad propulsanda frigora cõcinnandis. In discessu maxime patuit, quanta animi magnitudine omnia pro Christo dimitterent. Iustus enim ad dynastæ fratrem natu minorẽ Chiuctendonum qui Canazauæ imperitabat totius prouinciæ hæres sexaginta auri segmenta, quorum singula quinquaginta aureos nostrates valēt, dono misit in hæc verba; se pro eo quod huius anni censum collegisset, quẽ in herilibus obsequijs expendere non licebat, hæc mittere ad demonstrandam propensam obsequendi voluntatem. Et ad Figendonum vas quod apud ipsos in magno precio est, ad certam herbam conseruandam. sed hic dolens de Iusti exilio munus cum fœnore remisit, in exilij solatium expendendum. Domesticæ tamen supellectilis magnam partem quam distrahere possent sponre dimiserunt.

*Omnia pro
Christo gene-
rosè dimitt-
unt.*

Februarius igitur cum vigesimum quintum numeraret exulibus nostris diem dixit. Eum diẽ dynasta cum suis non sine armis obseruabat, veritus ne fortè iniuriam vlturi Iaponensi more sæuirent, qui arma iam diu tractarant, ex eaq; tractatione per tot iam annos nomẽ sibi compararāt. Subodoratus est Iustus quod erat, missoq; ad dynastam Chicuzendonũ nuncio significauit nõ solum se ab amicissimo dynasta nihil repetere, sed multo minus Christianis sibi legibus licere vt exiliũ suum vllius iniuria fẽdaret, alijs se nunc armis dimicaturũ quã olim cõsuesset, è Christi mansuetudine ac patientia petitis, quibus se ipsos potius quã alios vincere docentur Christiani. Ad eã denunciationẽ conqueuerunt omnes, effusi q; illos cominabantur quos ante suspectos habuerāt. Nõ pauci lachrymis innoentiã plecti deplorabāt, & cõmiseratione permoti plus sentiebāt aliena damna, quàm illi propria. Nonnulli rei magnitudinem introspicientes ex-

*Canazauæ
excedunt.*

clamabant, planè res magna est lex Christiana, cuius causa viri tanti tanto iudicio tantàque virtute præditi non dubitant fortunas, honorem vitamque prodigere.

Vnum diem aberant Canazaua, cum ecce tibi sub quietis initia rumor increbuit armatos milites imminere, qui ad eos obtruncandos mittebantur. Iustus noui iam ductor exercitus nihil dubius ex Iaponensi consuetudine fieri posse, vt non sine causa rumor aduenisset, suos cohortari armisque cœlestibus munire occæpit. Mortem vt omnes arbitrabantur, imminentem genibus nixi præstolabantur, à Deo postulantes, vt verum esset, quod naturâ timebatur. Sed paulo post discussa falsitatis nube veritas sese exeruit, & constitit rumorem illum à famulis sola suspicione permotis erupisse, piguitque sperantes minus vera sperauisse. Pergunt igitur, perque asperos montes niues calcant, non iumentorum solum vngulis, sed proprijs subinde pedibus cum itinerum angustia id postularent, in quibus Iustus ætatis immemor ceteros anteibat, & nepotibus auus addebat exemplo quod nondū ætas concedebat. Hoc fuit primum in quo tenera Christi cohors inexpertos labores experta supra ætatem, sexum, educationemque se promouit, & in huiusmodi laboribus decimo die in oppidum Sacamoto tribus ab vrbe Miaco leucis constitit non nihil quietis accepturus, donec à prætor, quid de se statueretur, inaudirent.

Audito Iusti aduentu cum sua cohorte, prætor satis formidauit fore, vt Miacum ingressi Neophytorum animos exemplo constantia ita auerent, vt lapsi quoque ipsi damnato lapsu assurgerent, nedum qui ad id tempus steterant, sibi magis magisque constarent. Ergo per literas monet duces quorum custodia commendati veniebant, vt eodem in loco subsisterent, donec ab Imperatore nouum rescriptum adueniret. In eo igitur oppido triginta totos dies subsisterunt. Quo tempore non defuere, qui nepotes saluos cuperent, qui familiam suaderent conseruandam. Verum ex hac ipsa concertatione Iustus ac Ioannes exulum primipili intellexerunt fieri posse, vt è tribus vnum ab regia deueniret, vel vt ibidem mactarentur, vel vt in regiam ad supplicium exemplumque ceterorum abducerentur, vel denique, vt alij ab alijs diuisi varias in regiones

Tribus à Miaco leucis subsistunt.

nes abducerentur eò facilius à Christo defecturi. Hoc postremum præ cæteris metuebat Iustus periculi magnitudinem attendens, cui ut mederetur effecit, ut communi coniuratione conspirarent nemini se vel iurato credituros aut assensuros, filium, nepotem, nurum, socrumue aut quemlibet alium à Christo defecisse.

Verum huius coniurationis fructus in sola stetit voluntatis in suam fidem propensione. Nam post dies triginta rescribitur ab Imperatore ut viri puerique omnes Nangasaquium amandarentur, fœminæ ac puellæ Miaci habitare finerentur, ita tamen ut vtrisque famuli ad necessaria vitæ obsequia subtraherentur. Sed reperiri non potuit vel vna, quæ non voluerit cum suis exulare. Detracto igitur omni satellitio ac famulorum auxilijs, soluunt Nangasaquium versus, & initio gens delicijs assueta seruilibusque obsequijs delinita, sibi seruebat ipsi (cum nihil sit quod Christi causa refugiat, qui eius amorem omnibus anteponit) donec ipsi nautæ tanti laboris commiseratione permoti pro famulis esse cœperunt, quorum auxilijs subleuati tandem Nangasaquium peruenerunt, & nostrorum ceterorumque beneuolentia excepti præteritos labores obliuiscuntur, & interim dum longius amandantur Christianæ se legis libertate solantur.

Ita Iustus à suis abiens suos inuenit, Deumque ipsum cuius immensitas occupat vniuersa. De Iusto Buiensis dynasta, postquam exulare percrebuit, dixisse fertur, Nunc quidem Iustus hoc ultimo suo facinore vetera sua facinora velut sigillo muniuit, quod nisi fecisset fœdauerat vniuersa.

Canazauæ non solus Iustus aut Ioannes cum suis, huius furoris impetum excepit. Thomas alius nobilis ex ordine militari iubetur exulare in extremas laponiæ oras, quo Miacenses neophyti missi fuerant amandatus. Is postquam Xacam post filios iam Christianos obstinatè coluisset, Christum tandem agnouerat, serò quidem sed serjò, nam in suburbanum secessum orationis causa sæpius secedebat, etiam posteaquam ad regni gubernationem admotus à dynasta, vnus è quatuor omnia quæ ad lites pertinebant moderabatur. Hinc habuisse credi potest eam firmitatem, qua deinde prælijs

*Nangasa-
quium a-
mandantur.*

*Thomas no-
bilis neophy-
tus relegatur.*

acerrimis impetitus sibi constitit, donec fortunis omnibus exutus vna cum tribus filijs exularet.

*Neophytus
quidam ab
Hero propè
occiditur.*

Sed neque indictus nobis abire debet inuictus Christi Athleta cuius certamen in idem ferè tempus ibidem incurrit. Nobilis quidam toparcha Christianos habebat affeclas nonnullos. Exijs vnum aggressus vt à Christo discederet hoc responsum accepit, Ego, here, tanta lucè Christi fidem penetraui; vt ab ea discedere non possim; qua in re nullam tibi me arbitror iniuriam facere, cum hac ipsa lege arctius tibi obsequendi legibus astringar. Sapiens responsum parum sapienter herus tulit, & educto pugione grauitè illum vulnerat; cumque pergeret in genua nixum secundumque vulnus præstolantem confodere, astantium misericordia ereptus martyrij coronam amisit, si amissurus est quod sua culpa non dimisit. Dicuntur Neophyti qui eum eripuerant, piè magis quàm doctè dubitasse num sine religione liceret illius vulnus obligare, artèque medica morti gloriose Christi martyrem subducere. Sed cuius tantè pietas Christiana, ipseque prope martyr doluit ereptum se fuisse periculo, maluissetque hoc euentu crudeles in se neophytos quam piose periri.

*QUIS ECCLESIAE STATUS FVERIT HOC
tempore Firoxima.*

CAPVT X.

Firoxima in regno Achi diuturno dynastæ fauore (Tayudono dicebatur) ita Christi gregem annuis augebat incrementis, vt hoc tempore nullo locò res Christiana esset ornatior, verum in communi ruina lenius quidem sed oppressa tamen est, non illibenter tantum sed inuito quoque regulo, ne res suas alieno fauori post haberet. Degebat ille tum in aula principis Yendo, vnde post Imperatoris edicta scripsit literas, quibus mandabat vti nostri maximo cum honore, sed tamen omnino dimitterentur. In Christianos sed solum ignobiles ad speciem sæuiretur, Patres vt Nangalaquium honorificè remitterent. Quæ omnia quàm faceret inuictus datis ad nostros literis officiosè significauit, & diploma regium

*Firoxima
Nostri ab in-
uito dynasta
dimittantur.*

exilij

exilij asperitatem à se amoturus transmisit. Nec absimilis parenti filius qui domi remanserat, tertio ad nostros misit qui suo nomine condoleret, quorum auctoritatem imitati affectu tametsi ethnici omnes doloris significationem præstulerunt. Neophytorum lachrymæ concursus ad sacramenta nihil habuit quam alibi minus, ut etiam nihil peculiare. Nostri sacerdotes tres erant, laici fratres duo cum alijs ministris. Europæi sacerdotes duo cesserunt, quod incommodius tegi posse viderentur. Sacerdos è nostris indigena, non sine pia sociorum invidia oris compositioni victoriam tulit acceptam, cuius beneficio diurnam non minus quam nocturnam neophytis operam erat præstiturus.

*Sacerdos
noster indigena
occultus ma-
net.*

Post dimissos nostros in Christianum vulgus edictis pœnisque propositis ex Imperatoris voluntate certatur. Et quamvis dynastalener & ad speciem omnia geri voluisset; magistratus tamen neophytis sacram suam supellectilem per vim eripuerunt, & eos qui sua prodere noluerunt vnum aut alterum comprehensos in orizæ saccos prout Miaci compegerunt. Quod dynasta factum reprehendit, & ultra speciem progressos pronunciauit, Sacra verò arma Christianis erepta iussit honesto loco velut sacra conseruari. Inter hæc sacrificulus vnum Christianum aggressus vrget ut Idolo quod secum attulerat venerationem exhibeat. Sed neophytus pro honore contumeliam referens, sputo sacrificulum simulacrumque fœdauit. Quam iniuriam questus impotenter effecit ut contumeliam ignominia lueret: nudus enim toto triduo dies noctesque ad palum alligatur, quem neophyti reliqui fouere non destiterunt. Exacto triduo victor non sine hostium admiratione soluitur, & in eo quod pro Christo non erubuerat, gloriatur.

*Neophyti in
orizæ saccos
compingun-
tur.*

*Vnus Idolu-
m sacrificu-
lum sollici-
tatem con-
spuit.*

Ex aula, Tayudonoad quatuor è suis ducibus scripsit in hanc sententiam. Quid iubeat Imperator nostis, cuius ut imperio pareatis vos hortor etiam atque etiam, qua in re mihi quoque non mediocriter obsequemini. Has literas exitinere legerunt illi ipsi cum in eandem regiam se conferrent, responderuntque se præsentem responsuros.

Cum igitur aduenissent ad herum mittunt, qui hæc ipsa verba re-
nuntiant.

Duces quatuor Neophyti liberè dynasta respondit.

nunciet, Dolere se quod id ab ijs exigeretur, quod esset nefas præstare non lege diuina solùm, sed aulicis quoque ac militaribus institutis, nullaque se re magis ineptos fieri ad obsequendum, quam si se hac perfidiæ labe fœdarent, quæ honorẽ illis apud alios, sibi ipsis animum detergeret. Posse se hoc vnum; Christianæ videlicet religionis vti exercitationibus ita moderatè, quam diu in regia substiterint, vt nullius incurrant in oculos ipsi hero malum creaturi; quod si hoc minimè sufficeret, se ac suos fortunarum iactura, exilio, vitæque ipsa constantiæ suæ culpam, si contrahi visa est nõ grauatè luituros. Ad hæc dynasta planè obmutuit, & se in penetralia recipiens, creditus est immoderatus tulisse libertatem: verùm postea collaudatis ijs satis ostendit, quid sentiret, & posthac vetuit nobiles ad defectum, sed & nobilium famulos etiam solo verbo lacesciri.

Puer honorarius etiam ceruicem porrigit.

Non absimili euentu vnus è pueris honorarijs strenuè depugnauit. Collegæ illum sui sapius ad eiurandam Christi fidem lacescebant, & die quadam fingunt ab hero sacram supellectilẽ exigi, quam ille nec precibus nec minis dedit; & illi victos se non ferentes victorem deferunt, ac si reuera Christum eiurasset. qua de re cùm ex eo dynasta quæsiuisset, ita respondit, A puero Christianus sum vt nosti, nec vlla merces ab hac lege auocabit; in ceteris obsequar, in hoc vno est nefas, & si hac ex causa ceruicem petis, ceruicem præbeo, nudatamque porrexit. Nemo fuit qui ex Iaponensi consuetudine dubitaret, quin euocata fida liberè, suo impotenter officio fungeretur: sed planè contrarium euenit. Responsum, animum, puerum dynasta laudauit, & in posterum habuit chariorem.

Pius neophytus persecutionem prædicat.

Hæc Firoximæ nec grauiora contigerunt, quæ tamen neophytus quidam moriens videtur præuidisse, & etiam prædixisse. Vixerat insigni cum pietatis laude, quem dynasta virtutis admiratione permotus arci seruandæ loco periculosiori præfecerat, è quo ipse prohibitus sacrificio interesse, sub aperto cœlo ad ædem conuersus in omnium oculis sacrificij tempore Deum precabatur ira intensè, vt fassus aliquando fuerit se ex eo ipso loco velut præsentem sacrificantem videre audireque sibi videri. Is leui ex morbo intra biduum bis expiatus extinguitur: sed prius filiam quam habebat vnicam ita dicitur allocutus, Vide, inquit, ne parentem quem viuum coluisti

coluisti, mortuum ignominia afficias, quod facies si te piguerit esse Christianam; compara te ad martyrium, imminet enim Ecclesiæ Iaponensi atrox procella. Quæ cum dixisset, inuocato iesu ac Maria, ipse se in portum nondum orta tempestate subduxit. Hæc enim Nouembri mense anni superioris edixit, cum de nouo Imperatoris edicto nec metus esset, sed Ecclesia ijs in locis alta pace frueretur. Eam prædictionem filia sacerdoti nostro mox narrauit; quam donec euentus comprobauit, non omnino à neophytis neglectam viri probitas intra memoriæ thesaurum conseruauit.

Priusquam abirent nostri, quod in Februarium incidit, eo anno ad centum adultos supra sexaginta necquicquam reluctante procella in Ecclesiæ nauem receperant, & fuit vnus ad Deum non omittenda conuersio. Is propinquos omnes iam habebat Christianos, nec adduci poterat, vt familiæ auctoritatem sequeretur, ideo maximè quod ab eo moritura parens sacramentum exegerat, quo se in simulacrorum cultu vitam positurum astrinxerat, & perfidum ac impium in parentem videbatur ab huiusmodi sacramento resilere. Patruum rationi surdum Virgunculæ neptes duæ vix bene duodennes precibus à Deo expugnandum susceperunt, & iam intra spacium semestris millies ac sexcenties virginem angeli verbis salutauerant, cum repentino prodigio immutatur. Nepos illius iam Christianus ignota ægritudine tenebatur, quæ malum genium habere credebatur auctorem. Cum enim ea corripiebatur indigna quædam effutiebatur ab adolescentis, cum sanus esset probitate, admodum aliena. Nihil omissum quod ad eius salutem procurandam ab humanis remedijs peti posset, quibus denique damnatis ad sacra recurritur. Noster sacerdos cupream iconculam Pontificis auctoritate sacram, & quæ SS. Ignatii atque Xauerij ex vtroque latere præferebat imagines, ex eius collo suspendit, iubetq; vt nullo tempore sibi eam detrahat. Quamdiu fecit, ab ægritudine liber fuit; sed cum eam nescio qua ex causa fortè detraxisset, subito corripitur. Verū increpitus à nostro eam sibi restituit, & instituta peccatorum accurata confessione planè conualuit. Quo viso patruus nihil vitra cunctandum duxit, quin eam legem comple-

Adulti & bene baptizati.

Insignior Genus conuersio.

Cuprea Iconcula &c.

cteretur, quam diuinis prodigijs viderat illustrari. Sacrilego itaq; sacramento se liberans sanctiore se in Christi militia illigauit.

BVNGENSIA PRÆLIA.

CAPVT XI.

*Notri è re-
gno Bungen-
se eiekti.*

BVngensium neophytorum aut veteranorum potius firmitas grauius tentata diuturnam à Francisci Regis temporibus in Christiana disciplina exercitationem non fefellit. Postquam enim nostrorum sedes tribus in oppidis, Tacata, Notcu, Xinga, eandem cum ceteris fortunam subiissent, eiekti nostri, ædes disturbatę, pari semper Christianorum sese ad extrema comparantium concursu sensuq; ; tum demum in oues suis pastoribus destitutas atrociter sanè sæuitum, è quibus quæ illustriora contigerunt pro instituto seligamus.

*Vnus se ipse
continuo flagellat.*

Primi qui huius certaminis arenam ingressi sunt septem fuisse scribuntur, viri duo cum suis vxoribus ac liberis tribus; è quibus vnus duntaxat martyrij lauream secum in cœlos detulit, ceteri meritum etiamnum præstolantur. Hi ergo cum multis in Christiana fide prælijs provocati æquo semper animo constitissent, iussi sunt à iudicibus planè nudari satisque barbarè leucam vnā circumraptari, quam ignominiam concurrente ad spectaculum multitudine ita tulerunt, vt gloriam ex ea sperare facile viderentur. Sanè Benedictus ex ijs vnus totum illud iter continua corporis sui flagellatione consecrauit, vt ipse sui carnifex tormentis per alios illatis non potuerit satiari. Idem, cum in collem adreperent vtcunque arduum atque difficilem ita socios compellauit: Aduertite quoties hunc non sine fatigatione collem conscenderimus, nunc autem etiam cum voluptate conscendamus; id sine dubio illius beneficio contingit, cuius hæc vnus causa toleramus, cui præter laudes & gratias quid est quod aliud referamus? Idem intra vacuam arundinem quam læua manu gestabat aquam lustralem circumferens, socios velut ad refrigerium subinde aspergebat.

*In saccos im-
missi alij su-
per alios ian-
tiantur.*

Deueniunt tandem in destinati sibi supplicij locum, in quo erat defixis repagulis area circumsepta, in ea singuli in suos saccos im-

immissi arctissimis toto corpore vinculis constringuntur, eum in modum quo Miaci plures depugnarunt. Id tormenti genus vni Benedicto lethale, ceteris prope lethale fuit. nam alij super alios coniecti nobilem aceruum erexerunt: Benedictus in imo ceterorum pondere oppressus diem vnam noctemque ita deficere cœpit, *Benedictus pondere opprimitur.* vt cum iam moriturus videretur eum custodes exemerint, deportatumque in vicinam neophyti domum denuo ad defectionem sollicitarint. Sed cum id frustra fieret non nihil ad vltiora tormenta refectum eodem includunt sacco ac inferiori loco restituunt, vbi cum alium diem perstitisset, vna cum occidente sole denuo occidebat. Ergo eadem immitti lenitate soluitur, & ad easdem ædes reportatur, vbi paulò post Iesum ac Mariam implorans suauissimè post exactum laborem in æternam quietem obdormiuit. Et ne fortè, quod Christianis erat solemne, mortalitatis exuias immortalitatis amore neophyti venerarentur; exanime Benedicti cadauer ad fluminis ripam flammis damnatur, illiusque cineres in flumen sparguntur. Sed quoniã semi iusta ossa esse constabat ignibus superesse; non defuit neophytus, qui piscatione simulata, nonnulla eduxerit, eaque Nangasaquium ad nostros vna cum ceteris afferuanda deportarit. Aprili mense passus scribitur vna cum socijs, qui omnes mortuo Benedicto soluti proscribuntur iubenturque Nangasaquium commigrare. Benedictus ille in regno Izumo natus è sacrificulo inanium Deorum ad Christum transierat ijs in terris quibus Iustus Vcondonus imperabat. Et toto eo tempore quo veritatem agnouerat toto eam studio complexus fuisse narratur, vt hoc animi ardore martyrum gloriam impetrasse dici possit.

Secundum huius procellę imbrem sustinuerunt alij, è quibus tres gloriosè sanè de mortalitate triumphantes immortalitatem compararunt. Sed quia ijs proximum caput daturi sumus, hoc reliquo nonnulla sine sanguine prælia, tametsi fortasse non inferiora, persequemur. Nobilis in primis neophytus sæpius per internuncios à dynasta suo vt à Christo deficeret laceffit, sibi semper æquè constiterat. dynasta non ferens eum sibi clientem detrahere, non dubitauit seipsum infra suam dignitatem abijcere, vt i stantem dei jceret. Ergo in clientis sui domum pergit, seipso fortasse impetra-

Nobilis neophytus dynastam laceſſere parantem liberè prauent.

Obtruncandum ſe cum ſuis offert.

Proſcribitur.

Nobilis neophyti conſtantia.

Hac familia Monachj Boiorum in theatrum cum magno ſenſu ſpectatorum eſt producta.

turus, quod adhibitis alijs deſperarât. Reſciuit neophytus, & ex templo arma diſcingens, ſine quibus nobiles Iapones publicum non vident, ne repugnare velle videretur, hero occurrit, eumque his ipſis verbis ſanè animoſè compellat: Here, ſcire te velim mihi certum eſſe Chriſti fidem nequaquam eiurare, quod in ea vna ſalutem ſperem: ſi ad me laceſſendum veniſti, nihil eſt quod vltra te fatiges, potes hoc ipſo in loco renuentem obtruncare. Quod cum dixiſſet ex templo ſe pube tenus reiecta veſte nudauit. Vix dum ſe nudauerat, cum nouennis filius accurrit, patremque imitatus eadem nuditate ſicam prouocabat. Secuta eſt pueri mater, ac deinde ania, nudatis quoque ceruicibus eundem ictum præſtolantes. Sed ea conſtantia iram molliens pro ſica tyranno lacrymas excitauit, quibus obortis vultum auertens domum repetijt. Nec ita multo poſt Imperatoris metu prouocatus inuitus ſanè paratum ad eadem ſed ab laurea auocatum cum vniuerſa familia proſcripſit, quæ Nangaſaquium ad ceteros exules ſe recepit.

Sed præ multis admirabilis mihi videtur neophyti nobilis (Tutum appellant) animi magnitudo. quem ſi quater aut Abrahamum aut alterum Iobum dixero, nihil auxiſſe mihi videbor, cuius ego factum tragicomico mallem cothurno ſpectandum exhibere, quàm intra contractæ narrationis anguſtias ſtringere. Habebat ille filios duos, nouennem alterum cui Matthæo nomen erat, alterum annos natum ſedecim is Simon dicebatur. Habebat idem filiam Martinam nomine virginem annorum quatuordecim, & præter hos æquè carum pignus vxorem, quæ Marina dicebatur. Iſ igitur à dynaſta ſuo euocatus ad Chriſtum eiurandum, præcibus, minis, imperio, nulla non arte omnique contentione tentatur, ſed omnium victor domum remittitur, grauiora in ſuis abſens prælia quam ſeipſo præſens depugnaturus. Nam poſtridie mittit ad eum tyrannus qui quærat idem ſentiat necne, quod pridie, quod ſi fecerit iuniorem ad ſe filium mittat, vt ab eo fidem ſuam vel vitam tormentis extorqueat. Acre fuit telum nouennem puerum ad carnificem amandare: amandauit tamen ijs monitis inſtructum, quæ tempus ferebat, nec ætas reſpuebat.

Poſt biduum denuo remittit qui nunciet ſe Matthæo vitam quod

quod fidem deferere suam noluerit, eripuisse. Ceterum si etiam-
num in ea sententia perstaret, Martinam filiam ad parem carni-
ficinam ablegaret. Quid senserit Titus cogitate, quid filia dixe-
rit æstimate. Nonnulla sunt quæ facundia silentio explicatu-
ra commendat. Iterum post dies aliquot Martina perijisse nun-
ciatur, Simon primogenitus periturus æquè postulatur. Cui pa-
rens, vade Simon, inquit, & sicubi sanguinis vestigia notaue-
ris, fratris constantiam, sororisque spirabunt, caue ut degener
habearis qui ætate superas, itaque dimisit. Nondum prælio-
rum finis, nondum expleta tot victimarum sacra. Breui spacio in-
teriecto, nunciatur Simonem ad ceteros accessisse, Marinam
expeti, si nondum pertinacia defecisset. Nec illibens mater
sua pignora sequitur, quæ matrum voto noluisse præcessisse.
Maritus uxorem emittit, breui, ut sperabat, secuturus. Deni-
que ultimus internuncius narrat Marinam quoque tormentis a-
nimam expulisse, ne fidem suam expelleret. Ipse quoque Titus,
nisi iam suorum exemplo sapuisset, ad familiæ fortunam vocaba-
tur extremus. Internuncio responder Titus, cum, qui iam
quater mori potuit, quintam pro Deo suo mortem minimè re-
fugere. Cum igitur in arcem peruenisset, post iteratas tyran-
ni minas, preces fraudesque superatas, admiratione constan-
tiæ victoriam de stupente dynasta reportauit. Euocatur vxor, filij
duo cum filia, Tito omnes victori victores redduntur, vnà cum
Christianè viuendi, quod adhuc faciunt, libertate. Ita Titus qua-
tuor Deo victimas viuus tanquam mortuas obtulit, quatuor velut
rediuiuas recepit.

Sed jam domum reuersos audiamus singulos parenti mari-
tòque sua cum tyranno prælia interim dum in arce versaren-
tur enarrantes. Singuli enim in varia loca retrusi mille arti-
bus ad fidem deferendam fuerant prouocati. Matthæo puero a-
sperrimo hyemis tempore aqua gelida supra caput effusa totum
prope corpus obriguerat. Idem Marina supplicium vestibus
suis ad contumeliam exuta sustinuerat. Martina filia tridui
sustinuerat inedia. Simoni retorta in tergum immaniter

Ff 3 brachia

*Credita san-
rum cade-
lentè torque-
tur.*

*Viuos omnes
victor victo-
res recipit.*

*Sua singuli
qua passi re-
serunt.*

brachia adolescens corpusculum prope luxauerant. Et tamen in his omnibus ætas sexusque fortiter de tyranno triumpharat. Titus tamen cum ceteris crediderat, uti nunciabatur, suos omnes perijsse, & interim quidquid passi fuerant patie potuerant fortiter tolerarat. Et sanè mitius est supplicium mortis breuitate penas redimere, *morsque minus poena quam mora mortis habet.* Dignus planè Titus elogio longiore, quàm quod historico permittitur; sed illud ab eo præstolatur, qui cum pugnavit, qui cum eo triumphavit.



MICHAEL ET LINVS EXVRVNTVR MAXENTIA TRVNCATVR.

APVD BVNGENSES MICHAEL ET LINUS
vini, Maxentia truncum cadaver
exuritur.

CAPVT XII.

Linus & Michael ne patris defectione inuoluantur fidem profitentur.

Cum Patre & familia comprehenduntur.

Sed idem quoque Dominus insignem quidem victoriam sub fi-
dei vexillo per aliquot pugiles suos ibidem de perfidia reporta-
uit. Eos inter, qui primis huius turbinis inicijs exagitati fue-
rant, Clemens vna cum filijs Michael Linoque fortiter repugna-
rat, desperataque defectione dimissus sibi viuebat ac Deo, nemine
prohibente, donec hoc ipso anno nouus ab regia edictorum fragor
intermissa praelia reuocauit. Clemens igitur cum filijs denuo la-
cessitur, & ita vt hoc secundo certamine remissior planè defecerit,
propriaque manu scripserit se cum filijs Christi sacris renunciare.
Fecerat hoc Michael Linoque inscijs, quos pupugit acriter se quo-
que vnà cum parentis casu nescientes opprimi. Ergo ad eum vrbis
moderatores pergunt, qui scriptum exceperat, Parentis factum in-
cusant, à se remouent, suamque fidem profitentur; eam si per eum
sibi retinere liceat gratum futurum, sin minus quidquid de se sta-
tueret non ingratum. Respondit moderator sollenni se iureiuran-
do obligari ne qua in re Christianis faueret, aut in eos remissius age-
ret, domum redirent, se cum collegis collaturum, quid facto opus
videretur. nec promissis defuit. Eo ipso die pomeridianis horis
Clemens (quem iam adiutoribus filijs facti poenituisset satis consta-
bat) & vna Michael ac Linus in custodiam publicam pertrahun-
tur; nec ita multò post Clemens ipse & Maxentia Michaelis vxor
cum filijs, quorum natu maximus nondum supra quartum & deci-
mum ætatis annum adoleuerat in vinculorum societatem abdu-
cuntur. Ibi singuli singulis locis distincti, vti facilius vincerentur.
Sed cum fortiter restitissent in vnum omnes locum compingun-
tur; vbi postquam omnia tela æquabili semper animo elusissent,
ad minas ac tormenta deuenitur.

Et vt cæteros terrerent, tres ex toto numero selegerunt, quos
torquerent, Linum videlicet, Maxentiam ac Petrum è filijs natu ma-
ximum. Vestibus igitur planè spoliatos intra saccos asseruando
tritico

tritico destinatos, quo sæpius dictum est modo, arctissimè vinciuntur, & vt amplius torquerentur siccas aristas in ijs reliquerant, quos cum è carnificibus vnus Maxentiae misertus priusquam alligaretur excuteret, illa inhibuit, testata dolere se quod vnum corpusculum haberet, quod Deo suo offerret, se si decem haberet totidem oblaturam, nec ante acquieuit, quam pari cum ceteris pœna plecteretur. Petrus intra saccum concionabundus Matrem ac patrum hortabatur, ne remissioris animi signum præ se ferrent. Et ad spectatores Ethnicos conuersus exclamauit: nemo sit qui ex vobis audeat falsum defectionis chirographum pro me scribere; quod si quis fecerit, in regiam vsque nihil dubitabo excurrere plagiarium delaturus. Linus interim sacras preces elatiore voce recitabat; quod cum ethnici ferrent molestius, nec ipse se pateretur inhiberi, ex filis arundinibus frænum ori, quo silentium indiceretur, immiserunt; quod cum illi mox sustulissent, importunis precibus euicit, vt denuo frenaretur, totoque die ita perstitit animo suas preces, quas ore non poterat otiosè decurrens. Eum ex ministris vnus præfenti malo proximæ quæ morti eripere cupiens effecit, vt solueretur, & abductum domum ipse cum suis obnixerogatur, vt saltem ad triduum à Christo deficiat, se vitam illi & non pœnitendam pecuniæ summam impetraturum atque largiturum. Sed æquè vitam ac numos spernens negauit se vllius rei causa fidem agnitamque semel veritatem deserturum. Ergo in vincula Linus reducitur, Maxentia porro triduo in sacco suo angustè vel potius augustè habitauit. Moniti iudices frustra in ijs laborari, de extremo inter se supplicio statuere cœperunt.

Quod cum vincti non ignorarent, accurata comparatione ad futurum agonem præludebant. Operæ premium foret ardorem in literis legere, quem inde ad varios sparserunt. Vna Lini breuior epistola erit instar omnium, quæ totidem verbis ita se habet. Cum gratia spiritus sancti hanc epistolam scribo ex ipso carcere. Ego tamen peccator & malus, totam meam fiduciam in domini misericordia colloco. Rogo vos quàm possum demissimè, vt pro me Deum, Beatam virginem, ac diuos omnes rogetis vt in finem perseuerem. Ego licet indignus intra saccum compactus,

Gg diem

*Tres ex ijs in
saccos compunguntur.*

*Eorum in
sacco Christiana liber-
tas.*

*Lini ex car-
cere epistola.*

diem vnum noctemque perstiti quod Christum nollem eiurare; inde nos in vincula reduxerunt. Multum animi sentio; multum comparationis adhibui ut in obsequio diuino ad mortem usque perfirmam, gratia illius auspice & cum precum vestrarum præsidio; quibus iterum etiam atque etiam me commendo, ideo quod sim magnus peccator, nec ullam aliam spem nisi in eius bonitate collocarim. Die sexto lunæ sextæ.

*Michael &
Linus edu-
cuntur ad
supplicium.
Adiungitur
Maxentia.*

Septimo post die quàm in vincula retrussi erant, Iulij 13. in Michaellem ac Linum fratres atrox sententia viuos incendio damnavit, quare ita sunt recreati, ut in egressu carceris cum ad supplicium traherentur, Linum Michael in hæc verba compellarit: Ergone fieri potuit, ut hanc pro Christo moriendi fortunatam sortem soli duo præ ceteris fuerimus consecuti? & cum eandem fortunam, toti familiæ optarent; ecce tibi Maxentia conspicitur, quæ sacco exsoluta ideo ad spectaculum trahebatur, ut horrore deficeret, aut mitiore saltem pœna plecteretur. Quorsum traheretur neuter sciebat, nisi quod uterque pro voto suo sperabat uti supplicij ita gloriæ societatem adipisci. Exitinere cum eum locum attingerent, in quo Benedicti cadauer arserat, martyrem venerati novos animos conceperunt: sed iidem honorem sibi à neophytis velut mox martyribus exhibitum deprecari suam indignitatem, causabantur. Totum iter quod fuit prope vnus leuæ pedibus, & nudis ita confecerunt ut oblatos etiam calceos respuerint, protestati cupere se in præacutos lapides offendere, ut breuitatem vitæ patiendi ardore compensarent. Maxentia maximè fuit admirationi, cui diuina gaudia, quibus delibutam esse apparebat, omnem doloris sensum quadriduo iam tortæ, nec laboribus assuetæ adimebant.

Cum ad supplicij locum peruenissent, altè præfixas fudes tres cuique suam inuenerunt: quas cum amplexu suo elegissent, dimidiatam horam in preces nixi expenderunt.

*Linus & Michael
cuius
comburentur.*

Tum fratres duo sacram suam supellestem, ne simul arderet, neophyto tradentes, superiori se ipsos veste exuerunt, & ad fudes alligari cœperunt. Maxentiam interim vrgebant nonnulli, uti quolibet signo defectionem præse ferret ignem minitantes. Sed illa.

illa, cum iam ligna ignem concepissent ter in ipsum incendium conata est inuolare: fecissetque pari, ut credi potest, spiritu, quem ex antiquitatis exemplo colligimus, nisi fune quo ad collum alligabatur, ministri prosilientem cohibuissent. Ardebant interea fratres & medijs in ignibus apostolorum symbolum Michael, Linus Iesum ac Mariam pronunciantes vna cum ipsis ignibus expirarunt. Maxentia tamen sibi constabat nec extinctis fratribus in vicinas aedes abducta potuit à sententia dimoueri. Ergo ad locum supplicij reducta bis adacto in guttur nudo mucrone terreri non potuit, sed minas ridens ait: Lepidum est quod facis; non terremur ijs quæ optamus, promitte vitam si terrere volueris; nam post talem mariti mortem superstes esse sine sensu quî possum? Quod cum dixisset, sparsum in occipitio crinem reiecit in sinciput, & ad carnificem conuersa uti suo munere fungeretur generosè lacerauit. Nec diutius ille differens sacratissima Iesu ac Mariæ nomina inuocantem obtruncavit. Truncum cadauer in rogi conijcitur, & vnà cum fratrum exuijs in cinerem reductis, sportis etiam exportata humus in flumen abiicitur, ne quidquam neophytorum piæ venerationi reliquum superesset, non tamen defuit, qui prius ex illo holocausto frustula temporis eripuerit.

*Maxentia
ter conatur
in ignem in-
uolare.*

*Sollicitanti-
bus etiam in-
sultat.*

*Maxentia
obtruncatur.*

Sed maximè mirandum est quod certa Christianorum relatione comprobatur, In medio fluminis, noctu stellas quasdam affuluisse, quarum ducti fulgore sanctorum reliquias inuenire potuerunt. quæ Nangasaquium ad Patres Societatis asportarunt.

Duorum fratrum soror morientium generosa spectatrix supplicio interfuerat; ea mox in carcerem excurrit, Parenti Clementi, ac ceteris quos etiam tum vincula detinebant, omnium fida narratrix. Quæ cum è spectaculo animum concepisset, victis maximè auctor fuit uti pari constantia ad non absimile funus aspirarent; quod faciebant ipsi; sed Clemens maxime, qui non semel coram Iudicibus defectionis suæ ignauiam detestatus, quod semel admiserat abunde renocarat. Sed illi nihil ultra sæuientes, victos reliquos liberos domum remiserunt, sibi Christo que viuere permisos ut maximè voluissent.

*Reliqua fa-
milia domum
remittitur.*

CAPUT XIII.

Non exigua Bungenſis regni pars illi dynaſtæ paret qui Buienſes moderatur. Hinc factum eſt vt in hoc caput quædam reiecerim, quæ apud Bungenſes conſtat contigiffe; ſed quæ propria ſunt Eccleſiæ Buienſi prius perſequamur. Yechudono dynaſta, quo tempore in regna Yendo ſæuiebat hæres Imperij, degebat ibidem ſuiſque oculis omnia ſpectabat. Et quanquam diuturna beneuolentia Chriſtianos, etiam cum noſtros inuitus ante biennium exegiffet, ante hac tueretur, non eſt auſus tamen edicti Cæſarei ſeueritatem negligere, quod res ſibi ſuas in diſcrimen adducere non temere fortasſe videretur. Mandat igitur ab regia vt ad defectionem neophyti omnes quouis modo laceſſantur. Et vulgus quidem poſt multas artes machinâſque concuti non potuit, donec ad eos terrendos denudandis vxoribus ac puellis, ac vicatim circumtrahendis agi cœptum. Ea res quippe cum ſupplicio quouis grauior habita fuiſſet, multos imo pleroſque dementis firmitate deturbauit, effecitque vt tempori cederent, externôque ſaltem aliquo ſigno Chriſtum ignauiter abdicarent.

*Vulgus à fide
aeſcit.*

*Nobilis cu-
iusdam Di-
daci cum ſuis
conſtantia.*

Nobilitas planè ſe geſſit generoſius, etſi fortè nihilo mitius tentata. Primas in ea tenebat Faitodono Didacus in vrbe regia Yendo arcis extruendæ pro dynaſta ſuo præfectus; hoc enim obſequium clientelæ Imperatori à dynaſtis debitum (quod alibi dixi) multos iam meſes operarum ſupra quinquaginta millia ex tota laponia detinebat. Hunc dynaſta non eſt auſus adhuc aggredi, vel deſperatione victoriæ (non neſciit enim inter eum & dynaſtæ familiariffimum conueniſſe vt cum de fide deferenda ageretur, primo nuncio capitis ſententia non defectio imperaretur) vel quod ſatis conſtaret eum ſi martyrij ſpes affulgeret dimiſſo cui præerat arcis opere, cum ſuis totum ad Euangelicæ turris ædificationem ſe accincturum. Quin eiufdem vxor, quæ domi remanſerat, ex abſentia mariti clientum ſuorum curam gerens miſit quaquaueſus qui moneret heri ſui mentem eſſe, vt in religione perſiſterent, neque

neque vererentur sua firmitate malum illi creare, qui iam apud se statuerat suam suorumque salutem fortunæ vitæque præponere.

Tentatus est tamen eius gener iuuenis nobilissimus, submissis primùm regni moderatorum voluntate amicis regni que primoribus; quibus deinde fatigatis succedunt ethnici propinqui, mater maximè; qui precibus, lacrymis, auctoritate ac propinquitatis intereius decertarent. Sed utrosque cum ita reiecisset, ut intelligeret ulteriore sibi prælio decertandum; mox ubi audiuit suum dynastam ab regia domum reuerti, misit qui Nangasaquio vnum è nostris quàm occultissimè accerseret, cuius se opera efficacibus sacramentorum præsidij ad hunc agonem præmuniret; quod fecit accuratè sanè, postquam non sine suo sacerdotisque nostri periculo illum admisisset. Redit igitur dynasta, intelligit ab regni moderatoribus quàm acriter Faitodoni gener oppugnatus esset, quàm acriter resistisset. Non arbitror, ait dynasta, eum per ætatis licentiam de salute sua sollicitum adeo repugnare, sed ne socero suo inconstans videatur sibi constare. Ergo ad eum mittit qui renunciet, ut hanc viri constantis deponat vanitatem: aliud velle tempora, non de fore illi per ætatem annos quos in salute procuranda sine ullo periculo collocaret. Respondet se cum Christi sacra susceperet, sui, non soceri; salutis, non existimationis habuisse rationem, cuius procuratio ut est æternitatis ita ad omnem spectaret ætatem.

Ex hoc illius responso impotentius accepto factum est ut ad eius voluntatem pertentandam ad extrema prope omnia deueniret. Mittit enim ad eum schedas duas alteram in hæc verba conceptam. Tamen si iusserit imperator, aut hæres imperij vel dynasta meus Yechudono; Christianus esse nunquam desinam. Altera in contrariam sententiam concepta ita legebatur, In gratiam Imperatoris, principis, ac mei dynastæ protestor me Christianam religionem abdicare. Cum his schedis mittit qui renunciet, diligenter etiam atque etiam dispiciat, utra scriptio ex ipsius re sibi videatur, illique quam elegerit propria manu subscribat. Internuncio iuuenis animosè cordatèque respondit, hæc omnia dudum accu-

ratè meditata nihil nouæ deliberationis exigere. Tum exemplo priorem schedam nomine suo insignitam remisit ad toparcham. Eam rem qui tulerit nondum dynasta demonstrauit, creditur tamen Faitodonum præstolari, ut vnq prælio cum focero generoque decertet, non putatur tamen ex laponsi consuetudine tantam libertatem impune laturus.

Sagaci quidem vir est iudicio & in huiusmodi occasionibus sui minimè potens: sed eos peculiari studio prosequitur qui debita fide ac reuerentia dominos suos colunt, & nec mortis aut alicuius dispendij metu ab instituto bono possunt auocari; dicere solitus eos qui formidine, aut minis à recta ratione & boni prosecutione deterrentur, hominis nomine indignos esse, minimèque aut præfenti, aut futuræ vitæ idoneos.

*Stratagemata
Christianum
pro recupera-
ndo rosa-
rio,*

Quod cum Christi pugil Christiani facinoris sibi conscius minimè ignoret; palatio abstinet, seque totum futuro certamini latus accingit. Sed nec alij plures defuere à quorum certaminibus materiæ similitudine abstinemus. Inter quos vnus fuit, qui ereptum sibi à iudice per vim rosarium ita tulit molestè, ut vxorem suam iudicis propinquam repudiarit, nisi à propinquo suo precatórios globulos sibi recuperaret. Quod illa perfecit nec dubitauit alienissimo alioqui tempore maritum imitari, Christum professâ, ut aiebat, hac spe ut cum marito martyr euaderet.

*Fidei deser-
tor à demone
possidetur.*


Et ne perpetui simus in pugnando repugnandoque, duo subijciam quæ cælestis prodigij similitudine non paucos in fide retinenda confirmarunt. Apud Bungeneses neophytus erat, quem tepor suus eiectionem de ore Dei Satana tradiderat. Energumenus ab hospite suo importunè vexabatur. Et quoniam hoc illi malum animi salutem ipsi alijsque multis obuenerat, secretissima quæque scelera tepidioribus neophytis maximè, sed & ethnicis subinde aperiebat. Si quando neophytus aliquis ardentior eum adiret modesto silentio se continebat. Ethnicos suos vocabat, aliâque huiusmodi multa dicebat, quæ non paucos permouerunt. Cum illi aqua propinaretur cruce quàm occultissimè lustrata; adduci nunquam potuit, ut ex ea guttam attingeret. Ecclesiasticis tandem exorcismis liberatus pristinum teporem excussit, ne fierent hominis illius posteriora deteriora prioribus.

Aliud

Aliud suo genere lætius nihilo minus admirationis habere videri potest. Ethnica mulier ad Christi sacra diuturnis iam votis aspirabat, verum Ethnicum inaritum verita non se satis expediebat. Nocte igitur quadam, à matrona maiestatem supra mortalem præferente, vt Christiana fiat in somnis se monitam refert. Hoc viso confirmata Christianis prælectionibus vt imbueretur modum inuenit, iámque satis imbuta baptizatur. Resciuit hoc non ita multo post mulieris socer ethnicus, eamque rem ita vehementer tulit, vt eiectam domo nulum abdicarit. Illa nunc in parentum domo in suscepta fide religiose perseverat, narratque visis non infrequentibus dormientem confirmari, & à matronis grauissimis sæpe moneri vt persistat, sibi curę fore vt illi à Deo salutem impetrent, quam in suscipienda religione spectauit.

*Ethnica mulier
visis nocturnis ad fidem adducitur.*

FACA.



IOACHIMVSE ET TOMAS CAPITV PRIMVM ENVERSOSVSPENSI
DE MVN OBTRVNCA TVR.

FACATAE IN REGNO CHICVIEN IOACHIMUS & THOMAS

post graua supplicia ob-
truncantur.

CAP. XIV.

Expulsis anno superiore Facata & Aquizuqui nostris, vbi sub Chicujendono confidebant, in hunc annum nihil in neophytos acerbius fuerat constitutum; hoc tempore ineunte Martio procella, quæ vbiq; sæuiebat nihilo mitior hic videri potest. Tamen etsi inuitus dynasta Christianum nomen insequeretur, voluit tamen videri Christianos ad vnum omnes suis in terris pro Imperatoris voto extinxisse. Totares in hunc modum scribitur contigisse. Edicatur itaque Martij 12. vt in forum quoddam neophyti omnes conuenirent, & quoniam vrbs duas in partes aliquantulum distans diuiditur, alteram quæ peculiariter Facata, alteram quæ Fucuoſa nominatur, forum autem illud in hac vrbs regione contineretur; solum eo conuenerunt ij neophyti, qui huius regionis magistratibus parebant, à quibus edictum apsum duntaxat exierat. Hi ad centum numerati sunt capita familiarum, neque enim ceteri acersebantur. Ex alia porro vrbs regione poterant supra mille numerari. Ad eos excutiendos iudex Oribedono huius regionis præfectus cum assessoribus quatuor è regione fani cuiusdam, cui nomen Chifugi, confedit. Liber erat solo titulo inscriptus in hunc modum. Nomina eorum qui fidei Christianæ renunciant. Hic singulis proponebatur, vt propria manu sua nomina inscriberent. Quosdam mortis ac suppliciorum metus eo adegit, vt maluerint breui scriptione multas molestias redimere; alij cum negarent se id facturos, vt aliena manu tamen inscriberentur ignauè satis annuerunt: multis arrepta manu, immissoque in digitos calamo illata visita tamen vt non satis fortiter repugnasse dicerentur. Denique toto ex numero præter duos nemo fuit, qui non perfidiæ infamia vel suspitione laboraret.

Duo igitur illi, digni qui nominentur, quoniam è libro vitæ expungi noluerunt, Thomas & Ioachimus dicebantur. E quibus euocatus Thomas ad scribendum inuitantibus ita respondit: Nihil

Hh

æquè

*Neophyti sol-
licitantur.*

*Multi defici-
unt.*

*Duorum in-
signis con-
stantia.*

æquè facile quàm nomen meum pingere, sed libri titulus non placet. Cum enim Christo renunciare nullo modo velim, nemo quoque me adducet, vt in hoc perfidiæ libro ignauus ascribar. Vrgent hominem Iudices, vrgent vicini ac propinqui, & allegant nescio quot, qui cum initio acriter resistissent, cesserant tandem dynastæ voluntati. Eorum, ait Thomas, constantiam quam diu ad ignauiam minimè degenerauit, imitari contendam. Ioachimus ad nobile fidei certamen non venerat imparatus, quippe qui edicto illo quo Christiani ad arenam vocabantur, velut classico incitatus ad arma confugerat, breuiter enim composita re familiari vnâ in orationem effusus ea quæ natura horremus votis cælestibus præueniebat; ad quem cum neophyti velut ad parentem conuenissent, orantem inuenerunt, ex eoque hæc quæ animo tractabat acceperunt. Tempus quidem coronam martyribus necit, eam etsi despero si meritis datur, minimum tamen ad exilium adspiro; quod si contigerit vnâ cū coniuge stipe ostiatim conquistâ vitam læti extrahemus.

Ad eum paulo post amici à Iudicibus missi, quam verebantur in prælio firmitatem, conati sunt ante prælium infirmare. Hanc illi præ ceteris humanitatem exhibebant, ideo quod continuis in plerosque beneficijs omnes sibi conciliarat, arte maximè medica, qua valere putabatur eaque gratis in pauperes exhibita gratior habebatur. Verum ille hostiliter amicos ita repulit, vt ad iudices retulerint, in medico spem salutis esse desperatam. Euocatus itaque ab iniqui tribunalis præfide, interrogatus num in retinenda Christi religione animum obfirmasset, ita respondit, Ego medicus & alumnus Patrum Societatis, ab ijs salutariter educatus, debueram me vltro sanè exilio in magistrorum meorum societate damnare, sed me rationes meæ atque alienæ adhuc tenuerunt. Nunc quod hucusque distuli abrumptam, si mihi per vos esse Christiano non licet.

Ioachime ait Iudex, nunc quidem de exilio non agitur, sed de Christo eiurando. De hoc ego, Ioachimus ait, ne agi quidem volo, vt vt de me meisque disponatur. Tum iudex collatis cum assessorum senatu capitibus Ioachimum vinciri sponte manus ambas offerentem & in partem alteram separatim abduci iubet. Interim ex arce nuncius examini, quod in noctem declinauerat, imponi finem
dynastæ

dynasta iussu monuerat; quod ut fieret, elata præconis voce con-
clamatur, ut si quis inuitus in album relatus esset, id palam prote-
stetur. Ignauo sanè silentio præter vnum omnes siluerunt, tametsi
constaret non paucos vim vel fraudem tolerasse. Vnus ille Tho- *Generosa*
mas fuit de quo nondum quicquam fuerat acerbius constitutum. *Thomas re-*
Prodit igitur Thomas, seque in eadem esse ac semper fore sententia *sponsa.*
profiteretur. Cui iudex, Christianos omnes exterminari iubet Imper-
rator, tu vbi consistes? vbi vbi voluerit, ait Thomas. Intra saccum
in flumine maceraberis ut Ozacæ tuis factum audio; non displicet,
ait Thomas; vel in cruce subdit iudex: hoc etiam magis placet, ni-
hil excipio, quicquid eligatis. Excurrit interim iudex Oribedonus
in arcem, & extemplo reuersus ceteros dimittit Thomam non se-
cus ac prius Ioachimū vinciri iubet; quod cum satellites atrocius
facerent, laxari iudex imperauit negans eum qui sponte vincitur
eum in modum stringi oportere. Sed Thomas ardore patiendi ac-
census laxari renuebat.

Hinc in publicam custodiam retrusi dynastæ sententiam ala-
cres præstolabantur. quo tempore submissis denuo primoribus aliis
post alios variè est illorum tentata constantia. Sed Ioachimū cum
socio defectionis simulationem, quæ sola exigebatur, æque ac ipsam
defectionem exhorruerunt; suaq; tandem constantia, quæ verbulo
subterfugere potuissent supplicia prouocarunt. Nam dynasta leni-
tate in furorem versa, in pinetum vtrumq; abduci iubet, ibique ex
altissima pinu pedibus suspendi, donec à sententia recederēt. Pine- *Ioachimū*
tum est suburbanum primariæ vrbs portæ imminens, & idem vel iti- *& Thomas*
neris vel animi causa frequens. Eò Ioachimū ac Thomas Martij 13. *ex arbore pe-*
abducuntur. Et Ioachimū prior ex altissimo ramo pendens, infra se *dibus suspen-*
pendentem Thomam ita despiciebat, ut capite pedibus illius imi- *duntur.*
neret. Et tamen ab imo Thomæ capite ad solū alij duo pendere po-
tuisent Cōcurrerat ad spectaculū ciuitas vniuersa; qua teste pendē-
tium è sua cruce constantia nobis constitit, nec videtur omittenda.

Pependērāt iam aliquo spacio, cum Ioachimū Thomā ita com-
pellauit, Thoma frater memor esto eorū quæ nostra causa Iesus Chri-
stus Dominus ac Magister noster in cruce tolerauit: grates illi refera- *Alter alterū*
mus, q̄ imērentes hac nos sui similitudine in ligno pendentes coho- *solatur &*
nestat, *confirmat.*

neſtat, nōſque Diuo Petro ſimillimos capite demifſo pendere permittit. Cui Thomas: Eadem agitabam animo, qua commentatione ita dolores meos leniri ſentio nihil vt mihi videatur quod patior pro eo quod pati deſidero. Ita ſe Chriſti athletæ his ipſis verbis ſolabantur. Pomeridianis horis duabus cœptum ſupplicium totum eum diem ac noctem tenuerat, cum altero die frequenter ab vrbe tota in pinetum concurritur. E ſpectatoribus Ethnici neſcio quia alternis inſultantes ſuadentēsque vti ſaperent, in hæc forte verba proruperunt. Mirum eſt ſanè reperiri vſque adeo emoræ mentis homines, qui ſupplicijs præſentibus ſalutem incertam ac nunquam fortasſe futuram inſectentur. Hæc illi cum inter ſe pluribus agitarent; Ioachimus diuturnius ſilentium in hæc verba interruptit. Hactenus ſilui, quod præſens rerum noſtrarum ſtatus neglectus mortalibus cum immortalibus colloquia miſcenda commoneat. Ne tamen pœnituiſſe nos, aut hæſitare quis arbitretur vnum per cuncta boreos omnes compellans qui à dynaſta noſtro cenſus annuos aut alia recipiunt. Fingamus ex ijs aliquem eo deueniſſe, vt eum mori oporteat, aut perfidiæ in beneuolum principem ſe labefœdare. vtrum illi credetis eligendum? an non ipſam mortem quilibet etiam ſuppliciorum tarda grauitate terribilem? Quod ſi verum eſt, vt eſt: quis neget eodem nos ac tanto maiori fidei vinculo obligari quanto maior eſt is pro cuius fide tuenda hæc parimur, & quanto maiora ſunt ea quibus illi nominibus aſtringimur. Quæ ratio cinatio muto audientium ſtupore comprobata importunos hortatores abegit. Ergo in diem inſequentem, qui erat tertius, prope vſque ad meridiem ita pependerunt, vt toto illo (ſi paucas horas dempſeris) triduo ne frigida quidem hauſtu refici per ſatellites potuerint. Tandem iubente dynaſta, quod in pinetum animi cauſa de more cogitaret, deponuntur. Sed neque depositis quies aut virium inſtauratio permittitur; nam tametſi Ioachimus refici cuperet, quod inedia ſupplicioque prope cæcutiret, ac vereretur ne ad vltiora ſupplicia non ſatis præſentem animum aut nouas vires adferret, non potuit tamen impetrari. Sed ad meriti cumulum in nouum crucis genus aguntur. Tranſuerſis quippe lignis in ſcalas immiſſis pedes manūsque fortiter alligantur. Ad eos in hac noua cruce

*Ioachimi
pendentis ad
ethnicos ra-
tiocinatio.*

*Tertio die de-
ponuntur.*

*Cibus eis ne-
gatur.*

cruce velut quiescentes (si minus hoc tormentum cum atrociori comparatum aptè quies appellatur) neophyti propius accedentes quærunt vti se habeant, satis admirati hominibus post eam supplicij grauitatem ac moram, vitam nedum loquendi facultatem superesse potuisse. Ioachimus in hac ipsa verba responder: Multa olim & sanè grauia tuli cum militiæ operam darem; sed si cum priore supplicio conferantur vniuersa, ludus fuit. videbar mihi quippe ab alto ad imum serra diffindi. Verùm continua tormentorū Christi commentatio ideo me solabatur, quod viderem supplicij mei tenuitatem, cum ad eorum quæ passus est grauitatem tanta imparitate componebatur. Vnde ne nihil esset illud exiguum quod tolerabam; dolores meos cum illius doloribus coniungebam.

Interim dum nostri athletæ ad arboris suæ pedem cum neophytis colloquuntur, dynasta in pinetum animi causa superuenit. Satis constat eum cum impotentius ferret se ceterorum victorem à duobus superari, minatum se cum in pinetum venisset vtrumque se loco traieciaturum; quod ideo fortasse non fecit, quod spectantium multitudo eum ab impotentia deterruerit. Vbi tamen rescituit illos neque supplicij grauitate, neque tarditate à proposito elanguisse, dixisse fertur, Nihil est quod vltra meliora sperentur ab ijs quos hucusque perduxit obstinatio; quam truncatis capitibus actutum luant mando. Nec mora, Iuuenes aliquot accurrunt; & vtrumque in supplicij locum abducunt. Ioachimum vires defecerant, & latus carnificum humeris eò deuenit. Thomas ætate iunior ire potuit. Ioachimus igitur primo ictu oblongiore romphæa truncatur. Thomas vbi non nihil ad orationem spacij exorasset, socio comes additus gladio truncandam ceruicem tradidit; & vterq; mortis sacræ compendio æternitatem compararunt.

Sacra eorum corpora in eodem pineto condita dies aliquot iacuerunt, donec à neophytis subducta in eum locum inducta sunt, vnde ad debitam illis venerationem educi poterunt cum illi Ecclesiæ serenitas redierit. Capita tamen mox aliqui neophyti surripuerunt, & ad ceteras martyrum reliquias Nangasa quium delata Societati sunt tradita, quæ facile dignouerunt ij qui cum viuīs ante tractauerant. Eorum mors atque constantia tanti habita est ab ipsis

*Ethnicus sacrificulus
martyres
commendat.*

ethnics, dicere ut non dubitauerit ad frequentem concionem è superiore loco nescio quis sacrificulus. De illorum salute quis dubitet, qui pro sua lege ita certauerunt, utinam vos ea contentione salutem procuretis.

*AQUIZUQUI EODEM IN REGNO MAT-
thias in eadem causa capite plectitur.*

CAPVT XV.

*Neophytorum
constantia.*

*Trecenti mi-
lites in Chri-
stianos im-
missi.*

AQuizuqui frequens erat neophytorum cætus, qui auctore Michaelē Soyemondono eius quondam loci toparcha coaluerat: sed eo iam vita functo, cum præfectura tota in alterius iura transfisset, soli ferè coloni negotiatoresq; remanserant, nobilitate vniuersa, quod in huiusmodi regnorum vicibus in Iaponia fieri solet, hinc inde diffuente. His præerat senex quispiam olim sacrificulus, & quod idem est Christiani nominis hostis acerrimus, qui cū ex Imperatoris ac dynastæ voluntate Christianis uti se ad patrios Deos referrent edixisset, plus in ijs quam cogitauerat inuenit firmitatis. Euocatos enim cū singulos exscripsisset, iubebat ut qui Christū negarent figurā nescio quam nominibus suis subscriberent, qui sibi constarent, supra nomen inscriberent. Et cū pleriq; velut seipsis superiores hoc extremū auderent isq; numerus ad septuaginta eosq; potentiores peruenisset, Christianos omnes criminaturus scribit ad dynastam, Aquizuqui neophytos in vnum coactos tumultuari, nec esse qui velit edicto parere. Ad eos igitur in officio cōtinendos trecentorum militum manus subducibus quinque in eos imittitur. Hi tamen si pacata omnia reperissent, facileque aduerterent ab odio religionis calumniam, non ab amore publicæ quietis, exortam, irruunt nihilominus in neophytorum domos easq; omni sacra suppellectile religionis indice violenter expilant, & secum victos atrociter abducunt. Pauci eo in tumultu defecerunt, alij chirographis adulterinis à propinquis frustra reclamantes liberantur. Ceteri nec interrogati, sed nec auditi dimittuntur, sublato militariter clamore quod omnes à Christo defecissent, facile ut ex modo constiterit omnia conniunte dynasta ita fieri ut Imperatori fieret satis, magis quàm ut

vt Christi fides exterminaretur. Quod vt certius fama vulgaret, placuit ex omnibus vnum eligere quem sibi præ ceteris constare senferant. Sors autem cecidit super Matthiam.

Erat Matthias Aquizuqui Neophytos inter veteranus. nam in primis Christi fidem quondam satis cursim in primo illo Euangelij cursu susceperat, sed continua deinde nostrorum cura ita se sensim excoluerat, vt continua Christianæ pietatis exercitatione de virtute in virtutē ascensiones in corde suo disponens vnico martyrij saltu ad videndum Deum in Sion exultarit. Cum igitur inter primos nomini suo figuram religionis suæ testem præ ceteris animosius inscripisset, domum repetijt ea facturum quæ generosus animus post heroicæ cōfessionis facinus præfagebat. Et quoniam ipse sibi crucem spe votisq; proposuerat illico vestem sibi parari iussit, cum qua honestè pudenterq; penderet. Sensere propinqui quid Matthias fecisset, quid in posterū facere cogitaret. Prima igitur prælia cum ijs miscuit, de quibus sacræ literæ affirmant, quod inimici hominis domestici eius. Sed hæc erant huic animo præludia. Victor à se repulit vniuersos. Alterum agmen fuit eorū qui deni fere duodenū à moderatore quondam sacrificulo submittebantur, à quibus ante communem sacræ supellectilis stragem, priuata Matthiæ petulanter ex-
Matthias se ad crucem parat.
Prima Matthia certamina.
 pilatur. Matthias militares animos Iaponēsi ex more ad sacra transferens eā iniuriam ita parum moderatè tulit, ac si armis quispiā eum suis exuisset, fleuit, infremuit, excanduit: donec aduertens tandem quid faceret, seipsum inculauit: Itāne Matthia militariter & parum Christianè turbaris? Christi fides habet hæc pro signis solū sine quibus sarta tecta q; consistat; faciā Deo iuuante vtī constet his me sine religionis meæ detrimento carere potuisse. atq; ita re quam meditabantur infecta, qui submissi fuerant ad moderatorem redierunt.

Cum deinde militum trecentorum cohors gubernatori Ex-sacrificulo suppetias latura concurrisset. Matthias à Iudicibus euocatur, eoq; ipso tempore quo refici volebat. Sed cū adduci vix ab vxore potuisset, vt paululum sumeret, excusso prandio assurrexit in hæc verba prolocut⁹, Agedū, eamus, cū eo vocemur, vbi reficiēdicorpusculi legib⁹ exsoluemur. Cū igitur in præstolantiū iudicū tribūnal deuenisset ita interrogatur, Tūne es Matthias Xichirobioye? sum ait.

Tūne

*Liberè iudi-
cibus respon-
det.*

Tūc ille qui scripto confirmasti te Christi fidem nunquam deser-
tutum? Ille ipse. Tūc in hac sententia tibi constas? Consto, inquit,
nec est quod ultra vos fatigetur Deo bene iuuante aeternum mihi
constabo. Amicē tibi auctores sumus vt aliquid de hac animi con-
tentione remittas, ne ducum qui ad sollicitandos Christianos ac-
currere vim experiaris, tum maximē cum tibi subuenire nobis non
erit integrum. Quod, ait, respondi semel, vnum erit apud omnes i-
demque semper responsum. Quo dicto separatim iubetur præsto-
lari, dum ceteri non absimiliter excutiuntur. Nec ita multo post
dissoluto conuentu Matthias ad gubernatorem ducēsque pertra-
hitur. Occurrit ex itinere sacellulum in quo Iaponius Mars, Fachi-
man vocant, colebatur: in cuius conspectu (ne dubitari posset in
qua causa pateretur) solo afflictus fustibusque contusus arctissime
vincitur, non manibus solum sed iniecto quoque in collum fune
ita propē præfocabatur, vt sacratissima Iesu ac Mariæ nomina, quæ
sedulus inuocabat, ad audientes egredi laborarent. Eum funem cū
aliquid elocuturus remitti non nihil postulasset, hoc ab immiti sa-
tellitio responsum accepit, Cū tu tibi huius mali causa sis, mala
tua tibi habe. Bene monetis interclusa voce susurrat Matthias, ro-
Deo meo pati certum est quicquid occurrerit, nec passus est funem
a volentibus deinde laxari, cū diceret, finite me amabo reliquam
vitæ breuitatem suppliciorum meritis cumulare.

*Coram gu-
bernatore fi-
dem constan-
ter profitetur.*

Matthias igitur cum in gubernatoris ac militiæ ducum tribu-
nal deuenisset, rogatur edito iam nomine num à Christiana lege sa-
lutem illam quæ post fata speratur expectaret? planē, inquit. An et-
iam in Iaponiæ sectis eam reperiri putas? minimē gentium. si ita
sentis, inquiunt, quid est causæ cur imagines ceteraque tuæ religio-
nis arma tradidisti, scriptoque Christiana sacra patrijs dijs redditus
eiurasti. Priora, inquit per vim erepta sensi acrius, quàm pro Chri-
sto patientem oportuit: posterius nec feci, nec faciam, nec si quis
meo nomine fecerit sum conscius, aut ratum aliquid habeo, quàm
quod præsentē ac iubente gubernatore firmaui. Næ tu, inquiunt
pertinax es, aptusque ad omne scelus etiam perduellionis perfrictē
patrandum. His alijsque conuicijs affectus Matthias eiecūsque
ibat gaudens à conspectu concilij, quoniam dignus habebatur pro
nomi.


nomine Iesu contumeliam pati. Nec mora in electum capitis sententia dicitur, dictaque non differtur, sed abductus in reorum arenam cum iter totum precibus consecrasset, in genua ruit hoc vnum prolocutus. Testes mihi estote quod in Christi fide retinenda vitam pono; quod cum dixisset obruncatur, eo ipso die quo Ioachim & Thomas Facatę in eodem regno fortiter occumbunt, Martij nempe quinto ac decimo. Nec abfuit prodigium, constat iuratis testibus ipsoque carnifice, truncum caput tertio Iesum inclamasse: tertiamque vocem non solum non elanguisse, sed ac si se ipsam validius intendisset, clarius exauditam. Sacrum caput & reliquas mortalitatis exuias Diuorum omnium ædes à Societate Iesu asseruandas excepit, & socia ceterorum martyrum sepultura donauit.

Capite truncatur.

Truncum caput tertio Iesum inclamat.

Non vnus Aquizuqui pugnauit Matthias. matrona quædam Anna nomine sine sanguine, sed non sine animo repugnauit. E quinque ducibus vnus ad eam nuncium miserat qui rogaret vt in eiurando Christo dynastę nec non Imperatoris mandatis obtemperaret, Cui illa. Satis admiror, inquit, qua fronte missus ad me fueris laceffendam, cum hero tuo constare debuisset me tametsi fœminam non esse de numero transfugarum. Forte post dies aliquot obequitans ille, qui nuncium miserat, matrônę ædes transierat, quę redeuntem obseruans, nondum decocta memori iniuria domo erumpit, equi frænum corripit, sessoremque in hæc verba compellat, Ego Christianè viuo si nescis & moriar Christianè quibuslibet etiam supplicijs laceffita. Eques rubore suffusus illam in ædes remisit, spondens neminem in posterum illi molestiam creaturum quæ cum se recepisset, cœpit quem conceperat animum toto suo sexu vulgare, apud quem auctoritas illi multa, quod fœminas prope omnes Ecclesię matri renascentes consuetis ritibus, si dicere licet obstetrix accepisset. Huius constantiam nonnulli exilio, aliquetiam grauius luxati non dubitarunt imitari. Sed quia maiora nos vocant à communibus abstinemus.

Christiana matrona constantia.



ADAM ARACAVA NUDVS PENDET ET DEMVM CAPITETRVCATVR.

NOBILISSIMO MARTYRIO ADAM ARACAUÆ

cava in Insula Xiqui coronatur.

CAP. XVI.

Insula Xiqui pars regni Fingo sub Augustino quondam Christum agnouit, hodie parer Ximadono, qui Figenfi in regno arcem incolit cui Caratcu nomen est, Insulasque Xiqui & Conzuram, suffectis sibi præfectis moderatur. Ante hunc turbinem serena ibires Christiana, fauente non Ximadono dynasta minus quam Insularibus, eius exemplo, præfectis. Sed ubi detonuit ab aula præsentis procellæ fragor, quisque rebus suis consulere, quam fauere maluit alienis. Ergo ad præfectos suos admodum imperiosè ad nostros non inurbanè scripsit, ut extemplo nostri cedant Insulis seq; recipiant cum domesticis quo maximè placuerit. Scriptum, factum, iubetur ex Insula Xiqui sacerdos noster P. Garcesius cum socio alumnisque die postquam moniti fuerant horis matutinis abire. Parentum fuit eo neophytorum sensu, quem extremi luctus extremum sacrificium interrumpentes testati sunt. Ne tamen omni cultore vinea destituta planè siluesceret, relictus est quàm fieri potuit occultissimè apud filium, senex quidam annos natus 60. quorum plurimos domi nostræ domesticis obsequiis triuerat lubens ac volens ex eo tempore, quo ab Arimensi rectore præsentī neci, quæ ab hero illi designabatur, ereptum se fatebatur. Is Arimensi ex agro oriundus Aracauæ pagum (Arima duas fere leucas distat) natalem agnoscebat, à quo etiam Aracaua dicebatur. Commendatur Adamo igitur, ut quantum laico licet, Patrum suppleat absentiam, infantes eluat, mortuos sepeliat, ieiunia, dies festos statasq; preces indicat.

Rei Christiana procuratio sibi Adamo commendatur.

Quæ dum curat nemine vel aduertente vel prohibente non indiligenter, Ecce tibi à Ximadono literæ cum regiam peteret adueniunt, quibus & auctoritate & Imperatoris exemplo adductum se scribebat, ut ne vnum in suis terris pateretur Christiano nomine censerī, idque ita seuerè suis edicebat præfectis, ut scirent ex hac vna re dynastæ sui salutem ac totius Insulæ incolumitatem dependere. Hinc factum est ut Xaroïemon supremus Insulæ præfectus subita metamorphosi visus fuerit ex agno in leonē esse conuersus, & qui fauere solebat furere cœperit atq; bacchari, ita tamen ut omnia gesta perfunctoriè furoris potius apparatus, quam furorem

*In alios Chri-
stianos fide
in Adamum
serio inquiri-
tur.*

ostentarent, fictis enim chirographis tumultuq; hoc agebat, ut nemo videretur, non ut nemo esset Christianus. Quia tamen oportebat Neophytos auxilijs suis destituere, vel exemplo terrere, aut etiam aliquid quo serio res acta credi posset ostentare, visus est Adamus vnus ex omnibus aptissimus in quem tota procella sauiet, quem si pauidum ruina feriret, eadem multos inuolui procliue erat, si sibi constaret, cetera sibi hostes videbantur consecuti.

*Sollicitatus
ad defectio-
nem liberè
respondet.*

Adamus igitur vnus ad supplicia quærebatur, & quoniam gregem suum lustrabat inscius fabæ quæ in eum cudebatur, apud nonnullos etiam neophytos, in suspicionem venit adornatæ fugæ furorisque declinati. Inuentus est tandem ab vno è neophytis, totiusque rei factus certior laureatam nuncium sublatis in cælum manibus gratulabundus excepit, nec mora, moras omnes abruptans domum repetijt, in qua neque se periculis obijceret non vocatum, neque se subduceret conquisitum. Adeum continuo ethnicorum concursus facti, qui hostiliter amici suaderent ut id faceret exemplo, quod tandem esset urgente præfecto aliquando facturum. Quibus in hæc verba respondit. Ego neque præfectum, neque dynastam, sed nec Imperatorem curo quoties de hoc negotio salutis agitur, ideo quod Christianus sim & à solo Deo salutem sperem. Quibus verbis ac similibus cum importunos à se repulisset hortatores, ad Duumuiros qui de Christianis inquirebant amandatur, apud quos blanditias, minas, fraudesque ex vna omnes impietatis pharetra sagittas illæsus exhaustit. Vincit igitur in arcem raptatur ad præfectum tertio ante Dominicam Palmarum die, satis latus quod sui suppliciorum dies cum Christi tormentis conspiraturi non causa solum sed ipso quoque tempore videbantur.

In arcem venerat Adamus inclinata iam die, dilato igitur in aliam diem examine præfectus eum iubet, ut in crastinum mollior esset, tota nocte aliquo supplicio macerari, ita suspensum, ut extremis prope vnguibus corporis moles vniuersa consistere videretur. Postridie vocatur ad tribunal, præfectus vultu ad humanitatem lenitatemque composito, protestatur se nec sua, sed nec dynastæ voluntate in Christianos debachari, sed hoc vnus Imperatoris voluntate fieri, cui serius aut citius velis nolis sit parendum. Ego, inquit Adamus, mortales negligo in hoc negotio immortalitatis, iubeat qui

qui voluerit, vni Deo pareo, à quo vno quæ sunt æterna præstolor. dynasta ne statu suo excidat, quod iniustum est, facit, ego ne vita excidam immortalì à iustitia non recedo. à qua si excido, neque tu præfecte, nec dynasta, sed nec Imperator à morte me liberabitis æterna. Sed esto liberent, neque diuini Numinis, neque beneficiorum illius in nos magnitudo hanc in generoso pectore defectionis patitur vilitatem. De me statue præfecte, vt voles, non sum à Christo nec alius vllus me auctore defecturus.

*Nudus per
urbem rapidetur.*

Excanduit hac respondentis libertate præfectus eique qui sum pectus aperuerat totum corpus iussit ad ignominiam denudari, perque arcis compita inclamante præcone pertinacem rebellemq; rapari. Cum iam celebrioribus vicis lustratus ignominiam insignem latissimo semper vultu animoque tolerasset, iubetur in frequentissimo triuio in nouum crucis genus agi, in quo ludibrium supplicijque ita immitti lenitate temperabatur, vt esset sine morte diuturnum. Duo in terram stipites alti palmos octo vel nouem, quinque fere palmarum spacio alter ab altero desiguntur, ab vtroque stipite transuersus alter ita visebatur vt eo leuiter inniti non sedere posset colligatus ad palos, supra funis ab vtroque item transuersus capiti reclinando leue solatium erat præbiturus. In hac Adamus machina nudus vt erat ita colligabatur ad cubitos vt extremis vnguibus insisteret, in eoque supplicio totos dies nouem ad Sabbatum quod sanctum vocamus planè otiosè detinetur, ne tamen aut ætas grauior aut recens ægritudo huius supplicij moram & nocturnum frigus non ferret nocturnis horis soluebatur, inque vicina domo seruabatur. Iuuat in hac mora non nihil immorari & Adamum nostrum ætate venerabilem, facie semper alacrem, situmque ad pietatem composito visendum intueri, eiusque facta dictaque ple-
raque ab interitu vindicare.

*Novem die-
rum suppli-
cio torque-
tur.*

Ethnicus nescio quis ex aduentu famuli quem Adamus priusquam caperetur Nangasaquium amandarat, sumens occasionem ita illum interpellauit. Quæ te spes alit miser, cum iam patres tuos tota Iaponia eiici Nangasaquienses ædes sacras intra breue tempus dirui nuncietur. Spes mea respondit non in Patribus, non in ædibus sacris vnquam stetit, sed in solo Deo cœli terræque Domino ac seruatore nostro Iesu Christo, à quo in supplicijs omnibus vires &

*Adami dicta
in tormentis
ad ethnicos.*

Ad Christianos.

æterna deinde gaudia constanter certoque præstolor. Ad omnia prope quæ sita hoc erat solum vnicumque responsum, quo repetito importunos à se interpellatores amouebat, qui si rogare pergerent, oculos claudebat, quod aures non posset, vel sublatis in cœlum vnà cum vtraque quæ à cubito pendebat manu in attenta oratione ita defigebat vt absorptus in ea suauiter conuiuiscere videretur, fiebatque tanquam surdus non audiens & tanquam mutus non aperiens os suum. Christianos porro quoties id custodes permittebant amicissimè compellans hortabatur ne à fide deficerent Deoque fiderent, fore vt in tormentis eius gratia fulcirentur, quoties eius nuditatem horroremque miseri vinum illi morè gentis calidum propinarent, causabatur id orandi sibi studium impedire, nec admittebat nisi vrgente necessitate perraro. Martyr compellatus se peccatorem inclamabat, indignumque hoc nomine profitebatur, quin potius constantiæ sibi ac perseuerantiæ virtutem precibus ad Deum fufis obnixè postulabat exorari. Denique nihil agebat nihil loquebatur, cogitabat nihil quod non sanctimoniam pietatemque redoleret.

Primis diebus pendebat in vico quodam cui ædium vmbra vim ventorum frigorisque non nihil refringebat. Verum id illi quoque leuamen inuidentes translata in aprium cruce iuxta portum etiam vbi maior esset concurrentium frequentia, supplicium simul cum ignominia duplicatum, additaque sensim alia multa quibus in dies grauius petulantiùsque torqueretur. Sed ille rupis instar non constitit sibi solum, sed alios etiam ad æmulationem fortitudinis inflamauit. Initio cum Adamo alij duo pendebant neophyti, sed nec planè nudi nec diu, quod propinqui facultatem Christianæ legis factam illis mentientes, pro eorum defectione spondentes, eos ex gubernatoris voluntate liberarint, nec idem beneficium Adamo præstitisset illibenter si quispiam pro eo fide iussor accessisset. Ad extremum cum per tot dies constantia de pertinacia triumphasset Adamus exsoluitur, & in amici neophyti domo iubetur custodiri, quanquam non ita multo post spondente pro eo ædium hero custodes amouentur, vnde factum est, vt Adamus trimestri toto in Christianis liberè confirmandis, seque ad martyrium comparando per otium occuparit, quod spacium, in quo multa posteritatis memoria

*Tormento
exsoluitur tri-
mestri toto
dotinetur.*

moria dignissimā contigerunt, non videtur cursim mihi transigendum. Siue enim secum ageret, siue cum ethnicis, seu cum ipsis denique neophytis, planè fuit admirabilis, quem si ordinem seruauero nihil mihi videbor omissurus.

In ædium penetralibus cellulam inuenerat à tumultu remotiorē *Eo trimesfri*
 eam dies noctesque incolebat, orationi aut piæ lectioni, quoties ab *quid egerit.*
 inuisentium sacris colloquijs se proripiebat incumbens. Libellus il- *Quid secum.*
 li de Christo imitando carus inprimis & frequens; nec solatia illi
 cœlestia defuerunt, maximè post heroicum ad gubernatoris minas
 horribiles responsum, ex eo enim tempore cœlestibus solatijs ita
 rapiebatur vt iā ea consecutus non sperare videretur. Satis constat
 ipso narrante Deiparam oranti Virginem quæ crucem manu gesta-
 bat adfuisse, quo ex tempore certior de martyrio factus iam non vt
 prius id nomen respuebat, sed Deo sua beneficia gratulabatur, præ-
 dicebatque fore vt extremo supplicio plecteretur tametsi res, vt mox
 dicam ad exilium inclinatura videbatur. De hoc cœlesti viso
 cum ex eo quassisset neophytus an Dei matrem sanctissimam clarè
 conspexisset, initio conticuit velut dubius silendūne potius an
 respondendum, sed paulò post hæc ipsa verba scribitur reddidisse,
 Crucem in manu sanctissimæ dominæ nostræ clarè conspexi. Nec
 hoc vno cœlesti viso recreatus creditur, sed quod inter colloquen-
 dum cetera subobscurius significasset omittuntur.

Ex eo quod ita secum ageret Adamus, quicquid cum ceteris age- *Quid enim*
 ret velut ex fonte nascebatur. Cum Ethnicis primum brevis & ner- *ethnicis.*
 uosus paucis verbis eos à se remouebat, quod vt cū importunis age-
 ret liberius, cellulæ ianuam quam opponeret ab hero custode impe-
 trauit. Multa illi cum ijs prælia victoriam quotidie celebriorem fre-
 quentiorēque comparabant. Sed nihil nobilius quam susceptum
 cum gubernatoris internuncio minisque cœramen. Cū enim ad-
 uerteret eum nullis machinis moueri, misit qui moneret, sibi iam
 certum esse nisi tandem aliquando à Christo deficeret, digitos illi
 pedum ac manuum amputare, sed ita vt ad supplicij tarditatem, nō
 alium prius amputato quam prioris vulnere persanato, nec se à len-
 tis supplicijs cessaturū donec sententiam permutaret, mortē porro,
 quā tantopere pro Christo suo exoptabat, se ad pœnā illi negaturū.
 Magna vis Christianæ fortitudinis, cui mors tantopere sit in votis vt
 negata

*Mirum etiā
crudeliſſima
patiendi de-
ſiderium.*

negata ſit pro minis. Huic internuncio athleta noſter in hæc ipſa verba reſpondit, Ad hæc aliaque ſupplicia grauiora comparatus confido mihi vires à Deo meo minime defuturas. Si mors ex ijs ſequatur gaudium erit mihi ſuis numeris abſolutum, ſin peccatis meis debita ſupplicia Dei cauſa toleraſſe mihi ad ſolatum plus eſt ſatis. Vnum peto vt quoniam iam hæc mihi ſupplicia decreta ſunt ac certa, nihil moretur exequi, ne ingraueſcens iam ætas parūque firma valetudo mihi mea gaudia meritāque præripiat. Obſtupuit reſponſo gubernator, iuſſitque vt crudelem carnificinam inchoaret. Sed ille cui fuerat demandata horrore ſupplicij ſanctique ſenis innocentia deterritus tam diu diſtulit, donec mollior poſt dies aliquot præfectus ſententiam ipſo interceſſore reuocaret.

*Cum neophy-
tis quid ege-
rit.*

Cum Neophytis porro non inferiora contigerunt, omitto quotidianas de rebus diuinis colloctiones eaque omnia quæ viri virtus perſuadet eſſe vulgaria. Duo non poſſunt inſigniora prætermitti in quo utroque prodigium eſt euident, & quod negari non poſſit prophetici muneris argumentum. Neophytus quidam cum animo tractaret attentius quibus ſupplicijs à Chriſto poſſet auocari, reſtitit in vno ſatis dubius quid ageret, ſi contingeret ſeptem quas habebat proles ſe præſente torqueri, aut coniugem ſuam populo inſpectante nudari. Ea cogitatio dies aliquot hominem ſuſpenſum tenuit, ſatisque mæſtum, quod inueniſſet in quo, vt tum ſibi videbatur, gratiam natura ſuperaret. Hæc illi cogitatio nullis ſenſuum limitibus egreſſa intra mentis arcem tenebatur, cum qua viſens Adamum forte vt ſeipſum tanto hortatore ſolaretur, priuſquam verbum daret ita eſt ab Adamo compellatus, Heu tu quā altè in animum tuum prolium tuarum tormenta coniugis que ludibrium penetrarunt. nescis heu nescis eum qui tibi ad cetera animum ſubminiſtrat ad hæc quoque vires minimè negaturum. Obſtupuit ille qui ſciret, hoc ex animo ſuo in Adami notitiam nullo ſenſuum vehiculo deuenire potuiſſe, ſuoque ſtupore confirmatus didicit ſpes ſuas in vno Deo non in ſe collocare.

*Futura præ-
dicat.*

Alius importunis vnus è miniſtris precibus Chriſtum inuitus & ſimulare ſed tamen eiurauerat. Is deinde facti pœnitens, ſed nondum ſatis efficaciter. Adamum inuiſit dum in ſua cellula tenebatur,

batur, à quo est in aliquorum præsentia satis asperè increpitus, cum-
 que discessisset hæc de eo dixit astantibus. Ipse quidem nimis igna-
 uè se gessit, sed non ita multo post, diuinum honorem suumque a-
 bunde resarciet. Prædictionem probauit euentus. Vix bene Ada-
 mus martyr obierat, cum ille ipse ministrum adiens à quo fuerat ad
 defectionem prouocatus eum coram testibus ethnicis in hæc ver-
 ba compellat: Meminisse potes quàm importunè nuper à te laceffi-
 tus nimis turpiter in fidei causa defecerim, nunc te ipso ceterisque
 testibus profiteor me nunquam ex animo Christi fidem posuisse,
 sed contra doloris mei testem conscientiam ex eo tempore nun-
 quam conquieuisse, tametsi quotidiana corporis flagellatione assi-
 duaque comprecatione conatus sim immane scelus eluere. Nunc
 rogo te vt posthac me pro Christiano habeas Christianèque viuen-
 di facias facultatem. Excanduit ille cumque se ac præfectum quin
 & ipsum dynastam negasset hanc facere posse facultatem, iniurijs
 affectum eiecit è confessu. Tum ille magno planè animo facinus
 aggreditur animo dignum pœnitente. In proximas enim ædes irru-
 ens candenti sibi ferro bene conspicuam in fronte crucem inurit.
 Tum in confessum redit in hæc verba prolocutus, Quis hoc signo
 inustus dubitabit me iam Christi fidem profiteri, cuius causâ quid-
 quid est ubiq; suppliciorum irrogate, qui ad hoc animum ingessit,
 ad cetera vires non negabit. quo dicto se à confessu proripuit silen-
 tium illis ex stupore relinquens. Non nesciuit hoc gubernatori iam-
 que statuerat atrocibus in eum tormentis animaduvertere, sed quod
 intelligeret plerosque Adami exemplo recentique facto inflam-
 matos in eandem arenam prodituros abstinuit, Christi que seruus
 suo cauterio conspicuus in totam vitam liberè se pro Christiano
 gerit, præfecto velit nolit conniunte.

*Defertor fidei
 palinodiam,
 recantat in-
 signis liberta-
 te.*

*Candenti
 ferro sibi ipse
 crucem inu-
 rit.*

Sed tandem aliquando ad Adamum nostrum redeamus. In-
 terim cum ipse sua cella detinetur diuque spes præfecti suspendit,
 incidit forte nobilium de eo cum præfecto mentio. Multis vide-
 batur in eo torquendo demandatum sibi munus excessisse, cum e-
 nim domesticus esset noster, videbatur ex dynastæ sententia solo
 exilio non supplicio plectendus, nec vllum mactari oportere, cum
 dynasta nullum in Christianos ius necis concessisset. Præfectus itaq;

*Mortis in A-
damum sen-
tentia.*

fatius dubius quid ageret, renunciari iubet hero cui Adamum commendarat, suaderet Adamo uti se clam Nangasacium recipiat. Cui Adamus non faciam, inquit, nisi publica iudicis sententia iubeat exulare, sed neque id sum facturus nisi publico scripto munitus, quo constet me à Christi fide deficere noluisse. Quod cum audisset præfectus, statuit cum ceteris regni moderatoribus absente dynasta rem agitare. Ergo cum in arcem se Caratcu dynastæ sedem contulisset, placuit præter omnium expectationem Adamum toties rebellem tamque insigniter pernicacem obtruncari, non dubiam esse in simili casu dynastæ voluntatem. Hanc moderatorum sententiam illi pronunciarent, si ea territus resipisceret, viueretur, sin verò, plecteretur.

Capite truncatur.

Truncum caput bis Iesum inclamabat.

Hanc mortis sententiam Adamus ita excepit sicut semper optauit, ad quem fama rem vulgante tanti subito neophytorum concursus facti sunt, ut de publicè plectendo consilium deposuerint ne sacra martyris exuias ad cultum, quod nuper Arimæ fecerant, per vim sibi raperent Christiani. In arcem igitur ex custodia sua reductus eo prætextu, ut in suam denuo crucem ageretur, post aliquot deinde dies palam obtruncandus. Neophyti tametsi fraudem facile sentirent, nullo tamen modo illius martyrio per custodes interesse potuerunt. Illa igitur ipsa nocte clam magnòque silentio Adamus educitur sub gallicinium eo gaudio delibutus, ut omnes obstupescerent. Iter erat asperum ac præceps è summo monte in quo arx sita est ad litus, & tametsi alij qui eum ducebant sapius laberentur, quod ad secretum nulla face iter regerent, ipse senex vincitūque saltitans nusquam offendit, sed potius cum à carnifice de loco periculoso moneretur, exilijt eo animi corporisque impetu, ut eum qui funem trahebat post se raptaret. In supplicij loco breui perorans, cum rogasset carnificem, ut vna cum filio fidem susciperet Christianam, ipsèque se facturum recepisset, ceruicem fortiter præbuit amputandam. Verum in tenebris aberrans sic humeros tetigit, ipseque immobilis ac Iesum inclamans, alterum ac tertium ictum, quo demum decussum caput exilijt, expectabat. Ethnici qui soli aderant, affirmarunt, truncum caput postquam in terrâ excidisset, bis Iesum ea contentione vocis inclamasse, ut tota vallis insonue-

insonuerit, quo permoti dicebant, hanc mortē aptam esse, ad Christi fidem persuadendam, orationem. ideo quod fieri non posse videretur in ea lege in qua tanta viri virtus celestibus prodigijs honoratur, salutem minimē reperiri. Sacrum cadauer vna cum capite reti inuolutum, altum scapha conscendentes saxisq; prægrandibus depressum in mare demerserunt, priusquam neophyti qui paulò post accurrerunt, concurrissent. Sed recenti cruore tepesactam adhuc humum colligentes, ethnicos qui paulò post aqua maris sanguinem venerant diluturi, præuenerunt. Sacrum corpus & caput sedulò cōquisitum reperiri non potuit, tametsi ex luce, quæ supra locum, ubi demersum dicebatur, frequens visebatur, in spem venissent illius educendi. Lux etiam in eo ipso loco in quo fuerat obruncatus, sæ- *Lux in loco* pius illuxit, quod vtrumque iurati testes permulti confirmarunt, & *supplicij* aliquando coarctat ad octoginta simul omnes eam lucem eminus conspiciari, & quosdam, qui eam videntibus ceteris non videbant, precibus ad Deum fufis vt viderent impetrasse.

QVIS ARIMENSIVM RERVM STATUS

boc anno fuerit.

CAPVT XVII.

Diu iam tota Iaponia vagati sensim redigimur in angustum; reliquæ Christianæ maximam cladem cultorum illius vineæ expulsiōem persecuturi in extremum Iaponiæ angulum compingimur. Et quoniam à Nangasaquienfi portu proscripti exulare iuebantur, prius loca viciniore circumlustremus quàm Nangasaquiū repetamus. Arimenses primū nobis reuisendi sunt, tū Fijensis regni domicilia (in quo Nangasaquienfis portus ipse numeratur) percurremus, ac demum Iaponia soluturi Nangasaquij conscendemus.

Redire velim in memoriam ea quæ libri secundi principia de Saffioie fraudibus aperiunt, quæ tandē hoc año eos quibus incubabant fœtus excluderunt. Ea uti contigerint & anno sequenti tragœdiam horribilem prepararint, aggredior explicare. Arimensis regulus cū aduerteret Octobris elapsi victimas ita arsisse, vt in reliquum Arimensem agrum incendia sua vulgarent, & Neophytos omnes intelligeret vehementius votis quàm flammis ardere; satis

intellexit, ex Sasioie principijs in quæ iurauerat nimis inconsultè dynastiae suæ statum ab offensi imperatoris nutu velut à filo pendere, eo maximè telam intercidente, quam non aduertebat sibi texere, quam alteri retexebat. Ergo ut malum præueniendo minueret, aut in melius etiam noua illectus fraude commutaret, ad Imperatorem auctore Sasioie rescripsit in hunc modum, Sibi iam diu patrijs dijs post eiurata barbara sacra restituto nihil magis cordi fuisse, quàm ut clientes suos auctoritate, minis, precibus, ac demum supplicijs eò pertraheret, quò ipse iam exemplo præiuerat. Sed cum omnia cum peruicaci hominum genere sibi in vanum recidissent, nec aliud ad sperandam victoriam telum superesset, cupere se etiam atque etiam ut permutata provincia sibi liceat in eam regni partem commigrare, in qua non sit ei cum ea pertinacia colluctandum. sperans fore ut ampliorem hac via ditionem auleque propinquam ei darent qua ditiores ac securiores essent; id sibi coniugique, Imperatoris pronepti gratissimum ideo fore, quod esset expectatissimum.

*Arimensis
dynasta petit
provinciam
sibi ab Impe-
ratore per-
mutari.*

Interim dum eæ literæ non tam itinerum quam aulicas moras expertæ responsum differunt, auditur, fama vulgante, quid Miaci, quid toto Cami, reliquaque Iaponia Christianæ religionis odio turbetur: inde factum est ut & ipse dynasta eodem semper metu palpitans ne iners incuriusque videretur intermissum aliquot iam menses in Christianos furorem renouare meditaretur. Re in dubitationem vocata, supplicia, exilia, minæ, ceteraque huiusmodi, quòd parum nerui habuisse constaret, non satis placuere. grauiora querebantur. Ea ex studio virtutis petita, laborarunt, ut virtus, si fieri posset, secum ipsa pugnaret. Nam statuunt alia nulla re moueri acrius posse neophytos, quam si vxores ac filias nudatis corporibus per compita circumraptarent, petulantique vulgo ad ludibrium exhiberent. Ea res omnino pudoris ac verecundiæ cultores acriter permouit, non ut fidem pudori posthaberent, sed ut inusitatis modis animosè sanè, sed nimis fortasse militariter fidem pudoremque simul in tuto collocarent. Quibusdam videbatur tuendæ castitatis causa posse vxores ac filias simul omnes potius iniectis ignibus conflagrare, quam se igneis libidinum telis exponere. Quibusdam

*Minatur
neophytorum
vxores ac fili-
as nudas cir-
cumraptari
debere.*

*Varia contra
neophytorum
consilia.*

dam mitius credebatur armis tuendum pudorem, ne de viuis impudentia triumpharet. Placuit tamen ad extremum vt sodalitorum præfecti ad dynastam pro ceteris legatione fungerentur, supplicesque exorarent vt supplicijs vsitatis contentus ab ijs abstineret quæ barbarum erat non exequi solum, sed etiam designare, ne fortasse inaudita ludibria læsam patientiam verterent in furorem, cui dedisse causam nemo non prudens iudicaret eum qui barbara in non barbaram gentem supplicia fortasse primus inuexisset. Continuit ea res impetum, ac metus ratioque malefana consilia suspenderunt. Ne nihil tamen fecisse, soloque metu elanguisse, non etiam rationi celsisse videretur, sicca nihilominus ac sine sanguine tela in vniuersam nobilitatem euibrauit. Edixit enim, vt quisquis ab eo censum siue annuos redditus acciperet, extemplo aut religioni cederet, aut fortunis. Nec mora, familiæ omnino quinquaginta à splendore atque opibus ad pœdorem extremamque inopiam libentes deuenerunt, ideo quòd Apostolo doctore didicissent, *omnia vt stercora arbitrari vt Christum lucrifacerent.* Cætera quæ in Christianos moliebatur in Sasioie redditum ab regia Imperatorisque super prouincia permutanda responsum differebat.

*Christianos
nobles fortune
exiit.*

Eam moram Christiani (pudet enim prope in posterum veteranam horum pugilum virtutem neophytorum nomine compellare) eam inquam moram in lucro reponentes toti erant in accurata comparatione ne telis improuisis obruti cederent. Nec pigebit interim dum Sasioie præstolamur, ne otiosi simus, hæc animorum incendia propius, vt incallescamus, contemplari. Solenne illis iam erat intra octauum quemque diem vnum ieiunio piæque flagellationi dedicare; alterum addiderunt, statas preces duplicarunt, & eas quæ in horas quadraginta nunquam intermissæ producuntur varijs in locis indixere, sacramentum de non eiurando Christo solenniter innouarunt. Tum Nangasaquio clam Sacerdotem è nostris vnum alium euocant, à quo intra dies paucos octingenti sunt magno eorum solatio à peccatis expiati.

*Christiani
ad martyrium
se comparant.*

Ipsi pueri, qui infra quintum ac decimum annum sub auspice D. Iosepho ex nutricia Christi pueri cura, puerorum archipatriarcha cogeantur à sacramento excusari per ætatem ac iura noluerunt.

*Pueri è Iosephi
sodalitio
coniurant ad
martyrium.*

runt. Illud in hæc fere verba non pueriliter conceperunt. Tamen si nobis ungues euellantur, aut sigillatim dentes eruantur, tamen si aqua torqueamur, aut viui conflagremus, aut quidlibet aliud pati nos oporteat, nunquam à Christi fide, quam hoc profitemur sacramento, discedemus.

*Sodalitiorum
præfetti à Sa-
sioie tentan-
tur.*

Respondens.

Vbi aduenit Arimam Sasioie, nihil prius habuit quam ut duodecim ad se sodalitorum præfectos euocaret, ij quoniam de martyrij palma nihil dubitarent agi, dictu est incredibile quàm læti se stiterint euocanti. Nec ij solum, sed alij quoque permulti ad spes proximas non vocati, dum vocatos comitantur seipsos inuitabant, ijque tanto numero ut propè aulas omnes atriaque oppleuerint. Arimensem dynastam vna cum Sasioie reperiunt, à quo sunt in hanc sententiam compellati. Peruicacia vestra in barbara religione retinenda non solum res vestras eò detulit, ut inter supplicia perpetuo timoresque aut moriamini aut viuatis, sed principis vestri, quem per tot iam aorum ætates coluistis, prouincia est in extremum adducta discrimen. Huc igitur à me estis auocati, ut admoneamini, saniora consilia, non ut antehac respuentes, an vitio vestro dynastam vestrum perdere vósque ipsos innumeris in posterum velitis calamitatibus inuoluere? Deliberaturis de tanta re spacium damus, & saniora consilia optamus. Huic orationi quæ prona videbatur ad quidlibet extorquendū, vnus cæterorū nomine in hæc ipsa verba respondit. In religionis causa iā dudū omnia extra deliberationē statuendo posuimus. De Arimensis prouinciæ ac principis periculo aut etiam pernicie nihil vitio nostro religionisue adituum arbitramur, cum illius legibus nostræque omnium propensione fidem illi non secus ac parenti simus seruaturi; quem in finem fortunas nostras omnes ac ipsam vitā, salua duntaxat religione, deuouemus. Si cuiuspiam vitio principi nostro clades accersatur, liberi sumus à culpa, infortunium commune, prout par est, deplorabimus. Nec ideo tamen Arimensi regno cælorum regnum, nec vitæ breuitati æternitatem postponemus. Cum hoc responso dimissi iubentur nihilominus rem denuo in deliberationem adducere, antea quàm res adhuc integræ eo deueniant, ut nullus consilio locus supersit aut modus.

Tentatis in hunc modum Arimensis opidi incolis ad alios etiam

ex agro transitur. Cuchinotcu principium dedit, sed & finem quod eorum constantia victoriæ spem etiam cum ceteris fecisset desperatam. Ea constantia magnam partem, secundum Deum, accuratæ illorum comparationi debetur, quam ne referam materiæ similitudine deterreor. In renouato tamē fidei sacramēto, noua suppliciorū genera expresserunt in hunc modum. Tametsi exilia, bonorū proscriptiones, proliū coniugumq; nostrarum seruitus ac ludibria proponātur, tametsi frustatim secari, viuos assari, frigi nos oporteat, tāetsi quolibet alio supplicij genere torqueri nos cōtigerit, nunquā à Christi Dñi ac Seruatoris nostri lege recedem⁹. Id iuramentū educto sibi ex digito, more gentis sanguine nomē ascribentes cōfirmarunt. Ac ne fortasse herouū sodalitiū nota ex cuiusquā defectione inurere-
tur, non nisi selectissimū quemq; inscribentes vltra centuriā conseri noluerūt. Ex eo igitur pago primores quinq; Arimā euocantur, cū q̄bus Sasioie similibus formulis pugnavit, illi pari responso repugnārūt hoc solū supra Arimensiū responsum addentes, q̄ deliberationē etiā post altera iussa admittere noluerint, itaq; responderint, vt Sasioie impotenter se ex tribunali proripuerit, & in proximum cubiculum receperit. Cum hac victoria reduces ita ciues suos incendunt, vt ardere omnia iam proximo persecutionis igne viderentur. Sodalitij sacramentiq; centuriam candidatorum torrens extra suū alueum in alias quatuor centurias vno hoc impetu exportauit, nec vltra limites pati voluit numerum indignata. Fuit vnus aliquis quē suppliciorum imagines menti oblata terrere non poterant, nisi ea quæ lentum incendium minabantur. Statuit experiri, luculento igni nudus assedit, sudauit, prope ad delirium æstu iam caput corporis arcem inuadente, turbatur inde ac trepidat veritus ne huic supplicio cederet, sed à nostro sacerdote edoctus hæc virtuti supra naturam, quæ suo tempore copiosè confertur, accepta deberi, metum ponens animo conquieuit. His alijsque pluribus Arimenses ad insequentis anni atrocissima prælia nobilesque victorias abundè comparati, nihil enim vltra molitus est Sasioie, vel dynasta neque est hoc anno vltra sæuitum.

Sasioie interim cum dynasta de permutanda ditione consilia miscens persuasit ne mutaret, noua fraude adolescentem deludens. Eo enim maximè adnitente alia iam illi prouincia erat assignata in regno siunga, aliquanto Arimensi agro inferior, caque

*In Cuchinot-
cu Christiā
tentantur.*

*Sodalitij
Martyrum
sacramentū
renouata*

*Mirum Mar-
tyrj deside-
rium.*

*Arimensi dy-
nasta ditione
permutatur.*

*Dies ad abe-
undum. tan-
quam pro-
scripto defi-
gnatur.*

in parte in qua vicinos parum fidos erat habiturus primo in tumultu competitores & fortasse qui per vim inuaderent. Scribitur igitur in regiam, Sasioie omnia spondet ne Arimensem agrum alteri eripuisse, sibi rapuisse videretur. Sed fictè omnia, iam enim aleam iecerat, nec ullus conatus aut gratia profuit. Ergo breui ex aula rescribitur, ut Arimensis dynasta in designatam sibi extemplo transeat prouinciam, ei que velut proscripto, qui tot insontes proscripserat, dies intra quos abire, sua que cogatur efferre designantur; eiusque rei exequendæ negotium Sasioie mali totius architecto demandatur. Mirum quanto mœrore confectus abierit, maximè quod ex clientibus neminem permittebatur abducere, qui non prius Christum abdicasset. Ne tamen solus abiret dissimulandum illi fuit, nam apud ipsum eo tempore supra 300. palam Christi fidem profitebantur. Multa illi ex itinere incommoda terra marique contigerunt, demersis nauigijs amissaque supellectile, planè ut constiterit iratum Deum defectionis ab eo pœnas repetere, quibus veinam saperet, seque, quod nondum facit ad frugem reciperet. Ita miser ijs ipsis artibus, quibus auitas terras conseruare tanto conatu cogitauit, quia non est consilium aduersus dominum inconsultus amissit; quod si in parentis sui funere attendisset expressum, non dedisset ipse filius experimenta recentioris toti Iaponiæ documentum. Hæc omnia post mensem Iunium, quo Sasioie ab regia redierat intra hunc eundem annum perfecta contigerunt.

DE NOSTRORVM DOMICILIIS NANGA-
saquiensi Collegio attributis.

CAPVT XVIII.

Isafay.

EXtra emporium Nangasaquiense finitimus ager magnam partem Christum profitebatur intraque regnum Figen in quo est ipsum emporium nostri sedes aliquot numerabant. Earum in communi malo par fuit fortuna, sed de singulis pauca seligamus. Isafay sub vmbra sui dynastæ licet amicissima procellæ vim euitare non potuit, sed tamen minore damno tolerauit. Iussus est sacerdos noster Nangasaquium se recipere, clam quoties ad neophytos veller

vellet rediturus. Aedes sacra diruta, sed ad eā suo tempore restituendā quę integra ante ruinam fuerunt dynasta iubente seponuntur. Aedes nostrę priuatę stare permittuntur nec ad eas conseruandas, sed maximē fouendos Christianos duo alumni nostri expelluntur. Cū neophytis præter edictum vix aliud tentatū nam tamen singuli ad iudices excutiendi vocarentur, ab ipsis tamen iudicibus moniti hoc Imperatoris gratia fieri, posse Christi fidem liberē sed non palam profiteri, ne dynasta malum pro beneuolentia reportaret. Ex toparchis tamen intra eosdem fines minoribus non defuere qui priuatim in domesticos suos vel religionis odio, vel priuatis ex causis vtcunque sæuissent, quorum prælia & triumphus tamen à nobis omittuntur, non sine suo præmio, Deo teste, conseruantur.

Alia nostrorum sedes ex qua Iaponensis Ecclesię instituto sacerdos noster vicinos Christianę fidei limites moderabatur. *Fundojama* Fundoyama vocamus. In Omurę regione sacrificuli dynastam incitarunt, vt Iaponiæ totius exemplo in Christianos sæuisset. verum ille renuens ait se religionis causā nolle suis terris inferre solitudinem, aut qui. tos clientes supplicijs sollicitare. certarent ipsi qua se valere profirebantur facundia vel causę bonitate, in quo tamen sibi non defuerunt, neophyti tamen, qui iam eorum artes norunt, ipsi quoque sibi adfuerunt, pecuniaria tamen multa illi qui nostros reciperent imposita, sed nunquam exacta. Ximadono arcis suę neophytos Carateu vocant acius tentauit, nonnullos enim exilio bonorumque proscriptione damnauit, è quibus insignis Christi confessor Acafoxi Georgius breui martyr spretis omnibus vnam secum fidem margaritam exportauit. A Nabexima, qui maximam Figenfis regni partem obtinet, eiecti nostri sua sede quę in dynastę eret potestate sacram ædem à ruina tueri non potuerunt. latuit nihilominus diu vnus è nostris, qui deinde subinde ad suos recurrebat postquam se Nangasakium recepisset, sacellum vicino in pago sibi commendatum Clemens in eoque sacram imaginem asseruabat. vrgentibus vt traderet, ceruicem obtulit, imaginem negauit. Cūque fugam ab eo post hoc facinus adornari metuerent priusquam dynasta moneretur, protestatus est fugam fore sibi pro defectione si eam adornaret. Monitus dynasta Clementem proscriptione

*Paralyfis di-
uinitus cura-
ta.*

*B. V. imago
spectra fugat.*

Fucafori.

*Neophytus
præfecto libe-
re respondet.*

ne damnauit; abiuit ille quidem sed victor, imaginem quippe suam controuersia principium exportauit, ita lætus, ut nihil amittisse sibi videretur. Inter eosdem neophytos magnus pietatis ardor erat, quem Deus cælestibus prodigijs videtur cohonestasse. Ex agritudine paralyfin contraxerat iuuenis ingrediendi facultate planè destitutus. Vouet se in ædem nostram confessionis causa venturum. Nec mora, cum tentasset ingredi, ad eam facile se contulit ultra tres leucas constitutam. Neophytus alius in fano pernoctabat, quod domo careret, quem cum nocturna spectra terrerent, imaginem B. Virginis eo in angulo suspendit, in quem se recipiebat. Eam spectra spectare cum non ferrent, in perpetuum diffugerunt. In pago Vracami, & Mongui sedes nostras Collegij Nangasaquiensis vicinitas tam diu defendit, quam diu ipsum stetit.

Fucafori pagus est in ore portus Nangasaquiensis, ædem ibi sacram eius dynasta, hortatore Sasioie, diruit, ne cum suo, quod ibi crexerat, exiguo fano certaret. Hoc anno superiore. Præfectoris annus in ipsos sæuijt atrocius Christianos; præfectus enim propositis grauib; pœnis edixit, ne quis esset Christianus. sed surdis cecinit edictum, in vnū corpus facti de Christo nõ deferendo conspirarunt. Primores præfectus ad se accersitos dementiæ inculcavit, quod in religione barbara & insuaui salutem quærerent, quam patriæ sectæ sine fortunarum ac vitæ periculo spondent minus inclementer. Cui vnus ceterorum nomine ita respondit, Atqui hoc est Præfecte, quod controuertitur; neque enim eam legem elegissemus, nisi prius planè aperteque nobis constitisset, in ea vna salutem, non in cæteris reperiri, quæ tota Iaponia mortales sua falsitate dementant; quo ita constituto breuia non debent æternis anteponi. Præfectus in re seria iocatus ita retulit. Quis ab æternâ vita cursor aduenit, cuius auctoritati quæ creditis innitantur? Alter verò, rationes quibus adducti nobis in animum induximus hanc legem sequi, pluris nobis sunt, quam quæ à cursoribus noua sparguntur: catechisticas prælectiones excute, si nostræ legis veritatem, si Iaponensium sectarum inanitatem tibi voles sine fraude constare. Locus in furorem vertitur, sorta rosaria, tradi-
bet.

bet, sed iuuenis, Petrus dicebatur, excanduit. Nemo fidem & rosarium sertum nemo tradet, pro quo vitam ponere venimus comparati. Petri socer ethnicus iudicem postea rogauit, ne adolescentis libertatem, pro eo quod merebatur plecteret. Spondere se facturum ut positis iuuenilibus animis intra superiorum se iussa recipiat. quod cum Petrus inaudisset, indoluit, extemploque uxorem ac proles ad socerum amandauit. Filia tua, ait, ac nepotum amor immodicus effecit, ut pro me nolente sponderes, tu tibi illos habe, ego sine illis liberior, si res tulerit, mortem feram. Praefecto autem sicam suam dono misit, se, qui breui pro Christo moriturus esset, sica non indigere. Socer tandem ubi domesticis praelijs generum frustra tentasset, filiam illi remisit ac proles, protestatus, velle se, ut mariti, ac parentis periculum sustinerent. Sed gubernator mentito soceri chirographo, ad speciem defectionis, contentus, Petri spes infortunium suum deplorantis elusit.

Fortunatiores fuere Cosmus & Ludouicus fratres, hic martyrio, alter exilio. Cum enim de varijs interrogati hoc vnum respondissent, esse se Christianos, pro ea causa mori paratos, domum iere ceperunt, donec per internuncium praefecto iterum vrgenti, maximè à cognominum similitudine, & aliqua propinquitate, hoc ipsum, nec aliud responderunt. Domus igitur vtrique in custodiam designatur, dum statuatur dynasta, quid hac pertinacia fieri iuberet. Interim dum responsum expectatur, ipsa nocte Nangasadium excurrunt, peccata expiant, preces aliorum postulant, ipsaque nocte domum reuertuntur, ubi ad martyrium vestes, ac cereos etiam, quos gestent manu parant, tantoque desiderio ad dynastae responsum anhelant, ut aliud à visitatoribus nihil prius exquirerent.

Interim praefectus accepto iam responso, Ludouicum secum ad piscationem, quam animi gratia meditabatur, inuitat. In eum diem forte inciderat, quem à Christi corpore solennem appellamus. Parum abfuit, quin Ludouicus celebritatem causaretur. Sed cum incidisset, esse posse quod tantopere cupiebat, scapham cum praefecto conscendit. Vix aberant à littore leucā vnā cum praefectus ita

*Ludouico ca-
put amputa-
tur.*

*Cadaver in
mare demer-
sum noctur-
na lux pro-
dit.*

Ludouicum compellat. Constat tibi Ludouice in eo quod circa religionem tuam nuper es professus. Planè ait ille, & hilaris & ad moriendum comparatus. Responsum qui aderant sannis & dictarijs spernente Ludouico exceperunt. Itaque præfectus cervicem illi iubet amputari. Ruit extemplo Ludouicus in genua & suauissimè Iesum ter inclamans altero ictu obtruncatur. Cadaver & caput alligatis saxis demersum piscationem fictam quæ in hoc solum adornabatur absoluit. Reuersus præfectus fratris vtriusque domum diripit, & familiam vtramque perpetua damnat seruitute. Solus Cosmas extra fines iuberetur exulare, satis tristis quod ipse senior fuisset à iuniore præuentus. Neophyti porro Nangasaquienses non fictam piscationem adornant, sacrum sicubi reperiri posset cadaver extracturi. Dies quinque iam frustra lapsi erant, cum nocturna lux locum notat, ut iurati testes confirmauere: eaque duce per facile sacrum pignus eduxerunt, & Nangasaquij societati nostræ commendatum ad ceteros martyres est adiunctum, donec pace reddita in patriam remittatur.

NANGASAQUII ANTE EXILIUM gesta.

CAPITULUM XIX.

QUàm inuiti se ad exitum è laponia comparant exulaturi, antiquam stationem breui deserturi, tam inuitus ad eius narrationem accingor, malique nuncij baiulus non possum non claudicare. Gloriosum est quidem in Christi causa mori, gloriosum est pro retinenda fide proscribi, sed quia apostolicum est pro fratribus anathema fieri, non potest etiam pastoribus oues deferentibus exilium non esse luctuosum, ijs inquam qui salutem alienam propriæ gloriæ quantum licet libenter anteponunt. Sed tamen ut in partem laboris si non patiendo, compatiendo saltem veniamus ad id quod inuiti facimus, ut ut fuerit accingamur.

Vix vnquam mala sola irruunt, catenati labores alterum ex altero cudunt, filoque continuo se mutuo inrertexunt. Primus Nangasaqui naufragantis ecclesiæ fluctus nauarchum excussit, viduūque

que gubernaculum arte sua destituit. Ineuntis quippe anni, qui Iaponensi ecclesiæ criticus fuit, initio Februarij mensis die sexto ac decimo Iaponensis præsul diem suum obiit. Is erat è Societate nostra Ludouicus de Cerqueira Lusitanus, vir ijs dotibus præditus, quas ea dignitas exigit, etiam in ecclesiæ nascentis incunabulis difficiliter occupata. Trimestris illum sustulit ægritudo, cui causam continuus ex sponsæ suæ malis conceptus dolor dedisse creditur, secundum hunc inter humeros à dextro nonnihil latere dolor internus acceperat qui dies ante obitum quindecim in apostema duplex erupit, quod malum cum omnia medicæ artis præsidia pertinaciter eluisset, Iaponensis ecclesiæ lumē extinxit eo maximè tempore quo tenebris ingruentibus optabatur.

*Ludouicus de
Cerqueira
Iaponensis e-
piscopus mo-
ritur.*

Quo sensu iacturam communem omnes exceperint, satis testatum videri potest ex incredibili ad funus prosequendum concursu, ex publica comploratione, iustisque funebribus omnium ordinum consensu qua fieri potuit pompa celebratis, quæ omnia persequeretur nisi me alia vocarent, hoc vnum sit satis, Ecclesiastico splendori nihil defuisse, neque apud Nangasackienses in hoc etiam rei Christianæ tirocinio, Europam desiderari potuisse. Non me teneo tamen quin elogij loco viri virtutes per summa capita percurram, hoc ipso luctum fortasse communem solaturus. Quam ex religiosæ disciplinæ diuturna exercitatione virtutem hauserat, ad Episcopale munus cum attulisset, mirum quantum supremo illi apud Iaponenses neophytos muneri contulerit dignitatem. Vnica illum sui officij cura distinebat in pauperes, proscriptos maximè, quod effunderet, de non opimi beneficij tenuitate subtrahebat. Clericis suis licet adhuc in hac ecclesiæ nascentis infantia paucis, ipse non raro de conscientia casibus quæ nuper ediderat, ad tempus accommodata prælegebat, charus erat prope ex æquo omnibus, ijs etiam, quos ex officio suauiter fortiterque corripiebat, ipsi ethnici magnates etiam, per omnes honorum gradus ad Cæsarem vsque beneuolentiam suam quoties inciderat venerationi mixtam testabantur. Qui in cæteros talis fuit, qualis erat in seipsum? qualem planè religio finxerat, honor, morum non rarus immutator, nihil innouauit. erga Societatis Præpositos & maxime Generalem,

*Mortuo pa-
rentatur.*

*Episcopi Ia-
ponensis elo-
gium.*

pro ea, quam exhibere non poterat obedientiæ religiosæ demissione, promptam & voluntariam obseruantiam perpetuo substituit. Domus Societatis ordinem æmulata, orationum tempora datis signis partiebatur. Denique non religiosam vitam deseruisse, sed ad eam pastoralis officij munia addidisse videbatur. In ea ægritudine quæ illi suprema fuit, socio sæpe affirmavit, terrena iam sibi omnia diu viluisse, cupereque cum apostolo dissolui; sed vnâ superesse curam, vt quam in infantia rudiorẽ acceperat ecclesiã, nouis præceptis, prout adoleſcendo capax fiebat, erudiret, quam ad rem summi Pontificis, quem de multis consuluerat, responsum præstolabatur, circa quæ multa mihi dicenda essent omnium conscio, nisi hoc remotius esset ab instituto; in ijs saltem toti Romanæ curiæ constitit, quam exactum haberet Ecclesia in extremi orbis angulo, sacrorum Canonum obseruatorem. De quibus tametsi responsum non est affecutus, quod laborum mensuram præmia compleuerint, non defuit ecclesiæ tamen ex Christi vicarij liberalibus indultis, vnde sui laboris absentiam desideriumque leniret, interim dum ille nouus è Lusitania præsul aduenerit, è Societate nostra nuper nominatus Dominus Didacus Valens, in cuius consortio hoc ipso anno, quo hæc scribimus, ad Iaponas Sinasque nostros cum selecta sociorum manu bene ominatum, vt speramus, iter repetimus & per immonsa maria Deo duce re nauigamus.

*Provincialis
Iaponia sede
vacante Vicari-
arius gene-
ralis eligitur.*

Præsulis obitum crudelissima huius anni tempestas excepit, cuius pondus ex Clericorum electione canonica in P. Valentinum Caruallium præpositum Prouincialem est reclinatum, in quo clerus ille cum summi pontificis voluntate nihil aduertens planè conspirauit. Cum enim auditum est Romæ, Iaponiæ præfulem ecclesiæ suæ decessisse, ne quid ex longa successoris mora in ea locorum distantia caperet detrimenti, suprema Pontifex auctoritate sancijit, vt quoties illam Ecclesiã suo viduari pastore contingeret, vicarium munus, nulla noua electione, in eum recideret, quem tota Iaponia supremum Superiorem Societas Iesu agnosceret, quocunque illum tandem nomine appellaret. Is igitur ex officij sui ratione procellam ingruentem auersurus, in regiam misit è nostris P. Iacobum Mesquitam, qui diu Collegium Nangasackiense moderatus præfecto

Ad Sasioie notus & charus esse (si quis illi rei Christianæ admini-
ster vnquam charus fuit) in paucis credebatur. Degebat tum in aula
Sasioie, à quo neglecta propter odium in Christi religionem amici-
tia, qui missus fuerat, ne ad Cæsare adiret planè est impeditus; quod
diceret, principi certum ac statutum, omnes ad vnum ecclesiæ ad-
ministratos Iaponia pelli, nec vnū Iaponia tota neophytum superesse.

*Aditus no-
stro ad Impe-
ratorem à
Sasioie præ-
cluditur.*

Ex hac extrema rerum desperatione humana remedia damnari
cœperunt, diuina euocari; in quo sanè tanto à neophytis ardore cer-
tatum est, vt nemini molestam arbitrer fore narrationem, si solito
enucleatior inferatur. Ea quæ à neophytis in hoc genere patrata
sunt, si priuata partim fuisse dicam, partim publica, nihil prætermi-
tam. Priuatis faciem præluxere nostri, dum intra domesticos parie-
tes id occeperunt, quod ab alijs erant exacturi. Ex præpositi provin-
cialis voluntate sacrificia complurima, corporis afflictationes, ora-
tio continua potius, quam in horas quadraginta de more sæpius di-
stributa, ad quam intra secretius sacellum augustissimi sacramenti
præsentia intuentium oculis exposita, precantium feruorem inci-
tabat. Hinc profecta sunt & ex aliorum ordinum familijs, quæ de-
inde ad neophytos eruperunt. Omnes in sua sodalitia distributi
domi primùm suæ solita pietatis exercitia insolito ardore sunt pro-
secuti, ea deinde in ædes sacras penetrarunt, quæ tetigisse satis est
ijs, qui ex re nata facilè sunt cetera collecturi.

*Extrema o-
mnia Chri-
stianis inten-
tantur.*

*Neophyti ad
martyrium
se comparant.
Priuatim.*

Publica vero ita inusitata fuerunt, vt facilè testentur priuatum, *Publicè.*
vnde nata sunt, incendium. Teneri quippe nullo modo potue-
runt, quin inconsultis suis rectoribus in publicum erumperent, ar-
dore fortasse magis pio, quàm prudente consilio, quod ex hac ipsa
causâ, vt deinde constabat, ethnici obrectatores calumniæ ansam
arripuerint. Sed culpari non possunt plerunque, quod spiritus
impetus abripit vltra quàm humana consilia detulissent. Ergo
neophyti, ad impetrandam diuinam opem, supplicantium pompas
explicant, totâque vrbe sua vota, frementibus licet, qui præerant
ethnics, euulgant. Maio mense duplex huiusmodi pompa præces-
sit, in qua, præter reliquum apparatus, in seipsos supra mille fla-
gellis sauebant ijs, quibus cruor copiosus exprimitur. Alij multi
suppliciorum in se nouorum inuectores sponte imitabantur, quæ
alibi

*Varie in sup-
plicatione
corporum affli-
ctationes.*

alibi Tyrannis in Christi martyres intentarat. Quidam intra flore-
as compacti neophytos Miacenses, totiusque Carni referebant,
alij tibias intra præduras arundines prensabant, alij crucem imita-
bantur: nonnulli nuda pubetenus corpora spinis inuoluebant; nec
pauci ingentia saxa humeris gestabant: quidam manicis compedi-
búsque manus pedésque induebant; multi pectora filicibus tun-
debant: quidam aliorum humeris ad transuersa ligna pedes ma-
núsque extensas colligati gestabantur. Nullus erit finis si omnia
pœnarum comprehendere nomina tentem. Hos pueri sequebantur
Christi tormentis quæ capite manúque gestabant insigniti, à qui-
bus Diui omnes ex ordine in auxilium vocabantur, idque voce ita
lamentabili vt multis lacrymas excitarent, etiam ethnicis, qui com-
munem vrbs luctum siccis non poterant oculis intueri. Nec vna
fuit huiusmodi supplicantium turma. exinde plures ac plures ita
increuerunt, vt die quadam sex septémue in hoc apparatu prodie-
rint, nec temerè affirmari posse putetur nullum tota vrbe fuisse cu-
iuslibet ætatis aut sexus, qui non aliquoties supplicaturus prodie-
rit, ac sese palam peculiari corporis afflictatione, quam cuique pie-
tas suggerebat castigarit.

*Nangasaqui-
ensibus neo-
phytis coniu-
ratio impin-
gitur.*

Ex his vrbs moderatoris ethnici Sasioie famuli & familiares
veriti ne quis tumultus oriretur, cuius ipsi culpam sustinerent, ma-
luerunt calumnia imminens à se malum remouere, quàm veritati
patrocinari. Ergo ad eum scribunt iam ab regia reuertentem, Chri-
stianos publica totius vrbs coniuratione ad Imperatori repugnán-
dum conspirasse, neque passuros videri, vt sui pastores Iaponia tota
exulaturi nauem conscenderent. Has literas si ex itinere præfe-
ctus accepisset leuius malum futurum erat, quippe quod longa
cum Christianis tractatione, quid agerent non quid molirentur
assceturus. Sed cum nuncius obuam minimè reperissent, Surun-
gam vsque peruenit, literasque illius sorori tradidit, quam alibi ch-
ram in primis Imperatori familiaremque esse monui. Illa fratris a-
more ac muliebri furore amens Imperatorem adit, fratris pericu-
lum explicat, eoque credulum redigit, vt senex iuuenili furens im-
petu sicam corripiens exclamauerit, se ipsum Nangasaquium dele-
turum, nisi remotius abesset, Satis enim vereor, ait, ne Sasioie rei
bellicæ

bellicæ non satis p̄ritus minus appositè hunc tumultum sedet. Et mox ad consilium refert, vti dispiciant, nequid respublica capiat detrimenti. Cuius auctoritate militum præfecto nobili qui Fuximi in arce præsidio erat, mandatur, vti Nangasaquium cum copijs exemplo aduolet, & præfecto suppetias ferat, communique consilio atque opera decretum in Christianos exilium executioni mandetur; quod vti perfectum fuerit denarrabo.

Militum præsidium Nangasaquium mittitur.

REI CHRISTIANÆ ADMINISTRI NANGASAQUIO soluentes totâ Iaponiâ exulare coguntur.

CAPUT XX.

Venerat interim die supra 23. Iunio mense Nangasaquium ex aula Sasioye, qui ciuitatis statu accuratius expenso facile animaduertit Christianorum ardorem plus in seipsum sauijsse, quam in rempublicam quicquam machinatos, vimque cœlo potius ab ijs factam, quàm terræ intentatam; vnde factum est, vt conuenire maluerit, quàm, vt sibi videbatur, de nouo crabrones irrire. Iam enim diu didicerat ex Arimensium firmitate, quam obfirmatè Christiani sua sacra retinerent. Biduo nihilominus posteaquam in urbem aduenerat, præposito nostro prouinciali, ceterisque religiosorum ordinum moderatoribus renunciari iubet, vti sibi quisque suo sumptu nauigia pareret, quibus in exilium exportetur: statutum esse iam dudum Imperatori, ac ratum, ad vnum omnes vel indigenas vel aduenas rei Christianæ administros tota Iaponia exterminari.

Ingens rei Christianæ malum quò propius omnium capitibus impēdebat, eò vehementius in animos influebat, pari apud omnes doloris sensu in causa non apud omnes dispari. Pastores angebat gregem suum deserere, gregem pungebat impendentium potius maiorum metus, quàm præsentium sensus, non facillè dicas, vtri vtrius in suo quisque ordine cesserint. Omitto solitas totiesque cantatas, in simili casu, neophytorum ad diuina præsidia confugientium comparationes; quibus interim dū vacant, in negotio salutis otiosè, non otiosi, Satanae ministri cum suo hero minimè dormitarunt.

Mm

Adue-

*Vnde orta
coniurationis
suspicio.*

Aduenit enim id temporis missus ab Imperatore cum selecta militum manu præfectus Fuximensis, Surungadonus dicebatur, qui satis molestè tulit, se muliebri metu, quem soror Sasioye concitabat, coactū ad inermes venisse, ad tumultum quem minimè repererat sedandum. Primis igitur diebus satis querulas ad Imperatorem literas scribit, quibus pacata omnia se Nangasaquij reperisse fatebatur. Referebat tamen magnopere ad existimationem Sasioye non vanos metus tumultūque nunciasse, seuerius igitur in neophytos posthac animaduertens quærebat in scirpo nodum, & quod vero falsoue causaretur. Nec defuit illi ex quorundam, inconsulta comparatione quod carperet. Conueniebant, ut aliibi plerunque aliquot inter se neophyti, deque retinenda religione sanctè inter se conspirabant, sed quia difficile est etiam in bonis modum tenere, quorundam hortatu nonnulli in quadam, quæ mordicus retinerent capita, scripto & sanguine coniurauerunt. Inter quæ duo sæpius à nostris impedita, nunquam tolli omnino potuerunt. Coniurabant enim se Imperatori in rebus fidei minimè parituros, quod tametsi in retinenda religione sanctum erat, quia tamen sæpius eiusmodi sententiam scripto inuicem tradebant, calumniabantur aliqui maius ibi latere, quod seditionis speciem præberet. Alterum etiam minus poterat excusari, astringebant enim se, ne morte quidem proposita permissuros, ut religio, si quidam ex Imperatoris voluntate Iaponia pellerentur. Quod sic ipsi intelligebant, ut quos vi retinere nullatenus poterant, absconditos sibi reseruarent.

*Imperator ab
Sasioye in
Christianos
inflammat-
ur.*

Hinc arripuit Sasioye, quo auxilium copiarum præfecto persuaderet, non inaniter à suis in præsentem re trepidatum, tum constaret apertè in Imperatoris edicta eius emporij ciues prope ad unum Christianos pæne publice conspirare, quibus si accederent Arimenses eodem æstro perciti, quis non videt ab exigua scintilla potuisse pertinax incendium excitari. Communibus igitur literis Imperatorem monent Christianorum conspiracyonem non nullam fuisse, & detegi iam occepisse: excanduisse ferunt acrius ubi se negligi sensit, quam cum priore nuncio muliebribus furijs ageretur, Nangasaquium deleri, Christianos perdi omnes oportere. Neque his

his contenti, ad augendam rem militem parant monito per præfectum Sazumę regulo, alijsq; conterminis vt in armis militem haberent, si fortè illum ad Nangasaquienses tumultus sedandos oportuerit euocari. Et ne quid ab Arima moueretur, quæta ibi omnia placuit hoc rerum motu conseruari, ac per fraudem moneri factam illis in posterum liberam Christianè viuendi facultatem. Sed hæc omnia quàm ficta fuerint, quæ mox à nostrorum discessu Arimę gesta sunt, satis supérque testabuntur.

Res igitur eo deuenerant, vt ab ingruente procella nullum fides serenius affulgeret, cum ecce tibi præter omnium opinionem ex Amacaensi portu in Nangasaquiensem Sinensis commercij ventrix oneraria deuenit. Nullus fuit cui non ex hoc euentu si non meliora, minus atrociora saltem sperari posse videretur. Cum enim mortales fere suis lucris omnia metiantur, nihil dubitabant in præfecti onerariæ gratiam aliquid de concepto in Christianos rigore remittendum. Non defuit omnium expectationi præfectus qui in rei Christianæ gratiam nulli sumptui parcere parabat, adornata Imperatorem legatione placaturus, in qua sine dubio momenti erat plurimum, nisi ab eo qui hæc omnia cudebat, fuisset impedita. Cum enim de hac ipsa legatione cum eo ageretur, sine cuius auctoritate institui non poterat, per summam dissimulationem Sasioie auctor fuit, ne periculosam rem inconsultè præfectus aggredetur, satius sibi videri si ex Lusitanis negotiatoribus aliquot in aulam cum suis muneribus ablegarentur, qui literis à se ad amicos conscriptis Imperatoris fauorem, si quis reliquus esse poterat, parua quidem spe, sed sine periculo venarentur. Non latuit Lusitanos ea fraus, sed ne quid intentatum relinquerent, rei Christianæ, quod solent, deesse noluerunt. Electus igitur ad eam rem, alter à Præfecto onerariæ amanuensis, Amacaensis vrbs in eo commercio procurator. Additi sunt comites, nec munera ad inungendas negotij rotas defuerunt. Sed eum finem habuit ea legatio, quem Sasioie procurante habuerat paucos ante menses nostri Sacerdotis excursio: cum primoribus acta res est, aditus ad Imperatorem patuit, sed quæ ad negotia tractanda pertinent, non nisi scripto potuerunt impetrari, libellus supplex red-

*Legatio sine
fructu per-*
gitur.

ditus, in ijs omnibus, quæ ad religionem spectabant, reiectus est, nec impetrari potuit, vt Nangasaquij saltem sacerdos aliquis cum negotiatoribus rem sacram procuraturus remaneret; quin Imperatorem denuo dicunt in Christi sacra debacchatum, quas initio huius libri causas attulimus in memoriam reuocasse, elapsaque Taicosamæ precessoris tempora repetentem aduertisse, ex vna, quæ Nangasaquij remanserat nostrorum sede, cetera per vniuersam Iaponiam domicilia eisdemque sacras renouatas, idemque fore, si huius mali semen denuo intra Iaponensem agrum, extremo licet in angulo, remaneret.

Tristis ex aula nuncius, extremique mali narrator aduenit, qui spes omnes intercicens præter solita diuinæ opis præsidia nihil reliquit, quod speraretur; quibus ab Octobri ineunte, cum desperari cœptum est, inuocandis, tanto ardore certatum, vt nostris etiam in ea multitudine nocturnæ diurnæque comparationis labor solidus ac sine quiete fuerit subeūdus. Quo tempore aduenit ex Imperatoris familiaribus quidā, Gozaimon dictus, cui proscriptorū expulsio demandata præter alios duos credebatur, ne forte mitius agerēt, aut segnius, si qua vis foret, repugnarent, quē in finē miles iam monitus è regnis cōterminis in Nangasaquienles fines cœpit immitti. Octobris igitur quinto supra vigesimum edicit Sasioye, vt intrabiduum proscriptorum classis vniuersa conscenderet, neque causarentur imparata nauigia, nisi ea vellent in Facundæ portu Nangasaquio pulsi præstolari. Erant tunc in vniuersa Iaponia ex sacris religiosorum ordinum familijs Diuorum Dominici, Augustini, Francisci, Sacerdotes omnino duo supra viginti, & laici quinque, Indigenæ sacerdotes septem, inferioribus ordinibus initiati quinq; E Societate nostra sacerdotes ac laici omnino septendecim supra centum, in seminario alumni plerunque centum & alij iam rei Christianæ adiutores prope totidem, è quibus tamen plerosque huius procellæ initia dissipauerant. Ad hos omnes euehendos nauigia Sinensia non maxima, iuncos Lusitani vocant, in portu tria numerabantur, eaque malè materiata naufragium in ea multitudine satis certum minabantur. Ex toto numero latere permitti sunt quotquot occultari potuerunt, è Societate nostra 18. sacerdotes, Laici 2. alijque plu-

Inuentur proscripti intra biduum solvere.

Proscriptorū numerus.

Aliquot ecclesia manent.

plurimi ex alumnis nostris, rei Christianæ, Iaponensis ecclesiæ more, administri; vltra quos plures alij ex nostris erant designati, & ipsemet Prouinciæ præpositus omnino manere decreuerat; sed quia omnibus noti erant, profectiois tempore ostentare se iudicibus cogebantur; Eaque fuit custodum solertia, vt è naui in scaphas ad id in medio maris præparatas elabi non possent, & ideo cum ingenti dolore excedere coacti sunt. Ex alijs quoque religiosis ordinibus nonnulli intra tela pro sua paucitate remanserunt; nec plures delitescere poterant, tametsi sancta lite felicem sortem ambiebant; sed parendum fuit, ne maius malum ecclesiæ Iaponensi crearetur, donec adspiraret dies, & inclinarentur vmbra.

Extremus huius tragædiæ actus nos vocat. Sacra ne in ethnicorum manus venirent, quantum licuit occultata: sacra martyrum pignora nõ vno in loco, pro reditus pignore, relicta sunt, nec efferri placuit, ne cum viuis mortui discedentes tota possessione cedere viderentur. Idem factum est cum plerisque sociorum corporibus, qui hanc ecclesiam suis sudoribus excoluerant: nudata sacris imaginibus templa solitudinem luctumque inuehebant: extremum missæ sacrificium lacrymæ singultusque interruperunt: augustissimi sacramenti species, distributa per neophytos synaxi, cõsumpta; ad eosdem extrema oratione peroratum, eo omnia sensu perfecta, quem res exigebat, faciliusque is animo concipi quàm oratione potest explicari. Octobris igitur septimo ac vigesimo, salutis nostræ anno 1614. Nangasackio, præter eos qui latebant, omnes extruduntur. Eorum maxima pars Tueundam delati piscatoria mapalia, dum nauigia concinnarentur, incoluerunt; pauci cum præposito nostro prouinciali propius urbem dies aliquot substiterunt. In his mapalibus vnus è nostris moriens ab exilio solutus, in cœlestem patriam euolauit. Is fuit P. Didacus de Mesquita Lusitanus, ille ipse quem iam annos supra triginta vidit Europa ab Iaponia reducem, cum primam inde legationem ad pontificis pedes ac regis Hispaniæ manus adduxisset, qui cum ijsdem redux ad hunc vsque annum suam retinuerat in excolenda Iaponia stationem, quem corripiens extrema, in communi hoc luctu, ægritudo lætum alacremque consumpsit, & quidem haud sine aliqua specie martyrij, quod hic mor-

Mm 3

bus

Anno Christi
1614. pro-
scripti Nan-
gasackio ex-
truduntur.

P. Didacus
Mesquita
moritur.

bus ex persecutionis laboribus itinerisque in aulam huius causa suscepti contractus creditur, pædoreque casæ piscatoriæ, in quam negato hospitio, à Sasioie delatus à medicis ac debitis remedijs prohibitus animam emisisset.

Templa diruuntur.

Ipso die civile bellum exoritur.

Vix bene ex oculis Nangasaquienfibus abierant pastores, cum in caulas, ædes inquam sacras, lupi sauerunt. Nam conferta manu templa diruunt, & ea quæ ignium sunt pabula flammis absumunt, quo ipso die ferunt inusitatam multorum annorum in Iaponia pacem, exortis bellis civilibus, ut suo loco videbitur, interruptam in posterum in apertam defectionem erupisse, uti constaret, cum, qui bellum cælo infert, bella è cælo euocare. Sed nostros exules conscendentes nauigantesque comitemur.

PROSCRIPTI È IAPONIA SOLVENTES PARTIM Philippinas Insulas, partim Amacaum petunt.

CAPUT XXI.

NOuembris itaque septimo nonnulli, ceteri octauo die Iaponiam à tergo relicturi conscendunt, & quidem in vnum nauigium religiosi ceteri omnes, è Societate nostra sacerdotes octo, Laici quindecim, alumni totidem ingressi comites habuerunt nobilissima illa Iaponiæ lumina Iustum ac Ioannem cum sua quemque familia. Iuliam item nobilesque alias matronas, & aliquot eodem tempore Miaco proscriptos, hi omnes in Insulas Philippinas profram suamque vota direxerunt. Alijs duobus nauigijs Amacaum Sinensem portum petebant è Societate omnino sexaginta, alumni supra quinquaginta, quos relictæ tantisper Iaponia, in portum quemque suum deducamus, ad Iapones deinde reuifendos nullo edictorum metu reuersuri.

Ibant igitur oculis Iaponiam, quam, diu licuit legentes animo nunquam dimissuri, ac tamen multa erant, quæ in tantis malis leuamen adferre poterant ijs, qui diuina iudicia, potentiam, prouidentiamque solerent intueri, non potuit tamen parentum in filios amor minus afficere eorum animos, quam solet in humanis parietura parentes filiosque perturbare. Nauigia quæ Sinas petebant, ali-

aliquanto meliora breuioris itineris moram ventorum felicitate
 fefellerunt, & intra dies paucos, piam exulum sarcinam in siccum
 exportarunt. Verum tertium quod in Philippinas ferebatur ma-
 lemateriatum, annosum & oneri impar, pæne fatifcebat, cui formi-
 dini accrescebat in commodum ex ergastuli potius quam nauigij
 angustijs, in quo vix crederes stare potuisse tot, quot oportebat na-
 uigare. Ex ijs incommodis è Societate paulo post quatuor exilij
 sui breuitatem cum æternitate commutarunt. Et ne quod hosti-
 um incommodorumque genus ad meriti cumulum deesset, hære-
 tici quoque Bataui cum ethnicis libenter conspirassent, nisi illi ipsi
 hæreticis mitiores impedirent. Nauigia Batauorum duo id tem-
 poris Firandensi in portu prope oculis hæc ipsa spectabant, ac for-
 tasse prædam aliquam subodorati ad eam rapiendam, à qua ethnici
 abstinuerant, seipfos comparabant. Sensit hoc Firandensis topar-
 cha, suæque auctoritate ne per eos dies portu abscederent impedi-
 uit, ita in extremo terrarum orbe in ethnicis catholici contra hære-
 ticos patrocinium reppererunt. Tandem igitur mensem totum cum
 procellis incommodisq; conflictati, in Insulis illis Maniliæ portum
 tenuerunt, in quo vt excepti fuerint dicturus cursim aduerto, vt
 æquus iudex discrimen inter hæreticos catholicosque Christianæ
 humanitatis aduertat.

*Duo nauigia
 breui ac feli-
 citer Amaca-
 um appellunt.*

*Tertium post
 incommoda
 & pericula
 multa Mani-
 liam tenet.*

Notiorem esse arbitror Iustum Vcondonum Iaponensium.
 Annalium non imperitis, quam vt opus sit eius merita com-
 memorare, quibus exhibitum illi ab Hispanis honorem in se pro-
 uocauit, de quo nihilominus elogij loco capite insequenti quin
 aliquid è multis seligamus, satis vereor vt non possimus con-
 tineri.

È quatuor nostræ Societatis viris quos breui exilium cum æ-
 ternitate diximus commutasse, vnus P. Antonius Critana in ipsa
 nauigatione extinctus est, prouecta ætate vir, quique triginta an-
 nos in Iaponia egerat, magna sanctitatis laude Zeloque anima-
 rum, nulla alia corpus infestante ægritudine, sed solis labo-
 ribus, squalore, angustijsque nauigij consumptus, magna a-
 nimi lætitia animam exhalauit. Nota erat omnibus eius vir-
 tus & sanctimonia, exilijque causa vnde tanquam illustris
 Christi

*Exules à Præ-
tore Philippi-
narum pu-
blica pompa
excipiuntur.*

Christi confessor colebatur, eiusque corpus, quod longè à portu abessent, ventusque esset aduersus, in scapha exceptum ab ipso nau-
archo, & viris religiosi in littore sepelitur, vt postea maiori cum
veneratione in collegium Societatis asportetur. Hac igitur occa-
sione priusquam exscenderet inuicta fidei pugilum cohors audi-
tum est Maniliæ de omnibus, ac de Iusto maximè, appellere Iapo-
nensium athletarum classem, cum integro quod inde deportabant
uictricis fidei vexillo. Placuitque prætori Ioanni à Silua (quem sæ-
pe strenuum audientes nunc pium legemus) placuit inquam inusi-
tatis officijs insolens facinus persequi, Christi que exules cum suo
duce Iusto publica pompa cohonestare. Triremis igitur instructa o-
mnium obsequiorum genere in portum expeditur, in quam Iustus
cum sua turma laborum immemor, benefició que gratus exscendit,
& cum littus legens festo tormenti principis sonitu obuias præto-
ris sedes salutasset, tota velut signo dato, quæ pro muris stabant, tor-
mentorum furia reboauit. Effuderat se ad spectaculum ciuitas v-
niuersa, totumque late littus occuparat, prætoria etiam in littore co-
hors exscensuros præstolabatur, eos in prætorias ædes abductura.
Diceret patriarcham illum post exsiccatas eluuiionis aquas ex arca
sua in aridam exilire. Iustus enim cum vxore, filia, nepotibus quin-
que, animæ omnes octo exscendebant. Sequebatur eum cum fami-
lia Ioannes ac deinde Thomas, cum ceteris neophytis quanquam
horum vxores & filia, simul cum Iulia, & quas Miaco pulsas pari
exilio multatas fuisse comemorauit, fœminæque omnes, pro inna-
ta decentia, ac verecundia, vitata prætoris domo, alia scapha recta
se ad Societatis ædes receperunt. Solenne enim nobilibus ma-
tronis apud Iapones & Sinas vultum studiose velare ne à quopiam
facile conspiciantur. Hos omnes omnium ordinum religiosi se-
quebantur, qui cum exscendissent, nobilem supplicantium pom-
pam ex composito instituisse videbantur, quæ dubium vtrius plus a-
lacritatis pareret aut gaudij. Sub vrbis muros cetera præsidij mili-
taris multitudo exulibus festo sclopetorum sono applaudentes
Christi milites militariter salutabant, & Iapones natura pugnaces
suis ludis recrearunt. In palatio Prætor cum vniuerso regionum iu-
dicum senatu venientes præstolabatur: qui vbi in conspectum ve-
nere

*Prætoris in
Iustum Vcon-
donis officia,*

nère passis vlnis alter alteri occurrentes in mutuos amplexus corruerunt, nec vtrunque lacrymæ defuerunt testes gaudij, cui solent etiam non rarò famulari. Prætor Iusto ac socijs sua prælia, triumphosque in fidei causa gratulatus, catholici regis nomine omnia detulit, quæ de catholico rege vbique possunt à catholicis expectari. Non defuit Iustus tantæ humanitatis obsequijs eaque fecit ac dixit, quæ aulicorum rituum peritus per vniuersam vitam exercendo didicerat. Expletis vtrunque officijs, Iustus cum nepotibus in prætoriam rhedam conscendere iussus, præeunte vniuerso prætoris satellitio, in oculis clarissimæ ciuitatis non sine faustis multorum acclamationibus in Societatis collegium, vbi cibum sumpturus erat abducitur. Iter illi fuit per ædem principem, in cuius vestibulo clerus eum vniuersus cum omni musici concentus genere præstolabatur, ad quam salutandam, rheda sua exiliens Deo sua beneficia breuiter est cum socijs gratulatus. Idem ex itinere præstitit in Diu Augustini & postridie in Diuorum Dominici & Francisci cœnobijs. In Societatis vero collegio præter cætera omnia canticum Te Deum laudamus musici suis numeris decurrerunt. Domestico deinde exceptus epulo in vicinas collegio ædes demigrauit.

Officiosa vrbis humanitas diei vnus angustijs claudi non potuit, postridie prætor illum non sine digno vtrunque munere voluit visitare, quod ille deinde ipse subsecutus officiosæ benevolentia numeros omnes explere contendit. Exinde orta inter vtrumque familiaritas vix quotidianis in collegio nostro colloquijs poterat saturari. Nec absimili officiorum genere omnes cum eo socijs primorum vrbis ordines decertarunt. Sed non in nudis officiorum verbis constitit humanitas. Satis constabat Prætori Iustum sociosque apud suos nobilissimam gentem in hoc infortunio quod Christi causa patiebantur, fortunis omnibus excidisse. Prætor igitur è regis catholici voluntate futurum ratus, si tantorum virorum inopiam subleuaret, censum annum designauit. Sensit hoc Iustus, sermoque adhibito è nostris sacerdotelaborauit, ne inopia sua, quam copiam præferebat, excideret, cupere se vbi vitam non potuerat, cetera in fidei causa prodigere, nec ad ea redire, quæ Christi causa reliquisset, neque iustum videri id ætatis senem, quæ non meruerat,

*Prætor ex a-
rario regis ca-
tholici cen-
sum annu-
um Iusto as-
signata*

nec mereri poterat, ab rege catholico stipendia acceptare. Quibus rationibus, tametsi prætoris voluntatem ad dies aliquot distulit, non sustulit tamen, cum enim Iusto mors intra dies paucos obtigisset, perfecit tandem, ut ceteri in catholici regis munificentia sine cura conquiescerent. quam rem cum rex catholicus tandem literis prætoris accepisset, non confirmavit solum, sed humanissimis literis prætoris factum collaudavit.

IUSTVS VCONDONVS INTRA DIES QUADRAGINTA MORITVR.

CAPVT XXII.

Nihil est in humanis rebus diuturnum, vix bene nostri exules præteritos labores in præsentī humanitate sepeliuerant, cum Iustus noster communis huius lætitiæ caput lætitiā communem sua morte intercідens, sua gaudia, quæ intercidi ultra non poterant, inchoauit. Nam siue cœli permutatio, siue ciborum insolentia, siue nauigationis reliquæ, aut denique simul omnia coniurato impetu eum inuasērint, continua febre corripitur, quæ paulatim contabescens intra dies quadraginta, ex quo appulerat extinguitur. Aegritudinem omnes, quam leuare non poterant, frequenti visitatione Prætor, Archiepiscopus religiosorum ac magnatum gradus omnis cohonestauit. Ex quo non minus existimatio Iusti crescebat, quam in eo solitudinis desiderio sensus augebatur, non idēo solum quod extremas fugientis vitæ horas vni Deo sacras esse cuperet, sed ne quam meriti sibi partem honor exhibitaque officia detraherent. Vbi se ægritudo prodidit cum vicina morte conspirasse, quod per vniuersam vitam fecerat, mori studuit, priusquam moreretur. Et quidem Patrem Petrum Moreion, cui se regendum expiandūque commiserat, in hac ipsa verba dicitur allocutus. Facile aduerto me mori, tametsi meorum causa dissimulem. Abeo magno gaudio delibutus, quod diuinam esse videam voluntatem, maxime, quod tot religionis stipatus, & apud eam gentem quæ Christum colit, ex me Prætori, Archiepiscopo, iudicum senatui, Religiosorum ordinum familijs,

Iustum inuadit febris continua.

Iusti Verba extrema ad sacerdotem nostrum.

ijs, ceterisque gratias ages, pro ea qua nos beneuolentia excepe-
 runt. Ad uxorem, filiam nepotésque quod attinet, omni cura liber
 emior. exules Christi sunt, hoc vnum est satis. Quod me in exi-
 lium abeuntem persequi voluerint, amor multum debeo, sed is
 qui eos in externas regiones aduexit, vt parentis officio fungetur, i-
 tamagno eorum lucro, hac me cura liberabit. Crescente postmo- *Ad famili-*
 dum ægritudine, frequenti cohortatione Tobia testatorem imita- *am suam.*
 tus, suam suis supremam expressit voluntatem: ea fuit, vt in fide
 persisterent & Societatis nostræ sacerdotes perpetuos vitæ suæ re-
 ctiores adhiberent. Si quis aliquid peccaret, ceteri monerent, mo-
 nendum ad Patres deferrent, quos si non audiret, hæreditate ac
 gentilitio nomine priuaretur. His expletis sacramentis omni-
 bus ad extremam luctum muniri eo tempore voluit, quo non-
 dum ægritudinis vi pietatis sensu priuaretur, inter quæ cum
 prope continuo hæc verba proferret: iam tandem cupio frui
 Domino meo, suauissimè in Domino obdormiuit, sub noctem, *Moritur Iu-*
 mediam quæ Februarij quintam inchoat. Anno salutis inse- *stus.*
 quenti. Sed in hunc annum illius mortem materiæ series neces- *1615:*
 sario reiecit.

Quantus viuentem amor acceperat, tantus morientem luctus
 excepit. Prætor funus eius eo est honore profecutus, cui nihil ad-
 di potuisse videbatur. Vbi ad efferendum feretrum conuenere, *Effertur per-*
 pialis orta piæ sarcinæ humeros supponere gestientium, ea tandem *quam hono-*
 dirempta est in hunc modum, Prætor cum consiliarijs regijs *rificè.*
 ex ædibus in mediam urbem sarcophagum extulit, ibi excipi-
 tur ab ijs sodalibus, qui à misericordia nomen inuenerunt, vna
 cum magistratibus ciuitatis. Cuius sodalitij institutum iam diu
 apud Iapones inductum ipse Miaci, Nangasquijque suscepit.
 Pro foribus ædis sacræ, quæ nostra fuit, religiosorum ordinum
 superiores ad aram vsque principem cadauer, omnium æstima-
 tione sacrum extulerunt. Ibi dum ecclesiastico ritu paren-
 tatur, vix auelli multitudo potuit, quæ ad deosculandos pedes
 manusque, postquam id officij maximus quisque præstite-
 rat, concurrebat. Denique cum in tumulum inferretur, profa-
 nas secularium manus à sacro corpore placuit amoueri.

Religiosi confertim circumfusi extremum hoc obsequium impenderunt.

*Iusto Vcondo-
no parenta-
tur.*

Nec dum satis honoratus Iusti exitus visus fuit. Indicta iustis funebribus de more dies, regio nihil minus habuit apparatu. Pulla vestis totam ædem serico panno circumuestiuit. Sed eam candida papyro conscripti versus, emblemata, aliæque id generis illustrarunt, quæ cum in sacello principe minime caperentur, in ceteram sese ædem diffuderunt. Quatuor linguis descripta pleraque videbantur, latina videlicet, hispanica Iaponensi, ac Sinensi, quibus omnibus vnica viri virtus celebrabatur. In æde quoque primaria & apud ceteros religiosorum cœtus, suo apud quemque die Iusto est sanè iustè magnificèque parentatum. D. porro Augustini Patres in æde nostra idem pietatis officium exegerunt. Stupuisse feruntur Iaponenses, qui supra mille ea in vîbe numerabantur, quod ciuem suum tot officijs coli viderent apud exteros, cui apud suos ne viuere quidem licuisset. Orationem funebrem habuit Collegij nostri Rector, cuius orationis desiderium commemoratis quam breuissimè Iusti per vniuersam vitam facinoribus prout potero, temperabo.

Non id ago nunc vt Iusti mortem vitæ anteaactæ commemoratione cohonestem, aut virtutum eius seriem texere aggrediar, ne instituta breuitate rei magnitudini detrahā, aut extra limites vagus anteaacta tempora pererrem. Appello Iaponensem historiam, quam ab initio nascentis ibidem ecclesiæ cudi audio, fortasse breui

*Iusti Vcondo-
x tres de tri-
bus Iaponia
Imperatoribus
Victoria.
Prima de
Nobunanga.*

excudendam. hoc vnum, in quo Iustus tota Iaponia neminem parem habuit, de eo dici potest, quod de tribus Imperatoribus, iisque apud Iapones potentissimis in fidei causa triumpharit. De Nobunanga videlicet, de Taicosama, deque Cubosama. Prima victoria sequenti prælio comparatur. Araqui potens in paucis dynasta, idemque Iusti amicus & beneficiorum vinculis illigatus Nobunangæ bellum indicebat, eum Iustus ab eo bello cum frustra remouere contendisset, ne minus fidus haberetur, nouo sacramento fidem amicitiamque suam obligarat & vtriusque obsidem filium vnicum ac sororem adhuc pueros ei tradiderat, quare iam securus Iustum pacis sequestrem in regiam ipse mox secuturus amandauit. Vix bene abierat cum Iusti hostis Xefioye dictus Araqui persuasit Iustum

stum in hac causa non dubium esse proditorem. Ergo ne à Nobunanga præueniretur, Araqui bellum prior occupauit, in quo bello Iustus licet inuitus amicum sequitur, ne quod Araqui crediderat, proderet se fidem prodidisse. Ad eos expugnandos Nobunanga cum ingenti exercitu superuenit. Et quia Iustum nouerat strenuum iam tunc belli ducem, selectissima militum manu instructum victoriam dubiam effecturum, nihil prius habuit, quam ut eum metu, promissis, largitionibusque si fieri posset, eriperet, maxime quod in munitissimam arcem refugerat, quam auro potius quam armis posse crederet expugnari. Verum cum omnia frustra tentasset, arietem ultimum adhibuit, quo vno Iustus poterat expugnari. Renunciari illi iubet, nisi Araqui partes deferat, se sacras omnes Christianorum ædes solo æquaturum, neophytos extincturum, P. Organtinum reliquosque Societatis nostræ sacerdotes (qui soli ijs temporibus eam vineam excolebant) in crucem acturum in conspectu arcis, quam pertinaciter tuebatur. Ingens fuit vtrunque bellum, illinc fides Araqui data, perfidiæ horror, obsides traditi detinebant: hinc religio & innocentia nostrorum in eius pectore decertabat. & quidem in eo bello Nobunangæ pars iustior esse putabatur. In his angustiis Iustus ad orationem totius rei vnus conscius refugit, ibique coram Christi è cruce pendentis effigie nixus genibus religionis bonum, filijs, honori, fortunisque anteposuit, & criminem sibi radens Iaponensi ex more huius vitæ spes decurtauit, dum breuibus literis Darium parentem suum cæterosque intra arcem duces monuit, se cum exitum nullum reperiret Iaponensi ex more mori debuisse, quod cum proprijs manibus Christiano sit nefas, eo se modo mori quo fas est voluisse, ideoque pergere in Nobunangæ castra, ut vna cum patribus in crucem ageretur, ipsi fidem Araqui seruarent, arcemque pro viribus tuerentur. Nec minus fecit quam dixit. Ipso Nobunanga Iusti non solertiam minus quam virtutem admirante, Darius parens citatis equis Araqui se stitit professus Iusti factum sibi non nisi post factum constituisse, venire se ut filij culpam propria multa lueret, infontesque obsides morte liberaret. Verum Araqui, Iusti etiam in retinenda religione studium potius admiratus, quam perfidiam detestatus, ab innocentium sibi sanguine

netemperauit, & à Nobunanga breui victus hanc licem diremit. Iustus porro rebus omnibus, quas reliquerat, cumulatè restitutis obsides recepit, Iaponiamque vniuersam admiratione virtutis in se conuertit, effecitque vt Christiana religio ab Imperatore commendaretur, perque omnium ora volitaret.

*Secunda Iu-
sti Victoria
de Taicosama.*

Altera Iusti victoria de Taicosama siue Quabacondono triumphauit. Cum enim Nobunanga vnus è ducibus Aquechi manu periisset, Iustusque in primis eius mortem vlturus Quabacondoni partes ita promouisset, vt eius opera fere potissimum totius Iaponiæ Imperium occupasset, magnis honoribus ab eo auctus inter primarios Imperij Principes habebatur. Et quoniam in eius fortuna Christianæ religionis incrementa fere voluebantur, tantum auctoritate sua perfecit, vt nobilissimus quisque fidei nostræ prælectiones admitteret, eoque hortatore multi legis nostræ sanctitate caperentur, ita per annos aliquot christiana religio secundo euangelici torrentis impetu omnia rapiebat, donec humani generis hostis videns & inuidens Iusto infortunium, & inde religioni detrimentum procurauit. Acaxi enim Sacrificuli omnes, cum Iustus eam prouinciam ex Imperatoris munificentia esset aditurus, suis dijs malè metuentes eorum simulacra sacratiora ad Imperatoris parentem anum deportarunt, illius auctoritatem contra Iusti insolentiam obtestati, gauisus est maximè oblata Iustus occasione, vt Boncios è ditionis suæ finibus arcere posset, questus eos nulla à se iniuria læsos reipublicæ suæ statum perturbasse. Quod illi iniquissimis tulere animis & præcipuè Yacuin ex Boncio Imperatoris medicus, qui eorum causam tuendam susceperat, moxque persecutionis huius præcipuus extitit author. Cum enim hic ex medicoleno, Christianas ex Arimensi agro virgines Imperatori pellices futuras abducere pararet, effecit apud Arimensem dynastam Pater vnus, vt Christiana pudicitia ethnicæ libidini minimè subiaceret. Leno ad Imperatorem reuersus, de audacia queritur, amissam prædam exaggerat, indignumque exclamat, vt externi Sacerdotes inductos in fraudem Imperij principes ita fascinent, vt suam voluntatem imperatoris opponant voluptati. Eares, (vt impotens est accensæ libidinis furor, si ad sui contemptum adiungatur)

gatur) Imperatorem in furias egit, iratum grauitérque Christianis infensum cum primum eum sensit, conceptum iam pridem in eos & in Iustum animo virus euomuit Yacuin: tolerare nefas esse dictitans ignotos aduenas tanta audacia templa Deósque suos, tanti à maioribus habita demoliri, Boncios, quos vt magistros & semideos antiquitas venerabatur, malè multatos templis bonisque spoliatos cogere è natiuo solo exulare, tum in regno Bungi Arimæ alijsque locis, tum præcipue Tocazaqui & Acaxi Iusti opera. Grauibus id verbis exaggerabat, neque suspitione carere Iusti sagacitatem dicebat, qua optimatum corda, vt Christi fidem amplecterentur, sollicitabat. Aestuanti Imperatoris animo circumstantium corona faces subijciebant, factumque repente est vt edictis crudelissimis Christianam religionem nobilitati interdiceret, euangelij ministros Iaponia tota proscripserit, & Iustum velut ab ijs dementatum ad saniora reuocare, omni ope atque opera laborarit; cuius id fuit vnicum responsum ab internuncio Imperatori reddendum, se in Taicosamæ gratiam fortunas, prouincias, vitamque non grauatè proiecturum, sed prius id ipsum se regi regum supremoque Imperatori Christo debere. Nemo fuit cui satis esset animi ad id Imperatori referendum, quod Iustus animosè renunciabat. Airigitur, responsum ego ipse & simul ficam, qua me obtruncet, ferre nihil dubitabo. Verum Imperator cum alia tentasset omnia, quæ longum esset commemorare, fortunis omnibus exutum, toties merita dignitate ingratus exturbauit. Nec id infortunium ad eum solum attinebat, sed ad eos omnes qui ex Iaponensi consuetudine clientelæ nomine illi obsequijs astringebantur. Verum vt erat selecta, habebaturque militarium animorum cohors, à reliquis principibus certatim in familiares adsciti, quam à Iusto didicerant Christi fidem, per multorum principum familias magno rei Christianæ bono Deoque in bonum mala vertente diuulgarunt. Annum integrum Iustus priuatam vitam duxit, & apud Societatis nostræ sacerdotes in Amacusa Insula, quo se receperant, eam vitam vixit, quæ religioso non indigna videretur. Tandem Imperator mitigato non nihil furore, cum de Iusto sibi adiungendo desperaret, in extrema Iaponia regulo

regulo illum cuidam pro dignitate alendum commendauit, ubi annos sex supra viginti prope priuatus ita vixit, vt vicina loca omnia eo fidei ardore, quo incensus erat, inflammaret. perpetuósque quoad potuit comites è nostris habuerit, vt eorum operam autoritate sua roboraret.

*Tertia Iusti
Victoria de
Cubo.*

In his occupatum tertia cum Imperatore Cubo pugna, victoriaque quam hoc ipso libro descripsimusprehendit, quæ tanta admiratione Iaponiam affecit vniuersam, vt affirmarent plerique ethnici dynastæ, Iustum hoc extremo facinore totius vitæ decora velut sigillo munisse. Sed hæc de Iusto sint satis, cui Dominus pro merito gloriam æternitate dimensurus in extremis abeuntis vitæ diebus videretur inchoasse.

APVD MOSCOVITAS NICOLAVS IAPON
martyrij palmam inuenit.

CAPVT XXIII.

PRIUSquam nos in Iaponiam recipimus, longius excurrendi facultatem accepturi non nihil digredimur. nam tamen Iaponenses triumphos intra Iaponiam partos scribimus, materia tamen similitudo allicit, vt Iaponensem apud Moscouitas triumphum ab obliuione vindicemus. Quicquid in hac re commemorabimus ex religiosorum Patrum D. Augustini autoritate constabit, nec non cuiusdam patris Ioannis Tadzai à S. Eliseo ex Carmelitarum discalceatorum familia, & maximè postquam excussa hæc omnia ab Illustrissimo Alexio Menesio ex eadem D. Augustini familia Archiepiscopo primum Goano deinde in Lusitania Braccarensi (qui nuper Madriti Lusitani senatus præses obiit) nobisque tradita sunt, quæ conscripta sine suspicionis nota possunt edi.

*Nicolaus Iapō
pō è Philippis
Europam petiit.*

Ex eodem D. Augustini ordine P. F. Nicolaus de Mello Lusitanus in Philippinas insulas nauigarat, ubi post annos sedecim in Procuratorem electus Europam reuisebat, adiuncto illi comite F. Nicolao Laico, qui cum parentibus è Iaponia Maniliam puer venerat, ibique Christi fide suscepta in baptismo Nicolaus à P. Nicolao est appellatus, educatusque in ipso cœnobio tandem habitum illum susce-

suscepit, illiusque professus est institutum. Illo igitur comite cum
 per Orientis Indiam iter ideo instituisset, ut Archiepiscopi Goani,
 quem dixi, auctoritate ad sua negotia vteretur, eoque anno ex In-
 dia nulla navis Lusitaniam peteret, ne deesset negotijs, si annum in-
 sequentem præstolaretur, terrestre per mediam Persiam iter Armu-
 ziam delatus arripuit, quo tempore, cum in Europam ad summum
 Pontificem ceterosque principes Christianos Persa legationem a-
 domaret, legato comitem se adiunxit, qui per Moscouiam iter in-
 stituit, ut à Polonia legationem inchoaret. Cum in regiam quæ
 Moscua dicitur deuenissent, vterque hospitio excipitur à Paulo do-
 ctore medico Mediolanensi, quem eo nescio quæ fortuna detule-
 rat. Is ut erat catholicus, domi suæ missæ sacrificium, ceteraque Sa-
 cramenta ministrari latino ritu permittebat, & filiolarum, quæ id tem-
 poris medico nata fuerat, sacris aquis Romano ritu tradiderat elu-
 endam. Ea res Moscouiæ legibus interdicta Anglorum quorun-
 dam Calvinistarum indicio ad Ducem erupit, cuius sententia vter-
 que vinctus in Insulam Soloeci relegatur, ibique monachis è D. Ba-
 filij instituto schismaticis commendatur. Sex annos in ergastulum
 reclusi in digna multa pertulerunt. Cibus illis erat ille ipse quo cœ-
 nobij seruitia utebantur, cetera ex odio Romanæ religionis apud
 Moscouitas licet conijcere. Sæpe ad defectionem sollicitati non
 constanter minus quàm appositè repugnarunt.

*Captivus in
 Moscouia do-
 tinetur.*

Interim moritur Moscouiæ Dux sine hærede, cui Demetrius il-
 le Europa tota notus, Poloniæ regis auxilio, post bella multa succe-
 sit. Is ut erat catholicus, facilè Nicolaum vtrumque liberasset, siqui-
 dem illorum captivitas ad eum deueniret: id factum Clementis VIII.
 auctoritate, cum per Moscouiam Carmelitas discalceatos in Persi-
 dem destinaret. Liberantur igitur insulari ergastulo, sed mox in
 atrociora vincula retrudendi, nam cum Moscuam deuenissent, alia
 omnia quam sperauerant, inuenerunt, quod eam in ciuiliu bello-
 rum tumultu Basilius Demetrio suffectus occupasset, qui ut erat
 schismaticus, in custodiam eos publicam vnà cum ceteris reis able-
 gavit: Sed ea lege, ut, si eiurata Pontificis Romani auctoritate ritu
 Ruteno baptismum iterarent, liberi mitterentur, Ducis deinde mu-
 nificentia honorandi. Verùm cum vterque repugnasset, post atro-

cem flagellationem, in obscurissimum totius carceris ergastulum, retruduntur, ibique annos quatuor detenti, sæpiusque flagellati, nec rarò per vicos publicos detractis vestibibus raptati & ad ingem pyram quæ in foro ardebat, adducti, semper tamen sibi incatholica religione retinenda constiterunt, quod cum facerent, publicè flagellati in vincula non sine contumelijs verberibusque ac pugnis reducebantur.

E Moscu postea educti ad urbem Nisna supra flumen volgum cum iisdem vinculis abducuntur, nec ibi mitius habiti, tandem à Basilio Duce iubentur denuo ad incensam pyram adduci, in eaque nisi resipiscant, concremari. Ducebantur ad supplicium eo die quem ecclesia D. Andreæ memoriæ consecrauit, inspectante multitudine, & vtriusque vel maximè Iaponis animum admirante, quem minuendum rati, si à socio separaretur, in alium locum publicum denuo sollicitandum abducunt, ubi ad eum territandum, variam suppliciorum suppellectilem ostentantes acerrimè vrgent, ut à Romana fide deficiat. Sed ille: absit, inquit, ut veritati errores anteponam, ut ab ea fide discedam, quam à Socio puer accepi. Vbi minæ nihil poterant fraudem adhibent, accurrit è composito, qui P. Nicolaum ad se defecisse mentiat. Sed ille Iaponensi correptus animo, summa libertate, mentiri omnes affirmavit, non eum esse socium suum, qui post tot supplicia extremum exhorruerit, quod etsi fecisset, cuique salutis suæ curam peculiare munus este cuperèque pro fide Romana centies, si licuerit, emori. Recurritur igitur ad Ducem, qui admiratione constantiæ mollior factus supplicium mitigavit, iubet enim ut denuo ad focium reductus incendij præsentia terreatur, si repugnarit capite plectatur, sibi que spectandum caput offeratur.

Nudus etiam tum stabat ad pyram P. Nicolaus, rotoque corpore frigidissimo cælo ad ignem palpitabat, ingens vtrique solatium fuit mutuus hoc rerum statu conspectus. Carnifex igitur ubi optanti frustra ignes intentasset, prout erat iussus, inspectante socio Iaponem obtruncavit, eo ipso die anno salutis supra millèsimum sexcentèsimum vñdecim. truncum caput Duci delatum ludibrio materiam dedit, quo expleto sacrum cadauer canibus lacerandum

Nicolaus Iapon in Moscònia capite truncatur.
1611.

dum more gentis exponitur, à quo tamen canes schismaticis mitiores, ita pertinaciter sibi temperarunt, vt ea res pro miraculo habitata negotiatores quosdam Polonos, qui fortè catholici aderant, inuiderant, vt humanum etiam contra leges impetrarint. Non defuere tamen ex schismaticis, qui rem admirandam in peius trahentes ditarent, Romanam hæresin vsque adeo pestilentem esse, vt lue in corpus vulgata canes ipsos à laceratione deterreat. Adeo nullus etiam prodigijs & miraculis schismaticorum & hæreticorum pertinax error corrigi pòtest.

*A cadauere
lacerando
canes perti-
naciter ab-
stinem.*

P. interim Nicolaus sanctæ inuidiæ lacrymis perfusus suam sortem expectabat, verum Polonorum eorundem intercessione, dilata in custodiam reducitur, in qua annum totum denuo latuit martyrij spe, ex qua toties exciderat prope exturbatus. Degebat ibidem Marina Gurgia Demetrii nuper Ducis vxor, quæ vt erat catholica, summo opere catholici sacerdotis, cuius opera vteretur libertatem exoptabat, quam tamen alias frustra tentauerat, sublato interim Basilio ab altero Demetrio, qui successerat posse sperabat impetrari. Nec eam sua spes fefellit. Adhibito enim ad eam rem mariti quondam sui duce primario, quod tantopere cupierat, tandem est aliquando consequuta. Ex ergastulo igitur suo post tot annorum vincula Nicolaus educitur, & in familiam suæ liberatricis adsciscitur, in qua catholico ritu sacra procurans familiæ totius parens habebatur. Ex eadem numerabatur nobilissima matrona Barbara nomine, quæ Marinam ab ipsa Polonia cum Duci Demetrio tradenda venerat, comes fuerat prosecuta. Non minus fuit illius gaudium, quod ex catholico eoque insigniter religioso nacta fuerat sacerdotem. Demum cum ciuilibus omnia bellis arderent, Marinæque plurimum ab hostibus mariti sui vexaretur, in extremam Moscuitarum urbem, quæ Persidem tangit Astarcam nomine secessit, in Persidem deinde siqua se commoditas offerret, abitura. Quod priusquam perficeret ab hostibus suis oppressa eadem in vrbe matris prius, qui eam tuebantur, famulis domi suæ.

Barbara verò cum P. Nicolao vinculis onerantur, & religionis Romanæ nomine rituumque latinorum exercitio contra leges vsurpato deferuntur, ac deinde post redintegrata prælia

nisi Rutenos ritus iteratúmque baptisma susceperint, incendio viui damnantur, abductique in publicum supplicij locum ad suam singulipyram, propositis denuo legis mutandæ conditionibus, repudiatisque, in medios ignes vterque conijcitur & expirantem animam, recto ignium itinere, sursum exutis mortalitatis exuijs, exhalat.

Ea res in hunc ipsum annum 1614. quod inciderit huic loco studio est à me reseruata. Nicolaus igitur, postquam socium laponem in cælum præmisisset, anno ætatis suæ sexto supra sexagesimum, à religiosa professione quadragesimo, seruitutis suæ decimo quinto, quam amissurus non est inuenit libertatem, qui securus dicere poterat moriens, post aditas fidei causæ Philippinas Insulas, Malacam, Goam, Armusiam, Persidem, atque Moscouiam, Cursum consummaui, fidemque seruaui. Qui nunc repositam à iusto iudice coronam est consecutus. Verum tempus est vt Iapones nostros prælia Domini præliantes denuo reuifamus.

Libri Tertij Finis.

CHRISTIANIS APVD IAPONIOS TRIVMPHIS

Anno Domini cio ioc xv.

LIBER QVARTVS.

ATROCISSIMÆ CONTRA
*neophytos Arimenses persecutionis
initia.*

C A P V T I

Ræsentis anni triumphos aggressurus in memo-
riam reuoco, quod aliàs dixi, meminus religiosè
annorum periodos metiri quàm Astronomi sole-
ant. Cùm enim Ecclesiæ administratorum proscri-
ptio furori ethnico habenas laxauerit, placuit ab
eius furoris initijs, quæ mox ab eorum discessu se-
se exeruerunt, inchoare potius quàm inchoatam materiam religio-
sa mensium obseruatione interfecare. Scribimus igitur hoc libro
ea, quæ ab Euangelij præconum exilio, ad exeuntem vsque annum
quintum decimum, post secularem contigere. Et quoniam distur-
batis vbique sacris ædibus, nostrorumque domicilijs, qui latebant
tota Iaponia vagi, certis in sedibus nusquam constitere, non est
quod eorum vestigia vagi persequamur, aut loca omnia in quibus
olim degebant percurramus, quod tamen nō inutiliter faceremus,

*Quid hoc li-
bro scriben-
dum.*

si certis auctoribus ea quæ ubique contigerunt, constarent, sed in eorum absentia non fuit, qui minutiora cum fide colligeret. Narrabimus igitur ea solùm quæ sua magnitudine ac splendore in omnium oculos incurrerunt, quæ quoniam tanta sunt, tamque admirabilia, ut apud nonnullos fortasse fide laborare possint, priusquam ea aggrediar, fontes ipsos ex quibus hausta sunt designabo.

*Vnde de-
sumpta quæ
hoc libro scri-
buntur.*

Ex ijs, qui è Societate nostra latebant, à Præposito Prouinciali nostro P. Valentino Carualho quem Iaponensis Episcopatus Administratorem in interregno canonicè electum dixi, nominatus est vnus P. Hieronymus Rodericus, qui & Viceprouincialis officio & Vicarij Generalis auctoritate eam Ecclesiam regeret, aliùmque præfecit in Vicarium Nangasackiensem, & ideo, quod ipsemet occultari non posset. Hic officij sui esse putauit, ut profectò erat, legitimè de Martyrum certaminibus causâque inquirere, èque iuratis testibus purissimam elicere veritatem, cuius inquisitionis exemplar authenticum penes me habeo cum hæc scribo, ipsius etiam vicarij Generalis sigillo munitum, sanctæque testor, me ab ea nescitum quidem vnguem discessurum, ac nisi tædio futura esset iuridica testium interrogatio, solemnesque legum formulæ, maluissem eam ipsam totidem verbis reddere, quam ex ea medullam elicere: non omitam tamen, quin huius ipsius exemplaris proëmium hoc loco inseram ad posteritatis fidem sine nota exigendam.

Pater Carolus Spinola è Societate Iesu Vicarius Generalis in partibus Ximo (ita vocantur regiones illæ quæ Cami partibus ad eam Iaponiæ partem opponuntur in quam Lusitana nauigatione deuenitur) pro P. Valentino Carualho eiusdem Societatis Prouinciali & Episcopatus Iaponensis administratore, sede vacante, cum intellexisset publica voce & fama, quod in Arimensi terra regni Figen multi Christiani, iussu Iaponiæ Regis martyrio affecti fuissent, quod Christi Fidem, suadentibus licet ministris regijs negare noluerint, ipsemet in eas partes se contulit, inquisiturus de his rebus & veritatem indagaturus. Mandauit igitur inter neophytos edici, ut ij qui similibus martyrum certaminibus interfuissent

fuiſſent ad ſe venirent, vt legitimè interrogarentur &c. In poſte-
rum enim ſequuntur ea quæ iurati teſtes affirmarunt, quæ ego
in hiftoriæ ordinem redacta cum fide, vt promiſi, iam ſum nar-
raturus.

Saſioye Nangaſaquiienſis Præfectus exacto tandem malis arti-
bus Arimenſi Dynaſta, vt ſuperiore libro vidimus, ei ab Imperato-
re ſuffectus Nangaſaquiienſi Præfecturæ Arimenſem aggregarat, ac
tameſi eam rem annos iam plures designatam ſummis votis ex-
petiuerat, ne tamen adoleſcentem ſefelliſſe, & in rerum ſuarum
perniciem dolo malo (quod fecerat) conieciffe videretur, artes
ſuas repetens verſipellis finxit, eam rem ſibi nouam nec opta-
tam accidiffe, viderique voluit inuitus id onus ſubire ad quod per
tot iam annos aspirarat, præferébátque ſe vicariam alterius operam
interim ſubicurum, dum Imperator legitimum Arimenſis agri do-
minum nominaret.

Conuenerat igitur illi cum Imperatore, vt eiecto Arimenſi
Toparcha, quem natura molliorem, & ſuis nimis addictum in ex-
tinguenda barbara religione fecerat, non ante Chriſtianos ad defe-
ctionem vrgeret, quam eiectis Paſtoribus liberior in gregem pate-
ret incurſus; ita enim ſibi perſuadebant, eorum præſentia multos
in officio vel cohortatione vel verecundia contineri, ac tameſi
paucis antequam eiicerentur diebus, cum timeret ne Arimenſes
Nangaſaquiienſibus coniuncti tumultu excitato Paſtores ſuos abi-
re prohiberent, miſſa ad eos legatione pacata omnia in poſterum a-
pud eos fore nunciarat, ex eo quod iam in Cæſarei iuris ditionem
tranſiſſent, cum quibus mitius quàm cum cæteris priuatorum dy-
naſtarum clientibus ageretur; nihilominus, poſtquam ſine tumultu
paſtores abierunt, quam induerat lenitatis perſonam poſuit, exuto-
que vellere lupum aperuit.

Habebat in armis vt ſuperiùs dixi, è vicinis regnis ad compe-
ſcendos, ſi naſcerentur tumultus, exercitum iuſtum potius quàm
ſelectam paucarum cohortium manum. conuocatis enim vnde
quaque copijs ad decemmillia dicuntur conueniſſe, quorum capi-
ta Saſioie, Præfectus Surungandonus & Gonzaimondonus, quorū
vterque ideo miſſus fuerat, vt eiectis ſacerdotibus externis Chri-
ſtianos

*Saſioie verſi-
pellis.*

*Saſioie exer-
citus contra
Chriſtianos.*

stianos ad vnum omnes, eiurato Christo, cogeret ad patria sacra redire, qui renuerent, acerrimis tormentis, longam mortem viuerent, vitamque morentur, ne breuitate gloriosæ mortis allekti, martyrij palmam adepturos se rati, Christiani maiore impetu repugnarent. In Arimensis igitur agri neophytos primus tempestatis furor detonuit. Sed superioris anni (nondum enim decimum quartum excessimus) fortissimi athletæ, qui excussam ignibus animam, ultra ignium sphaeram in caelos immiserant, suis illis ignibus ita neophytos, qui spectaculo frequentissimi interfuerant, in eum retinendæ religionis ardorem induxerant, vt sua prælia prælagire viderentur, aut etiam prouocare.

PRIMVS HVIVS PROCELLÆ FVROR IN
Portum Cuchinotzu defertur.

CAPVT II.

Cuchinotzu Arimensis Oceani portus, primos huius procellæ fluctus ita excepit, vt sua stabilitate deterritos aliò auerterit, donec ad se maiore impetu referrentur. Vix bene decem duodecimue dies abierant, ex quo proscriptorum classis è Iaponiæ conspectu discesserat, cum Sasioie ratus nullum planè huius gregis Pastorem superesse (tamen si supra triginta è suis latebris rem Christianam procuraturi, remanserant) toto impetu rem aggrediendam ratus, in portum Cochinosu cum exercitu toto defertur, quo cum peruenisset lenitatem simulans, qui venerat sæuiturus, è familiari-
bus suis primarium ad plebis capita (Otonas vocant) cum hac oratione amandat; significarent plebi, cum hoc exercitu se in agrum Arimensem ab Imperatore destinatos, hoc vnū spectare, vt omnes eiurata quam susceperant barbara religione, Dijs Patrijs redderentur, sibi gratum futurum, si qui totius populi capita censebantur, ceteris præirent, sibi que subditos ad obedientiam, quæ Cæsari debebatur, non authoritate minus, quàm exemplo prouocarent, pristinaque obstinationis obliti, demum intelligerent hoc insultu pertinaciæ arcem expugnandam; non esse sibi nunc negocium cum dynasta suo, quem sua remissio parentum suorum hæreditate auitisq; honori-

Sasioie cum
exercitu Ge-
nit Cuchi-
notzu.

Plebis capita
solicitat.

honoribus exturbarat; rem sibi nunc fore cum Saffoie, Surungandono, & Gonzaimondono Imperij primoribus, quos Imperatoris immediatus fauor authoritasque munierunt, rem sibi fore cum ceteris, qui aderant belli præfectis, qui hunc in fidem è diuersis regnis euocati Arimensi agro non essent pedem, nisi cum euulsis stirpitibus barbaris sacris elaturi; quamobrem varia sine morte supplicia in eam erant moram protracturi, donec illorum atrocitas inglorios ad defectionem volentes nolentesue pertraheret, pedum manuumque digitos singillatim detruncandos, corporis molem subnervatis cruribus alienis auxilijs fulciendam, candenti ferro cauteria frontibus inurenda; neue solatium superesset bonorum proscriptione exuendos; quæ si nondum essent satis; coniuges, filiosque ac filias in seruitutem redigendas, & quibus esset in corporis venustate ætatis ac pudicitie decus, lenonibus prostibulisque tradendas, postquam ad ignominiam nuda, petulanti se vulgo spectandas præbuisent: voluisse se de his omnibus ante præmonere, ne quis superesset ignorationi vel querelæ locus. Ex aduerso verò si à pertinacia deficerent, seque ipsos intra obseruantia, quæ supremo Imperatori debetur, castra reciperent; effecturum se ut tributis oneribusque, quibus obruti gemebant sub pondere, magnam partem leuarentur, permissurumque ut in suum portum Sinensia nauigia suas opes inueherent, quibus in antiquum splendorem oppidi facies reuocaretur. Denique nihil futurum in quo non eius fauor cum Imperatoris munificentia conspiraret.

Auditus est à Præfectis parum secundo suæ concionis applausu Saffoie internuncius, à quibus responsum in hæc ipsa verba remittitur: Annos se iam aliquot communi consilio statuisse constantiæ, non obstinationis arce; patientia non armis ad extremum tuituros; non habere se quod actum agerent, aut certa in dubium reuocarent, sibi que nefas esse id à neophytis exigere, quod ipsi nefas esse statuissent; quod enim facere non licet, quis non videat nefas esse suadere? effecturos se pro viribus uti ex tota multitudine repèriretur nemo, qui à iurata retinendæ religionis firmitate resiliret, oppidumque suum turpi defectione fœdaret. Hanc esse postremam suam de hac materia irreuocabilemque sententiam. Cum hoc

*Plebs ipsa si-
militer solli-
citur.*

*Similiter re-
spondet.*

*Describun-
tur Christiani.*

*Sasioie mul-
titudinis de-
territus alia
int consilia.*

responso parum latus ad Præfectum legatus reuertitur. Sed non-
dum spe sua excidens Sasioie eundem remittit cum mandatis, ut
omnino totidem verbis coacta multitudine res illi tota constaret;
ne ignorasse quispiam ante tormenta in tormentis ipsis causaretur,
maximè quod non id nunc agebat, ut Christi fidem abdicarent, sed
satis sibi factum fore, si se quod iuberentur facturos esse reciperent.
id si qui tametsi ita faciliè renuerent, sua ei seorsim nomina descri-
pta mandarent. Fecere minorum Præfecti quod iuebantur, con-
uocataque multitudini Sasioie mandata euulgarunt: à quibus vna
voce responsum fidem sibi Christumque ut ut esset retinendum,
descriptis illorum nominibus qui duntaxat familiarum capita cen-
sebantur, cum iam numerus ad duodecim supra centenarium ex-
creuisset, Sasioie familiaris exclamauit animi sibi non esse satis, ut
seriem ita numerosam hero suo velut munere suo malè functus ob-
truderet, viderent etiam atque etiam quid agerent, deque hac mul-
titudine quam plurimos detraherent; ideo quod traditis semel no-
minibus facile non erat futurum, à negotio resilire. Sed vicorum
Præfecti augendi se non tamen minuendi modum facile repertu-
ros, ideo quod ad felicem pro Christo multa patiendi fortunam æ-
que omnes aspirarent.

Redit igitur ad herum nuncius, qui decursis descriptorum no-
minibus excanduit non sola multitudine irritatus, sed multò magis
quod primarium quemque cuius industria oppidum regebatur de-
scriptum inueniret, quibus sublatiis fœdam toti oppido solitudi-
nem inuehebat, qua ex re ad ipsum insignis ignominia non sine pe-
riculo fortasse redibat, quod Arimensem agrum primis diebus ita
tractasset, ut nobilem vicum portumque ipso per commodum imma-
nitate sua destruxisset. re igitur in deliberationem vocata, placuit
primum furorem aliò auertere, ne primo impetu victi, victoriæ ap-
ud cæteros desperationem primo ex oppido exportarent: mul-
tum enim ad rem facere videbatur cæteris neophytis quod imita-
rentur, vel firmitatis vel remissionis exemplum quod deinde se-
querentur, exhibere. Suppliciorum tarditatem grauitate compen-
sandi, maximè quod cæterorum vel exemplo vel metu reddi pote-
rant ipso tempore molliores.

Interim auditur ab regia Ozacam, Fydeiori Principis & Taicosamæ filij arcem ab Imperatore deficere, seque ad bellum vel inferendum vel ferendum acriter comparare. quæ res cum satis sollicitos haberet huius expeditionis duces, in noua consilia coniecit, nolentes neque ab incepto resilire, neque Imperatori deesse cum ad bellum vocarentur. Placuit igitur Arimensem agrum totum in tres omnino portiones partiri, in quas immissa exercitus parte, dum singuli singula occupant, vno eodemque tempore aggredierentur vniuersa. quod consilium non id habere solum videbatur, vt temporis compendium sine rei dispendio fieret, sed etiam vt multiplicatus vbique tormentorum fragor horribilius detoneret, neque solum suppliciorum atrocitas velut fulmine, sed eorumdem multitudo velut grandine baccharetur. Firandensibus igitur turmis Arimensis agri occasus Chinijua & Obama cum suis limitibus commendatur: Sazumani ad ortum Ximambaram, Ariye, Miye, cæterosque pagos inuasērunt: Fyensibus Arima ipsa cum proximis vicis committitur. Hanc partem velut præcipuam Sasioye & Surungandonus velut primariam sibi reseruarunt expugnandam, quorum communi consilio Gonzaimondonus suppliciorum præses est appellatus. hunc ordinem persequar etiam ab Arimensium, quæ atrociora fuerunt, prælijs inchoando.

*Exercitus
in tres Ari-
mensis agri
portiones di-
uidit.*



ARIMÆ IN CHRISTIANOS ATROCITER SEVITVR.

ARIMÆ IN CHRISTIANOS ATRO-
citer sauricoeptum.

CAPUT III.

PRæs igitur vicorum Præfectos oppidique moderatores mis-
so apparitore ad se in tribunal euocauit, aduentus sui confes-
susque causa indicata mandauit, vti quamprimum à sibi subdi-
tis exigent, quam Imperatori debebant obedientiam, cuiusexe-
quendæ causa, ingens ille in agrum Arimensem exercitus immitte-
batur. Verum illi Christiana libertate fidenter responderunt, se
quod nefas esset, neque posse neque velle præstare, cumque super
ea re multa vltro citroque fuissent agitata, in eo tandem præses ac-
quieuit vti postridie familiarum capita eum in locum, vbi nuper
Societatis Collegium steterat, cogerentur. Incidit eadem dies in No-
uembris vigesimum, Anni 1614. qua eum in locum ad ducentos ex
ardentioribus neophytis sua sponte conuenere, ceteri vel domi
præstolabantur euocandi, vel imbecillitatis suæ conscij nonnulli se
in latebras abdiderant. Vbi eum in locum deuenissent, sacras sta-
tásque Christianorum preces elata simul omnes voce recitarunt,
quibus exhaustis varios Psalmos piè flebiliterque decantarunt:
quod dum facerent, Satanæ ministri singulorum nomina in tabulas
referebant, exscriptos, qui aderant milites in vicinum locum coge-
bant, vbi nuper sacra ædes nostra paucos ante annos ab Arimensi
dynasta Ioanne religiose constructa, & ab eius hærede nuperrime
sacrilegè solo æquata visebatur.

*Chonzaimo-
donus Ari-
mensis Sico-
rum præse-
ctos sollicitat.*

*Familiarum
capita eum
in locum con-
ueniunt.
1614.*

*Liberè preces
recitant &
canunt.*

Eo in loco defixis altè sudibus repagula cinxerant, quibus or-
bum pastoribus gregem lupi continerent, cingebant militari coro-
na satellites supra mille, omni ad terrorem armorum genere instru-
cti, vel solo conspectu minaces, & ad inferenda supplicia compa-
rati, quæ res ita terribilis nonnullis visa est, vt ex omni numero pau-
ci aliquot primo intuitu titubarent.

In media repagulorum corona, carnifices omnino viginti resti-
bus armati, in quos furorem suum exercerent ingressuros præsto-
labantur. In ianua enim erat, qui ab illis exigeret, vti Christi fidem
eiurarent, qui si repugnassent, intra claustra immittebantur à carni-

*Fidem profes-
si sepro inclu-
duntur.*

ficibus torquendi, à quibus vncinis ferreis capillitium & aures etiam vellebantur, & solo afflicti, calcibus, pugnis, fustibusque ita salubantur atrociter, vt ex ijs nonnulli semianimes stupidi que vix spirarent. Quibus erat animus integer nihil erat antiquius, quam vt elata voce cæleste auxilium recitatis precibus inuocarent, nec ab ijs impetrari potuit fustium pugnorumque grandine vt à diuinis laudibus abstinere. Et quoniam etiam iudicum cura in eo versabatur, vt cum paucissimis certamen ad extrema deueniret, ex militibus nonnulli hospites suos, apud quos diuertebat, inuitos reclamantesque à supplicio exemerunt, & atrocitatem mentiti fustibus pugnisque misericordes extra repagula dimiserunt, succlamantes eos iam Christi sui fidem abdicasse, qui si pararent reclamare, obdurato ore loqui prohibebantur, tantusque erat inconditæ multitudinis tumultus, vt audiri nemo potuerit, tametsi totis viribus reclamaret.

*Durè & con-
tumeliosè
tractantur.*

*In carcere se
mutuo ad-
hortantur
& canunt.*

Qui intra repagula remanserant, post primam fustium pugnorumque salutationem, vestibus omnibus exuti, funibus crudeliter astringuntur, iterumque solo afflicti calceis luto infectis faciè ipsam proterebantur, quæ res apud Iaponios ignominiam habet præ ceteris singularem. His iungebant sales & scommata, id maximè exprobrantes, quod impudenter suam minus sentirent nuditatem. In angulum deinde retrusi ita raptabantur, vt alij super alios lapsi triginta mutuo grauiter offenderint. E' toto numero septuaginta supererant, è quibus quinque supra quinquaginta fortiter nuditatis ignominiam pertulerunt, nec intra eū locum solum sed per oppidi vicos, eos in primum vbi conuenerant locū conduxerunt, concurrente ad spectaculum multitudine, cuius petulantia ignominiam duplicaret. tum in tres diuisi turmas in vicinas ædes retruduntur, in quibus totam eam noctem, alij alios exhortati, supplicia quibus vitam clauderent animis votisque prouocabant. quo in genere Petrus Quiuan, natura eloquens gratiaque, feruidus excelluit, totamque eam noctem concionabundus exegit, ac deinde Diuos omnes ex ordine cantu euocans, sacras litanias psalmosque percurrit: nec fortasse alienum erit credere, illius ardore usam gratiam, pluribus ex ea turma martyrij palmam concessisse. Die insequenti in eas ædes in quas se se

sefe receperant, turmatim milites ingressi, non paucos nullo alio excussos examine liberos ideo dimiserunt, quod vel largitionibus amicorum corrupti noctu aliquam humanitatē induissent, vel paucorum morte & supplicio reliquum vulgus terrere cupientes, in reliquos furorem congerunt, & acriter ut à Christo deficiant urgentes, nihil tamen impetrarunt, tametsi ea sæpe ingererent, quæ à suppliciorum grauitate, atque tarditate, à coniugum proliumque supplicijs & ignominia defectionis argumenta sumebantur. Et cum minis nihil cederent, qui iam supplicia pertulerant, atrocissimum quæstionis genus inuenerunt. Tibiarum quippe ossa intra octogonalia ligna duo arctissimè constringentes, ingentem doloris sensum prouocabant, quem ut augerent, supra ligna ipsa, extensósque solo milites saltitabant. Quo in dolore pauci aliquot animo lapsi circa fidem titubarunt, & Satanæ vinculis induti, corporis emerunt libertatem. Hoc supplicio duo supra triginta torti feruntur, & nonnulli iterum ac tertio, tanta carnificum rabie, si quem constantem reperissent, ut aliquoties ligna illa tametsi crassiora in frustra dissilierint. Hoc supplicio perfuncti, in easdem ædes, in pomeridianas horas retruduntur, quibus ad eos reuersi, intermissa certamina integrant, minisque suis tantum potuerunt. ut aliqui amicorum preces admixtas admiserint, tametsi ex ijs aliquot etiam nulla sua culpa, propinquorum intercessione libertatem impetrarint. Nec admodum egrè quod, ut monui, id vnum ministri agerent, ut extrema certamina ad paucos contraherentur.

Quidam liberi dimittuntur.

SEPTENDECIM ARIMÆ NEOPHYTI MARTYRÏ PALMAM FERTISSIMÈ CONSEQUUNTUR.

CAPUT IV.

QUI ad finem vsque perstiterunt, simul extremo supplicio plectendi, artibus ijs quas partim ministri comenti sunt, partim mortalis quorundam fragilitas palmæ subtraxit, ad septendecim contrahuntur; quibus alij deinde duo, & demum vnus ad explendum vicesimum numerum, postero die tertioque sunt aggregati, quorum nomina hic adscribi oportebit, ex libro vitæ descripta.

1. Michael

1. Michael Nixi Xichiroyemón.
2. Ludouicus Matzuxíma Ienyemón.
3. Thomas Ocumúra Domi.
4. Adrianus Ocumúra Iuyemón.
5. Ioannes Nacamúra Sösuqué.
6. Dominicus Yaquichi.
7. Michael Acafóxi.
8. Andreas Yocónzu Iinxiró.
9. Dominicus Yafángui Xóijro.
10. Dominicus Matzudáque Fióngo.
11. Adrianus Sunga Yaquichi.
12. Martinus Tacayá Mango Yemón.
13. Petrus Quiuan.
14. Dominicus Ocumúra Xósiúque.
15. Ioannes Tacaya Quiufayemón.
16. Cösmas Tacaya Xóbióye.
17. Michael Conganemáru Quiú Yemón.

*Septendecim
capite trun-
cantur.*

Hi septendecim (ceteros enim alio capite commemorabimus) eo ipso die Nouembris 21. sub noctem id obtinuerunt, quod iustus scriptura promisit: quasi meridianus fulgor consurget illis ad vespere-ram. Nam post varia certamina, quæ minæ, preces, promissa, propinquorum amor intulerunt, cum sibi semper æque conititissent, alius post alium amputatis ceruicibus obtruncantur. Quo in supplicio id omnes obseruarunt, ut sibi Deoque beneficium ingens gratulati immensam eius clementiam extollerent, quod è toto numero liberi iam à Dæmonis eiúsque ministrorum artibus, ad eam palmam electi fuissent, è qua tot alij sua vel culpa vel infortunio excidissent. Ergo inuocato suauissimè Iesu, à quo salutem præstolabantur, salutem inuenerunt.

Sed ij tametsi à nobis celeri morte sublati abierunt, nos eorum desiderio moram trahentes tantisper in singulis, eo quo scripti sunt ordine, immoremur, sicubi maximè erit, quod non inuiti mora dignum iudicetur.



CRURA MARTYRVM INTRA TRABES COMPRIMVNTVR.

*Patiendi de-
siderium.*

Primus, Michael Nixi Xichiroyemón Fingensi regno oriundus, annum agebat quartum supra quadragimum, is cum praefidi se oblaturus ex ædibus abiisset, coniugem suam ita dimisit, ut nunquam alias rediturus, idque vnum ab ea postulauit, ut continuis interim precibus, quam non merebatur, martyrij palmam à cœlestibus impetraret, quod ipsum ex itinere, misso ad eam rem vnam internuncio, inculcandum indicauit, quod nollet mittens manum suam ad aratrum, retro respicere. Cum vincula indueret, vestitum carnifex induebat, quod ille passus non est, ne ceteris minus aliquid pateretur, quos videret alacres ignominiam non refugisse nuditaris, ergo excussis vestibus seipsum nudauit, ne in extrema lucta vestitus cum nudo dæmone, ut ait Gregorius, inæquali sorte luctaretur.

*Fuga detra-
hionis.*

Secundus, Ludouicus Matzuxima annos octo supra triginta in hac mortalitatis infirmitate numerans, emit morte immortalitatem. Anima ciuem suum sibi vendicat, is in arenam descensurus cum aduertisset coniugem suam in colligenda supellectile, quam latebris fideret occupatam, ne faceret admonuit. Quid agis mulier? ait, vbi nos in sacrificium ipsi Deo destinamus, nec supellectilem illi subtrahas, qui rapinam odit in holocausto, nullo loco eam tutius collocatam putes, quam si eam ipsi Deo tradideris asseruandam. Peculiaris illi fuit per vniuersam vitam, de alienis culpis indicta non linguæ solum, sed auribus abstinentia. Nec enim auditus est vnquam vel aliena tangere, vel aliena tangentes audire. Solenne enim illi erat talibus se colloquijs, etiam cum violatæ vrbauitatis nota subtrahere. Cui cum vxor quadam die obiecisset, eum morem alienum esse ab eo, quem inter homines viuere oporteret, ita respondit, Ceteri, hominum leges, ego diuinas, quibus id mihi nefas est obseruabo. Idem cum in vinculis, prensatis iam cruribus constantem se præbuisset, extremo die ad suorum, quæ obijciabantur oculis supplicia, breui futura defecit, iam iamque liber domum abibat, nisi eum diuina electio martyrem factura reuocasset, vbi enim aduertit sociorum iam truncari capita, denuo ita exarsit, ut ad supplicij locum recurrens, recantata palinodia, quod amiserat recuperarit.

Tertius,

Tertius, Thomas Ocumúra Ximambaræ natus in Arimensi agro, annum agebat septimum supra sexagesimum, is cum in extremo, quod uxori dicebat, vale, veniam illa erratorum à marito postulasset, ita respondit: mutuum sit, quod petis vtrinque munus extremum. mihi certum est in hac tandem causa mori, nec minus, ut reor, certum, vltimum fore hunc vxoris maritiq; conspectum, in quo tibi maximè sum auctor, ut constans in fide persistas, si mutuum affectas in altera vita conspectum. ac licet multi sint, qui non quam bene, sed quam diu victuri sint attendant, tu de multis esse ne labora, pauci sunt enim ij qui ad vitam ingrediuntur æternam. Præterea si te Christiano nomine quicquam pati oportuerit, eius causa patere, qui te patiando præuenit. Ac tamen difficile sit iustum iniuste pati, iustius tamen erat, ut tuorum peccatorum vltor Deus à te pœnam exigeret, quàm tu te illi subduceres patiando. Hoc senis est consilium ad martirium properantis. An fortasse immemor es eius, quod toties à magistris nostris audiuius, Christianum oportere mori dum viueret, si viuere vellet, dum moreretur. Neque nos ethnici arbitrentur vitam viuere iniucundam, aut minus esse fortunatos, ideo quod asperam pœnitentiæ viam ingredimur, se autem beatiore, quod in sua vagentur libertate. Vtrum, amabo te, videtur eligendum, an ipsi Deo victimam offerri, cum animi quiete, conscientie securitate, salutisque certitudine; an Dæmoni, tigribus, leonibusq; lacerandum cum indubitata perniciæ? Quæ cum dixisset, quinque quos habebat, famulos euocans veniam ab ijs postulare non dubitauit, si quod verebatur, minori, quam par erat, eos amore tractasset.

*Vxorem ad
constantiam
excitat.*

Quartus, Adrianus Ocumúra Ciuis Arimensis Thomæ, quem nominaui, adoptionis beneficio filius, ac deinde gener, annum agebat vnum supra trigesimum. Is cum filium in communi vapulatione cruentum conspexisset, exclamauit: Euge fili fortunate, præbe te virum, quam nobiliter cruorem fundis illius causa, qui tua sum ante profudit. Vxorē ille quoq; suam abiens martyrij spe plenus reliquit, & precatorijs globulis donatam scriptis ex itinere literis in eandem sententiam salutauit.

Quintus, Ioannes Nacumúra Amacusq; triginta septem annos na-

Socios ad constantiam hortatur.

tus ac Thomę propinquus, in communi prensatarum tibiarum supplicio socios fortiter exhortatus exclamabat, vt inuocato Iesu ac Maria præsentem sibi Deum exhiberent. Quod cum faceret frequenrius, atrociter à carnifice, vt sileret verberatus, vultu hilari grates illi pro beneficio retulit. Cum ad ceruices amputandas trahe- retur, tertium locum occupans carnifices exorauit, vt in vltimum differretur, in eum finem vnum, vti ceteros spectator postremus ad constantiam hortaretur.

Sextus, Dominicus Adachi, ciuis Arimensis, secundum ac vigesimum numerabat annum. Is cum prensatis tibijs à socijs hortato- ribus audisset, vt ætatis suæ florem maioribus, quæ ventura crede- banrur, supplicijs consecraret exclamauit, Veniant tormenta quælibet etiam hoc, quod patimur, atrociora, omnia libens, aspirante cœlesti fauore tolerabo.

Seminudus ad martyrium currit.

Septimus, Michael Acafoxi, è regno Fingensi, minus etiam æta- tis annos natus nouendecim numerabat, is è nobili familia, bellorū fortuna, libertatem amiserat Arimensique neophyto seruiebat, in quo nihil erat quod herus culpæ posset, nisi quod domesticis offi- cijs horas quotidie minimum duas orando subtraheret. Solenne illi erat, quartæ, sextæ feriæ, sabbathique ieiunium; & sexta quidem fe- ria ad orizam pro condimento præter salem nihil adhibebat. Fre- quens illi erat corpusculi flagellatio, quæ omnia Christianæ pietatis exercitia Christianæ modestiæ pallio occultabat. Herilibus obse- quijs nuncius de Christianorum verberatione occupatum inuenit, itaq; succendit, vt nulla mora seminudus, vt erat, ac puluere cōspersus accurreret, obuij currentem interrogant, quo vadis, aut quid a- cturus es? docebit me Deus, ait, ac iuuabit. Vrgebant vti vestem componeret, seque ipsum cibo reficeret. Non est, inquit, Deo diffi- cile suorum vires alio cibo sustinere. Cum eo deuenisset neque il- lum milites intra repagula reciperent, conscenso pariete, ceteris se adiunxit, tametsi quod seruus esset in serie ceterorum non fuisset adscriptus. Eiectus est igitur à militibus, sed denuo seipsum insinu- ans ad ceterorum supplicia non minore ambitione admittitur, quam ab alijs solent euitari. Fuit è militibus heri sui hospes, qui cognitum liberaret, verum ille ita reclamauit, vt voti compos per vim

Per vim martyribus se adiungit.

vim fieri obtinuerit. Cùmque prensatis tibijs ad eiurandum Christum vrgeretur, protestatus est in hæc verba, Nihil doloris sentio, tibijs palam tangere non videnter, stringite amabo, vt doloris aliquid experiar; iterùmque liberari potuerat, nisi eodem animo restitisset. Capite iam iamq; truncandus, cùm denuo ad defectionem sollicitaretur, ita respondit, Neque volo, sed nec possum quod vultis prestare, ita me interna vis adigit ad fidem retinendam.

*Fervor in
tormentis
admirabilis.*

Octauus, Andreas Yocónzu, è Bungenfi regno annos natus quadraginta, cum instante exercitu quorsum mitteretur inaudisset, gratias Deo egit, quod se in hæc tempora referuasset, sociosque compellans ait, globulos hætenus precatorios in eum finem virgini decurrimus, vt ea auspice victoriam imminenti prælij consequeremur, agite modo, facite ne vana fuerit nostra postulatio. Ita de se sentiebat demissè & modestè, vt martyrium sibi ad salutem necessarium profiteretur, vnde factum est vt sortem suam vix caperet, cùm atrocius tibijs prensarentur, osque ipsum frangeretur, qua ex causa stare prohibitus, flexis genibus ad Martyrij locum capite truncandus adreptaui.

Nonus, Dominicus Yafàngui Arimensis agri pago Oye oriundus annum trigesimum decurrebat, biduo ante quàm moreretur, domi suæ multis explicuit, dudum se pro Christo mortem exoptare, ad quam subeundam ne filiolarum, quam habebat vnicam, amore prohiberetur, se illam Virgini Matri filiam consecrassè, illamque ipsam noctem quæ vincula præcessit Pascha suum appellabat, & vxori valefaciens, præter multa monuit, vt carnifices suos odio ne prosequeretur, sed pro eorum salute Deum exoraret.

Decimus, Dominicus Natzudáque annos natus quinquaginta, alterius Dominici ciuis, neophytum apostatam auctorem habuit, vt hanc procellam in latebris falleret. Verum ille, Triennium est, inquit, ex quo in hanc occasionem intentus, ad martyrium aspiro, certum mihi est eam minime negligere, cum incertum sit, an similis aliàs offeratur.

Vndecimus, Adrianus Sunga Aræauæ, Arimensis Agri pago exierat; annos numerans vnũ supra triginta, qui quod in ciuibus suis, nescio quam in fide retinenda remissionè aduertisset, expungi voluit

*Martyrij de
federiam.*

ex eorum tabulis, & in Arimenses, quod atrocius ibi seuituros hostes crederet, procurauit adscribi, & abiens Arimam parentes his extremis verbis salutauit, Ab eo vitam pro legis nostræ sanctitate positurus, extremum à vobis peto, vt eam fortiter teneatis.

Duodecimus, Martinus Tacayá Ciuis Arimensis, annorum quadraginta, cum ante huius tempestatis initia Nangasaquium, ibi victurus abiisset, ad primas martyrij spes Arimam reuolauit, ceterisque adiunctus, cum vinculorum sensu non nihil ingemuisset, noluit tamen laxare volenti, vt dolorem minueret, assentiri. Aiebat enim se in pœnis suis solatium aliud nullum, quam à cœlo præstolari.

Decimus tertius, Petrus Quiuan octo annos & quadraginta decurrerat, natus Vncemoti. Adolescens eam sectam professus fuerat quæ dæmonem veneratur, eorumque fuerat sacrificulus. Verum Fingenfi in regno cum Augustino famularetur, Christum agnouit, ita feliciter, vt sacerdos noster absentiam suam illius ardore innatâque facundia suppleret. Anno superiore Arima proscriptus, Nangasaquium refugerat. Ad eum expugnandum plus indultriæ ministri posuere, sperantes ex eius lapsu ruinam cæterorum. Neque enim adduci potuerat, vt spem martyrij Nangasaquienfi vitam dimitteret, qua in re cum illi vxor aduersaretur, visa est nocturno prodigio Arimam inuitari. Matronam enim admirabili auctoritate conspicuam hortatricem audiuit, vna cum comitibus quos habebat angelis, vt iter quod ostendebat Arimense arriperet, in hæc verba prolocuta, Iter hoc vobis erit fortunatum. Quod visum,

*Nocturno vi-
so ad marty-
rium inui-
tatur.*

cum illa marito enunciaisset, nulla mora vocantem secuti sunt. Ille præfidi se sistens ita iudices dicitur allocutus, Fortunas omnes in causa religionis amisi, vxorem ac filios à me remouens Deo redonaui, nihil præter me ipsum mihi superest, hic sum mortem præstolaturus, nec ædes meas vltra reuirsurus tametsi differatur. Cum torqueretur, & supplicia maiora intentarentur, exclamauit, Quantum volueritis ac potueritis torquete, ad omnia venio comparatus.

*Seipsum si-
sit ludicibus.*

*In tormentis
constantia.*

Cumque ligna prensatis tibijs intorta prensantium vires extremis in partibus coniunxissent, interrogatus an Christum eiureret, nihil simile cogito, inquit, nedum eloquor, & ad præfidem conuersus ita eum compellauit, In regno Quinocuni natus, cum Christianos

stianos hic torquendos audissem accurri, præsentem Deum eundemque adiutorem quis negabit? obtruncandus porro elata voce succlamavit, Deo, quem tametsi videre non liceat, præsentis gratias ago immensas, quod me eam in horam, qua pro eo morerer, reservavit, & subito implorato Iesu obtruncatur. Prodigio carere non potuit quod sequitur, Filioli duo, octennis alter, alter binus, quo momento truncum parentis cadauer occubuit, absentes videntur conspexisse, Octennis lacrymis obortis dolorem testari, binus in gremio suæ parentis exclamavit, Pater meus in cælum penetrat, *In cælum & collatisque temporibus ipsa momenta conspirarunt. Eo iam è vi-* *volans à filio* *conspicimus.* *uis sublato, schedula reperta est, in qua narrabat se Martij vigesimo septimo, anni 1614. cum matutinis horis de more crucem adoraturus se ad locum, in quo illa steterat, nuperrimè contulisset, primum stellam vnam, deinde duas, postea tres, ac denique aliam circularis figuræ maiorem, quæ alias plures ex se ipsa videbatur iaculari conspicatum, ut inde portendi videretur quamplurimos regia crucis via id impetraturos, ut sicut stellæ, fulgerent in perpetuas æternitates.*

Decimusquartus, Dominicus Ocumúra annos natus erat triginta.

Decimusquintus, Ioannes Tacayá priorem annis octo superabat.

Decimus sextus, Cosmas Tacaya prioris frater, vterque Yamato oriundus.

Decimus septimus, Michael Conganemáru Miacensis, annorum quinquaginta, quem cum transfuga hortaretur, ut exemplo suo vitam servaret, his ipsis verbis excepit, Itane tu vivere te putas? vel audes in hoc misero statu constitutus, neque formidas, ut terra hier, ac tartarus absorbeat, cum tu Deum ipsum tibi hostem effeceris? auctor tibi sum ego, ut ad fidem redeas, turpémque defectionem eluas pœnitendo.

Hæc de singulis breuiter, ac spero sine tædio. quis enim non eo in statu constitutos libenter audiat, ac minutim extrema omnia de more prosequatur?

CAPUT V.

*Petrus &
Ludouicus
Gotó fratres.*

*Defectionis
suspicionem
à se liberè a-
moliuntur.*

*Ob fidei pro-
fessionem ste-
rum capti.*

AD hos decem & septem fratres duo, non pietate minus quam nascendi sorte germani, mox accesserunt, alter Petrus, Ludouicus alter, vterque Gotó dicebatur. Petrus annos duos & quinquaginta natus, decennio toto fratrem superabat. Hi vicum incolebant Arimæ conterminum, eumque vicaria heri præfectura moderabantur: vterque cum superioribus, intra repagula vinculis, fustibus, ceterisque supplicijs pugnae suae principia nobilitabant; sed quoniam è primoribus nescio quis, vicum illum sublatris fratribus minus commodè administrari posse credebat, inuitos ac renitentes vinculis exuit, suaeque libertati redonauit, sparsomementis famæ rumore, vtrumque in sui gratiam, Christi gratiam abiecit: vnde factum est, vt in dubium constantissimorum pugilum constantia vocaretur: sed breui fuit suus veritatis locus, non sua tantum professione, in qua suspicionis esse nota poterat, sed multò magis iterata Christianæ religionis confessione; dimissi quippe se à Christo nunquam defecisse proclamabant, socios in arena relictos ad constantiam hortabantur, & immitem ethnici clementiam hostiliter sibi procuratam interpretabantur, cuius rei veritas breui erat, vt sperabant, è suis tenebris egressura. tum deinde Ludouicus ad circumfusam militum coronam conuersus, iterum ac sæpius hæc ipsa verba proclamauit: notum sit omnibus nunquam nos à Christo defecisse. quod ipsum cum se domum recepissent, ciuibz inculcarunt, satis mæsti quod paratam è manibus coronam, sua, vtaiebant, sibi peccata excussissent; neque ex eo tempore à confirmandis in fide neophytis, nondum excussio martyrij ardore, destiterunt.

Toties repetita fidei professio, non potuit fautorem ethnicum ac ceteros iudices latere. ergo fraudem detectam, iniuriam suam sunt arbitrati. Præfecto cuidam militiæ ultio demandatur. Euocatur Ludouicus prior, q̃ ardentius ea in re, iuueniliusq; se gessisse deferretur. Ibat alacer, nihil dubius ad iterata prælia palmamq; euocari.

Obuium

Obuium habet ex itinere fratrem, qui se adiungens ita coniecit, Dubio procul ad defectionem sollicitandus euocaris, quippe fauor hesternus, visus est mihi semper aliena commoda potius quam amicitiam redolere: adiungo me comitem quod ominer hoc euentu nobis certissimam martyrij coronam à domino præparari. Vbi in præfecti ædes deuenere, vinculis vterque constringitur, ideo quod toties Christum recuperata libertate profiteri, præfectus iniuriam suam ex mendacij nota interpretaretur, quæ vinculorum causa ab alio militaris ordinis amico suo, coram multis testibus, denuo est apertè confirmata.

Nec plura, eum in locum abductis, vbi pridie trunca cæterorum cadauera temerè iacebant, denuo ex iudicum voluntate significatur, ideo illos plecti, quod se nunquam à Christo defecisse sapi-
Capite plectuntur.
 us, non sine iudicum iniuria proclamassent, ea res enim accuratius à iuratis testibus excussa ita constitit, nequa suspitionis nebula rumorum vaporibus excitata, martyrum splendorem obscuraret. Ad eam iudicum denunciationem fratres de mortis causa securi, confirmatis quæ obijciebantur omnibus, denuo Christum professi carnificem rogant, vt in ea causa volentes obtruncet, quod inuocato de morè in auxilium Iesu feliciter impetrarunt.

Deerat ad destinatum numerum vigesimus, quem die insequenti Thomas Matzuxima, annos natus sex supra triginta, postremus expleuit. Is Arimensis agri vicum propè suburbanum natalem habuit, in quo potiora, iudicij potius bonitate, quam natalium splendore obtinuerat. De eo sparferat miles quidam amicum liberaturus, Thomam suis cohortationibus adductum, barbaris eiuratis, ad patria sacra rediisse. vnde factum fuerat, vt de Thoma tardius ageretur. Patuit tandem militis dolus, ac Thomas à præfide totam rem excussuro in tribunal euocatur. Nondum sciebat ille
Thomas Matzuxima martyrium.
 quid sparisset miles, minus quid præses in milite detexisset. Cum igitur ad eum vincendum carnifices accederent, scire prius voluit, qua ex causa vinciretur: si quidem aiebat in fidei causa, manus porrigo; si qualibet ex alia, militariter ex Iaponensi consuetudine me tuebor. Strenuum virum, carnifices veriti rem totam aperiunt, ipseque extemplo abiecta sica, pugione,

baltheóque militari, agnum diceret, vincula non refugit. Coram
præsidente re discussa, cum defectionem negaret, Christumque profi-
teretur, capitis sententiam lætus excepit, ipseque ad præsidem con-
uersus ait; vera sunt quæ pronunciaſti præſes, nunquam à Christo
defeci, nec simile quippiam etiam animo solo tractaui: quisquis a-
lius dixit amicè magis quàm verè faciens, nullo fundamento com-
menta ſua ſtabiliuit, plus tibi debeo quod me hac in cauſa iubes
obtruncari. Ergo agnus in macellum abductus, ceterorum cada-
uerum carnificinæ adiunctus, poſt neophytorum preces poſtulas
Ieſumque inuocat, iugulatur.



CANDENTI FERRO IN FORMAM CRVCIS FRONTIBVS
INVRNTVR.

R 2

*Omnes post
mortē mem-
bratim con-
cisi capita
altiore loco
defixa.*

*Ethnicorum
de Christia-
nis iudici-
um.*

Omniū cadauera, vt hoc de omnibus ſemel dicam, immani-
tate ſicarum Iaponenſium barbara, capitibus iam euulſis membra-
tim concifa, ita permixta ſunt, vt cuius ſingula membra fuerint à
neophytis dignoſci deinde nunquam potuerit. Iacebunt interim
cōfuſa omnia, donec in vitam reuocata, diuina vi, cui ſubtrahi nihil
poſteſt, ſingula in ſuum locum reuocentur. Capita verò ad ſpecta-
culum altiore loco defixa, ne à neophytis raperentur, diurnos ac
nocturnos diu cuſtodes habuere. Horum incredibilis in ſuppli-
cijs conſtantia, & in obeunda morte alacritas, ita ethnicos ſpectato-
res affecit, vt ſtupentium eſſet vna vox, Fieri nullo modo poſteſt vt
ab his vera ad ſalutem via ignoretur, qui tanta hilaritate ſupplia,
mortemque ipſam tolerarunt. Pluſquam enim humanum eſt, con-
iugum, filiorū, propinquorum, quibus ita rapimur, obliuiſci. Et ſa-
nè tamerſi cæcutirent, aliquam tamen in hoc veritatis ſplendore
lucis partem admiferunt. Ad amorem enim ſuorum quod attinet,
vix alias clariuſ conſtitit pronuntiata à Veritate ſententiæ Veritas
raro nota, Inimici hominis domeſtici eius. Non pauci enim poſt-
quam atrocia ſupplia propè ſine ſenſu toleraſſent, vbi de ſuorum
ſupplij, ſeruitute, nuditate agi cœptum, leones vidimus in lepo-
res animo deficiente mutatos. Clariuſ hoc vnus exemplo patuit,
quod ad poſteritatis inſtitutionem non debet prætermitti. Propria
vnus ex ijs qui defecere, neophyti conſeſſione cōſtitit, eum pedes
manūſque ita conſtrictum, vt funes intra carnis latebras ſe prope
totos occultarent, fauces porro more patrio propè præſocatas vix
ſpiritum admitterent, eo in ſupplio diu ſine villo doloris ſenſu ſu-
perante gratia iacuiſſe, donec admiſſa de filiolo, quem tenerrime di-
ligebat cogitatione, alteri compatiendo naturam ſibi reddidit, quæ
gratiam extrudens tanto doloris ſenſu patientē inuaſit, vt impatiens
exemplo à Chriſto deficeret, & ab inchoato prælio turpiter reſili-
ret, hoc ille deinde de ſe prædicans, pœnitentię beneficio in gratiam
cū gratia rediens cæteros docuit, quam exiguū ſit illud quod nature
viribus ſine peculiari Dei concurrentis auxilio, humana poſſit infir-
mitas, vt nemo ſibi fidat qui viderit eū, qui præſentis gratiæ viribus
in ſeiſo atrocia tormenta ſine ſenſu tolerabat, abſentis auxilio de-
ſtitutum, alienorum ſuppliorum minas, ſuorum, ſenſu reddito
non potuiſſe ſuperare.



VIGINTI MARTYRVM CAPITIBVS SVSPENSA.

Rr 3

INTERMISSAM CVCHINOTZV PERSEC-
tionem Sasioyeredintegrat.

CAPVT VI.

PRima neophytorum in Cuchinotzu Arimenfi portu repugna-
tio alta mente reposta manserat Sasioye. Ratus igitur Arimen-
sium supplicijs & nonnullorum lapsu reddi posse molliores, ad
eos redit magnam iram habens, maximè sciens, quia breue tempus
habet. Rumores enim bellici nouis quotidie nuncijs ab regia re-
crudescebant. Ab ipso igitur portu priusquam discederet, missa
legatione superiori satis simili, multitudinis animos nulla non arte
tentauit. Responsum superiori par fuit, sed responso superior ani-
mus seipsum superauit. Postridie quippe cum iam exscenderet,
neophyti ad septuaginta sua sponte nondum vocati in arenam de-
scenderunt. Arena fuit ædis sacræ & domus Societatis solo æqua-
tæ area, in quam fama sparserat pugiles ad certamen euocandos.
Quo in studio patiendique desiderio tanto à neophytis ardore cer-
tatum est, vt nonnulli sua secum vincula, si carnificibus fortasse de-
ficerent, demo exportarint. Hæc neophytorum animositas ethni-
cos rabie incendit, ac rubore perfudit, præueniri se ad supplicia fe-
renda potius quam inferenda, suam ignominiam arbitratos. In eum
igitur vbi conuenerant locum, militari tumultu delati, tres trium
cohortium ordines selopeta, sagittas & pila, triplici corona expli-
cuerunt, medium gregem precibus occupatum suauique psalmo-
rum cantu personantem vndequaque cingentes: & quoniam id a-
gebant potius vt terrerent, quam torquerent, vnusquisque vultum
seueritate ac minis armabat. Vicinum erat eidem loco cæmeteri-
um, illud eodem trium cohortium ordine ac præsidio munientes,
in mediam aream omnem suppliciorum supellectilem territuri vel
torturi congesserant.

*Neophyti 70.
Sasioye se nō
Socijs offe-
runt.*

*Precibus &
canticis occu-
pati à tribus
militum co-
hortibus cin-
guntur.*



SEPTVAGINTA NEOPHYTI SAFIOYE SE VLTRO AD
MARTYRIVM OFFERVNT.

Præses item in lapideo tumulo editiore sibi tribunal elegerat. In ingressu apparitor è publicis tabulis neophytorum nomina pronuncians, singulos euocabat. Dicam prius quid ab omnibus toleratum, ne longa singulorum commemoratione, nimia lectorem mora suspendam. Ne tamen ignoti remaneant singuli, & præclara eorum dicta factaque, vel in hac ipsa pugna, vel in antea acta vita, indigna oblivione sepeliam; quæ digna iudicauero sequentibus capitibus, ne cum tyranno conspirem, ab interitu vindicabo. Euocati ergo neophyti, cum è priore corona bis inter militares cohortium ordines facto transitu, in alteram admissi, præfidi se stitissent, in genua lapsi quini consistere iuebantur, & interim fufis ad Deum precibus cæleste auxilium euocabant, tum singulos, milites duo brachijs vtrunque raptantes, acriter vt Christum eiurarent laceffebant, qui si renuerent, octo decemue carnifices, solo afflictos pugnis, verberibus, calcibus ita impetebant, vt ex ijs alij malè saucij cruoremque naribus, auribus oculisque mittentes, & semianimes multi iam iamque expiraturi viderentur. Huic primæ salutationi succedebat nuditas, nuditati varia ludibria, sed maximè calceorum luto infectorum, quod Iapones horrent, fœda in vultu verberatio. In aliorum deinde carnificum, nihilo mitiorum iura transmissi, manibus pedibusque arctissime vinciuntur, & funibus in collum immissis prope præfocantur.

Variè laceffuntur.



IOANNES NARAYA CVM ALIIS CHRISTIANIS OBTRUNCATVR
ET IN MVLTAS PARTES CONCIDITVR.

*Crudeliter
Et variè tor-
quentur.*

Hæc omnia inauditi patiebantur, euocati deinde à præfide singuli, verbis ad lenitatem compositis, iterum iterumque monebantur, atque rogabantur, vt à pertinaciæ proposito desisterent: renuentes extemplo in aliam aræ partem raptati, machinam reperiabant in patibuli modum erectam, in quam pedibuseducti, capite in terrâ demisso pendebant, & ne corporis pondus leuiter pedes sustinerent, saxū duorū triūue virorū iustū pondus addebāt, manus enim ad pedes à tergo retortę, iisdęq; vinculis cōstrictę, vacuū in tergo saxo locū relinquebant; alijs tibias prensabāt vti modò diximus,

transuer-



CHRISTIANI MANIBVS PEDIBVSQ. IN TERGVN REVINCTIS
DORSOQ. GRANDI SAXO IMPOSITO SVSPENDVNTVR.

transuersaque toto corpore ligna stringentes, ipso saltu carnifices extrema ligna supremum cum infimo ad contactum cogeant, & admirabile multis visum est, nullum in ea prensatione fuisse, cui iam libero, stare atque incedere non licuerit; vix ut credi possit natura fieri potuisse, ut non ipsa ossa comminuta dissilirent. Nonnullis pedum ac manuum digiti ita truncabantur, ut pollex primum, deinde reliqui simul digiti amputarentur, atque ita octo vulneribus viceni digiti dissiliebant.



TIBIA INTRA TRABES PERSTRICTA MANVS PEDESQ̃ TRṼCATVR

Plerisque etiam candenti cauterio crucem non paruum in frontibus præses inuri iussit, quo supplicio nullum gratus neophytis fuit, quod iam sibi viderentur hoc signo in Christi seruitutem indelebiter ascripti. Ad singula supplicia, ut Christum eiurarent urgebantur, quem si profiterentur, obtuso saxi ore carnifices labia lacerabant. Denique ad gradus infimos, quibus in eum locum conscendebatur, in auersis genibus subneruati corruebant. Quo ex supplicio mox exspirarunt. Viui reliqui omnes, vno die octodecim, truncis ceruicibus in hoc certamine victoriam reportarunt. Aliqui tamen post tot supplicia viui ad exemplum, meritique cumulum superstites remansere. Qui glorioso fine trunci vitam finiunt, Nouembris secundo ac vigesimo nouam in æternitate, quæ non finietur, vitam inchoarunt.

Admirabilis porro neophytorum constantia tepidusque martyrum sanguis vim extemplo suam exeruit, omnium enim ore lex ea prædicabatur, quæ tantis animis sectatores suos contra omnia supplicia muniret, mirabanturque omnes, fieri potuisse, ut externorum sacerdotum industria (vim enim gratiæ non agnoscebant) ea mortalibus acrius persuaderet, quæ à sensibus remota sperantur solum, esse persequenda, quam ea quæ videmus ac sentimus, esse retinenda. Præses porro, cum nimis crudelitatis à quibusdam infimularetur, causatus est id à se lenitatis potius amore factum, quàm immanitatis furore. Neophytos enim oportuisset truncare singulos, nisi atrocibus supplicijs deterritos ad minorem numerum contraxisset, tanto omnes ardore martyrij palmam, suppliciorum breuitate affectabant.

Sed ad singulos, quorum hic nomina subiiciam ex ordine veniamus.

*Singulorum
nomina,*

1. Petrus Faximóto.
2. Paulus Rióyéy.
3. Ioannes Narayá.
4. Ludouicus Fisazúmi.
5. Michael Yxínda.
6. Michael Coráy.

7. Soter

7. Soter Cundó.
8. Matthæus Xinyemón.
9. Thomas Niyemon.
10. Dominicus Yoichi.
11. Petrus Coráy.
12. Petrus Ixinda.
13. Michael Yaxichiró.
14. Thomas Vñi.
15. Thomas Cáyxe.
16. Matthæus Aráqui.
17. Dominicus Yenámi.
18. Matthias Aráqui Xinzamburó.

DE SINGVLORVM MARTYRVVM DICTIS
actis.

C A P V T VII.

PRimas obtinuit Petrus Faximóto, annos natus duos & quinquaginta, quem Cuchinorzu ciuem suum agnoscebat, is per vniuersam vitam Christi fidem eximio ardore coluerat, sodalitijs sui magnam partem moderabatur, & in id incumberebat maximè vt in fide persisterent, nec frustra fortasse, cum ex eo aliquot martyrij palmam in hoc certamine fuerint assecuti. Nosocomij quod ibi erectum nuper fuerat, curam suscepit, illique stipem corrogans abiectissima seruitia seruebat; à biennio triennioue, ex quo minari vel sœuire tempestas cœperat in Christianos, ingens martyrij votum accurata comparatione incende- *Martyrij de-*
bat. Ante hoc extremum certamen & vincula, militum præ- *siderium.*
fectus eum tentaturus per iocum monuit, se læti nuncij baiulum, significare nihil in Christianos hoc tempore sœuiendum, nulla res illi tristior accidit; quam cùm dissimulare non posset, subridens præfectus, alia omnia serio nunciauit; quæ subito ad sodales excurrere & vnà lætitiæ suæ partem effudit. Ergo vbi opratus dies illuxit, magna festinatione, tametsi pedibus infirmior claudicaret, scipioni innixus animo vitium
naturæ

*Sollicitatur
ad deficientem.*

naturæ supplebat, cui cum obuia mulier ipsi nota occurrisset, intel-
ligeretque qua ex causa properaret, Vade age, inquit, Petre, persi-
ste, & fortiter in hac causa decerta. Cui Petrus, curam pone, ait, spe-
ro me cum bono Deo, tametsi pedibus claudicem, animo minimè
titubaturum, Sed & pedibus ipsis perfectam hodie spondeo sanita-
tem. Prius verò quam torqueretur, è belli ducibus vnus viri virtu-
tem miseratus eripere illi amicè studebat, quod tot votis ambierat.
Ergo suadebat, vt ab externa fidei demonstratione tantisper absti-
neret, cui Petrus in hæc ipsa verba respondit: Christiana lex fraudè
dolūque respuit ex eo, quod Deum vnum cæli terræque condito-
rem agnoscat, cuius potestati & sapientiæ nihil subtrahitur, vt oc-
cultum esse credatur: atque ita cum vnicum sit sine consorte nu-
men, vnicum est etiam ad salutem æternam iter, quod ille proscri-
psit, vnde fit vt Christianis nefas sit, aliud ore quam corde præfiteri.
Quod verò idem Deus suos ab ethnicis torqueri sinat, magna id fa-
cit in electos suos clementia, quorum fidem amorēque hac ratio-
ne experitur, & illis securam & cum meritorum fœnore salutem
parat, maximè quod Dei filius in nostram veniens mortalitatem,
pœnis, quas pro nobis tulit, atrocissimis ad sui nos imitationem, gra-
tūque beneficijs animum hac suppliciorum similitudine prouo-
cavit. Ad hæc præfectus subridens instirit, Tota hæc constantia ve-
stra vsque ad suppliciorum conspectum sensūque protrahetur.
Vbi ad rem ventum fuerit, alius erit rerum color è proximo, quàm
is quem fingitis è longinquo. Cui Petrus: qui altas in hac lege radi-
ces egerunt, hæc omnia sine metu vident, ac prope sine sensu tra-
ctant, tantique boni participes suos omnes esse gestiunt. Quibus
alijsque dictis præfectus resistere non potuit spiritui qui in Petro
loquebatur. Sed qualis fuerit in supplicijs ipsi smediā que arena
videamus.



PETRVS FAXIMOLO TRVNCATIS MANIBVS ET PEDIBVS
FERTVR ET MORITVR.
Tt

Cum igitur in media militum corona dum quini genibus neophyti niterentur, intenta prece diuinam opem inuocaret: subito elatis in cœlum manibus oculos eodem ita defigebat, vt insolens aliquid spectare videretur, & effusis gaudijs exclamans hæc verba, Sancta Maria quid est hoc? repetiuit. Qui aderat illi neophytus metum interpretatus dixit, Titubas Petre titubas? cui ille non est hic metus sed gaudium. & pergens iterum exclamat, Iesu bone, quot angelos, quot Diuos aureis argenteisque vestibus insignes conspicio? quod ipsum visum moriturus deinde vxori suæ domi narrauit, afferens ex eo se lætitiæ sensu absorptum omni prope doloris sensu caruisse. Verberatur ergo, nudatur, vincitur, & in atrocem machinam pedibus manibusque à tergo reuinctis actus ingenti saxo opprimitur, digitis manuum pedumque volens libensque truncatur, candenti crucis cauterio frontem inuritur. Quod etsi carnifex faceret otiose, caput sine motu quietum dolori minimè subtrahebat, & ad infimos gradus transuerso sub axillis fuste delatus sub poplitibus enervatur, & impetu ruens solo affligitur. Aderat domesticus illi miles qui hospitem suum sæpe ad defectionem lacefferat, is Petrum miseratus ita compellat, Iam spero intelligis quam vtilia tibi consilia dederim, Cui Dei seruus manus pedesque truncos ostentans, non sine risu respondit: quid censes amice miles, annon ex diuino fauore impleri vides quod domi sæpe dicere me memini nullo me casu à Christo defecturum? annon vides quanta sit Dei nostri gloria, qui ad hæc ferenda supplicia nobis vires animûmque subministrat, ne ipsius fidem abdicemus? Inde domum elatus vxorem suam cælesti perfusus gaudio ita compellauit, Vides mulier, & vulnere suorum stigmata ostentabat, vides inquam ingentia bona Dei que beneficia quibus me cumulauit? in referendis gratijs auxiliarem mihi confer operam, ac deinde superius cæleste visum ea qua morientes fide solent, prout supra retulimus, enarrauit, tum illa ipsa nocte Deo mortem illius causa obitam gratulatur, in ipsa sanctissimorum Iesu ac Mariæ nominum inuocatione pedibus manibusque truncus meritorum alis ad coronam euolauit.

Secundus, Paulus Rióyey ciuis Arimēsis, annos numerabat nouem supra sexaginta. Is octennium totum ædis virgini sacrae procurationem exercuit, quam cum ethnici diruissent, ne à pijs exercitijs otia retur, pueros Christianæ legis rudimenta docendos suscepit, Martyrium in continuis votis habebat, cui cum nescio quis dixisset hunc in Christianos turbinem cum Sasioie discederet differendum, respondit, Quantum placuerit differatur; triennium est ex quo magnæ matri concepto voto sponendi me nunquam ullis tormentis cogendum, vt benedictum illius filium negem, tametsi longius longiusque spes martyrij differatur. In arenam porro proditurus amico distichum scripsit in hanc sententiam:

Martyrij desiderium.

Hi quibus à puppi faciens afflauerit aura

Securi ex voto litora tuta petunt.

Quibus verbis innuebat hanc persecutionem ventum sibi esse prosperum, à quo securus in gloriæ portum deferretur: eodemque tempore rem animo suo, posteritatisque memoria dignam patrauit. Cùm enim carnifices nosset ad supplicia inferenda nominatos, ad eos domum officiosus visitator accessit, eosque in hæc verba supplex compellauit. In vestras manus breui venturus sum, amabo vos, officio vestro mecum rigidè fungimini. Cùm enim Christianus sim & annos natus septuaginta, cuperem in gloriam meritis onustus introire. quod illi se facturos liberaliter promiserunt, & liberalius expleuerunt. Supplicia igitur omnia fortiter tulit & ad extremum poplites enervatus domum refertur; vbi cum audisset ex amico viginti neophytos certamen feliciter expleuisse, actis Deo gratijs fide seruata cursum ipse quoque suum feliciter consummauit.

Tertius, Ioannes Naraya annum agebat quinquagesimum primum è regno Deua, quod est in extrema ad Boream Iaponia. Priusquam Christo nomen daret in Insulas Philippinas excurrebat, vbi salutari fonte elutus annos viginti Christum coluit, & in Iaponiam reuersus in hoc portu coniugio illigatus confedit. Quo martyrij desiderio teneretur, tum maximè præ se tulit, cum nunciaretur eo in oppido contra neophytos atroc-

*Constantia
in fide.*

cius sæuiendum. Tantis enim gaudijs incedebat, vt minacibus, qui hæc nunciabant militibus dixerit, Cum vos amici mei sitis, à minis ad manus venite, torquere rigidè, neque enim alia me vlla re felicius faciliusque beabitis, quibus verbis minas eludens, importunè minacibus silentium indixit. Iis porro qui amicitia causa importunius Imperatoris obseruantiam externo saltem cultu exigebant, in hæc verba satisfecit, Nec interno, nec externo cultu impetrabitis vt tam immane scelus admittā, conditor enim cæli ac terræ vtrumque sibi cultum exigit, neque ore minus quam corde decet eum venerari. nec facile est scelus in hac materiæ grauitate admissum eluere aut corrigere. Adolescens eam sectam colui quam Focquexus appellatis, ceterarum Iaponensium sectarum peritiam profiteor, illarum nulla suos in salutis tramitem deducit, securi erratis, & quia sine remedio vobis ex animo comparior, cupioque vt Christianas prælectiones in aures saltem admittatis, tum enim, quam vobis ingero, in animum admitteretis veritatem, cuius retinendæ causa certum est truncas manus, truncos pedes, concisos artus, lentos ignes, ardentes ollas lubentem admissurum, nec tamen ideo cogitetis Christianum nomen in Iaponia posse deleri, quin potius Christianorum sanguis, Christianorum semen, quos sustuleritis cum sænore multiplicabit. In tormentis porro ita se gessit, vt nihil verbis facta debuerint. Supplicia cum ceteris paria fuerunt, hoc peculiare, quod amputatos non satis stirpitus digitos Præses aduertens, supplicium repeti iusserit. Ipse iam truncas manus hilariter offerens, iterato supplicio duplices animos præ se tulit, succis poplitum neruis in tergum ruit, manûsque iunctas, oculosque in cælum ferens, animum eodem itinere iter aggredientem generosè dimisit. Carnifices demortuo ceruicem amputant, & in reliquum cadauer digladiatrices sicas immittunt.



IOANNES NARAYA CVM ALIIS CHRISTIANIS OBTRUNCATUR
ET IN MVLTAS PARTES CONCIDITVR.

Quartus, Ludouicus Fisazúmi annis vixerat quatuor supra septuaginta è regno Chicungo originem trahens. Non illum ætas à certamine subduxit; nec ætati fauor diuinus defuit. Supplicia cum cæteris eadem tulit, cum quibus tamen id ætatis bimestre spacium fere superstes octauo Ianuarij renitentem animam, rormentis expulit, nec alia illum ægritudo nisi quam secum ferebant vulnera confecit. Nam vt aliud nihil foret, tantum è vulneribus sanguinem mittebat, vt id ætatis firmioris nedum senectutis vires vltra ferre non posse viderentur. Quo die mori desijt vitam inchoaturus. domesticos admonens iussit omnes eo die sibi adesse, quem esse sciret extremum, rei que finem probauit euentus. Postquam enim longam mortem, sæpe à peccatis expiatus & sacro viatico reffectus animosè pertulerat, eo quo die monuerat, expirauit.

Cælesti potione confirmatur.

Quintus, Michael Yxída è regno Fixen. annum sexagesimum secundum decurrebat. Post cætera supplicia eneruis diem noctemque totam sub Ioue id temporis perfrigido vulneribus nondum obligatis transegit, ac deinde dies vnum & quinquaginta superstes Ianuarij duodecimo suppliciorum finem inuenit. Admirabile est, quod sacerdoti nostro cuius opera suum animum frequenter expiabat, moriturus retulit. Exactis nempe quindécim primis diebus duos pueros venustissimos à se conspectos affirmabat, à quibus è vase quod ferebant exiguum liquorem suauissimum propinantibus exhaustisse, qua portione sibi nauseam cuiuslibet ferculi ita iniectam, vt totos triginta sex postea dies nihil omnino gustarit. Plerunque toto ægritudinis tempore clausos oculos subtrahebat vanitati, quod assereret nihil esse, quod in hac valle mortalitatis arrideret. Paucis ante diebus quam oculos mortis nocte damneret, hanc velut fidei suæ professionem dictauit exscribendam. In martyrij locum delatus verbera, nuditatem, ac vincula tolerauit; in aërem eductus ex machina pendendi pedibus ac manibus à tergo vnà reuinctis, saxumque ingens in humeris ibi tuli, digitos pedum, manuumque truncos dimisi, sanctæ crucis cauterio inustam frontem gestauit, ac demum faucijs poplitibus eneruatus corruui. Potuisse me tam atrociam tormenta

menta perpeti non id viribus meis, sed Iesu Christi meritis, magnæ Matris intercessionem acceptum fero, unde vires obtinui à sanctissima Trinitate Patre Filio & Spiritu sancto tribus personis vnòque Deo, vt eum non negarem. Imperatoris Iaponiæ potestas sanctæ fidei viribus cedere coacta victoriam mihi reliquit in manibus. Hæc ego scribenda curauim vt de rei veritate constaret.

IN EADEM MATERIA

pergitur.

CAPUT VIII.

Michael Coray à regno dictus quod natale illi solum fuit, annos natus octo & quadraginta sextum in perferendis supplicijs locum inuenit. Is in bello, quod Iapones contra Coray sub Taicosama susceperunt, in seruitutem redactus, Nangasackij Christianam libertatem inuenit, ac tamen secunda expeditione in patriam cum hero redierit, maluit tamen patria quam Christo carere. Ergo in Iaponiam rediens ab hero iam libertate donatus pro sororis suæ libertate seruus vltro annos aliquot denuo seruiuit seruitutem. Multa de illius virtute scribi possent, nisi alienum esset ab instituta breuitate. Quotidie horis antelucanis, ne quid labori detraheret, leucam vnā per montium solitudines vagatus in locum pium ad orationem missæque sacrificium secedebat. Satis constat etiam ipso teste, stellam ipsi sæpius ducem cælitus affulxisse: aliquoties etiam fertur Dei parentem, angelos, aliaque visa sua vitæ innocentia à Domino impetrasse: quæ omnia non temerè de tanti viri simplicitate, quam glorioso fine coronauit, credi posse arbitrandum. Labores manuum suarum quotidie manducabat, è quibus quod in pauperes distribueret sextæ feriæ ac Sabbathi perpetua ieiunatione subtrahebat, fraudata etiam necessitate potius quàm voluptate. lepra infectos in domum suam inducebat, eosque quibus poterat pro sua tenuitate delicijs recreabat, aiebátque, isti sunt fratres mei quos spernere est nefas, quibus si similis nõ sum diuinis beneficijs miserationique debe-

*Vita ante
martyrium
sanctè acta.*

*Stella dux ad
templum e-
uult.*

*Martyrj de-
siderium.*

debetur. Martyrium illi ex quo sperari potuit, perpetuo fuit in vo-
tis, & vt comparatior prælium affectaret, in S. Spiritus sodalitium,
quod in hunc finem erigebatur, ascribi voluit, & vxori, socru, ac
sorori narrasse scribitur, prius in eum portum, quam suppliciorum
ministri appulissent, visam sibi per quietem matronam vultu vene-
rando, quæ moneret venturos breui qui Christianos atrociter in-
sectarentur, ipsūque cum alijs in fidei causa moriturum. Cum
igitur tyrannica classis appulisset, lætitia gestiens in hæc verba pro-
rupit, Iubilæum nobis aduenit, pascha mox celebrabimus. Et cum
alijs colloquens dictabat nates illas, quæ tyrannos veherent, à Deo
missas, esse maius omnibus bonum; vnde oportebat milites illos
deposita omni malevolentia amore prosequi, & intra quædam receptos
omni officiorum genere demereri. Iam diu cum vxore continen-
tiam mutuo ex consensu seruabat, aiebatque se ex eo tempore no-
uum in pietatis exercitationibus ardorem concepisse.

*Triticum
media hyeme
in spicas al-
tas excreuit.*

Satis mirabile est quod de eo testimonium fide narratur, quod in
Cuchinortu agro capita censebantur. Paulo antequam sciretur,
Michael tritici agellum seminauerat, cui vxor, dimitte, inquit, me-
tendi tempus nunc est potius, quam seminandi. Cui Michael ve-
lut vaticinans: mihi metitur, tibi seritur. Res mira solito tardius
semina iecerat, idque triticum eiusmodi est vt mense tardius in spi-
cas exeat, quam triticeæ species ceteræ, & tamen quinto Ianuarij,
asperrimo apud Iaponesæque ac nos, hyemis tempore, conspicitur
ad quatuor palmorum altitudinem excreuisse, inque spicas & flo-
res erupisse, inuito gelu ac niuibus, quibus omnia tum rigeabant; cæ-
teræ autem triticeæ species, quæ prius semina iecerant, vix tres qua-
tuorue digitos assurrexerant. Spicæ illæ proculdubio ad perfectam
frugem excreuissent, nisi neophyti certatim euulsas pro miraculo
habuissent. Ex ijs aliquot in Europam missæ à multis & à me quo-
que inspectæ sunt, nec fuit qui eam rem à prodigio eximere po-
tuerit, maximè quod etiam semel demessæ iterum pullularint, ac
nonnullæ etiam tertio messores suos inuitarint. Ea res neophytis
magno solatio fuit. Exinde magnam Euangelici seminantis mes-
sem martyrum sanguine irrigatam in posterum augurati, tamen si
persecutionis niues ac frigora ingruerint, aut carnificum gladijs
mellis

messis iterum pullulatura demetatur. Michael igitur in tormentis vno illo caruit, quod fuit atrocissimum, machina videlicet illa quæ suspensos saxo opprimebat; Sed eius vicem subiit, quo alij caruerunt, tibiæ præfatio, qualem cum de Arimæis neophytis ageretur expressimus. Initio suppliciorum in hæc verba prorupit, Michael Coray dicor, Deo meo immensas gratias ago quod ex gentiliū terris eductum ad hæc supplicia pro eo toleranda segregarit. Poplites ad extremum enervatus, ipso momento corruens expiravit, caput illi detruncatur, cadaver Iaponensium siccarum ludibrio in frusta dissiliit.

Septimus, Soter Cundo è Bungenfi regno annos natus duos & quinquaginta. Hunc à puero nostri educarunt, & quoniam Iaponensium sectarum peritia & ingenij bonitate multa spondebat, adhibitus est ad fidei nostræ mysteria, postquam ea didicerat, accuratè in alios diffundenda. Septem annos in Insulis Gotō nostrorum sacerdotum, quos toparcha Imperatoris metu excluderat, supplevit industriam; idem deinde præstitit in Insula Xiqui & Amacusa qui-
Sacerdotum
Sicefungi-
tur.
 bus in Insulis olim Augustini tempore nulluserat qui non Christiana sacra suscepisset, nunc verò toparcharum gentiliū insolentia nonnulli sensim ab incæpto resilire velle videbantur, quos continuis laboribus Soter ad salutem reduxit lapsos, lapsurosque confirmavit; nec ethnicos paucos & in his præfetti, apud quem degebat coniugem, Christo adiunxit, & quos deinde illi pepererat solitis Christianæ pietatis exercitijs tuebatur. In eam Insulam, postquam Imperatoris edicta nauigassent, ægrius hoc dimittitur, quod esset omnibus carus, quàm pro Christo relegatus ipse discedit; nec tamen eum caritas longius abire permisit, nam in vicinum pagum secedens, sub alio toparcha vtrisque satisfecit, nocturnis excursionibus officio suo fungebatur, diurnis recursionibus præfetti voluntatem exul explebat. Ea res præfectum non latuit, cuius sensus nimis impotens Soterem iubet occidi. mox ubi Soter inaudiuit, ad sacerdotem nostrum excurrrens, qui tum fortè neophytos illos clam visitaturus accurrerat, peccata expiavit, ac tametsi ex eo au-
Etiam rela-
gatus & pro-
posita morte
prohibitus.
 dierit licere & sæpe etiam expedire ad multorum salutem martyrio se subducere, adduci tamen non potuit, ut oblatam gloriosi cer-

taminis occasionem omitteret. Ergo domum redit satellites præstolaturus, qui postridie ad eum concurrerunt. Excepit illos Soter hilari vultu, deque vita agi arbitratus, breue spacium ad se comparandum flagitabat. Verum illi responderunt, se ab hero suo ideo missos, vt si intra ditionem suam reperiretur, vitam relinqueret; sin, moneretur ne alios ad neophytos morte proposita excurreret. Dimisit igitur satellites, sed non officium suum, quia iustius est obedire Deo quàm hominibus.

*Ad defectio-
nem sollici-
tatur.*

Non latuit denuo præfectum quod fiebat in latebris. Ergo nouo furore correptus vicinum præfectum rogat, in cuius toparchia Soter degebat, vt huic malo remedium quaereret, ab eo comprehenditur, & in arcem abductus verbis asperrimis increpatur, quod sua pertinacia præfecturam totam Imperatoris furori exponat, vrgétque morte proposita vt fidem eiuret, cui Soter in hæc verba respondit. Dynastæ, toparchæ, præfecti laborant vt regiones suas in hac vitæ breuitate conseruent: ego officio meo fungor, si prouiribus laboro, vt æternam hæreditatem mihi meisque subditis parem ac tuear. Ad fidem porro eiurandam quod attinet, ita in eius veritatem altè penetraui, vt fieri nullo modo possit quod iubetis, quamdiu integer mihi sensus fuerit animusque. De cætero de me pro suo statu arbitratu. Excanduit hoc responso præfectus, testatus se effecturum, vt tamen si magnus sibi orator videretur, palinodiam tamen recantaret, & simul illum ethnico sectarum laponsium peritissimo tradi iussit, vt falsitatis conuictum à Christo abduceret. Is operam diu lusit, demumque persuasit, vt Soterem ad præfectum cuius erat subditus ablegaret; à quo post multa cum coronam se manu tenere arbitraretur, extra insulas relegatur, ideo maxime, ne illius cōstantia neophyti confirmarentur potius, quàm supplicio terrentur. Igitur post tot tribunalia vinculaque, demum in hoc portu potissimum consedit, quod ab eo Arimensem procellam initia sumpturam iudicaret. Abeuntem porro sacerdotem nostrum Patrem Garcesium, sub cuius cura fuerat, his verbis valesaciens est prosecutus. Quoniam prohibeor vobiscum exulare, curabo per vniuersam vitam, vt Christianos iuuem ac confirmem. De me curam ponat, vbicunque spes vitæ pro religione ponendæ affulserit,

Relegatur.

eo me oblaturus accurram, eaque vna res in hac me statione solatur. In supplicijs paria illi omnia cum cæteris fuerunt, nisi quod si-
 lentium indicturi, cum Iesum frequentius inuocaret, saxo illi os
 immaniter percusserint, ac tandem cum ad omnia repeteret, Deum
 meum, Dominum meum non sum negaturus, cervicibus amputatis
 cadauer ludibundi lacerarunt.

*Post Garia
supplicia ca-
pite trunca-
tur.*

Octauus, Matthæus Xinxemon eiusdem huius oppidi ciuis, an-
 num attigerat quadragesimum, cū eternitatem adeptus est. Is quam
 ardentibus votis ad martyrij lauream aspiraret, continuis domi suæ
 colloquijs præ se tulit. quæ omnia id vnū spectabant, vt domesticis
 suis, quàm arcte vitam Christo debeamus inculcaret. Domus illi e-
 rat editiore in loco, arbustis vndiq; circumdata. ea cum egrederetur
 in martyrij locum cum cæteris excursurus, vxorem ita compellauit,
 Domus hæc nostra hortus mihi Gethsemani videtur, è quo exiens
 Christum comitor ad profundendum sanguinem, seque Patri æter-
 no victimam offerendum omnium causa meaque priuatim exeun-
 tem, in eius societate, quis à Domino præeunte animum viresque
 desperet? nec spes illum sua fefellit. nam paria cum cæteris suppli-
 cia, mortemque pari cum cæteris animo tolerauit.

*Martyrj de-
siderium.*

Nonus, Thomas Niyemon Amacusanus, annos vnum supra
 triginta decurrerat. Erat is ex copiosis oppidi negotiatoribus, id-
 que maximè curabat vt seruitia, quibus abundabat, diuinæ præcepta
 legis obseruarent. Huius tempestatis initio, sodalitij parti præfi-
 citur, quam ipse domestico in sacello prope quotidie ad oratio-
 nem cogebar, quam etiam aliquoties in quadraginta continuas
 horas curauit prorogari. Sexta quaque feria sortes de corporis
 afflictationibus intra hebdomadam obeundis, quisque ex vrna e-
 ducebat, totusque Thomas negotiationis oblitus in hæc studia
 incumberebat. quibus ad martyrium ita accendebatur, vt moræ im-
 patiens, cum nondum in Arimensem agrum hæc tempestas extre-
 ma deplueret, in Insulam Xiqui ad nunciatas martyrij spes nauiga-
 rit, vbi tametsi vota, non tamen operam lufit. Confirmandis
 quippe neophytis non parum oportunus aduenit. Audit in-
 terea Nangasaquium ab regia mitti magnatem, qui Christia-
 nos infectetur. Eo Thomas extemplo recurrit, sed cum eum ibi
 spes quoq; sua fefellisset, de Sasioye inaudiens, ad eum excipiendum

*Ad martyrij
spem in Ga-
ria loca se
confert.*

in ipsum portum properauit. Sed in itinere aberrans ab eo quod illi susceperant, domum redit, ubi cohortis præfectū, & Surungadoni familiarem diuersantem inuenit, à quo interrogatus, num in oppido aliquis superesset Christianus, ad vnum omnes, inquit, egoque me primum gaudeo nominari, cum ille ad defectionem vrgeret, ita respondit: Dudum has cohortes ac sollicitè præstolamur, & quoniam mori cupimus, omnes negotiatione intermissa, pauperes viuimus, sed hilares, quod fidem nostram veras nec perituras opes arbitremur. Responsum risu excepit ethnicus, satius dictitans regijs mandatis obediens, fortunisque intentos tempori obsecundare. cui Thomas, æternitati malumus, inquit, idque sapientius arbitramur. Neque tu gloriosum arbitraris, etiam in ea quam sequimini gloriæ vanitate, quod plebeios homines & inermes armati toparchæ, duces, militesque tanto numero persequantur? Impotentius hoc responsum tulit ethnicus, & Christianos vecordes, quod se suaque prodigant, contumaces, quod tuos superiores spernant, pronunciauit. Biduo toto varijs altercationibus vtrinque certatum. Sed hoc vltimo responso hospiti suo os in perpetuum occlusit: satis miror Imperatorem, eosque qui illi sunt à consilijs, arbitrari Christianum nomen illatis supplicijs posse deleri, cum illud adhuc alia nulla ratione magis excreuerit. Idem quod alias semper, hodie futurum quis dubitet? Quod igitur à vobis petimus hospitalitatis præmium hoc vnum est, vt postquam vxores nostras filiosque nobiscum immaniter cruciaueritis, capita deinde nostra demetatis.

*Comparatio
ad martyri-
um.*

Ipso die quo ad martyrium iturus erat, antelucanis horis sodales sibi commendatos domum euocauit. ubi lectis de Deiparalitanis, de Christi tormentis caput appositum oratione, quæ sola mente fit decurrerunt, cuius finem hoc ipso colloquio Thomas excepit, Christi pendens effigiem manu tenens, genibusque nixus ait: cum tu, Domine, verus sis Deus, Rex cæli ac terræ, voluerisque pro nobis miseris peccatoribus, tanta pati, diuinæ tuæ maiestati supplicamus, vt vires nobis subministres, atque constantiam, vt in tuo amore vitam ipsam posaturi persistamus. Nec reiecta videtur oratio, cum ex illo cœtu plerique vitam glorioso martyrij fine con-

cluse-

cluserint. His dictis omnes sibi mutuo valefacientes & fratrem inprimis suum Dominicum, æque martyrem futurum, extremum salutavit. Cui Dominicus, ardeo desiderio, frater, ut quemadmodum in vita dileximus nos, ita in morte minime separemur, in cœlo ipso sanguinis vinculum, quod natura inchoavit, gloria perfecturi. Cui Thomas, Ita futurum confido. Nec diuturna fuit mora, nam eo ipso die, alter in alterius conspectu, quod maximè optauerat, est consecutus. In supplicijs enim toti cœtui communibus, non solum sibi constitit Thomas, sed neglectis etiam ministrorum minis socios confirmabat, & fratrem maximè, nec non Barnabam, qui supplicijs superstes in alium locum reservatur. Cùm enim eum truncis pedibus manibûsque conspexisset, ita compellavit: Eia strenue Christi miles, cuius causa truncandos digitos præbuiisti, consta tibi fortiter Deo placiturus, & promissam lauream adepturus. Quibus cohortationibus os sibi contundi neglexit, prensatâsq; tibias cum cæteris supplicijs fortiter toleravit, ac trunco deinde capite, laceratoque corpore ad præmiûm euolavit.

*In supplicijs
socios confir-
mat.*

Decimus, Dominicus Yoichi Thomæ frater, annorum septem supra viginti, cætera cum cæteris supplicia toleravit: Id peculiare, quod ætatem miserati, importunius vrgerent, ut vitam cōservaret; hoc saltem tempore dissimulans, facturûsque deinde, quod magis arrideret. Verum ille ita, nec aliter respondit: non si mihi totum orbem dederitis à fide desistam, cuius causa neque Sasioye vereor, neque alium quempiam. Responsum liberius milites notarunt, deque eo atrocius cruciando conspirantes primo, in arena impetu solo afflictum crudeliter ore toto contuderunt. Sed in hoc ceterisque supplicijs æquabili semper hilaritate omnia superavit, ac demum vno cum fratre mortis genere parem est palmam cōsecutus.

*In fide con-
stantia.*

CÆTERORVM FACTA DICTAQVE
concluduntur.

CAPUT IX.

VNdecimus, Petrus Coray æque ut Michael, à patria nuncupatus, annos natus octo supra triginta. Is ab ætatis anno tertio

Vu 3

deci-

*Precibus im-
portunis im-
petrat, Soti cū
neophytis de-
scribatur.*

decimo vsque ad trigesimum inter ethnicos seruierat. postmodum nescio quo casu Cuchinotzu deuenit, vbi eum nostri Christi sacris imbuerunt, è quorum præscripto vitam instituens, ex optimis habebatur. Cum vicorum præfecti Christianorum nomina in tabulas retulerunt, Petrum excludebant, quod in aliena domo habitaret ac tenuior haberetur, sed ille precibus importunis ab oppidi moderatoribus euicit, vt heri loco scriberetur. quod cum impetrasset de sorte sua nihil vltra dubitauit, sed omissis curis omnibus id vnum agebat, ne imparatus caperetur. Præ multis alijs trium sibi dierum, intra octauum quemq; indixit inediam, bis corpusculum flagellabat: ipsa nocte quæ martyrium præcessit amico suo aperuit, post preces cōmuniter institutas, sacratissimam virginem Dominam nostram sibi visam, è cuius præsentia maximos animos concepisset, certamque spem fore vt breui martyrij palmam obtineret, nec diutius dilata spes. Die insequenti, visi cœlestis promissa sese, vnde venirent prodiderunt, nā paribus supplicijs cruciatus hoc vnū obtinuit, vt post os saxo contusum, cū nondum ab inuocando Iesu desisteret, graui vulnere saucius ab vno è ministris audierit, Christum tuum abdica sodes; quod cum se facturum negasset, obtruncatur.

*Sibi ac pa-
renti marty-
rium gratu-
latur.*

Duodecimus, Petrus Yxida Michaelis quinti martyris filius, annos natus nouem & viginti, postquam in Christiana pietate diu ad grauiora certamina prælulisset, in hoc ita certauit, vt cū amici crudeliter pij rogarent, ne spes ætatis primæ truncaret, ita responderit. Cum Iesus Christus filius Dei viui ac veri, suscepta miseriarum nostrarum mortalitate, tres annos ac triginta tanta pertulerit, ac deinde innocentissimam vitam cum ignominiosa morte salutis nostræ causa cōmutarit, hoc solum nobis, qui Christiani videri & esse volumus, satis esse debet vt in eius obsequio vitam nostrā profundamus. Cui quicquid domi habebat adiungens carnificibus libens vna cum vita offerebat. Idem cum in tormentis parentem vidisset pedes manūsque truncum sibi constitisse, exclamauit, quid est in hac vita, quod angere me possit in posterum, cum id modo videā, quod de parente meo tot votis optauī. Verebatur enim ne inclinata ætas tormentorum atrocitati succumberet. Ad extremum carnifices adegit desperatione victoriæ, vt longiora certamina capite breuior amputaret.

Decimus

Decimus tertius, Michael Yaxichiro, ciuis ipsius oppidi Cuchi-
notzu. Is ad martyrij comparationem in sodalitiū, cui à Spiritu
Sancto nomē erat, adscriptus, inuentus est in schedula se iureiuran-
do astrinxisse, consilijs Petri Faximoti, qui erat eidem sodalitiū prę-
fectus, in omnibus pariturum. Postquam inaudijt Sasioye Cantzuse
exscendisse (abest ab oppido leucā vnam) eo mox accurrit, obsequi-
um illi aliquod ideo pręstiturus, quod ad se per futura supplicia be-
andos aduenisset. Ergo ante læticam prodromus, iter ignorantibus
baiulis indicabat. Quærit interim ex eo Sasioye verūne sit ciues
suos suppliciorum metu in latebras diffugisse. Cui Michael, nihil
minus inquit, præfekte, sed potius illi qui aderant, in ædes suas ad-
uentum tuum præstolaturi redierunt. In militarium hospitiōrū di-
stributione deēem illi milites obtigerunt, quibus vti liberaliter quæ
domi reperiēbantur effunderent, volens libensq; permisit; Cui cū
illi respondissent, non inutilia fore superstiri familiæ, quæ morituro
superarent, Michael retulit: si mihi fortunata fors obtigerit, pro Deo
meo moriendi, bonū illis in eo parentem æconomūq; prouidi,
cuius prouidentia vltra necessitatis limites sollicitudinē est laxatu-
ra. Cū alias ex eo quæreretur, an Christiani suos persecutores odio
persequerentur necne, ita respondit: minimē gentiū, inquit, lex e-
nim nostra amore vult illos, etiā beneficijs prosequendos. Ex quo
in Christianæ legis sanctitatem oratione dilapsus in hunc modum
perorauit. Magnam orbis partem nauigando percurri, regna Sion,
Camboyam, Cochinchinam, & alia peruagatus vidi regnum illud
natale Xacæ vestri, solum ipsius, fanum, statuāque conspexi,
sectas illas omnes stirpitus excussi. Vos ea quæ sacrificuli vestri,
quæstu dolisq; concinnant, præterea scitis nihil: sed indubitata ve-
ritas est, nullū apud eos esse vestigium veritatis. Cum ad supremi Iu-
dicis tribunal omnes rediuiui cōsistemus, nā ego pertinaciæ vestræ
delator prodibo, & diem locūq; explicatæ vobis veritatis & indi-
catæ ad salutē viæ in pernitiē vestram exprobrabo, quasq; hodie a-
perio fraudes conscientia vestra teste confirmabo. Hæc ille aliāque
multa secundo suæ concionis applausu ita dixit, vt cōmendata legis
nostræ sanctitate, dolerent se temporū iniuria ab eius accurata di-
scussione prohiberi. Cum ad martyrij locum Deo iam plenus pro-
peraret, opportunis prius familiam consilijs erudiuit, maximēque con-

*Erga perso-
cutores bene-
ficius.*

*Ad ethnicos
de Christiana
lege peror-
at.*

coniugem allocutus monuit, vt ne tormentis cederet, aut corporis ignominiam animi fœditati anteponeret, non horreret nuditatem, immortalitate vestienda, non horreret lupanar à quo abesse, qui vique præsens est, non potest. Nulla vis animum fœdat, nisi consensus accesserit, cætera quæ ab hominibus inferuntur, duplicantur ad coronam. De supplicijs fortiter ab eo toleratis, tametsi nihil dico, nihil tamen omitto, cum cæteris parem fuisse pronuncio.

*Ingens patien-
di desiderium.*

Decimus quartus, Thomas Vtui, Cantzusa natus, annos tres supra quinquaginta numerabat, triennio iam toto multum se ad id vnum quod necessarium est, continua pietatis exercitatione collegerat, ex quo filius illi vnicus familię spes & solatium inopina morte perierat. Sæpius enim repetebat Abrahami Patriarchę exemplum, quem oblato filio nobilem vnà cum scriptura miratur antiquitas. Defuit mihi animus quidem ad eum, composita cum diuina, vt decebat, voluntate hilariter offerendum; nunc tametsi tardius illum offero, & cum eo meipsum in amoris holocausto absumentum; quippe si me medium secuerint, si digitos singulos singulis ictibus per dies totidem lento supplicio truncauerint, si quolibet cruciatu tentauerint: totum hoc ad diuinorum beneficiorum nomina compensanda quantulum esse arbitraris? Deo meo fido, me illius fidem nunquam negaturum. Abeuntem vxorin hæc ipsa verba prosequitur, cum cæteri torquebuntur, oculos in cælum diuerte, vnde veniat auxilium tibi, humanum est, sæpe grauius metu malo torqueri. In cælo habes quod spectas, præmium quod expectas. Diss aliquot, qui proximè præcesserant, ægritudine correptus siccam mortem exhorrebat, Deo recuperatam salutem gratulabatur, quam Deo redonaret. Euocatus pridie vt in eorum tabulas referretur, qui se sua sponte cruciatibus erant oblaturi, tanta festinatione accurrit, vt pede lapsus satis grauius offenderit; monitusque vt gradum moderaretur ita respondit: Indignum & nefas arbitror diuinis in obsequijs moram trahere, tum maximè, cum occasio capillatam frontem subducens, caluum occiput exhibet tardius penitenti. Eadem supplicia parem cum cæteris animum inuenerunt, prensatis tamen tibijs, cum illi doloris sensus elatiorem vocem inuocato Iesu expressisset, visus est carnificibus posse animo deficere; quibus

*Currit ad
martyrium.*

quibus ille; supplicia inferte pro arbitrato, de neganda fide silentium vobis indico; tum laboribus cæteris herculeè defunctus, mortalitatis hydram extremo ictu truncus amputauit.

Decimus quintus, Thomas Cayxe è pago vicino annos censebat duos & quinquaginta, plures annos Christianis præfuit Ecclesiæ Iaponensis more, cum sacerdotum nostrorum paucitatem suppleret aut absentiam. Sasioye familiaris nescio quis, mentientis famæ rumoribus sparserat nullum eo in pago superesse Christianum: non tulit communem iniuriam Thomas, sed in oppidum bis aduolans, vt tamen in tabulas referretur, præ martyrij candidatorum multitudine non potuerit impetrare. Verum à desperatione consilium sumens, qui nil potest sperare, desperat nihil. Vbi ergo Sasioye iterata prælia cum oppido redintegrare nuntiatur, tertio ad-
Martyrij desiderium.

Præsidique se sistens, non inuitatus in nuptias se intrusit, & quia nuptiali caritatis veste seipsum induerat excludi non potuit: & qui nomen suum in libro mortis ascribere prohibebatur, vt in libro vitæ legeretur impetrauit. Tanti ardoris ignis tormentorum aquis extinguere non potuit, sed peculiari præ cæteris hilaritate supplicia prouocans, ceruicem denique præbuit amputandam.

Decimus sextus, Matthæus Araqui huius oppidi ciuis, annum agebat ætatis sexagesimum, de quo præter paria cum cæteris omnia, hoc solum peculiare reperio, quod domo voluntaria victima discedens, salutata solenni cantico, Salue Regina, Dei matre accurrerit, cum prius cum hospite suo militum præfecto, domesticis prælijs fortiter præluseret.

Decimus septimus, Dominicus Yenami, ex eodem oppido annos natus quatuor & septuaginta, dici non poterat iste neophytus ac tiro, sed potius non solo tempore sed virtute quoque veteranus. Cosmas eum de Torres societatis nostræ sacerdos ex primis apud Iapones Euangelij præconibus salutari iam dudum fonte eluerat, Martyrij votum cum alijs octoginta commune statis temporibus varijs pietatis exercitijs in sacello domestico confirmabat; quæsiit
Martyrij desiderium.

ex eo cohortis vnus præfectus, quàm graui odio Christiani suos in-
sectatores prosequerentur? Nullo, ait, Dominicus, sed potius grati beneficium accipimus; vestra enim opera plebei eo attingimus
Xx digni-

dignitatis, ut supra reges euehamur; præter beneficium legis nostræ, scita de diligendis hostibus minimè ignorantur. Multa illi promisit iste, si gratiæ defectionem daret, quæ omnia ita reiecit, ut spem illi omnem sustulerit. Hæc primo Sasioye aduentu contingere; altero exscendentem eundem præfectum excepturus, in portum se contulit, à quo cum Arimensia supplicia ex itinere ad incutiendum metum foediora, quam par erat pingerentur, Dominicus ita subiecit: Laureatus mihi nuncius aduenis, hinc enim coniecto non inferiora nobis quam Arimensibus tormenta deberi. Ad me quod attinet dies iam plurimos eam sortem præstolabar eò ardentius, quod inclinata iam ætas longiores non fert moras, & maioris meriti cumulum festinat implere. Die igitur insequenti cum rosarij precatorijs mysteria decurrisset, salutata Virginis auxilio fretus descendit in arenam, in qua simili fortitudine paria perferens supplicia demum obtruncatur. De quo peculiare illud retulit ethnicus belli dux, quod caput sua sponte ad truncum redierit, corporique coniunctum oculos in cælum sustulerit, ac si abeuntem animam exanime spectaret. Eam rem stupuisse scribitur Ethnicus, nec minus tantam in ea ætate fortitudinem admiratus.

*Abscissum
caput ad truncum
redit; oculos in cælum
attollit.*

Decimus octauus, Matthias Araquæ eiusdem oppidi ciuis, annos vixerat duos supra quadraginta, quos inuicta constantia coonestans, medio in curriculo metam est assecutus. De illo peculiare nihil inuenio, sed vulgaria non sunt omnia quæ cum alijs obtinemus.

*ALII QUATVOR AD MARTYRII LAVREAM
Nangasaquio accurrentes pertigerunt.*

CAPVT X.

QUod ardebat in Arimensi agro incendium, suo calore per vicina loca vulgabatur. Nangasaquienses eo accensi, aliquot ad spes proximas, in hunc portum diei vnus itinere nauigauerunt, è quibus quatuor duntaxat animam tormentis iam sæpe cantatis expulerunt, vnus supplicijs superstes Domini nostri Iesu Chri-

su Christi stigmata vulnerum suorum cicatrices in corpore suo portat etiamnum. Sed de hoc suus erit proximè dicendi locus : Nunc eos prosequimur, qui vitam in hac causa posuerunt.

Primus fuit Georgius Acafóxi & multis nominibus primus, ætate, nobilitate, pietateque conspicuus. Fingensis regni natale solum agnoscebat, annos porro quatuor & sexaginta natus, matura morte non immaturam clausit ætatem. Is nobiliter natus nobilitatem virtute militari ita cohonestarat, ut alius nemo toto Fingensi regno fortior haberetur. A puerō Christianus miles Christo nomen dederat, & ita serio, ut Canzuidono Fingensis tyrannus eum aggredi ausus non fuerit, sed cum eo dissimulans religionis odium bellicæ virtutis opinione temperauerit. Eo mortuo dynastæ filij moderatores ac tutores, quem non potuerunt expugnare, exutum fortunis relegarunt. Sed eum Ximadonus alter dynasta suscipiens duplicato proventu ad se inuitavit. Verum ipse quoque in hac procella Imperatoris metu Georgium promissis lacescens quem minis expugnare desperabat, hoc ab eo responsum accepit, Non si mihi Ximadonus ditionem suam vniuersam, non si Iaponense Imperium tradiderit Imperator, Christi fidem eiurabo. Dimissus igitur Nangasakium cum sua paupertate se recepit, ubi toto ardore Christum colens præfagire quod optabat, accurata comparatione videretur. Post commune Pastorum exilium eo se recepit, ubi ad spes martyrij, proxima spes aspiraret. Cum igitur venisset Cuchinotzu, omnem lapidem mouit, ut in eorum tabulas, qui ad martyrium aspirabant referretur. Sed præ candidatorum ciuium multitudine externus admitti non potuit. Nondum tamen abiecto clypeo cum sua spe venit in arenam, ut vel martyrum intueretur victorias, eisque ad tormenta sufferenda animos iniiceret. A qua tertio per vim reiectus, tristis domum se recepit. Et cum domi suæ à Domino ardenti prece contenderet, ne diutius repulsam pateretur, in ea oratione occupatū satellites, qui per domos excurrabant, inuenerunt, à quibus interrogatur, esset ne Christianus? affirmantem vrgent, ut esse nolit quod à puero fuerat, quibus Georgius, non sum ego puer, à quo in re tanti momenti mutationē

*Georgius Acafóxi martyr
tyrium qua-
rit nec inno-
uit.*

possitis expectare. Georgium cætera satis notum etiam corporis proceritas & alterius oculorum orbitas facile prodebat. Agnitus igitur terrori fuit, & ad eum vincendum triginta ferè milites euocantur, quos ille à metuliberos ijs verbis esse voluit: laudetur Deus, qui Christianos docuit hoc se casu armis non tueri. si qua alia ex causa vincla pararetis, proclive mihi erat inermem solis calcibus quatuor è vobis quinqueue solo affligere; Sed absit hoc ab eo, qui vincula Deo gratulatur, eiúsque nomini consecrat.

*Comprehensus soluitur
& domum inuitus remittitur.*

Sistitur ergo præfidi, sed agnitus soluitur, & vrbane rogatur vti cum patrijs dijs redeat in gratiam, in hoc ipsi Cæsari obsecutus. non decere strenuum virum inferna supplicia formidare, vel Imperatoris totiúsque nobilitatis societatem, si eo descenderit, detrectare. Cui Georgius iocanti seridè ita respondit, Si nosses præses, æque ac norunt Christiani, quid sit illud quod infernum barathrum appellamus, satis certus sum, te alia consilia tibi sumpturum, alijs ingesturum, alia in re qualibet facile erat obsequi, sed vbi æterna salus tangitur, ne verbo quidem solo reiici debet. Domum ergo remittitur, iubeturque responsum accuratiùs meditari; sperabat enim posse Georgium coniugis ac propinquorum precibus reddi molliorem, sed vtabiret impetrari non poterat, nisi postquam præses sanctè affirmavit, eum se denuo vocaturum. Egrediens neophytum sibi notum cum alijs aliquot, vincula indutum salutatin hæc verba, Quàm gloriosi mihi videmini cum his in Christi causa vinculis, nolite ab incepto desistere villo suppliciorum metu, quæ enim vna hora torquent, æterna mercede donantur. Confidite in domino qui vires non negabit; ego domum remittor inuitus, sed ea spe, quod sim denuo euocandus. Cum rediret, cohortis vnus præfectum inuenit, qui cum suorum militum manu Georgij ædes inuaserat, veluthero iam mortuo destitutas; excepit illos perhumanè primùm, sed in Christum blasphemos deinde non tulit, sed increpitos in hæc verba compescuit: sectæ Iaponenses ad vnam omnes salutem spondent, non conferunt: Christi fides quod spondet exsoluit, ideo quod vnum cæli terræque conditorem Deum, agnoscit, eundemque bonorum ac malorum remuneratorem mortaliùmque seruatorem veneratur. Qui huius veritatis lucem semel con-

con-

conspexerit ultra cæcutire non potest aut fidem negare, vel solo vnicòque verbo. Sed contra, pro ea veritate tuenda, quam horremus mortem, suppliciaque prouocat, votis quibus accenditur.

Sensit tandem voti se compotem breui futurum, salutatisque amicis, festiuore cultu hilaritatem animi declarauit. Præses igitur eum ad se vocat, ad quem cursu iuueniliter incitato moram redimens ire pergebat, præstolabatur eum ex itinere. Naiquid oxo primarius Surungadono familiaris, Cui salutato iter decurtaturus iudicum sententiam indicauit, Non decet te virum nobilem ac strenuum plebeia manu truncari, hîc ego te præstolor, vt mea manu honestior moriaris. Hîc Georgius exultare, gratijsque habitis rogare vti spacium breue morituro concederet ad ea præstanda, quæ Christianæ leges id temporis exigunt. Concessit alter prolixè quod petebatur. In genua ruens Georgius erectas in cælum manus attentissimæ precationi coniunxit, paulòque pòst cruce se muniens solennem confitentium formulam idiomate vernaculo vsurpauit, ac deinde cælum intuens erecta manu percussori signum dedit, à quo primo ictu obtruncatur, & mox truncum caput suo loco reponens decenterque operiens famulis heri sui sepeliendi facit facultatem. Ea res in vigesimum terrium Nouembris contigit, ethnicòsque admiratione compleuit illius legis, quæ nobilissimis viris fortunarum contemptum mortisque desiderium tanta cum hilaritate persuaderet.

*Tandem Go-
ti combos ca-
pite trunca-
tur.*

Secundus, Thomas Teramáchî, annorum quatuor & quadraginta è regno Chiunga aduena. Is in ætate teneriore à belli fortuna seruitute damnatus herum habuit Christianum, apud quem breuibis libertus corporis animique excussit seruitutem. Nangasajuij in æde nostra Christo nomen dedit, libertate recuperata negotiationi paruis initijs pro tenuitate sua operam dabat, sed non exiguo quæstu, quem ars artium quæstuosissima Christiana munificentia captiuis redimendis, visendis agris cæterisque huiusmodi operibus congerebat. Totus erat in sepeliendis mortuis ac missæ sacrificio iuuandis: si quem noffet ethnicum ad Christiana sacra propendere, conquisito ad prælectiones quibus imbui eum oportebat, ducem se præbebat, qui si tenuior esset, in Thomæ charitate

*Vita ante
martyrium
sanctæ acta.*

*Ad martyri-
um se glorio
singerit.*

domo exceptus, tenuitatis nesciebat angustias; & qui aliena cura-
bat, à se ipso sumebat initium. Corpusculum enim suum ad cete-
ros labores ita tractabat, ut trium sibi dierum qualibet hebdomade
ieiunium indiceret, & quotidianæ flagellationi cilicinam vestem
adderet. In solenni quadraginta dierum ieiunio piscem sibi ac vi-
num interdicebat. Nec his contentus, annum integrum, qui mar-
tyrium proximè præcessit, in solitudinem se recipiens, non procul
Nangasaquo cælo propiorem vitam in monte transegit, ea vitæ
sanctitatis opinione, ut ibi martyrij tyrocinium censeretur decur-
risse. A' Nouembri quippe mense in Nouembrem alterum, solitu-
dine exercitus fidem solenniter est professus; ac licet ut in martyrij
candidatorum tabulas referretur, extorquere præ multitudine non
potuerit, non euocatus tamen supplicia euocare visus est. nam in
mediam militum turbam audenter ingressus, à custodibus ex editiore
loco excussus spes suas desperavit. Ergo Nangasaquiū se recepturus
scapham cōquirebat: verum diuinā eū manus inhibuit, itaq; omnia
designauit, ut nullam inueniret, ex eo quod Sasioye, ne quisquam se
inconsulto fugā adornaret, omnes impediuerat. Cū ecce tibi postri-
die militū per domos cursantiū manus in Thomā incidit, apud quos,
cum quæsitus se Christianū profiteretur esse, ac semper fore, ad præ-
fidem adducitur, à quo nudatus vinctusque, cum fide sua spoliari
nō posset, & in Christi confessione libertatē vinctus reseruaret, mor-
tis sacræ cōpendio cetera supplicia abrumpens iubetur obtruncari.

*Petri Cabá-
xima vita
ante marty-
rium.*

Tertius, Petrus Cabáxima quinque annorum ac viginti, terti-
um locum obtinuit. Ex eodem ille regno Nangasaquium veniens
Christum agnouit, in æde nostra baptismum suscipiens, quinquen-
nium vix expleuerat eo virtutis ardore ut veteranum diceres. In
breui consummatus expleuit tempora multa. Oriza distrahenda
vitam sustinebat; sed ita tamen tempus partiebatur, ut quotidie
decies quinquies è sermo precatorio Deiparæ coronam texeret,
postquam ante lucanis horis oratione, quæ sola mente decurritur è
Christi vita selectum aliquid commentatus, sacrificio missæ inter-
fuerat. Intra octauum quemq; diem bis indicta sibi inedia corpu-
sculum fraudabat. Illo quod à Christi fide suscepta primum habuit
temporis lapsu solenne ieiunium, non nisi semel quotidie se reficie-
bat,

bar, exclusa quæ permittitur cænula: quadraginta sequentis anni dies Oriza sola, cui ad aquam & salem nihil accesserat, victitauit. Tertiam redeuntis anni ieiunationem quotidiana flagellatione & insuper cilicina veste exasperauit. ita annis singulis ascensiones in corde suo disponebat donec videret Deum in Sion; à coniugio se per vniuersam vitam continuit, vulgòque credebatur voto se castitatis obligasse. Ad hæc mense quolibet pœnitentiæ se & sacræ synaxis sacramentis accuratè comparatus muniebat; frequens amicis distabat oportere Christianum vbilibet etiam vicos terentem Christum in cruce pendentem animo velut oculis exhibere, nullum finem faciebat suæ vocationis ad fidem, beneficium Deo gratulandi. Venit igitur cum cæteris ad martyrij speratam lauream. Captus est à militibus qui eum ducem sequebantur, à quibus ad præsidem raptus cum in cælum oculos defixisset. orationi quam decurrebat intentus, à præside interrogatur, quid esset in cælo quod ita intentè suspiceret, & quid secum tacitus mullitaret? cæli terræque conditor, inquit hominùmque seruator, à quo singuli operum suorum stipendia sunt accepturi, cœlestem boni gloriam, infernas pœnas mali, æternum vtrumque. Deum illum adoro ac veneror, cuius beneficijs vitam redditurus hîc asto, meque oratione munio rem tantam aggressurus. Apage, inquit, istas nugas, teque patrijs dijs ciurata religione barbara quam nuper suscepisti, restitue. Subrisit modestè Petrus in hæc verba respondens, Nangasaquo veni quæsiturus quod teneo, quî patiar è manibus elabi? facerem profecto quod ineptè faceret, qui longa navigatione perfunctus ab ipso portu regressus, tempestatem naufragiùmque certissimum, in altum se referens, prouocaret. Eo responso nimirum crabrones irritauit, à quibus nuditate, vinculisque damnatus, cum nullum finem faceret suauissimum Iesu nomen inuocandi, carnifices duo bacillum in os transuersum ingerunt, eumque medium crudeliter extrahentes genam vtramque lacerarunt. Inimmani deinde tibiæ præfatione milites octo extrema ligna saltu corporisque pondere depri-mentes horribiliter eum cruciarunt. Sed cum inuictus eius animus nulli malo cederet, nitentis in genua & Iesum inuocantis decusso capite animum excusserunt.

*Eiusdem di-
ra supplicia
& mors.*

Quar-

*Thomas Firay auctor
sancta ad
martyrium
conspiratio-
nis.*

Quartum, Thomam Firay regnum Chicungo, annos iam duos natum supra triginta martyrem dedit. Decennio ante Nangasaquium venerat Christum agniturus, quod ita serio fecit, ut Iaponice ac Lusitanice legere didicerit, ideo solum, ut pios libellos, qui utriusque gentis characteribus idiomate Iaponensi prodierant, legeret. Martyrij desiderio accensus amicos undecim adduxit, ut instituto inter se sodalicio, ad ponendam pro Christo vitam iureiurando tenerentur, cuius hæc erat formula, quam illius manu scriptam, postquam obierat reppererunt. Spondemus quotquot huic formulæ manu nostra subscripsimus, ad honorem sanctissimæ Trinitatis, quod tamen si procella in Christianos atrocissima excitetur, Iesu Christi fidem nunquam simus negaturi. Quin potius ubi de illis inquiri cæptum fuerit, spondemus nos in eundem locum conuenturos mutuóque ad sanctissimæ fidei nostræ confessionem perpetuo retinendam cohortaturos. In cuius rei fidem sua quisque manu subscripsimus. Aprilis 27. Salutis anno M.DC.XIV.

Capite truncatur.

Cum Idem Nangasaquio venisset Cuchinotzu, obuios habuit Sasioye famulos, à quibus agnitus suspicionem dedit illius quod venerat, quæsiturus, vrgetur igitur audiente Sasioye ut esse desinat Christianus, quibus Thomas veri Christiani à suscepta fide nunquam deficiant, audijs Sasioye & ad eum conuersus, Quod iuuentutem tuam decet, id age, cætera prætermitte. Nangasaquio, inquit, Thomas, huc veni pro fide Domini mei Iesu Christi moriturus; millies id faciam potius, quàm eum negauero, liberiore responsio actus in rabiem præfectus, iubet eum nudum vinctumque ad præsidem raptari, cuius iussu cum prensatis tibijs sibi constaret, hilariter dato capite seipsum coronatit.

ALII QUATVOR SVPPPLICIIS SVPERSTITES
longam mortem viuunt.

CAPVT XI.

IN hac postrema procella cum duo supra quadraginta mortalitatis naufragio immortalitatis portum tenuerint, non omittendi mihi videntur, qui nondum emensa navigatione adhuc fluctuant,

ant, portumque insipientes ad quietem aspirant: nam cum tyrannus animos perdere potius quam corpora cogitaret, hoc ut alias monui sedulus agebat, ut mortem intentaret, non inferret. Verum rabies furentium carnificum & obliuiosus tyrannorum furor tenere se non potuit, quin suppliciorum atrocitatem eo pertraheret, quod vitæ pertingere non licebat. Plerique igitur supplicijs cessere, vitamque tyrannis vel inuitis reliquere: ne tamen deesset Ecclesiæ Iaponensi nobile tanti facinoris monumentum, & ad æmulandam virtutem incitamentum, visum est illi, qui præmia nunquam aufert licet differat, superstites aliquot gloriæ suæ reseruare. Quibus non tantum animi satis fuit ad moriendum in tormentis, sed etiam ad viuendum post tormenta superauit.

Quatuor illos omnino fuisse reperio qui mense Martio anno M. DC. XV. supererant; & quoniam de illorum morte nondum insequentis anni literis audiuius, satis credibile est illos obligatis vulneribus suis vitam in hunc usque diem protraxisse. Ex prima in oppido Cuchinotzu athletarum turma, tres quos prius commemorabo censebantur, quartus Nangasaquo cum ijs venerat, quos proximè collaudaui. Inter tres, primus Paulus de Vto Fingensis fuit; isque meritò primus, qui etiam cum octodecim martyribus prima supplicia tulit, verberatus, nudatus, vinctus fuit, & in machinam actus, sæpe cantatam, saxi pondere quod illi in humeros ingestum fuit, funes disrupti sunt, ipseque in terrâ lapsus grauiter afflictus fuit, multumque sanguinem naribus misit, & lubens digitos pedum, manuūque obtulit decurtandos, professus se nullis cruciatibus adigendum, ut à corde suo fidem exigeret, truncas igitur manus ridente vultu ad pectus iungens, præfidi deinde velut insultans ostentaui, crucis porro cauterium immota fronte constanter admisit, ac demum eneruis domum remittitur, ubi cum vulnere dolore velut quotidiano tyranno fidei suæ causa conflictatur.

Paulus de Vto post atrocia supplicia superstes.

Alter Barnabas dicebatur, Sina parente, natus annos octo & quadraginta eadem cum priore tulit, eadē semper alacritate: quodque magis in eo mirum est, quod natura timidus supplicia sentiebat atrocius, maximè quod gentis suæ in doloribus sensum acriorem à parente trahebat: is licet sine nota, quod alij fecerant la-

tere potuerat, seipsum tamen gentisque suæ vitium gratiæ præsidio superauit.

Matthias Yénsay annorum septem & quadraginta, Coxiró regni Fijen natale solum habuit. Is salutis suæ commodius procurandæ causa, cum alia nulla suppeteret, domi nostræ serui loco famulabatur, peccandi laqueos, ut aiebat, facilius vitaturus, quare ita se cohonestari arbitrabatur, ut pro tribunali nomen rogatus ediderit, *Patrum famulus*, & aliud nihil. Paria illi cum socijs supplicia fuere, in hoc superior, quod digitos iterato truncari præses iusserit, ideo quod semel truncos sibi velut insultans ostentasset.

Didacus Toyoxima Nangasaquiensis ciuis è borealibus Quanto regnis oriundus, annos numerabat octo & triginta. Is cum cæteris Nangasaquio ad martyrij famam accurrerat, nec tamen impetrare potuit, ut in purpuratorum potius quam candidatorum tabulas referretur, atq; ideo fortunam tentaturus in arenam prodijt, ac socios confirmans comprehenditur, & in mediâ coronam euocatus iubetur Christum abdicare, itane verò, ait, ego qui alios veni confirmaturus, deficiam? Interim auditur illum esse Nangasaquiensem ciuem, ideoq; dimissus magnum doloris sensum præ se tulit, quod sperata illi palma è manibus laberetur. Abibat igitur exclamans, Christianus sum, ideoq; solum excludor ab arena quod certamen in patriam differatur. Abijt igitur, & die tamen insequenti à militibus denuo capitur, nudatur ac vincitur, cumq; adduci nullo modo posset, ut Christianam fidem abijceret, iubente præside nares illi præfixæ manuumq; digiti decurtati. atq; ita dimissus est constantiæ suæ

Didacus Toyoxima præcis naribus ac decurtatis digitis vivus dimittitur.

specimen fœdis vulneribus gloriosè præbiturus: ac tametsi acriter eum pupugerit, quod ex amoris in Deum holocausto vivus exiret, quod tamen signatus superaret, solatium fuit amissæ coronæ non inane. Præter hunc alij tres quatuorue, qui Nangasaquio aduolabant vincti, nudatiq; iussi sunt Nangasaquium redire, ibiq; sperata supplicia præstolari. Qui ex arena discedentes hæc ipsa verba proclamabāt, Christiani sumus & è composito Nangasaquio venimus ad Christum profitendum & supplicia in fidei causa perferenda.

Sed priusquam ab his martyribus abeamus, ad eorum gloriam pertinebit scribere, quod testium fides iurata narravit. Voluit enim

Deus

Deus Opt. Max. cœlesti calculo præclara illorum facinora illustrare. Quodq; alias accidisse narrat antiquitas, hoc ipsum recentis exempli testimonio confirmatur. Lux nempe nocturna non infrequens ipsum martyrij locū sæpius collustravit, nunc stellas exhibens, nunc ignium sphaeram, quæ in alias deinde plures erumpebat, ignesque illi sursum delati disparebant, idque frequentius Sabbatho ac die dominico, in quos dies illorum certamina inciderant, fertur euenisse. Natalis Domini nocte splendor fuit sua magnitudine insolens, & qui à prodigio nihil discreparet. Quibus neophyti magis magisque non ad venerationem minus quam ad exemplum incitantur, coniectantes eorum in cœlo gloriam, quæ in terram sua seluce diffunderet. Verùm à Sasioye ad alias duas tyrannorum turmas vnus certaminibus defuncti transeamus.

Locus supplicij nocturna luce collustratur.

QVID SATZUMANA COHORS AD ORTVM
in Arimensi agroturbarit.

CAPVT XII.

INterim dū apud Arimenses Sasioye sæuebat, Satzumanā cohors ad ortum excurrens Mīye & Ximambāra cum vicis conterminis sæuitura secesserat. Sed lenior fuit isthic procella remissiōrque persecutio. Cum enim Satzumani præ ceteris Iaponiæ populis militię leges religiosius obseruare sibi videantur, indecorū putant & vile vulneribus supplicijsq; cum inermi hoste certare, sanguinēque profundere quem neq; militaria iurgia, vel monomachiæ, vel denique bella prouocarint. Et quoniam Christiani non nisi patiēdo repugnaturi sciebantur, cum inermibus de legum cōtrouersijs certare vile censuerant, maximè quod non nescirent eosdem calumnijs oppressos iniuria malè apud Imperatorem audiuisse, cuius ira mollior futura erat si veritati niteretur. Præmittunt igitur in ea quę petebant loca, qui moneat horteturq; Christianos vt huic turbini tantisper se subducant, ne cum præsentibus sæuire cogerentur. Factum est id à plerisque, ne martyrij cupiditas tyrannorum furorem iusto acrius incitaret. Veniebāt igitur Satzumani, & maiore tumultu quàm impetu Christianam rem parū seriò perturbabant; si cuius in ędibus absente patrefamilias è famulis aliquēprehenderāt,

Satzumani in Christianos sicut inermes, mitius agunt.

isq; parùm cordatè se gegeret, adscripto illius nomine contenti, de cetera familia nihil admodum laborabant, ita perfunctoriè omnia peruagati, in neminem nisi volentem, seque magno Spiritus ardore ingerentem inuiti sæuierunt; è quibus cum altero vinculis solum, cum altero etiam supplicijs ad territandos cæteros decertarunt.

Prior Paulus Vchibóri Ximambáræ natus, damnata quam ingredi potuerat fuga, maluit sortem suam præstolari, quàm tormenta declinare. Ita nonnunquam Spiritus Sancti vnctio diuersis primoque aspectu pugnantibus ad salutem vijs, electos suos solet inuitare: in hoc enim euentu quosdam docuit publica rei Christianæ commoda priuatīs anteferre, alijs ingessit vt diuinæ gloriæ procurandæ inutilem fugam esse iudicarent. Vtrumque placet probare, neutrum reijcere. Ergo postquam cum eo multis ad eiuandam Christi fidem actum fuit, ipseque sibi semper æque constitisset, ab inuitorum manibus vincula prope tandem extorsit. Vincetus igitur ad cæterorum metum, vicatim vna cum tota cohorte circumraptabatur, ac tandem hac se cura liberaturi in Arimensem custodiam ad Sasioye illum amandant. Ibi incredibile est, quanto ardore, quanta in publicis vinculis pateretur. Carcer erat in aprico campo sub Ioue gelido, solis vnde quaque repagulis libertatem coercens, quod apud Iapones non est infrequens, caueam dixisses potius custodiendis feris, quàm reis accommodam. Tempus erat, quale in Iaponia esse solet Nouembri mense asperissimum, gelu niuibúsque etiam ijs terribile, qui cæli iniurias domesticis parietibus arcere conantur, ipse seminudus, præter vilem stoream nuda in humo dormiturus, aliud nihil habere sinebatur, & tamen tanto ardebat diuini amoris igne, vt in corpus caloris communionē vulgaretur, eo donante, qui dat niuem sicut lanam, & facit cum tentatione prouentum. Nam cum ad expiandum nocturnis latebris tectus, corruptis largitione custodibus, sacerdos noster adrepfisset, hominem miseratus quærit, quī fieri possit, vt eo frigore eaque nuditate non rigeat, Cui Paulus affirmavit, se nullo planè frigore correptum, aëre frui vel maximè temperato. Quod qui naturæ viribus factum putauerit, velim vt suas vires in eo frigore

*Paulus Vchibóri sub Dio
Et asperissimo
gelu aërem
sentit temperatum.*

gore experiatur. Tandem cum ipse mortem in Christi causa lætus expectaret, spe sua excidit, ideo quod fratris gratiæ, qui Ximambara Primus erat, vitam dederit, aut potius mortem distulerit, domum enim cum vinculis remittitur, dum extrema de illo sententia statuatur.

Meliore adhuc fortuna usus est Adrianus Quindo Tacayemón, cum enim Paulus vicatim circumtraheretur, Ariye nobili in vico Adrianus occurrit, & egressus domo Christi pugilem perquam officiosè salutavit. Quæritur ex eo, quid sit, cur hominem tantopere veneretur, si ne ipse quoque fortè Christianus: veneror, inquit, pro merito strenuum pugilem, qui pro rege ac Domino Iesu Christo tot labores tolerat. Scitote quoque me cum illo æquè esse Christianum. Fidem igitur, aiunt, ac legem tuam nega, si, paria cum eo vincula præstolare. Adrianus porro: neque fidem, neque legem meam nego, sed libens pro vtraque cruciabor. quibus dictis domum remittitur, iubeturque intra eam, quid de eo statuatur præstolari. Non diuturna fuit mora, nam breui reuocatus ad defectionem acrius laceffitur, constitit sibi fortiter Adrianus, & mox manus, brachia, collum ipsum asperrimo vinculorum genere induitur, & vicatim raptatus cum nihil urgentibus spei daret, dexteræ manus vno digito truncatur, iterumque laceffitus sua firmitate carnifices adegit, vt sinistrae manus alios duos totidè ictibus amputarent, idq; ad doloris sensum augendum ita lento supplicio, ac si serra finderentur. Ferebat omnia, vel nullo, vel dissimulato dolore, quin potius subridens exclamabat, Benedictus sis Deus meus pro eo beneficio, quo me afficis immerentem: cùmque vltèrius rogaretur, num in eadem sententia persisteret, affirmanti nares excinduntur: tum deinde vestibis omnibus nudatus, cruore ex vulneribus diffluens, cohortem quocunque iret iubetur comitari, donec in pagum Sucáua intra quartam leucæ partem constitutum devenitur. Ibi à Iudicibus interrogatur, quid esset causæ, cur legis suæ retinendæ studium Christiani vitæ anteferrent? ita respondit, Ideo quod extra hanc legem salutem nullam reperiri credamus, ac deinde de Deo homine ita diuinè peroravit, vt dicere nihil ethnici dubitarint, Qui talia sibi persuadent, quid mirum si pro Deo suo.

*Adrianus
Quindo lentis
supplicijs ad
defectionem
solicatur.*

*Adriani con-
stantia, ora-
tio, & mors.*

hilariter moriantur? Die insequenti cum ad eum filius nescio quid edulij detulisset, à custodibus rogatur, vt à parente defectionem impetret, amore illum expugnaturus, qui timorem superaret. Verum Adrianus à filio conuersus ad importunos hortatores fidei nostræ mysteria vrgentibus ingessit, orationemque ita conclusit, Si quod credimus, Dei filius homo factus pro mortalibus tot tantâq; tolerauit, cum id mea priuatim causa fecerit, non sum Seruatorem meum, tametsi discerpar in frustra, negaturus, nihil est quod vltra vrgear, certum habeant, me nunquam ab eius lege discessurum. Quibus dictis ad cibum sumendum se, præmissa prius oratione, actisq; postmodum gratijs in genua nixus accinxit.

Nullus fuit eius regionis pagus vicusue qui non raptatum spectauerit Adrianum, & quoniam grandiori ætate prolixo in itinere multum sanguinem miserat, aliquoties deficientibus viribus in terram ruit. sed eum immanes carnifices calcibus, fustibusque contusum erigebant. Continuum orationem decurrens, cum aliquando pietatis sensu suspiraret, milites pusillum animum interpretati obiecere, Quid tu degener quereris, cum tua culpa pertinaciâque crucieris? facile apparet, refert Adrianus, vos nondum in cordis mei abdita penetrasse, neque enim hæc suspiria mæsticiam metumue redolent, cum mihi mors ardentioribus quàm reliquis vita sit in votis, è diuinorum beneficiorum commentatione, & huius maximè, quo me sua in patiendo similitudine dignatur, hætenus eruperunt. In quo responso Satzumanorum militaris animus habuit quod satis miraretur. Denique cum denuo acriusque breui moriturus vrgeretur ita respondit, vultis à me naufragium in portu extorquere? Quibus dictis iunctas ad pectus manus ambas in crucis figuram componens, Iesumque ac Mariam inuocans, reliquum truncatis ceruicibus sanguinem constanter effudit.

Adriani ante martyrium exercitia.

De quo elogij loco nonnulla subiiciam. Ariye annos viginti nouem natus, Christianæ militiæ nomen dedit, in qua ad annum sexagesimum, emeritis stipendijs, æterna hodie rude donatur. Habebatur inter neophytos aut ardentissimus aut in primis. de quo Michael primus Arimensis agri martyr dicere solebat, dum viueret, fore vt Adrianus Ariye, si quis alius, procul dubio pro Christo moreretur.

reretur. Christianæ doctrinæ rudimenta, orandi modum & sacramentorum vsum aptè libenterq; quos poterat docebat, sacerdotum nostrorum penuriam vel absentiam vicario labore supplebat. Infantes, si quando necessitas vrgebat, eluebat, infirmos visebat, tenuiores sustinebat, mortuos, tametsi ethnici essent, sedulo sepeliebat, ac neophyto, cui ea res immodica nimiaque videbatur, respondit, dum inter opera, quibus alienam miseriam subleuamus, sepeliri mortui iubentur, eam rem nullis hominum limitibus coarctari. Arsit semper martyrij desiderio, etiam dum Taicosama olim fure-
Martyrij de-
siderium.
 ponere, ipse etiam cum capitis periculo precatorios globulos è collo gestabat, donec ab vno è nostris admonitus, publicè quieti ac cæterorum cessit authoritati. Si quando quempiam pro Christo extinctum audiebat, ipse in seipso sancta inuidia correptus, antiqua sua vota renouabat, non diffitens id quod agnoscebat, esse se tanti boni gloria perindignum: si quis inter supplicia titubauerat, diuina iudicia reformidans perseuerantiæ donum extollebat. In hac procella ira desideria excreuerant, vt latebras suadenti filio ex ætate argumentum sumentis responderit in hæc verba, Annos attigi sexaginta, vincula nondū expertus, nec tamen id ætatis horreo, nec vitam in hac causa ponere reformido. Cùm filijs valefaceret obuium Paulum excepturus, donatos sacra sua supellectile & opportunis præceptis institutos dimisit, primogenitum in hæc verba allocutus, Abeo nunc quidem pro Christo moriturus, Tu vide quid egeris, si victoriam de supplicijs desperas, fidei tuæ thesaurum intra latebras abde conseruandum. Quod cum dixisset, festam vestem induens ad publica certamina prodijt, domesticis generose defunctus.

TERTIA COHORS, DVM QVATVOR CRV-
ciaret, duobus vitam eripuit.

CAPVT XIII.

A CiesFirandensis cū suo duce Chingiuā, Obāmam & loca contermina discutienda suscepit, quæ Satzumanæ nō abfimilis fatis pfunctoriè decurrebat & quasi coactus illi cohortis pfectus, vt
 feuerius

seuerius ageret, cum quatuor ad se delatis adductus est. Meminisse nos oportebit, inter prima Arimensium prælia, nobiles aliquot familias atroci proscriptione damnatas, posteaquam dignitates, annuos census, patriamque dimisissent, igni & aqua publicè interdictos, in secretiora Arimensis agri loca secesisse. Ex ijs quatuor, quorum nomina mox, cum de singulis paucula dixerimus, subiiciemus. His in edito monte, cum rupes specum præparasset, eo se immiserunt vnà cum suis familijs exilio suo latebras quæsituri, neque enim abire aut vsquam habitare sinebantur. Sub ea rupe quanta tolerarent, facilius erit cogitare quàm dicere, nam ad cetera incommoda, extremæque paupertatis angustias, aqua ipsa asperitatem loci refugiens erat quàm longissimè conquirenda & in arduum magno labore euehenda. Hæ latebræ proditorem apostatam nescio quem minimè latuere, qui ex alienis malis gratiam sibi procuraturus, cohortis præfecto latebræ aperit. maluisset ille quidem nescire quod sciebat, ne id agere cogeretur quod nolebat, sed cum tandem ea res multorum indicio in publicum erupisset, maluit præfectus alijs quàm sibi nocere. Euocat igitur proximi vici capita, & grauius increpat, quod igni & aqua publicè interdictos apud se latere permisissent, neque fouere dubitassent. Simul iubentur eos ad se victos pertrahere, pertinaciæ suæ culpam luituros. Redeunt ad eos pauidi multisque laceffunt renitentes, vt externis saltem signis non nihil de suo rigore remittentes illorum quieti consulant, à quibus non sine periculo adiutos esse se fatebantur. Voluissent planè athletæ Christiani hospitum suorum indemnitati consulere, si cum diuinis legibus factæque fide beneuolentia illa stare potuisset. Officiosus itaque verbis culpam deprecatur, inurbani videri quàm infideles esse maluerunt; & id quidem eo rigore, vt grauius poenituerit ex ijs vnum, quod officiosius sibi locutus esse videretur, quam culpam qualis qualis illa fuerit, cum ad supplicium raptaretur, seriò à se remouens, & satis religiose exponens, videri noluit remissius in retinenda fide locutus, cum laxius aliquanto se reciperet conaturum, vt beneuolentia nihil caperet detrimenti.

Ad præfectum igitur è cauernis suis leones educuntur in arenam prodituri, triduum certis in ædibus deponuntur, dum Sasioye
moni-

monitus de illis statuisset. Statuit igitur in hanc iniquissimus iudex sententiam, ut quatuor viri isti, quia Christiani, & quia fidem abdicare noluerant, ideóque fortunis omnibus excidentes, herilibus dynastæ Arimensis obsequijs se subduxerant, naribus ac pedum manuumque digitis truncarentur, frontemque candenti ferro inustam gestarent, ac deinde vivere sibi ad pœnam cæteris ad exemplum finerentur. Ea sententia octauo ac vigesimo Nouembris die Obámmam venit, & mox præfectus in forum delatus, eo in loco, ubi crux superioribus annis prodigiosa prodierat, sibi tribunal erexit, & notari fortasse non ineptè potest, Iudices istos sibi plerisque in locis, torquendis neophytis sacra prius loca sacrificij quodammodo aram diuino planè ex nutu elegisse, quod ipsa locorum recordatio Christianis esset ad fortitudinem cohortatio. ita Arimæ, ita Cuchinorzu & alibi factum vidimus, ijs in locis ubi sacræ steterunt ædes, aut Societatis Ecclesiæ, supplicia publicè fuisse constituta. Singuli ergo singillatim ad iudicem pertrahuntur satis læti, quod desperatam tanta exilij mora martyrij coronam ad spem proximam reuocariant. Qui solutos adduxerant, cum vinciri illos oporteret, ut præfecto sisterentur, satis timidè ad eos vinciendos accedebant, non innocentia solum opinione, sed multò magis ex antiquæ nobilitatis gradu, qui plebeios homines ab inferenda vi cohibebat. Verùm Christi milites nouam militiam edocti, quæ ipsi horrebant, molliora reddiderunt. Ipsi enim seipso, quoad fieri potuit, vinculis induentes, tandem ut vincirentur impetrarunt, professi nihil esse quod magis, quàm admissa pro Christo vincula, gloriosæ initium mortis, optarent.

Sapienter sententia quatuor isti ad supplicia damnantur.



GERMANI GOROSVQVE ET ALIORVM SVPPICIA
CHRISTI CAUSA EXANCLATA.

Adducuntur igitur ad iudicem singuli, & primus Germanus *Germani*
 Gorosué annos natus vnum & quadraginta, ciuis Obamensis, *Gorosué*
 qui cum pronunciatam adhuc de se sententiam ignoraret, eamque *supplicia.*
 capitis esse arbitraretur, in genua ruit ceruicem oblaturus. Verum
 in nuda humo extensus, transuersis palis in crucis modum alliga-
 tur, & Christi cruce nihilo repidior suo cauterio latus insignitur,
 tum ad pollices cæterosque digitos sigillatim truncandos deueni-
 tur, quorum etiam nares fortunam subiere. Quæ supplicia omnia
 constantia pro Christo certantis eludens non corpore minus quàm
 animo immoto suscepit, soli linguæ ad inuocanda sacratissima Iesu
 ac Mariæ nomina motum imperans.

Alter Michael Toyemón annos septem & quadraginta Oba- *Michael*
 mæ natus, is eadem supplicia pari sustinuit animi firmitate. De qui- *Toyemon*
 bus hoc solum querebatur, quod essent exigua, sibi que martyrij, vi-
 ta superstitite, palmam inuidissent, quanquam hac in re ita suis votis
 indulgebat, ut tamen à diuina voluntate nusquam discederet. Vter-
 que post hæc supplicia in eadem arena (erat enim ad mare consti-
 tuta) duos dies supra viginti vulnerum dolorem, famem, frigus a-
 liæque sexcenta incommoda rustico mapali exceperunt. Nanga-
 saquo tamen, corrupta custodum qui assidui aderant fide, subuen-
 tum illis fuit, quantum inhumanitas humanitati permissit. Hi duo
 longum martyrium ingressi, viuunt etiam non cruce ceterisque
 supplicijs insignes, & indies mortem viuunt inter longa supplicia
 diurnam. Qui sequuntur duo intra eandem suppliciorum aleam
 martyrij iactum seipfis abiectis coniecerunt.

Ioannes Fayemón tertius, annos natus quinque & triginta O-
 bamenfis, cum in arenam prodijisset, coniectis eum in locum oculis,
 vbi crux olim steterat, facta prece sanctissimè testatus est, se non
 digitos ac nares solum, sed quidquid haberet lubentem in hac cau- *Ioannes Fa-*
 sa offerre, ut diuinis beneficijs gratus suisque sceleribus pœnitens *yemon ex fri-*
 aliquid tribueret. Excepit igitur supplicia fortis animus & corpo- *gore obrigit,*
 ri suos dolores latus imperauit, totamque eam noctem cruore suo *post suppli-*
 non indecorè sordidus in arena volutatur. Nec fuit qui à custodi- *cia.*
 bus extorqueret, etiam haustum aquæ præbiturus. Concubia ni-
 hilominus nocte neophytus vnus aliquis ad eum dormitante iam

custodum fide lentus adrepfit, eumque ut Christi Domini meminisset, admonuit. A quo etiam retulit dignum hoc posteritatis memoria responsum. Ab ineunte Martio crucem non vnam in rei familiaris angustijs exegi. cum præter non ingentem specum ad familiæ totius angustias coercendas aliud nihil superesset. Hodie digitos narésque obtuli, deque ceteris nihil sibi mea vota reseruarunt, quibus omnibus in spem adducor fore ut clemens Dominus mea mihi peccata indulgeat, æternamque vitam largiatur: nec votis suis excidit, viribus quippe ex nimia sanguinis missione cæloque frigido destitutus, die insequenti nono ac vigesimo Nouembris obriguisset reperitur.

Saluator Fachiró post supplicia biduo superstes moritur.

Postremus fuit Saluator Fachiró, annos natus sex & viginti, Chingiuæ natus, iuuenis erat, in quo cum ætatis flore venustas conspirarat. Ergo ut eum præfectus est intuitus, subito exui mandauit, O infelix iuuenis, exclamat, id ætatis ac formæ ad mortem venis huius causæ vilitate fœdatus? Utinam esset in mea manu paratis te supplicijs liberare, quod in tua esset manu (quod facturus non es) si barbara sacra tantisper eiurares. Quod quia non facis, Imperatoris ac Sasioye voluntati cogor etiam nolens obsecundare. Cui martyr ita respondit, Propensæ gratias habeo voluntati, petoque uti mea causa dolere desinas, eo ipso quod ego volens libensque suscepi, votisque omnibus affectaui: nihil enim est, quod æquè cupiam ac pro Christo meo pati quam plurima, quibus Deo gloriam, mihi æternam vitam paro. Utinam ea supplicia quæ tantopere horres plura essent ac maiora, neque vitæ conseruandæ parum utiliter famularentur. Pronunciata igitur publicè ex omologesis formula, cum eam orationem, quam Dominus docuit, Angelicæ salutationi præmisisset, ad paria cum socijs supplicia constans admittitur: biduo superstes, eo ipso in loco vulnerum dolore, quæ nemo obligauerat, frigore, alijsque incommodis animum expulit diutius viuere renitentem. Omnium coniuges ac filij sua paupertate diuites, aliquandiu magnas rei familiaris angustias experti sunt, sed demum alienis ædibus crediti nihilo prope melius quam in sua cauerna commorantur.

TEMPESTAS IN CHRISTIANOS EXORTA.
ciuili bello se remittit.

CAPVT XIV.

TAntus erat depluentis in Arimensem Ecclesiam grandinis furor, vt publicæ calamitati nihil intactum relicturus videretur.

Verum ille qui mari & ventis imperat, eique obediunt, effecit, ne tentaretur supra id quod poterat neophytorum grex nouellus, & vt constaret è cuius manu fulmen hoc à Christianis retortum è cœlo vibraretur, inopina bella pacem Iaponibus insuetam, annosque plures ab Imperatore custoditam perturbarunt. Quorum bellorum causas & euentus ideo nunc prætermitto, quod peculiarem locum sint in historiæ serie breui fortitura. Quod nunc ad rem facit, est, quod exercitus ille, qui per Arimensem agrum bachabatur, ad obsidendam Ozacam cum cæteris copijs in Cami regionibus nulla mora accersebatur, cuius belli rumores primum effecerunt, vti per transfennam ac velut cursim omnia tractarentur, & Christiani potius terrentur paucorum supplicijs, quam vbique torquerentur. Et sanè non cursim notari debet, Imperatorem tot annos bella ex vniuersa Iaponia exterminasse, ipsòque tempore cum in Christi fidem laxare cœpisset, bella velut ab exilio reuocasse. Quod ipsum Miacensis illi præfectus, vir prudens & cordatus primis huius tempestatis initijs videtur prædixisse, cum enim de Christi nomine inter Iapones delendo ex Arimensis dynastæ cum Paulo Daifachi controuersis plus æquo incitatus ageret; illo authore placari non potuit, tametsi diceret prope vaticinans, fieri posse vt ex ea re quies publica motus aliquos euocaret.

Reuocatus igitur Sasioye cæterique duces sparserunt, neminem toto Arimensi agro superesse, cui ad Christum profitendū satis animi superesset. Quod tametsi euidenti falsitate ruebat, potius quam nitebatur, victi tamen esse malebant, quam videri. Ne forte rei male gestæ apud Imperatorem nomine deferrentur. Cui rumori causam tametsi nullam dederint Christiani, plerique tamen adstringi se non putauerunt, vt sparsam nulla sua culpa, non sine

*Exercitus ex
 Arimensi di-
 tione ab Im-
 peratore re-
 uocatur.*

*Arima re-
 mittit se per
 secutio.*

rei Christianæ periculo maiore, diluerent falsitatem. Nec ea res præfecto Sasioye displicuit, non ideo quod non ex animo veller Christi fidem stirpitus, si potuisset, euelli, sed quia desperabat id fieri posse, cognita iam neophytorum firmitate, temporisque angustijs in arctum redactus, latabatur id credi posse, quod fieri posse non sperabat. Cum Christianorum coniugibus ac prolibus, contra quàm minæ persuaserant, nihil est etiam tentatum, nihil in reliquam familiam turbatum, nihil de absentibus, qui se subduxerant, inquisitum, vnde factum est, vt tamen si Arimæ & Cuchinotzu nonnulli defecerint, alibi tamen vix vlli, nec ibidem quoque complurimi. Ergo Arimensis agri victoria tamen si non sine sanguine, & aliquorum lapsu, à Christo tamen indubitata stetit, stabitque in ecclesiasticis fastis præter æternitatis memoriam sempiternam.

*Martyrum
reliquia col-
liguntur.*

*Lapsi se eri-
gunt.*

Abijt igitur Sasioye Nangasaquium, relictis in domestica custodia ad speciem seueritatis aliquot Christianis, & spoliatis militari petulantia neophytorum ædibus, duces crudelitatis suæ vestigia vbique reliquerunt. Ex eius discessu cum nonnihil Christiani respirarent, ad colligendas martyrum exuvias, quas posteritatis testimonio, venerationi, exemplòque reseruarent, animum adiunxerunt. Otium quoque fuit ijs qui à Christo defecerant, seipsum inspiciendi, inspectaque perfidie suæ fœditate, seipsum exhorrendi, diuinæque iudicia non admirandi minus, quam seipsum non sine stupore recolendi, cum se viderent post tantum orationum, ieiuniorum, cæterarumque corporis afflictationum comparationem subito corruisse, quos rupe firmiores nulla vi labefactari posse vulgo credebatur. Didicerunt minus sibi fidere, Deo magis. Ex his tacitis apud vnumquemque commentationibus ortus est dolor ille, publicæque pœnitentiæ ardor, quo se lapsi pristinum in gradum reuocarunt. Cum quibus illius Ecclesiæ administri è suis latebris aliquantò liberius erumpentes ita se gesserunt, vt neminem facilitas laxaret, aut difficultas deterreret.

Aderant quidem Christianis Patres sedulo, et si occultè, hoc persecutionis tempore, eorumque necessitatibus pro viribus succurrebant, ex umbra in puluerem prodire gestientes, vt desideratam cum alumniis suis coronam consequerentur. Sed cum compertum

iam

iam esset, fidei hostes nil aliud in animo habere nisi ut aduenas omnes expellerent, & eorum subsidio in posterum lapones priuarent, deprecabantur eos Christiani ne se detegerent, eosque proprio seruire ope & consilio in perpetuum spoliarent. Hoc enim modo acrior haud dubie futura erat persecutionis atrocitas, maiorque eius Ecclesiae desolatio. ex umbra ergo, ut dixi, per se & alios administratos quos poterant Christianis suggerebant animos, mitescendo vero persecutione aliquanto liberius boni pastoris ministerium exercebant.

Nangasaquienses porro, audita è proximo sociorum vel firmitate vel ruina, aduenientem Sasioye sapientius alienis exemplis edocti exceperunt. Qui enim de suis viribus non satis sibi promitterent, in tutum se vel suos tempori subducentes receperunt. Alij Christum propugnaturi in castris fortiter sese tenuerunt, spiritus enim, qui ubi vult spirat, cum quibusdam suspirat in tenebris, cum alijs vehementius incitatus de Christo tuendo conspirat. Cuius ductum qui non sequitur, na ille deficiet in supplicijs aut tristitiae tenebris obruetur. Et sane tantus fuit apud Nangasaquienses non nullus pro Christo patiendi ardor, ut eo nonnullae mulieres incitatae capillitium sibi deraferint, virilemque habitum mentite ad martyrij palmam viriliter aspirarint, ne forte muliebris infirmitas huic certamini non satis apta videretur. Nangasaquium etiam ad speratum tumultus famam religiosi è suis latebris singuli ad pugilum pugnas auxiliaris cohors aduenere. Qui si tenebris se nocturnis tuerentur, non id vitae desiderio, sed ceterorum bono, salutique faciebant, maxime quod nullo fructu prodituri, martyrij quoque palma ex imperatorijs edictis, ut alibi monui, carituri credebantur.

Nangasaquium porro posteaquam praefectus aduenit, res Christiana in deliberationem vocata, diu ancipites tenuit, utrum potius eligerent, num extrema omnia nullo fructu tentanda, num reliqua vel omittenda vel differenda viderentur. Praesidi placebat, hoc vno impetu concussam Christianorum religionem excutere, ne intermissa res euerteretur lenitate. Surungadonus belli huius cum suis pertæsus ad aliud aspirabat, & quæ ad eum diem gesta fuissent, sufficere arbitrabatur. Sasioye, cuius erat litem dirimere,

neutrum

*Nangasa-
quiensium
mulierum
patiendi ar-
dor.*

*Sasfoye omif-
fis neophytis
in rosaria,
Et imagines
Etc. Nanga-
saquij saugt.*

neutrum displicebat, quod optaret vtrumque, & tamen in lenio-
rem partem suis commodis nulla naturæ bonitate prouocatus in-
clinauit. Sciebat quàm acriter Nangasaquienfes ex longa rei Chri-
stianæ tractatione repugnaturi crederentur: videbat Amacaensis
Onerariæ commercium, quæ tum Nangasaquij aderat, in Lusitano-
rum conspectu Christianorum supplicijs posse perturbari, cuius rei
inuidiam, cum religione cupiditas acrius Imperatorem afficeret,
non satis tutò posset sustinere. Verebatur adhæc ne rem aggredie-
retur, è qua minùs honoratè posset egredi, nec prudentis esse puta-
bat, in eas angustias se conijcere, è quibus exire deinde non liceret.
Vrgebat præterea auxiliarium copiarum, quas Imperator euocabat
penuria, sine quibus nihil auderet, & quas dimittere honore saluo
non posset. Statuitur igitur, inchoata cum Christianis prælia in a-
liud tempus differri, non auferri. Ne tamen nihil egisse viderentur,
publicis flammis precatorios globulos, cereas agni cœlestis, aliasq;
pias imagines, quas Christianis eripuerant, ante abitum damnaue-
runt. Abiere tandem, & cum ijs metus ac spes, prout quemque
rei expectatio affecerat, exularunt.

*Post abitum
Sasfoie quid
actum.*

Sed ad colligendas tempestatis reliquias labor huius nauis re-
storibus duplicatus accreuit. Ac tamen si id facerent, plerique in-
tra prudentiæ limites angustiasque conclusi, latere tamen non po-
tuit omnia scrutantem, etiam cum abesset, minùsque timeretur, ex
neophytorum ardore, Præfectum. Dissimulauit nihilominus præ-
sens omnia quamdiu potuit, verum ex itinere, cum in castra perge-
ret ex vrbe Sacayo, in hanc sententiam scripsit ad negotiatores ex
oneraria Lusitanos, constare sibi contra Imperatoris edicta, religio-
sos aliquot sese caterorum exilio subduxisse, vix adduci posse, vt
crederet, quod credere cogeretur; eius rei culpam vni onerariæ Lu-
sitaniæ sine controuersia deberi. Quæsi ad Imperatoris aures per-
tingeret, satis esse, vt omiſsa religionis causa, emporium Nangasa-
quienſe extremam sibi cladem pertinaciæ suæ pœnam euocaret.
Viderint igitur negotiatores quid agant, neque de sua clade præ-
moniti postmodum deinde conquerantur. Non videbatur vana
denunciatio, sed tamen ab eo sperandum, qui metum hūc motum-
que prope sopierat, fore vt suo quoque munere fungentes contra
vim tueretur.

QVID

QVOD RELIQUA IAPONIA GESTVM
fuerit.

CAPVT XV.

Nihil dubium quin præsens rerum motus, post Ecclesiæ Iapō-
nensis exulantibus illius administris orbitatem, alibi extra A-
rimensem agrum multa turbarit, maximè priuatim apud to-
parchas minores domesticis in suos prælijs sæuientes. Verùm in no-
strorum absentia aut saltem vaga nec otiosa paucitate, vix satis tem-
poris fuit ad agendum nedum ad scribendum. Rerum nihilominus
gestarum frustra reliqua Iaponia colligam, non illa quidem pro di-
gnitate sed pro scribentium breuitate concisa.

Apud Fingenses in vrbe Cumamoto Paulus Yasodâyū annos
natus quinquaginta scribitur Christo vitam consecrasse, sibi quē il-
lustre martyrium comparasse. Erat is insignis architectus & præ-
fectus operum ea in arce sub Canzuyedono illius regni quondam
dynasta, & acerrimo Christiani nominis hoste, cui cum esset artis
peritia carissimus, adduci tamen nō potuit, vt ab eo laceffitus Chri-
stum abdicaret. Moritur tandem Canzuyedonus, & teneriorem
sibi filium substituens, sui in Christianos odij reliquit hæredem,
non illum quidem sæuendi sed regnandi libidine incitatum, quod
nimirum malè metueret, ne paternam hæreditatem Imperator
Christianis insensus tolleret, aut saltem decurtaret, nisi cum eo in
extinguenda Euangelij luce conspiraret. Ergo in hoc tumultu non
pauci ab eo vel potius ab eius moderatoribus iubentur exulare, hoc
solum nomine, quod à Christo deficere noluis-
sent. Paulus porro
annua prope vincula perpeffus ab eo dimitti non poterat, artis illius
præstantia non nihil furorem leniente. Et quoniam mutari eum
volebat potius quàm torqueri, dici vix potest, quot arietibus illius
constantia quateretur. Sed illius animum nulla vis de sententia
deturbauit, ideo fortasse quod continua prece, piorumque libro-
rum lectione vires quotidie velut nouo pabulo reparabat, & vt in
neophytos stipem aliquam corrogaret, in ipsa custodia non nihil ar-
tis suæ exercitio conquirebat. Mirum est quanto cæterorum exem-
plo vitæque comprobatione omnes architectus noster ædificaret,

Paulus Yasodâyū nobilis architectus ad defectionem sollicitatur.

non verbis magis quam incommodorum tolerantia ad supplicia futura præludens.

*Ad mortem
damnatur.*

*Vnico ictu in
duo fragmen-
ta diuiditur.
Diuisus ter
Iesum &
Mariam in-
clamat.*

Tanta Paulus tamque diuturna firmitatis suæ significatione hoc à dynasta suo impetrauit, vt in posterum de plectendo potius quàm de peruertendo cogitarit. Ergo Ianuarij vigesimoquinto, mittit ad eum, qui renunciaret ipsi, ea ipsa die moriendum. Cui denunciationi Paulus in hæc verba respondit. Hero meo propter annua vincula plurima debere me fateor. Sed multo magis quod ea nunc mihi cum optata morte commutet. Quare nuncium accipere nullum possem & que laureatum. Eductur ergo Paulus vrbe, totum iter oratione sua consecrans. Cùm in supplicij locum venisset nixus in genua ad certamen sese præmuniuit, qua finita in humo nuda nudus extenditur, in latus alterum reclinatus, iusserat enim inhumanus dynasta, vt in eo diuidendo sica quædam pro laponensi barbarie probaretur. Carnifex igitur ictum in latus vibrans, vnico ictu per medium pectus in duas partes diuiditur. Diuisus dicitur audientium testimonio tertio Iesum ac Mariam inclamasse. Tum tribus alijs ictibus lacer in frustra quinque dissecatur. Sicam suo functam munere cum apud tyrannum collaudarent, respondit, Probata est illa quidem, verum peritissimum artificem mihi sustulit, parenti meo carum & præ ceteris Christianis vnice conseruatum. Verùm id illi sua pertinacia peperit, & ab inuitis extorsit. Neophyti illum sanè honorificè humo commendarunt. E nostris sacerdotibus vnus cum auxiliariis ad eum accurrisset, ita venit opportunus, vt post extremi supplicij præsidia certantem in agone viderit ac inuiderit.

*Paulus Fio-
zaymon la-
psus fidem
profiteretur.*

Sed non solus Paulus fuit, ex literis nostri sacerdotis, qui rem Christianam in vrbe Fuximi occultè procurabat; alij duo neophyti eadem in causa prælio suscepto victoriam reportarunt, alter Fiozaymon Iaponensi nomine, Christiano, Paulus vocari credebatur, vir nobilis & integritate vitæ oculos in se conuertens cæterorum, baptismum susceperat ab vno è nostris sacerdotibus, idem anno superiore 1614. cùm in Christianos inquireretur, remissius se gesserat etiam cum offensione cæterorum. Sed conspecta per viros Miacenses neophytorum quinque pro fidei causa nuditate, vnde

Unde in te pascere potuerat (tanta vis est exempli in vtramque partem) subito exarsit, & sacramentis primum expiatus ad vrbis moderatores se contulit, his verbis perfidiam suam inculcaturus, Agnosco me cum Imperatoris voluntati cessisse me præ me tuli, graue scelus incurrisse, quo ad incredibilem dolorem adigor ac pudorem. Christianus sum igitur, & Christianus viuam ac moriar diuina gratia semper adspirante. De me ergo pro libito statuatur. Ea res incitados Iudices eo pertraxit, vt extemplo vincula imperarent, è quibus post dies paucos ad publicæ nuditatis ignominiam ille ipse pertrahitur, quem conspecta neophytorum nuditas tantopere excitarat. Inde ad vrbis portam, publicum ad palum alligatus, vinculorum spiratotum ab ipso collo corpus obuoluitur, & vt supplicium augerent, pectus ipsum arundineo arcu stringitur, quales apud nos vasa circumligant. Dies quinque sine cibo ac potu, quem custodes prohibebant, animo stetit & corpore, quibus exactis in asperiores custodiam remittitur, eaque ipsa tenebatur cum Ecclesiæ Iaponensis pastores gregem suum deferere cogerentur, nunc è latebris suis monet sacerdos noster Paulum, post annua vincula Ianuario mense millesimo sexcentesimo decimo quinto, post varia verborum ac verberum certamina, Christo caput dedisse, ne vitam negaret. Cui socius additus est alius vere neophytus ac tiro, quem Paulus in vinculis suis Christo pepererat, quorum corpora carnifices in vrbis fossas coniecta, debito cultu priuare nitebantur, priuassentque, nisi quidam ad eos inueniendos animum ac industriam adiecisset.

*Post varia
certamina
capite ple-
ctitur.*

Ex eodem sacerdote nostro rescitum Imperatorem, priusquam ad bellum Ozacense Surunga discederet, iussisse vt Christianis quinque pedum ac manuum digiti truncarentur, & ardenti cauterio crucis inusta signum in fronte paterentur. Quorum nomina tametsi nondum certò sciantur, vitæ tamen libro non exciderunt. Verùm hæc aliæque non pauca locorum interualla, nostrorumque, vt dixi, vel absentia vel paucitas nobis eripuerunt, donec otio maiore collecta enucleatius proferantur.

CAPVT XVI.

ANno salutis nostræ 1598. moriens Taicosama Iaponiæ totius Imperator filium reliquit puerum, eumque sui regni nominauit heredem, Is Fideyori dicebatur. Cuius regendæ pueritiæ regnorum Quantô dynastam, Daifusama dicebatur, præter alios aliquot dynastas, primarium tutorem moderatoremque præfecit. Tutores omnes, ut fieri solet, mutuis inter se discordijs primario ianuam aperuerunt, ut quod puero debebat, sibi procuraret. Anno igitur seculari, biennio post Taicosamæ obitum Iaponiæ totius tyrannidem armis occupauit, & Xôgun vel Cûbo-sama voluit appellari. Fideyori verò in arce tota Iaponia nobilissima, & in illius propè cardine constituta, cum moderato censu reliquit. Multos annos tenuit ea gubernandi ratio, sine insigni aliqua, quod apud Iapones rarum est, rerum mutatione: donec anno post occupatum Imperium & nostræ salutis æquè decimoquarto acris eum cupiditas incessit arcis occupandæ, & Fideyori prouinciæ, in qua suspitionis ac metus esset minus, quod sæpe alijs faciebat, cum alia permittendæ. Optabat enim filio ac heredi suo hunc metum eripere, certoque certius imperium in sua stirpe conseruare.

*Imperator
Ozacam ar-
cem Fideyoro
Taicosama
filio eripere
conatur.*

Id ut faceret, noluit aperto Marte uti, ne Taicosamæ defuncti factionem iniquissimo bello irritatam in seipsum prouocaret. Sed (ut est neccendæ fraudis peritissimus) in mille partes se vertit, ut voti compositus euaderet. Verum adoleuerat iam Fideyori, & sub parentis suæ tutela, quæ regnantium fraudes longa reipublicæ tractatione pernouerat, tutoris sui artes diu tutus elusit, donec tandem aliquando in apertum Martem artes eruperunt. Extruxerat, ut huius operis initio dixi, Fideyori templum ingens hortatore tyranno, qui versipellis hoc agebat, ut exhausto Taicosamæ thesauro, filius enervato ærario, bello inutilis redderetur. Fanum illud dedicari tandem oportebat, & simulacrum Daibut, ingentem illum colossus inter numina recenferi. Ad eam dedicationem, quæ in octauam Lunam, id est, extremum Septembrem inciderat, tria sa-

crifi-

crifculorum millia conuenerant, & ingenti sumptu omnia parabantur; & quoniam arce sua exiturus Miacum, in cuius terminis erat sanum Fideyori, cogitabat, ipse quoque Imperator vniuersa fraudis suæ tempus obseruans Ozacam cogitauit. Erupit ea res certis indicijs ac Fideyori inaugurationis illius celebritatem ditulit ne arce sua pelleretur. Interim Imperator Surungam ad se Ozacæ vrbis Gubernatorem accersit, Ichinocami dicebatur, quem sibi arctè deuinxerat, & à fide, quam Fideyori debebat, auerterat. Colloquij publica fuerunt initia, ne secretiora consilia erumperent, de Fideyori grauitè queri, quod in æs campanum, cuius ingentem machinam templo fuderat, characteres nescio quos incidisset, quos in sui contumeliam legi causabatur. Verùm secretioribus deinde congressibus illi aperit, quantopere cupiat Ozacæ arcem sibi ad hæredis securitatem necessariam occupare, illiusque ad id auxilium promissis exigit ac impetrat.

Redit Ozacam Ichinocami, spargitque Imperatoris iram ex machina campanæ characteribus exortam, & suis artibus quas parum astutè texit eò deuenit, vt suspectus haberetur: ac nisi matura sibi fuga consulisset, vitam Ozacæ reliquisset. Ex illius fuga cum cæteris suspicionum causis liquido tandem Cubosamæ consilia patuerunt, vimque vi necessario repellendam Ozacenses intellexerunt. Ergo Fideyori arcem bellico instruere cœpit apparatu, & varios ad se duces, qui superiorum bellorum fortunam experti diu latuerunt, euocauit, è quibus non pauci Christiani proscriptionis suæ refugium Ozacæ repererunt. Interim monetur imperator ab Ichinocami arci male pronisum, illiusque occupandæ spem in celeritate repositam. Ipse igitur quam maximum potuit tumultuari-
Deinde si aperta.

um constans exercitum venire parabat. Interim dum circum Ozacam trium quatuorue leucarum ambitum, fana omnia diruuntur, ædibusque solitudo indicitur, parum absuit quin eadem Sacaium urbem nobilissimam clade damnet. Quod si fecisset, venturo contrà exercitui annonam planè subtraxisset, quæ inde toto belli tempore suppetebat.

Non fuit in Cubosama tanta, quantam oportebat esse, celeritas. nam expectato filij exercitu, non ante Decembrem oblidio cos-

Ozacam Imperator obsidet non sine frequentis suorum cladibus.

Imperator pacem se Gelte simulat.

pit, obsessosque à nulla re imparatos inuenit. In ea obsidione varij fuerunt insultus, ijque omnes obsidentibus aduersi, cum obsessis fortuna miserante conspirarunt, & maximè cum proditione prodita, authore sublato, obsessi per summam dissimulationem obsidentes præstolati, ex insidijs adoriuntur, multosque mortales obtruncant. Imperatoris exercitus ad ducenta millia numerabat, è quibus triginta millia scribitur in hac insultuum oppugnatione sublata. Etiam non pauci inclinantis fortunæ vento auolantes ab Imperatoris acie diffuebant, fuissetque procul dubio extrema senis clades, nisi eam astutia sua, qua plurimum semper valuit, præuenisset. Cum enim videret, se non ad occupandam Ozacam, vti scriptum fuerat, cum euocaretur, sed ad oppugnandam venisse primosque impetus ita tulisset aduersos, vereri meritò cœpit, ne Taicosamæ memoria multos ab occidente sole in orientem filium auerteret, & subito aliquo tumultu tot annorum labores sen experderet, eo maximè tempore quo illorum fructum in posteros suos propagare conabatur. Ad pacem igitur fingendam, obsidionemq; nō iniquis legibus soluendam animum explicuit, quod vt faceret, ex arce, annuente Fideyori, propinquum illius euocat Nobunangæ, qui Taicosamam præcesserat, fratrem, cui multum Fideyori fidebat atque deferebat. Fide igitur publica euocatus, multa cum Imperatore contulit, qui hoc maximè agebat, vt regeret quod optabat, videreturque beneficiū in obsidione soluenda præstare, non accipere. Aiebat potuisse se ac posse quoties vellet Fideyorum perdere, ostendebat literas, fictasne an veras ipse nouerit, plurimorum dynastarum, qui à Fideyori contra se sollicitati auxiliares venire renuerant, dictitabat se non paucos ex ipsa arce prodere illum volentium posse exhibere, sed se Taicosamæ beneficiorū memoriam in filio referuare, neque velle parentem illius, cuius soror hæredis filij sui vxor erat, in extremam cladem redigere, nec suam senectutem, cum vita tota pacem accuratè quæsiisset, bene de se meritorum sanguine sœdare. Verum quoniam suspiciones inter vtrumque recens exortæ in apertum Martem eruperant, nolle se iniquis legibus abire, ne, qui alium perdere potuerat, victus videretur. Cum his alijsque mandatis in arcem redit legatus, à quo iuuenis ex parentis suæ cōsilio ad pacem inclina-

inclinatur, ideo maximè, quod in tumultuario arcis tuendæ apparatus multa deessent, si obsidionē pertinacius Imperator vrgeret, longiusque protraheret. Multi quoque duces militesque aduenerant, quorum fidem tametsi non satis exploratam necessitas admiserat, de quibus non videbatur incredibile credi, quod affirmarat Imperator, fierique posse, ut plures, quod nuper vnum fecisse constiterat, de arce tradenda conspirarent. Vtrinque igitur ficta pax adornatur. rarò enim apud Iapones controuersia, quæ in apertū bellum eruperunt, alia ratione, quàm alterius partium extrema pernicie sopiuntur. Imperator quippe ideo pacē adornabat, ut maiore deinde impetu instauratòque exercitu inermem obrueret, & incautum. Fideyori oblatam pacem etiā parū æquis legibus non respuebat, ut otiosè deinde comparatis sollicitatisque nouis ducibus auctior inclinante ad se fortunam tutius reuocaret. Ianuario igitur mense 1615. certis legibus pax parum vtrinque fida iuratur. Imperator à laceffendo posthac Fideyori abstineret, amicitiam fidelius tueretur: Fideyori è tribus fossis, quibus arx tota cingebatur, duas oppleret. Atque ita ab armis vtrinque, sed non diu, cessatum.

Vtrinque ficta pax adornatur.

OZACÆ ALTERA OBSIDIO ET MORS

Cubosama.

CAPUT XVII.

PAucorum mensium pax fuit, vix enim bene ab armis discesserāt, cum denuo de armis cogitatur. Fideyori diffidentia, Cubosama pudore permouetur: vtrinque fertur ducenta in armis mortalium millia singulos habuisse; cum enim ad Fideyorum alioqui imparem, victoria nuper sæpius inclinasset, mirum nō est plurimos eò secundis famę ventis appulisse. Ergo Ozacam arcisque angustias non ferens, castra castris sub urbem opponit, cum prius Sacaiumemporium in fauillam redegisset, ne quod prius contigerat, hosti annonam, hospitiumque suppeditaret. Verum quia æstate pugnabatur, hostiis caruisse minus nocuit, quàm si rigidior aura pugnaretur. Duabus velitationibus, quæ iusta prælia videri alibi potuissent, Fideyori superior euasit, tertium prælium iustum fuit, in quo denuo Cubosama de victo-

Imperator obsidione iterrata tertio pugnauit insolite.

*Incensa per
proditionem
arce Vincitur
Fideyori.*

victoria desperans adstantes sibi monuisse fertur, vt vbi spem nullam superesse aduertissent, ipsum obtruncarent, ne viuis in hostium manus deueniret. Verum ecce tibi secunda fortunæ aura subito ad proram reflauit, certasque victorum spes momento intercidit. Sanadadonus copias vniuersas pro Fideyori ducebat, is aduertens victoriam non dubijs signis à suis inclinare, misit qui moneret Fideyori, vt certæ victoriæ honorem adepturus in castra properaret, manserat enim intra arcem parenti suæ solatio futurus aut arci præsidio. Venit igitur ardore iuuenili honorem sitiens, parumque fidis custodibus arcem reliquit incendendam. Vix enim bene abierat, cum proditio in fumum erumpens sese prodidit. Antiquiores enim illius asseclæ, quibus arcem fidebat asseruandam interpretati se præ nouis, qui ad herum venerant, ducibus negligi, ac fortasse Cubosamæ largitione corrupti, exeunte Fideyeri in tumultum conuersi arcem incenderunt. Ea res victis animos dedit, victoribus abstulit. nam Fideyori in arcem regrediens, parentem suam, vxorem, quæque potuisset, flammis erepturus, ad salutis curam ab honoris cupiditate conuertitur. Ita subito reflante fortuna miser Fideyori victoria excidit. Quo quid factum fuerit, nondum planè compertum, verum perijsse certius videtur, ideo maximè quod tametsi literis anno 1616. ineunte datis viuere scribatur, & in borealia regna ad factionis suæ dynastam profugisse; recentioribus tamen eiusdem anni mense Iulio, die decimo octauo datis, nulla illius mentio fit, sed Ozaca tantum deleta, nullusq; Imperatoris hostis superesse legitur; qui si viueret præcipuam scribendi materiam erat præbiturus. Graue & cruentum fuisse prælium satis constat, nec in eo titubat fama, hoc extremo bello multa mortalium millia perijsse, si cæteras velitationes in numerum adduxerimus.

Hoc metu perfunctus Imperator, victoria sua inflatus Surungam se recepit, nec dubitauit hunc prosperioris fortunæ successum simulacrorum suorum fauori ex eo arrogare, quod Christi sacra tota Iaponia dijs suis obsecutus exterminasset. Mox igitur ad omnia componenda animum adijciens, Sashoye Nangasaquiensem præfectum Sacai ruinis excitandis præfecit. Itaque cum eare detentus nepotem suum sibi suffecisset, Nangasaquio & Arima pacata omnia

nuncian-

nunciantur. Iulio igitur mense anni 1615. Imperator Ozacam deleuit ac solo æquauit, cùmque sibi videretur spes ætate longiores inchoare, anno 1616. Martio mense, cùm venationi operam daret, *Imperator anno 1616. morbo extinguitur.* morbo corripitur. Cuius vi, ætatisque vitio sensim contrabescens primo Iunij extinguitur, cùm prius Principem eorum, qui Dairi a-
stare possunt (magnates Hispaniæ referre videntur) seipsum nomi-
nasset, nondum satur tot honorum gradibus ac titulis, quos secum libens, si posset, efferret. In arce sua Cunó humari voluit, vbi æra-
rium suum asseruabat. Ita verum est quod veritas pronunciauit, vbi est Thesaurus tuus, ibi & cor tuum erit, non desiderio solum cùm viueret, sed cadaueris quoque societate cùm moreretur. Filius, quem dudum hæredem appellarat, imperij possessionem adiit. neque est vllus qui adhuc repugnarit, recens enim Fideyori clades plus omnibus dedit quod timerent, quàm quod noua factione sperarent. Non creditur tamen sopitum, nisi dolosos inter cineres in-
cendium, quod erumpet breui, denuòque omnia turbabit, neque *Filius eo mortuo im-*
enim hic parenti similis, æquali prudentia vel authoritate poterit *perat pene precario.*
volubiles Iaponum animos continere. Alterum filium parens moriturus videre noluit, vnde nunc nescio qua ex causa proscriptus viuit. De alijs duobus palam senex edixit, vt nisi se intra officij sui limites continerent, capite plecterentur. Quod parentis præceptū hæredi fortasse ansam dabit in fratres maiore licentia, dedecore minore sæuiendi. Multa imperij sui initia largitione fœdauit, itaque se gessit, vt iam nunc precario regnare videatur.

Ad rem Christianam quod attinet, tametsi constet eum nihilo minore odio Christi legem insectari, nondū tamen quicquam mouit, neque beneuolos nobis dynastas à fauore coercet; neque illi eius authoritatem ira verentur, vt Christianos ritus ex odio alieno metiantur. Vnde fit, vt Ecclesia Iaponensis in antiquam reditura speretur libertatem. Nostri maiore iam numero redeunt, suaque munia (occultè tamen) plerisque in locis exequuntur. Nondum tamen sacras ædes aut priuatas instaurare possunt, ne nimia libertate velut mortuo insultantes, malum euocent ac procurent. Ea est omnium neophytorum sententia, qui Principem iudicant demerendum potius cunctatione moderata, quàm præpropera festina-
Christiana res ad antiquam libertatem, sed tamen cautè redit.

tione irritandum. Ita factum est, ut cum religiosus vnus aliquis Nangasaquij cænobiolum extruere, etiam alterius nomine, cepisset, id neophyti tulerint ægerrimè, effecerintque, ut, quoniam res in publicum eruperat, vitandi periculi causa, ab eo qui extruxerat, solo æquaretur. Atque hoc est tandem, quod per hosce annos contigit, ortamque procellam, si nondum sustulit, prorsus interrumpit, nec aliud recentius, cum hac finio, ex Iaponia legimus quam à Iulio M, DC, XVI.

CAPITULUM XVIII.

Quanto numero adultis tempore persecutionis baptizati.

Ocurrebant multa passim in huius historiae scriptione non sine fructu aduertenda, quæ studio in hunc locum, ne historiae seriem importunus orator interpellarem, finem libro quarto impositurus reseruauit. Ac primùm, quo ipso tempore procella desequit, satis mirum est quanto numero neophytorum grex accreuerit. Verum ut fuerit, non antiquis solum temporibus, quod scriptum legimus, Non minuitur persecutionibus Ecclesia, sed augetur, & Martyrum sanguis est Christianorum semen. Anno quippe 1611. quando iam persecutio timeri cœpit, quinque millia, quatuor & viginti (de adultis loquor) Christo se adiunxerunt. Anno sexcentesimo duodecimo, quo anno planè erupit, quatuor millia & quinquaginta. Anno sexcentesimo decimo tertio, quater mille trecenti quinquaginta octo. Anno insequenti, cum iam suis sedibus nostri alijque pellerentur, mille trecenti octoginta. Sexcentesimo decimo quinto, ratio iniri non potuit. Quin imo subductis calculo adultis, quos soli Patres Societatis Iesu ab anno 1598. quo Taicosama Ecclesiae persecutor extinctus est, usque ad annum 1614. quo Patres, ut dixi, expulsi sunt, ultra centum quadraginta millia salutaribus aquis expiasse numerantur. ut è fastis baptismalibus constabit. Dixi adultos, nam infantes qui Catechismo non indigent, ab hoc numero excluduntur. Quis non speret magnos secundis auris afflantibus progressus, quando aduersis ita navigatur?

Aduerto præterea insolitum Ecclesiae huius ardorem, cui non legimus

gimus fere vltquam maiorem, prateritis in seculis, cui non videmus
 æqualem inter hereticos à Catholicis nostro seculo pro fide certan-
 tibus. Tanto quippe studio non paucos, sed prope omnes martyriū
 optare, ad illud tanta cura se comparare, occasione illius vltro qua-
 rere, mœrore affici eos qui exciderint, tanta lætitia exultare illos, qui
 hac sorte gaudent; nec solos illos viros fuisse, ab armorū tractatio-
 ne vitæ contemptores, sed pueros ac puellas, mulieres etiā nobilif-
 simas ea optasse ac tulisse, à quibus natura tantopere abhorremus.
 Quis non videt agnoscitq; in his eandē Dei manum, cuius potentia
 primis illis Ecclesiæ nascentis temporibus legē suam natura, Princi-
 pibus, Orco repugnante in orbem introductā. Eadem est sanè fides
 nostra, eadem doctrina, eadem Ecclesia ad nos nulla interruptione
 per tot sæculorū gradus propagata. Sed dicet aliquis; miracula de-
 fuerunt, qualia nobis maiores nostri vnà cum antiquitatis fide reli-
 querunt. nō defuerunt illa quidē omnino, sed rariora, obscurioraq;
 fuisse non diffiteor. Causam nouerit ille, qui etiam cū non vult, po-
 test, sed ideo fortasse, quod nunc Ecclesia quibusdam pollet adiu-
 mentis, quibus noua carebat omnino: Habet viros literatos quorū
 rationes diuina luce cum influit adhibita, miraculorū necessitatem
 suppleant, quæq; sunt supra naturam, hominibus persuadent. Sed o-
 missis, quæ ad institutum non spectant, his disceptationibus, ad rem
 facit, quod ex hac ipsa obiectione in rem meam traho, videlicet eò
 magis admirabilem, præconiōq; digniorē, & illustrius diuinæ pote-
 statis argumentum, quod Iapones nullis prodigijs allekti, ea tolera-
 runt, quæ alij, qui quotidianis illis è cœlo fouebantur auxilijs. Quis
 enim dubitet fidei meritum perfectionemq; ex eo crescere aut mi-
 nuī, quod ad euidentiā plus minúsue accedit aut recedit. Ego sanè
 miraculū aliud illustrius nullū videri volo, quàm q; externi aliquot
 ac pañosi sacerdotes, balbutiente adhuc lingua, potuerint apud gen-
 tem sagacissimā ac superbissimam efficere, vt sua reiicerent, externa
 probarent: idq; tanta animi firmitate, nihil vt dubitauerint ad ea tu-
 enda fortunas, principum suorum fauorem, carnis illecebras, vitam
 denique ipsam atrocissimis supplicijs exponere, idque ea alacritate,
 qua natura ferimur in ea, quæ his aduersantur. Qui hoc prodigium
 non admittit, neque si aliquis ex mortuis resurrexerit, crederet.

*In solens la-
 ponensum
 ad martyriū
 um ardor.*

*Quid in hac
 persecutione
 maxime ad-
 mirabile.*

Et quàm verum hoc sit Ecclesiæ verè signum, cuius nomen tot hæreticorum sectæ vsurpant, ex alio constat, quod è superiore deducitur. Repete memoria mecum superiora post Christum natum secula quindecim; percurrere mecum Christiani orbis regiones ad vnam omnes; nullam orbe toto repereris, quæ sectam aliquam, ex ijs quas Ecclesia nostra antiquauit, habeat aut agnoscat primam apud se Christianæ fidei propagatricem, multæ multas iam Christo adiunctas in errorem abduxere, nulla tenebras ethnicas etiam suis nebulis potuit vtrumque illustrare; verùm hæc quæ longiorem tractationem requirerent, omittantur, sufficiunt illa ijs, qui sponte oculos non claudunt veritati.

Habet porro Europa nostra gentis nuper sine numine exempla quæ imitetur. Non iudicabitur difficile veteranis catholicam fidem apud hæreticos sanguinis sui sigillo confirmare, quando ad eam rem neophytos habemus extremo in orbe hortatores exemploque suo præcessores. Quis non operam tuam per tot maria, labores, pericula, bene collocatam putet, cùm viderit fructum exculti huius noualis ad messem peruenisse? Quid est, quod nos teneat, quin tantam indolem, tantasque spes per vltiora etiam, si forent, maria conquiramus. Et quibus ad eas expeditiones animus, ætas, valetudo, conditio vel quippiam simile defuerit, nondum à fidei propagatione procuranda se arbitrentur excusatos. Alij eam suo fauore, alij consilio, alij authoritate alij opibus, nos industria, laboribus, periculis, vita ipsa procurabimus. Cætera subsidia, ab ijs, quorum interest, aut quos Deus peculiari beneficio ad id permouerit expectantes. Vnum est, in quo omnes possumus conspirare, si nempe fusis communiter precibus Orco repugnanti nos opponentes diuinum ad res tantas auxilium euocemus.

Libri Quinti Finis.

CHRISTIANIS APVD IAPONIOS TRIUMPHIS

LIBER QVINTVS.

PROOEMIUM.

PErsequar his litteris è Iaponia Goam ante mens aliquot allatis ceptum in Europa opus, & quatuor libris comprehensum, de Christianis apud Iaponios triumphis, qui è gloriosis fidei certaminibus contra gentilitiæ perfidiæ ministros à neophytis Iaponensibus sunt constantissime reportati. Priusquam enim in stationem me meam reuocarem, in Europa commentarium reliqui, iusto volumine quatuor libris comprehensum, quem Christianos è Iaponia triumphos inscripsi, sæptos ab anno 1612. per quadriennium ferè continuum, nam etsi aliquid ex ijs tetigi quæ anno 1615. contigerunt, ea tamen è priuatis Sociorum literis eruera, interim dum iusta narratio solito annalium nostræ Societatis more perueniret, eam è Lusitano sermone acceptam non transfero, sed refero, aut potius ex ea seligo ea omnia quæ Europam nostram sine fastidio lecturam esse conijcio, vulgaria vel potius consueta, vel solum tango vel planè prætexmitto, ne singulis annis repetita non noua legantur sed vetera. Vetera enim sunt in hoc genere quæ à veteribus non discrepant, Quin etiam breuitatem sectaturus hoc biennium 1615. & 1616. non seiungam, sed con-

tinuo filo alterum alteri subiungam, ita tamen ut legenti constet quo singula tempore contigerint. Nec inferiora illa esse video ijs quæ tetrabiblio superiore etiamnum perseverant, modo asperiora, modo leniora, prout Dominus hanc sponsam suam tentare constituit, ex secretorum iudiciorum norma ita dirigens omnia, ut in suam gloriam, in quam omnia decet collimare, vel suaviter vel fortiter, sed nunquam non certo deducantur.

DE POLITICO IAPONENSIS

Imperij statu.

CAPUT I.

Incipiam ab altera Ozacæ obsidione (de priore quippe proximè ut iam arbitror edito rerum Iaponensium commentario agere, & Iaponiam malè stabilita inter Daifu & Fideyori pace nutantem relinquerem memini) Ignem igitur, ut ait ille, suppositi cineridoloso ut in flammam erupserint, quibus arsit Ozaca, totaque Iaponia caluit, dicere aggrediamur. Ex Ozacensis belli fortuna Daifu domum retulerat stragem suorum, eorum æstimatione qui parcissimè scripserunt, ad quadraginta millia, retulerat parum honestæ pacis, ac sollicitati fœderis indignas sua æstimatione, ætate, dignitate conditiones, maximè cum adolescentis tirocinio ac tenuitate comparatus, apud quem reliquerat ducentos exigua strage mortales, eosque de militum grege si duos tresve aliquanto celebriores exemeris, apud eum reliquerat spem Imperij, fortunæ opinionem, ætatis auroram, senij sui occidentis calcibus imminentem.

Ergo ad solitas artes conuersus, quod sibi sentiebat esse non posse perpetuum, in filio statuit omnino retinere, nec ei relinquere spes dubias, nutante prioris belli fortuna inclinatas. Ergo iam iterum perfidus, neglecta nuperrimi sacramenti religione, mittit ad Fideyori, qui suadeat Ozacam relinquere, & maiora sperare, quæ fuisse sed falso promittebat, Non latebant adolescentem parentis sui potissimum artibus instructum, senis consilia, nec facile spe futuroræ præsentia dimittebat, sed quod præsentens nihil dubitauit,
eum

cum collectis denuo viribus ad se rediturum, vt quod arte subter-
 fugerat infortunium, fortuna meliore sarciret, Ergo cœpit clam pri-
 mo, deinde cum vltra tegi non posset, palam militem conscribere,
 & in suas partes quotquot posset euocare, In his numerati sunt
 Francisci Bungenſium quondam Regis filius, & trium qui Taicoſa-
 mæ tempore omnia moderabantur filij, quorum parentes Imperij
 mutationem experti, ſuperioribus bellis perierant, & alij complu-
 rimi è quibus exercitum conflauit, quo centum & ſeptuaginta
 mortalium millia cenſeri dicebantur, ſi ijs credimus qui vero pro-
 prius numerabant; quem exercitum, non vt prius, intra vrbis angu-
 ſtias ſtringere, ſed ſub urbem caſtra metari voluit, quod iam obſi-
 deri nollet, ſed vnius prælij fortunæ vel infortunio iam non dubita-
 ret ſummam rei definire. Exercitum tres omnino moderabantur,
 Ethnici duo, Chriſtianus vnus, Ioannes Acaxicamon appellatus, à
 quibus etiam in omnem belli apparatus commeatus, & cætera
 præliorum ſupellex tempori conuecta colligitur, Quo tanto belli
 rumore finitimæ vrbes & oppida metu correpta, eo in interiora ſe
 recipiebant, quo conijciebat vnusquisque arma non penetratura,
 putabant enim nec temerè irruptionibus tentanda omnia, & alieno
 ſumptu militem continendum. In ipſa vrbe Miaceſi tanto tu-
 multu trepidatum eſt, vt in palatium Dairi ſui, velut in aſylum ple-
 rique confugerent, & in eius ambitu ſubito opere mapalia extrue-
 rent, arbitrati capta etiam vrbe, Dairi non impetendam de more
 maiestatem. Non deſunt qui hunc metum inter aſtuti Daiſu
 artes referant, vt conſtaret ex hac publica trepitatione arma non
 à ſe, ſed à Fideyori moueri, nec violari nuperrimi ſacramen-
 ti religionem, ſed neceſſaria deſenſione cohoneſſari. Quin &
 hoc intendebat, vt iniecta inuaſuri mora ærarium exhauriret,
 & multorum animos armorum languore debilitaret, nec male
 fraus illi ceſſit, quæ quemlibet alium dilatione perdidit, cum
 enim animi nondum eſſet ſatis Principi Fideyori, & Imperij Iapo-
 nenſis potentiam aggredere, defendere ſe non offendere cogitabat,
 quod ſi auctore vulgo metum illius Ducem ſecutus fuiſſet, nã magnam Imperij partem prius oc-
 cupaſ-

cupasset quam senex occurrisset, proprioque parcens ærario ex hostium spolijs militem iam victoris more furem saginasset. Interim Daifu, (quem alias Cubum, alias Imperatorem appello) planè sibi non deerat, sed partim insidijs, partim aperto Marte seipsum comparabat. Insidiarum hoc initium fuit. Onaxari, ex primarijs Fideyori ducibus arcem egressus, à sicario ad eum alloquendum accedente, graviter in altero latere vulneratur, is comprehensus socios coniurationis cum nominare nollit, in frustra discerpitur, sed intra paucos dies tota conspiratio prodita est, illiusque auctores obtruncati, constititque tum demum rupta fœdera non sine sanguine, rei summam, in dubiam belli aleam eruptura. Nam exinde Imperator vicina loca quæ proximo metu trepidabant, præsidario milite cinxit, & sensim Duces alij post alios cum suis turmis submittebantur, donec tandem ineunte Maio Daifu ipse cum filio Xogun, cuius causa maximè agebatur, aduenit, & hic in arcem se Fuximum, ille Miacum recepit, & interim dum se totus vniret exercitus, mentita denuo fœdera tentantur, eo consilio ne iniquo Marte prius cogere decertare, quam robur omne conuenisset. Abest Ozaca Sacajum leucas omnino duas, Emporium tota Iaponia celeberrimum. illius ciues priusquam Daifu adueniret, in vmbra se Fideyori receperant, commeatum & reliquum belli apparatus profusè obtulerant, sed cum Daifu aduenisset, vtrique manu pugnare, vel potius mentiri statuerunt, nam perquam occultissimè ipsi Daifu eadem deferunt, arbitrati se in bello communi communem calamitatem euasuros, sed miseri seipsos, neutrum se fellerunt. Cum enim ab ijs rogatus Daifu, præsidium submitteret, subodoratus Fideyori miles superuenit, qui promissa exigeret, duo millia eo perueuerant ad vitandam suspicionem, non plures; qui cum à Daifu tenuè adhuc præsidium reperissent, euocatis mox auxiliarijs copijs, iussi Sacajum incenderunt eo furore, vt ex emporio nobilissimo intra vnam noctem ne vna domus illuxerit, in qua viginti familiarum millia censebantur, hoc in ædificijs Iaponum ligneis proclue est fieri, credique, sed quam horribile fuerit, non æque proclue est æstimari. Eo ipso tempore, quo Sacajum ardebat, Fideyori Ducem submitit Onaxari fratrem, cum quindecim millium copijs, vt arces duas

Quas vicinorum regnorum Izzumi & Cinocumi inuaderet, quæ arces, Daifu partes tuebantur, sed in vanum cecidit expeditio non sine multis in eo prælio desideratis. Quod ut audiuit Daifu, nihil ultra cunctandum ratus, hominum animos sibi satis conciliaffe, ut hactenus pacem præfetuliffe visus est, exercitus eum comitabatur qualem vix alias Iaponia videre se meminit, sub signis quippe suis expeditum militem, non adductis in numerum impedimentis, ad trecenta millia numerasse dicebatur; eo exercitu per Yamato regni gyro circumducto, primo Iunij priora signa è vicinis montibus sub vespere cōspecta sunt, quem exercitum iam toto biduo Fideyori cum suo iam intra castra distributo, satis fidenter expectabat. Postridie primo diluculo, duo exercitus Ozacensis Duces singuli cum decem millibus velitaturi, descensuros ad pedem collium præstolantur, & iam ad manus ventum erat, diuque dubio Marte pugnabatur, sed tandem Ozacenses ab Imperatorijs fugari cœperant, cum alij Duces duo, in quibus noster Ioannes, prælium restaurarunt, & renitenti fortunæ virtutem opposcentes hostem coegerunt in suos se montes, unde exierat fuga recipere. vtrunque cæsi sunt multi sed Ozacensium plures ijque ex prima nobilitate, Ioannes ipse glorie saucius ad suos redijt victor.

Die iterum insequenti, Iunij tertio, exercitus duo in ingenti planicie totum illum diem ad secundam horam post meridiem in armis quieti constitere, vel ad prælium se parentes, vel dubij fortasse quid agerent, in eo enim prælio Iaponensis Imperij fortuna nutabat; Daifu veteranus Dux, Marti artem additurus, fingit se diuiso impetu velle urbem varijs in locis inuadere, ut hostis sui vires quoque separaret, Interim in vnam partem egregium militem selectosque Duces euocat, ut primo impetu hostem aggressi victoriam ad se inclinarent, quam deinde reliqua turba persequeretur, nec Ozacenses fraudem aduerterant, sed in suam quisque stationem sese recipientes repugnare potius quam pugnare parauerunt.

Vix benè altera hora post meridiem ad occasum declinabat, cum duo exercitus impetu factō coeunt, sed eo impetu quo quisque res suas in ea Imperij concussatione tuebatur. Primum Ozacensium agmen ducebat Sanada vnus è tribus summis exercitus Præfectis &

cum eo aliū, Morinus vocabatur. Hi militum ē Quanto Imperatoris partium primum agmen eo impetu repulerant, vt tertio quarto uē cederent, mox vt apparebat, fugam paraturi. Eo tandem res adducta est, vt ex Xogun exercitu nonnulli iam fugam caperent, ipseque idem parabat, nisi à suis detentus paululum restitisset, quin ipse Daifu victoriam desperans, propè iam sibi ventrem de more lace-
rabat, cum ecce tibi repente fortuna conuertitur, satis leui euentu subito inclinata. Onaxari numerofo agmine, Fideyori vexillum habebat sibi commendatum, is nimis inconsultè victoriæ gaudium non vltra ferens, in urbem regreditur, ipsum Principem, qui prælio aberat ad victoriæ gloriā euocaturus; cum vexillo fortuna quoque regressa est, nam primò creuit hostibus animus, quasi cum sui Principis vexillo fugerent, inque urbem se reciperent Ozacenses, deinde digressio iam in prælium Principe, cum nihil minus cogitaretur, armata intra urbem coniuratio, ignibus in varios vrbs angulos iniectis, sese prodit, quæ fumo suo Imperatorijs victoriā reuehens prælium tanto impetu restituit, vt iam Ozacenses de vita magis quam de Imperio solliciti, fugam nullo ordine arripuerint, quemque via necessitas abducebat.

Ea omnia intra duas non amplius horas expedita, victoriā minimè dubiam Imperatori reliquerunt, qui suos statim classico à prælio reuocans fugientibus viam aperuit, & pontem, vt aiunt, strauit argenteum, qua parte apparebat plerosque fugam adornaturos, ne forte, si de vita certamen esset, desperatio prælium instauraret, & qui nollent mori, deinde vincere se denuo posse non desperarent, Iter itaque Miacum versus paruit fugientibus, eo die reliquo & nocte tota insequenti. Ferunt ex ea parte plerosque & nobilissimum quemque diffugisse, quin & ipse Fideyori cum parente, diu creditus est fuga salutem inuenisse, sed cum iam sesquianno toto nusquā, ne fama quidem indice comparuerit, credibile vix videtur huiusmodi Principem, diligentissimè ab Imperatore filioque conquistum latere tanto tempore potuisse; Dilabente iam exercitu, Imperatorij in urbem inuadunt, nemini parcentes, nec etiam suis, cum alij vix alios agnoscerent, urbem vniuersam populabundi incendunt, evertuntq;. Sub noctem qui intima arce adhuc Fideyori partes tueban-
tur,

tur, desperatis rebus eam incendunt, & horribile spectaculum exhibent, cum tota arderet Ozaca, quam ex optimis Iaponiæ urbibus sæpè annales nostri cantauerunt. Cuius cladis, solitudinis, incendij adeo tristis fuit facies, vt lōga narratio superesset, si singula prosequer. Sed neque hoc est instituti nostri, neque apud bonos æstimatores opus esse pluribus iudicau. Hoc solum addam, Iapones vulgo arbitrari, nullum aliud prælium exijs quæ apud se celebrauit antiquitas, maiorem mortalium vim intra duas horas absumpsisse, cuius numerum tamen si plus alij, alij minus augeant, centum millibus tamen plerique circumscribunt, ferunt ipsum flumen Ozacense altum alias, alueoq; latiore, cadaueribus oppletum, velut pontem fugituris aperuisse, & ad duas retro leucas cum sanguine flueret, aquis suis, velut metu contractis, refugisse.

Parta victoria, Daifu Miacum redit totius Iaponiæ nobilitate stipatus, & quasi iam demum Imperium occupasset, sibi iam recens videbatur imperare. ibi præmijs propositis eorum capita, qui à Fideyori steterant, illumque ipsum ad se adferri & adduci iuber, imperata fecere permulti, & viuos illi multos multorumque capita intra paucos dies stiterunt, & in cæteris ipsius Fideyori septennem filiolum ex illegitimo toro susceptum, quem tota Miacensi vrbe per ignominiam circumductum voluit obtruncari, quem ferunt animo supra ætatem efferuescente, ipsi Daifu præsentem exprobrasse, quod iusiurandum solemni, quoad fieri potest, ritu conceptum, bis per summum nefas violasset, Multi deinde mortales omnis ordinis in hac ipsa causa iugulati, & vt in posterum spes omnes coniuratis rebellandi præscinderet, voluit extemplo toto regno, vt reguli omnes, quotquot sub Imperij, quod ipsi Tenca vocant, legibus viuunt, arces suas omnes diruerent, vna excepta, quæ illis ad habitandum permittebatur. Nec fuit, qui atrocissimo huic mandato sit ausus repugnare, dirutasque ferunt intra breue tempus arces tota Iaponia minimum quadringentas. Quibus tandem ita compositis Surungam ipse ad suam Imperij sedem, Xogun ad suam Yendo se recepit, dimissis ad suos regulis omnibus ac milite, quibus vsus in hoc prælio nobilissimam victoriam reportauerat, quæ vtrum Ecclesiæ Iaponensi comodè ceciderit nec ne, num forte magis optari

poterat, ut in Fideyori declinaret, vtrunque dubitari posse video, sed quia hoc ad sequens caput spectat, in quo de eius statu agitur vniuersim, in eum locum quæstionem differemus.

Non diuturna fuit Imperatori victoriæ fruendæ mora, quippe quod nihil sit in humanis rebus durabile, vel hoc exemplo patuit, venerat ille iam ad votorum verticem, in fortunæ rota tenebat apicem, cum horrendo casu miser in æternam calamitatem è summa felicitate prope in momento gustata descendit. Nam 8. Martij, anni 1616. graui super ætatem morbo corripitur, cumque se moriturum intelligeret, filium suum principem, quem Iaponensis Monarchiæ relinquebat hæredem, aptis temporis monitis ad ritè gubernandum instruebat. In his fuit, ne cum Dynastis ac Toparchis subditis iam iniret subito rationem, qua se videbar perpetuo vsum, aliud iam tempora, aliud pacem vna cum Imperio partam postulare, conaretur sibi omnes animi facilitate ac lenitate demereri, nisi si fortè vnus aliquis pernicax eam facilitatem verteret in contemptum, talem enim oportebat collecto exercito per seipsum persequi funditusque delere, neque enim aliter Iaponensis imperij possessionem posse conseruari. Addebat his qua se ratione cum fratribus gereret, nihil illis aliud, inquebat, moriens lego, præter id quod à me viuo donatum possidebant, tuum erit prout eorum in te merita postularint, ita fratres remunerari, quorum si fortè quispiam aliquid in te peccauerit, non omittes eum pro delicti ratione mulctare, nec eorum vitæ parces, si criminis fortasse id postulauerit magnitudo; nec in hac re hominum obloquia vereretur, neque enim id immanitati dabunt, quod à parente mandatum sciuerint, extrema morientis voluntate. Hæc ille aliaque huiusmodi plura, tandemq; Iunijs Calendis, eodem propè die quo nobilem illam victoriam, anno superiore reportarat, diem clausit extremum, & breuia huius vitæ gaudia, tam late fusi sanguinis humani, sed maximè Christiani reus, cum tormentis æternis infeliciissimus commutauit.

Hæres imperij, quem perpetuo Xogun appellabo, adita nemine interturbante Imperij Iaponensis Monarchia, sedem suam vbi hætenus habuerat, in vrbe Iendo reliquit, Surunga quæ parenti sedes fuerat, fratrem suum Fitachidonum reliquit arcis custodem, nō thesauri,

thesauri, quem senis cupiditas conseruata tot annos in Imperio pace compilarat, eum enim ad se transtulit, ne fratri esset ad coniurandum incitamento. Cætera solito cursu fluunt, neque ad Nouembrem 1617. de vlla mutatione scribitur, nisi quod è Sinensis Regni Prouincia Fuquiana à negotiatoribus nunciatum Amacao scribitur, ipsum quoq; filium, & nihil aliud, perijisse. Ex hoc rerum publicarum statu vniuerso ad Ecclesiæ faciem & Societatis nostræ veniamus, tum per singula loca in quibus olim domicilia nostra sita erant, excurrentes peculiarem vbique rerum statum; in hac temporum varietate memoria dignum exploremus.

ECCLESIAE IAPONENSIS FACIES

uniuersim.

CAPUT II.

Non immerito dubitari potest, si rei euentus humanis rationibus exquirendus est, & in alteram partem controuerti, num Ecclesiæ Iaponensi commodius cecidisset, Imperij summam ad Fideyori redire, an in familia vt factum videmus, Daifu remanere. Nam etsi pacata semper Ozacæ omnia quantum per Principem licuit nobis fuere, nec vnquam vt alibi sæpè publicè fuerit Euangelij cursus per eum impeditus, tametsi etiam in eius exercitu strenuam illi operam Christiani multi, tum maximè Ioannes Acaxicamon impenderunt, eratque satis credibile fore vt officiorum memor, rei Christianæ laxaret angustias, id nih lominus initio duntaxat futurum non temerè conijcitur, Nam ille doctus à vidua parente, se nullam Imperij repetendi spem humanam habere, totum se ad colendos Deos beneficijsque prouocandos conuerterat. Duo simulacrorum genera colunt Iaponij, alterum Camis, alterum Fotoques vocant. Priores Deos putant humanas res moderari, easque mortalibus pro arbitratu diuidere, pro ratione meritorum his fortunatas, alijs infelices. Posteriores Dij, futuræ vitæ bona partiri posse creduntur. Ergo Fideyori de alia nondum vitâ sollicitus, totum se ad colendos Camis contulerat, nec propè vllum erat tota Iaponia Fannum illorum celebrius aut opinione vulgi sanctius quo non eius

Ccc 3

bene-

beneficia penetrassent, ille sana instaurabat, extruebatque, ille sacri-
ficulorum cœnobia dotabat, ille ad omnes munera submittebat. O-
zacæ restituerat intermissam diu supplicantium pompam, in quam
annis singulis dicebatur minimum aureorum sex millia profun-
dere, vulgo vt dicerent omnes, pendente adhuc belli fortuna, il-
lius euentum magis ad Camis, quam ad Fideyori pertinere, qui
si Principem toties de se benemeritum ad Imperium non euehe-
rent, nemo noluisse, sed omnes non potuisse, credituri non teme-
rè videbantur. Ad hæc cum eius parens Taicosama iam inter Ca-
mis relatus, vulgo coleretur, præliorum numen appellatus, cui tum
alibi sana multa, tum Miaci molem illam insanam de qua superio-
ribus annis, erexerat, quis non metueret eam legem, cuius calculo
diuini honores Parenti vulgo dati negabantur, diu illi placere po-
tuisse, quin eam rebus iam confirmatis, cum Christianis non egeret
auxilijs, acrius insectaretur fortasse, quam hætenus Daifu fecerat,
cui res minus quam de parente colendo cordierat. sed vt vt sit, hoc
saltem ex eo prælio consecutum est, vt de inanium Deorum aucto-
ritate multum decesserit, dum vel, si noluerunt ingrati, vel si non
potuerunt, infirmi ab omnibus iudicantur. Quin ipse Daifu cæ-
teroquin & ipse superstitiosus in paucis, victoriæ insolentia di-
citur præliorum numini, quod filium in prælio destituerit, in-
sultasse.

Verum enimuerò non inferior ex alia parte metus, eoque ma-
ior quo præsentior, non timeri sed teneri videbatur, nam è tribus
primarijs belli ducibus sciebar vnum fuisse Christianum, eumque
in paucis fidei ardore præstantem, quem habuerat etiam in alijs præ-
lijs cum Imperium occuparet, cum reliquis Fideyori tutoribus Re-
gni que moderatoribus, contra se conuirsatum, quem cum tot iam
annos plectendum inquirat, hodieque quærat, non est dubiũ furo-
ris illius, quo in eũ ferebatur, partem in ipsam Religionẽ deriuatum
iri. Ad hæc ignorare non poterat in exercitu Fideyori neophyto-
rum vexilla multa crucibus Iesu nomine, D. Iacobi effigie, ac simili-
bus insignita contra se militasse, vt non omnino temerè suspicari
potuerit, Christianum nomen, vna cum suis hostibus contra se con-
spirasse. Quid quod propè ipsius prælij tempore Ozacam euocati è

nostris

nostris duo, totidem è D. Francisci familia, nec non & vnus è D. Augustini ordine alijque duo sacerdotes indigenæ ad Duces militēsq; Christianos diuinis misterijs confirmandos accurrerunt, quod si ad aures eius peruenit, vt facile est peruenisse, suspicionem auctum iri nihil dubitandum. Ex his eiusdemq; generis alijs futurorum argumentis, neophyti non videbantur temerè nouam procellam augurari, ad eamq; solitis præsidijs ad diuinam opē euocandam vtebantur. Nullus erit finis, si sacramentorū frequentia, si orationis, eiusq; potissimum quæ in 40. horas excurrit, assiduitatem, si spontè susceptas corporis flagellationes, si cōtracta sodalitia inter viros, mulieres, ac pueros, si institutas de martyrio collationes, si huiusmodi sexcenta cōmemorauero, ea si nusquā cōmemorabūtur, vbiq; factitata solito etiā accuratius intelligi velim, nusquā desiderata, nusquā remissa, multoq; minus prætermissa. Quin potius in tanta temporū varietate, cultorumq; penuria satis mirū videri debet, potuisse neophytis tota Iaponia sparsis, ex ordine omnibus subueniri. magis admirabile, quod subiungam, potuisse nostros è suis latebris cum tot neophytis paucos, tot ethnicos ad Christum adducere, nam hoc biennio adulti bis mille nongenti Christo nomen dedisse scribuntur, quibus si addideris eos qui à Christo defecerant, & ad eum redierunt, profecto magnum laborem magna messis est consecuta.

Sed quid pepererit tandem non omnino vanus neophytorū merus videamus. Nihil eorum hic commemorabo quæ priuati Dynastæ suis in ditionibus, propria auctoritate, turbarunt, hæc habent priuatum suis locis locū, sed quid ab Regia velut Imperij fonte in reliquum Iaponensis Ecclesiæ agrum eluisionis redundarit, & quidem eo anno toto qui victoriam est consecutus, vsq; ad obitum Daifusamæ, magnum in Regia de Christianis rebus silentium, fortasse quod occupati rerum nouitate animi, dum proprijs cōmodis consulunt minus curant aliena. Verum ex mortuo vix aliquot mensium fuit quies; nam septembris mense anni 1616. in Christianos edicta publica renouantur, quæ tametsi maximè ex eo dimanarint, quod filius vestigijs parentis insistere se per omnia profitetur, habuere tamen hanc quantum assequi potuimus, de ijs renouandis cogitandi occasionem. Annis superioribus relegatos in Tzugaru
ad

ad ortum Insula scriptum est permultos Miaco, & aliunde Neophytos, ut ibi eruendis syluis & noualibus exercendis, Dynasta illius regionis operam darent, In ea Iaponia parte, hoc ipso anno iugens annonæ caritas fuit, quod Nangasaquij cum esset auditum, collata stipe aurei trecenti corrafi, è quibus Oriza coempta, Nangasaquio ad proscriptos nauigauit, vnde factum est ut eorum necessitati temporis consuleretur, priusquam eo deueniret penuria, ut indigenæ ipsi exhaustis herbis & oleribus, mortales multi fame interierint, neophyti, ad quos egestas primo peruentura putabatur, non incommodè publicum incommodum tolerarent; Pupugit ea res quæ probari debuerat indigenas, atque adeo Dynastam ipsum, moleste ferentes homines apud se proscriptos, & ad vilia colonorum damnatos officia, commodius habere quam ipsos qui in patria commorabantur indigenas, Ex eo euentu Dynasta fremens inuidiæ causam arripuit in Regiam in hanc sententiam ferè scribendi. Monebat multos esse tota Iaponiam contra edicta Neophytos, quod ex eo probabat, quod qui apud se exulabant, collecta trium millium aureorum stipe (trecentos enim iam Fama vel inuidia ducta per decem proportionem multiplicauerat) à collegis submissa Oriza commodè famem, quæ indigenæ multi periissent, hætenus tolerabant, quæ summa non faciliè cogi potuisset, nisi magna esset etiamnum in Iaponia Christianorum multitudo, His adde quod eodem tempore nauigium Lusitanorum cum Malacam peteret in Iaponiam, quod subinde contingit, aberrarit, eo nauigio è nostra Societate duo & alij religiosi totidem vehebantur, alijs etiam nauigijs quæ è Philippinis & Couehinchina redierant, aliqui è nostris & Iaponenses duo sacerdotes in Iaponiam appulerant, quæ omnia Corrocu Nangasaquiensis gubernator pro Sasioie patruo suo non potuit ignorasse, qui ne quis eum præueniret, misso in Ægiam cursore monuit Xogun eorum qui in suum portum recens appulerant, addiditque insuper extra hos, plures alios in mentito habitu passim & impunè per varia loca diuagari, Ex alijs quoque portibus etiam peiora nunciabantur, nam è regno Tosa in Insula Ficocu scribebatur nauim vnã, dum è noua Hispania in Philippinas ferretur, orta procella eo delatam ægrè in portum confugisse, cuius sociam deinde scri-

describent in Saccumano portu consedisſe, priore naui ferebantur è D. Franciſci familia duo, & alià plures, quatuor videlicet & viginti, ex eodem ordine, qui ſe ex Europa delatos aiebant, legatione miſſa in Europam inductos, quæ ab ipſo Imperatore adornata dicebatur, de qua legatione parum hiſtemporibus opportuna, alias meminime ſcribere, quæ utinam plura non pariat mala, & hoc primum ſit extremum. Saccumanus Dynaſta de hac re ipſum Xogun admonuit in hunc modum, veniſſe Hiſpanam nauem, quæ religioſos habebat 50. è quibus media pars iam exſcenderat priuſquàm ipſe monitus impedire potuiſſet, eos qui exſcenderant, neſcire ſe ubi deliteſcerent, ſed monere tempori, ne in hoc negotio remiſſus haberetur, Ita ille multis mendacijs, opera ſine dubio ſacrificulorum confarcinatis, obruenſ totius rei veritatem.

Ex hiſ omnibus excaudit in Chriſtianos Tyrannus, & pro eo quo rem Chriſtianam proſequitur odio, in quo ipſum etiam parentem ſuperabat, factus iam ex imperandi libertate potentior, ſua in Chriſtianos edicta in hunc modum renouauit; iubet igitur ſuo nomine à ſupremis Imperij gubernatoribus diploma conſcribi, ab omnibus Iaponiæ regulis ſubſcribendum, in hæc verba, Haſ literas nomine ſuæ Maiſtatis ſcribimus. Quoniam Daiſu tanto rigore vetuit legem Patrum, adhibere omnem curam, ut ne vel vnus in veſtris ditionibus, tametiſi colonus ſit, aut è qualibet ſæce vulgi, eam legem profiteatur aut ſuſcipiat, & ſi contigerit Luſitanorum naues aut Hiſpanorum, Anglorum etiam & Hollandorum, qui eandem legem ſequuntur, in portus veſtros appellere, ne permittatis eos merces exponere aut exſcendere, ſed in portus noſtros Nangaſaquium, vel Firandum amandate; Sinarum porro nauigia, quocunq; in portu maluerint, liberam habeant negotiandi facultatem, Octauæ Lunæ octauo, & in 13. Septembris noſtri ceciderat. Diploma hoc per varios curſores quaqua verſus diſmiſſum, ut exceptum fuerit & executioni mandatum, per ſingula loca videbimus, quo eam rem, quæ non vbique fuit æqualis, ſum arbitratus pertinere. Hoc edicto tametiſi Nangaſaquiennes non excipiebantur nominatim, tamen excipi videbantur, quod nominatim nihil in eos dicebatur, & ſanè cum ijs nihil fuiſſet innouatum, niſi quorundam nimius

fortasse feruor crabrones irritasset, id quomodo acciderit ad eum quoque locum pertinebit.

DE SOCIETATIS IN IAPONIA REBUS
vniuersè.

C A P V T III.

HOc biennio in Iaponia nostri minimum nouē & viginti, summum tres & triginta numerati sunt, ex ijs duo Nangasackij laboribus perfuncti quietem inuenerunt, sacerdos alter, alter rerum temporalium adiutor, Iaponius vterq; Sacerdos Mancius Firabaixi, alter Mancius etiam, sed Misogachi dicebatur, sacerdoti mors ingentibus doloribus euocata, maximam quoq; diuinorum solatiorum vim euocabat, quibus delibutus hæc verba Iob sæpius magnoq; sensu repetebar. Hæc mihi sit consolatio, vt affligens me dolore non parcat. Reliqui è nostris qui ad hanc prouinciam spectant, Amacai ferè degunt, vel in Insulis Philippinis, sed ibi plures hic pauciores. De omnium spiritualis exercitationis consensione & in virtutibus progressu nihil dicam, memor institutæ breuitatis.

Nostrorum omnium in hac vinea excolenda labor est incredibilis, ex temporum iniuria duplicatus. nam excolendi sunt eodem quo prius numero Neophyti, sed à paucis non eodem numero colonis, qui etiam, si Europæi sunt, nunquam nisi in tenebris publicum vident, aut ex vno in alium locum migrant, ne diuersitate vultus ab indigenis dignoscantur; ij tamen si nusquā certas sedes habent, plerumque tamen ijs in vrbibus aut oppidis degunt, vbi prius domicilia habebant, hoc vnum discrimen est, quod vnus, labore in orbem redeunte, aliquot locorum sepè curam gerat, vnusque multorum vicem suppleat, denique nunc Iaponensis Ecclesia suos sacerdotes habet, & reliquos rei Christianæ ministros, non secus atque Anglicana suos, qui è latebris mentitoque habitu procreant vel parta tueri, vel quærere noua quæ tueantur, hoc solum discrimen est, quod latent nostri operosius, ex ipso vt dixi vultu, sermoneq; atq; adeo, vt aiunt, ipso incessu pro Europæis facillimè dignoscendi: sed hoc etiam est leuius, quod fere non est æquale in ethnicis

cis odium religionis Christianæ, illi odio quod est in hæreticis contra Ecclesiam Catholicam & priuatim contra nostram Societatem.

Sed quoniam de ingenti nostrorum labore, quo hanc vineam vel tumentur à procella, vel instaurant illius stragem, operæ pretium est aliquorum Patrum testimonia referre in huius rei argumentum. Ita scribit ex ijs vnus. Nullus est in hac mea domo locus, præter vnā cellulam, cui per ianuam & fenestellam duorum palmorum lumen immittitur, in ea vixi clausus diebus his continuis sexaginta, non sine ingenti labore propter æstum intolerabilem, iam sex dies, ex quo in alium pagum concessi & cælum aspexi, sed in antrum meum me actutum recipio, quod in hoc loco latere non possim, Alius scribit in hæc verba: Intra hunc annum ter iui Cocuram (metropolis est Regni Bungenfis) non sine ingenti labore & euidentī vitæ periculo, nocturnis horis iter faciebam, diurnis confessiones excipiebam, nec sæpius egressum esse, fuit ex mea voluntate, sed eorū apud quos dego, & qui huius Ecclesiæ sunt primores, à quibus pendet mea in hoc regno statio, tantas in omnibus angustias patior, in obscuris mapalibus, æstum, frigus, famem vsq; adeo vt non meminerim alias me pati plura, è quibus omnibus tertio quartoue in ægritudinem incidi, Non semel contigit, cum noctu iter facerem per abrupta, pede labi, & cum ipsis pedibus laceris cadentē, lacero vultu assurgere, sanguine subito, erumpente. facile constat hæc parū carni grata ideo suscipi, vt Ecclesia hæc sibi constet, & aliquando restituat nobis neophytos docendi libertatem, Alius aliunde scribit in hanc sententiam, Hoc tempore non deest nobis meritum sēges, clausus viuo in tenebris, & horas canonicas recitaturus ad rimam accedo, quæ lucis aliquid admittit, Mapale meū stramineum est, in ipso solo stat, humidum supra modū, vnde intra paucos dies ingentes laterum dolores contraxi, qui neq; stare me, neq; iacere permetterent. hospes meus nec famulis suis fidit omnibus, quod eorū aliqui etiamnum ethnici sint, sed neq; filijs, quos gr̃as nondū silere docuit, quia nondū timere, atq; ita nesciant hic me cū alumno meo latere, cibū clā nobis submittit, eumq; sæpè tardissimè. Cib⁹ est Oriza, aqua & sale cōdita, dū coquitur, cui ad delitias aliquid falsi piscis accedit, si cōfessionis causa excurrendū est, id noctu fit postquā omnes

Iam sopiti creduntur, sæpe ad mediam noctem, sæpe in auroram ex-
currimus. Et nihilominus cum his alijsque incommodis, maiori-
bus solatijs afficimur, quantum nuper nostram retinebamus li-
bertatem, neque hæc solatia in solo sunt spiritu, in corpus ipsum vi-
dentur præ copia redundare, nam intra paucos dies ex ijs doloribus
conualui, & alias ægritudines, quibus olim tenebar expuli. Alius
quoque inter cætera hoc affirmat, vëscimur ad mensuram, ac velut
vnciatim iam dudum, cibus est Orizæ pila, eaque propè cruda, quæ
mihi clam per foramen iniicitur ab ijs qui me domi suæ occulta-
runt, loco angustissimo, non fidentes etiam eiusdem domus inqui-
linis, & ex his incommodis non solum non exigæger, sed solito va-
lentior, & morbos quos antea patiebar, hac velut dieta decoxi. Fu-
it aliquanto alius ex partibus Cami scripsit, in hæc verba, Iam te-
re biennium est, ex quo de domo in domum, ex oppido in oppidum
perpetuo sine vlla quiete demigramus, ne hos neophytos animo
ad ferendam persecutionem destituamus, latitamus in Iaponum
mapalibus, cibus insuetis vëscimur: perpetuo, non nostra sed hospi-
tium nostrorum causa trepidamus, ne tennes illorum fortunas ac vi-
tam ipsam in discrimen vocemus, & metus noster post Ozacense
bellum accreuit, ex eo quod Daifu iubente, nusquā non essent ex-
ploratores, qui coniuratos inuestigarent, qui si in nos incidissent,
par erat eorum periculum, qui nos occultabant, quod contra eius-
dem edicta, tota Iaponia proscriptos domi suæ occultarent, & quo-
niam externi sumus, non possumus æque latere, vt in Anglia sacer-
dotes Angli, nos ipso vultu signum, quo prodimur gestamus, vnde
non æque proum est, vt illis, occultari. O nos felices si hac causa vi-
tam posuerimus. Hæc ille, De alio quoque scribitur sene illo & cui
anni ad onus erant satis, ingressum sibi fecisse facilem in urbem ad
quam euocabatur, baiulum mentiendo, & nocturnis horis onu-
stus sarcina, eo penetrasse magno suo vel neophytorum solatio,
qui boni senis industriā caritatemque maximopere suspexerunt. Alia
his similia permulta contingere, quæ materiæ similitudo à descriptione
liberat, maximè quod id ipsum magis constabit ex ijs, quæ per singu-
la capita infra narrabuntur.

Sed non nostri solum in suis laboribus ac periculis exultabant,
ipsi

ipsi neophyti magistros secuti, certatim nos excipere etiam cum capitis fortunarumque periculo gestiebant. & si quando cautè ac timidè nostros custodirent, nostrorum periculum, non timebant suum. Nobilis matronæ breues literas huius rei testes subiungam, ad nostrorum in Iaponia superiorem. Ludouica illa dicitur, Soror Didaci Fato Cangayamo noti nostris annalibus, ob veterem illam insignemque in tuenda fide constantiam. Ex eo quod Dynastæ nostro (scribit illa Bungi) scriptum sit Miaco vnum è Societate sacerdotem comprehensum, nō defuit qui nobis suaderet, vt eum quem domi habemus, Nangasaquium remitteremus, verum maritus Ichinocami affirmat, quod, vt maxima sit Miaci vel alibi persecutionis furia, nihil sibi noui posse contingere, quod non ea determinatione qua sacerdotē excepit, abundè contineatur, quod si creuerit inuestigandi solertia hostibus nostris, nobis crescet occultandi cura, qui si tandem proditus fuerit, votorum nostrorum faciet nos compotes, quibus etsi peccatores ad offerendam Domino vitam nostram ex singulari eiusdem beneficio aspiramus, vnā cum nostro Patre, in cuius gratiam libentes, quæ Dei causa est, moriemur, & si fortè P. V. eum reuocauerit, sciat nos semel iterumque ac sapius repugnatos: Nam si quid Miaci erit periculi, ne Nangasaquium quidem erit immune, & quo euidentius erit periculum, eo ardentioribus votis Patrem retinemus, Deoque seruimus. Hactenus Epistola, quam hic exhibui velut exemplar cæterarum, quas vt brevis sim prætermitto, ad singula iam tandem ordine solito descensurus.

DE NANGASAQUIENSI

Ecclesia.

CAPUT IV.

Qui oppidum Nangasaquienſe, emporeum ad mare tota Iaponia celeberrimum, Chriſtianæ religionis aſylum, contra idolatriæ perfidiam appellari, Nangasaquium ſuis coloribus vno velut lineamento depinxerit, eo enim plerique à patria pro fide proſcripti profugiunt, fortasſe vt hi omnes, cum reliquis alibi comparati, propè numero excedere videantur; De ijs nolo com-

Ddd 3

munia,

munia, quæ vix sine illorum iniuria commemorari possunt, quasi quis dubitet non esse hodie, quod semper fuerunt Nangasaquien-
ses exulum hospites, pauperum parentes, martyrum raptores, so-
dalitiorum auctores, sacramentorum si, dicere liceat, helluones, o-
rationum publicarum institutores, corporis afflictionum inuentor-
es, denique vt vno verbo cætera comprehendā, Ecclesiæ Iaponen-
sis absolutissimum Christianæ pietatis exemplar. Eam urbem præ-
ter alios religiosos & indigenas sacerdotes fere quatuor, è Societa-
te nostra septem hoc tempore in latebris suis incolunt & excolunt,
ex ijs quatuor inter se urbem partiti munus suum exercent, reli-
qui tres, neophytos ferè suburbanos; ad eos excipiendos certa-
tur à ciuibus tamen si proposita morte, ne hoc facerent, cum pelle-
remur inhibiti sunt, sed non deterriti: solent dicere se nunc in
hac procella videri sibi beatiore, quod domi suæ sacerdotes exci-
piant, quod quietis rebus, cum domicilia nostra incoleremus, non
licebat. Tempia omnia & collegium, ac reliquæ sedes nostræ stare
permittuntur, sed clausa sua solitudine squalent, & nō bis cū lugent
sordidata. Verum dici verè potest pluribus locis modo sacra fieri,
& neophytos conuenire quam prius. Nam plurimis suis in domi-
bus oratoria pereleganter adornarunt, ad quæ sacerdotes euocati
sacra peragunt, eaque omnia faciunt, quæ in templis ante consue-
uerant, tantusque est concurrentium, vbi rescierint, globus, plus
vt nunc laboretur in ijs continendis, quā olim in ijsdem excitandis.

Non idem fuit hoc biennio rerum status Nangasaquij, toto eo
tempore, quod ab Ozacensi victoria ad Daifum mortem, & aliquot
alios deinde menses pax fuit, qualis per reliquā ferè Iaponiam,
pax inquam nullis nouis edictis irritata, sed magis bellicis rumori-
bus potius, quam vlllo principum fauore bellum intermissum. Edi-
ctum porrò septembri mense ab hærede scriptum, vt cap. 2. Dixi-
mus, Nangasaquij tum nihil admodum res commouit, nam edi-
ctum est publicè, vt Christiani suæ religionis exercitia domi conti-
nerent, nec vllus ethnicus aliunde commercij, vel alterius rei causa
commeans à Christianis in gregem suum adscriberetur. Verum
postea cum Nangasaquij comodè res fluere, sed fortasse minus
caute ageretur. quam tempora suaderent, nouis edictis cautum, ne
quis

quis sacerdotem quemcunque exciperet: eiusque criminis pœnam non ea solum domus sustineret, quæ illum occultabat, sed vicinæ decem, vtrunque quinque luerent non inæqualem, quod in edicta regia peccantes non prodidissent, qui modus iam diu apud Iapones inuectus, vix quicquam esse finit occultum. quibus edictis Europæi religiosi quatuor, primi in hac persecutione iugulum fidei causa ferro præbuerunt, Hæc vt se habuerint aggrediamur enarrare, sed quoniam hæc Omuræ gesta sunt, non Nangasackij, quæ in toto Regno Figen persecuturi, Pauli cuiusdam insigne martyrium prius illud tempore præmittemus.

IN REGNO FIGEN PAVLVS TAROSVQVE
profide obruncatur.

CAPVT V.

XImadonus Figenfis Regni maximam partem Dynasta, priusquam in Christi fidem hæc edictorum, ab Regia fulgurum murmura detonarent, non alienus esse à Christianis videbatur, sed in hoc tumultu ad Imperatoris nutum factus, acriter apud suos instigit, vt Christum abdicarent, nam præter exilia neophytum quendam, cui Pauli Tarosuque nomen erat, extremo supplicio in hac ipsa causa damnavit. erat is ex Regno Iamaxiro Miaci natus & educatus, sed in Regno Chicungo, in eius metropoli Christum agnoscens à nostris fuerat baptizatus. Idem ante aliquot annos factus iam Regni Figenfis incola, in eius metropoli Riuzogi artem inaurandi discebat. In prima huius persecutionis procella, cum eo prima illa in Christianos edicta iubente Daifu peruenissent, magna in vrbe fuit perturbatio, ad detegendos, vocandosque Christianos instituta. quin ipse Pauli magister, & eiusdem collegæ qui eandem artem discebant, è viuendi ratione Christiani illum agnoscentes, acriter apud eum institerunt, vt Christo terga verteret. diu restitit ille, donec intra cubiculum retruso, minarentur se illum nisi negato Christo educturos. Nutauit ille non nihil, ac dubie locutus, vt solueretur impetrauit, sed huius fraudis ita illum deinde pœnituit, vt denuo sit protestatus apud eosdem, se fuisse esse.

esse, ac semper fore Christianum, tamen si eorum minis victus non nihil nuperrime titubasset. Inde ad sacerdotem quarendum excurrens peccatum suum magno poenitentis animi sensu expiauit, & in posterum pro Christiano se gessit, nihil veritus edictorum rigorem, vitæque quod adibat ex ea professione periculum.

Exacto post hæc biennio, cum denuo recruduissent edicta, denuo etiam Paulo nostro sua prælia recreuerunt, urgente vrbis Præfecto vicini amicique instant ut Christum eiuret, renuit primum fortiter & obfirmate, sed cum exscripsissent chirographum, quo se Christi sacra deserere profitebatur, arrepta manu effecerunt, ut per vim subscriberet, in quo tamen non omnino culpa videtur caruisse. Id chirographum ad vrbis Præfectum defertur, vicinis ratis se homini magnum vitæ conseruatæ beneficium contulisse. Interim Paulus iterum poenitens, quod iam secundo Christum turpiter deseruisset, conscientia iudice torquebatur, non illi cibum sapiebat, non somnus obrepebat, satis dubio quid ageret, & qua ratione se ipsum à sui ipsius carnificina liberaret, neque enim illi tum suppediebat præsens remedium, absentia sacerdotis. Constituit ergo ad ipsum vrbis Præfectum pergere, palinodiam recantare, chirographum repetere, sed dū differret vel metu, vel fortasse pudore impeditus; ecce tibi diuinæ procul dubio providentiæ nuntius, qui ipsum ad martyrium destinaret, occasio labitur in manus eius, quod maxime tum cupiebat, peragendi, cui cum vberiore influxu gratia succurrisset, animosior solito, de tyranno cœpit triumphare. In ea quippe cogitatione positum, ut ad Præfectum pergeret, missus ab eodem iustitiæ minister, pulsatis foribus interpellat; admissus in ædes profert chirographum, dicit vrbis Præfecto minus placere quod in eo desit, quam Iaponensium sectarum suscipiat, quemue sacrificulum eligat in magistrum, cuius etiam sacrificuli magistrum admittentis chirographum desideraretur. Irruit in Paulum Spiritus Domini, arripit chirographum, lacerat, comburit, & in hæc verba deinde prorumpit, Dic amabo te, Præfecto, me non solum non aliud chirographum scripturum, sed quod ex eo tempore, quo ad hoc ipsum subscribendum me cogi permisi, nullam ceperim quietem, mali quod à me commissum lugebam, conscientia perturbatus,

batus, & apud me iam ipse statueram ad illum ipsum adire, chirographum repetere, & de fide mea dubium, extremo responso fidei meae reddere certior, deliberatum esse mihi vivere morique Christianum, super quo negotio requisitus quoties placuerit, ipsi me sistam, & calicem Domini mei post hac nihil dubius epotabo.

Redit internuncius ad Praefectum, qui audito responso nihil ultra tentandum, aut cunctandum ratus, mittit eodē die 24. Octob. 1616. nocturnis iam horis, militum manum, qui non sine ingenti tumultu Paulum nostrum in custodiam publicam, vinculis onustum pertraxerunt, ibique adhibitis excubitoribus dimiserunt, ibi iam demum sibi persuasit, se non nisi caeleste iter arrepturum, è vinculis istis dimittendum, frequenti se oratione, altiore voce concepta ad felicem exitum comparabat, & memor quam tepidè se ut potius trepidè semel iterumq; se in Christi confessione gessisset, ex impetratis à suis custodibus, funiculis flagellum armat, eoque manum induens, totam vnam sine vlla intermissione noctem, pernox se flagellat, donec aurora exeunte, à flagellatione fatigatus abstinuit, stupere qui audierunt, ad tor verbera custodes, nec satis capiebant Pauli, Christianæque religionis, quo moriturus videbatur, ardorem. Postridie porrò matutinis iam horis, neophytis valedicturus, ad quinque nominatim, quibus familiaris usus fuerat, breue hoc expedit epistolium. Ardens desiderio, vitam in obsequium Dei ac Domini mei Iesu Christi consecrandi, vinctus teneor isto carcere, si morti adiudicatus fuero, magni eam rem aestimabo, & Deo meo multis gratulabor, rogo vos igitur, vt eidem Domino accuratè me commendetis. nona Luna. die 15.

Eo ipso die sub vesperum, minister Praefecti venit in carcerem, & in Paulum sententiam mortis enunciat, quam ille eadem animi ferenitate excepit, qua cupiditate exoptarat, Compellato deinde illo, cui sciebat exequendam sententiam demandari, rogat illum ferriò vt in crucem ageretur, habere se depromptas è Christiana disciplina causas, cur hoc ipsum postulare, negat ille, causatus deesse ex mandato vel tempus, vel apparatus, eum iussu Dynastæ obtruncandum. Acquiescit Paulus, & è vinculis, vt coniecerat egressus, in cælum se ferri iam cogitabat, & cum venisset ad locum, impetrato

Ecc
ad

ad orationem spatio, sanctissima Iesu ac Mariæ nomina inuocant primo ictu iugulatur, Octobr. 25. cum annum ageret ætatis plenitudinis Christi tertium supra tricesimum. Nondum expleta sæuitia Iaponius carnifex sicam probaturus, truncum cadauer altero ictu aggressus, prope illud circa pectus in duo frustra diuisit, ac deinde vili storeæ inuolutū, in vicino agro terræ commendatur. Caput vnus ex satellitibus secum detulit, ratus fortasse Præfecti mandato pro murorum pinnis, vt sæpè fit, exponendum, sed & illud storeæ fragmento etiam obuolutum humatur, donec vtrumq; clam neophyti rapuerunt, & Nangasaquium, vt asseruaretur, tulerunt.

Non eadem fortuna vsus est alius in eodem regno Figenfi, qui cum iussus est occidi, nulla sua culpa votis excidit, & coronam martyrij, sed non meritum, vt speramus, amisit. Is olim apud suos sacrificulus fortè Nangasaquium venerat, & ibi conspecto Christianæ religionis ardore exarsit & ipse, & necessarijs præceptis imbutus baptizatur, & domum reuersus, abdicato sacrificuli munere legitimas nuptias cum supersticioso cœlibatu permutat, Is quo tempore renouatur in Christianos procella, interrogatur à nescio quo idolorum cultore, ex ea secta, quæ Dæmonem ipsum sine alio numinis fuco veneratur, esset nec ne Christianus? Non sum, inquit, ex optimis, sed quoad vires meæ ferunt, eam legem profiteor. Vadit ethnicus ad Præfectum, prodit hominem, & mox submissis famulis iubetur occidi; quod cum noster præsensisset, obuius fit suis interfectoris, domum abducit, frugali conuiuio pro sua tenuitate excipit, quæ humanitate, quod minus optabat, aut cogitabat, impetrat. Hortantur hominem igitur tanta humanitate capti, vt se tantisper subducatur, dicturos se tyranno, se fuga lapsum non reperisse. Absit, inquit ille, vt oblatam pro fide mea moriendi occasionem abijciam, perficite quod habetis in mandatis, præsto sum. Attoniti hoc responso diu substiterunt, & tandem hominem dimiserunt, sibi fidentes Præfectum ab hac sententia, quod & fecerunt, abducere, quo euentu fortis Christi athleta tantum doloris concepit, quantum alter gaudij, qui præsentem mortem illæ sus euasisset.

OMVRÆ DYNASTIA RELIGIOSOS EVRO-

paos, quatuor è singulis ordinibus, singulos obruncat.

CAPUT VI.

Nondum in hac à Daifu commota in Christum tempestate vltus Europæorum Ecclesiæ ministrorum obierat, cum fuisset hæcenus in solos indigenas proposita morte sæuitum, externi sola proscriptione plectebantur, sed tandem aliquando Domino placuit quæsitæ post tot maria coronas, quibus paratæ ab æterno fuerant, elargiri; nam è quatuor religionum ordinum familijs, quæ in Iaponensi hodie salute desudant, videlicet D. D. Dominici, Augustini, Francisci & Societatis Iesu, è singulis singulos elegit, quos eodem ferè tempore hac martyrij gloria insigniret, quod etsi adhuc parca manu concedi videtur, spem tamen acuit fore vt in posterum plures eandem gloriæ societatem consequantur. Id hac occasione scribitur accidisse.

In his postremis fidei certaminibus Daifu, & filius cum Nangasaquiensibus mitius sese semper habuerat, nam etsi deleto Nangasaquio, religionis Christianæ iugulum peti videbatur, ille tamen vt erat externi commercij cupidissimus, noluit illud emporium Lusitanorum portum acrius quam edictorum minis, & interdicto palam religionis exercitio, dimissisque fidei magistris, nec aliter diuexari; id maximè patuit, cum annis proxime superioribus, Arimensibus instaret Saffoye, cum suis tamen Nangasaquiensibus sæuire tam diu distulit, dum Ozacensis belli rumor minas inturbaret. Quin etiam hoc ipso tempore, cum tota Iaponia nefas esset aliquem in suis terris, etiam è vulgo tolerare Neophytum, à solis Nangasaquiensibus exigebatur, vt religionis suæ exercitium intra domesticos parietes continerent, nec posthac ethnicum vllum Christo aggregarent. Ex hac Nangasaquiensium velut immunitate, cœpta est ibi maiore quam fortassis oportuerat libertate res Christiana tractari; id ex eo accidit, quod cum ibi Religiosorum ordinum quatuor, & aliqui sacerdotes indigenæ delitescant, nullusque sit cui sede vacante pareant omnes, sed singuli suum superiorem agnoscant solum.

hinc fit, vt non sit vna rei Christianę tractandę ratio, & licet in eundem scopum, non eadem omnes tamen via collimant, sed arbitrat̃ur vnusquisque suum esse optimum quod concepit. Ex neophytorum etiam parte, quicquid est in hoc genere diuersitatis, ex eodem quoque fonte procedit, quod ijs contingat id quod olim scribit Apostolus, Ego Apollo, ego Cepha, ego verò Pauli. Alij putant Imperatori, quoad fieri potest, salua fide parendum, tempori consulendum, & orta procella libertatis vela nonnihil contrahenda; alij Zelo ducti, faxit Deus vt sit secundum scientiam, feruori suo indulgentes turpe putant, cedere, latere, conuiuere.

Ex hac nimia libertate constare cœpit Iaponiæ vniuersæ, esse Nangasakuij, contra duorum iam Imperatorum edicta, sacerdotes, cum enim illud sit emporium, in quod commercij causa negotiatores ethnici vnde quaque conueniunt, ad suos hunc de sacerdotibus rumorem referebant, & simul suspicionem, non paucos fortasse alibi, & tota Iaponia multos occultari. Huius rei fama cum ad supremum Imperij senatum delata peruenisset, & ita vt iam dissimulari, salua Imperatoris auctoritate, vltra non posset, totam rem ad ipsum Xogun detulerunt, veriti ne, qua alia via, res ad eum suo periculo penetraret; nam cum soleat Xogun, ex quo Imperium adeptus est, secretos quaque versus expedire inspectores, quos Nangasakuium etiam non dubia fide venisse ferebant, facillè erat suspicari eum nihil eorum quæ Nangasakuij gererentur, ignorare.

Id temporis Omuræ Dynasta, nepos Bartholomæi Omurandoni in Regiam iuerat ex more, sub initia redeuntis anni, eum igitur supremus senatus negotijs breui expeditum remittit cum mandatis, vt Nangasakuij diligenter exploret, num quem sacerdotem è latebris eruat, & contra edicta fecisse deprehendat, ferunt eum initio nihil aliud in mandatis habuisse, quam vt deprehensos denuo ex Iaponia tota dimitteret, sed postmodum nouis mandatis, vt morte mulctarentur imperatum. Hoc autem negotium huic Dynastæ, quam vlli alteri demandatum, non id solum vicinitatis iure, sed quia anno 1614. vt omnes emitteret, eiusdem curæ fuerat commendatum, vnde & hæ, prioris velut negotij reliquiæ, videbantur ad illum quoque iure pertinere. Et hic est Dynasta filius Tangodoni,

qui Tangodonus cum è cunis ipsis Christi fidem ad multam ætatem eduxisset, demum ante annos aliquot Christo terga verterat, & ad simulacra redierat, subditos suos, quoad potuit secū trahens, & cum tandem huic filio suo Mimbudono ditionem tradidisset, reseruato sibi censu, quantum satis esset ad familiam sustinendam, tandem inopina morte periit, cum sororē suam Marinam Augusto mense 1616. visitasset, doloribus correptus acutissimis, à quibus iudicio priuatus, intra biduum extinctus est, sed ad institutam narrationem redeamus.

Non fuere ita secreta, quæ Omurenſi Dynastæ fuerant demanda, quin Nangasaquij obſcurè tamen prorumperent. Ergo Urbani magistratus, qui omnes sunt ex selectissimis Neophytis, inter se deliberabant, quid de Patribus rogati responderent, adeunt igitur Prouincialem nostrum. (Prouincialis enim Amacai degebat). vt aliquot Amacaum amandaret ijs nauigijs, quæ in Cochinchinam propediem solutura dicebantur, posse cæteros è nostris in vicina loca tantisper emitti, dum exploratorum primus seruo teperceret, vt etiam possent rogati non falsò affirmare, nullum delitescere Nangasaquij sacerdotem. Visa est superiori non iniqua magistratuum postulatio, ergo ijs nauigijs quinque dimisit, cæteros in opportuna loca ita dispertiuit, vt tamen subitis neophytorum casibus, sacramentorum præsidia non planè deessent. Idem fecere Religiosi cæteri, quorum alij, cum soluere se simulassent, clam redibant in portum, alij denique alio dilapsi, urbem vel omnino reliquerunt, vel intra illam cum nostris per paucis, quam occultissimè se occultarunt.

Vix benè rebus ita compositis, nauigia è portu soluerant, cum ecce tibi Omurandoni familiares, velut aliud acturi, solertissimè sed frustra sacerdotes inuestigant, nec desuere qui Iudam imitati è Neophytis facti sunt proditores, nusquā enim id genus hominum deest, quod Apostolico duodecim collegio constat minimè defuisse, qui tametsi confessionum prætextu se regerent, non fuere tamen ignoti. Cum nihil Omurenſes proficerent, ex oppidi moderatoribus quæ runt, vbi delitescerent? si eos temporari proderent, nihil sibi, nihil hospitis, qui eos occultassent, mali creaturos, si alijs indicij proderentur, omnes legum recens latorum atrocitate mulctan-

dos, sed quotquot interrogati sunt, candidè se de Patribus, ubi late-
rent, ignorare responderunt, nec ipsi fallebant quæsitores, si qui e-
nim Nangasaquij supererant, ita paucis conscijs latebras elegerant,
ut sine mendacij conscientia cæteri, quod erat, affirmarent. Nan-
gasaquij ergo tum quidem Patrum exploratio sine ulteriore iniu-
ria conquieuit, nam cum Omurensis Dynasta Patrem habuerit
Auumque Christianos, & ipse quoque infans sit baptizatus, facilè
Christum profiteretur, nisi pluris faceret ditionis quam animæ sa-
lutisque iacturam; Præterea optandum erat Dynastæ, post accura-
tam inquisitionem nullum reperire, ne si multos deprehendisset,
remissus, cum illos eiecit, fuisse videretur.

Hoc igitur rerum statu Nangasaquij relicto, ex quo sequens
narratio dependet, ad martyres hoc nobis capite propositos venia-
mus. Ex ijs qui à Prouinciali Nangasaquio dimissi sunt, ut jam
diximus, P. Ioannes Baptista Machado vnus fuit ex Insula quam
Terceram Lusitani vocant, oriundus, illi Neophyti Omurense
& Insulares in Goto visendi incumbabant; ergo ad suam sta-
tionem Nangasaquio emissus numerum minuebat & munere sum-
gebatur, & ut videas martyrij lauream non esse neque currentis, ne-
que volentis, sed misentis Dei, qui videbatur extraictum teli re-
motis in Insulis tutus, capitur, & qui Nangasaquij vel sub urbem
latet, quæ sit etiam nominatim euadit. Nam Omurense ex ijs
quæ Nangasaquij didicerant, affecuti sunt, multos quidem ibi nu-
per delituisse, sed eorum nonnullos postremis nauigijs abiisse,
alios alio dilapsos Nangasaquium reliquisse. Mittuntur ergo
exploratores terræ marique, nam sicut Omurensis Dynastæ rebus
consultum non erat, plures deprehendere, ita ad ostentatio-
nem industriæ cupiebat vnum aliquem alterumue, non plures au-
cupari.

Primus itaque qui in exploratorum manus incidit F. Petrus ab
Ascensione dicebatur, è D. Francisci familia, proditus est ille nebu-
lonis indicio, qui sacerdotem ad ægrum confessione expiandum
mentita pietate disquirebat. Captus est non procul Nangasaquio, in
pago, cui nomen Quinquizu, in terris Isafai, & in Omurensem ditio-
nem abductus in locum, cui nomen Cori, excubitorum fidei com-
men-

mendatur, eo quoq; ipso tempore in sacerdotem indigenam, Nangafaquio scapha soluentem, exploratores inciderunt, qui tamen ut erat indigena, nescio qua arte, sed tamen exploratorū manus euasit.

Egressus igitur noster Nangafaquio, circa loca vicina & in Omurenſi ditione se in exercendo ſuo munere detinebat, quod in Inſulas nauigandi non eſſet opportunitas, & cū deinde tranſmiſſionē pararet, aduerſis ventis repulſus, Firandū petijt, facilius, inde ut aiebant, tranſmiſſurus. Interim dum nauigandi comoditas expectatur, noster ſolitis ſuis munijs occupatus Nangafaquio monetur à ſodalitio quodam, cui prius ille præfuerat, ſpargi rumore conſtare iam in Inſulas amandatū, eo exploratores ad eum comprehendendum nauigaturos, rediret potius Nangafaquium, ſecurior ibi futurus, nam inueſtigatores inde, nomine deprehenſo, diſceſſerant; aut ſi mallet, ex eo portu in partes Cami curaret ſe transportari, poſſe ibi ſine periculo præſens periculum declinare. Accepit ille hoc nuncio, inſtituta ſuper hac re ſeria ad Deum præce, conſtituit ſe non alio, quam quo à ſuperiore mittebatur, abiturum, nihil temerè fieri, cum ſit quod iubetur. Neophytis verò gratiam habuit, addiditque ſe, ſi in locis ſuæ curæ commendatis caperetur, duplicem coronam manere, alteram martyrij, alteram obedientiæ. Exploratores prædam ſecuti, in Omurenſi ditione Patris veſtigia ex auditis ubiq; conſeſſionibus odorati, non enim deſuit qui proderet, eumq; quacunque tranſierat, perſequentes demum Firandum peruenerunt; ſed iam in Inſulas noster vocante repente vento, breui nauigatione tranſmiſerat, eoque peruenerat Aprili, anno 1617. in portu, qui Canoco vocatur exſcendens. Et quoniam iam de eius aduentu exploratorum literis moniti erant magiſtratus. poſtridiè quam appulerat, dum pœnitentibus aures daret, ingreſſus eſt adoleſcens, quem ſibi deinde ſuſpectum fuiſſe Pater dicebat, à quo moniti extemplo magiſtratus in ædes irrumpunt, eo ipſo tempore quod iā expiatum pœnitentem abſoluebat, abſoluendi formularitè pronuntiata noster aſſurgit, & magiſtratibus obuius factus, cum audiſſet ſe ab Omurenſi Dynaſta ex Imperatoris mandato comprehendendi, quod eius ediſta neglexiſſet, ita reſpondit. Hæc vincula non refugio, ſed ea ſunt, quæ ab ipſa Europa in Iaponiam

uſque

vsque quæ siturus adueni, nec vlli hoc nomine succenseo aut quicquam queror, quin potius Deum obtestor, vt ijs qui ad hoc mea vincula quicquam contulerunt, hoc peccatum dimittat & condonet.

Omuram reuehendus noster, aduersis ventis biduo detinetur, quo biduo, magistratibus volentibus, sacrum fecit, & SS. Sacramentis Neophytos expiauit, eosdemque magno spiritu cohortatus dixisse fertur, se septennem puerum de laponia inter suos audisse, ex eoque tempore ad eos Christo adiungendos animum concepisse, vnde nunc exultet in Domino, quod suorum se votorum etiam supra spem summum videret assecutum. Nauigium conscensurus, custodes suos rogauit, vt vinciretur, sed non obtinuit, quod dicerent, nihil esse quod vinciretur is, qui vinciri cupiebat. Soluentes igitur veniunt in Insulam, iam in Omurense ditione, in qua nautas & neophytos dimiserunt omnes, præter Patris alumnus, qui summis precibus vix à ministris impetrauit, vt comes esset magistro, quod dicebant se solos quærere sacerdotes, nec habere in mandatis vt religiosum laicum comprehenderent, etiam deprehensum. Impetrauit tamen bonus alumnus, Leo dicebatur, tum quidem vt Patri comes esset, postea etiam vt vinculorum, ac deinde coronæ particeps in eandem martyrij gloriam vocaretur. Inde moram iniicientibus ventis non nisi 29. Aprilis Omuram deueniunt, vnde postridie iam nocturnis horis, cum facibus incensis, abducitur ex eo in locum, vbi F. Petrus tenebatur, qui ex tumultu se ad iugulum peti suspicatus, in orationem incumbere aggreditur, cum ingreditur noster; eaque vinculorum Societate non parum est vterque recreatus, hic nouis precibus Leoni certandum fuit, vt iisdem vinculis teneretur, quod tandem agentibus victis impetrauit, ac sedulo quibus in rebus potuit, vtrique ministrauit.

Ex hac sua custodia literas scripsit ad aliquos, è quibus ternas, quarum exempla ad manus meas venerunt, à me impetrare non potui quin hic infererem, nihil prolixitatem veritus, sua vt spero pietate salutarem. Ita igitur ad eum scribit, qui Nangasaquij nostris præerat, 3. Maij. Hodiernus dies est duodecimus, ex quo comprehensus sum. Deo gratias ago, quod eam mihi quietem dederit, vt
nihil

nihil magis cupiam, quam eum vitæ statum, quem in hoc ergastulo sum consecutus, eidem gratias ingentes habeo, quod ex ea hora, qua me video detineri, nihil aliud occurrit, quam quod me in cruce fingam, aut sub iectu sicæ laponensis. Benedictus sit Dominus, qui ad hunc modum suos selatur, pro se vel exigua patientes, vim verborum sacræ scripturæ, & robur spiritus, quod conferunt, nunquam alias sum assecutus, nisi ex quo me video in hoc rerum statu constitutum: atque ita Imperiorum orbis in vnum collecta potentia non videtur mihi vnus è terra vermiculi vires æquare. Facile intelligo me in hanc rem nihil conferre, totumque esse Dei ac Domini mei beneficium, cum quo, & pro quo in finem decertabo. Vnum dolebo, si eius causa parum pati me contigerit, jam est quadragesimus dies, ex quo ingenti dolore crucior, qui ex huius carceris, qui est in media palude, humiditate ita increuit, vt nullam quietem capiam, id in magnis Dei beneficijs repono, vt quoniam hactenus mecum mitius agitur, hos dolores, qui similes sunt mortis doloribus, à Deo immisos alacriter feram, & inueniat Dominus quo me probet, cum præter peccata mea nihil sit, quod me afficiat, non carcer, non ipsa mortis expectatio. Hactenus illa.

Ex alijs literis, 17. eiusdem mensis Maij datis, excerpti quæ sequuntur. Afficior vestrorum laborum & angustiarum recordatione, sed Dominus, qui hæc ita deiponit fines suos habet, quos nondum assequimur, & quoniam causa ipsius est, & ille omnia moderatur, credi debet eum omnia ex maiori sua gloria, & huius Ecclesiæ nostroque omnium bono directurum. Hæc me cogitatio contentum facit, eique gratias ago, quod mei memor fuerit, cum animum subministret, quo labores omnes, totiusque mundi tormenta, pauca esse mihi fingo, quàm nihil sit, quod ex me possum, quàm multum, auxilio eius instructus. quod nunc experior, Bonus Iesus eos qui se ipsi tradunt non deserit, quæ promissis explet ad amissum, nemo eum inuocauit, qui non eum inuenerit, non deserit suos in vinculis, in tribulationibus non derelinquit, & ideo diuina eius lex iugum, quod semper est duorum, appellatur; vt soli patiamur, ipse non patitur. Id iugum etsi natura sit plerumq; insuaue, tamen est & vocatur, quia socium habet, qui, quod est

ponderis, in se suscipit, & ita nostræ infirmitati accommodat, ut non patiatur nos tentari supra id quod possumus. Gratulor igitur ex animo Deo, eiusque me voluntati accommodo, tametsi velis me incommodiore ergastulo ad diem iudicii detineri, nam si de me ita disposuerit, vires quoque in huius itineris longitudinem suppedirabit, si me voluerit è contra vitam hodie reddere, quam in eius obsequium impendendam accepi, beneficio gratus non repugnabo, satis certus, quod ut ut fuerit, me tametsi peccatorem indignissimum non derelinquet, & ita cum Propheta dico: factus est Dominus refugium pauperi, & adiutor in tribulationibus, Iesum Christum habemus pro refugio, quotquot eius causa omnia relinquimus; sumus enim pauperes, habemus fidum in tribulationibus adiutorem, qui tempore subuenit opportuno, velut amicus semper & ubique fidelissimus. Hactenus ad eundem literæ.

Ad alterum denique scripsit in hæc verba: Captus sum in Goto, cum ad absolvendi formulam manum erexissem, eâ pronuntiata, magistratibus occurri, ea dixi quæ Dominus id temporis in os immittebat. Huc in Cori pertractus sum, & custodior diligenter, utinam etiam aliquid in eius causa paterer. Benedictus sit ille, à quo maiora meritis beneficia suscipio. Affirmo Ræ Væ & ipsissimam scribo veritatem, Præsentem rerum mearum statum, cum totius Orbis imperijs vel sæcularibus vel Ecclesiasticis neutiquam permutabo, nunquam alias vixi mea sorte æquè contentus, nunquam æquè hilarem me sensi, nunquam æquè sine cura sine sollicitudine me reperi. Benedictus sit Deus à quo ita copiosè compensatur tantillum illud, quod in eius causa toleramus. Nunc quod vincula patior, ut Evangelij præco, videor mihi iam aliquod de munij Societatis Iesu affecutus. Hactenus noster, iam velut entheatus, diuinoque spiritu correptus, animo suo indulgebat, ut videas ab eo sperandas hoc euentu vires à quo conferuntur, nec timenda pericula, quibus eripimur à potenti Dei manu proprijs viribus omnino diffidentes.

In suo carcere, dissimulantibus magistratibus, nostri à die Pentecostes ad alteram diem post festum SS. Trinitatis, in quem incidit eos plecti, quotidie sacrificium missæ obtulerunt incru-

entum, mox de se cruentum oblaturi. Eo ipso die, qui fuit Maij secundus & viceſimus, Dynaſta miſſo internuncio vtrique ſignificat veniſſe ab Regia ſupremi ſenatus mandatum, quo maſtari iubebantur, quod illa ipſa nocte vt fieret, imperabat. Eum nuncium vterque hiliaris vel maximè excepit. P. F. Petrus dicebat ſe, per eos dies ſacrificantem vel orantem aliud nihil à Deo poſtulafſe, & quod auditus eſſet, ſe Domino maximoperè gratulari. P. Ioannes Baptiſta reſpondit ſe tribus in vita ſua diebus, præ cæteris, maximo gaudio delibutum, cum ſocietatem ingrederetur; cum nuper caperetur; & nunc cum de morte moneretur. Abijt cum vtriuſque reſponſo ſenator internuncius, & athletæ noſtri, ſe ad agonem comparabant, & proluxius orantes, modo in ſilentio, corde clamabant, modo in externam vocem erumpentes Chriſti in cruce pendentiſ effigiem piè amplexati cum eo ſuauiſſimè colloquebantur. Deinde mutuo ſe mutuis peccatis expiarunt, ſimul ſe vterque flagellauit, tum pſalmos aliquot cantu elatiore decurrerunt, & cum aliqui ad eos, vulgata iam fama, concurriffent, aptis eos cohortationibus accendebant. P. Ioannes Baptiſta, poſtquam eſt de morte admonitus, breuiſſimè ad ſuperiorem ſcripſit in hæc verba. Hac ipſa hora laureatus ad me martyrij nuncius aduenit, morior ſolatio plenus, quia pro bono leſu morior, ago illi gratias, quod me licet indignum, tam inſigni beneficio affecerit.

Cum iam dies vergeret in occaſum, impiæ ſententiæ miniſtri conuenerunt, vnus ab ethnico ſenatore Nangaſaquiendi miſſus, alij tres ab Omurenſi Dynaſta deſtinati, iubent Patribus cibum parari, ſed illi iam ſe nullo ad ſuſtinendam vitam cibo indigere profeſſi, qui ad eam ſuſtinendam duntaxat debet adhiberi, ac tum denuo alter alterum de peccatis couſitentem excepit, tum ſimul Litaniarum ritu ſanctos in auxilium omnes euocarunt, quibus expletiſ è carcere emiſſi, ad locum martyrij perrexerunt. Aberat iſ leuicam ſerè dimidiatam; geſtabat vterque manu ſuam crucifixi effigiem, & ſubinde ex itinere alter alteri ſuccedens, neophytos qui multi comitabantur, exhortabatur ad ea, quæ tempori erant opportuna, ſed quoniam omnes ingenti planctu eos proſequebantur, non ſatis fuerunt, quæ dicebantur aſſecuti, cum ad locum ven-

cum esset, alter alterum tenerrimè amplexatur, P. F. Petrus ad Neophytos conuersus orationem habebat, quæ cum senatoribus prolixior videretur, à P. Ioanne Baptista, qui hoc aduerterat, vt finem faceret admonetur, Tum denique breuiter alter alterum à peccatis confitentem absoluit, ac denuo se inuicem complexantur, & elata voce salutatis extremum Neophytis, alter ab altero nonnihil seiunguntur, vnde se inuicem intuiti, cum nescio quid essent collocuti, quod neophyti non assequebantur, latissimè arriserunt. Tum ex Neophytis vnus Damianus dicebatur, qui vinctis magno amore ministrarat, & vnus ex adhibitis custodibus fuerat, qui solus ex ijs nunquam à Christo defecerat, vtrique stoream suam protulit, in qua genibus positis obtruncarentur, ne vt aiebat, cum ruerent capita, in solo volutarentur, verum illi eodem vterque sensu renuerunt, affirmantes, corpus è terra factum, & in terram rëditurum, nusquam melius quàm in humo nuda posse volutari. Ergo tandem reiectis storeis, in genua ruunt, manibus in coelum erectis, & hoc situ compositos illico obtruncarunt. P. F. Petrus primo ictu truncatus ruit prior. De Ioannes Baptista cum primum vulnus excepisset, errare carnificis, nondum truncus assurgit, ac iterum in genua ruit, Iesum ac Mariam inclamans, & tum tandem tertio duntaxat vulnere obtruncatur. Mortuos neophyti cum ingenti deslerent vlulatu, lachrymas ipsis qui aderant senatoribus excitarunt, & neophyti alius super alterum ruentes ad sacrorum pignorum venerationem irruerunt, quin & ipse, qui Nangalaquo venerat senator ethnicus, vnum è famulis, quem sciebat esse Christianum, vt idem faceret admonuit, si enim in vlla lege salus est æterna sequacibus, in hac deesse non potest, quæ mortem excipit eo hilaritatis sensu, quo alius quilibet vita donaretur. Neophyti deinde de martyrum capillis, vestibis infectis sanguine, herbis, humo, lapillis harpastum exercentes, omnia rapiebant. Quin & alumnus Leo, qui à magistri latere nunquam discesserat, Sudarium quoad potuit, illius sanguine infectum, secum retulit, nescius se breui eadem laurea coronandum.

Vtrique Sarcophagum Neophyti attulerant, quo conditos
opta-

optabat Damianus illico terræ, quæ iam aperta erat, commendare, sed concurrentibus vndeque neophytis; vt id fieret, non nisi expletis omnibus, videndo, deosculando, plangendo impetratur. Magdalena Christiana mulier, sindonem, qua P. Ioannes inuolueretur obtulerat. Socius storea inuoluitur. Postridie missi à Dynasta viri supra centum, sepulcrum, extructo pariete cingunt, honoris, vt aiebant causa, & ne ex alijs locis neophyti subducta cadauera pro thesauro, alio asportarent.

ALII DVO RELIGIOSI ET CVM ITS LEO

alumnus noster in fidei causa plectuntur.

C A P. VII.

EXtincto Magistro, lugebat Leo suam orbitatem, fortunamque suam, quod vna cum eo mori non licuisset, serio deplorabat, ignarus futurorum, nam expletis omnibus, inde abductus à ministris in eundem carcerem reducitur, & traditus quinque custodibus arctissime vincitur, quos carceris Præfectus indignans ita compellauit. Quid est quod hac atrocitate Leonem alligatis, an periculum erit in eo fugæ, qui sponte magistrum comitatus, ne carcere quidem ab eo diuelli potuit, & ipsa morte noluisset, ego pro illo spondebo, si fugam timeris, oportebat vos suam solitudinem deploranti condolere, & non addere afflictionem afflicto, quibus auditis, illi iam facti mitiores, funium nodos ita laxarunt, vt sine dolore vincirent.

Post dies à martyrum certamine ferè sex, alij religiosi duo, sacerdos vterque P. F. Alphonsus Nauarrete, Prouincialis Vicarius suorum ex ordine D. Dominici, qui in Iaponia degunt, & P. F. Ferdinandus à S. Iosepho, qui solus ex D. Augustini familia in Iaponia remanserat, nouo spiritu correpti in euidens se martyrij periculum coniecerunt, quod etsi vulgo non probatur, in multis tamen SS. martyribus non damnamus, sed admiramur. Communicato igitur inter se consilio, salutatis amicis, Nangasackio in Omurensen

Eft 3;

ditio-

ditionem palam demigrant, reiectoque habitu saculari, quo tum vivebantur, suum induunt singuli, & crinem circum rasi, sacerdotibus vsurpatis coronas aperiunt, eos Nangasakuio multi, ac deinde ex alijs locis plures comitantur. Sunt qui duo millia numerent, sed ultra dimidium vix fuisse accipio, ij cum in Omurensium terras aduenissent, excitata repentino opere, ex arborum ramis, velut æde, medio in agro, vt plures caperet, palam sacra facere, confitentibus aures dare, sacramenta ministrare cæperunt. Omurensis Dynasta tametsi excandesceret, sævire tamen ad dies aliquot distulit. Postquam vero sine suo periculo ultra connuere non posse iudicavit, mittit qui eos comprehendat. Occurrunt læti missis ad se magistratibus sacerdotes, & postquam eos, eo quod ad manum erat, frugaliter excepissent, vna cum ijs libenter navigium conscenderunt, & in Insulam non procul ab Omurensi arce deportati, sine iniuria tumultûque, sed potius cum honore ibidem detinentur. Non defuere qui Patribus se vinculorum comites offerrent neophyti, sed maximè Nangasakuienses duo, qui se illos toto hoc biennio domi tenuisse fatebantur, alius quoque Patrum alumnus idem vrgebat, sed tum quidem nullus quod maximè vrgebat, impetravit.

Post quadriduum ferè, cum iam illos Dynasta pro eo quod ab Regia mandatum fuerat, eiusdem supplicij pæna multandos, cum alijs duobus iudicaret, expediri noctu celocem, & in eam vtrumque, sed & Leonem alumnum imponi iubet, eoque ipso tempore, quàm occultissimè potuit sociorum cadauera exhumari, non ferens ultra concurrentium multitudinem, vt simul omnia in mare mergerentur. Non latuit intentos ad omnia Neophytos, nam aliquot nauigijs locum exploraturi, consequi cæperunt soluentes. Nox erat perobscura, celox incitato remigum multorum cursu expedita, quæ momento disparuit, ac Neophytorum studia & vota frustrata est, sed ex ijs, qui interfuerè ministris, omnia deinde constiterunt. In desertum itaq; scopulum delati postridie mane, concessio ad orationem pro arbitrato spatio, cum se ad moriendum comparassent, repente Leo nonnihilo à Patribus seiunctus, aliquid sibi temporis petijt prorogari. veriti sunt Patres,
ne

ne subito mortis metu immutatus nollet ijs viuentibus à fide deficere, ergo incipiunt illi animos addere; verum ille modestè subridens, non est hic, inquit metus Patres, sed quia me indignum arbitror, vt vna vobiscum hanc martyrij coronam adipiscar, decet me nonnihil præstolari, mortemque differre, quam rem admirati, simul vterque, & Leo post paululum capitibus amputantur.

Omniū sacra pignora, prout à suis exacto iureiurando, sanguine confirmato Dynasta præceperat, in mare abijcienda hunc in modum disponuntur. Aperiunt vtrumque sarcophagum, & P. Ioanni Baptistæ P. F. Alphonsi Nauarrete socium cadauer adiungunt, alterique alterum, vtrumque denuo deinde occludentes. Leonis autem sacrum corpus storea inuolutum, alligatis ingentibus saxis vna cum reliquis in mare demergunt, in ea maris altitudine, qua triginta minimum passus ad ima ferebatur, veritus enim fuerat Dynasta, ne ex concursu neophytorum nouas sibi molestias crearet. Auditum est, quod contigerat Nangasaquij, nec defuit, qui locum plus minùsue proderet, sed hoc ad incitandum in Neophytis vestigandi studium vsui fuit potius, quam ad sacra pignora eruenda, nam tametsi multis nauigijs, retibus, harpagonibus tentata res est, omnia in irritum reciderunt, verum postea cum vt apparet, tempore funes computruissent, assurgente altero è duobus sarcophago duorum sacra pignora enatarunt, P. F. Petri videlicet cum socio, in quæ fortè cum neophytorum scapha incidisset, Nangasaquium quam occultissimè deuehuntur, ibique asseruantur. Ad priorem tumulum, explendæ pieratis sua causa, venerat inter cæteros Marina Dynastæ amita, de cuius in fide constantia annales propè singuli habent, quod dignum historia commemorent, & multa miseratione simul & comploratione vtrumque venerata, domum se receperat, neglectis hominum de se sermonibus, qui voluissent superstitiosam nobilium fæminarum apud Iapones solitudinem, hac velut excursionem minus necessaria violare, præter cætera id sensit nepos Dynasta, neque se continuit, quin parum vrbane misso internuncio, animi sui sensum explicaret, verum illa nepoti suo responderit iussit in hanc modum, se si alios in posterum sacerdotes comprehenderet mactaretue, maximè si essent

si essent e Societate Iesu, quos illa magistros semper habuerat, se inquam, vna cum ijs ad moriendum prodituram, quo ille responso acrius quam prius incitari se prætulit.

*ALII RELIGIOSI DVO, PLVRESQVE NEO-
phyti ibidem comprehenduntur, ex his duo occiduntur.*

CAP. VIII.

Nondum fuit hic Omurensis tragædiæ finis, cum opprimi nullo negotio potuissent omnia, si tantum prudentiæ quantum feruori, communi placuisset consilio indulgere. Sed tantus in Nangasaquiensibus hæctenus ferè intactis erat ardor martyrij, vt prudentiam interpretarentur metum, & iam intra latebras non posset ignis contineri, quin erumperet. Quin si qui eos continere vellent, hominum obloquia non effugiebant. Nam cum senatores Christiani, concursus ad superiorum martyrum tumulum ventarent, deque ijs inquirerent in singulos vrbis vicos, ecqui eo contra mandata excurrissent, in eos multi propè velut in hæreticos, qui diuorum exuvias venerari nefas volunt, insultabant, quasi verò non id agerent, ne iustum ex Regia furorem accerserent, dum ea quæ salua etiam religione omitti possunt, studio viderentur consultoque factitare. Et fuere, qui velut dubium putarent fidei proditæ argumentum, si de ijs spargeretur ad martyrum tumulum nondum excurrisse, nam cum vnus à magistratibus Christianis rogatus, ecquis è suo vico eo se contulisset, id negasset de omnibus, serio qui eo se contulerant, exquæ siuere, vtrum tenerentur ex fidei profitendæ debito seipso prodere, an liceret eius qui nescierat confessioni acquiescere. In quo sanè neophytos laude dignos esse quis dubitet, sed vtrum æque illos à quibus incitabantur, nec audeo probare, nec meum esse puto damnare, sed reliqua quæ hæctenus contigerunt colligamus satis trepidi, insequentes annales quæ cepta sunt mala, perducent.

Vbi auditum est de posteriore martyrio, eiusdem etiam cupiditate incensi tres alij religiosi, ad Omurensem agrum se contule-

re, in

re, in quo & messem de commotis iam neophytis colligere, & quod sperabant, consequi sibi posse videbantur, verum aliquanto cautius in mentita veste, & sine comitatus tumultu perrexerunt. Sed non latuit diu res tota, quod fortasse concurrentium ad sacramenta multitudine proderentur, Dynasta, quem iam penitebat inchoatæ disquisitionis, quod ut supra dixi, plura deprehenderat, quam eius rebus conducere, dies aliquotiam excursionis conscius substitit, ut sese recipiendi tempus, & viam daret. Verum, ubi res quotidie magis ac magis erumpebat, non est ausus ultra differre, ne si huiusmodi supremo senatui non proderet, ipse proderetur. Iubet igitur Religiosos illos comprehendere, quod ubi ad ipsos est perlatum: conati sunt illi quidem sese periculo subducere, sed id unus duntaxat impetravit, in reliquos exploratores inciderunt; ij fuerunt P. F. Apollinaris Religiosorum S. Fracisci, qui in Iaponia degunt, commissarius, & P. F. Thomas à S. Spiritu è S. Dominici familia. Cum ijs etiam aliquot neophytos comites & Patrum hospites, nec non alios qui Nangasaquio venerant, spiritu nouo correpti, & per Omurensum terras concionabundi vagarentur, martyrium ut aiebant quaesituri, hi non pauciores sed decem septemdecimue, exclusis Patribus, omnes simul in vincula protrahiti sunt, nolisset in hac venatione Dynasta tantam prædam, quantam se sua sponte in retia coniciebat, sed ira incensus, inopsque consilij, quid acturus esset, non satis se expediebat. Venerat per eos dies nouus Imperator ab Regia sua Miacum, ad quem visendum nobilitas vniuersa properabat. Hinc occasionem sumpsit minis impetrandi, quod nollet morte conficere. Ire se aiebat Miacum Nangasaquienses delaturum, quod suam ditionem turbarent, quod falsis chirographis nullum apud se sacerdotem degere iurati confirmassent, quod quotidie novos ex se dimitterent, aliosque plures occultarent, viderint ipsi si quid inde in Remp: vniuersam mali erumperet, ipsos in se culpam conferre, in alium neminem oportere. Miacum iuit, quid dixerit non constat, nisi ex ijs quæ deinde sunt consecuta. Sasioye quippe id temporis à Regia scripsit in hæc verba, literis ad magistratus Christianos destinatis. Dicebat se iam aliquoties monuisse, constare sacerdotes aliquos ibi delite-

Ggg

scere.

scere, & vnus solius latebras sufficere, vt toti vrbi solitudinem inuehant, extremamque perniciem, & vt ad hanc regulam suas moderarentur actiones, id se denuo & postremum iam admonere. Mandatur etiam ex Regia, vt Gonzocu Sastroye nepos, Nangasacuiensis gubernator comprehenderet eos, qui se Patrum hospites professi Omuræ fuerant, & vinculis obtulerant, eorum bona publicaret, vxores ipsas ac filios in seruitutem redigeret, & ipsos hospites obtruncaret.

Comprehendit illico ceteraque fecit omnia, sed victorum mortem coactus est differre, quod tumultum vereretur, quamquam neophyti non alia ex causa sexcentis plures & sæpe septingenti carcerem cingerent, quam vt morituris adessent, & mortalitatis exuias raperent, debito cultu prosequendas. Gubernator igitur cum professus esset ciues ipsos vrbi suæ excidium allaturos, quod ipse cum patruo tanto tempore iam & toties auerterat, supplicium distulit, donec repescente paulatim ex mora neophytorum ardore, cum alia omnia suspicarentur, victos ad se adduci iubet velut eos auditurus, certisque de rebus percunctaturus, cumque illos ianua publica in domum admisisset, ad quam neophyti multi euentum præstolabantur, secretiore emittens nocturnis iam tenebris rector in nauigium imponi iubet, & post tertiam leucam, in alto iam mari, capitibus minui, & cadauera vna cum capitibus in mare demergi, quæ omnia perfecta sunt priusquam neophyti aduerterent, aut se ad eos compararent persequendos.

Qui interfuere deinde narrarunt eos summa alacritate ferro iugulum præbuisse, & religiosissimè animas proprii sanguinis flumine deportatas in cælestem portum appulisse. Cum ad eos comprehendendos ministri publici in domum irruerunt, in superiore contignatione religiosi tres Dominicani, cum ara sua erecta ornatæque aderant, qui ne caperentur neophytorum, qui concurrerunt industria factum est, ministros enim diutius in inferiore aula detinentes in describenda suppellectile occuparunt, interim dum illi se subducunt, & quæ suspicionem mouere poterant è conspectu efferuntur. Viuebant hi duo Patrum Dominicanorum hospites in eodem vico, & ædes contiguas habebant, conclusio igitur iam

cum

cum ijs negotio, cum vicinis agebatur. Nam vt supra tetigi, non multi anni sunt, ex quo in Iaponia, vt nihil secereti sit, cuius Dynastæ mox conscij non sint, mos inuectus. Decem proxima inter seædes conueniunt, & iureiurando inter se colligatæ adstringuntur, quicquid ab singulis scitur aut agitur in commune conferre, & ad Dynastam, si res digna videatur referre, sin fecerint, ex eaque remali aliquid oriatur; ad omnes æque culpa peruenit, inque omnes æque pæna diuiditur, hoc ipsi Iuningumi vocant, & colligationem sonat. Nangasaquij mos iam ille inualuerat, & Gubernatorum voluntate denæ quæque inter se ædes erant vrbe; tota colligatæ. Hinc factum est, vt cum iam duarum ædium domini plexi fuissent, quod sacerdotes hospicio excepissent, aliæ octo familiæ superessent eadem pæna mulctandæ, nec diu dilatum est, mortuis illis, familiarum capita comprehenduntur, coniuges prolesque seruitute damnantur, bona omnia publicantur, idque tanto rigore perfectum est, vt decennem puerum comprehenderint pro familiæ capite, qui parentis demortui locum occuparet, oportet enim è singulis ædibus vnum familiæ caput comprehendi, quin etiam ethnicus qui forte ex eadem colligatione erat, vinctus est, non recepta quam ad se purgandum adferebat causa, esse hanc de religione, quam ipse non profitebatur, quæstionem, hinc enim ipsi culpam eius augeri non minui dictitabant, quod ethnicum cum Christianis grauius sit, quam Christianos inter se de silentio conspirare. Octo igitur illi hætenus sunt in vinculis, vt & Omurense, quos supra numeravi, quid ijs futurum sit, nondum constat, postremæ quippe literæ etiam priuatæ annalibus posteriores nihil vltra commemorant.

DE CHRISTIANÆ REI STATV APVD

Arimenses.

C A P. IX.

HOc biennio apud Arimenses quies fuit, non in vrbe solū, sed agro toto, quem Tacacu vocant, quam proculdubio martyriū
Ggg 2 preci-

precibus acceptam ferunt, qui eam regionem suo sanguine purpuratam ita copiosè, vt annis superioribus vidimus, irrigarent. Eam excolunt è nostris quatuor magno labore, nec minore fructu; & licet regio tota, postquam tyranno Michaëli erepta est, sub Sasioye fuit, etiam huius biennij magna parte, & qui census exigunt & gubernant, ferè sint è famulis Dynastarum, Figenfis, Omurensis, Firandensis, tamen neophyti quieti sunt, & cum nostris, si quid de eorum latebris audierint, hæcenus conuietur. De his multa dicenda essent, si vulgaria & consueta commemorarem. hoc sanè fuit insolens & annalibus dignum. vxores pleræque neophytorum, cum arderet, anno superiore, tyrannorum furor, in sylvas se cum puellis abdiderant, ne earum pudori, vt fama erat, petulanter insultaret militaris proteruia, postquam illæ se denuo receperunt, quæ martyres maritos, quæ mancos, & vulnerum nondum clausis cicatricibus, insignitos inuenerunt, in Domino exultantes triumphabant, quæ verò integro corpore, quod animo nutassent, suos reperiabant, in planctum effundebantur, ac si mortuos reperissent, perfidos illos timidosque increpabant, nec cum ijs viuere inducebantur, etiam postquam cum Christo in gratiam rediissent, & scribitur aliquot etiamnum ab eorum, qui nondum resipuerunt contubernio abstinere. Supra ea loca, quæ martyrum sanguinem biberunt, scribitur etiamnum splendor, ijs maximè diebus, quos ipsi suo martyrio consecrarunt, apparere, permultisque visos, non dubiam fidem facere illius gloriæ quam sunt in æterna luce consecuti.

E Regno Ficonga in patriam redijt Arimensis puella, quam Fime Michaëlis apostatæ Iezabel, Daifu proneptis, secum abduxerat, quæ cum non ferret in suo gynecæo Christianam, sedulo curauit vt illa Christum eiuraret, nunc agebat promissis, nunc minis, nec illis minoribus. Sed ignes illos, quibus octo victimæ apud Arimenses viuæ arserant, puellæ intentabat, sed maior erat ignis in tenero pectore, amoris in Deum Christiani. constitit illa sibi perpetuo, suæque constantia tametsi speratum non impetrauit incendium, ignominiosè tamen è palatio dimittitur, & in patriam conuersa, redibat gaudens, quod ab ethnicorum consortio Christianis ritibus, quibus diu caruerat, redderetur.

Chin-

Chingina Arimensis agri pagus est, ethnicis finitimus, in quem idololatriæ lues penetrans, semper aliquos inficiebat, ex quo factum est, ut cum præliandum fuit, permulti deficerent. Eo se nosser sacerdos contulit, & diuina ope ducentos Christo reddidit, vixerat eo tempore apud pium Neophytum, qui secretam cellulam domi suæ in eam rem nostris extruxerat, Xistus vocabatur; Receperat se iam nosser alio, cum ea res ad ethnicum vici moderatorem, nescio cuius indicio erupit. Is iubet Xistum comprehendere, quod ceteri neophyti non ferentes ad moderatorem adeunt, fere ducenti; inclamant Xisti culpam, si culpa est, communem esse, quod hospitium Patri dedisset ex omnium voluntate; ergo vel omnes vinceret, vel Xistum solueret, quod cum dixissent, ex vniuersa multitudine duo audacter sanè vinculis Xistum exsoluunt, domumque reducunt, hoc factum apud Iapones est capitale, ergo non hi duo solum, sed reliqui etiam omnes ad mortem se comparabant, ad eamque rem Christi effigiem gestantes, & globulos precatórios decurrentes, in supplicantium morem prodierunt, ac si media in pace, non etiam turbulento Ecclesiæ tempore omnia agerentur, & in hunc modum sine armis omnes illi occurrerunt, qui ad eos plectendos aduenerat, sed ille denuo comprehendere Xistum iubet, eaque re satis sibi factum voluit, nihil ultra molitus. Ea res permouit ceteros, qui nondum à sopore perfidiæ excitati etiam tum in fide nictabant. Præ reliquis vnus è vici primoribus, qui ceteros impulerat ad ruinam, nec facile surrecturus putabatur, qui hoc euentu permotus, donec se Christo redderet, nunquam conqueuit, effecitq; tandem qua valebat apud Iudicem gratia; ut Xistus impunè solueretur, totique rei silentium impetravit, ea res vniuersum Arimensem agrum permouit, miratum quod ijs quos in pace timidos nouerant, in bello viderent animicos. Celebre fuit etiam perditæ cuiusdam neophyti infortunium, quod cælo vindice immissum nemo dubitauit, Is ut alienam uxorem raperet, duas leucas excurrerat, & cum infami præda lætus domum redibat, ex ijs factus, qui gaudent cum malè fecerint. & exultant in rebus pessimas, Sed breue gaudium fuit, nam in eo ipso itinere, nulla quæ quidem sciatur ex causa, subito moritur, stupefacta mu-

liere, quæ inuita rapiebatur, liberâque refugit ad maritum, nar-
toque & comprobato adulteri infortunio, magnus animorum mo-
tus in ijs fuit, ad quos culpæ ac pænæ fama peruenit.

Commentario superiore constat ex Arimensi ditione in Re-
gnum Fiunga Michaële translato, interim Safioye, vt iam dixi, fu-
isse commendatam. dum ad eam proprius Dynasta mitteretur, id
hoc anno factum est 1617. Nam Xogun postquam est adeptus
Imperium, inter componendum illius statum, huic etiam ditioni
de proprio toparcha prouidit, is Mathucura Bungo, ex Regno Ya-
mato oriundus, quod vnum est ex ijs quinque Goquinai appellatis.
Is nobilis in primis, & in bello strenuus habebatur, cæterum natu-
ra mitis ac facilis, & ingenij bonitate præditus in paucis, quem
cum Arimenses ethnicum audierunt, nihil dubitarunt nouam sibi
procellam imminere, ad quam solitis se ex Christiana disciplina ex-
ercitationibus comparabant, sed meliora prouidit Deus, & iam
probatius quietiora permisit. Nam ille tametsi ab Imperatore disce-
dens acceperit in mandatis, vt inter familiares & asseclas suos ne-
minem adscriberet, qui eam legem profiteretur, sed neque vlli ex
subditis eam legem sequi permetteret, habet se nihilominus cum
omnibus humanissimè, professusque se nulli molestiam legis suæ
gratia facturum, solum postulare, vt ab exterioribus suæ fidei de-
monstrationibus sibi temperarent, neque in se hominum oblo-
quia prouocarent; quibus & ipse quoque prouocatus cogeretur
eorum supplicijs, Imperatori persuadere, se illius mandata mini-
mè neglexisse. Et quia non desunt ex Iaponensium sectarum præ-
scripto, qui toto regno vagi peregrinantur, & pietatis prætextu,
quæstum faciunt, stipe vndique collecta. Sunt & alij, qui se dæ-
monem colere profitentur, eumque sacrificijs placare, ne morta-
libus noceat. à quibus ipsi largitionem acceperint, & vtrique ve-
lut aliud agentes explorent, quicquid vbique rerum geratur, vt se
ab hoc hominum genere liberum redderet; à quibus prodi pote-
rat, quod Arimenses permetteret esse Christianos, aliud causatus,
edicto publico illis omnibus toto Arimensi agro, magno illius bo-
no interdixit; & nuper à duobus sacrificulis officiosè visitatus, ro-
gatus est, vt stipendium sibi à Safioye ex ærario publico assignatum,
nouo

nouo diplomate confirmaret, satis lepidò responso se & illos expediuit. Assignatos sibi ab Imperatore in Arimensi agro centum & viginti sex Orizæ saccorum millia, si post dimensos agros suos, inueniret se vltra Imperatoris censum habere aliquid, quo illis stipendium penderet se facturum; sin de suo, nihil imminuturum, sed posse tum, quo vellent ad pinguiorem fortunam per se proficisci, quod ille dixit, qui his quoque carere velit Syndicis, vt cum neophytis agat, quæ agenda iudicarit, nullo teste, qui possit oculata fide res suas calumniari, & hæc ille consilia Firoximæ à propinquo suo nobili illo, non fide minus, quam sanguine fertur accepisse, quibus in spem venimus fore vt sensim in antiquum splendorem Ecclesia Arimensis reuocetur, & à tumultibus præteritis martyrum, quos in cælis habet, patrociniò tandem aliquando conquiescat.

IN REGNO FINGO MARTTR VNVS,

ceteraq; ibi gesta.

C A P. X.

ACceptum à parente Christiani nominis odium, Canziue filius, huius regni Dynasta nunquam dimisit, nec tamen impetrare potuit à suis, quin plurimi Christianam vna cum fide retineant pietatem. Eos nostri aliquoties modo Nangasaquio, modo ex Tacacu, modo aliunde vt res fert, interuifunt, eoque semper fructu qui speratur, Idem de Insulis Amacusa, & alijs quæ ad hoc regnũ spectant, intelligas velim, in hac nostrorum paucitate ac latebris nihil omis- sum, labore tempus bene diuisum subministrante. In ijs diuinã providentia enituit in eo, quod iussu Dynastæ, septem octoue ethnico- cos viros primores, à quibus coloni, sed maximè Christiani vexa- bantur in redituum exactione, viderunt extremo supplicio luentes, quod iniuste exegerant, qua ex re mollior eorum conditio facta, plus aliquanto temporis in salutem procurandam dedit, Iamabaxi nomen est eorum nebulonum, quos dixi dæmonis cultu terribi- les, ab omnibus stipem extorquere. Ex ijs vnum Insulares neophy- ti magna constantia reiecerunt, nihil veriti Dynastæ sui
furo-

furorem, à quo ille, vt hoc illi liceret, literas impetrauerat, quæ res ne ad aures Dynastæ deueniret, ab ipso ethnico gubernatore illius loci, largitione placato impostore, sopita est, ad quem eundem gubernatorem vnus è neophytis se contulit, quem iam apostasiæ suæ pœnitebat, & eo vidente scripta abiecit, quæ impostores characteribus Sinensibus descripta, contra dæmones valere mentiuntur, eamque rem tacitus dissimulauit gubernator, ne in Christianos sœuire cogeretur.

Anni superioris 1615. res gestæ in Europam venerunt non vt solebant rebus per loca nostra dispositis scriptæ, sed in recenti nostrorum exilio nondum compositis rebus, illustriora, quæ certis auctoribus constiterere descripta sunt, omissa multa, plura suis circumstantijs nuda prodierunt. Ex his vnum quod vel omissum fuisse credo, vel sane tactum solum, est Pauli Yafudayu martyrium sane nobile, animique ad grauissima quæque comparati illustre monumentum. Erat ille quidem è Regno Firoxima, sed multos iam annos in vrbe Cumamoto, quæ est Regni Figenfis Metropolis, vitam sustinebat opificio, pixides bitumine illo suo illiniendi, quod opificium Europæi quoque nostri non immerito admirantur, hic in omnibus prælijs, quæ Christiani Figenfes multa pertulerunt, sibi semper æque constiterat, nec adduci vnquam poterat, vt nutaret, sed continuo pietatis studio, quod minutim scribere longum esset, martyrij coronam è qua roties exciderat, à Domino tandem dici potuit extorsisse.

In hac igitur vltima velitatione sub Daifu, à quatuor totius regni moderatoribus vocatur in domum vnus, ad quam cæteri conuenerant, ibi vrgetur vt multorum exemplum secutus, sese tempori accommodet, sed cum modestè renueret, ac nihil proficerent, exhaustis iam promissis rationibusque, ad minas deueniunt, scias igitur tibi moriendum esse. Ille verò nuncio latus, præsto sum inquit, hoc vnum peto ne vltra mecum tempus teratis, nihil enim est in hac vita mortali, quod me possit à proposito meo detertere. Age igitur, cum ita sis animosus, inquit, in domum perge moderatoris vnus è quatuor, quem nominabant, eo denuo conueniunt omnes & iam Paulus præuenerat, ibi denuo lacef-

laceffitus his ipfis verbis ad defectionem extremis prouocatur, at-
qui falli nolis, aiunt, nisi enim acquieueris, tormenta te manent,
quibus atrociora nemo vidit Iaponia tota. atqui, responder Paul-
lus, animo iam efferuescente, videbitis etiam ea tormenta feren-
tem eo animo, qualem nunquam Iaponia vidit vnuerfa, quod
cum dixisset, irruentibus ad iudicum nutum ministris, Paulus re-
uinctis post terga manibus, & iniecto in collum fune, in carcerem
abducitur, & cum eo priuignus illius raptabatur, qui metu iam
certæ mortis consternatus in Iudicum se voluntatem turpiter in-
clinauit, ipsoque momento liber dimittitur, vt videas vel hinc qua
Paulus ex causa caperetur; huius defectionis sensus athletæ nostri
gaudium nonnihil temperauit, in carcere maximam temporis par-
tem cum Deo terebat, reliquam fallebat opificio suo exercendo,
submissis ad amicos neophytos ex eo munusculis, si quis ad eum
adibat, colloquijs illius ita incendebatur ad retinendam in fide ve-
ritatem, facile vt appareret hos ignes ex martyris corde prodire.

Ianuarij tandem nono supra vicessimum, quatrduo ante anni
Iaponensis initium, quo tempore leuioris culpæ rei dimitti, gra-
uiores plecti solent, vt carceres in publica lætitia vacui videantur.
Paulus noster cum tormenta præstolaretur. Sibi que iam grauissi-
ma fingeret, vsitata morte damnatur, voluit enim in eius corpore
Dynasta sicam vnā probare, quam ille in pretio habere diceba-
tur, eo nuncio lætus renunciari voluit Dynastæ, se pro ingenti be-
neficio gratias habere ex animo, eoque ipso die sub vesperum in
apertum aërem educitur ex ergastulo, vnde cælum liberè, quo
tendebat aspiceret, totum iter ad martyrij locum, nunquam inter-
rupta prece decurrit, sub urbem erat locus, vbi ad concurrentes
conuersus, admirabiliter de fidei nostræ sanctitate ac veritate, pro
qua retinenda mori gaudebat, perorauit, tum fixis in cælum ocu-
lis intuens, mox illos ad amicum conuertens ait, abire tu iam po-
tes, inquit, de me Deo meo libens hoc sacrificium offero, quod
cum fecisset in terram ruens, caput in solum vsque declinauit. in-
terim dum nescio quis scelerum suorum reus plectebatur, eo mor-
tuo, Paulus in alterum latus reclinatur, & vt illi agrius morienti fa-
cerent, priuignum apostatam cogunt, & illius affinem, vt alter pe-

des, alter brachia interim dum plectitur, contineret, subidente
semper Paulo, & hilaritatem vultus ad omnium stuporem præ-
ferente, cum priuignus iam prope martyr, carnificis adiutor esse
maluisset. Iacentem in hunc modum victimam, sicarius vno
ictu, quod satis mirere, in duo frustra diuidit, infra cor, sica to-
tum corpus penetrante. Ferunt eam corporis diuisi partem, in
qua caput est, etiam post ictum, ter Iesum ac Mariam distincte
inuocasse. Carnifex nondum eo ictu contentus, repetitis icti-
bus in frustra quinque corpus partitur. quod amicus illius Magoye-
mo colligens, erat ille neophytus, in horto suo clam sepeliuit,
quam ob rem ab vno è gubernatoribus increpitus, non ineptè se
expediuit, quod diceret id à se factum, ne Nangasaquienses, ha-
rum rerum eximij raptores, alio, non sine iniuria Dynastæ, Pau-
li corpus asportarent, qua excusatione contentus gubernator,
quod fecerat approbavit, ille verò nostris, cum primo tuto pote-
rit, tradendum asseruat. Ea morte ferunt non solum non territos
esse neophytos, sed quod semper fiebat accensos, nec paucos de-
sertores hoc exemplo permotos ad Christiana castra rediisse.

Idem rerum status fuit reliquo tempore, multa bis visita-
tis neophytis perfecta, sed consueta, quæ inusitata selegi, hic
subiungantur. In eadem Fingensis regni metropoli, sacrificuli
inter se dissentientes, propè in Christianam fidem inclinarunt vni-
uersos, Iconu vocantur ij, qui animam Amidæ putant in sacrifi-
culi Ozacensis corpus, & in omnes deinde illius stirpis primoge-
nitos demigrasse, quos ideo non secus atque Amidam viuum ve-
nerantur, ij cum viderent, quam decem legis nostræ præcepta pas-
sim tota Iaponia probarentur, ea ad verbum descripta in Ami-
dæ libros inserunt, sui que sequacibus eadem obseruanda pro-
ponunt.

Yabe vicus est inter asperos montes, vbi se neophyti conser-
uant adiuti potissimum à duobus eius loci primoribus, alter è sa-
crificulo factus est strenuus legis Christianæ propagator, alter pro
Dynastæ census exigit, estque regni gubernatoribus carus in primis,
à quibus cum sæpius vrgeretur, vt Christum desereret, tandem,
vbi se semel expediret, ita respondit, vocate si vultis quotquot li-
bueritis.

buerit, sectarum Iaponensium peritos, atque adeo sacrificulos, ego vos eligo iudices, si victus è certamine cum illis suscepto, abiero; vobis acquiescam, sin; me ritu meo viuere permittetis, non abnuunt Iudices oblatis certaminis aleam; rati hominem illiteratum nullo negotio à sacrificulis superatum iri, conueniunt euocati contra eum sexaginta non pauciores, partim sacrificuli, partim qui se pro Iaponensium sectarum peritis venditabant, venit in certamen acre ac diuturnum, è quo noster non dubius victor pronuntiatur, posteaquam conuictos silentio damnauisset. Verùm ut est pernicax huiusmodi sciorum contumacia; Age inquit à verbis ad rem veniamus, si aliquid præter naturam admirabile in omnium oculis perfeceris, qualia multa in confirmationem vestræ legis facta iactitatis, næ tu meritò tunc omnium calculo victor iudicaberis. faciam, inquit ille, non vnum sed duo, quæ si vestrum aliquis facere potuerit, miracula non esse iudicabitis. An creditis me tanti facere vxorem, filios, fortunas denique meas, quanti Xogun imperium suum? tanti inquit, Ego verò infert noster, hæc omnia hodie legis meæ causa dimitto, ne illam dimittam, & hoc est primum, quod vestrum nemo faciet pro sua secta miraculum. Alterum est, quod non hæc quæ dixi solum dimitto, sed vitam quoque trado, qua nihil est homini carius, ne fidem prodam, quam profiteor, facite sodes & pro lege vestra vitam exponite, sin facitis, hæc ut verè sunt, pro miraculis acceptate, quibus cum nec illi, nec iudices haberent, quod ultra obijcerent, noster est non dubius victor appellatus, & tamen iudices re iam nimis publica, hominem liberum dimittere non sunt ausi. Sed ad speciem aliquot mensium exilio damnatum, in patriam deinde & munus antiquum libentissimè euocarunt, ita tamen ut ex omnibus nemo, prout sunt tempora, satis probatam complecti veritatem auderet.

In Regnum Satcumanum, Iaponensium superstitionum arcem, hoc etiam anno noster sacerdos non sine periculo penetrauit. Præmissus est è fratribus nostris vnus indigena, qui exploraret ecqua via posset noster eo penetrare, quo explorato, exceptus est à neophytis instar angeli, iam enim aliquot annis eo nullus è nostris penetrarat, hospitium illi fuit in ipsis ædibus

matris illius, "quæ vxor est Dynastæ, illa enim mater fidem Christianam profitetur, quæ filiæ quamuis ethnica proculdubio persuasit, vt hospitem suum misso munere cohonestaret, & vicissim ab eo peteret aquæ lustralis vasculum, & cereum ritu ecclesiastico consecratum, peteretque vt se ac primogenitum suum regni hæredem, Deo suo commendaret, quæ res inter Christianos vulgata, magnos illis animos dedit, ac spem fecit fore vt aliquando sperare possint meliora.

Factum est etiam postrema in Fingo excursione, vt matronæ omnes Dynastæ gynicæ, quæ olim Christum professæ ac diu intermissa rei Christianæ exercitatione syluescebant, modum inuenirent, quo palatium clam egressæ ad pænitentiae sacramentum conuenirent, & denuo res Christianas edoctæ conciperent animos nihil ultra admittere, quod ethnicos ritus saperet, Christianæ quæ fidei veritatem vlla ratione pollueret, huius generis multa omitto, sed ex his facilè reliqua materiæ similitudine æstimantur.

QVÆ CHRISTIANÆ REI FACIES IN REGNIS Chicuien & Chicungo.

C A P. XI.

VNus è nostris sacerdos horum regnorum neophytos curat, immenso labore, magno fructu, hæc enim duorum regnorum distantia, neophytorum multitudo, temporum iniuria huius agræ curam perdifficilem reddunt, maximè in Regno Chicuien, cuius Dynastam mirum in modum à Christi fide abhorret, & malè sibi ab Regia metuit, & vniuersæ ditioni. Nam cum in superiore sub Daifu fidei certamine, primus ipse inter Dynastas totius Iaponiæ, Imperatoris edictum, duorum pugilum sanguine sædasset, eo ipso tempore nescio qua ex causa delatus, fidei certamine, quod cum neophytis susceperat, intermisso, ad res suas tuendas, in vtramque regiam excurrit, ibique annum totum detentus, tantum non excidit statu, quem fuso Christianorum sanguine stabilire moliebatur, nec mitior ab Regia domum reuersus est, eo nihilominus noster sacer-

sacerdos excurrrens, nihil quod non ociosè visiteret, reliquit intactum, tanti est constantia res persequi, & prudentia moderari.

Facilior est in Chicungo conterminum Regnum excursio, & Dynastæ beneuolentia, qui tametsi edictis regijs parere se ad speciem præferret, metu potius quam odio in Christianos incitatus, tamen ex eo quod adhibito studio, & iudicij bonitate assecutus est, & se assecutum proficetur, nihil esse in vniuersa Iaponensium sectarum superstitione, quod valeat ad salutem, aut dignum sit homine, qui cerebro præditus fuerit, in fidei nostræ, quam nondum tamen excussit, veritatem inclinatur, ex eo quod eius professores ad eam retinendam libenter omnia profundant, & quod multorum obrectationes incurrerit; quicquid enim bonum est ait, malorum inuidiæ subijci, & maleuolentia laborare necesse est.

In utroque nihilominus Regno, magno fructu laboratum est, sed Neophyti maximè in retinenda fide enituerunt, quorum certamina etiam ad sanguinem mortemq; sensim persequamur, sed prius admirabilem senis cuiusdam ad Christum conuersionem perstringamus. Is annos natus octoginta, cum Christum agnouisset, iussus est solitas orationes & doctrinæ Christianæ compendium ex more memoriæ commendare; verum ea iam per ætatem ferrea, nihil imbibebat, non sine magno Catechumini senis mœrore, maximè quod non defuerit ex ethnicis susurro nescio quis, quicquid rem ad salutem Christianis esse necessariam affirmaret, satius esse ut in antiqua religione persisteret, quam ad nouam sine fructu magno labore se inclinaret. Angebat ea res bonum senem, non satis distinguentem quid interesset, inter articulos fidei intellectos creditos, & eosdem memoriæ commendatos, neque se audebat sacerdoti à quo baptismum expetebat aperire. Ergo ad orationem conuersus, coram Christi seruatoris effigie, cor suum effudit supplex, ut sibi Deus significaret, num quæ vitio memoriæ sibi deerant, ita requireret ad salutem, ut sine illis eam esset negaturus, an fortè consultius esset in antiquis ritibus salutem querere, quam sibi videbatur in ijs non posse reperire. Non distulit clemens Dominus candidi senis simplicem animum suo lumine collustrare. Non post mediam noctem etiam tum peruigil, & in oratione consistens,

sistens, videre sibi visus est ad læuam iter præcipitijs asperum, & ipso aspectu formidabile, ad dextram aliud, quo per gradus in amplas ædes verèque regias conscendebatur, & hæc omnia videbat in magna luce, quæ inuita nocte, totum cubiculum illustrarat, cui viso vox est addita, nec satis vnde ferretur aduertit, qua voce iubebatur bono animo esse, nec memoriæ vitio angeretur, fore si ad ea quæ iam audierat atque crediderat, diuinæ legis obseruationem addidisset, vt in amplum illud palatium reciperetur. Ex quo bonus senex itineris ad læuam præcipitia exponens, nihil dubitauit vno sectarum Iaponensium perturbationem, altero Christianæ fidei rectum ad vitam tramitem portendi, ergo reliquam noctis in gratijs Deo referendis decurrens, pergit in agnita veritate post susceptum fidei Christianæ sacramentum.

Veniamus nunc ad illustriora Neophytorum certamina, quæ in duas partes diuidemus, primum ea persequemur, quæ sub Dai-fu, tum quæ sub filio contigerunt, vt enim iam antea monui, ex nostrorum exilio factum, vt multa exciderint annis superioribus, quæ iam constiterunt, & ne pereant alieno tempore restituuntur, cum aliena non sint ab instituto.

Yanauagæ, Metropolis est Regni Chicungo, dum de Christianis iubente Dynasta inquiritur, ventum est in ædes Neophyti, Rochus dicebatur, quem tunc abesse fortè contigerat, sed non defuit qui pro capite familiæ caput exponeret. Nam vxor nihil ægritudinem qua tum forte grauiter tenebatur morata, vna cum filiolo nondum septenni prodijt in arenam, Quærentibus respondet Maria, ita enim vocabatur, totam familiam Christum profiteri, se priuatim, vt erat, ægram offerre, vt pro ea fide, quod reliquum habebat vitæ perderet potius quam proderet suam fidem, quo dicto in lectulum se recepit, in ædium interiora, mansit in arena puerulus, Iacobum vocant, cum quo nihil omissum est eorum, quæ pueriliter illam ætatulam mouere posse putabantur, sed responsa, quod in eo præcox erat, prodiderunt, viriliter impugnatus restitit; & cum ad suppliciorum minas veniretur, eo suggerente qui linguas infantium facit esse disertas, ita respondebat, vt nec blanditijs

ditij cederet; nec minis moueretur. Longum esset illius responsa subijcere, quibus ministri perfidia, cum in desperationem victoriae venissent, abierunt, & ad iudicem reuersi narrauerunt, quam inutilia cum puero praelia suscepissent, quem ille, si quando puerum habet obuium, minatur se in frustra discerpturum, ut ab eo responsum eliciat, quod est plerumque in hanc sententiam, utinam ego me viderem in istis delicijs ad quas aspiro & suspiro, quae tanto maiores futurae sunt, quanto supplicia fuerint acriora, & reuera tantus est illi ad martyrium ardor iniectus, ut ipse sibi somnia fingat, & parentem suam inclamet, sibi visum esse in somnis, se sub fida carnificis ceruices inclinasse, quae ille vota continuo fouens incendio, scribitur in quotidianas preces sesquihoram non pueriliter impendere, & ita vivere domi, ut foris etiam ad certamen ipsos lacestat sacrificulos, itaque premat, ut propheticum illud confirmet testimonium Domini fidele, sapientiam praestans paruulis, det illi Dominus qui dedit initia, promissa perseverantibus praemia.

Nihilo fuit inferior colonus neophytus, qui vici sui caput habebatur, is ad iudices vocatus rogatur an sit Christianus, & ut ceterorum, quos aiebant esse sexaginta, nomina proderet; ego quidam, ait ille, sum Christianus, de reliquis, nihil est quod quaeratis, quamdiu vixero, conabor efficere, & perfecturum spero, ut nemo deficiat, quod si optatis, prima mecum praelia institute, si me viceritis, forlasse potestis de ceteris non omnino desperare, quae cum ille magno animo pronunciaisset, & alios contra fidem tulisset insultus re desperata dimittitur, & modo cum suis viuit, ut vno verbo dicam Christiane.

In Aquizaqui, & Amaqui, vici sunt, regni Chicugen, sex neophytorum familiae exilio suam fidem cohonestarunt, de quibus multa possem, sed ex vno Mariae facinore ceterorum colligi velim. Illa quatuor iudicibus sistitur, blanditijs, promissis, precibus, minis, nulla non ratione, sed frustra tentatur, cum denique iudices, cum facultas nobis facta non sit mulieres morte mulctandi, mitteris in urbem Tucauoca, ut ibi negotium tuum merito sine claudatur, sed eques mitteris pro dignitate, quibus illa, quo vultis ibo, sed pedes, qualem eam decet, quae pergit moritura; illi sperni

se in-

se interpretati, pedes ibis age, sed & vestibus detractis, vt leuius incedas, imo illa, etiam pelle, si vultis, tum enim hilarior erit mihi ad mortem via, quo vltimo responso ita fracti sunt, vt nihil vltra exilium intentarint. Alia mulier rosarium, quod è collo pendebat, rogata; ceruicem obtulit, qua detracta, nihil rosarium moraretur, hæc Beatrix dicebatur.

Sed præ omnibus admirabile mihi videtur quod subiungo. Ad futuri certaminis famam Thomas neophytus quidam, cum vxore & septem prolibus communi consilio statuunt, vitam si res ferat in Christi causa ponere, & ad crucem modestè subeundam, vestes iam diu sibi consuerant, è prolibus viuebat in vicino pago filia, iam coniugio illigata, quæ cum audisset in parentum ædes venturos ministros, qui de Christiana fide quærerent, eo cum tribus filiis suis occurrit, excubitores à marito dispositos, ne domo egrederetur fallens, dictitantque se ideo venire, vt de se & filiis suis sacrificium Deo offerret in odorem suauitatis, quæ res non immerito in stuporem ethnicos qui aderant rapuit, tametsi trecenti satellites in eum vicum, cum suo iudice irruissent, & interim dum toto triduo vijs omnibus pusillus ille grex ad defectionem sollicitatur, puerulus nondum sexennis, crepundia sua cum æqualibus diuidebat, quod assereret ea sibi in posterum nulli vsui futura, quod pro Domino Iesu mactandus esset, ipsoque die in cælum penetraturus. Abeunt tandem infecta re desperationem secum referentes, quod è tot pueris nec vnum à Christi fide dimouere potuissent, exijs tamen satellitibus aliquot, ne nihil fecisse viderentur, è Thomæ filijs vnum solo affligunt, eique per vim sacram agni thecam eripiunt. & ibant iactabundi, quasi huic suam fidem rapuissent, verum ille cum assurrexisset, ad abeuntes recurrit, quærunt exijs cuius rei causa missi essent, an vt se ad defectionem impellerent, an vt aliena per vim eriperent, sed abirent quo vellent, esse se & semper fore sine sacra theca vel cum illa Christianum, cauerent porro ne signum proditæ à se fidei, quod per vim eripuerant ostentarent, fore si id fecissent, vt ipse ad Dynastam pergeret, calumniam refutaturus atque protestaturus, se cum parente ac fratribus in fide persistere, & in posterum perstituros, & si ex fraude
panam

pœnam meterent, ne se deinde culparent, quo audito ita affecti sunt vt vel metu, vel potius virtutis admiratione permoti, suam adolescenti thecam restituerint, quam latus recepit, nec vltra cum ijs certatum est, aut indicta pœna, ne familia nobilis cara periret. Verum anno deinde insequenti, Thomas idem alia ex causa certamen iterauit, & bis victor de hoste triumphauit.

Exigebat proprius loci Toparcha ab incolis omnibus, vt scriptũ, nescio quod, sui nominis scriptione ac iureiurando confirmarent, cum ad Thomam ventum est, ait se ex legis Christianæ præscripto prohiberi ab huiusmodi sacramento, se vsurpatum suis Crucis iusjurandum non detrectare, quod si Toparchæ non esset satis, posse illum de se ac suis pro arbitrato disponere, se morte etiam proposita aliud in hoc negotio nihil esse facturum, Impotentius tulit hoc initio Toparcha, & cum vxore Thomam iubet in publicam custodiam rapti. exultantes, quod fortasse optatam illis Dominus coronam ostentaret, sed aliter cecidit, nam Toparcha tempore mollior factus, vtrumque solui iubet, & Christiano contentus sacramento cum Thoma redijt in gratiam.

VARIORVM CERTAMINA SED MAXI-

mè Ladouici supplicia grauissima commemorantur.

CAP. XII.

PRiusquam ab Regia, secundus ab Xogun tumultus in Christianos erumperet, is in Regno Chicujen, non procul ab Aquizucui, videtur crucis cuiusdam portento, præfagio cælesti prænunciatus. In altissimo & maximè arduo monte crux olim fuerat, quam cum reliquis, prioris procellæ turbo deturbarat, ea olim fuerat concurrentium turba celebris, & quamuis asperrimus esset ascensus, vel loci natura, vel silicum molestia, non deerant tamen multi, maximè per dies solemni Ecclesiæ totius ieiunio consecratos, qui nudis pedibus subeuntes in montem, ingentia saxa humeris gestarent, aut corpus suum ascensu descensuque flagellantes affligerent,

rent, iter vniuersum sapius sanguinis sui vestigio notantes, de illa cruce certis auctoribus multisque narratur, sabbatho sancto anni 1616. sub noctem visum esse eo ipso in loco, quo nuper steterat ingens incendium, aut potius flammam, quam accolæ ethnici satis admirati, credebant fortasse excitatum ignem à concurrentibus de more neophytis, pellendo frigori exarsisse. Verum cum diutius arderet, visum esse ignem illum sensim diminui, & in medijs flammis, quæ rariores circumlucebant, crucem conspiciunt splendidissimam, quæ à superiore nuper exturbata nihil omnino differret, nisi quod hæc in ea ipsa magnitudine formaque ignea videretur, atque ita splendens, vt neophyti permulti ethnique vltra leucam ipsum crucis titulum clarè distinguerent, quod prodigium minimum duas horas oculos multorum tenens, crucem inter flammam modo maiores, modo minores prodebat, ac subinde occultabat, quid illa portenderet, nouit ille qui facit. sed cum deinde persecutionis incendium denuo exarsisset, vix fuit qui dubitaret, & crucem & flammam hanc iniuriam temporum prænotasse, de quo iam nonnulla de multis seligemus, nam si priuata domi prælia, si eiectiones à parentibus filios, si ab heris seruos, in hac causa commemorare aggrederer, ipsa rerum prolixitate lecturos deterrerem, & materiæ similitudine nauseam inueherem.

Ad inquirendum de Neophytis præses, cum armata satellitum manu circumcursans vbique certaminum vestigia relinquebat. Ad eum, vbi non scribitur, Fabianus, vir non armis nobilior quàm fide, vna cum Regina vxore vocandum se sperabat, & ad gloriosam mortem votis omnibus aspirabat; cum ecce tibi à Præside nunciushæc ferè attulit, se quod diffideret de victoria, nolle cum eo certare, sed quod esset in eo Regno externus, iret quo maximè vellet cum familia vniuersa, nolle Dynastam in suis terris Christianos, sed nolle etiam externos alia pæna mulctare, aderat tum fortè in domo Fabiani vnus ex nostris, quem ille occultabat, ad eum se contulit mirè tristis, quod spe martyrij excidisset, certum sibi esse in metropolim excurrere, supremis iudiciis se sistere, & martyrij coronam vel ab inuitis extorquere. Laudauit noster animum, sed minus probauit consilium, quod longioris marty-

martyrij panam in hac bonorum proscriptione pateretur, & ne forte cuiusquam ex familia, quæ octodecim capita numerabar, constantiam in discrimen adduceret, non faciliè sua sponte adeunda pericula, ne nimia confidentia lapsu aliquo castigaretur. Acquieuit Fabianus, & profugus in magna rerum penuria vix inuenit mapale, quo se suosque recipiat, ita oppressi sunt vbique Christiani.

Mulier alibi Christiana maluit ipsa exulare & filium seruituti permittere, quam à fide vel verbulo declinare. Alij duo maritus Thomas, & vxor Lucia proscripti non inueniebant vbi caput reclinarant, abiecti ab omnibus sub nudo celo auxilium cælestè præstolabantur. Illud fuit planè insolens, nam sacrificulus panas legum nihil veritus, eos excepit, & alienam miseriam suo periculo sustulit. Verum omittis ijs certaminibus, quæ sine sanguine gesta sunt, ad atrociora veniamus. Cusanum est Regni Chicungo non ignobile oppidum, in eo præsidis iussu tres neophyti in publica vincula conpinguntur, de singulis agemus, ac primum de fortissimo athleta Ludouico Sottaro, is in priore prælio sub Daifu victor multa tolerat, neque hoc vltimum, quod erepta illi vxore, & in seruitutem redacta, ipse sibi noua prælia procurans, ex eo tempore continentiam imperauit; Is vbi de hoc vltimo tumultu inaudiit, primum omnia, quæ forte contraxerat debitorum nomina dissoluit, res suas domesticas composuit, peccatis se expiauit, ac deinde iudici se stitit, ea passurus quæ nunc subiungā, quibus atrociora nemo in hac secunda tempestate pro fide tolerauit, sed quia tandem liber cum vita dimissus est, & Nangasaquij viuit, rogatus est vt propria manu diuina circa se mirabilia testaretur, quod fecit ille auctoritati nostrorum cedens, qui eos colit vt magistros, & quamuis à nostro sacerdote & ab alijs fide dignis eadem scripta sint, iuuat tamen potius ex eius scripto candidè ac fideliter rem excipere, & eum velut narrantem audire. Ita igitur se habet narratio ad verbum è Iaponensi descripta.

Vndecimo die Lunæ postremum renascentis (cecidit is dies in 21. Octobris anni 1616) sexta quadam feria Cusani,

cuius oppidi ego eram incola, edictum publicatum est, quo edicto Christiani, propositis grauib; pœnis, suam legem deferere iuebantur. Eo ipso die res meas composui, & sequenti sponte ad iudicem vrbani me contuli, vbi mox multis prælijs laceratus sum à multis, vt me à fide Domini nostri Iesu Christi remouerem, quibus ego respondebam, me neque cum vitæ periculo tantam perfidiam in Deum admissurum. Tum iudex iubet me inuolui intra stoream, è fissis arundinibus intertexto fune contextam, & inuolutum funibus exterius tota ferè storea conuolutis stringi, & ita nudum, in medium vicum ad ignominiam proijci, in quo tormento perstiti totum eum diem reliquum, ad mediam noctem, vrgentibus interim qui adstabant, vt Christum eiurarem. Primo diluculo insequenti, dies erat Dominicus, Yanauagam Regni metropolim vinctus, abducor, & asservari iubeor in ædibus præfecti, cui Cusanum, eiusque ditio est commendata, is Vacajadonus vocatur; qui totus in eam curam incubuit, vt me de proposito deturbaret, sed cum videret me per Dei gratiam nihil suis persuasionibus commoueri, iubet me ad vnum è supremis regni moderatioribus abduci, is Tonaca Dayendonus vocatur, vbi vinctus in atrio ab astantibus multis, & maximè ab adolescentibus nobilibus vrgebar nunc blanditijs, nunc minis, nunc alijs rationibus, vt sententiam mutarem, quo in negotio supra duas horas me frustra tenuerunt. Tandem prodijt ipse gubernator, qui nihil reliquit intactum, quod non ad me de proposito deiiciendum adhiberet, sed ad omnes res, hæc vna mea deinceps responsio, nihil esse quod se vltra fatigarent, esse me Christianum, cum viuo, fore me cum moriar, æque Christianum.

Hoc extremum responsum grauate tulit gubernator, & vultu ad seueritatem composito dixit, se mihi ea supplicia inflicturum, quæ me fortasse ad huius contumaciæ pœnitentiam inducerent, ac deinde me in yendo Regiam amandaturum, vt ibi extremas peruiaciæ pœnas darem. Respondi posse illam quicquid vellet facere pro arbitratu, sed tamen longè ab futurum ab eo quod maxime cuperet, vt me ad negandam legem meam adduceret, & mox Domino Deo me commendavi, petijque vt à me peccatore manum suam
mini-

minimè remoueret, sed potenti suo brachio infirmitatem meam sustineret, quoniam pro sanctissimo eius nomine persecutionem patiebar. Et tunc in animo meo sensi magnum robur & solatium. Deinde me in priorem domum reduxerunt, vbi denuo vrsere me vti tandem aliquando desisterem, neque ita essem cerebrosus in eo maximè negotio, quod mihi tanti erat, sed nihil aliud respondebam, quam ne quid in Deum meum peccarem, me omnia quæcunque contingerent toleraturum.

Cum igitur iam demum intelligerent, me per Dei gratiam, nihil eorum verbis commoueri, ad opera venire constituunt, nam abducor in eum locum, vbi reist tormenta infliguntur, ibi ex trabe funem crassiorē suspendunt, & me manibus pedibusque in vnū colligatis instar globi vincientes, ex eo fune, de trabe suspendunt. Tum carnifices magna celeritate me in gyrum rotant, donec intortus funis ad ipsam me trabem eleuaret, tum laxato repente fune, in aduersum reuoluor ea celeritate, quam intortus per vim funis & corporis pondus efficiebat, & tum ita caput turbatum est, & oculi defecerunt, vt cordis agoniam, quam tunc sensi nullis valeam verbis explicare. Quieto iam fune, cum mihi præsens non essem, leuiter aqua perfundor, vt mihi restituerer, & tum vrgent denuo vt Christum eiurem, sed cum negarem me facturum, denuo intorto fune conuoluor, & quia ex illo primo tormento ita defeceram, credidi me ex secundo moriturum, verum inuocatis SS^{is} nominibus Iesu & Maria, ita mirabile robur sensi, vt magna illud secundū facilitate tolerarim, quo perfunctus, iterum vrgeor ad defectionē, verum Dominus Iesus vires mihi dedit, vt semper in sanctissima fidei confessione constans permanerem.

Tum igitur vineulis exsoluor, & pronus in terram abiectus, denuo vincior in globum, manibus ac pedibus inter se à tergo colligatis conuolutus, ad eum modum iterum ex fune suspensus in gyrum agor, hoc solum discrimine, quod nunc à dextra in laeuam conuoluebar, & ad eum modum, quo supra eleuatus ac demissus celerrimè reuoluebar, sed in hoc tormento sanctissima Iesu ac Mariæ nomina, quæ nunquam nec ex ore nec ex corde dimittebam, vnicum solatium fuerunt. Id tormenti genus tormentum surungarum appellatur.

Vbi nihil hoc tormento impetrare se vident, in atrium abductor, vbi duo carnifices magna vi os tibiæ sinistra intra duas scloporum fistulas arctissimè includunt, idque per longum spatium, continuis interim me interrogationibus laceffentes, num Christum abdicarem, & cum me facturum negarem, adfertur arundo non crassa, quales eæ sunt ex quibus sagittæ conficiuntur, ea crus dextrum sensim perforare aggrediuntur, ad modum terebri arundine conuoluta, & arundo sensim in carnem penetrans, eam quoque carnem intra vacuitatem sua recipiebat, tunc extrahentes arundinem, carnem, quæ pro medulla erat, subducebant, & in idè foramen arundinem immittentes vltra perforare pergebant, donec ad os ipsum peruenirent, à quo nonnihil discedentes secundum os arundinem circumuoluebant, semper interim sciscitantes num Christum abiurarem, & negantem me duobus in locis, in dextero crype, ad eum modum terebrarunt, cum interim tibia læua intra suas fistulas arctaretur.

Finito hoc tormento vices permutarunt; nam soluta tibia læua, dexteram ad eundem modum intra fistulam coarctarunt, & crus finistrum eadem arundine, duobus in locis, vt supra terebrarunt, interim interiore solatio perfundebar, quod hæc omnia paterer pro sanctissima fide Domini nostri Iesu Christi. Ad hunc modum cruciatum & cruentum duo tresue carnifices in interiorē me domum retulerunt, neque enim pedibus consistebam, & cum nescio quis, ibi ex astantibus diceret, tibias intra suas fistulas non satis, arctè laborasse, carnifices responderunt se ita strinxisse, vt crepitum dissiliētis ossis audirent, & reuera ita fuit; tum alia grauiora & atrociora tormenta minaces intenderunt, quibus singulos manuum ac pedum digitos per vim se extracturos iactabant, quæ cum dicerent, sensi me quodam sudore perfundi, qui permixtus sanguini, quem vulnera emittebant, in memoriam mihi reuocauit sudorem sanguineum, quem Dominus in horto expresserat, eaque meditatione admirabile sensi animæ meæ robur & solatium.

Tum præses ad me conuersus, alia multa tormenta me manere

nere pronunciauit, eiusque iussu baiulorum humeris in custodiam publicam deferor; ibique pro foribus, vestibibus planè omnibus exuor, & in terram abiectus ibi semiuiuus relinquor, sed alij duo neophyti, qui in eadem fidei causa tenebantur, me in inferiora ergastula receperunt, ibique tres tenebamur propè nudi, nisi quod intimam nobis vestem tenuem illam, & regendo corpori magis quam arcendo frigori accommodatam reddiderunt, cibus noster erat Orizæ paululum, nec plus aquæ, in diem semel vtrumque, quantum ad mortem arcendam non ad vitam sustinendam satis esse videretur, & ne quid nobis aliunde suppetere, vigili excubitorum custodiâ, caritas omnis arcebat. Denique Cusanz dititionis in metropoli iudex Cusanis me reddidit asserens quod à supremis regni moderatoribus ut viuerem impetrarat. Hactenus Ludouicus qui modo Nangasaku viuit, non latior eo quod passus est, quam tristior ex eo, quod viuere, finiretur.

Alij duo neophyti, quos initio dixi, Cusani comprehensos, Ioannes Rocayemon & Leo Quezayemon dicebantur, uterque in his pro fide prælijs veteranus, multisque iam certaminibus nobilis, & qui iam aliquoties coram iudice bonam confessionem confessus, vincula sua quibus iam diu tenebatur, cohonestarat, vix dici potest quam acriter horum Christi pugilum constantia sit oppugnata, nihil blanditiæ, nihil preces, nihil adductæ rationes, sed nec minæ poterant, tamen in ea nuditate, in ea penuria, in eo carceris pædore, in ea vinculorum molestia detenti audirent, eam rem fore perpetuam, in cuius condimentum varia deinde supplicia se addituros minabantur, quam eorum firmitatem ethnicus nobilis qui criminum suorum reus ijsdem vinculis tenebatur, cum attentius intueretur & diuturnitate temporis stuporem confirmaret, tandem apud se statuit eam alacritatē, eam vitę integritatē, illud patiendi desiderium aliquid habere supra mortale, nec sine arcano aliquo mysterio posse constare, rogauit ut id arcanū atq; mysteriū doceretur, Ioannes in prælectionibus catechisticis probè eruditus, Christianis mysterijs hominem imbuit atq; adduxit, ut ad baptismi fontē anhelaret, quē Leo illi aperuit, & Ludouicus eū de sacro fonte susce-

suscepit, ita quod erat inchoatum omnium opus, omnes perfec-
runt, alium etiam, qui iam olim infans ablutus fuerat, & ethnico-
rum consortio se deinde polluerat, horum eorundem opera se in-
spexit, & iisdem prælectionibus imbutus, cœpit esse, quod esse se
nesciebat.

Nocte quadam eorum alter eductus vinculis ad Gubernato-
rem aut ad mortem rapi se cogitabat, sed ecce ad suos omnes qui
ex composito conuenerant adducitur, ibi mater, ibi frater, ibi
vxor, ibi filij, ibi cæteri propinqui cum eo pugnaturo aderant, roga-
bant, supplicabant; obtestabantur, modò singuli, modò simul
omnes, ut tandem de pertinacia decederet, ut sui, ut cæterorum,
misertus, omnium gratiæ ne verbum negaret. verum ille non re-
spexit ad carnem & sanguinem, sed omnia tela nequissimi ignea
scuto fidei excepit ac repulit, quod cum eius frater vidisset, in furo-
rem versus pugionem strinxit, & arreptam vtriusque parentem se
confossurum inclamat, ne diutius tanto filij dolore contabescat.
Interim noster pugil veritus ne fratris furor in parricidium vertere-
tur, nihil nisi SS. Iesu ac Mariæ nomina inuocabat, nec adductus est
ut alieni periculi metu æternam sibi mortem inferret, Christoque
negato animo non corpore moreretur. Quibus Gubernator auditis,
de victoriæ spe deiectus, cum mortis inferendæ ius à Dynasta
nullum haberet, etiam à tormentis abstinuit, Ludouici exemplo
doctus, minus hæc quam reliqua valere, ad eos de proposito di-
mouendos; quod supplicia horrere nescirent, qui ea tantopere af-
fectarent, dimittit igitur liberum vtrumque satis mæstum, quod
cupientes dissolui, & esse cum Christo, vinculis mortalitatis, è
quibus iam prope se expediuerant, adhuc tenerentur.

Horum exemplo accensus Andreas ita efferbuerat, ut sua
sponte ad Iudicem pergens profiteretur, se in eadem lege viuere,
cuius causa tres illi dicebantur comprehensi, petere se, ut si hoc
crimen erat, eadem cum illis pœna plecteretur. Ad hæc Iudex
inquiret de patria, cumque externum didicisset, damnat exilio,
professus ita se habere in mandatis, & ad sua conuasanda triduum
illi attribuit, Incredibile est quanto mœrore sententiam exceperit,
quod mori pro Christo cuperet, & viuere cogeretur, ad nostram
itaque

itaque sacerdotem accurrit & totus in lachrymas effusus, suam sortem deplorabat, ac si non de vita, sed de morte lugeret, admisit tandem solatium & nondum planè desperans sprete exilij sententia, Christi milites cum Cusano Yanagauam ducerentur, statuit comitari, in eorum confortio sperari fortasse id, à quo nuper exciderat, sed ibi spem ludens Cusanum redijt, nec fuit qui neglectam exilij sententiam causaretur, sed viuit quietus in martyrij occasione quamlibet nitentus aut potius anhelans.

*IN REGNO CHICUNGO MARTINVS SV-
quimoto Christi fidem sua morte cohonestat.*

CAP. XIII.

Martinus Suquimoto natus in Regno Chicujen, in pago Votomura, parentem habuit auumque Christianos, ipse infans Christo aggregatus, in hac renouata sub Xogun tempestate, facto vitæ naufragio, martyrij tabula delatus, in caelestem portum enatauit. Id quomodo acciderit ad Christianam fidem confirmandam sanè gloriosè, hoc capite videamus, rem totam altius repetentes.

Cum primo Daifu edicto Christi fides impeteretur, & edictorum atrocitas in Chicungo regnum irruisset, Martinus tum gubernatori ditionis vnus seruebat, & ab hero euocatus monetur, vt ex edictorum sententia Christum eiuret, & quam maximè laponsium sectarum velit eligat, nec dubitet in hoc tanti momenti negotio consilium sequi, quod ipsa rei magnitudo secum adferebat. Ad hæc Martinus respondit: negotium salutis æternæ tanti est, vt non malè monueris, illud consilium sequendum, quod ipsa rei magnitudo secum affert, quod dudum iam ipse secum statuerat millies videlicet mori potius, quam eam legem deserere, in qua est solà salus æterna, quam ego inquit, ab ipsis cunis acceptam, per vitam vniuersam retinebo. Nihil habuit ethnicus quod redderet, sed à furore consilium sumens, in Martinum inuadit, & in terram abiectum, rosario serito quod è collo gestabat, exuit ac si vna fidem

Martino rapuisset, qui satis simpliciter aliquot dies maestus dubitavit, num quid ea sibi rapina herus de fide detraxisset; sed tandem se colligens, nihil deinde dubitavit culpam sine consensu nullam esse, neque Christi fidem ita istis externis pietatis auxilijs contineri, ut ijs carere non possit, sine contemptu praetermissis, multoque magis per vim ereptis; & tamen, ut est tenera recte factorum conscientia, renunciari iussit hero per contubernaleni; nihil sibi de sua fide cum globulis peccatorijs rapuisse, quae non erat necessario illis signis illigata, esse se non minus, ac semper fore Christianum. Quin etiam conquisito sacerdoti rem exponens, in sua firmitate confirmatus est, ne tamen ultra cum Religionis ignominia ad eum modum luctari cum hero cogeretur, ab eius famulatu descissit, & ad alium transit ethnicum, etiam alterius ditionis moderatorem, à quo praeficitur censuum exactioni nescio quibus in pagis exercenda, quod munus cum vix exerceri possideret & cum heri gratia, & cum vitae puritate, maluit & hunc herum relinquere, quam huius gratiam diuinæ præferre; quantumvis ne id faceret ab hero, cui iam esse carus cæperat, impensè rogaretur, ergo in posterum sibi Deoque viuens egregiè se ad futura praelia comparabat.

His occupatum pietatis exercitationibus, altera tempestas, de qua nunc agimus, deprehendit, & quoniam nulli non erat notus hoc nomine, quod esset cum multis, & præ multis Christianus, in eum Iudex designatus primum & maximè decertauit. Ergo ad se euocatum his, ut scribitur, verbis non malè ad persuadendum compositis compellat, non est, inquit, Martine, quod tibi exponam, quanti referat ad Regni ac Dynastæ res tuendas, in eius ditione nec vnum censei Christianum, quod ita exactè præcipit, ac procurat Imperator, velim ut maturè dispicias, quid è tua res sit, an in tua sententia pertinacem mille te molestijs immergere, an iter sequentem regium, quod in Iaponia tot iam sæculis suppremi infimique terimus, barbara lege ac peregrinis ritibus abiectis omni temet ac molestia liberare. Ad hæc Martinus in his praelijs veteranus, ita respondit breuiter sed neruosè; mihi iam diu constitutum est, nullo periculo proposito, perfidiam in Deum admit-

admittere, Christianus sum; & id esse coram vniuerso orbe profitebor, quo dicto abiitè conspectu, & salutato iudice domum suam se recepit. Non satis se expediebat Iudex, quid in hoc negotio consilij caperet, ne spretus fuisse videretur, demum ad se loci Praefectum vocat, iubet vt omni arte Martinum expugnet, adhibeatque si solus non potuerit, contra vnum vniuersos, quod si nihil impetraret, tum demum toto Regno pelleretur, Concurritur ergo in Martini domum, & pro se quisq; exaggerat, quam carus sit omnibus, & quam cupiant ipsius res in melius semper crescere, vnum dolere, quod ipse nimium propositi tenax, euocet sibi magnos labores, quos omnium consilio, votis, precibus à se auertat, & cedat aliquando de sententia, neq; pertinax haberi velit, qui constans haftenus videri potuisset. Quibus Martinus primo responso, spem omnem victoriae præripuit in hunc modum. Nihil est inquit, quod incassum verba teratis ac tempus, in ea, quam vos opinionem meam ac pertinaciam appellatis, ita sum saxeus vt, tametsi ad me ex ea deturbandum tres filiolos meos in oculis meis in frustra membratim discindatis, non erit hoc satis ad impetrandum vt vel tantillum deficiam à lege Dei mei, in qua velle me viuere & mori profiteor, quo responso tota ea turba ita obstupuit, vt suo silentio manus daret.

Vix benè finierat Martinus, cum ecce tibi à Iudice nuncius sciscitans ecquid Martinus de sententia discessisset, si nondum, intra stoream è follis arundinibus contextam inuolueretur, & ad ignominiam suppliciumq; in publicum deportatus abiceretur. Proferuntur ex templo storeæ duæ, tum demum exultante Martino, sed mutato repente consilio, in alium pagum abducitur, iridente nostro pugile, quasi esset cum loco sententiam mutaturus, verum deinde ex eo loco, cum sibi relictus esset, redijt ad priorem cum vxore & filiis, quod illius pagi incolæ, nescio quos eius causa metus concepissent, & quoniam in dies incrudelcebat malum, Martinus iam Christianæ militiæ dux factus videbatur, vicina loca circumcursans omnes, vt sibi constarent hortabatur, nec eo regno contentus, in quo degebat, cum audisset Facata, quæ Regni Chicujen est metropolis, vrgeri Christianos, eo accurrit. Degebat ea in vrbe Paulus

Martini frater, fratri simillimus, aberat tum fortè domo, cum ad eam vrbani gubernator suos ministros destinavit, Paulo mandata ferentes ut à Christo deficeret. Quibus Martinus abesse fratrem ait, posse nihilominus responsum ei dare, à quo mittebantur, se illius nomine negare facturum quod videbatur, in eo quod ad legem spectabat immutandam, cui ministri nihil aliud de eo suspicamur, ita futurus vix à quoquam dubitatur, & tandem Paulus cum advenisset iubetur exulare.

Ita fluebat tempus interim dum adhuc Martini causa pendebat, donec altero die lunæ decimæ, cum intellexisset gubernator eum non tantum non toto regno exulare, sed etiam in ditionem suam commorari, excanduit, & alteri mandat, ut de tota re inquirat, reosque castiget, qui loci Præfectum aliosque ex eodem pago multos comprehendit, quod renuentem à fide deficere, toto regno non eiecissent, prout habuerant in mandatis; neque illos comprehenderat, sed etiam velut gravium criminum reos, iniecto in collum fune ac reuinctis manibus detinebat, nec adduci potuit ut solueret vinctos tametsi ad culpam eleuandam, pœnamque deprecandam aliquot illius loci seniores ad eum accessissent, dixissentque collaborasse omnes ut Martinus expugnaretur, sed eum ita esse pertinacem ut ne verbulo quidem, saltem ut fingeret potuerit impetrari, quibus Iudex respondit, eam culpam sui que contemptum, in ipsum Imperatorem cuius spernerentur edicta redundare, pro quo Martinum dedisse iam legibus pœnam oportebat.

Hoc ipso tempore apud fratrem Facatæ diuersebatur, qui accepto nuncio mirè lætus ad suos recurrit, & cum ex itinere ad ethnicum dirionis cuiusdam Præfectum, amicum suum diuertisset, accepit clarius quam multi eius causa vinculis tenerentur, teneri eum vrbani legibus ut in vincula se traderet, innoxios liberaturus. Cui Martinus ait se illius rei causa venire, neque aliud in votis habere, quàm ipsam mortem in Christi causa subire. Comprehenditur ergo Martinus vna cum vxore tribusque filiis, & quidem bono vtaugurabatur omine, quod is vinculorum dies B. Martino patrono sacer esse ab eo non nesciretur. Primogenitus eius

eius Michael, nondum duodennis, parenti carissimus, quod ingenij ac naturæ bonitate multa promitteret, is igitur cum in conspectu parentis vinciretur, ita est ab eo compellatus. Has manicas, quibus manus, hunc funem, quo collum induisti, ne arbitreris te mei causa induisse, pro Christo Iesu Deo ac Domino nostro captus es, exulta fili, pro beneficio ac felici sorte, ne formides fili, nam curriculum erit breue, sed præmium sempiternum. Cui puer agnosco parens quæ dicis omnia, nulla te mei cura angat, ego te ad mortem usque comitabor, quod eo vultu dixit ac animi firmitate, ut stupuerint, quotquot aderant vniuersi, dicebantque inter se submurmurentes, pueri ad sicæ conspectum tremunt, hic iam propè de morte certus exultat, quid illud est, quod in hac lege arcani latet, è quo tantianimi suppeditentur?

Dies nouem vna cum suis ergastulo detentus, prælia Domini nulla intermissione præliatus est, nam cum omnibus carus esset, amicitia dare se putabant, si eum de sententia deturbarent. Dicebant igitur alius post alium, renouato in horas certamine, hanc edictorum atrocitatem ventorum turbinem posse appellari, quem illæsus exciperet, si se tantisper inclinaret, si resisteret frangeretur: videret quantum famæ suæ detraheret, quod uxoris ac filiorum vitæ ne verbulum quidem daret, quam hoc ab omni naturæ ac urbanitatis lege esset alienum, quibus Martinus gratias agebat pro propensa omnium in se voluntate, neque se mirari aiebat, quod, ignoratâ salutis æternæ viâ, se ab ea conarentur auertere, sed attenderent omnes esse mortales, nec omnia cum huius vitæ breuitate finiri, æternam manere vel vitam vel mortem, quis est satis mentis compos, qui breuem æternæ morti vitam anteponat, his ac similibus colloquijs importunos à se hortatores repellibat. Quod reliquum erat ab his prælijs temporis, totum illud Martinus in preces expendebat. Die porro quadam uxorem suam Magdalenam, ita fertur allocutus, Nihil est quod me hoc rerum statu sollicitum habeat nisi tu, si fortè quod Deus auentat, præsentis mortis metus te deiciat, atque ideo pro te virginem Mariam precor, ut à filio suo tibi talem animum impetret, ut eo confirmata hostium acies, nudas siccas, vibrata tela non horreas, nec animo permouearis, si te

præsente filioli nostri membratim lacerentur, quibus illa ita respondit, ut maritum magna sollicitudinis huius parte liberaret.

De fratre iam victo, in pago Tanuximiro, Paulus interim audiit, eoque accurrit fratri suo vicem redditurus, cui Martinus, ego inquit, cuius rei causa teneor iam inaudieris, non arbitror me indignissimum in eam fortunam venire, ut pro fide mea vitam prodigam; qui Cusani capti fuerant, & Yanagauam abducti dimissi sunt, quid est ultra, quod sperem quam mori, abire poteris, teque ad tua recipere. Cui Paulus tametsi satis scio, nihil opus esse currenti calcar addere, rogo te tamen ut consummes cursum tuum, neque committas, ut te ego fratrem dedigner, imo & salutatione indignum putem, quod omnino contingeret, si spem meam falleres repente immutatus: subrisit Martinus, sperareque se ait cum qui hactenus vires dedit, in posterum minimè negaturum. Ille cui gubernator eius ditionis, in qua debebat Martinus, hoc negotium commiserat, eum monuit, se Martinum cum vxore & filiis in vinculis habere, iuberet quid ijs fieri vellet, ille pro ea maleuolentia, qua persequitur nomen Christianum, tametsi à Dynasta non haberet in mandatis ut quemquam morte mulctaret, ex ijs qui deficere renuissent, sciretque supremos Regni moderatores in metropoli à sententia mortis nuperrimè sibi temperasse, nihilominus in Martinum sententiam capitis pronunciat, vxorem cum liberis liberam dimittit, non illa quidem sua voluntate, sed multorum precibus adductus id permisit. Quam hilaris laureatæ mortis nunciū exceperit noster, non facile est exprimere, liberis vxoriquē vitam impetratam grates habuit intercessoribus, dixit tamen gratus sibi futurum, si omnes in sacrificium pramississet, sed sicut fuerit voluntas in cælo, sic fiat. Cum educerentur inuiti è vinculis, in eum eiulatum cum liberis Magdalena prorupit, ut intuentium oculis lachrymas imperarit, solus maritus sereno vultu, nullum ex oculis imbrem depluebat, & siccus postrema illis mandata, quæ semper fuerunt illi prima, de retinenda fide commendauit. Eodem tempore Cosmam Neophytum, qui ad eum in hoc agone confirmandum vnus accurrerat, breuissimo scripto salutauit in hæc verba: In diem huius Lunæ nonum indicta erat mors mea, biduo dilata est.

in hunc undecimum, quod ad me confirmandum veneris, gratias habeo, magnique æstimo quod tuis consilijs edoctus ingressurus mihi videor in eorum numerum, qui gloriæ Domini participes sunt. Vale.

Aduenit tandem opratus martyrij Lunæ decimæ, dies undecimus, Nouembris nostri 19. anni 1616. sub noctem, quæ illi fuit æternæ lucis aurora, veniunt in carcerem magno satellitio stipati tres è senatoribus, & magna quiete præstolantem reperiunt, vincitur manus post tergum reuinctus, in collum funis iniicitur, vix præ orationis intensione aduertenti, & cum ad se rediisset exclamare capit, nescire se quo suo merito vincula & mortem in Christi causa pati consequeretur, hoc à Deo beneficium, non aliunde provenire. exigit igitur à suo ergastulo, comitantibus ethnicis amplius trecentis, Neophytis omnino 12. è quibus duo, Cosmas & Gregorius non nihil præeuntes latus dexterum affini eius Dominico, sinistrum Paulo fratri reliquerant, hic cereum accensum manu gestabat, Martino eum traditurus, sed vincula non permiserunt, idem fratri agni sacri effigiem ceream, deosculandam dedit, tum denique se totamque familiam ipsius precibus, cum in cælum mox venisset, commendabat. Cui Martinus modeste respondit, se martyrij corona indignum, si tamen ea potiretur, fore ut petitioni non deesset. Venitur interim in sacrificij locum, & Martinus ad ortum conuersus in genua ruit, cumque breui oratione se tacitus collegisset, elata voce ter Iesum ac Mariam inuocat, Deoque gratias agit, quæ verba cum repeteret amputatis ceruicibus vox nondum interrumpitur, sed quæ dicere cæperat accuratè pronunciauit, deinde in truncum cadauer immanes carnifices nondum sœuire destiterunt, sed Iaponiensi barbarie fidas & nervos ostentantes membratim conciderunt, frustra Nangasaquium delata Ecclesiæ pacem colenda præstolantur. Ea mors multis hominum sermonibus causam dedit non satis capientibus, quid esset in lege Christiana, cuius causa Martinus uxorem, filios vitamque lætus exposuerat, quod nemo faceret ex indigenis sectarum

suarum, non tanti pendentibus vani-

tatem.

DE

DE BVNGENSIBVS AC BVGENSIBVS

Neophytis & vnus martyris.

CAP. XIV.

BVngensis ac Bugensis Regnorum Ecclesiam è nostris duo procurant, maiore quam alibi labore, quem neophytorum multitudo, locorum distantia, regionis asperitas tenuitasque auget, quibus etiam hoc biennio accepit Fiungæ Regni ea pars, in quam Arimensis tyrannus & apostata Michaël translatus est, ad cuius familiam, in qua multi sunt Christiani, altero annorum vnus ex alumnis excurrit, altero etiam sacerdos noster, fructus ex tota messe collectus spem colonorum non fefellit, & ipsam laborum magnitudinem sua copia cumulauit, verum ad priuata quædam descendamus pauca de multis seligentes.

Vrbis cuiusdam Præfectus ad Neophytum adolescentem nobilem, qui Leonis nomen, fortitudinis omen acceperat, se contulerat. Hunc oppugnaturus, sæpe repetitas artes admouit, cui Leo beatum se fore dicebat, si in causa fidei moreretur, qua re nihil esset in hac mortali vita, quod cuperet ardentius. Age igitur Præfectus inquit, quoniã cõtumax es, & in hac tua sententia obfirmatus, scribe sodes te in hoc tuæ legis negotio nec Dynastæ nec Imperatori Daifu parere: scribo ait Leo; nec mora scriptum tradit, qua adolescentis constantiã cum creuisset oppugnantium furor, in interiorem domum irruunt, quærentes si quid sacrum reperirent, nec aliud occurrit (cætera enim iam domestici seposuerant) præter papyraceam imaginem ipso tempore propè laceram. Tum in adolescentem irruunt omnes, arreptamq, illius manum per summam vim cogunt, scribere, se à Christo deficere, nomenque expresso sanguine è digito subscribunt, verum ex ipsius scripti lituris & malè formatis characteribus, facilè vim homini factam esse apparebat, & licet iam liber reclamaret, abiere nihilominus cum scripto impostores. Id cum primario moderatori & huius causæ iudici traditum esset, facilè patuit fraus, maximè illi qui Leonem nouerat, vinci non ita facilè potuisse. Mittit igitur qui à Leone quærat,

nunquam

num Christi fidem scripto à se abdicatam fateretur, negauit ille se id etiam cogitasse, simul aperuit fraudem, quæ seipsa prodebat, Iudex tamen hoc accepto responso conuiet, & victor Leo antiquam retinet Christiane viuendi consuetudinem.

Casa locus est Regni Bungenasis, quo cum furor ethnicus deuenisset, inuenit Christiana pectora, quæ intrepidè repugnarent, sed præ cæteris nouem excelluisse scribuntur, qui intra saccos, Oriza detracta, arctissimè alligati (prout varijs in locis fuerat iam usurpatum) abiecti sunt in desertum locum, additis custodibus, qui prohiberent quenquam ad eos ex vrbe diuertere, ergo sine cibo potuque lupis expositi, quos ea in regione ferunt esse permultos, dies quatuor, noctes quinque mortem læti præstolabantur, seque inuicem hortabantur non viri solum & fœminæ, sed & pueri, quos præ cæteris scribitur fuisse continuos hortatores, è quibus vnus nondum quadriennium totum vixerat, vt verum esset quod scribitur, ex ore infantium perfecisti laudem, quæ ex firmitate iudex ne victus videretur, seruo suo cuidam mandat vt eos interficiat, sed ita mandat, vt famulus intellexerit, gratius illi fore si soluantur, ergo ad eos famulus cum perrexisset, funes maluit quam ipsos truncare, dimissi à famulo iubentur exulare; conuiente in posterum iudice, nec ultra de reis inquirente.

Melior fuit alterius fortuna, qui suæ constantiæ præmium martyrij lauream est assecutus, in Regno Bugensi; è Bungenfi tamen oriundus, è familia supra vulgarem, Christianus factus, ita vixerat, vt exemplar esset cæterorum, nam orationi deditus erat impense horis præsertim nocturnis primoque diluculo, |solemne illi sextæ feriæ sabbathique ieiunium; alterum Christi tormentis, alterum colendæ virgini dedicatum. Is in primo impetu non tantum non nutauit, sed neque iudici cessit, neque amicis defectionem vrgentibus, quod molestè ferens vnus è propinquis eius, Sopro appellatus, chirographum clam concipit, quo chirographo se Christum abdicare profitebatur, Romani manum quoad potuit imitatus; delatum est illud ad iudicem, in scio planè illo, cuius maximè intererat, donec tandem indicio Neophyti, fraus Romano prodita est, satis indignanti, quod à suo propinquo ad eum mo-

dum infamia notatus sibi videretur, sed ea, si quæ fuit, quam diu fraus latuit, eâ prodita facilè compensata est tot officijs, quæ ad eam delendam sunt à Romano procurata. Nam primum ex ea die globulos precatorios è collo gestauit, domi suæ in aula, quæ primâ ingredientibus excipit, crucem exponit, nec adduci vnquam potuit neophytorum etiam consilijs, vel precibus, vt hæc externa religionis signa semoueret, dicebat enim id ijs licere, in quos nulla proditæ fidei suspicio cecidit, se ad offensionem tollendam, iniustæ sibi calumniæ teneri ad id quod credebat, externis signis profitendum. Nec his contentus ad Iudicem pergit, fraudem aperit, de iniuria quæritur, & quid credat, quam legem sequatur, ac semper fuerit securus, exponit.

Iudex hominis libertatem, sui contemptum interpretatus, Romano iniici vincula imperat, & in publicam custodiam abduci, ibi varia prælia ab hostiliter amicis, quin ab ipsa sua coniuge & socru tulit fortiter, ac generosè, deinde in arctiorem custodiam compingitur, ac tandem post menses 8. Martij 21, anni 1616. morte damnatur, admirabili gaudio perfusus, quod in votorum suorum apicem euassisset. Educitur ergo in locum supplicij, quod iter & longum & asperum, vt aliter quàm nudis ac deinde laceris pedibus emetiretur impetrari non potuit, cum neophytis sapius calceamenta obtulissent. Totum illud iter tacitus, & cum Deo vno colloquens ita confecit, vt nemini etiam quippiam quærenti responderet, nisi fortè semel cum duo neophyti eum, vt ad finem sibi in retinenda fide constaret, hortarentur, respondit enim, vt sine cura essent, daturum se cum diuina gratia operam, vt ne deficeret. Fortè cum ex itinere nobiles aliquot in eum adulescentes incidissent, quærunt ex ministris, cuius rei gratia moreretur, cum illi respondissent, mori quod esset Christianus, intulerunt miseros esse ac mente captos Christianos, si qui essent in Iaponia vniuersa, quippe quod legis suæ causa morerentur, in quos Romanus intuens subrisit, tum oculis in cælum sublati dixit, Benedictus Deus, ac si diceret, Confiteor tibi pater, quia abscondisti hæc à sapientibus, & reuelasti ea paruulis. Inter hæc venit ad locum, in quo velut in ara, victimam mactari oportebat, ibi
fixis

fixis in terra genibus ultra horam orando absumpsit, donec carnisfici venit in mentem nihil ultra przstolari, oranti enim caput primo ictu decussit, in ea ætate qua Christum Dominum pro nobis crucem subiisse vulgò creditur, & alia quoque re similis Domino suo, quod eandem cum fontibus insons tulerit sententiam. Corpus propinqui asseruandum sibi velut sacrum, quod erat pignus acceperunt, & vt certius constet, qua in causa sanguinem fuderit, omitti non debet illius testimonium, cuius erat rerum causas reuideri, is porro Zozayemon dicebatur, cuius rei causam Romanus capite lussit, quod Christianus esset, nec desierit se ralem profiteri, & addidit Christianos in lege sua retinenda videri nimis duos, tum ille, qui quæsierat, Didacus Fakodono, felicem igitur illum ac ter fœlicem, quam felicitatem ethnici risu exceperunt, ignari quid tali morte Christi pugiles consequantur.

ALIA NONNVLLE IN IISDEM REGNIS.

C A P. XV.

TAmetsi multa passim omitto similia refugiens, aut vñtata, non possunt tamen omitti casus aliquot euentu mirabiles, & varietate materiæ diuersi. A Christo defecerat neophytus vnus aliquis, Daifu fulminâte, is ex eo tempore subinde eo furore corripiebatur, vt nemo illi Impunè occurreret, ac si quando monebatur Iesum ac Mariam innocare, in blasphemos clamores prorumpens, Amidam eructabat. Contigit die quadam vt velut aliud agentes neophyti quidam, hominem in ædem alterius neophyti deducerent, pro eo preces ad Deum facturi, verum in limine restitit iam sentiens quid ageretur, & è manibus omnium elabens, in domum suâ recurrit. Non multi dies abierant cum nocturnis horis, per magnos imbres domo erumpit quem eius frater, quoad potuit consecutus, demum & nocturnis tenebris & imbre fatigatus, cum extra conspectû se proripisset, domum redit satis metuens aliquod bacchanti infortunium. Die insequenti cum nusquam compareret, ad eum vestigandum multi oppido egressi, ne vestigiû eius repererunt, verum post quintum diem, duas leucas à domo distans reperitur

ad rupis pedem mortuus, horribili aspectu formidabilis, è qua rupe videtur ille præcipitem se dedisse, aut à daemonibus præcipitem datum defectionis suæ penas luisse, qui casus omnes terruit, nec parum aliquos in retinenda fortiter fide continuit.

Ludouica matrona nobilis illa, cuius epistolam initio retuli, cum de nostris agerem vniuersim, illa inquam, imminente partu, insolitos dolores experta, toto etiam corpore intumuit, eoque res deducta erat, vt iam extra spem vitæ posita videretur. Ergo quoniam domi suæ nostrum sacerdotem habebat, peccatis expiata, sacro etiam pane ad viaticum confirmatur, & quia nulla ei spes ex artis medicæ subsidijs supererat, ad diuinam conuertitur, acceptam à nostro sacerdote reliquiarum thecam, in qua de S. P. N. Ignatii sacris mortalitatis exuijs nescio quid, seruabatur, maritus è mulieris collo suspendit, nec mora, nullo negotio partum emittit, totoque corpore breui conualescit.

Magis admirabile videbitur fortasse eiusdem S. P. Ignatii contra daemonem in energumeno subsidium, senex ethnicus ætate iam ultra 70. annum inclinata, in grauem morbum inciderat, rogatur is à neophytis propinquis vt in ea saltem ætate vitæque periculo de æterna salute cogitaret, annuit senex & euocatur catechista ex alumnis nostris, qui prælectiones solitas aggrediens eodem labore 14. alios instruebat. Iam biduum tenuerat ea prælectio, cum catechista eorum quæ dixerat rationem exigens, de Christi Domini tormentis sermonem ingesserat. Ecce tibi senex improviso furore corripitur, os vultumque ita contorquens vt terreret vniuersos, multa etiam extra rem effuriens, vix id ætatis & æger à multis poterat contineri. Ingesta illi per vim in manum agni cerei theca, quam ille tolli sibi exclamabat, quod ea sibi sentiret manum perforari, & quia dextro humero fortior videbatur, in eum eandem thecam transtulerunt, quod ille sensit extemplo & miserabiliter ciulans, querebatur quid esset, quod se probum & honoratum virum sine causa mactarent. Cum igitur catechista aduerteret energumenum nulla re conquiescere, profert è libello S. nostri parentis effigiem, & eam fronti applicans iubet vt in nomine Dei omnipotentis, per intercessionem illius sancti, qui societatem Iesu

primus

primus fundarat, edicat quis sit. Energumenus ab imagine vultum auertens respondet tandem se vnum esse de malignis spiritibus, qui Canis rufus appellatur, hoc enim sibi canis nomen dæmones in energumenis vsurpant, quin ipsa lingua Iaponensi dæmon Tenga appellatur, quod cælestem canem sonat, fatebatur se ex fano quodam prodijisse ac redire velle, si qua re donaretur, quam ad socium in eodem fano commorantem referret, quod abiens illi se facturum sponderat, abiit tamen inuitus & indonatus, & senex conquieuit ipsa lassitudine in soporem lapsus, qui deinde cum euigilasset, omnium immemor, satis mirabatur ea quæ à se facta dictaque dicebantur, hoc spectaculum efficax fuit ad catechumenos prælectio, qui omnes vna cum agro ritè iam edocti baptismum susceperunt.

Inciderat in puerilem variolarum morbum quadrima nondum puellula, cuius parentes à fide defecerant, & nondum perfidia maculas pœnitentiæ lachrymis eluerant, eos voluit Dominus à puellula erudiri, & sui periculi admoneri. Nam nullo modo ferebat, vt se vlla mulier, nec ipsa quidem mater, nisi esset Christiana contingeret, non ferebat ab alijs quam à neophytis visitari, cum quibus illa præ gaudio gestiebat, chartulas nescio quas & supersticiosas schedulas exhorrebat, si sacram cerei agni thecam in manus illi dares, venerabatur, & in caput erigebat, vnum ex ijs schedulis parentes intra vestem, illa inscia, consueuerant, sed illa donec eam proprijs manibus laceraret, nunquam conquieuit. Moritur tandem sed eo vultu, quem adstantes prodigij loco habuerunt, è quibus aliqui hoc solum aspectu permoti Christi fidem susceperunt, quin ipse parentum herus à Magistratibus, vt puellæ funus Christiano ritu curaretur, hoc enim per hanc procellam, neophytis est interdictum, tamen non vbique, impetrauit. Cuius rei causa cum quidam Parentem suam ecclesiastico ritu sepelisset iussus est à magistratibus sacrificulos euocare, & funus ex eorum pompa denuo procurare, quod ne facerent exilium potius elegerunt, quotquot ad eam familiares, supra quadraginta capita censentur, aliquo modo pertinebant.

Ad eum fere modum apud Bungenfes Bungenfesque res Chri-

stiana currebat, cum nondum benè serenato illo turbine, qui sub Daifu multa turbabat, nouus ab Xogun excitatus nunciatur, cuius strages non vbiq; fuit æqualis, ideo quod à varijs Toparchis variè hæc edicta curabantur, prout quisque in rem Christianam beneuolentia vel maleuolentia incitatus habebatur. Multa fuerunt neophytorum prælia, sed ea ferè alijs simillima, vnum commemorabo priusquam in vicina regna digrediar.

In oppido Taqueta, viuebat antiquus Christianus, & idem annis non malè in Christiana disciplina collocatis venerabilis, Paulus Quizayemon dicebatur, vocatus ad Præsidentem solitis artibus oppugnatur, sed ab eo consueta Christianis firmitate repugnatur, cui cum deinde Præsides vnum diem deliberaturo daret, ita respondit noster veteranus, nihil est opus ad deliberandum tempore, idem responsum hodie, cras idem, postridie erit idem, Christianus vixi, Christianus moriar, tametsi me frustatim laceretis, quo ex responso cum spe victoriæ excidisset, ad Dynastam res refertur, is iubet Paulum extemplo mactari, & iam se hilaris ad mortem comparabat, cum mutata repente sententia iubetur exulare, sed detracta sibi cum liberis coniuge, cuius non inferior fuit constantia. Illa enim sua sponte ad iudicem pergens professæ est, se, si spe defectionis impetrandæ retineretur, minimè adducendam, vt etiam proposita morte à Christo descisceret, in cuius rei testimonium, ipsa in posterum precatorios sibi globulos è collo suspenderet, & Christi seruatoris effigiem publicè domi exponeret. Cui iudex age prout libuerit ait, nam & tu quoque extra ditionem prosciberis. Huic simillima fuisse videtur alia, quæ absentis mariti nomine iussa defectionem à fide scripto concipere, fortiter renuit, & neque se facturam, neque se auctorem maritum esse protestata. & cum illi ex eo responso periculum immineret, à parentibus ethnicis clam educta inuita coronæ subducitur, sed illa tamen in medijs infidelium tenebris, Christianæ legis exemplo prælucebat.

DE CHRISTI ECCLESIA IN REGNIS

Chungocu.

CAPVT XVI.

Regna Aquì, Suuo, Nangato, Iuami, Bingo, Bigen, Farima, Ninasaca, Yo; & Sanaqui, vno nomine regna Chungocu appellantur. In his omnibus sunt plures paucioresue neophyti, ad quos excolendos à nostris sacerdotes duo collaborant, & incredibile est quanto labore, factum est tamen vt intra eundem annum omnes viserentur magno solatio, magno fructu; nec vniuersim ijs in regnis eæ sunt, quæ alibi rei Christianæ angustia, quod alibi Dynasta, alibi Iudices in rem Christianam minimè maleuoli, ad speciem duntaxat, Imperatoris edicta exequantur, sed hæc melius constabunt cum ad singula descenderimus.

In regnis Suuo & Nangato, & maximè in vrbe Yamaguchi neophyti suam retinent firmitatem, quod satis mirum est propter odiũ plusquam capitale, quo Moridonus horum Regnorum Dynasta, etiam nomen ipsum persequitur Christianum. Ibi degebat sacrificulus quidem, qui eam erat sanctitatis opinionem consecutus, vt etiam Amida viuis appellaretur, & allatæ stipis vnde quaque copia abundaret, is urgente malefactorum conscientia, facillè totius rei consequebatur vanitatem, & quia non planè deposuerat animum, ingessit illi Dominus cupiditatem Christianæ rei penitus excutiendæ. Ergo clam instar Nicodemi ad nostrum sacerdotem, cum eo venisset, excurrit, interrogat. audit, disputat, & tandem eos diuinæ lucis radius admisit, vt manus daret, nec infirmior fuit in amplectenda, quam acutior fuerat in dignoscenda veritate, nam detracto sanctitatis fucò, spretaue vulgi opinione, imò & abiectis rei familiaris commodis, maluit vni Deo se probare, quam agnitã semel salutem negligere, & modo viuit minore quidem nominis celebritate tenuior, sed tamen quod vnũ est satis viuit Christiane.

Non æque feliciter cecidit quod subiungo. Constanti fama creditur apud Iaponios, eos qui Dæmonem præ cæteris numinum nominibus venerantur, Yamabuxis vocant, habere in homines dæmonia immittendi facultatem, neque fortasse planè falsum est, ita Deo permittente, ad plectendam cæcæ illius gentis credulitatẽ. Exijs venefica mulier in Regno Suuo, in vico Inacuni, suis carminibus omnia implebat dæmonijs, nemini parcebat, ne nobiliorum quidem

quidem & optimatum filijs, eaque re tantum sui terrorem sparserat, ut nemo illam plectere, tametsi id omnes & maximè Dynasta cuperet, ausus fuerit. Quod neophytus quidā inaudiens, non negligendam Christianæ legis cohonestandæ occasionem ratus, statuit apud se diuino fretus auxilio Rempub: suam communi metu liberare, ergo in eius domum pergit, Deo fidens, veneficam interrogat, num in mortales dæmonia immittendi habeat facultatem, annuit illa, rata, se ut id alicui faceret lucro inuitandam, Tum Neophytus immitte igitur in me si potes, & cum hoc diceret, sicam educens primo illam ictu ad suos dæmones amandat, quam rem omnes miris laudibus comprobauerunt, tametsi non defuere qui audax facinus putarent non impunè transiturum. primis diebus obseruabant hominem, & si quid fortè præter ordinem vultum, aut os contorsisset, iam energumenum fieri suspicabantur; sed ille vanos metus irridens etiam dæmonibus insultabat, quo factum est ut tandem dilata pæna pro sublata teneretur, magna que inde in omnes Christianæ legis admiratio, quod maximè neophytus intendebat, cum summa comprobatione sequeretur.

In Regnum Mirasaca cum sacerdos noster excurreret, habuit obuios magno numero neophytos, qui antiquam retinent libertatem, quasi reliqua Iaponia nullo persecutionis igne confligaret, cum enim eo quoque edictorum fulmina communis turbo detulisset, Toparcha nihil innouauit, asserens id hominum genus in suis terris minimè reperiri, quod ille ex beneuolentia magis quàm ex ignoratione assererat, sub urbem quippe neophyti cæmeterium concinnarunt, & in eo elegantem crucem ad sesquipassum erexerunt, imo & in singulis neophytorum tumulis exigua crux assurgit, quod sacerdoti nostro magno solatio fuit, crucique gratulatus dicebat, Dominare in medio inimicorum tuorum; Cum missæ sacrificium in eius regni metropoli Teuyama sacerdos noster faceret, incredibile est quantum neophyti exultarint, neque enim alias ea in vrbe simile quid viderant, & multi ne viderant quidem per vitam vniuersam.

In regno Yio Neophytus quidam nobile cum dæmone certamen iniens victoriam reportauit, Energumenum ibi ethnicum

neophytus visitauit, ex eo quærit quis sit, & vnde veniat? negat se esse Dæmonem, sed neophytus, efficiam vt quis sis dicas, & rosarium sertum proferens solo conspectu fecit vt tremere, sed cum illud in collum sensit iniectum, tum demum bacchari capit ac furere. Tum neophytus, si precatorijs his globulis ita torqueris, quid est quod eos nō abijcis? nā tu bardus es & mentis inops inquit Dæmon, si ligatas habeo manus, quī vis, vt abijciā? quis eas ligauit? refert ille, hoc ipsum tuū rosariū ait dæmon, Itāne verò! atqui scias ait neophyt? me hæc vincula minimè tibi detracturū, nisi prius edixeris qui sis, & vnde venias? è regno Sanu qui ait ille, Combria vocor, nomen illud est simulachri celebris, quod in eo regno impensè multi venerantur, Abi ergo ait neophytus & hunc hominem mitte, abibo respondet is, si prius me meis vinculis exsolueris, exsoluam ait noster, sed ealege, vt nunquam post hac in hac ditione compareas, quod cum spondisset, neophytus sertum suum energumeni collo educit, & simul dæmonem, qui primo fractum corpus reliquit, sed mox in pristinam redijt sanitatem, eo euentu & neophytus ipse in sua fide confirmatus est, & ethnici in Christianæ legis admirationem versi, quam plures non illibenter complexi fuissent, nisi edictorum minis territi distulissent.

Eodem in Regno, in ædibus Toparchæ, cui paret magna ex parte Regnum Yio, puella viuebat ab ipsa infantia Christianis sacris eluta, sed inter ethnicos perpetuo educata, cui nondum licuit nostrum adire sacerdotem, tamen si id illa serio procurarit, quoties eo noster excurrit, sed intra arcem inclusa, Iaponensis nobilitatis solitudine detinetur, in filiæ Dynastæ ipsius famulatu. Huic Monica, ita enim vocatur, casus nuper incidit, satis admirabilis, nam cum agni cerei thecam è collo eduxisset, & non aduertens, nesciret vbi reliquisset, breui disparuit, euerit illa domum primum vniuersam, deinde socias eiusdem gynecæi puellas rogat, vt sibi sua restituant, si fortè ioci causa, erant enim ethnica, religionis suæ pignus subduxissent, sed neque sic quod quærebat reperit, ergo heram quoque suam interpellat, cuius autoritate theca vbique conquisita, etiam tum latebat. Cum ecce tibi repentè ancilla ethnica morbo corripitur ac moritur, in cuius sarcinis theca iam minimè

Mmm

quæ-

quæritur, inuenta est, satis attonitis eo casu omnibus, quem illi sacrilegio non dubie imputabant, ex eoque die maior haberi Monicæ sacris rebus veneratio cæpit, & ipsa suo ritu liberè viuere permissa est.

In Regno Bingo, Tomo pagus appellatur, viuit neophytus cum vniuersa familia Christianè, huic vxor moritur, ad cuius funus procurandum, quod esset vir copiosus, accurrunt sacrificuli, sed ille ritus ethnicos detestatus, reiecit importunos, asserens se Christianum, & vxori æque Christianæ non nisi Christianè funus procurandum. Ergo domi suæ in aula interiore Cenotaphium extruit non inelegans, in eo sarcophagum deponit, & circum 30. cereos accendit, & ipse cum Neophytis eius loci paucis, triduo toto continuas preces fundi curat, & si quis de more comploraturus adueniret, eum exteriori aula exceptum dimittebat. Exacto triduo voluit clam corpus humare, sed impetrare secretum non potuit, erupit res ad propinquos ethnicos & familiares, qui & ipsi cum suis laterculis, cereis, facibusque incensis concurrentes festo neophytis addiderunt, & noctem illam non sine pompa collustrarunt, exclusi tamen sunt sacrificuli, quos rabies inuitos domi rodebat, è quibus vnus celebrior cæteris ad loci moderatorem venit, queritur de Christianis, quod antiquam libertatem retinentes, edicta publica spernerent, palamque cum hac nouitate prodirent, verum ille nihil eius oratione commotus factum satis leuiter eludebat, quare sacrificulus indignans dixit, fortasse quod impunè per se hæc liceant, omnia in te postea recidere pœnitebit, quas minas non ferens gubernator, sacrificulum contumelijs exceptum domo pellit, qui duplicem iniuriam intra stomachum cocturus ad suos se recepit, exultantibus contra neophytis, quod suæ causæ patrociniū gubernator ipse suscepisset.

In Regno Farima, magna est neophytis quies, ex eo maximè quod proximi pluriū pagorum moderatores, qui annuos census exigunt, ipsi quoque Christi fidem colunt accuratè, quos Dynasta ubique fidos industriosque retinet, nec aliud ab ijs exigit, quam Christianorum, proposita cruce iusjurandum. Eo igitur in Regno Christi rex conseruatur, & crescit etiam, nam post bellum Ozacense, eo diuertit

neo-

neophytus, rei Christianæ peritus in paucis, ex eo quod domi nostræ plures annos fuerit commoratus, Is ad Christum adduxit quamplurimos, dū quod didicit impensè docet. Neophytos inter vnus est, Ioachimū vocant, qui ad Christum adiunctus est eo tempore, quo potuerat alius separari. Nam cum ex orta inter Arimensem Regulū & Paulum Daifachi Neophytos. lite, multi imperatoris exemplo, quod alias scriptū est, Christianæ fidei obloquerentur, voluit ipse tum rem totam diligenter excutere, cumq; deprehendisset nihil religionis vitio, sed duorū, qui eam sequabantur esse peccatū, Christo nomen dedit ita ex animo, vt breui se supra multos eueheret, & cū nuper vrgente suo Toparcha, in sententia nihilominus persisteret, ausus est dicere, se in omnem profundendi sanguinis occasionē intentum, hac oblata gaudere, quo responso fractus est ille, & cum deinde conuiueret, denuo est à Ioachimo laceffitus, quod vellet liberè, scilicet, Christum colere, sin, pro eo mori, & prius ab hero suo, cui erat perutilis, impetrauit.

In huius Regni metropoli Fimegi appellatur, nobilis neophytus sacerdoti nostro in interiore domo parauit, in quo lateret, hospitium, idem fecit in proximo pago sibi comendato, in quo multos habet Christus affeclas, is ita incensus est pro fide sua patiendi desiderio, vt si quando proscriptum aliquem audiret, aut occisum in hæc verba prorumperet, nunquam nemihi ea fors obtinget, vt ad me proscriptionis aut mortis nuncius laureatus adueniat! mea me peccata præpediunt, indignus sum qui Christi causa patiar, prout alij multi qui ab eo diliguntur. Verum ille tandem voti compos factus est, hoc enim ipso tempore, martio mense, anni 1616. Toparcha ille in cuius erat obsequijs, ad eum misit qui suo nomine iuberet eū Christi fidem abdicare, & quia non imparatum pectus erat ad insultus huiusmodi repellendos, respondit se id non esse facturum, tamen si membratim discerpatur, cuius responsi sibi conscius, ad mortem se cum vniuersa familia comparabat. Verū Toparchæ satis fuit eum de sua familia excludere, & quem illi subministrabat censu priuare, quod ille libens pertulit, hoc illibens quod parum in ea causa profudisset, qui nihil sibi referuabat. Eandem fortunam tres, alij ex eodem Toparchæ comitatu subierunt, quibus adde, quem, nisi seipsum prodidisset, Toparcha nesciebat esse Christianum.

FIROXIMÆ NEOPHYTVS IN CRUCEM
agitur.

CAP. XVII.

Firoximæ Christiana res etiam in hac persecutionis pruina floret inprimis, non numero solum ac nobilitate, sed etiam quiete plerumque maiore, quam præsens rerum status sperandum exhibet, Tayudono quippe huius (quod AQUI dicitur) & Bungenis regni Dynasta non ignorat, quam iniuste res Christiana iactetur, nec dubitavit nuper in conuiuium perstringere nimiam in Christianos immanitatem, quos vitæ suæ prodigos tractare lenius oportebat, ac nisi communi metu teneretur, non videtur solo favore rem Christianam persecuturus, sed etiam de ea sibi eligenda tractaturus, cuius prælectiones, cum olim paucas audierit, ita captus est, ut eam sectis Iaponensibus ad vnam omnibus longè præferret, quin ipse Firoximæ, quæ metropolis est, Gubernator exemplum Dynastæ & auctoritatem secutus, nihil nisi Ecclesiæ pacem, ut Christo se adiungat auidè præstolatur, Ex his fit, ut sacerdos noster Firoximæ diutius quam alibi commoretur, eoque neophytos tuto euocet ad ea peragenda, quibus ne siluescat Domini vinea excolitur.

Ita fluebant res Firoximæ ad Octobrem vsque anni 1616. quo renouatis ab Xogun edictis, cedere coactus, ædes nostras, quæ hactenus steterant diruit, sed ædem sacram reueritus tangi vetuit, ne quod sibi, ut aiebat, infortunium accerferet, ex eo quod sacri Christianorum ritus eum locum consecrassent, his etiam satis inuitus neophyti mortem addidit, quod is publicè delatus æmulo- rum inuidiæ materiam subministrare posse metuerat, cuius gloriosum certamen in quo nihil minus sperans, heroicè decertauit, describamus.

Cum Firoximæ publicam sedem figeremus, baptizatus est iu- uenilis honestis natalibus ortus, & indole iudicijque bonitate spe- ctabilis, is in baptismo Dominicus est appellatus, Iaponensi cognomine Catzo dicebatur. Cæpit ille breui, exemplo suo etiam anti- quioribus prælucere, & quoniam parentem & nouercam habebat ethni-

ethnicos multa domi praelia passus, & ne Christum negaret, tertio quartove paterno domo eiectus, sponte caput exulare, & primum Nangasaquium venit, ad eum sacerdotem, à quo fuerat salutari fonte Christo initiatus, cum eo sua praelia, suasque victorias contulit, & expiatis peccatis sacroque pane refectus, in iter se dedit quocunque eum Dominus duceret. Delatus est in Insulam Xicocu, & in Regno Yio ethnico Toparchæ adhæsit ab eoque moderato censu donatus est, sed cum eò sub Daifu edicta in Christianos deuenissent, ab hero tandem eiectus est, quod Christum eiurare noluisse, sæpius ac sæpius ab eo rogatus, quod illi percarus nec inutilis esset.

Audijt id temporis parentem ætatis vitio maximè laborare, redit ergo Firoximam, tentaturus an obfirmatum eius animum posset Christianæ fidei præceptis mitigare, sed frustra, moritur ille magno Dominici sensu, quem iam ex Christiana disciplina non latebat quam suppliciorum æternitatem incurrisset. mortui parentis hæreditatem munusque quod gerebat, adnitente nouerca, frater eius iunior nouercæ filius adierat, eam rem Dominicus, vt erat, iniustam ratus, cum nihil iure impetraret, statuit recurrere ad Dynastam, & concepto quam aptissimè potuit libello, eum ad Regulum defert Nouemb. 26. anni 1616. perlegit libellum Dynasta, & cum responsum pararet, ex eius comitatu nescio quis, nouercæ vt apparet largitione corruptus, Dynastam præuenit, dicit hunc adolescentem minus aptum esse, vt parenti substitueretur, non solum quod altero crure claudicaret, & animo satis vilis, ac minimè generosus, sed maximè quod Imperatorijs edictis suscepta & obstinata retenta Christianorum lege repugnaret, nec vlla parentis aut amicorum consilia de barbara religione dimittenda admisisset. dicta sunt hæc pro tribunali palam, non negante Dominico, ergo Dynasta in recenti edictorum feruore, non est ausus negligere quod audiebat, ne apud Xogun deferretur, quod eius auctoritatem tueri publicè neglexisset. Præcipiti igitur consilio Dominico acturum mandat, vt more gentis ventrem sibi laceret, verum ille sibi Christiana lege nefas esse respondit; tum Dynasta relictis alijs,

vnam religionem causatus, increpuit Dominicum quod contra Imperatorum edicta Christi fidem obfirmatè retineret, quod si facere pergeret, in crucem, quam tanti faciunt Christiani, protinus ageretur.

Non capiebat se præ gaudio Dominicus, cui pro patria hereditate litiganti, fûnes ceciderant in præclaris & dicebat. hæreditas mea præclara est mihi, ergo interim dum crux paratur, abducitur ille in vicinam arci domum, in qua Dynastæ affinis morabatur. Ibi Dominicus Deo sua beneficia, sibi suam sortem gratulabatur, quod & pro Christo mori & in cruce mori se videret, cum id minime sperandum putauisset, sed non longi temporis interiecto spatio ad Dynastam reuocatur, Deo ita disponente vt constaret euidentius cuius rei gratia moreretur, sperabat autem Dynasta, quia cupiebat eum mortis metu subito consternatum, deficere à Christo potuisse, quod si fuisset, præcipitem illam de morte sententiam ipse reuocaret, reducitur ergo in arcem, alio iam habitu, manibus post terga reuinctis, & iniecto in collum fûne, spectaculum factus Deo, angelis & hominibus. Ad eum mittit Dynasta familiarem suum, quem maximè carum habebat, iubet ex eo quæri, num in eadem persistat de sequendo Christo sententia, posse si eum abiurasset, & viuere & patriam hæreditatem recipere, magnum telum esset ei quem nondum diuina sibi gratia præuenisset, cui noster inuictus miles, ita respondit: Christianus sum & semper ero, cuius rei gratia nemo est, qui nesciat me parentis gratia excidisse, eam fidem non ex corde solum, sed nemo est etiam, qui mihi ex ore eripiat, vitam mihi eripiet, qui voluerit, certam mihi salutem in Christi fide esse persuasi. Illustrem nostri pugilis professionem Dynasta indignabundus excepit, eam igitur responfionem extremam interpretatus, iubet vt ex templo in crucem agatur, eo in loco qui reorum supplicijs infamis habebatur, sub urbem, ad iter publicum, ne quid esset quod vltra noster martyr optaret, si Christo simillimus esse optaret.

Educitur itaque ex arce, habitu quo supra, spectabilis; præibat satelles cum inscriptione, quæ literis cubitalibus expressa his verbis

verbis legebatur, iubeo hunc hominem mori, quod se Christia-
num fecit, contra Imperatorum edicta, & quod nullis consilijs de
illa lege relinquenda, ne parentis quidem ac fratrum acquie-
uerit, sed Nangasaquium iuerit & huc deinde redierit. Improuisa
in Dominicum sententia pauciores ad eius mortem neophytose-
uocauit, totum iter in agendis Deo gratijs exhaustit, quod se ad
mortem, mortem autem crucis adduxisset. venit interim in Cal-
uariæ locum (quid enim impedit quin à similitudine ita nuncupe-
tur) vbi cum crucem suam humi iacentem conspexisset, in genua
ruens maxima illam religione veneratus est, alterum Andream vi-
dere te dixisses, deinde instar agni mansuetissimi brachia crucis,
brachijs illiganda tradens, in altum erigitur, & interim dum ipsa
crux intra suum foramen aptatur ac firmatur, cœpit noster pro suis
rostris ad circumfusam ethnicorum multitudinem de fidei nostræ
veritate ac sanctitate perorare, pro ea se mori, nec extra illam salu-
rem esse.

Denique



DOMINICVS CHRISTI CAVSSA IN CRUCEM ACTVS.

Denique fixis in cælum oculis cum SS. Iesu ac Mariæ nomina inuocaret, lancea de more quater impetitur, & in sui sanguinis fluuio in cælestem portum anima deportatur, eo ipso die & anno, quem dixi, cum ageret ille ætatis 23. vel 24. in professione verò fidei Christianæ vix octauum, mox vt fluere cepit sanguis, concurrere neophyti, neque à satellitibus, quin magnam illius partem exciperent contineri potuerant. Corpus verò non nisi post octiduum quo toto excubitores adhibiti, sacrum furtum vetuerunt, de eo rapiendo consilia inierunt, & iam perfecerunt, Firoximamque suam sacro hoc pignore nobiliorem reddiderunt.

QVID IN CAMI HOC RERVM STATV
ageretur.

CAP. XVIII.

Regna aliquot circum Miacum, Ozacam, Sacajum, Fuximi nobilissimas vrbes, aliasque permultas Cami, vel Goquinai vno nomine nuncupantur, in his magna vis est Christianorum, quibus instruendis è nostris hoc tempore quatuor sacerdotes dant operâ. Longum esset horum excursiones, sudores, pericula, sed & fructum commemorare, pauca de multis more nostro seligemus.

Neophyti multi, quos in vinculis nondum damnatos, priore de Iaponijs triumphis commentario reliquimus, annum propè totum ibi detenti sunt, tanta vitæ sanctimonia, vt carcerem in ædem sacram dices commutatum, bis intra octauum quemque diem ieiunabatur, quotidiana erat corporis flagellatio, oratio, de diuinis rebus collocutio, quasi verò non sufficerent vinculis sua vincula, pædor, angustia, fames, aliaque sexcenta incommoda, sed in his cum Apostolo dicere poterant, superamus propter eum qui dilexit nos. Impetratum est tandem vt soluerentur, sed dato sponsore, qui eos quoties accersirentur exhiberet.

Ozacam, vt initio dixi, nostri duo quam occultissimè excurrerant, continuis precibus euocati ab ijs neophytis, qui plurimi sub Fideyori militabant, ij intra urbem stragis & excidij tempore de-

Nnn

prehen-

prehensum cum vita euaserunt, sed tot perfuncti periculis ut utriusque litera totius rei narratrices non videantur omittenda. Alter ita scribebat: cum inimici Ozacam victores ingrederentur, ego in adibus Acaxicamon Ioannis morabar, & mox vidi me flammis circumdatum, quod aedes ipsius non procul distarent à loco certaminis. Ibi dem aderat Monica mater Acaxicamon, cum eius filia Catharina & alijs nobilibus matronis, quæ omnes ea dicebant eiulantes, & filiolos complexæ, quibus adamantina corda concuti potuissent, eo ipso tempore aliquot ethnicos, qui me rogarunt, baptizari; adiutorem alumnus meo Michaële, qui hoc postremum officij sui munus exercuit, paulo post moriturus, substiti horam propè integram, quod dicerent, victores primo illo impetu obuios omnes nullo delectu mactare, sed posteaquam ad nos propius accessit incendiū, & famuli Monicæ in sella gestatoria nescio quo extulissent, aiebant se in arcem tendere, Ego tum cum meo Michaële, & alio Neophyto Xoam domo exiij, neophytus iste, tum angelus mihi tutelar fuit. Vix exiimus cum incidimus in faciem exercitus, calorum & lixarum turbam. Exierunt nobiscum famine aliquot, quas cum illi vidissent, nobis relictis in eas irruerunt strictis gladijs lanceisque, quod illæ videntes in aedes suas Acaxicamon inquam recurrerunt; nos iter nostrum prosequuti cadauera calcamus aut adhuc spirantia corpora vel potius truncis membris monstra, quorum lamentabiles eiulatus audire vix proprii periculi presentia permittebat; nondum tertium vicum egrediebamur, cum in oculis meis Michaël alumnus noster, cæsim concisus vulneribus occiditur, ego interim præstolabar idem mortis genus, nam in me quoque irruentes strictis gladijs pecuniā exigebant, ac deinde etiam rapiebant, nec illam solum, sed ipsa quoque scriptura mea quod grauius sensi, quod ea multorum annorum labore conflauissem. Deinde vestibus omnibus ad nudam toto corpore carnem exuor, non pileum, non calceos, non ipsam sacram mihi thecā reliquerunt, & tandem quia senex & externus, viuus dimittor. Cum me ita nudum conspexissem, quod non potui corpus vestibus tegere, proximo mapali occultabam, certus ibi mori siue incendio grassante corruptus, siue cuiuslibet ingressuri manu. Interim socius meus Xoam, & ipse nudus, utriusque nuditati remedium qualecunque vestigabat, cum ecce pauperis abiectum temere centonem reperit, eoque

me induit, nihil eius breuitatē moratus, cingor etiā stramineo fune, & nudis pedibus qua cadauerū strues iter dabat ingrediebar, & alijs mendicis additus sub horā tertiam pomeridianā, ad ipsum corpus exercitus peruenio, & arbitror ab ipso Daifu eiusq; filio probè visū ac fortasse agnitū, sed alia tot vrgebant mala vel malorum metus vt pudori locus nullus relinqueretur. Deinde leucas duas calcatis cadauerib⁹ emetior, alios aduerto semianimes, alios mille locis faucios, sanè obstupui tanta hominum multitudine, tametsi qua minor militū globus conspiciebatur, illaciter dirigerē; Non facilè numerauerim quoties in collo sicam, in pectore lanceā viderim, vtinam hæc mihi pro merito tantillo corā diuina maiestate computentur; sæpius ex itinere id occurrit, O vtinā in ædibus Acaxicamon, vna cū ijs qui aderant Neophytis, mortē fuisset præstolatus, sed planè me peccati conscientia coëgit, ne volens arderē, tū fugere me posse minore maximè periculo iudicarem. Illa ipsa nocte propè media, cum Achate meo, veni in pagum Quixinouadar in Regno Izumi nouem ab Ozaca leucis, nec enim propius Ozacenses cum omnia vastarant vlli pepercerant, veni inquam pedibus ita lacer & tumidus, vt quindecim diebus ibi oportuerit apud Neophytum, Mazayemon dicebatur, subsistere.

Ista ille, sed alius nihilo feliciore fortuna vsus, tandē tamē euasit infortuniū. Posteaquā enim bellū Ozacense descripsit, ita pergit. ædes in quibus tum degebā erant perangustæ, ideo neophyti duo in vicinas ædes ampliores abduxerunt, quibus vt militaris furor parceret, ex eo sperabant, quod illarū herus in Daifu castris militaret, non enim permittebant neophyti vt me primo victorū furori exponerem, & ita fecissem nisi totā Ozacam propè momento ignes occupassent, & quoniam venti cum incendio conspirabant, ante horam post meridiem quintam, Ozaca vel vrbs, vel arx in fauillam concidit, quo tempore magnum adij vitæ discrimen vel ab igne vel à fumo, sed quoniam illa non tota simul arsit, potui nunc hac nunc illac fugiens flāmīs cedere, sed non æq; fumo qui oculos torquebat, etiā cum in arundineto proximo, deinde combusta domo latitarē, in illo ipso arundineto, neophytos quotquot aderant, peccatis expiaui, quin etiā ethnicus periculo permotus, voluit baptizari. Totā illā noctē in arundineto latuimus, neq; enim in ea quæ urbē cingebat

multitudine tenebræ spem effugij dabant, sed potius militarem tegebant insolentiam, & maiorem cædibus libertatem dabant, sperari verò posse fatigatum iam furorem primo diluculo mitigandum, vix illud illuxerat cum milites ferè viginti in arundinetum irrumpunt, & vt latentem prædam eliciant fistulis suis temerè glandes toto arundineto displodunt, ac deinde cum in conspectu venimus, stricto in nos ferro concurrunt. Alumnus meus ac famulus vna cum alijs diffugerunt, neque enim tempus erat auxilij mutui, sed solum vt quisque quo meliore posset modo sibi consulere. Ego nullum in fuga præsidium videns accurrentes præstolor, ratus fortasse cum me vidissent externum, fore molliores, nec planè me mea spes fefellit, postquam enim me vestibibus exuissent dimiserunt, non planè nudum, ideo quod consulto prius intimam vestem indueram tritam illam ac laceram, vt quæ militibus inutilis videri poterat, mihi non esset importuna. Atque ita Ozaca egredior nescius quæ iter ingrederer aut aggrederer, vbiq; à dextris & à sinistris cadauera, semianimes, ambusti, faucij iacebant, tristi planè spectaculo, egrediebar igitur & hostes Ozacam per turmas suas ingrediebantur, obuij me non vno modo salutabant, alij dicerijs & scommatis, ferociore sicis & lanceis propè decies truncari me iam arbitrabar, sed clemens Dominus ex medijs me periculis eduxit, satis fidentem eius prouidentia, satis alacrem ex eo quod in eius causa hæc paterer.

Ibam tandem per medium agmen, Massamune Regis Voxu, (is qui nuper legatione, per P. Ludouicum Sorelum procurata, Pontificem & Hispania Regem salutauit) qui focer est secundi filij Daifu, ibi me vir nobilis fortè conspicatus, & fortasse quis essem ex ipso vultu coniectans, in tentorio suo me perurbanè detinuit, vetuitque serio vltra progredi, nisi vellem extemplo mactari, totum eum diem Iunij quintum apud eum delitui, qui cum die insequenti Miacum pergeret, ego sine Duce ac sine remedio substiti, dubius quid maximè agerem, & tandem optimum factu iudicaui, si ad ipsum Massamune pergerem, quem iam equitare parantem Miacum versus inueni, Dixi me externum esse Nangasaquij commorantem, & ex eo quod Ozacæ me clades ista interceperit, in
hæc

has angustias esse coniectum, quibus adductus rogabam, ut me incertum locum, Muro dicitur, abduci iuberet, tuto inde me Nangasaquum petiturum. Ad hoc postulatum ille mihi per honorarium puerum ita respondit, facile sibi esse quod petitur, nec illibenter facturum, sed ideo quod sim Christianus, omnino sibi non licere quicquam auxilij conferre. Hoc responso latior abij, quam si mihi, quod petebam non abnuisset, nam capi firmius de diuina prouidentia confidere, fore ut ipse me protegeret, sin faceret, hoc solo peribam quod essem Christianus; atque ita hac vna fiducia armatus, cætera inermis, exercitum vniuersum, qui è Quanto venerat, illæsus pertransij, donec in Sumaxaxi veniret, nam cum ad locum accederem, obuio habui milites aliquot, qui me comprehensum tantum non sicis confecerunt, nisi vnus ex illis externum esse me, quod ego quoque monebam aduertisset, socijsque persuasisset, ut me dimitterent. Dimissus in vico proximo incidi in viros nobiles Dynastæ Regni Aua, à quibus quis essem repente cognitus sum, vetant vltius progredi, periculum exaggerant, & tandem ex ijs vnus, non sine magna doloris significatione, quem ex incommodis meis capiebat, conuiuio me domestico excepit, vestem addidit, & ferè sex dies me tenuit, in Aua secum nauigaturum. Sed prius nobilis Neophytus Tacuydo Matayemon appellatus, de me rescituit, & ad se per amicum me euocauit, hic demum malorum meorum oblitus, excipi capi Christiana caritate, & in tuto tandem sum collocatus. Ita maximè nostri duo qui Ozacam ad Christianos milites excurrerant, suo munere functuri, Deo duce per mille pericula in tutum euaserunt.

Verum quid Acaxicamon Ioannis filia, in hoc prælio acciderit, ad nostrum non ineprè spectat institutum, illa enim Christianè à parente educata, egregium de se toti Iaponiæ præbuit spectaculum. Obses erat in arce Ozacensi pro parente, qui vnus erat è tribus Ducibus exercitus Fideyori, quæ ingenij bonitate ac indole se matri Fideyori probarat, & in eiusdem se gratiam insinuarat, ut si prosper fuisset huius belli euentus, illa procurante nobilissimis nuptijs illiganda dicebatur. In communi rerum omnium perturbatione Regina, ita dicebatur, arcem egressa incidit in gregarios mi-

lites, è quibus cum esset vnus petulantior, restitit animo plusquam puellari, ceruicem aliquoties præbens, ne pudorem amitteret, & quia vires illius ætatis & sexus contra scurrilem impetū vi debat diu non posse subsistere, non dubitauit quænam esset prodere, quod mallet vitam exponere, quam pudorem. Rogat igitur vt ad Daifu deducatur, esse Acaxicamon filiam, continuit ea res petulantia, vel præmij spe vel pænæ metu. Sistitur ergo Imperatori, qui puellæ consilium, quod è generoso pectore eduxerat comprobans, noluit videri victoria insolens in puellam sæuijsse. Iubet illam in gynæceo suo excipi, primariæ cuidam pellicij suæ commendatam, iussitque eam pro dignitate, & pro insigni facinore, magnificè tractari, Ac deinde cum vellet Surungam redire, denuo sibi Reginam sisti iubet, ex ea quærit de parente quid sciret, Illa quod erat, nihil se de illo inaudisse, quod Ozacæ intra arcem obses clauderetur, quærit deinde quot fratres haberet, respondit quatuor, imo quinque ait Daifu, cui Regina, quinque sunt omnino, sed quod ad rem facit, sunt quatuor, quintus enim abdicato sæculo in societate Iesu Religiosam vitam ducit, quem ego ex eo tempore velut sæculo mortuum æstimavi, mirè placuit Imperatori acuta Reginæ responsio, & hoc maxime omnes mirabantur, quod illa nullo metu perturbata, sibi semper constaret, nec hostem reuerita verecundiam animo superarit, fortes enim creantur fortibus. Institit Daifu, cum filia sis Acaxicamon oportet te proculdubio esse Christianam? planè ait Regina, esto inquit, age esto Christiana, & Deo tuo parentem tuū, qui hoc bello periit, commenda, (ideo perijsse putabatur quod nusquam compareret, sed quod hodie hætenus sciamus, est superstes) obtulit deinde illi, vt in familiam Maudacoræ, quæ Taicosamæ vxor fuit, si vellet adscisceretur, verum maluit illa suum infortuniū cum fidei thesauro in tutū recepto, quam aliud quidlibet cum eius periculo; ergo libera dimittitur & quidem à Daifu non indonata vestibus & reliquo ad iter apparratu. In toto Imperatoris exercitu magna probatione vagabatur heroicum Reginæ facinus, prudensque consilium, & plerique Christianam efferebant, è cuius exierat professione, disciplinam. Non defuerunt aliæ plures in eodem prælio viragines, nam vna nobilitate quoque sui generis notæ, arrepta sic
seipsam

seipsam contra scurram est tuita; alia crinem sibi refecuit, ægritudinem finxit, & dierum quinquaginta in ediam sibi indixit, orizæ paululum clam omnibus sumens, donec tandem pretio à propinquis redempta cum filiis duobus, pedisequas etiam suas liberauit, & ex Ozacensi strage thesaurum sui pudoris ereptum intra coniugij limites conseruauit.

Sed neque omitti debet magnum in ea strage prodigium, quod in fidei nostræ commendatione, vna cum ignibus illis toti Iaponiæ illuxit, nam cum milites in fauillis quærerent ea quibus ignes parant, repertæ sunt aliquot imagines nostræ, in sola charta expressæ, quæ sub alto cinere sepultæ nihil ab igne pertulerant, nisi quantum ad faciendam fidem erat satis, nam extremi solum margines ambusti ad fidem miraculi videbantur, has imagines ethnici repperant, tantaq; fuit ex admiratione reuerentia, ut eas neophytis tradere nec pretio vellent, aliquot nihilominus in potestatem venerunt, è quibus qui hoc scribit tres se vidisse profitetur, vnâ pueri Iesu tormetorum suorû arma intra sportulâ gestantis, alteram S. Ignatii, tertiâ S. Xauerij effigiem nominauit. faxit Deus ut hoc prodigio fidem nostrâ in medio persecutionum incendio illasam semper fore potendatur.

ILLVSTRE MARTYRIVM IOANNIS

Neophyti in vrbe Fuximi.

CAP. XIX.

FVximi vrbs est inter Iaponenses primaria, Taicosamæ quondam Regia, & nunc ipsius Daifur, filijq; quoties in Cami comorantur, in ea vrbe illustre Christi causa prælium suscepit, ex eoq; prælio illustrem victoriâ reportauit neophytus quidâ, Ioannes vocabatur, nomine verò Iaponio Fiozayemon. Is in Regno Aquì, honesto loco natus, in oppido, cui nomē Tacayan primis annis militiâ profitebatur, duce nescio quo Dynastæ Noridoni, sub quo etiam strenui militis nomen in arce quadam expugnanda dicitur consecutus. Verû Surungæ tandem meliorem militiam à fratre nostro Paulo Rioym edoctus, in Christi castra confugit, cum annum ætatis ageret quartum supra tricesimum, nec tyro vnquam videri voluit in ea militia, in qua etiam illico multos superabat veteranos, bis quotidie

in

in ædem nostram ventitabat, singulis noctibus ad statas preces suas somnum abrumpebat, ieiunium illi erat frequens itaque rigidum, vt biduo subinde triduoue vix tantum caperet, teste coniuge, quantum ad vitam ægrè sustinendam satis esse videretur, huic addebat alias corporis afflictiones, & flagillationes æque asperas ac frequentes. Primum eius pro Religione certamen intra primum Christiani tyrocini biennium, velut veteranus athleta sustinuit, eo enim tempore, quo Daifachi cum Arimensi regulo contendens, fraudes suas ignibus expiauit, à Duce suo qui Tateuaqui dicebatur, ad defectionem lacessitus repugnauit, eoque dum morti se exponeret, & missionem pateretur, publicatis bonis vna cum familia proscriptus, qui exilij sui sedem Fuximi constituens, alterum ibi prælium post edicta Daifu sustinuit, nam pro neophyto se suosque prodens inscribi voluit, cum facillè omitti potuisset, ea; cum ethnicis vicinis inijt prælia, quæ alibi sæpè in alijs cecigimus, & cum de sententia deiici se non pateretur, ad vrbs gubernatorem est delatus, qui eum & coniugem ad orizæ saccos, vt intra illos alligarentur, damnauit, supplicij genus est libris superioribus sæpè commemoratum, in eoque supplicio, quod habet cum dolore contumeliam, abiicitur cum alijs ad pontem, qui Miacensis appellatur celebre illud, si tota vrbe est, triuium, & concurrente multitudine non defuere petulantis vulgi dicteria, quæ non altius quam in aures admitterentur. Verum ex eo supplicio non ita multo post ipse cum socijs, intercessione nonnullorum eripitur, liberque dimittitur eo consilio, vt tum denique deficeret, sed cum noua prælia vetere illo animo superasset, iterum iubetur comprehendi.

Non est facillè verbis exponere quanto gaudio hæc altera vincula induerit, in spem fundendi pro Christo sanguinis postliminio reuocatus, ethnicis ergo vicinis traditus vna cum vxore, arctissimo ergastulo clauditur, quod ægrè vtrumque capiebat, illud exterius repagulis cinctum, excubitores nocturni diurnique custodiebant, nec ad ea quæ necessaria erant inferenda, lucemque admittendam præter angustum foranem, aliud quicquam patebat, in eo ad dies viginti, minus quam vnquam soli degebant, ita alacres hila-

hilarēque cum beatis spiritibus conuersari videbantur, nihil inter se nisi de cælesti gloria suauissimè conferentes, & quoniam Firoximæ parentem, habebat ethnicum, è suo ergastulo literas ad eum scripsit hortatrices, vt extremo vitæ tempore iter ad salutem rectum arriperet. Post dies 20, vxor libera dimittitur, ipse ergastulo eductus, nec sciebat quo vel quorsum, ab vxore iam libera multum monebatur, vti sibi constaret, arbitrabatur enim illa maritum ad mortem raptari, suumque lugebat infortunium, quod eiusdem fortunæ beneficio priuaretur. In hunc igitur sensum scribitur prolocuta. Ne arbitreris mi Ioannes esse in me vel minimum defectionis vestigium, cuius causa dimittor, ego tecum mori cupiebam & sperabam, indigna tanto beneficio excludor. Tu licet hortatione mea non indigeas, nihilominus me auctore consta tibi, tamen si in cinerem ac puluerem redigi iubearis, & his dictis à marito diuellitur, ille à satellitibus in vrbs vicum, qui Miacensis vocatur abductus, in ea parte in qua vici quatuor cocunt, & vulgi frequentiam vix capiunt, tormentis exponitur. Nam eo in loco prægrandi sude altè defixa, vestibus planè omnibus exuitur, tum brachia in tergum immaniter retorta, iuxta cubitum arctissimè vincuntur, manus verò immisso in fauces fune nihilo mitius constringuntur, per vim ad humeros vsque erecta, in hoc habitu ad palum funibus arctatur, iussus in globum complicatis cruribus Iaponensi more confidere, alter funium collum sudi iungebat, alter brachia eidem coniungebat, ipsa quoque crura complicata triplici fune eoque admodum aspero colligant, & ne qua ex parte motus liber esset, arundinibus iam ex contorsione instar viminum lentis ad Zonam cingitur, vna cum ipso palo crudelissimè constrictus, in eoque ipso palo ad apicem inscriptio legebatur neophyto nostro gratissima, Ita plectitur quia Christianus. sex dies totos totidemque noctes, absque vlllo refrigerio aut relaxatione in hoc supplicio detentus, vulgi petulantiam animo semper æquabili tolerauit.

Elapso sex dierum interuallo soluitur, & reuinctis vt prius manibus, per celebriores vrbs vicos abductus, in carcerem reducit, vbi eum neophyti aliquot præstolabantur, quos ille agnoscens humanissimè salutauit. Eo in carcere menses aliquot Ioan-

nes noster detentus est, tanta semper æternæ vitæ cupiditate inflammatus, ut ea iam frui videretur, & ut non inutiliter tempus falleret, caput ad vinculorum socios, de fidei nostræ veritate verba facere, & tribus quod suadebat persuasit, eosque Christianis mysterijs imbutos, ipsemet sacro fonte lustravit, sparso fortè rumore inter neophytos increbuerat, eum ad extremum supplicium vocari, quo audito vxor eius Maria per internuncium hæc marito suo renunciari iubet: ferunt te iam morti adiudicatum, rogo ut tui memoriam, thecam tuam sacram ad me mittas, & addas aliquot capillos è capite tuo resectos, moneo ut cum ad mortem raptaberis, abiectè semper de te sentias, nam ad spectaculum concurrent permixtineophytis ethnici complures, vnam Dei gloriam, cuius causa mori respectabis, ego tamen si indigna, procurabo tamen ut ad sim tibi morienti. Huic ita respondit Ioannes. Miratus sum spargi de me posse, me fore martyrem, profiteor me planè indignum, vix audere ad tantum Dei beneficium aspirare, nonne vides Surungæ nuper septem Dei famulos tot supplicijs toleratis de Deo benè meritos (de ijs mox agemus) à Deo tamen ut pro eo mererentur non impetrasse, ego quid tuli, quid mereor nisi pro peccatis meis pœnam, quam timeo futuram, si fuero libertate donatus, tum enim hoc erit, quod est nobis in diuerbio, manibus vacuis à diuitiarum monte domum reuerti, non audeo igitur martyrium sperare, si me viderem amputatis digitis subneruatum cum nostris Surungensibus, haberem satis quod mihi gratularer. Thecam meam facilè misissem, si tu ad me misisses tuam, capillos à me non habebis vllò modo quā diu vixero; si me in Christi causa macerauerint, spero de Dei misericordia fore, ut & nos videndi, & quæ cupis obtinēdi facultas nō negetur, aut desit. hæc tamen noster hac sua demissione cōparatio.

Interim quippe, dum ipse se humiliat exaltatur, nam altero post Christi natalem, benè ominato protomartyris die, sub vespere monetur Ioannes ceruicem illi ex gubernatoris mandato, ea ipsa nocte amputandam, nuncius illi fuit supra spem lætus, & iam nox illi, velut expectatum lucis æternæ diluculum, tardiore cursu aduenire videbatur, quæ cum aduenisset, iniustitiæ ministri eductum è carcere, manibus ex more à tergo reuinctum, transflumē abdu-

abducunt, non procul ab eo ponte, qui Miacensis appellatur, Aderat. tum fortè famulus eius, Lynzo dictus, cui tradidit agni cerei sacram thecam & precatorios globulos, quæ vtraque manu nunquā dimiserat, etiam dum vinciretur, eidem commendat ut heræ suæ sedulo obsequatur, deinde ut peccati pœnitens ad Christi fidem, in qua nutarat, omni studio reuerteretur, quod vtrumq; facturum se abundè promissit. Cum eo plectendi abducebantur rei tres, viri duo & mulier vna, è viris alter eo ipso die in Christi renatus, ipso Ioanne procurante mortem suis sceleribus debitam, spe vitæ melioris moderatius patiebatur. Ioannes igitur vbi ad locum ventum est, in genua ruit, Domino suum agonem comendaturus, & eidem eiusdè comes & nouus discipulus, qui nihil quod à magistro fieri videret omittebat, huic primum Iesum ac Mariam piè inuocanti ceruices amputantur inspectante Ioanne, qui nihil dubitabat eum cum innocentiae veste præire, quo ipse mox erat secuturus, nam ad eum carnifex se conuertens, sacra illa nomina repetentem obtruncat, cū ageret ætatis annū 40. In eius deinde cadauere barbari satellites fidas suas exercuerunt, quod in flumen abiectum, à Christianis deinde harpagonibus extrahitur nocte concubia, & in sarcophagū recondentes loco decenti terræ mandarunt, idq; secretissimè, donec Ecclesiæ Iaponensi reddita pax honores martyri suos aliquando restituat.

SVRUNGÆ NEOPHYTI SEPTEM GRA-

uiora supplicia tolerant,

CAP. XX.

QUæ hoc capite scribenda suscepi ad annum pertinent 1614. sed ideo hætenus omissa sunt, quod nondum constaret certis auctoribus rei totius minuta narratio, nunc autem cum Nangasacqui viuant suorum cicatricibus insigniti, ex ijs aliquot qui superstites euaserunt, ex eorum aliorumque occulta fide totius rei gestæ ordo constitit, nec visus est hic, è maximis fidei nostræ triumphis tametsi alieno tempore omittendus.

Februario mensè, anni 1614, Surungæ capit ex mandato Daifu atrociter de Christianis inquiri, & tandem 27. Martij, quinta feria

hebdomada maioris, qui descripti fuerant iubentur à gubernatore Ficosaca Cufioye in domum vr bani Iudicis, qui erat eius famulus, Faxegaua Matafaburo dicebatur, conuenire, quos ille omnes vt à Christo deficerent, omni arte sollicitabat, sed cum plerique sibi constarent, comprehendebantur, sed tandem variorum rogatu soluuntur omnes, exceptis quinque, Ioanne Dogici, Petro Calufuge, Ioachimo Suquecuro, Petro Soquiu, & Emanuele quodam, quem surdum ac mutum natura parens effuderat, sed gratia illum Christianæ fidei ornamentis ad stuporem adornarat, hi vincti remanserant, sed soluti in gubernatoris palatium amandantur, qui interim, dum in atrio præstolantur, ethnicis concurrentibus dictoria multa & conuicia tolerarunt, quamuis non deessent etiam alij ingenio præditi molliore, qui compaterentur, imo qui legem illam extollerent, quæ sectatores eo adducit, vt nihil sit, quod eius causa pati recusent, sed fuit in turba desertor vnus aliquis, qui petulanter neophytis insultans animos illis addidit, cælestisque solatij compleuit. Nam Christi effigiem cum à Pilato spectandus proponitur his verbis, ecce homo, euoluens insultabat, ecce miseri, ecce quem adoratis? ad quod spectaculum neophyti profundæ venerationis officio perfuncti, ita ferè se inter se animabant. Crastinus dies ille est, in quo Dominus Iesus in quem nulla culpa nulla peccati macula cederebat, nostri causa in hanc miserabilē totius corporis lacerationem pro nobis venit, pro nobis est ad spectaculum expositus, ex eodem nos spectaculo sumamus animos ad omnia opprobria suppliciaque cum eo & pro eo toleranda.

Inde in Iudicis vr bani domum, nondum gubernatorem allocuti reducuntur, vbi ad noctem nunquam interrupto certamine prælia Domini depugnarunt, quorum hæc erat vna vox, neminem ne millies quidem proposita vel addita morte defecturum, ergo tandem in publica vincula mittuntur, sed ita vt fugam suadere viderentur, nam liberos nec vllis vinculis constrictos à longè secuti fætelles præmittebant, sed nimirum maior erat in ijs ardor patiendi, quam in carnificibus supplicia inferendi, ibant igitur alacres hi quinque in carcerem, quibus breui additi sunt alij quatuor, Leo Cacubioye, Ioannes Xogiro, & Didacus Xeyam & Ioannes Faramondo,

mondo. Hi vinculis vltra septem menses detenti vix dici potest, quoties in fidei causa certarint, credi vix potest quoties vicerint; nemo fuit ex amicis, ex propinquis ethnicis, nemo qui non saepius cum ijs manum contulerit, Iniustitiæ ministri minis urgebant, & supplicia, quæ illi optabant, satis ineptè minabantur, sed illud ineptius, quod capite deorsum defossos terra obruerent, ne eorum animæ, quo ad spirabant ad cælum iter inuenirent, & incidit die quadam, vt ad incutiendum metum, magno tumultu in carcerem delati, plectendos omnes euocarent, quos cum hilariter prodirent, iubent præstolari tantisper, dum ethnici rei plecterentur, ficta res erat, euocatur tandem vnus Leo Cacubioye, velut capite minuendus, sed cum è cæterorum conspectu abiit, liber domum remittitur, nulla tamen sua culpa, sed amicorum rogatu satis illibens, & inopinans liberatur. Non latuit omnino Neophytos quoderat, ex eo quod præter morem sine vinculis educeretur suspicatos, vnde factum est, vt cum eadem ex causa Ioannes Xogiro euocaretur egredi recusarit, protestatus nolle se etiam sine culpa liberari, sed omnino velle quæ vinculorum socij paterentur, supplicia experiri, atque ita detentus est, attonitis stupore ethnicis, quod viderent ea quæ natura horremus omnes, salua etiam sua religione, ab illis ardentè exoptari, solutus est etiam planè inuitus Emanuel ille surdus & mutus, de quo mihi deinde plura, ex eo quod huiusmodi hominum monstra negarent edictis comprehendit.

Nec fuit Christianis militibus cum sola perfidia fidei certamen, ipsa natura gratiæ præsidio, cum diuturni carceris incommodis, cum victorum iniurijs, cum satellitum petulantia, ita certauit, vt tandem inuicta ipsorum patientia in venerationem verteretur, & contumeliæ in encomia conuersæ, alio iam sermone loquerentur, aiebant in illis Deum suum, Deum viuum in singulis viuere, in singulis operari, nec in laudibus constiterunt, sed comprobatio in imitationem ita exarsit, vt è facinorosis hominibus, toto illo tempore sex & viginti Christum agnouerint, & quatuor fidei desertores cum Deo suo penitentia duce, in gratiam redierint, & omnes quidem præsentis virtutis exemplo Christi fidem persuade-

Ooo 3 bant,

bant, sed Petrus Soquiu etiam oratione, quos exempla permouebant imbuebat, Ioannes autem Doju probè iam instructos salutari-
bus aquis eluebat, ab his occupationibus, quod supererat tempo-
ris, totum in cætera pietatis exercitia, sed maximè in statas preces
effundebatur, tanta omniũ comprobatione, vt iam carcer infideliũ
sceleribus hætenus infamis in sacrã ædem cõuersus esse videretur.

Quod cum rescuisset gubernator, audissetq; propè reos omnes
dum plecterentur Iesum inuocare, hæ sit anceps dubiusq; quid con-
siliij caperet, sperauerat enim se diurno carceris pædore effecturũ,
vt tepesceret sensim in Christianis fidei retinendę ardor, nec diffi-
cile deinde futurũ, vt planè Christũ abdicarent, sed cum his contraria
intellexit, timuit, ne qua alia via res ad Imperatorẽ crumperet, sibiq;
pro gratia, quã sperauerat, ex eorũ defectione, indignationẽ accersi-
ret, statuit ipse apud eum de Christianis queri, eos non solũ contu-
maces suis edictis, persistere, sed & alios in vinculis nos eadem legis
contagione inficere, nec vllis rationibus, vt de sententia discederẽt
adduci potuisse, Excanduit ad hæc inueteratus dierũ malorũ tyran-
nus, & supra quàm decebat eam dignitatem, baccharus Dei seruos
mortalium pessimos & abominandos appellauit, & deinde solers
suppliciorũ inuentor, quibus eos pænīs torqueret, per otii guber-
natorem dicitur instuxisse, tria igitur indixit tormentorũ genera,
primum vt eam crucem quam tanta ambitione iactabant, candente
ferro in frontibus eorum imprimeret, deinde manũ digitos singu-
latim amputaret, ac deniq; singulos sub ipso genu subneruaret, qui-
lis aqua & igni interdiceret, vt longam mortem viuerent, & lon-
gam vitam morerentur. Extemplo iussit gubernator per fabrum
crucem ferream expediri, quatuor digitos vndequeque longam,
quam tamen Daifu iam propè carnifex factus, furore suo breuior-
em iudicauit, nam ille crucis truncum extendi iussit, & ita crux ia-
tra suam simmetriam perfecta & absoluta, prout hodieque videtur
Nangasaquij in superstitum frontibus expressa.

Gubernator itaq; satis inuitus ad exequendum suppliciũ accin-
gitur, & vt id constaret illi, cui hoc negotium comendauerat, edicit
ne è familia sua carnificem eligat, sed pretio conducatur aliquem, no-
lebat enim huius iniustitię infamiam in familia sua sustinere, vix
enim erat vrbe tota, qui non eam immanitatem fuisset execratus, si
cui-

cuiquam licuisset mussitare. Primo Nouembriſ igitur eiufdem anni 1614, cum armata cohorte ſupplicij Præſes, magno ſtrepitu fertur in carcerem, & iam exultantes hilari nuncio, quem prius audierant, neophytos educit è cauea, vt in arenam cum perfidia descenderent. Vinciuntur ex more, & interim dum igne ferrea crux induitur, ipſi adſtabant, vt eſſent de numero ſignatorum. Ergo alius poſt alium in media fronte ſacro cauterio inuruntur, ea animi fortitudine, vt nullo motu, aut capitis nutu dolorem reſtarentur, ſtupentibus ad eam nouitatem ethnicis, nec ſaris capientibus, quid eſſet in hac lege quod hæc è ſuis impetraret. Et ne ab hoc ſpectaculo curſim recedamus, iuuat etiã quo ordine ſignati ſint ſigno Tau, in frontibus ſuis enumerare, & fortiffimos Chriſti athletas dignos qui eſſent in libro vitæ agni, ab obliuione, quoad fieri poterit, vindicare. Primus Ioannes Doju, 2. Petrus Cacufque, 3. Petrus Soquiu, 4. Ioachimus Saquecuro, 5. Ioannes Xogiro, 6. Didacus Xeian, 7. Ioãnes Faramódo.

Sed quid interim dum ſignarentur acciderit, omitti nullo modo poteſt. Neophytus quidã Ioannes Sacuyemon, Ioannis Doju in baptiſmo filius, adoleſcens, ſed in Chriſti fide colenda retinendaq; ardentiffimus, ſumopere hoc tempore exarſit, vt eandem cū cæteris fortunã ſubiret, quid non fecit vt cum de Chriſtianis inquirebatur, nomẽ daret? reiectus à vici ſui Præfecto, ad alios confugit, æquẽ reiectus, nullũ ſolatiũ capiebat, ſtatuerat porro cum vincti noſtri ad ſupplicia ſua vocarentur, exclamare, ſe eandem pænã pro eiufdẽ legis profeſſione promereri, ſed ab ea mente deductus eſt à patrino ſuo Ioanne, alijsque neophytis, vbi tamen vidit ſignari ſeruos Dei noſtri in frontibus eorum, igne illo quem Dominus miſit in terram magis, quam ferrea crux incanduit. Ergo vi via ſibi facta, per medios ſatellites ad Chriſtianos athletas irrupit; & eos videns ſiccis oculis ac vultu ſereno ignem excipere, exclamauit in hæc verba, felices vos ac terque quaterque fortunatos, ſatis ſcio fidei commilitones, nihil vos mea cohortatione indigere, rogo tamen vt quod capitis facere, ad exitum perducatis, & pro me Deum rogate, vt me participem fieri veſtris coronis peccatorem licet indignum non dedignetur. Interim non me contineo quin ſacrum illud ſalutis noſtræ ſignum in frontibus veſtris venerer oſculando, quod & fecit ſatellitibus præ ſtupore attonitis nec prohibentibus.

Inuſte

Inusto iam Christi seruis seruitutis Christianæ cauterio, per primarios vrbis vicos raptantur, vt gloriosum Christi vexillum rota vrbe deportatum, de ipsa quodammodo infidelitate triumpharet, quem triumphum noui cruciferi suo tandem sanguine purpurationi ad ripam fluminis, quod Surungam alluit abducuntur, & mox digiti manuum in trunco detruncantur, & deinde proni in solū abijciuntur, & vtroq; poplite subneruantur, manante ex singulorum vulneribus cruoris riuo quo tota illa area rigabatur, vt in Ecclesiæ Iaponensis agro felicius deinde fides excresceret. Hæc omnia supplicia ita nostri tulerunt, vt merito dubites fortitudo mansuetudinem, vtra vtram superarit. Interim dum nostri suo in sanguine volutantur gratissima illis erigitur inscriptio, in qua characteribus cubitalibus hæc verba legebantur. Homines isti, quia legem Christianam contra Imperatoris edicta profitentur, hac pæna damnati sunt, nemini liceat illos in ædes suas recipere, qua vltima sententia planè omni humano auxilio destituti, ab vna hora antemeridiana vsque ad primam noctem in summo frigore lethalium vulnorum agoniam pertulerunt, sed diuina illis solatia defuisse à diuina bonitate videtur alienum, postea in pauperum quorundam tuguria vicina dimissi sua vulnera obligarunt.

EX HIS NEOPHYTIS DVO VI TORMENTORUM cruciatibus immorantur.

C A P. XXI.

VErum exijs duo supplicijs cessere, & ipso die expulsam tormentis animam in cælum intulerunt. Alter Ioannes Daju, alter Petrus Sufusuque vocabatur, de quibus priuatim pauca ideo dicenda sunt, quia iam ipsi salutem suam extra huius mortalitatis aleam in tuto collocarunt. Is in Regno Yama Xiro, cuius est metropolis Miacum, totius Iaponiæ caput, benè natus, ingenio valebat, nec illiteratus apud suos habebatur, sed in Christiana religione colenda absolutissimum erat & habebatur omnis sanctitatis exemplar, quem etiam ideo cæteri Christiani milites in vinculis primum,

num, in supplicijs Ducem habuerunt, nec planè mirum, nam iam prælijs pro Christi fide adeundis veteranus iam erat, tolerato iterum in Regno Micaua exilio. & cum prima Miaci edictorum fulmina detonauerunt, Ioannes cæteros neophytos confirmabat, asserens hoc quicquid esset negotij, nihil ultra difficultatis habere, quam si quis apud se planè constitutum haberet, in Christi causa vitam ponere. Cuius constantiam ex eo iam ipso tempore multi concutere frustra conati sunt, petitis ab vxore liberisque rationibus, nam vt tu omnia perferas, quod de te creditur animosè, vxore tua liberisque quid agendum putas? Vtinam illi, ait, in minutissima fragmenta in oculis meis, pro eadem causa comminuerentur, haberem vnde in Domino exultarem, haberem de quo eidem Domino gratularer.

In vinculis iam Surungæ constitutus, ex carceris angustijs, pudore, æstuque intolerabili æstiuis mensibus in morbum incidit, quod cum vici Præfectus audisset, ad gubernatorem ire parabat, rogaturus vt illum suæ fidei curandum committeret, quod erat perfacile impetrare. Verum ille vbi rescivit, vehementer impediuit, nec adduci vnquam potuit, vt annueret, quod assereret se captiuitatem suam totius orbis libertati præferre, nec assensurum vnquam, vt è suis vinculis abiret, tametsi iudicum sententia liber domum mitteretur, nec egressurum ante (nisi ad mortem,) quam Daifu restituta Ecclesiæ Iaponensi pace, id iuberet. Hic enim aiebat, hic inquam pro Domino meo Iesu Christo viuam & moriar, quæ hominis constantia plurimum cæteros in eodem confirmauit.

Tandem venit vt supra commemorauimus, ad supplicium crucis inurendæ, quod ille primus flexis ante carnificem genibus, ac oculis in cælum erectis pacatissimè pertulit, Iesu ac Maria suauissimè inuocatis, quod cum alteri fuisset iniustum, ita Ioannes exclamauit. Næ tu beatus es, non me teneo quin sacrum illud signum ex osculer, quo te conspicuum video, & ad eum accedens, crucem recentissimè iniustam, in osculo sancto veneratur, & deinde ad socios conuersus, qui & ipsi signum suum præstolabantur. Agite inquit socij, animos sumite, Bonus Iesus pro nobis pugnat,

tormentorū sensus leuior est eo, quem ipsa sibi terribilis natura fingebat, nam diuina gratia in auxilium naturæ submittitur, quibus verbis ita exarserunt commilitones, vt nouum illi esset supplicium, qui se fore timebat extremum. Cum deinde signati nostri se celebrioribus Regiæ vicis spectandos ostentarēt, Ioannes nudis pedibus suas stationes decurrebat, nec adduci poterat vt oblata à Ioanne filio baptismi, sandalia indueret, quod diceret audisse se Christū Dominum, cum ad crucem raperetur, nudis in Caluariæ montem pedibus euasisse, verum tandem ætatem grauiorem, quinquagenario quippe maior erat, recentemq; morbum causanti cessit, ne dum austerus videri vellet, caritati repugnaret. Cum iam enervis in terra iaceret, oculis propinqua morte grauatis, accessit ad eum è neophytis vnus Iesum ac Mariam illi in memoriā reuocans, queni illi oculis apertis agnoscens ita est allocutus. Fili extremum à me vale, accipe constantem in Christi fide retinenda firmitatem, tibi nihil melius, mihi nihil gratius feceris, & cum idem reliquis concurrentibus commendasset, alienatus à sensibus defecit, & cum ad eum fouendum orizæ paululum in os immisissent, cum ad se redijt ex ore eiecit, asserens se illo die ieiunij religione, à cibo sumendo prohiberi, nec ita multo post cum iam vltimis suspirijs, vita cum morte luctaretur, oculos aperiens, & incertum locum attentè defigens, in hæc verba prorupit. Adorate Dominum Iesum, qui modo huc ad nos aduenit, quæ cum diceret expirauit, & in Diuorum societatem eo ipso die, quem illis Ecclesia celebrem designat, euolauit.

Petrus Cacusque in sequentem auroram superstes fuit, de quo etiam nonnulla subiungam. Nangasaquij natus fuerat, sed Surungā concessit, mox vt pueritiam excesserat, ibi militiæ operam dedit, & quoniam iam ab infantia fuerat Christianè educatus, faciliè aduertit in quantum salutis discrimen, militari libertate, vocaretur, ergo missione à suo Duce impetrata, minutis mereibus distrahendis tantum temporis & studij dabat, quantum ad sustinendam vitam satis esse videbatur, donec exorta sub Daifu, de qua nunc agimus, tempestate, ipse cum alijs duobus, Petro ac Ioachimo, inter se conueniunt egredi, quam huius Tragediæ finem viderent, fieri posse, vt ex ea plausum consequi, reportata victoriæ palma, possent, neq;
se ab

se ab hoc consilio vllis vel amicorum vel propinquorum cohortationibus abduci voluerunt. Tandem comprehenduntur; Petrus noster in vinculis, vt externus, plura initio patiebatur, sed eo euentu quem supra. Ad carceris labores & incommoda ferè continuum addidit septem mensium ieiunium, quamuis eo carcere teneretur, in quo solæ angustia satis erant ad hominem, vt robustus esset, de innato robore deturbandum. Nam intra palmos octodecim, in quadrum vincti, quadraginta tenebantur, cui cum accederent alia sexcenta incommoda, voluit etiam Petrus rerum omnium quibus laborabant, inopiâ ipsa etiâ ieiunij lege contineri. Si quando à visitatoribus neophytis de patientia moneretur, vix habebat verba quibus suam felicitatem explicaret, quæ omnia dicebat se sociorū meritis consecutū, suisq; peccatis fieri vt omniū corona differretur.

Postquam è suo ergastulo educendi veniam offensarū inter se mutuo fuissent comprecati, vbi in conspectū circumfusæ multitudinis venerunt, ita Petrus distinctè & voce sublata exclamauit, Quotquot ex adstantibus Christum profitemini, amabo vos, pro eiusdem Christi reuerentia, in illius fide perstate, & eius præcepta seduli obseruate. Cæteri verò, qui nondum illum Dominum agnoscitis, quam possum enixissimè supplico, audite quæ de illius lege docentur, audita complectimini, & errores vestros abdicare, nam extra Christi legem nulla est vllibi spes salutis, illa est mortalibus ad æternitatem gloriæ via, illa est ianua, fieri poterit vt ex circumfusa corona me aliquis agnoscat, & meorum criminū memoria offensus resistet, sic habete, quicquid à me peccatum est, id ex mea infirmitate, ignorantia, malitiaq; profectum est, nihil inde legis, quam profiteor, sanctitati detrahatur, si enim ex eius præscripto mores meos conformassem, nihil esset profecto, quod ipsi etiam iure carperent obtrectatores, illa enim est fons limpidissimus totius sanctimonix atq; puritatis. Ita noster Petrus totidem verbis scribitur perorasse. Cū verò iam cruce insignitus, vrbe tota cum socijs circumraptaretur, ipse ingenti gaudio perfusus Psalmum, Laudate Dominum omnes gentes, cantu ecclesiastico inchoauit, quem ad finem vna cum socijs persecutus, videri potuit vespertinum sua celebritatis officium præuenire. Cum iam ad flumen digitis truncus & poplite eneruis in solo iaceret, ab hora ante

meridiem postremā ad noctem usque, perpetuo de nostra legis sanctitate ad eam concurrentes: cohortatus verba fecit, & cum vires animo deficerent, animus viribus destitui non posse videbatur. Nocturnis horis in vicinum leprosi mendici mapale deportatus, euocari se sensit ad præmium, & cum tota nocte fuisset cum Iesu suauissimè collocutus, primo diluculo eum inuocans in æternam lucem euocatur, 2. Nouembris eiusdem anni 1614.

Cæteri cum suis doloribus diu multumque colluctati, vitam hodieque retinent, & superstites quaqua versus feruntur, vetitas tota Iaponia Cruces circumferunt, suaque fidei professione continua decorantur. Horum nobile certamen videtur prius neophyto cuidam diuinitus præmonstratum, nam cum Didacus Mangochi ad flumen Abe iter faceret, improvisus eum venti turbo inuasit, & mox in eo ipso loco, in quo postea plexi sunt, crux in aëre visa est, ijs coloribus insignis, quos in iride natura mentitur, ad cuius conspectum ipse subito horrore conceptus, in genua ruit, tam diu crucem veneratus, donec illa disparuit. Alio etiam prodigio scribitur Deus hanc servorum suorum agonem coonestasse, nam ex fide dignis testibus constat, carnificem illum, qui pretio conductus neophytis digitos amputarat, ipsum deinde paulo post vtriusque manus vsu priuatum, spectaculum esse diuini furoris in se prouocati.

Ibam ad cætera, quæ Surungæ contigerant, enarranda succinctus, cum Emanuelis surdi ac muti nutibus admoneor, vt qui pariticeps vinculorum fuit, non planè ignotus dimittatur, nam tres illi qui è signatorum numero Nangasaqui commorantur, multa de illo narrant, è quibus illustriora seligamus. Natus fuit ille Surungæ, aurium, & quod sequitur etiam linguæ beneficio destitutus, parentes habuit natione Coreas, professione infideles, & in eodem ritu educatus, primos vitæ suæ annos ad reliquam corporis miseriam etiam hac animi cæcitate laborabat, sed cum in altera Regia Yendo aliquot annis viueret, de Christianorum æde, cum nescio quibus nutibus aliquid didicisset, in eam quotidie ventitabat, & quia vix est quicquam, quod non assequatur nutibus, aut explicet, & Christianum se velle fieri docuit, & ipse quid sit esse Christianum admi-

admirabiliter doctus est, & deinde summo cum gaudio baptizatus. Inde dici vix potest quam accurratè Christianæ pietatis exercitia persequeretur, & quam capitali odio falsorum numinum simulacra detestaretur, eratque tandem Emanuel Neophytis ethnicisque gratiæ & naturæ prodigium, Surungam rediens à parentibus ethnicis ut ad simulacra rediret vrgetur, vexatur etiam ac demum patria domo eiicitur, quam ille dimittens, nummulos etiam quos fortè corrasserat, spontè dimisit, & à neophytis exceptus, ab eorum liberalitate pendebat. Vbi aduenit præfens procella, viditque neophytos, quod essent Christiani (hoc enim nutibus didicerat) comprehendere, ad eos se non euocatus adiunxit, & cum in gubernatoris ædes ducerentur, adduci nunquam potuit, ut ab alijs auelleretur, imo quod admirabilius, cum monitus eius parens accurrisset, post multa, etiam apprehensa veste conatus est illum per vim abducere, sed ille fortiter cum parente luctatus ut remaneret obtinuit. Porro si ad eiurandum Christum nutibus vrgeretur, ipse capite, oculis, manibus, ac denique toto corpore abnuebat, sed maximè in ludicris urbane atrio resistit, cum enim varijs nutibus ac signis vrgeretur, ipse quoque pluribus repugnabat, nares, aures, digitos, caput sibi amputandum offerebat, quibus obtinuit ut tandem cum reliquis vinciretur & in carcerem mitteretur.

Post dies vinculorum quindecim, mater Emanuelis, cuius ille nutus omnium optimè assequabatur, in carcerem mittitur, ut filium expugnet, verum ille intra carcerem in eas se latebras abdidit, ut reperiri non potuerit, sed illa deinde supplici libello, à iudicibus impetrauit ut solueretur, asserentibus in libelli ea petitione huiusmodi hominum monstra Imperatoris, ut dixi, edicto non contineri, nec ille ramen educi se pariebatur, nisi postquam vnus ex ministris illi globulos precatotios in collum iniecit, quo signo intellexit demum licere sibi viuere Christianè. frequens deinde in carcerem itabat, nec vacuis vnquam manibus, semper enim habebat quod in illorum victum adferret, nam per eos dies, per singulas neophytorum domos circumcursabat, stipem pro victis corrogabat, & quod magis mireris, etiam neophytos in fide confirmabat. Cum neophyti ad sua supplicia raperentur, aberat fortè

Emanuel in Arxi vico, non procul ibi de sociorum tormentis, solitis nutibus omnia didicit, & extemplo accurrens eos inuenit iam saucios truncosque in miseris leproforum mapalibus humi iacentes, quorum ille vulnera suis primum lachrynis illinens, sua deinde etiam caritate confouit, quicquid haecenus manuum labore congesserat, in hac Christianae commiserationis officia liberalissimè profundens ferunt illum etiam horas multas orando transigere, maximè coram Christi pendentis effigie, vel illa quam nos, ecce homo. appellamus, & quoniam sæpe in lachrymas effunditur, credibile est eum diuinis inspirationibus doceri, & quod natura negauit, gratia supplente redundare. Agit ille annum quintum & vicesimum, de quo licet plura dicantur, hæc selectiora sufficiant.

LEPROSI SEX INTEGIRI VICO SURUNGÆ

contermino pro Christi fide obtruncatur.

CAP. XXII.

Conterminus Surungæ Regno vicus est Yegiri appellatus, in eo leprosi sex nitidiores anima quam corpore, miseris in mapalibus vitam emendicata à transuntibus stipe sustinebant. Hi Christianam fidem egregiè colentes anno 1616. in Diuorum societatem admissi fuerunt, qui haecenus hominum societate naturæ vitio carere videbantur. Non procul ab his viuebat Petrus Soquiu, de quo paulo ante multa, ex ijs vnus qui biennio ferè ante, cruce fronte insignitus, cætera supplicia Surungæ pertulerat, sed ex amputatis neruis solo sinistro poplite subneruatus euaserat. Is ex ipsorum leproforum voluntate eo se receperat, factus ex viro non ignobili, mendicorum magister in ijs quæ ad Christianam spectarent disciplinam, & bonorum proscriptione in Christi causa eo deuenerat, vt eadem cum leprosis stipe victitaret, Contigit id temporis, nocturnos latrones in proximum fanum irrumpere, quod erat in proximo ethnicorum pago, luara vocant, eosdèmq; multis, qui ex eo fano fuerant intercepti mactatis, omnia deprædatos ita se recepisse, vt ad hunc diem auctores facti, post longas disquisitiones, nesciantur. Porro cum Daifu illa via transiret, in regiam Yendo iter aggressus,

sus, quidam, cuius vxor in eo latrocinio perierat, regionis moderatorem interpellauit, vt de facto accuratius inquireret, fieri posse, vt ex vicinis leprosis, quis de hac re inaudierit. Is ad supremos Regij tribunalis senatores rem referens, effecit, vt hic cohortem militum propè mille submitterent, qui ex improviso irruentes arces illas, mapalia leproforum obsidione cinxerunt, ibidem castra metati, comprehenditur illico Petrus vna cum Simone Xosunque ncophyto, qui fuerat olim Petri famulus, & nunc circumforaneus rerum minutarum venditor, ad herum suum visendum venerat, cum quo etiam nonnihil de sua tenuitate partiebatur, cæteri intra sua mapalia clausi tenebantur, satis solliciti, qua ex causa tanto tumultu cingerentur, donec rescierunt, tum enim facilè in innocentia suæ conscientia seipsum collegerunt. Deducitur interim ad supremos senatores cum Simone Petrus, in nouam arenam è cauea sua, quod non sperabat, eductus. Quæritur ex eo, quis sit? respondet intrepidè se vnum ex ijs esse, qui iubente Daifu, quod esset Christianus, cum alijs sex, cruce frontem notatus fuerat, & digitos amputandos præbuerat, neruosque sub vtroque poplite succidendos, & quia cum vinculis teneretur, suis concionibus plerosque reos ad Christum adduxerat, eiusque rei delatus fuerat apud eosdem Iudices, agnitum, ingenti cachinno senatores excipiunt, & mox quærunt num etiam tum in Christi fide persistat, quibus inuictus Christi miles ita respondit, si prius eram Christianus, quam supplicijs in hac ipsa causa torquerer, nunc planè multo magis in eadem Christi lege persisto, nec erit orbe toto quicquam quod me ab ea colenda deterreat.

Ab his Iudicibus raptantur ad alium, cui nomen erat Fuosaca Cabioye is Simonè interrogat, quis sit, & cuius rei causa eo venerit? respondit ille, quod erat, se quondam Petri famulum fuisse, & esse vna cum hero quondam suo Christianum, subinde se ad ipsum ventitate officij causa, & vt aliquid rerum omnium indigenti, de suo luccello partiatur, Iudex omittis cæteris quærît, audierit quam seuera Imperator edixerit, ne cuiquam liceat illam legem profiteri, audiui inquit adolescens, edicta planè atrociora, sed, nihilo quàm antea minus sum & semper ero Christianus, quia salus æterna nihil habet cū quo conferatur, & hæc ipsa causa est cur in hoc ætatis flore, sine
hero

hero viuat, neque hoc parum quaestioso viuendi genere sufficeream. Audisti inquit Iudex, de nocturnis illis latronibus, qui nuper fanum inuaserunt? Nihil planè ait Simon, nec ullius suspitionis vestigium intratenuis vtriusque sarcinulas potuit apprehendi. Ergo secessit iudex tantisper & mox rediens Simonem, quod hero suo etiam in aduersa fortuna fidem seruaret, collaudauit, idem ex Petro quaerit, ecquam habeat effigiem ex ijs quas Christiani venerantur, cupere se aliquam videre, quam cum esset intuitus, absque ulla contumelia Petro reddidit.

His ita haecenus suspensis ad leprosos itur, eoque Petrus & Simon abducuntur. Iudices erant, hic quem modo nominaui, regionis illius moderator, Sugacu, nominatus hostis Christianae legis ac nominis, plusquam capitalis, educuntur leprosi è suis tuguriolis, quaeritur ex ijs, sint nec ne Christiani, & omnium nomine respondit Paulus, qui erat leproforum velut Archimandrita, esse se ad vnum omnes Christianos, Petrum se quoque, rogasse vt ad se diuerteret, vt eo magistro, in ijs quae ad salutem suam spectant commodius vterentur. De latrocinio quaesitum etiam sed nihil planè deprehensum; quaeritur denuo, sint ne Christiani? & denuo aequè constanter, aequè explicatè responderetur. Interim ex ijs qui daemone se venerari profitentur, Iamabuxis vocari saepe iam dixi, duo intercepti sunt, & in eandem latrocinij suspicionem vocati, à quibus vna cum Petro & Simone tormentis conati sunt de latrocinio elicere veritatem, sed vbi nihil est deprehensum, ethnici liberi dimittuntur, Petrus in domum suam, iussus omne de hoc facto curam deponere, Simon vici Praefecto traditur, inter compedes asseruandus. Interim leprosi in tuguriola Pauli & Petri omnes compinguntur, adhibitis qui eos custodirent, excubitoribus, quod dicerent de Christianis diligenter inquiri, nolle magistratus, vt eorum indicio moniti diffugiant; sed post triduum, quod res erat edocentur, satis credibile esse, eos quod se Christianos essent intrepidè professi, capite luituros, quod illi alter alteri mutuo gratulantes, Petrum rogant, vt aliquid è pio aliquo libello, quod ad rem faciat, praelegere ne grauetur, qui ex libro P. Ludouici Granatensis. quem peccatorum ducem inscripsit, tria capita illis praelegit,

legit, de morte, de iudicio, de gloria, & ita imposterum vel oratione vel pijs colloquijs tempus fallebant, votorum suorum spe se sustinentes, quod in ijs nouum non erat, cum enim ex magistro suo alias audiret, quam multi eo tempore tota Iaponia proscriberentur, aut sanguinem profunderent, ex imo corde suspiria trahentes dictitabant. O vtinam hoc postremum nobis contingeret, nihil enim habet aliud tenuitas nostra, quo Domino suo fidem proresteretur.

Tandem igitur desiderium pauperum exaudiuit Dominus, nam quartæ Lunæ die decimo, in quem cecidit 24. Nouembris anno 1615. magna militum manus, cum duobus iniustitiæ ministris, ex vrbe ad leprosos erumpunt, eductos interrogant num Christum profiteantur ad vnum omnes, annuunt leprosi, quibus ministri mittite hanc legem, iubente Daifu, quod si feceritis, commodiore in loco commodiores ædes vobis extruuntur, & deinde quam maximè vellent sectarum Iaponensium nullo prohibente, sequerentur, ad hoc omnes simul vna voce responderunt, nec possumus nec volumus fidem nostram mutare. Moriemini igitur omnes. Hoc est quod maximè optamus aiunt leprosi nostri, quid differtis? & mox hortatore Petro, ad id quod cæperant, optato fine claudendum confirmantur, & toti in preces effusi, magno animo singuli ceruices præbuerunt, & breui morte suas misérias claudentes, æternæ sibi felicitatis ianuam reſerarunt. Eorum nomina nullo modo hic desiderari permittam: Christiana sic se habent, Iaponensia non reperi, Franciscus, Gaspar, Paulus, Thomas, Matthias, Lucas, qui etiam hoc ordine obtruncati fuisse scribitur.

Qui adfuere milites, stuporem secum retulerunt, quod vidissent miseros mendicos ac leprosos, in ferenda morte generosissimum quemque militem superasse, nec illi solum ita sibi constituerunt, sed etiam mulierculæ trium vxores proposita capitis pæna Christum eiurare iussæ, caput obtulerunt, quod admirati ministri vltra vrgere destiterunt, & à mendicis ac mulierculis victi in tugurium se Petri receperunt. hi duo iniustitiæ ministri legem nostram prodigiosam admirabilemque prædicantes, deinde quærunt, esset ne in aliqua sectarum Iaponiensium spes salutis, quod vt negauit

Petrus, ita etiam dilucidè probauit, erat enim rei Christianæ probè peritus, nec habuere quod ethnici seprobarent, vrsit tamen vnus audisse se ex Christianis fidem suam persecutione non minui, sed augeri, quod tamen iam alter fieri videretur, verum Petrus commemorauit etiam in ipsa Europa idem contigisse, & à Christo legem suam frumenti grano comparatam, quod oportet prius mori, quam in messeni multiplex exuberet, si veritatem æq; facillè esset amplecti, vt agnoscere, nostri suppliciorum Praesides domum alij rediissent. Abiere tandem, sed postea submissi sunt, qui tuguria martyrum incenderent, quasi nondum furori factum esset satis.

Verum vt nihil dubij super sit, quin leprosi in sola causa fidei iugulum præbuerint, quod deinde contigit, non videtur omittendum. redibat Surungam Daifu, & eius supremi senatores, quærun quid factum sit leprosis, eiusque mapalibus obtruncati sunt respondit quidam quod essent Christiani, & tuguria iussa sunt incendi, nimia fuit illa crudelitas inserunt senatores, ecquid referebat mendicos paucos, quam maximè vellent, legem sequi?

PETRVS ET SIMON NEOPHYTI POST

leproforum mortem subneruantur.

CAP. XXIII.

HVIUS tempestatis initia exceperant quatuordecim ex Imperatoris familia nobiles, qui tota Iaponia proscripti aqua & igni propositis grauissimis pænis interdicebantur, prout initio huius de Iaponijs triumphis, commentarij scribere me memini. Nesciebatur hætenus, quid ijs factum esset, & cupiebat Imperator scire, vbi asylum ac latebras contra sua edicta reperissent. Obtruncatis igitur leprosis, Petrus ac Simon post varios carceres & iudices, tandem in urbem ipsam Regiam Surungam adducuntur, vt de his aula primoribus, ab ijs inquireretur, quod fortasse de ijs aliquid inaudire potuerint, sistuntur ergo Iudici Iungacu, capitali Christianorum inimico, & lectis aliquod eorum nominibus iubentur prodere vbi delitescant, simul indicent omnes, quos nossent: vbiq; Christianos, cuius tandem ordinis aur conditionis essent, nec ipsos mendicos leprososq; prætermitterent. Multa petebantur, ni-

Nihil impetratum, ne tormentis quidem sæpius ac sæpius repetitis, minis, promissa libertate, si ea proderent, quæ prodere videbantur, sed cum nostrorum constantia nullo statu flecteretur, sententia in Simonem pronuntiatur, ut digitis manuum truncus, utroque poplite subneruaretur, Petrus in dextro crure, quod solum supererat supplicio eodem plecteretur, verum Simoni soli sententia exponitur, Petro post peractum Simonis agonem tandem explicatur. huius tormenti occasione, Simon denuo ad eiurandum Christum sollicitatur, impunitate proposita, si faceret, nec ultra de prodendis Christianis agebatur, sed ille seipso semper fortior, importunos reiecit hortatores. Ergo Sabbatho sancto horis matutinis & Aprilis 2. 1616. Simon è vinculis educitur, & una cum eo Petrus exire permittitur, ibat reorum more manus post tergum reuinctus, & collum recte impeditus, ducitur in locum cui Mangericane nomen est, ubi ex aduerso cuiusdam fani truncus erat, ad digitos detruncandos collocatus, super quadrato trunco culter erat ingens supplicij atrocis instrumentum. Et iam ventum erat ad locum, cum Petrus qui non ignarus mali misero succurrere didicerat, Simonem iam in genua prouolutum in hæc verba compellat, Simon age Deo sua inter beneficia gratulare, non ignoras apud mortales honestum haberi, pro hero suo cuius annona viuunt, vitam ubi casus tulerit, exponere, quanto honestius erit pro eo mori, à quo nihil est quod non accipiamus, & super omnia pro vniuerso eius in nos amore, quo inductus est, ut homo factus tot laboribus supplicijque nostra causa se subijceret. Ne igitur horrueris eius causa sanguinem fundere, vitamque prodigere, sed potius ei gratias age quod occasionem tibi dederit, amorem amor, supplicia supplicij referendi.

Simon his heri sui sermonibus ita incensus est, ut mox ad truncum accedens, cultrum utraque manu correptum, capiti suo gentis more venerabundus imposuerit, stupentibus ad rei nouitatem spectatoribus, digitos deinde sua sponte præbuit amputandos, quos inhumanus carnifex, ter ad manus singulas ictu repetito, omnes amputauit, ac deinde cum aliquod à doloribus respirandi spatium concessisset, proni neruos in utroque poplite succidit. Tunc ad Petrum conuersi huius supplicij Præsides exponunt ei, quid habeat in mandatis, quo ille

nuncio exultans poplitem dextrum, qui solus supererat, præbuit eneruandum, atque ita iacebat humi vterque sine ullo solatio, quod à mortalibus mortales possunt expectare, cum tamen tum immortalibus solatijs redundarint. Tandem vxor Petri Martha, vt in vicinum mendicorum tugurium deportaretur impetrauit, de Simone nihil, nisi die insequenti, potuit impetrari, vterque nunc Nangasaquij viuit, suoque conspectu neophytos in suscepta fide confirmat.

Nondum satis expleta videri voluit perfidia his contra fideles supplicijs, nam Iudices cum audissent sub urbem tres è septem signatis illis delitescere, denuo comprehendi mandarunt, & multatentantes, plura minati nihil profecerunt, cum etiam ipsi pedum digitos obtulissent, vt manuum fortunam fortirentur, detenti sunt diebus quinque supra quadraginta, sed tandem intercessione nescio cuius ethnici magnatis, liberi sed victores se cum sua religione Nangasaquium quoque receperunt.

DE SIMONIS NEOPHYTI MARTYRIO IN
altera Regia, deq; reliquis regnis Quanto.

C A P. XXII.

NOluit altera regia Yendo-Surungæ æmula, sine fructu suo hoc tempore sterilis apparere, nam prætereos, quos nuper tanto numero martyres dederat, alterum addidit, cui Simon in baptismo nomen obtigerat, patrio nomine Iambioye dicebatur, viuebat ille in regno Yio, quod facit Insula minima inter quatuor Iaponiæ maximas. Eo cum noster sacerdos Firoxima excurreret ad visendos excolendosque neophytos, non patiebatur Simonis caritas, vt alibi quam apud se diuerteret, & tum illi solemne erat seipsum peccatis expiare, ac cælesti pane reficere, sed nondum illis excursionibus contentus, excurrebat & ipse Firoximam, finem maris ad 15. leucas transmissa, ibique se sacris epulis exercitijsque in æde nostra satiabat, & quoniam ad martyrium Deo duce, vocabatur, in Regiam Yendo, nescio cuius negotij causa, se contulit, ibique in
reli-

Religiosum incidit è D. Francisci familia, qui eo tum excurrerat ad neophytos excolendos, & vt erat religiosis excipiendis assuetus, eum in suas ædes aut potius hospitium inuitauit, non potuit ea res diulatare, quod in propria domo nihil haberet vel secretum, vel securum, resigitur ad iudicem defertur, ad quem ea res pertinebat, nec mora deprehenditur & comprehenditur vterque, nihil minus suspicantes, alter quod in Iaponia post proscriptionis edicta remansisset, alter quod proscriptum hospitio æquè contra leges exceperet. Religiosus denuo iubetur exulare, Simon mori, nisi à fide deficeret, verum ille nec vitæ cupiditate, nec mortis metu, nec amicorū precibus adduci potuit, vt tanto se scelere contaminaret, ergo ad supplicium ducitur mirè hilaris, quod vbi minimè crediderat, martyrij coronā reperisset. Priusquā plecteretur ad circumfusam concionem pauca hæc verba protulit: nolite me arbitrari cuiuspiam malefici reum, debitam legibus vitam dare, melior, quia Christianus sum, nec ab hac professione desisto, quæ cum dixisset, sacris nominibus Iesu ac Maria tertio repetitis obtruncatur & vinculis suæ mortalitatis exsolutus in liberam immortalitatem lætus euadit.

Cum noster Sacerdos, per hæc regna oues quærens, velut bonus pastor vagaretur, in regno Daua, in vrbe Xambocu nouum gregem reperit, qui nondum viderat pastorem, nam cum à septennio neophytus nobilis, Fitonique Petrus vocabatur, Firoxima venisset, in Dynastæ illius familiam adsciscendus, vt erat rei Christianæ benè peritus, idemque fidei propagandæ cupidissimus, ad ducentos Christo pepererat, suæque manu baptizarat, eosque omnes propè militaris ordinis non ignobiles, hos omnes magno suo solatio, adhibita extrema manu, si quid adhuc rude reperit, sicut versus catulos suos lambendo expoliuit, & primum illis locis sacrificium litauit, primumque peccatis expiauit. Ita Iapones non rarò ex tironibus fiunt magistri, neque intra se quod bonum conceperunt, possunt avari continere.

Initio dixi de neophytis ad ortum Iaponiæ, in regnum Tzugaru; Miaco relegatis, sed alia occasione narratio suscepta quædam non omittenda intermisit, quæ ex eorum litteris & nostri sacerdotis.

tis, qui eo missus est, excerpta sic se habent. Equodam Surungæ
 Regni portu 9. Maij 1614. soluerunt, & in mari multis tempestati-
 bus iactati, non sine labore, saluam tamen omnes & incolumes in
 exilij sui locum appulerunt. Missus fuerat ad exulum solatium, cum
 ijs alumnus noster, quem scribunt magno illis auxilio fuisse, maio-
 res solatio. Vix benè in portum appulerant, cum illius regni Dyna-
 sta, Yechudono appellatur, ad eos misit, qui significet, sibi à Dai-
 fu scriptum, eos in eum finem huc esse relegatos, vt extirpandis
 saltibus & aperiendis noualibus operam darent, scire se velle, an
 huic Imperatoris sui mandato parere sint parati. Huic ita neophy-
 ti consultatione inter se habita responderunt, se hactenus agricul-
 turam numquam exercuisse, sed nihil esse ita asperum, itaque diffi-
 cile, quod facere detrectarent, dummodo liberum sit illis Christiana-
 nam religionem profiteri & exercere, cuius retinendæ causa vitam
 obtulerant, nec exilium detrectarant, Eo responso latus Dynasta
 petijt hoc sibi responsum scripto dari, quod ad Imperatorem trans-
 mitteret, nec hoc abnuerunt, & deinde se suo muneri accingen-
 tes, hactenus coloni facti syluescentem iam tot sæculis Iaponiæ
 vastitatem suo exemplo eruderant, vt deinde in Ecclesiæ hortum
 conclusum conuertatur, qui mihi nascentis illius prima tempora
 referre videntur, cum Christiani ad effodienda metalla in abruptas
 rupes relegabantur. Contigit deinde fames illa, quæ Christiano-
 rum eleemosynis sublata Dynastam indigenasque quæsitæ, non da-
 ta causa irritauit. Ad eos visendos vnus è nostris sacerdos Miace
 excurrit, cuius epistolare fragmentum hic subijcio. Neophytos in
 Tzugara visitaui, solatus sum & confirmaui, diuisi eos in sua soda-
 litia, & illis præfeci, qui curam omnium gererent ex ordine. Bene
 collocatum habui laborem itineris, cum ad eos excurrerem, supe-
 rauimus montes duos, quibus asperiores non habet Iaponia, sæpè mihi
 perrumenda dumeta, & niuium præcipitia calcanda, quibus non
 raro ad cingulum immergebar, nec vltra progredi aliquando me
 posse arbitrabar. Ibam pedes ac sine cibo plerumque, quod ea loca
 carent hospitij, nec sit qui in his locis viuat. Aliquot etiam epi-
 stolas ipsorum Neophytorum subijcere possem, sed quia ferè nar-
 rant quæ scripsimus, breuitatis causa prætermitto, non tamen

vnus

vnus Epistolæ præclarum epiphonema, & dignum, quo etiam hunc de Christianis apud Iaponios triumphis quintū librum claudam, in hæc verba : Non est gaudium, non est solatium quod eo perueniat, quo peruenit, pro Iesu Christo Domino nostro multa tolerare.

Hæc igitur Goæ reperi, quæ superioribus libris quatuor in Europa relictis adderem, & quia nondum præliorum, sed nec triumphorum finis, conabor efficere vt continua rerum, temporisque serie prodeant, quam diu Dominus vitam ac vires dederit, & donec Ecclesiæ laboranti pacem quietemque reuocaret.

Finis libri Quinti.



AVCTA-

AVCTARIVM

A D

Libros quinque Trigautij

STATVS ECCLESIAE

apud Iaponas

Anno CIOIOCXVII. XIIX.

XIX. & XX.



IN E A M Iaponensem anno CIOIOCXIIX. exco-
luerunt duo de sexaginta, è quibus nostra Societatis
vnus & triginta censi, reliqui partim indigenæ sa-
cerdotio honorati, partim aduenæ è varijs sacrorum
virorū ordinibus nobis suppetiatum missi, ad quos &
sacri iuuentutis institutores accessere, qui rudibus elementa reli-
gionis Christianæ tradebant, nec non Ecclesiastæ qui ad populum
certis diebus agebant. Et quia Nangasaquium prope totum, Chri-
stum Deum colit, asilumque est omnium Christi causa proscri-
ptorum, exulum, vel eorum, qui vltro tyrannidem, sæuientium,
Principum fugitantes, huc se conferunt, ab incolis Christianis cum
ingenti charitatis significatione excipi solent, & amantissimè tra-
ctari. Ad quam rem impulsu Sociorum instituta sodalitas est, quæ
magnam vim pecuniæ ad exules subleuandos confert. Prætor vr-
bis homo paganus ex familia sua Simonem quendam Cuyemon
Christiani nominis cultorem! singularem, imperio regis omnibus
artibus frustra tamen conatus est à Christo auellere, suisque idolis
initiare, vicit enim constantia sua fregitque Prætorem Simon, &
mores etiam quibus Christianam integritatem sædè inquinabat &
offendebat emendauit, impetrauitque vt ab ipso etiam ab religio-

ne

ne abducendo prætor desisteret penitus, & desperaret.

Infederat infernus hostis & hospes alienum hominis hospitium & corpus, quod is homo se pro Christiano gereret, cum sacro fonte tinctus nunquam esset. In æde quondam sacra inter reliquos Christianos aqua lustrali pro more sub finem sacri aspersus se genitali vnda ritè lustratum credidit. monitus identidem ab alijs & familiaribus non paruit, & inepto pudore præpeditus baptismum neglexit, ita factum uti malus genius suum mancipium ratus inuasit; sed precibus populi S. Ignatio illius causa sæpe supplicis tandem ab infessore liberatus, lustratus & altero mox die cum ingenti spiritus consolatione ad cælum translatus est.

Nangasaqui hoc anno tempestas atrociter in omne Christianum nomen defæuijt, quod Patres, qui magno numero Nangasaqui conuenerant ad Dominos & magistratus Tenzæ delati, curam prætoris excitarint, ut multis promissis & minis latentes è tenebris in lucem protraheret, & comprehensos ultimo supplicio necaret. Paucos tamen è multis nactus, duos S. Dominici sodales P. Franciscum Moraliū & Alphonsū Menam presbyteros, & P. Carolū Spinolam cum Ambrosio Fernandèsio è Societate nostra Omuram cum præsidio misit, quos multa Christianorum millia omnis ætatis, ordinis, & sexus, quantumuis præside per apparitores in populum sæuiente & prohibere conante, persecuti sunt. Paulum quendam Christianum prætor eo nomine comprehendi iussit, quod pecuniæ in delatores Patrum partiendæ curam nollet suscipere. Præter Patres in vincula tracti sunt, qui eosdem hospitio susceperant, & alij qui in vicinia degebant, quos inter, fuit Dominicus Georgius domo Lusitanus, Morayanus Tochuan Andreas Ioannis Antonij prætoris Nangasaquiensis defuncti filius, Cotheda Thomas vir clarissimis natalibus oriundus & multis ante annis religionis causa proscriptus & relegatus, cum non paucis alijs iam omnibus in censum martyrum relatis ut infra exponetur.

Omurense Christiani fidem suam erga Christum luculentis testimonijs comprobarunt. Triginta admodum patres familias nomina sua chirographo signata Patri Societatis, qui cum illis versabatur, tradiderunt, testati se cum vxoribus & liberis totisque fa-

milijs in Christiani nominis professione constantissime perseveranturos, nec ullis suppliciorum acerbitatibus cessuros nec unquam de fide defecturos. Ex hoc numero fuit, cui prætor Omurensis rogum minatus erat, ni Christi sacra eiuraret. Sed is eo nuncio tam non perculsus fuit, ut etiam diceret, sibi verò nihil gratius aut optatius posse accidere, quàm si ipse ad incendium illud materiam suis humeris velut alter Isaac deportaret, tanta intus flamma ipse ardebat: qua constantia prætorem & in stuporem dedit, & ne sententiam exequeretur deterruit: cuius vxor pari cum marito ardore flagrans, cum sibi suisque supplicium ultimum imminere arbitraretur, vicinis ritu Iaponico velut ad epulas triumphales euocatis, omnes opes suas apposuit. Ab hac cum anicula quæ fidem prodiderat, præsidium iudiciumque nomine coronam. B. Virginis exigeret, quod defectionis signum erat, nostra heroina obiecto proditoris crimine, si omnis, inquit, Omura hoc faceret, nemo tamen unquam efficiet, ut hoc scelus in me admittam.

Omura igitur hoc anno quinque palmari laurea martyrij affecti sunt, è quibus pater Iamaguchi Gonsuquius cum Xoiro Thoma filio tanquam Pylades cum Oreste contendit, vter prior moreretur. hi iussu magistratus IV. Nouembris 1610 c. xvii. capite plexi sunt. Tertius Thomonaga Girobioye Linus, is fuit, qui antea P. Ioannem Baptistam Machadum è Soc. nostra sacerdotem cum alijs ceperat iussuque prætoris interfecerat, & mox ipse postea pridie Nonas Nouembr. anno 1610 c. xvii. ob religionis Christianæ cultum obtruncatus est. Adeò vis cælestis humanas mentes vertere & versare cum ingenti paganorum stupore potest & solet. Ad hos accessit Yeyri Miyemon Ioannes, sectæ prius Iodoxanæ, sed cum tumultuantis conscientiæ fluctus aliter sedare non posset, (quamuis multam in eo sed inanem docendo operam Bonzj consumsissent) quam ut ad castra Dei transiret, suasu Lini Nangasaquium se contulit, ibique Christianæ legis tirocinio imbutus & tinctus Omuram redijt, eodémque anno varijs machinis tentata illius constantia gladio cæsus ad lauream victoriæ capiendam in cælum ipsis Natalibus Christi cælo renatus martyr abiit. Quintus

tus fuit Quintaro Ludouicus cuius fides initio tempestatis nonnihil laborauit & fluctauit, sed vxoris Hagnes conuictio euerberatus & ad nouum certamen obarmatus ad prætorem redijt, sextoque & vigesimo Iulij c. 10. 100 VII. capite punitus palmam recepit. corpus è vestigio in cineres redactum, & in mare sparsum, ne quid inde Christianorum pietas lipsanorum quod coleret, haberet.

Arimæ, vbi quinque de socijs versantur, pax Christianis fuit, quod præses vel mitiori esset ingenio, vel exemplo aliorum de fortissimis Christiathletis victoriam desperaret. Ibi anicula annos nata septuaginta in confinio mortis tingi voluit, rogata causam quod multos, inquit, videam solo metu tyrannorum reclamante conscientia à sacris Christianis deterreri.

Duo quidam pagani vna iter cum Christiano faciebant, cum orto de religionis cultu sermone Christianus vana illorum numina irridere, Camisq; & Fotoques explodere: tum alter ex paganis, attende sis, inquit, quid agas dicásque & caue ne hos olim cachinnos ferro luctu redimas. Nec territus his minis Christianus disputator multò magis personatos Deos ludibrio habuit. Ventum interim ad fanum idoli, cui miles Christianus non solum honorem omnem abrogauit, sed contumelijs & oneravit, & conspuet etiam, literæ enim factis ipsis impium idolum delusum aiunt. Sed Acheronticus hîc hostis irritatus, cum nihil in irri so rem Christianum, auderet, cultorem suum inuasit, torsit, cruciauit, & tu inquit, audes cum impio illo Christiano hoste nostro colloquium miscere, familiariter agere & versari? arripuit inde paganus occasionem tortoris sui deferendi, petitòque baptismo Deum suum eiuravit, & illius conditorem omniumque auctorem professus dæmonemque execratus hominem veterem exuit, Christum induit, inferosque cælo commutauit.

Fibicone vico, mulieri, quod à Christo defecisset, à dæmone arreptæ & atrocissimè cruciatæ exorcismis & R. P. Ignatij imagine, quam hostis velut telum igneum exhorruit, pulso infami hospite à Patre Societatis succursum est.

In Fingensi regno vir uxorem à Christo auerterat, ex quo tanta pœnitundine affecta est, vt præ dolore & angore animi notabili modo inciperet emarcescere atque contabescere. Cui misericordiae parens B. Virgo significauit, vt apud Patrem è Soc. nostra si in aliquem alicubi incideret, animi suicuras deponeret. Aperuit hoc fœmina matri, quæ filiam ad Patrem misit, erant enim id temporis ibi aliquot è Societate, ad cuius prouoluta pedes fœlûsque confessa curatæque ad maritum redijt, sanctè iurata & testata nunquam se deinceps à Christo recessuram. Alij duo fidei desertores cum ad se redijssent & facinoris magnitudinem perpendifsent, sibi ipsi certas corporis afflictiones vel preces præscripsere, quoad sacerdoti nostro, si quem offenderent, satisfacerent. Alter enim coronas tres quotidie se coram B. V. lecturû sponondit & toto triennio nunquam inter misit. Alter fune lumbos constrinxit donec peccatis exsolueretur. Fœmina maritum precibus ab tridua na, seipsam aquâ sacris reliquijs tincta morbo liberauit.

In Chicungano regno nullus Patribus vbi hærent, relictus locus, per viatorum speciem subinde Christiani lustrati. Quos inter omnino tres ad lauream martyrij Yanagabæ sede regia adspirant; Sacai Torobioye Paulus, Moniubo Petrus, Xorzono Paulus, sexto & xx. Nouembris c10 100 xvii. interfecti.

Sacai Paullus aliorum institutor quos potuit Christianis sacris imbuat, è quibus eminebant Moniubo & Xorzono, quos modo nominaui eius sectæ, quæ militiam cum religione coniungit; Hi dæmonum cultores se pro militibus & Bonzijs gerebant. Capri & Bonziorum archisynagogo ad supplicium traditi sunt, quos ille è vinculis & vrbe cum magno præsidio, tumultu & tubarum strepitu eductos & intra labra cadorum constrictos lapidum imbre obruit sexto Cal. Decembris c10 100 xvii. Paulus paganis maioribus natus sub ætatis annum xx. Christum professus, uxorem Claram repudiavit, paganamque duxit, quam ad sua quoque sacra traxit, Maxentiâque dixit, quæ de officio admonita ab illo rursum diuertit, & piè sanctèque opera etiam ipsius Pauli decessit, tum & ipse se collegit cœpitq; mores & vitam emendare, quamquam à benefactis etiam cum malus esset, non destitit, nam & in sua

sua toparchia ædem sacram posuit, Christianos in eam coëgit, (quibus Pater quem secum habebat, sacra ministravit) benignè omnibus fecit, succurrit omnibus. Matrem prouecta ætate faminam & plurimis annis superstitionibus mordicus affixam tandem Christo genuit. Mulierem anam quæ quadragesimum supra centesimum, vt ferebatur, agebat, adeoque obtusis erat auribus, vt vix vllum sonum quantumuis vocalem admitteret; hanc iam Orco imminentem hac arte ad Christianas leges erudiuit. Arundinem auribus illius quam potuit proximè admouit, & per illam Christum edocuit, quem ipsa & agnoscere, quamuis vltima ætatis hora, & colere cœpit, ipsiusque baptismi caractere insigniri. Miseros & omni ope destitutos recto recepit, fouit, aluit. Patribus in re Christiana promouenda maximo subsidio fuit. Delatus demum de Christiana religione & comprehensus, arctissima custodia per sesqui annum fame, siti, frigore, omnibusque ærumnis confectus literas interim plurimas pietatis & religionis plenas ad familiares composuit, in quibus ad D. Pauli exemplum sub extremam clausulam semper adiecit, Paulus victus in Christo. Caput III. Nonas Martij cio dcc xlix. interfecti in maxima hominum corona Christianus magna cum veneratione sublatum, deosculatus est, sed ab licitoribus extortum & exoculatum est, quod Iaponij persuasum habeant oculos & cor martyrum venerationis causa Romam transmitti, reliquum corpus ab ministris iudicum mucronis experiundi in mille partes concisum.

Regnum Bungense in plures diuisum toparchas & præfides, quos Tonos appellant, qui nationem Christianam crudeliter exagitarunt, vt placerent regi quas fecissent tragœdias.

Fingi, firmo castro, iuuenis erat annos natus vnum & viginti Asotarosacu Petrus, Nangasacuij à Patribus à puero institutus, hic pulsus nostris, in nobilis pagani familiam adscitus & omnibus artibus ab hero ad dæmonum cultum frustra semper sollicitatus, capite reuulso obruncatus est.

Yetchudono Bugensis toparcha olim Christiani nominis & Societatis I E S V fautor singularis, iam domino Tenzæ seruit, tantus Christianorum hostis, quantus antea amicus, gentem nostram

acerrimè per omnem suam prouinciam persequitur. Ita factum ut multi pro Christo ijs in locis fortiter facerent, & occumberent; quos inter Cangayama Fauto Iacobus, equestri loco natus & tribunus militaris, cui non minus octingenti parebant. Huius opera quamuis magnopere Dominus vteretur, cum tamen in eo à Christo auertendo frustra laborasset; officio, stipendio, & recto exiit, & per diu singulari domicilio inclusum, & ab nostrate subinde illac transmittente confirmatum, tandem, resecta ceruice anno *CIO IOC XIX.* mense Octobri interemit, cum sub initium anni *CIO IOC XIX.* esset in custodiam coniectus Octingentis illis signa ipsius secutis proscriptis & in exilium eiectis.

Idem tyrannus quinto & vigesimo Febr. *CIO IOC XIX.* in principe ciuitate sua Cocura sex Christianos gladio obruncauit, quorum hæc nomina recensentur. Nacamura Guenxiqui Iustus, Cangayamæ affinis, cum filio Nacamura Gidayn Leone sedecenni adolescente, Onogorozayemon Simon cum filio suo vndecenni Paulo, Cuxifariyenyaman Thomas & Guba Matayayamon Iohannes. Octauo & xx. eiusdem mensis, septem rursus è nomine Christiano capita ademit, Kisai inquam Leoni, & Marthæ coniugi, Ximada Ioanni cum vxore Anna & bimulo filiolo, quem è complexu mater noluit dimittere, quod diceret secum eū ad amœnissima locorum & Elisios campos deducere velle. Huic Annæ fertur B. Virgo se videndam præbuisse, quæ illam ad mortem constanter perferendam hortata sit, adieceritque tempestatem illam persecutionum breui finiendam optatamque pacem secuturam, quod ipsa marito suo denunciauit. Secutus hos est Fucata Suquezayamon Petrus, quem vxor & propinqui valde ad defectionem sollicitarunt. Septimus fuit huius filiulus Marcus puer sexennis.

Eodem anno *CIO IOC XIX.* viii. Cal. sextiles idem tyrannus rursus duodecim heroibus capita decussit. Ytonaga Leoni qui ingentes in carcere sollicitationum vexationes pertulit, Miyabara Ioanni, qui & ipse mille aduersariorum technas & insidias elusit tam lætus & alacer in vinculis, uti stolidi pagani illum insanire dicerent, cum vel ipsi maximè furerent & insanirent; Toyaman Paulo, Ximaya Suquesto Leoni, Xeizayamon Didaco, Cusioye
Lucæ,

Luca, Cagiyoachim Gofioyo Ioanni, Ximaya Ychizuqui Paulo, Ximaya Ioannis germano, Leonis Suquezo filijs. Hi duo in diuturna custodia, omnibus machinis ab hostibus fidei necquicquam oppugnati v. r. Idus sextiles auulsis ceruicibus triumpharunt. Paulus natu maior Ioanni assidue salutis nomina Iesum & Mariam suggestit. Postremus fuit Cori Fari Romanus, Cori Fari Thomæ martyris filius & prætoris Yetchudono filij famulus, v. Cal. Martias in heri domo cæsus. Yetchudono alios duodecim in vrbe Nacathu è medio sustulit. Primi duo Cori Fari Michael, Cori Fari Romani frater, Thomæ filius, Cuba Fixacuzuchi Thomas Cubæ Matazayamon filius, qui sexto & xx. Febr. sunt trucidati, biduo post eandem palmam recisis capitibus retulerunt Cuzayaman Benedictus, Guiugij Didacus, & Miyanari Thomas. III. Nonas Martias. Tyrannus idem septem Christianos pedibus in cælum versis ad exemplum D. Petri in crucem egit. Ichizayamon Vincentium, Naiyamon Simonem Mixanaga Ioannem, (qui vices patris absentis in instituendis catechumenis, tironibus, neophytis, tingendisque infantibus expleuit) Miyanaga Paulum natu minorem, Kixaman Benedictum, Gentaro Paulum hospitem Patrum, qui ultro se ad mortem obrulit loco cognati infantis, quod diceret illum fari nondum posse, nec ad obiecta capita respondere. idem filios suos geminos peroptabat secum ad palmam trahere, quo nomine etiam absentes quæsiuit, sed vt patrem sequerentur illis permissum non est: agmen clausit Saymofara Yosai Stephanus. Plures eodem tempore ex nobilitate & officijs prætoris morte pro Christo præclara defuncti sunt.

In prouincijs Nangato & Suo de Societate Pater Christianos reuifendo ad constantiam excitauit, quod fuit pernecessarium. nam paulò post prouinciæ prætor capitis pæna sanxit, vt omnes deserta Christiana religione ad sua idola & paganas superstitiones redirent: nec segnius quàm edixerat, sententiam executus est. nam Fanguì metropoli prouinciæ statim quatuor nobilissimos agonistas viuos cremauit, Quimura Paulum, Fluandaya Thomam, cum vxore (neque

(neque enim fœminæ viris in hoc stadio vel segniore vel deteriores, sæpe etiam fortiores sunt) Clara, Guempo Vincentium, qui multis annis ecclesiæ Fanguienti deseruijt, & Patribus in propugnanda religione maximo subsidio fuit. His cum ad rogam ducerentur prælata tabula, quæ causam necis spectantibus hoc elogio ostendebat.

NANGATVS TONVS

HOS FLAMMIS ADDIXIT
QVOD CHRISTVM COLANT
ADESTE. SPECTATE.

CIneres in mare sparsi. Dum hi quatuor cæli candidati ad supplicium ducuntur, occurrit illis Maquimura Cuzayamon Sanchus nobili genere natus, qui multis annis in Nangati Toni officijs fuit, cumque Paulum salutasset, accipit ab illo coronam B. V. quàm illi Paulus libenter, tanquam pignus amoris exhibuit. Sed hoc palàm Sanchus sciens prudens fecit, vt suspicionem de se inconstantia vulgò conceptam dilueret, fluctuarat enim nonnihil antè, & conscientia postea urgente hoc illius sanandæ remedium inuenit. Delatus illico ad prætorem capitis damnatus, prius apud Patrem quem domi suæ habuit, peccata per confessionem expiauit, tum cultu corporis quem habebat splendidissimum indutus, tanquam ad solennia nuptiarum procederet, ad Christi de cruce pendentis effigiem in genua demissus Idib. Aprilis c 10 100 XIX. ferrum accepit.

Postridie ex cineribus Pauli nouus extitit phœnix: nam Guubara Cacuyaman Didacus ad eundem palum ad quem pridie Paulus & Vincentius religati & exusti fuerant, adstrictus flammisque, sed paullo remotioribus, vt torreretur potius quàm exureretur, circumfusus fortissimè supplicium exantlauit, & sempiternum in cælo sibi triumphum, apudque mortales gloriam peperit. Hic postridie quàm illi quatuor, quos iam dixi, essent cremati per medias

ad custodias ad martyres penetrauit, in genua procubuit, palamque se illis velut iam Diuis commendauit, Pauli faciem cum magna veneratione absterfit, hocque ad exuendam horum opinionem, qui illum ab religione defecisse sparserant, fecit. Illico ergo comprehensus, vinctus & exustus est, cineresque in altum dispersi. In Firoximana & Aquiana toparchijs, sicut & Bigensi, Farimana & Ana præfecturis neophytos Pater de Societate adiit.

In Farimana Bonzios, multorum auditorum doctor Christum Deum agnouit, & vsque ad extremum spiritum (quamuis ipsius sectatoribus omnibus modis, illum ad damnatas superstitiones suas retrahere conantibus) constantissimè professus coluit, & non sine magna spiritus consolatione defunctus est, identidem Dei clementiam laudans, qui se ante mortem cælestis veritatis lumine illustrarit.

Provinciam Cami quatuor Patres non sine ingenti & præsentis mortis periculo obierunt dignumque laborum & periculorum fructum retulerunt. Miacum P. Ioannes de S. Maria ex D. Francisci disciplina sanguine suo purpurauit & ornauit, qui xix. Cal. Septembris c10 100 x i x. gladio ceruicem præbuit. Ad cuius cadem vis ingens Christianorum accurrit, qui à corpore occisi (quod propè complexi sunt) nullis verberibus potuerunt auelli; proinde duo rectà in neruum ducti, quibus alij adiuncti sunt. Sacai nobili ciuitate inter Bonzios egregiè doctus simulque Varela præses per vxorem suam (quam paganam duxerat, sed postea Christiana disciplina eruditam & cælesti fide lustratam) ad Christiana sacra deductus est quod illius conuitia, irrisiones, & aduersus idololatriam disputationes perægrè ferret, sed cum aduersus stimulum conscientiae diutius calcitrare non posset, cum identidem illi conuix obiectaret, quod post tot annorum labores, tantamque operam studijs impensam, nondum veram salutis viam reperisset, quam ipsa per Christianam doctrinam, quam apprehendisset, tam citò didicisset.

Alterum cum se Christianis sociasset, pater bonis omnibus exuit, quod ipse non solum patienter, vt germanum Christi sectatorem decebat, tulit, sed paratum etiam si vsus esset, vitam pro

Christo ponere. Huic charitas Christianorum omnia, quæ ad vitæ vsum pertinebant, liberaliter subministravit.

Regnum Oxu, prouinciam Masamune & circumiecta loca duo Patres prope sine periculo peragrarunt; in quibus adultos octingentos Christo genuerunt. Populus est admodum pius & religiosus, pueri decennes, & capulares senes octoginta annorum statâ ecclesiæ ieiunia sanctissimè obseruant. In his regionibus duo quoque Bonzj synagogæ suæ principes ciuratis dijs suis, vnum Deum Christianorum colere ceperunt.

Pictor idola effigiare solitus, inuita sua thalami consorte ad nostra sacra transijt, quæ mox ipsa quoque cælesti viso edocta admisit, cum illi fæmina humana specie augustior per quietem oblata pronunciauit hæc verba, Deus Pater, Filius, & Spiritus sanctus Amen. Virum è catechesi nostra postridie domum redeuntem rogauit an hæc apud Christianos in vfu essent? ex cuius affirmatione & reliqua institutione, sententiâ mutata, sacro fonte tincta est.

Christianus alius pagani ædes nocturnis lemorum & spectrorum terroribus infestas delata Christi in cruce pendentis imagine repurgauit. Vicus excitato fortè incendio & vento latè propagato arserat; in quo restringendo cum in colæ frustra dominante flamma laborassent, duo Christiani in suorum tectorum fastigia suaserunt, illicóque magnis clamoribus ope potentissimæ mundi patronæ Virginis Deigenitricis implorata, domicilia sua sola salua & intacta vento repente auerso seruarunt; reliquo toto vico incineres relapso.

Ex Patribus alter ad extrema Iaponum Deua & Surgaru progressus Christianos ob fidem ibi exulantes cum magno illorum fructu & gaudio reuisit. Idem Pater in regnū Yezo quod Iaponiæ ad septentrionem est, septemque inde miliaribus abest, nauigauit, quo nemo Patrum vnquam antea aspirarat, nec procul inde alia est prouincia Iaponum regi, sed liberiore lege nec tam seruiliter subiecta, cuius vrbs Mathumai negotiatoribus frequentissima inter quos nonnullos Pater Christianos offendit, ex quibus didicit peninsulam esse, alterâque ex parte ad Scythas vsque seu Tartaros,

ros, vtest opinio, pertinere; institutorum ibi versari decemmil-
lia, populum solem & lunam, adorare, colore candido, bellico-
sum, ingenio minime obruso, carere idolis, Bonzijs, sacris, nec
in varias diuisum sectas, vt spes magna sit, vtilem apud hanc gen-
tem Christianæ legis sementem fieri posse. Atque hæc de septi-
mo & octauo decimo anno. Sequitur nonus decimus, cum vi-
gesimo.

EX LITERIS PATRIS MATTHÆI DEL COBO

Prouincialis Nangasackij 19. Octobris. Anno 1619.

*Ad P. Valerium de Ledesma Prouincia-
lem scriptis.*

Politicus Iaponiæ status opima nunc pace fruitur, sed Christia-
na religio iam aliquandiu vehementer exagitata est, & Miaci
immaniter adhuc affligitur, vt omnino mihi nascentis primùm,
Ecclesiæ faciem & exordia, quæ crudelitatis Imperatorum, quæ
constantia Christianorum Iaponum virtus referre videatur. Miaci
sexaginta in vinculus sunt, è quibus quinque aut sex cum sum-
ma animi æquitate Deo penitus deuoti & coniuncti in ipsa custo-
dia varijs æumnis extincti sunt. Nangasackij non vno in carcere
octo & viginti è religiosi viris custodiuntur. Omuræ è S. Domi-
nici quatuor, duo Societatis, vnus è S. Francisci familia cum de-
cem indigenis Christianis detinentur. è quibus tres vltimo suppli-
cio affecti sunt, Linus, Petrus, & Thomas. Linus, quod, cum
esset carceris præfectus & mente clàm Christum coleret, plus cap-
tiuis sanctis cibi admitteret, quàm lex ferret. Petrus quod eisdem
obsonia submitteret, Thomas quod illa deferret. Quibus impunitas
oblata est, si à Christo ad idola redirent. Sed incliti heroës oppe-
tere maluerunt, quàm datam Christo fidem fallere.

Idem pater Matthæus x. Nouembris cto i c x i x in hæc
verba scribit: Pridie Nonas Octobris vrbs Miacum ex Iaponicis
potentissima, nobilissimū celo munus, quale nunquā antea vide-
rat, transmisit. Quinquaginta Christo initiatos, quod Dominū De-
umque nostrū adorarent, lentis ignibus coctos, victimas celo conse-

eravit. Ante hac renunciatum est non paucos Miaci ē Christianis, quod nollent genua curuare ante Baal in neruum datos, ē quibus nouem ē viaculis carceris & corporis expediti in cælum euolarunt, quod ærumnis & vexationibus carceris sustinendis voluntate quidem, sed non æquē viribus pares essent, cū interim se beatos prædicarent, qui morte spe melioris vitæ defungebantur.

Cū Iaponum Imperator Duirium, quæ totius Iaponis caput & sedes regia est, esset ingressus, nunciatum est illi de Christianis qui passim in custodijs vrbs seruabantur. Is Christi & omnis Christiani nominis capitalis hostis omnes lentis ignibus torreret & cremari iussit. Itaque in foro publico ad fanum idoli Daibu, ingentem molem singulari artificio spectabilem, propter labentem aquam sex & viginti palos humi defixit. Pridie Nonas Octobris ē viaculis sacratum agmen eductum, in quo tenerrimæ virgunculæ, infantes ab vberibus matrum pendentes spectabantur, quorum nulla vel ratio vel miseratio habebatur, tanta tyranni erat sauitia & immanitas. Incessere per principes vrbs regiones & vias, præfato elogio quod Christum colerent, & eo nomine flammis sensim vstulandi & exurendi essent. Omnes tanquam cæli candidati candida veste exornati procedebant, animo tam alacri, tam læta exporrectaque fronte & gestu, vt vis diuina quæ animos omnium occuparat, in oculos vultum, & totum corpus redundaret. Nec qui fortissimos heroas dictis firmaret opuserat, ipsi se mutuò ad constantiam fortitudinem & patientiam hortabantur, & notis, si qui se in vijs obrulisset vltimum, gratulabundi salutabant, publicè simul aperteque testati, se non nisi quod Christiano nomine gloriarentur ad supplicium proficisci. Vbi ad locum supplicij ventum est, magis magisque se martyres animo efferri senserunt, tanto promptiores ad necem perferendam, quo propius à meta & cælo se abesse videbant. Ad singulos palos bini sunt religati, & matres cum ipsis infantibus quos in vlnis gestabant. Ad fuere inter alios Christianos & spectatores etiam nonnulli quos Doxicos appellant, qui nostris in promulgando Euangelio bonam operam præstabant, hi vt morituros solarentur, accesserant, quos tamen ipsi qui cum flammis & morte luctabantur ob insignem animi fortitudi-

titudinem & alacritatem, potius solabantur & firmabant. Magna pars vultu & capite in cælum erecto, quo toto animo tendebant extincti sunt, eoque habitu corporis post mortem reperti. Demum omnes constantissimè extremū supplicium sustinuerunt, rectāque cælum animis adierunt. Corpora aliquot diebus à custodibus assiduis excubationibus seruata, è quibus tamen aliquid lipsanorum per religiosos viros qui haud pauci id temporis Miaci fuere, surreptum est.

P. Matthæus Cobus de Societate Iesû provinciae præfectus ut supra monui, ingens Christianæ gentis apud Iaponas columna est, cui Pont. Max. per literas demandauit, ut Episcopi vices, ubi is desideraretur ageret, quam potestatem reliquis etiam prouinciærum ijs in locis præsidibus fecit. Nam quamuis recens creatus episcopus Didacus Valens de Societate nostra ad Iaponas appulisset, coactus est tamen Mazanico P. Matos procuratore hæere, ne aduentu suo promulgato grauius in Christianos incendium exardesceret. Reliqui Sociorum per omnem Indiam interim sparsi, expectant dum tempestas Iaponica sedetur, quod nullus ad eos aditus iam pateat.

Carolus Spinola Societatis Iesû presbyter de quo supra meminimus, adhuc est in custodia & quotidie lauream cælestem ex martyrio expectat. Scripsit is ad Sociorum præsidem in Insulis Philippinis in hanc sententiam:

Dei nutu factum est, ut ego & Ambrosius Fernandescius mihi adiunctus comes & laborum socius cum Dominico Georgio Lusitano apud quem diuersati sumus, illa nocte quæ S. Lucie diem festum insecuta est caperemur. Apparitores qui nos vinxerunt, ostenderant, se nos per mare in Manilam deportaturos, quod me non nulla affecit tristitia, cum Iaponas, apud quos mihi vitam ponere multis iam annis in votis erat deferendos putarem. Sed altera ex parte rursus, consolabatur voluntas diuinæ prouidentiae, quam in me perfici sentiebam. Sed longè diuerso itinere ducti sumus, Nangasaquo enim huc Omuram cum duobus S. Domini Sodalibus & tribus Iaponibus indigenis famulis nostris in carceres tracti sumus, vbiam PP. Thomam Dominicanum & Apol-

linarem Franciscanum cum sex indigenis in vinculis reperimus. Nangasaquij restrictis manibus & restibus collo iniectis per aliquot vrbis vias tamquā infames circumducti ac tandem in naues impositi sumus. Ad quod spectaculum tota ciuitas concurrat & abeuntes multis lachrimis & lamentis tanquam publico funere efferremur, profecuta est.

In carcere hic omnes perinde ac si vnus essemus familiæ & ordinis summa concordia viuimus. Et quamuis neque graues vexationes, neque multæ cruces desint, quod loco perincommododegamus, & custodes submissa ab alijs vitæ subsidia persæpe non admittant, nec plus porrigant quàm ad sustinendam duntaxat vitam, ne ante mortem moriamur, necesse est. Nihilominus tamen subinde diuina puouidentia & benignitas ita nobis per aliorum pietatem succurrit, vt etiam lautius quàm optare possumus, viuamus. Sed præ cæteris nobis & vincula & reliquas omnes acerbitates mitigat lenitque conscientia nostra, dum recogitamus nobiscum quod religionis & Christi causâ hæc sustineamus & finem optatissimum speremus. Et quamuis non immeritò mihi vel propter innumeras noxas meas vel quòd segnius in excolenda Domini vinea versatus sim, vel denique quod tantis tam liberalibus & effusis in me Dei beneficijs ingratus non responderim, magno opere timendum sit, ne velut inutile nulliusque vsus mancipium à Domino reijciar, miris tamē modis solatur me, quod dum ipsius Dei causam ago & hominum salutem procurare studeo, vincus sim & in carcere degam, quod ego inter summa Dei beneficia numero. Proinde cum in tantis coronis & præmijs impertiendis diuina Maiestas non semper ad hominum promerita attendat, spem ingentem concipio fore, vt me quoque, quamuis postremissimum & vltimum seruorum, sicut alios pios sanctosque religiosos Deo gratiores meque longè digniores, respiciat. Per infinitam ergo dulcissimamque Dei misericordiam R^m V. etiam atque etiā rogo percórque vti me cū debitas Deo gratias persoluat, quod dignus habitus sim pro nomine Iesu contumeliam pati & saluari hostia pro

melitet, vt in hoc martyrij tirocinio proficiam & dignam Christia-
no nomine professionem edam. Omura in vinculis V. Martij
CIC 10C XIX.

R^x V^x Seruus.

Carolus victus in Christo.

Atque hæc Carolus Spinola, qui longè maiori sibi honori
vincula duxit, quàm torquati proceres solent monilia sua, quibus
ceruices onerant & in pectus demittunt.

Dominicus Georgius adulto anno 1619. Quod Christi præco-
nes recto recepisset, per flammæ Deo holocaustum oblatus est,
cum quo idem supplicium cum alijs quatuor subijs Nansaquij Le-
onardus domesticus è Societate nostra adiutor indigena, qui ter-
tium annum in custodia omnia vltima pertulit, & patientiam no-
bili coronide conclusit, secundum quos alij, xj. Iaponij securi
perculsi.

Anno demum CIC 10C XX, mense Ianuario Ambrosius Fer-
nandesius socius & comes P. Caroli Spinolæ in vinculis fame, fri-
gore, alijsque sexcentis ærumnis exhaustus & confectus obiit.

& hac quoque via ad martyrij coronam haud dubiè per-
uenit. Deus Opt. Max. his Iaponum no-
ualibus, sedatis tempestatibus, pro
infinita sua clementia pa-
cem largiatur.

Cata-

Catalogus

MARTYRVM IAPONENSIVM

qui ab anno duodecimo supra millesimum sexcentesimo usque ad XX. pro Christo passi sunt.

Leo Cayemón O'Zacæ capite plexus anno millesimo sexcentesimo duodecimo septima die Augusti.

Leo Quita capite similiter plexus Arimæ millesimo sexcentesimo duodecimo 22. die Augusti.

Bonaventura truncatur capite Mini millesimo sexcentesimo duodecimo.

Michael Sódai & Matthias Yoichi in Arié, idem capitis supplicium perpeffi sunt, vigesimo sexto Iulij millesimi sexcentessimi duodecimi.

Arimæ vigesimo octavo Ianuarij, millesimi sexcentessimi decimi tertij, Thomas Feibioye eius frater Matthias Xocuró, cum Martha matre, Iusto & Iacobo Thomæ filijs plectuntur capite.

In Yendo decimo sexto Augusti eiusdem anni millesimi sexcentessimi decimi tertij, plectuntur capite Michael Sasánda, Ioannes Monién, Ludouicus Canda, Vincentius Tenáye, Ioachimus Fachiquán, Antonius Dáicu, Leo, Thomas Quiubióye. Apollinaris vero in carcere obijt.

Ibidem Marcus Quenzaimón, Simon Ficozaimón, Thomas Quiyemón, Ioachimus Quenzaimón, Antonius Fauzanburó, Iacobus Faizó, Leo Sacunái, Ioannes Toxiró, Marcus Cacosuqué, Ioachimus Quensuque, Michael Yasó, Matthias Xingoró, Damianus Mosuqué, Didacus Xaxiró omnes oblatis pro Christo cervicibus coronantur decimo septimo Augusti anno millesimo sexcentesimo tertiodécimo.

Ioannes Mibócu, Gregorius Doxínxa, Paulus Mangobióye, Gregorius Gofióye, septimo Septembris anni millesimi sexcentessimi decimi tertij ibid. abscissis cervicibus triumpharunt.

Arimæ Leo Suqueyemón, Martha eius vxor, Magdalena filia, & Iacobus frater, Adrianus Mondo & Ioanna eius vxor, Leo Canyemon

yemón & eius filius Paulus viui flammis exuruntur septimo Octob-
millesimi sexcentefimi tertij decimi.

In Oríqui Arimensi Pago Thomas Ecclesiæ custos capite ple-
xusest, anno millesimo sexcentefimo decimo tertio vigesimo
nono Octobris.

Ioachimus Xindén & Thomas triduo in equuleo suspensi tan-
dem capitis abscissione martyrium consummarunt Facatæ anno
tertiodecimo supra millesimum sexcentefimum decima quinta
die Martij.

Matthias Xichirobocóye, plectitur capite Aquizúquij 15. die
Martij anno millesimo sexcentefimo decimo quarto.

Benedictus intra saccum stramineū præfocatus Búngi marty-
rij cursum conficit sexto Aprilis eiusdem anni.

Ludouicus Míue ceruicibus amputatis Fucafóri coronatur vi-
gesimo nono Maij anno decimo quarto

Adamus glorioso martyrij certamine post varios conflictus,
cæsa ad extremum pro Christo ceruice triumphat Xiquij die quin-
ta Iunij millesimo sexcentefimo decimo quarto.

Michael Xobióye & Linus Tarosaimón, viui comburuntur
decimo tertio Iunij millesimo sexcentefimo decimo quarto, Ma-
xentia verò Michaelis vxor abscisso prius capite igni traditur.

Arimæ variè excruciatii tandem datis ceruicibus agonem com-
plent, eodem anno decimo quarto primo & vigesimo Nouembris
Michael Nixi, Ludouicus Mazuxíma, Thomas Dómi, Adrianus
Ockomúra, Ioannes Nacamúra, Dominicus Adáchi, Michael
Acafoxi, Andreas Iinxiró, Dominicus Yaxángui, Dominicus
Mazudáque, Adrianus Súnga, Martinus Tacayá, Petrus Goró, Lu-
douicus Gotó Michael Guiyemon. Adrianus Quído Ariyé & Tho-
mas Cacunáy in Sucáua Arimensi pago vigesimo ac secundo No-
uembris millesimi sexcentefimi decimi quarti martyrio coronan-
tur.

In portu Cuchiúótru variè exagitati partim sola tormentorum
acerbitate, partim capitis abscissione agonem consummarunt, vi-
gesimo secundo Nouembris sexcentefimi decimi quarti. Petrus
Faximóto, Paulus Rioyéi Thomas Chaúri, Ludouicus Fisazúmi

Dominicus Xagámi, Matthæus Aráqui, Thomas Nangauó, Dominicus Nangauó, Petrus Ikiunda, Michael Ikiunda Michael Caray, Matthias Neúda, Matthæus Fucúxima, Petrus Coráy, Soter Cundó, Michael Cobayáxi, Ioannes Naraia, Thomas Caye.

Georgius Acafóxi Thomas Teramáchi, Petrus Cauáxima, Thomas Firáy vigesimo tertio Nouembris sexcentesimo quarti decimi varijs cruciatibus martyres effecti.

Fr. Nicolaus Ordinis S. Augustini natione Iapon viuus in ignem coniectus martyrium in Moscouia est affecutus, anno decimo quarto supra millesimum sexcentesium.

Ioannes Fayemón, Saluator Fachiró Obáma tormentorum atrocitate gloriosè defuncti vltimo Nouembris sexcentesimo decimi quarti.

Ioannes Fiozaimón eiúsque socius cuius nomen ignoramus Fuximi, Paulus Yafudayu Fingi amputatis ceruicibus pro Christo decertarunt, vigesimo quinto Ianuarij sexcentesimo, quarto decimo.

Paulus Tarosúque in regno Figen gladio occubuit 25. Octobris anno 1616.

P. Ioannes Baptista Machado Societis Iesu & P. F. Petrus ab Ascensione ordinis S. Francisci, iussu Omuræ Dynasta obtruncati 22. Maij. Anno 1617.

P. F. Apollinaris religiosorū S. Francisci qui in Iaponia degunt Commissarius, & P. F. Thomas à S. Spiritu & S. Dominici Familia eiúsdem Dynastæ iussu gladij perempti. Circa idem tempus. Paulus Yafudayu in regno Fingo 29. Ianuarij anno 1615. In partes pro fide Christi fissus & diuisus.

Martinus Suquibeto in regno Chicungo fidem morte testatur amputatis ceruicibus 19. Nouembris. 1616.

Romanus in regno Bugensi pro Christo obtruncatus 21. Martij. 1616.

Dominicus Catzo Firoximæ in Crucem actus. 1616.

Ioannes Fiozayemon Fuximi pio fide gladio mortem oppetit. 26. December.

Ioñes Daiu, Petrus Sufusúque seu Cacusúq; tormentorū cruciatibus

MART: IAPONENSIVM.

115

tibus immoriuntur Surungæ, ille 1. hic 2. Nouembres 1614.
Leprofi sex in Yegiri vico pro fide ibidem in regno Surungæ ob-
truncantur 1616.

Simon Neophytus in Yendo martyrio afficitur.

Quintaro Ludouicus 26 Iulij 1617.

Iamaguchi Consuquius 4. Neuemb. Omuræ. | Pater & Filius

Xorius Thomas 4. Nouembris 1617.

Thomonaga Girobioye Linus 4. Nouembris 1617. Omuræ.

Yeyri Miyemon Ioannes 25. Decembris 1617. Omuræ.

P. Franciscus Moralius. |

P. Alphonsus Mena. | Dominicani.

P. Carolus Spinola adhuc in carcere è Soc. Iesu.

Ambrosius Fernandus | è Societe Iesu mense Ian. 1620.
Omuræ.

Dominicus Hergius Lusitanus.

Morayanus Tochuan Andreas Ioannis Antonij prætoris | Omuræ

Nangasaquiensis defuncti filius.

Cotheda Thomas vir clarissimis natalibus ortus.

Sacai Torobioye Paulus | In Chicumgano regno, sede Iana-

Moniubo Petrus | gabæ 26. Nouemb. 1617. lapidibus

Xorzone Paulus | obruti.

Afotarofacu Petrus in Fingi castro capite plexus.

Congayama Faito Iacobus eques nobilis & tribunus militaris in
Bugenfi regno obtruncatus 1619. mese Octobri.

Nacamura Guenxiqui Iustus Cangayamæ affinis cum filio Naca-
muro Gidayn Leone sedecenni adolescente Cocuræ, 1618. 26
Febr.

Onogorozayenon Simon cum Paulo filio undecenni eodem lo-
co, die & anno.

Cocuræ 1618 25 Febr.

Cuxifarienyaman Thomas & Cuba Matamayamon Ioannes.
ibidem eodem die & anno.

Kisai Leo, Martha Leonis coniunx, Ximada Ioannes cum Anna
vxore & bimulo filio. 28. Febr. 1618. capite puniti.

Fucata Suquezayamon Petrus cum filio Marco sexenni puero ibi-
dem 25. Iulij 1618.

Ytonaga Leo, Migabara Ioanes, Toyaman Paulus, Ximaya Su-
questo Leo, Xeizayamon Didacus, Cufioye Lucas, Cagiyochim
Gofioye Ioannes.

Ximaya Yxizuqui Paulus Ioannis Ximayæ frater, Leonis Su-
quezo filij, 7. Augusti 1618.

Cori Fari Romanus, Cori Fari Thomæ Martyris filius 23 Febr. 1618.

Eod. año 26. Febr. vrbe Nacathu ab Yetchudono tyrāno interfecti.

Cori Fari Michaël, Romani frater, Thomæ filius.

Cuba Fixacuzuchi Thomas Cubæ Matazayamon filius.

Ibid. 28 Febr. 1618.

Cuzayaman Benedictus, Guingij Didacus gladio cæsi.

Ibid. 4. Martij Miyanari Thomas ferro obruncatus.

Eod. tempore in crucem acti ad exemplum D. Petri Apostoli Ichizayamon Vincentius, Naiyamo Simon, Mixanga Ioannes, Miyanaga Paulus, Kixaman Benedictus, Gentaro Paulus, Sagmosara Yosai Stephanus.

In Prouincijs Nangato & Suo quatuor flammis exusti.

Quimura Paulus, Fluandaya Thomas cum vxore Clara, Guempo Vicentius, quorum cineres in mare sparsi. 1618. 13. April. Maquinura Cuzayamon Sanchus eques nobilis gladio occubuit 13. Aprilis 1618.

Gnubara Cacyaman Didacus flammis tostus & exustus 14. Aprilis 1618.

Maci P. Ioannes de S. Maria affectus est Martyrio 14 Augusti, 1618.

Erat è S. Francisci contubernio;

Linus, Petrus, Thomas, Omuræ interfecti anno 1619.

Quinquaginta martyres Miacenses lentis ignibus tosti 1619. x. Nouembris.

Alij nouem è carcere ærumnis confecti in cælum liberi evolarunt. Duiij, quæ metropolis est Iaponiæ 6. Octobris sex & viginti lento igni in tormento absumti sunt, inter quos infantes etiam è sinu & vbere matris avulsi, & in rogam coniecti, quorum nomina nondum expressa interim in librum vitæ sunt relata.

Dominicus Georgius, cum alijs quatuor

Leonardus domesticus è Societate adiutor

Nangasaquij 1619.

De his ex Auctario descriptis plura in dies & certiora expectamus.

Cata-

Catalogus

DOMORVM AC RESIDENTIA-

*rum Societatis Iesu, quibus hac persecutione sauien-
te Patres coacti sunt cedere.*

Hic numerus est illarum Ecclesiarum in quibus Patres sedem
ac domicilium fixum habebant, prætermisiss alijs innumeris
locis, quos in pagis habebant & assidua sollicitudine curabant.
Siverò domicilia seu residentias quas in alijs persecutionibus re-
linquere aut mutare coacti sunt, reconseamus, quadraginta pro-
pe numerantur ultra prædicta.

Sub Rectore Miacensi.

Miaci regni Vamaxirú Residentia Reſtoris.

Fuximi in eodem regno.

In Camigió eiusdem regni.

O záca regni Tunocúni.

Sacái eiusdem regni.

Canazéua regni Cánga-

Firóximæ regni Aſqui.

Surúnga regni Surunga.

Sub alio superiore Bungí.

Tacátæ Regni Bungí Residentia Maior.

Xingua eiusdem regni.

In Nórtzu eiusd. regni.

Item Sub alio Facatæ.

Cócura regni Biyen residentia maior.

In Nacátzu eiusdem regni.

In Facatá regni Chicugi residentia maior.

Aquisuqui eiusdem regni. Et postea Amanguj,

Yanadáua in regno Chicugó.

In Curumé eiusdem regni,

Tet 3

Sub

Sub Rectore Arimensi.

Arimæ Collegium cum seminario.
 In Arié ditionis Arimensis.
 Ximambáre eiusdem ditionis.
 Canayáma eiusdem ditionis.
 In Saégo eiusdem ditionis.
 Chinguiuæ in eadem ditione.
 Cauzusa in eadem ditione.
 In Cuchinotzu eiusdem ditionis.
 Xiquij regni Fingo.
 Conzuræ eiusd. regni.
 Amaculæ in eod. regno.

Sub Rectore Nangasaquiensi.

Nangasaquij, vrbs est regni Figen, Collegium.
 Ibidem residentia dicta á Misericordia.
 In eadem vrbe Hospitale S. Iacobi ubi nostri residebant.
 In ead. domus probationis dicta omnium sanctorum.
 Vracáni regni Figen.
 Moqui in eod. regno.
 Fucaforti eiusd. regni.
 Ysafáy eiusd. regni.
 Fundoyámæ eiusd.
 In Tone eiusd. regni.

Aliorum porro Ordinum Religiosi suis etiam sedibus pulsi sunt.
 S. quidem Francisci, Nangasaquio, Ozaca, Fuximi, Yéndo,
 Quayáma, Sacai.
 Patres familiæ S. Dominici ex Fungitzu, Nangasáquio, & duabus præterea quas in pagis Regni Figen fixerant.
 S. Augustini denique, Nangasaquio & Vsúquio regni Bungi & Fiunga.

F I N I S.

NOS FERDINANDVS II. Dei gratiâ electus
Romanorum Imperator, &c. renouamus, ex-
tendimus, & damus Raphaëli Sadeler hoc priuile-
gium ex Cæsareâ potestate, ne quisquam intra
decennium illorum imagines antehac seu maiore
seu minore formâ æri incisas & excusas, seu libris
etiam insertas, seu posthac ab ipso & filijs eius in-
cidendas & edendas, quacunque formâ imitan-
do, seu æri incidendo, seu ligneis typis inscriben-
do, seu quomodocunq; adumbrando, vel è libris
eius petendo, vel vnâ cum libris, quâ totis, quâ di-
uisis, vel alijs operibus permiscendo imprimat,
edat, vel excudat sub interminatione indignationis
nostræ Cæsareæ Majestatis & poenâ duodecim
pondo puri puti auri, partim in fiscum Cæsaris re-
digendi, partim ipsi Sadelero & filijs eius sine vllâ
remissione soluendi, operisque totius simul amit-
tendi.

Ferdinandus.





2018-B3L2

5218

DB-00218

